

Deuxu Rybe
Tyyriti



New Testament in Karajá (BR:kpj:Karajá)

Deuxu Rybe Tyyriti

New Testament in Karajá (BR:kpj:Karajá)

copyright © 2011 Wycliffe Bible Translators, Inc.

Language: Karajá

Translation by: Wycliffe Bible Translators, Inc.

Karajá [kpj], Brazil

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Karajá

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 11 Nov 2022 from source files dated 29 Jan 2022
55ce0bcd-101e-52a3-984e-847027efe150

Contents

MATEU	1
MARKU	51
LUKA	77
JOAÕ	122
AÕHEBO ROTYÏNYRE	156
ROMA-Õ	204
1 ORITXI-Õ	225
2 ORITXI-Õ	243
ALATXIA-Õ	256
EFESU-Õ	263
FILIPÌ-Õ	270
ÒLÒSÒ-Õ	275
1 TESALONIA-Õ	279
2 TESALONIA-Õ	283
1 TXIMÒTXI-Õ	286
2 TXIMÒTXI-Õ	292
TXITU-Õ	296
FILEMO-Õ	299
HEBREU-Õ	300
Txiau	315
1 PEDRO	320
2 PEDRO	326
1 JUAÕ	329
2 JUAÕ	334
3 JUAÕ	335
JUDAS	336
APOCALIPSE	338

Mateu **Deuxu Rybe Wihikỹ Tỹmyra, Mateu Tyyritidỹđu**

¹ Kaheka Jesuisi Kristu labiehekỹ rare. Juhuu tahe Abraõ heka Davi labiehekỹ rare. Iribi tahe Davi heka Jesuisi Kristu labiehekỹ rare.

² Ibutumy ilabiebohonimy arelyykre. Juhuu tybynimy arelyykre idi iriõrenimy: Abraõ, Ijai, Ijaõ, ³ Juda, Peresi, (Peresi seriõre tahe Zera inire. Isereny tahe Tamara inire.) Esraõ, ⁴ Araõ, Aminadabe, Nasaõ, Salmaõ, ⁵ Boasi, (Raabe, Boasise rare.) Obede, Rute, Ijese, Kie.

⁶ Davi hãwyy heka Uria hãwyy juhuu raremyhỹ. Iribi Davi-wana roire. Salomaõ iriõre rare. Tii heka Roaboã tyby rare. ⁷ Idi Abia reare. ⁸ Idi Asa, Josafa, Joraõ, ⁹ Uzia, Jõtaõ, Aka, Ezekia, ¹⁰ Ezekia, Manase, Amo, ¹¹ Josia, Jekonia, taseriõre-wana.

¹² Babilonia-ribi rohonyreu tahe tiiboho reare, Jekonia riõre wahe: Salatieli (Tii Babilonia-ki reare.) Zorobabe, ¹³ Abiude, Eliaki, Azo, ¹⁴ Sadõki, Aki, Eliude, ¹⁵ Eliaza, Matỹ, Ijaõ, ¹⁶ Ijaõ tahe Jyje tyby rare, Jyje tahe Marie hãbu. Jesuisi tahe Kristu Deuxu deõdỹđna rare.

¹⁷ Kia labiehekỹ sõwe tahe 14my rare, Abraõ-ribi Davi-õ wahe. Tule labieboho 14my rasõwerenyre Davi-ribi Babilonia hãwã-õ ridyreny ixideewimy aõkõ ròte-õ. Ixyby 14my rasõwerenyre. Iribi tahe Jesuisi reare.

¹⁸ Kawese heka Jesuisi Kristu reare. Juhuu Marie Jyje-wana roikremy rare. Tii ijadõmaule tahe Deuxu Tyytybytyhy ribõtõnyre. ¹⁹ Jyje hãbu õbiti rare. Tai tahe riixãwididỹđnykemy rõhõtynyre. Kia õmo-õ rarybeõlere tuu. ²⁰ Kiau ýju tamy rarybere tarasina-ki: —Jyje, Davi riõre riõre. Ahãwyy, Marie, biteõnyõke. Tuu bexihãwyyntyre. Iriõre dori Deuxu Tyytybytyhy riõre rare. ²¹ Jesuisimy raninykre. Kiani tahe irybereny rare: tarasadu. Ibutumy iny dori iõraruna-ribi ritakre.

²² Iwese Deuxu rybe ihetxiu rarybere wese tahe tii wiji riwinyre. Kia wese ihetxiu rybe rare:

²³ —Ijadõma rabõtõnykre. Iriõreni heka Emanueli rarekre.

Kiani tahe irybe-ki kia rare:

Deuxu iny-wana ratxireri.

²⁴ Iribi tahe Jyje dexixade tarasina-ribi. Iwese Inynyrỹreny tuu tamy rarybere wesemy heka tii riwinyre. Tii-wana ratxiõre. Tii aõhe risỹnyõre.

²⁵ Uladu reare xiery tii aõhe rira. Tamy niõ riwahinyre, Jesuisi wahe.

2

¹ Belẽ hãwã-ki Jesuisi reare, Judeia bedeki wahe. Iõlõ Herodi iõlõmy raremyhỹ. Iu reareu, Hãbu Erytyhy mahãdu taina tỹmyramy robirenyre. Tai tahe iõlõ mahãduõ doidenyde biura-ribi Jerusalẽ hãwã-õ. ² Tiiboho rỹřraxirenyre: —Iule judeu mahãdu iõlõ aõbo kaki reare. Jiarỹboho itainamy rabirenyre tahe nadoidenyde riwowydynyrenykemy. Kaiboho teerytenyde aõbo titxibo ratxireri?

³ Tahe inyõ Herodiko relyyreny. Herodi kia roholareu sõwemy riõtiinyre. Tule ibutumy Jerusalẽ hãwã mahãdu riõtiinyreny. ⁴ Tahe Herodi ibutumy dinodu mahãdu ributumy: Xiwena wahidỹđdu dinodu, bede ywina tyyriti erydu mahãdu tule. Tahe tamyreny rỹřraxire: —Titxibo Kristu reakemy timybo tyyriti-ki ròritidỹđmy roire? ⁵ Tiiboho

tamy rarybere: —Judeia bede-ki, Belē hāwā-ki wahe. Kia tahe ihetxiu rybedu riritinyre.

⁶ —Kai Belē hāwā mahādu. Judeia bede hāwāō. Kai hāwā yja iny rōhōtinyre. Tahe inatyhy aōkō rare. Kai hāwā nihikỹre. Aribi dori dinoduō rōhōnykre. Wamahādu iōlōmy ronykre. Idinodumy rarekre, judeu mahādu dinodu wahe.

⁷ Tahe Herodi heka biura mahādu ributunyre ibutumy iny-ribi wasimy. Tamy rỹraxyre: —Tiutxubo taina rōhōnyre? Tahe rirawyōnyre.

⁸ Tamyreny rarybere: —Kaiboho boibenyke Belē hāwā-ō. Idi tahe uladu-ki mahabenykre. Iu wadee manarybebedenykre. Jiarỹ tule tamy arakre ariwowydynykremy. ⁹ Biura Hābu Erytyhy mahādu roholarenyre. Tahe roirenyre. Ryki ixityre tainamy robirenyre. Uladu tyrehekỹle ritoosōnyre. ¹⁰ Iu tahe sōwemy reysarenyre. ¹¹ Heto-ō rehemynyre. Tahe ralorenyre. Uladu rare Marie-wana. Tahe tatiowotimy reserenyre riwowydynykemy. Isarenyre riraynyre tamy riwahinykremy: womati tỹrỹrỹhỹkỹ, hee aderōna, aderōnatyhy wana. ¹² Idi tahe Biura Hābu Erytyhy mahādu rarasyre. Deuxu tamy rarybere: —Kaiboho Herodi-ō bōōsebenyōke. Tai tahe rywitzira-di tasubedereny-ō rōōserenyde.

¹³ Biura mahādu tahe rōireny rahudi tahe Inynyrỹ ŷju nade Jyje-ō rybemy, irasina-ki tamy rarybere: —Ariōre, ise-wana bidyke Egito bede-ō. Herodi dori uladu rubudỹmy ratxireri. Adee tiu ararybekreule kaō bōdōōseke. ¹⁴ Tai Jyjeboho rummy rahenyrenyre Egito bede-ō. ¹⁵ Herodi rubusỹtybymy tahe dōōsedenyde. Tii riwinyre iwese ihetxiu tyryiti rarybere wese, Deuxu rybedu rybe wahe: —Wariōre Egito bede-ribi nadidyde.

¹⁶ Herodi reburere. Biura Hābu Erytyhy mahādu dori tii riitxenanyre. Tai ibutumy uladu rirubunyre Belē hāwā-ki, tule ijō iōhō hāwā-ki. Ibutumy howỹtōdu rirubunyre inataō beōra ijōdikeki tahe rirubunyōre. Tai Jesuisi rirubunykeny risỹnyre, iwese tii rareu Biura Hābu Erytyhy mahādu tamy rarybere. ¹⁷ Kiamy ta rỹire iwese Deuxu rybedu rarybere wese, Jeremia wahe:

¹⁸ —Rama hāwā-ribi ibru-ō iny roholamyhỹre. Rakeli rare. Tii robumyhỹre. Ibutumy iriōre ituere. Tai robumyhỹre. Inyō riteysanyōtyhy iriōre rurureki.

¹⁹ Herodi tahe rurure, Inynyrỹ ŷju heka Jyje rasina-ki tamy nade. ²⁰ Tamy rarybere: —Bōōsebenyke judeu bede-ō. Uladu ise-wana bidyke. Kia rirubunykeny risỹnymyhỹré tahe, rurure.

²¹ Tahe Jyjeboho rōirenyre judeu bede-ō. ²² Akelau tahe Herodi riōre ronyre iōlōmy, tyby derōwymy. Tai kowa-ō Jyje rōirenyōre sỹmy. Rasina-ki rybeō rieryre Kalileia-ō rōirenykeny. Tai tahe rōirenyre kowa-ō. ²³ Nazare hāwā-ki rasỹnyrenyre. Kia tahe riwinyre iwese Inynyrỹ rybedu ihetxiu rarybere wese: —Nazare ludu tii rarekre.

3

¹ Kiau Judeia bederahy-ki Joaō Sebedỹdu heka iny-ō rarybemyhỹre:

² —Deuxu iōlōna bededỹynana iōhōmy ratxireri. Aōraruna-ribi bi-ixāwibenyke, bexirāhike! ³ Joaōmy heka Isaia ihetxiu riritinyre kawese:

Inyō bederahy-ki ryryreri: —Inynyrỹ dee ryōbiti biwinyke. Biwinyke ryō tamy kanakemy. ⁴ Joaō kamelo radetyy ityy rare. Irōdutyy iwereysanare. Seihikỹle bidi-wana irỹsỹna rare. ⁵ Ibutumy

iny tamy ròirenyre irybe-ò roholakemy iòhò hāwā-ribi, Jerusalē, Judeia, Jordaō bero-ribi wahe. ⁶ Tamy òrarunamy relyyrenyrene rabadewomy tamy relyyrenyrene. Tai tahe Joaō heka bero Jordaō-ki tii riratysebenyrene. ⁷ Fariseu mahādu, saduseu mahādu doide tamy riratysebenyrenyrene. Kiau Joaō tamyreny rarybere: —Hemylala mahādu! Deuxu aōhōkỹmydỹnana-ribi mahenybenyōtyhy. Aōhe inatyhy? ⁸ Juhuu aōwiihikỹ widỹna biwinybeny. Tai tahe iny rierykre kaiboho aòraru-ribi inatyhymy texihutenyete. ⁹ Fariseu mahādu, kaiboho tahōtinytenyete: Abraō heka inylabiehekyreny rare. Rikirāhīōtyhy. Deuxu-ò kia aō aōkō rare. Tamy wikeki mana-ribi Deuxu heka Abraō riòkòreō riwinykre. ¹⁰ Woma tahe òwòru-ribi iòhòmy rỹira. Òwòru bederaty wiwihikỹ ihoōkeki, kedesekre. Rasōkre. Woma heka Deuxu aōhōkỹmydỹnana wese rare. ¹¹ Jiarỹ bedi araratisebedỹnra aòraruna-ribi texirāhīteki. Jesuisi tahe Deuxu Tyytybytyhy-di ròratisebedỹkre heòty-wana riratysebenykre. Tii waratyre awityhymy ratxireri. Jiarỹ ri-waixỹrunymy watxireri iwa ariwykeki. ¹² Tii maixōmo risykre. Maixōmo ributunyre tahyna-ò. Irỹnysi heòty-di riworonykre. Heòty itueōna heka rare.

¹³ Idi tahe Kalileia bede-ribi Jesuisi nade bero Jordaō-ò. Tii Joaō-ò nade riratysebenyrenyrene. ¹⁴ Joaō aōkōmy rarybere: —Jiarỹ tahe aō aōkō rare. Kai biwaratysebenyke. ¹⁵ Jesuisi tahe tamy rarybere: —Deuxu deewina heka kia rare. Rikiwinykre. Tahe Joaō riratisebedỹre. ¹⁶ Ròratisebenymy rahudi tahe Jesuisi ròtuòra. Biuwetyy rarayre Jesuisi tahe bòtòenimy robire, itxi dobehede, Deuxu Tyytybytyhy wahe. Rybeō biu-ribi narybede: ¹⁷—Kia heka Wariòre rare. Jiarỹ heka sōwemy tukure. Idi wadeysareri.

4

¹ Idi tahe Deuxu Tyytybytyhy heka Jesuisi ridyre bederahy-ò. Tai Satanasi riurihikemy tamy rehemynyrene. ² Jesuisi heka 40 txumy, 40 rummy heka aō rirỹsỹōhy bede idi rỹire. Sōwemy heka rama risamy tai raremyhỹ. ³ Taile Satanasi tamy nade. Tahe iurihiximy tamy rarybere: —Kai inatyhy Deuxu Riòre ahāte wana heka mana-di orotxumy biwitxiranymy biwinyke ahinamy.

⁴ Tahe Jesuisi dirawyònyde: Deuxu Ritidỹna-ki kiamy roire: —Iny heka orotxudile aōkō irummy rỹirakre. Ibutumy Deuxu rybedile iny irummy rỹirakre. ⁵ Idi Satanasi heka Jesuisi ridyre Jerusalē hāwā-ò. Templo heto ratyre tahe ritidire.

⁶ Tahe tamy rarybere:

—Kai inatyhy Deuxu Riòre ahāte wana heka katyre-ribi ixi-di behukre bede-ò. Buruōtyhy heka besekeki. Deuxu taỹju kiditeònykre aramykemy. Bede-ò aōkō beseke.

Ijō tyyriti rarybere:

—Deuxu araywinykre taỹju-di. Tii ýju kiditeònykre tebò-di ariijekemy. Awa ritōmonyōtyhy manatyre-ki.

⁷ Jesuisi rirawyònyre: —Tyyriti tule rarybere:

—Deuxu uritere biurihioke.

⁸ Iribi Diabo heka Jesuisi ridyre hāwā-lò-ò. Tamy ibutumy bede iòlòna riteòsinyrene. ⁹ Tahe tamy Satanasi rarybere: —Beseke atiowotimy tahe

biwawowydynykeki, adee kia ibutumy iòlòna wiihikỹ ariwahinykre. ¹⁰—Make Satanasi, Jesuisi rarybere: —Tyyriti rarybere:

—Deuxu-ò sohojile deàlàna, wowydyna biwahinyke. Tiile bityhinykre. Deòdu tamy sohojile mabeke.

¹¹ Satanasi tahe Jesuisi-ribi rexitare. Ýju mahādu rehemynyre iyrubudỹmy.

¹² Joaō òludu heka ròtenawo-ki ritidira. Kia Jesuisi roholareu, Kalileia bedè-ò ròsere. ¹³ Nazare-ribi rare Kafanaō hāwā-ki rasỹnykremy rare. Tii aho-ki iòhòre, Kalileia aho wahe. Zebulō bedè, Natali bedè tahe inatxi hāwā ibiòwa rare. ¹⁴ Kia tahe Isaia Tyyriti rarybere wese:

¹⁵ —Zebulō bedè, Natali bedè, Jordaō bero kowawe-ribi ijà-ò. Aho-hokỹry-ki. Kai judeukōdu mahādu bedè rare, Kalileia wahe.

¹⁶ Iny kowasỹ mahādu bedè luru-ki rasỹnymyhỹre. Tahe tiiboho loosònahakỹmy robirenyre. Bedè lurusỹ mahādu-ki tahe Deuxu loosòna ritoosònyre.

¹⁷ Iribi tahe Jesuisi ritelenyre Deuxu rybe ritỹnynykemy. Tii rarybere: —Aòruna-ribi bexiràhike. Deuxu Iòlòna bededỹñana dori iòhòmý ratxireri.

¹⁸ Kalileia aho ijāti-ki Jesuisi rariamy ratximyhỹ. Tahe inatxi waxidu seriòremy robire, Simaō Pedro, tule Andre ijōre. Rià-di utura rimymyhỹreny. ¹⁹ Jesuisi tamyreny rarybere: —Bodoike wahemy. Iny wadee bimykre. Iwese araerynanykremy bimykre. ²⁰ Aōwesele tahe tarià ririrenyre. Jesuisi-wana roirenyre. ²¹ Roirenyre tahe inatxi ijō seriòre-ki Jesuisi robire. Txiau ijōni rare. Joaō ijōre. Tiiboho Zebedeu riòre roire. Tiiboho talawo-ki ronyrenyre rià riywinyrenymy. Jesuisi tamyreny rarybere: —Wahemy bòdòike. ²² Tai tahe tybyreny ririrenyre. Jesuisi hemy ròirenyre.

²³ Ibutumy Kalileia bedey-ki Jesuisi rariamyhỹre. Tii judeu dohodỹña heto-ki rarybemyhỹre. Deuxu Iòlònamy ritỹnynymyhỹre, Rybe Wihikỹ Tỹmyra wahe. Sōwemy webinadu mahādu riteytenyre. ²⁴ Jesuisimy iny relyyre ibutumy hāwā hāwā-ki Siria bedè ibutumy. Tai tahe sōwemy webinadu mahādu didydenyde tamy, iny tyytybybina-di, iny iumy imyremyrehekỹ wahe. Jesuisi ibutumy iny riteytenyre. ²⁵ Iny sōwehekỹ ri-heludunyre, Kalileia bedè-ribi, Debòwiò hāwā-ribi, Jerusalē-ribi, Judeia bedè-ribi, tule Jordaō bero kowa-ribi.

5

¹⁻² Jesuisi inymy sōwemy robireu, raòwònnyre hāwālò ratya-ò, Ierydỹña mahādu tamy doidenyde. Taile rierynadỹñnymy rononymhỹre. ³ Deuxuko-ki iny ibinamy rỹimyhỹre. Kia iny tuu rexierymyhỹre, teysatyhy rare. Tii deysana sōwemy tai ratximyhỹre, Deuxu Iòlòna heka ihòrõrenymy rarekre.

⁴ Robumy rỹirakeki teysamy heka rỹirakre. Ibedewona wiòhedỹña rybe-di heka tamy kanakre.

⁵ Kia inytyhy-di widee ratxireri, tii heka teysahyymy ratximyhỹre. Ibutumy heka iny ihòrõlehekỹle rỹirakre. Bedè bedè heka ihòrõmy rarekre teysamy rarekre.

⁶ Inyò-ò òbitinamy lobiximy rurukeki tahe teysamy rarekre. Deuxu tamy òbitina riwahinykre.

⁷ Inyò ruxetòena-di ratxireri. Deuxu heka tamy ruxetòena-di rarekre.

⁸ Inyō irayky òbitimy ratxikeki tii heka teysamy rarekre. Tii dori Deuxumy robikre.

⁹ Inyō ywina-di wiwana rÿirake teysamy rarekre. Ywinaō-di rarekré, teysamy rarekre. Tii dori rarinikre: Deuxu riòremy.

¹⁰ Inyō aōhōkÿmy dÿÿnana reuròkeki, tii dori òbitimy rurukeki, tii tulesÿ teysamy rarekre. Deuxu Iòlòna dori ihòròmy rarekre. ¹¹⁻¹² Inyō umyreny relyykeki uritere hekÿle. Ruirybe-di umyreny relyykeki, aōhōkÿmydÿÿnana adee riwahinykre wana, tai tahe beysakre. Awimymohòtynykre. Kai dori biu-ò mahenykre. Tai tahe beysakre kai awimymohòtykre. Uritere nohòti rosarenyōmy. Kia wese tule Deuxu rybemy rybedu aōhōkÿmy rotÿÿnyre. ¹³ Kaiboho heka saawesemy atximahātenyete, jyyra wesemy wahe bedede mahādu iny-ò, kai dori kiamy bedede mahādu tewiòhenanyete. Auri tahe urihimyo biònonykeki tahe aurihixina heka urihimyoðemy releke. Kaa jyyra urile idi adehu rÿikre iny ityre rariakremy. Awiohedÿÿna biònonykeki tahe aōma aōkō beleke. ¹⁴⁻¹⁵ Kai loosòna wesemy atximahāte kabede mahādu iny-ò. Hāwāō hāwālò ratyy-ki roikeki, tiu heka rexiwòðtyhy itÿnyhy roimyhÿke. Loosònaō iny ritoosònykeki, tule heka tiu heka hyna rawoō-ki roiòtyhy roosòmy. Aōma roosònanymhÿre ibutu heto jurajuramy heka ibutu ritxuxanymhÿre. Aōma tamana-ki rÿimyhÿreki wahe. ¹⁶ Kaiboho tule amahādureny awiwihikÿmy robikeki tahe Deuxu-ò wowydyna riwahinykre.

¹⁷ Jiarÿ heka anaōde bedede ywina tuededÿÿmy. Anade aō Deuxu dee rybedu tuededÿÿmy aōkō heka anade. Anade ibutumy aōmybo rarybere widÿÿmy. Timybo rarybere wese heka ibutumy tuu rotÿÿnymy rarekre. ¹⁸ Inatyhymy adeereny ararybekre bedede ywina tyritiy-ribi tiu ijō iòðtyhy ijō sohoji ritiwedena yreð reseðhykre. Ibutumy roikre aōhebo rotÿÿnymhÿreð bedede konanako-txi. ¹⁹ Inyō tōhòti urihimyo bedede ywina rosakeki rexidelenymhÿre iny ribedeerynyòkemy iny ritohonyòmyhÿkemy. Hābu tahe iyjamy Deuxuko-ò rarekre, Deuxuko-txi. Inyō rityhynymhÿre irybe iny rybedeerynymhÿre. Tii tahe Deuxu Iòlòna-ò nihikÿmy rarekre. ²⁰ Kaiboho aōma fariseu mahādu-ribi awityhymy ixi-di mohòtynybenykeki. Tiu heka Deuxu Iòlòna-ò aròterenyōmy. Kaiboho heka awi toite aōma fariseu mahādu judeu mahādu wedu ratyre heka awi boibeke. Kia aōkōkeki tahe malòbenyòtyhy.

²¹ Ihetxiu bedede ywina Tyyriti kawesemy rare: —Kai inyō birubunykeki heka iòwynamy iny akanarubunyke. Kia heka bedede ywina heka rare.

²² Tahe warybe urihimyo iwitxira bedede ywina-ribi. Kai inyō-ò maraykynykeki. Tai tahe brebunahakÿ-ki tate. Abiòwa-ò bininikeki itxÿtemy. Tamy kai marybekeki: —Kai aōki awiòre. Tai tahe akÿnadykre heka aōma ywisidÿÿduko-ò araòwynykre. Inyō-ò kai makyaranynykeki kai brebuna-ki texilòromy tate. Kai inyō deramy mabekeki uriteremy nodu tamy marybekeki, tai brebuna-ki tate. Inyō òsÿny aradykre wisidÿÿdu mahādu-ò. Inydee ratyhymy mabeke wana aōkō raremy marybekeki, heòty kōnana bedede-ò make lau brebuna-ki tate. Iòhārure kai heòty bedede-ò makemy. ²³ Kaki aōma nieru xiwena wahidÿÿna-ò behemynykeki inyō-wana aōhe widee botÿÿnykeki òhòti rosaòlemy ahāte wana. ²⁴ Deuxu heka axiwena tewahinyōhyymhÿre aōma xiwena bire-ki heka birike. Tahe biijeke aseriòre juhūu. Aōma wana

biòbitinybenyke widee marybebenyke. Iribi tahe tamy bedehemynyke xiwena wahidÿÿna-ò wahe tadevenymy atximahâte wana hâbuò-ò. ²⁵ Aõma tai tahe iòraru-ki aòludumy relera wana. Tamy behemynyke aõma timybo tii-wana widi biywinykemy timybo adeve biòwonykemy tamy heka bitobiny òrale heka aõma rieryke urenana. Aradyhemy aõma ywisidÿÿna ube-ò, idi ywisidÿÿna mahâdu, idi soldado. Tai tahe bitobinyke bede rierykemy. ²⁶ Inatyhy heka adee ararybekre ròtenawo-ki malòkeki. Tiu heka aòlòkòmy aõma iòwy mahumy adi ròhòtinykre. Idi mohòtinyke xiery heka bòhònyke.

²⁷ Juhuu ihetxiu heka kaweselemy Tyyriti-ki rarybere:

—Òtaõmy!

(Bede ywina tyyriti-ki wahe.) Kawesemy heka jiarÿ rebedeerynywâhâre. ²⁸ Òtamy ròhòtinykeki hâwy-ò retehekeki òtamy rexinohòtinykeki. Tai heka tii òta òraru riwinymyhyre. Iwese iwitxira hâwy-wana roireri yrubule taheka òta òraru riwinymyhyre. ²⁹ Arueò òraruna-txi araatykeki, bitake. Awityhymy biu-ki malòke kawesekile heka awire, Deuxusÿ-ò malòke wahe. Arue wiòmy tahe awiòmy biu-txi arue yremy heòty bede-ò make tahe ibinatyhyre. ³⁰ Tule eraò bitake iurelemy era-di make biu-txi. Aumy ibutuhukÿlemy heòty bede-ò rakehârele tahe awiòre. ³¹ Bede ywina heka kawesemy ròhònyre iny-ò juhuu wahe:

—Inyò tahâwyw ixi-ribi riteònykeki rixâwididÿÿnyra tamy tyyritiò riritinymyhyre. ³² Iwitxira rybe-di jiarÿ arukile tahe hâbu tahâwyw riatorya. Inyò uritere òta òtana òraru-ki ixi-ribi tahâwyw riteònymyhyre. Tai tahe hâwyw roimyhÿre hâbu witxira hâbuò-wana. Tai tahe òta òtadumy kia hâwyw rininire. Adÿÿwe òraru-ò riteònyre tahâwyw riteònyre uritere òhyynaòle. Tai tahe tii adÿÿwe òrarunaòle heka riteònyre. Taile heka hâwyw hâbu witxiramy heka roimyhÿre ahâbuò tahâwyw uritere hyynaòle riteònymyhyre mahâdu hâbu heka. Tii heka tule òtadumy relemyhÿre hâwyw òta òtaduò heka roireki wahe.

³³ Juhuu heka ihetxiu kia wesemy Deuxu tamyreny kia rarybere:

—Taholatenyte kiamy Deuxu heka uritere ruiòmy atximahâbenyke Deuxu-ò biwinybenykemy marybemy bimyekeki biwinybenyke.

³⁴ Tahe jiarÿ heka kiamy adeereny ararybekre. Aõwidÿÿmy ixi-di nohòtirenymy ryberenyòmmy iwidÿÿmy. Ixinohòtidÿÿmy ryberenyòmmy ariwinykre biwawiohenanyke wana biu-ribi wawiohenanykre wana. Uritere heka tuu ryberenyòmmykre kia wesemy biubrò-ki aòkò biu dori Deuxu rynana rare. ³⁵ Kiamy uritere rybeòmmy bedebrò-ki aòkò aõ biwinykemy aõmy mabekemy. Bede dori Deuxu idi ratximyhÿre rare. Deuxu waa elehyna dori bede rare. Jerusalè hâwâbrò-ki tule aòkò, tii dori Iòlòtyhy hâwâ rare. ³⁶ Tule arade-di widÿÿmy uritere dori rybeòmmy kai dori awitxiranyòtyhy arade iura-ò ilyby-ò urile araykywydynakile tuu ratxike. ³⁷ Aõma araykywydynakile heka tuu riwitxiranykemy idi tahòtinymyhyte. Kiamy heka tarybemahâte iwidÿÿnamy teuremy tarybemyhyte: —Kohe, kiale ariwinykremarybeke ada aòkòre, ariwinyòtyhymy aõbo. Kiamy marybekeki iratylemy kohe, aòkòre myÿ aõbo. Sòwemy marybekeki tahe aõbina binahakÿle heka ròhònykre.

³⁸ Ihetxiu bede ywina ròhònyre.

Inyò witxira rueò ribinadÿÿnykeki, iny witxira tule iwesele riwinyke. Kia widÿÿdu rue heka ribinadÿÿnyke. Rue heka wilemy raòwynyre

rueõwilemy. Juhu tasỹ ỹjuõlemy raõwynyre. Jiarỹ tahe rebe-deerynyre kawesemy.

³⁹ Inyõ aõbinamy adee riwinykeki, aõ aõkõ tamy biwinyke. Inyõ aõsỹny rihetenyekeki, tule iwyo-di beake rehetenykemy. ⁴⁰ Uritere aõludu-õ ixidõwydỹõmy. Aõma ijõ atyy ritakeki heka tule tamy arahana biwahinyke. Inyõ sohoji urixinamy adee ixidinomy reake wana. Inatx-imy heka tii-wana beake. ⁴¹ Inyõ ixitõedỹỹmy aõ aribi riwykeki tamy biwahinyke tule inyõ aribi aõ huõtemy riwyke wana. ⁴² Abròrò itue-di tamy òkeseõmyke iwõde-ki ihuõtemy biwahinyke.

⁴³ Ihetxiu heka taholatenynte kawesemy:

—Kai heka aõ hãwã ludu mahãdu luomy heka madõnymyhỹke. Aõludumy aki ratxike wana tukumy atxike teramy atximahãke. ⁴⁴⁻⁴⁶ Tahe iwitxiramy ararybekre. Aõludu heka arabedeerynyke. Tukumy mabekemy inyõ aõhõkỹmydỹỹnana rotỹỹnyreri wana tamy rexitõenyke. Kia wese-ki heka inytyby riõremy mabeke, Deuxu riõremy wahe. Tii dori juu riòlõdỹỹnymyhỹre inybina tyre-ki wahe. Tule iny wiwihikỹ tule-ki aõma biu heka tule riteõnymyhỹre. Aõma iny òbitikõdu mahãdu tule-õ. Tule òbiti mahãdu tule riteõnymyhỹre. Aõma tukumy ahãte sohoji ratximyhỹre sohojile kai itukukeki. Kia heka awi aõkõ rare ibutumy òraru mahãdu heka tule riwinyremyhỹre kia wese. Aõma urile rybedỹỹ azry mahãdu, Aseriõre mahãdu. ⁴⁷ Tulesỹ kia aõma aõkõ rare aõma tule heka judeukõdu mahãdu dori tule riwinyke, tii Deuxu rierykõre. ⁴⁸ Òbitityhymy kaiboho boibeke. Aõma jiarỹ heka arabedeerynyrenyreri biu-ki inytybyreny ratximyhỹre dori òbitityhy rare.

6

¹ Wahisidỹỹna wiwihikỹ kai hãburu-ki iwahisidỹỹõmy iny-õ. Kai itxerenaõnamy biwahinymyhỹ. Aõkõkeki tiu inytybyreny-ribi bitaõtyhy aõwy awahisidỹỹna.

²⁻⁴ Kai biwahinykeu iny adee aõmybo rurumyhỹreõ. Uritere ibutumy iny itxerenamy iwahidỹỹõmyhỹ. Inyõ-õ òbiti mahãdumy riwisỹnymyhỹre mahãdu, kia wesemy heka tii riwinymyhỹre heka. Dohodỹỹmy heto-ki tuu riwinymyhỹre kia wesemy tule ibutumy hãwãhãkỹ ruetyawetyamy tuu riwinyrerymy ihỹre. Inatyhy dori adee rarybereri: —Aõma wahisidỹỹnatyhymy heka adee rarybereri: —Wahisidỹỹnaõ ix-idee ritamyhỹre. Aõbo Deuxu wahisidỹỹnaõ heka adee riwahinyõtyhy. Tai heka Deuxu wahisidỹỹnatyhy riwahinyõtyhy tamyreny. Iny-õ aõ biwahinykeki, abiõatyhy-õ belyyõke. Wasilemy tamyreny awiõhedỹỹna biwahinyke. Iny tybyreny dori ibutumy aõna aõna rõtëna reryre aõwahisidỹỹna adee kidiwahinykre.

⁵ Iwese budu mahãdu riwinymyhỹre wese uritere iwidỹỹõmyke. Kia wesemy aõkõ heka bexitõenyke. Ibuturu-õ rexitõenymyhỹre dohodỹỹna hetowo-ki heka lamamy rexitõenymyhỹre. Hãwãy-ki dori rexitõenymyhỹre ibutu itxerenakemy. Inatyhymy heka adee rarybere: —Atarasana ibutumy ritare. ⁶ Inatyhy dori ritare.

—Bexitõenykeu malõke aheto jurawo-õ. Ixi-di biijõtòbõnyke. Ierykõnamy boo ratximyhỹreõ heka bexitõenymy myike. Ibutumy heka boo aõbo wasimy iny riwinyriwinymyhỹremy robimyhỹre. Tai-ki tahe bede ywina wihikỹ heka adee kidiwahinykre.

⁷ Tule rexitõenymyhỹre uritere irehemy idi lamaõmy uritere

ixityre ixityremy tamy ixitòedÿÿòmy wiwesewesehyyle. Judeukòdu mahàdu dori kawesemy riwinymyhÿre. Kiamy heka raraykywydynanymyhÿre aõma rexitòenyre ehehekÿkeki heka roholatyhykemy rohòtinymyhÿrenyre uritere widÿÿòmy iwese tii riwinymyhÿre wesemy. ⁸ Inytybyreny dori rierymyhÿre aõmybo iny raraykynymyhÿré. Inyboho heka rexitòenymyhÿreu rierymyhÿre aõmybo inyboho rurumyhÿrenyre. Iny sòwemy rarybemyhÿrele aõkò heka tii roholamyhÿre. Aõmybo iny rurumyhÿrenyre, heka bexitòenybenyke. Kia wese:

⁹ Wahareny, biu-ki atximahàte. Anityhy iny ibutumy rityhynykemy idi rierykemy watzireri.

¹⁰ Aiòlòna heka wymy kanake. Iny adeewile riwinykemy iwese biu-ki relemyhÿre wese.

¹¹ Wadeereny txuò txuò rÿsÿna bidiwahinyke.

¹² Waðrarunareny òhòti-ribi bitosadÿÿnyke. Iwese jiarÿ inyò òraruna wanohòti iribi aritosadÿÿnymyhÿre wese.

¹³ Isiratyhy urihixina-ribi heka biwayrubunyke, òraruna-txi reseke lau. Aõna aõna bina-ò bidiwajebenyke. Iòlòna, ruru, loosòna heka ahòròhy rare. Kie.

¹⁴⁻¹⁵ —Inyò ariixãwidinykeki iaòbina-ribi. Tule inytybyreny riwaiixãwididÿÿnyke. Deuxu iòraruna-ribi riixãwididÿÿnyke. Beinareheke wana.

¹⁶ Uritere aòsÿny bededòtidÿÿòmy iwese budu mahàdu rÿira wesemy. Tai heka byreòmy iny-di txuu rÿimyhÿremy widi retehemyhÿre. Wiji òhòtirenre reake. Heka raòwynyra inarehena irareny. ¹⁷ Tai narehereheu tainarehenyteu. Atarina-di ahàtemy beake aòsÿny bisuhòke.

¹⁸ Inywitzira heka anaeryòtyhy kai tenarehemy atxiteri. Inytybyreny sohojile heka rierymyhÿre. Inyò tuu robiòtyhy. Tii tahe ibutumy aõna aõnamy robimy wasimy rÿiramy. Iribi tahe tii araòwynyrenyke.

¹⁹ Aõna aõna butudÿÿòmy tyy, nieru, aõna aõna wiwihikÿ butudÿÿòmy kabede-ki. Txudòera dori ibutumy kabede-ki tuu riroxike aõna aõnamy. Aõma rararÿÿnyke iaòmydÿÿna ibutumy rararÿÿnyke rahuke. Wasidu tamy ralòke. Iaòmydÿÿna-ò sòweò wyremy rasinyke iaòmydÿÿna-di.

²⁰ Kaki ibutudÿÿlemy heka biu-ò bibutunyeke. Tai heka txudòera aõ riròòtyhy tule rararyòtyhy. Tule wasidu aõkò rare. ²¹ Titxibo aòmydÿÿnana ratxireri iwesele taheka arayky ratximyhÿre. Biu-ki aõbo ada bedeki aõbo. Aõma bedeki araykywydyna ratxireri wana heka kakile taraykywydynante. Biu-ki araykywydyna ratxireri wana heka biu-ki heka arayky aòmydÿÿna butuna raykywydyna ratximyhÿre.

²² Arue heka loosòna wesemy rare. Aumy dee itÿnykeki heka aumy ibutumy loosòna-di tÿximy rarekre. ²³ Aumy ibinakeki tahe bedeki loro-ki matxike. Aumy bedeki lorohokÿ-ki ratxikeki ibinatyhymy matxike aõma butunale-di iny ròhòtinnykeki heka tiu Deuxu iny riwiòhenyòtyhy. Deòdumy heka releòtyhy. ²⁴ Inatxi wedu-ki dori inyò rityynyòtyhy. Tule heka tii roholamyhÿre ijò-ribi tahe tòhòti rosamyhÿre. Inyò Deuxu deòdumy releòtyhy tii aõna aõna butunadile ròhòtinymyhÿreki. ²⁵ Tai heka tuu rarybereri adeereny. Uritere nohòtiyreòmy arÿsÿnamy tule atyymy, idi matykynykemy. Aumy dori rÿsÿna ratyre aònityhymy ratximyhÿre. Tule aumy tyky ratyre aònimy ratximyhÿre. ²⁶ Nawii-di inihe betehobenyeke. Tiiboho heka aòòworumy aõkò ròbròmyhÿrenyre. Aramyre heka aõma

tarÿsÿna wydymy bederahymy tarÿsÿna riyrubunyðhyymyhÿre heto nihikÿ-ò. Deuxu biu-ki ratximyhÿré heka nawii riyrubunymyhÿre irÿsÿna tamy riwahinymyhÿre. Kaiboho tahe iratyretyhy toite, Deuxu-ki wahe. ²⁷ Sòwetyhymy marakywydynanykeki aòbohe, arumy aòbo arirarehemy mariake. Aòkòre. ²⁸ Uritere nohòtiyreòmyke atyymy. Betehemyhÿ inihe noijasa-di. Aòma tiiboho heka raaòmysÿdÿÿðhykymyhÿre. Tai tyky wihikÿ-di rexityynyke. Tyy ixidee riwinyòtyhy. Ihãre tahe Deuxu rityynywihikÿre heka tyy wihikÿ tamy riwahinyreri. ²⁹ Salomaò heka itykynihikÿra. Ihãre tahe ityky heka awityhy aòkò rare. Noijasa heka iratyre ityky wityhyre. ³⁰ Deuxu heka noijasa ritykynymyhÿre aòma noijasa heka wijilemy idi ihÿre. Biurasòmy tahe ixãwilemy reamyhÿre, risòra. Tii heka tyky adee kidiwahinykre. Nohòtiyreòmy tahe. Tii dori adee kidiwahinykre tykyò. Aityhyna dori ibutetyhyre heka. ³¹ Tahe raykòmy nohòtiòmy titxiribibo arÿsÿna bidiwykré, atyky amona. ³² Tyhydÿÿdukòdu mahãdu heka kiaòle heka ritòhòtidÿÿnymyhÿre. Inytybyreny heka rierymyhÿre aòmybo tarumahãte. Ibutumy heka araerymyhÿre aòmybo taruterimahãte. ³³ Tii Deuxu aòma dÿÿnana sohojidile. Manayknykeki heka tii ibutumy adee riwahinykre. ³⁴ Uritere nohòtiyreòmy aòbo biurasò kia aòmydÿÿnana-ò. Rÿire dori sòwemy wiji biaòmysÿdÿÿnanykremy biwinykré. Iwixiramy bidiwinykre iwixira aòmydÿÿnanaò.

7

¹ Iny wixira wixira-di ywisidÿÿòkeki. Aywisidÿÿna wesemy heka Deuxu ruxetòena-di ywisidÿÿmy araywinykre. ² Iny teywinyamahãte wesemy heka Deuxu araywinykre. ³ Kai heka òwòru nihikÿereò arue-ki ijòðkeki, aòherekibo bederarasi sòmo-di inywixira rue-ribi bitakemy atxiteri. ⁴ Tai heka kai bobiòtyhy itarasa-ki wahe. Arue-ki dori òwòruere ijòðdireki heka bobiòtyhy. Òwòru ere dori aòraruna sòwemy rÿire wesemy heka atximahãte. ⁵ Kai texibònyteri. Aòraruna-ribi juhuu bexiòbitinykre. Idi tahe aseriòre òraruna-ki biwiòhenanykre. Aòraruny-di rierimy idi òbitimy betehekre iòraruna-ribi iixitarasadÿÿmy biwiòhenanykemy.

⁶ Inyò heka utura rati mana wiwihikÿ-di rehuòtyhy aòma ixÿni herina-txi. Ixÿni dori ityre rariake tahe riònonyke adee heka kanakemy wahe. Iwese tule heka ijòròsa-ò biwahinydÿÿòmyke. Rybewiwihikÿ hãbu òrarudutyhy-ò iwahisidÿÿòmyke.

⁷⁻⁹ Rexitòenykeki tahe bitake kia. Biekeki tahe tai mahake. Bihetenyekeki heka iny adee riraynyke ijòtòbòna. Inyò heka Tyby-ò rÿsÿnaòmy rexitòenykeki, mana heka tyby tamy riwahinyòtyhy. ¹⁰ Uturaòmy rexitòenykeki tahe hemylala binahakÿ tamy tiu riwahinyòtyhy. ¹¹ Kai aòna aòna wiwihikÿ biwahinyke heka teerymyhÿte auladu-ò wahe, hãbu òrarudu hãrele wahe. Aòbo heka tule Deuxu inytybyreny inydeereny riwahinyke aòna aònaò wihikÿò. Rexitòenykeki tahe tamy ariwahinyke. Inytybyreny heka tamy riwahinyke. Iwese iny wixira teyrubunymahãte wesele heka iny araywinymy ixi-di tahòtinymahãte wese. ¹² Tule kai aòwiwi inyò ixidee aòhebo rotÿÿnymyhÿkemy taruteri, kiaweselemy tamy botÿÿnymahãke. Kia heka Moisesi bede ywina tyriti-ki roire. Kiale Deuxumy rybedu mahãdu ribedeerynyre.

¹³ Biu bede wiwihikỹ kia ryỹjòhỹtỹdile malokre. Heòty ijò bederyijò heka nihikỹ rare. Iny kia ryhykỹ irumy rakre heka isirare iny ibute kowa ralore. ¹⁴ Irumy nonona ijò tahe ihỹtỹre. Ryy heka ihỹtỹre heka ibutere iny ryhỹtỹ-di ròtedu timy bede erydỹkõdu-ò.

¹⁵ Bexiijebenyke kia mahãdu lau Deuxu rybe rybedu mahãdu tyhymy aõkõ lau wahe. Budoeni wese ratximyhỹre inytyhy wesemy. Tawo-ki tahe inatyhy rare ahola debore wesemy heka ratximyhỹre. ¹⁶ Teeryte wesemy ibederaty-ò betehekeki. Hede-ò heka uvamy figomy tule tiu iratyõna. Iaõmydỹỹna-ò bierybenyke tibo roiré. ¹⁷⁻¹⁸ Tii heka bierybenyke aõhebo rotỹỹnyre wana teerytenyete. Tii heka riitxenanyõtyhy kia aõma matyty matynimy heka tiu biitxenanyõtyhy. Tule betehekeki, bierybenyke aõwesele heka òwòruõ bierybenyke. Aõma bederatyõ birỹsỹkeki tiu heka bederaty wihikỹõ arỹsỹõna òwòru ratyy-ò, bederatybinahakỹ tule rierykre. ¹⁹ Òwòruõ bederaty wihikỹmy raratynyõkeki heka hemy raòròròke rokoke. ²⁰⁻²¹ Kia weselemy heka iny teerytenyete. Aõhebo iny rotỹỹnyke wahe. Tai tahe terytenyete heka, tetehetenyterikile wahe. Òbiti mahãdu wesemy rarybemyhỹre. Tahe òbitimy aõkõre ihỹre. Sõwemy heka iny tawedumy riwaninire. Ihãrele tahe biu-ò ralòõtyhy. Deuxu tyhydỹdỹdule tahe ralokre. Ywisidỹỹnatxu heka kawesemy wadee rarybekre. ²² Sõwemy iny wahe: —Wanyrỹ, Wanyrỹ, jiarỹ hewa iny iwitxira sõwemy aijyy rarybemy rare wahe. Tule heka tyytybybina reteõnymy rarewãhã. Tule deytena wiwihikỹ heka ani-di rewinyhỹre. ²³ Tai tahe jiarỹ tamy ararybekre heka: —Kõrehe, kaiboho aõ wamahãdumy aõkõ atximahãte. Umy reerykõre. Waribi bexitake. Aðraruna dori sõwera.

²⁴ Kawesemy heka iny bede eryna ratximyhỹre. Warybe-ò roholamyhỹreu heka aõwesele riywinymy rityhynymyhỹre. Kia hãbu hetowidỹỹdu wesemy heka rare. Iheto heka manatyre-ki riwinyre. Tii heka ibedeery sõwemy ihỹre. ²⁵ Biu heka beõra heka rariamyhỹre. Iu tahe biu rejuxunymyhỹre, yhy rebonyre. Tahe tiu reseõtyhy manatyre-ki dori riwinyre. ²⁶ Warybe ijohonadu tahe iwitxiramy ihỹre. Hãbu itxỹte tahe warybe-ribi aõwesele tõhõtireny rosamy reamyhỹre. Kaiboho aõbedeeryhykỹ aõkõre roire. Tii heka iwese hãbu ÿnarakile heto riwinyhỹ wese rare. ²⁷ Biu risebenykeu, beõra rareareu, yhy rebonyreu tahe iheto reseke, ibutumy iõre, rahura.

²⁸⁻²⁹ Ibutumy heka Jesuisi rybe erysydỹỹna-ò bede riòtiinyre. Tii heka hãbu erysydỹỹdu wesemy tii ribedeerymyhỹre. Aõ judeu wedu wesemy aõkõ ribedeerynyre.

8

¹ Tiu hãwãlò-ribi dobehedeu, sõwemy heka iny ihemy doidemyde webinadu, tybina heka tamy nade. ² Wowydyna rybe-di heka tamy rarybere: —Adee wikeki heka kai biwateytenyke. Jesuisi dirawyõnyde: ³ —Wadee awire, arateytenykre. Tahe tamy tebò ritytere tamy reerimy. Ityybinana riteytenyre. ⁴ Tahe Jesuisi tamy rarybere: —Boholakre, iny-ò uritere rybeõmy.

Kai tahe makre xiwena wahidỹỹdu-ò xiwenaõ biwahinykre. Idi tahe Moisesi bede ywina raryberewesemy xiwenaõ biwahinykre. Kai tahe iny rierykemy heka yteny ratximyhỹre.

⁵ Jesuisi Kafanaõ hãwã-ò rehemynyre heka hãbu soldado weduõ tamy rehemynyre. Tii tahe Jesuisi-ò rexitõenyre: ⁶ —Wadeòdu biteytenyke

raterenymy ratxireri waheto-ki. Sōwemy aōhōkōmy rotỹnyreri. Ib-
 inatyhymy roireri rexisiranymy raratykōhykylemy. ⁷ Tai tahe Jesuisi
 tamy rarybere: —Rakakre, tai ariteyteynkre. ⁸ Idi soldado wedu rari-
 wyōnyre: —Aōkōre, Kai hābu wiwihikỹ tate. Jiarỹ tahe hābu aō aōkōmy
 jiarỹ watxiwāhāre. Waheto-ò manalōōtyhy. Karibile marybekre tamy
 taile taile tahe wadeòdu reytekre. ⁹ Jiarỹ dori reyryre. Jiarỹ heka tule
 hābu weduōmy watxiwāhāre. Soldado heka sōwemy riwatyhynymyhỹre.
 Iny sohoji-ò aōma rakremy rarybemyhỹré heka, ramymyhỹre. Tule
 ijō dee rarybemyhỹre: —Manake, tai tahe namyhỹde. Ijō dee rarybe-
 myhỹre wana: —Kai biwinyke, idi riwinymyhỹre. ¹⁰⁻¹¹ Tai tahe Jesuisi
 ribedeōtiidỹnyre irybe-ki wahe. Tahe rarybere erydỹna mahādu-ò:
 —Judeu mahāduy-ki tai rahaōre ijō-ki kahābu wesemy inatyhynana
 sōwerek. Sōwemy heka judeukōdu mahādu ritynykre kia weselemy. Ijō
 txu aō wiji aōkō heka riroxirenyke: Abraō, Ijai, Ijaò-wana biu-ki heka
 riroxirenyke bedeludu iny mahādu-wana. ¹² Judeu mahāduō ròirenyōkre
 tamy. Tule kaibohoō tahe aōhetykrebo. Ijō mahādu dori bedelohokỹ-txi
 resekre. Taiki tahe irynamy rurykre aōkōmydỹnyana-ò. ¹³ Taita Jesuisi
 soldado dinodu-ò rarybere: —Makre, timybo wiji tahōtinymy tetyhynyte
 wesemy heka rarekre. Iurele teòdu reytere.

¹⁴ Iribi tahe Jesuisi Pedro heto-ò ralōre. Iriōre lahi heka aōma rubuna
 nihikỹ roimyhỹ. ¹⁵ Tahe Jesuisi rimyre tebò-di tamy rerire. Idi tahe
 irubuna iribi ròhònyre. Tai tahe tii ronyre. Ronymy tahe rỹsỹna ri-
 winymyhỹ tamyreny. ¹⁶ Txiorotyhymy inyō didyde aōma tyytybybina
 nihikỹ-di ratximyhỹō. Iu Jesuisi sohoji rybeōmy rarybereu tahe aōwesele
 iribi ròhònyre. Kia webinadu didyde, tule reytere. ¹⁷ Iwese ihetxiu Isaia
 ryberiti rarybere wesemy heka tule riwinyre:

Jesuisi riwinyre. Kiamy wahe. Wabinanareny waribireny riwyre.
 Inatyhyre.

¹⁸ Iny sōwemy ributunyre. Tai tahe taerydỹna mahādu-ò tii rarybere:
 —Rokoiirenyhe kanawe-ribi ijà-ò. ¹⁹ Tai judeu mahādu, bedeludu
 bederydỹduō tamy rarybere: —Awana arakre titxibo makreu heka
 ahekile anakre. ²⁰ Tahe Jesuisi dirawyōnyde tamy heka rarybereri: —
 Ijòrò heka ihāloo dire, ibỹtỹ dire, nawii bỹtỹ isỹ dire. Tahe jiarỹ, Deuxu
 Riōre Hābutyhyhykỹ wahe, wahetoōre, waherinaōre. ²¹ Ka ijō iheludu
 mahāduō tamy rarybere: —Wanyrỹ, waha heka rurura. Tai heka juhūu
 arituunykre. ²² Tamy rarybere: —Manake, wijile biwaheludunykre.
 Rubuōmy rỹira, rubu mahādu heka rituunykemy idi ratxireri.

²³ Jesuisi hāworo-ki ronyre tahe reurore. Ieryredỹna mahādu rihe-
 ludunyunyre kia lawokile. ²⁴ Ahobetya-ki tahe yhy debore nihikỹ
 tamyreny rehemynyre. Tahe òbò nihikỹmy resemyhỹre. Uritereribile
 yhyhykỹ bee riòbònyra hāwò rilỹmynyke iòhòtyhyre. Jesuisi tahe rōrōmy
 roimyhỹ iu. ²⁵ Tai tahe ierydỹna mahādu heka riixixadỹnyre. Tamy
 raryberenyre: —Biwayrubunykre, Wanyrỹ. Aōkōkeki, rukururenykre.
²⁶ Jesuisi tamyreny rarybere: —Aōherekibo kaiboho taberutenyteri?
 Aityhyna sōwe aōkō atxitenyteri. Jesuisi tahe rỹimy reare. Yhy debure-ò,
 òbò-ò rarybere: —Biyrky, bedeludu binahakỹ. Tahe aōwesele ibutumy
 riyrira. ²⁷ Ierydỹna mahādu urile ribedeòtiinyre. Tiiboho raryberenyre:
 —Aōhābubo tii ihỹre. Òbò, tahe yhy-wana tamy roholare. Iwese tii
 rarybere wese rityhynyre. Irybemynale riwinyre.

²⁸ Kalileia aho ijō weribi ijana-ò ritehemynyre. Kowa bede heka Kadara inire. Tule hābu inatxi heka tyytybybina-di tai rasŷnyrenyre wabedewo-ki. Kiary-ki tahe ibutumy iny ruberure. Iribi tahe rōhōnymy reare. ²⁹ Aōwesele heka rryrym roirenyre Jesuisi-ò rarybekremy: —Aōwe wadireny tate, Deuxu Riðre? Kai aōbina binahakŷmy wahōrōdŷŷōmykre. ³⁰ Tahe kowa-ki ixŷni juramy riroximy rŷimyhŷ. ³¹ Tyytybybina tahe Jesuisi-ò rexitōdenyre: —Biwatōenybenykeki, ixŷni jurawomy aralorenkyemy biwateōnyke. ³² Tahe Jesuisi rarybere: —Bōibenyke hābuwo-ribi. Tahe rōirenyre ixŷniwo-ò. Ixŷni jura tahe ibutumy rejuxunyre ijōtira-ribi. Berawo-txi tahe rabōrōrōre. ³³ Ixŷni-di itxeredu mahādu tahe hāwā-ò roirenyre ijyymy. ³⁴ Kia hāwā ludu mahādu tahe roirenyre Jesuisi-ò itxeremy. Tai tahe tamy rarybere ibede-ribi rōhōnykemy.

9

¹ Ribereerenyre aōma hāwò nihikŷro-ò reurōerenykremy kanawe-ribi ijā-ò. Tai tahe Jesuisi tahāwā-ò rehemynyre. ² Tai tahe didydenyde weryrybōō byre-di idi betyky-di ramyremyrenymy roimyhŷre. Tahe hābu mahādu inatyhna Jesuisi riryryre heka hābu dee rarybere: —Waexi, beysake, aōraruna dori reixāwididŷŷnyra. ³ Tai tahe ritidŷŷna bederydŷŷdu mahādu retehereri. Ixideele heka rarybemahā: —Kia heka ibinamy Deuxumy rarybereri. ⁴ Iyky Jesuisi riryryre tahe tamyreny rarybere: —Kai aōbo ibinamy waki tahateri arayky-ki. ⁵ Tīmybo heka kaiboho tahōtinyteri. Aōma iōraruna ariixāwidinyke aōbo ada iumy ariteytenyke aōbo? Aōbohe isiratyhyre wadee tahōtinyte wahe. ⁶ Deuxu-ribi waruru dire. Kabede-ki heka òraruna ariixāwididŷŷnyke jiarŷ heka Deuxu Riðre Hābu tyhyhykŷ rareki wahe. Tamy rarybekre: —Myike, abyre bimykre ta mariakre asŷ-ò. ⁷ Tai tahe hābu aōwesele rŷimy reare. Tahe taheto-ò rare. ⁸ Tahe bede inysōwetyhy heka ribedeōtidŷŷnyre. Deuxu heka wowydyna riwahinyre. Tii iny-ò ruru riwahinyreki wahe.

⁹ Jesuisi iribi rariamy rare. Tai tahe tii Mateu-wana heka witxi reare ryki: —Jiarŷ heka nieru butudŷŷna heto-ki ranymahā. Jiarŷ rebutunymahā aōma inyōwydŷŷna heka rebutunymyhŷre. Iu Jesuisi wadee rarybere: —Manake waerydŷŷnaōmy heka beleke. Tai tahe jiarŷ tii-wana heka rare aōwesele heka ihemy rare.

¹⁰ Tai jiarŷ retobinyre kanakemy waheto-ò. Waheto-ki riroxikemy taerydŷŷna mahādu-wana. Tai tahe sōwemy heka iny waery mahādu dōidenyde, òrarudu nihikŷ mahādu wahe. ¹¹ Tule heka fariseu mahāduō tai ratximyhŷ. Tahe Jesuisi erydŷŷna mahāduō kiaō-ò heka rarybere: —Aōherekibo Jesuisi òrarudu nihikŷ mahādu-wana riroxireri? ¹²⁻¹³ Tai Jesuisi roholarehe tamy rarybere: —Aōma òhotibedu heka, webinadu mahādulemy aōnityhymy rarumahāre. Òhotibedu-ò kanakemy. Binadu mahādu-ò tahe tiu ararariōwyōtyhy aōma òbiti widŷŷdu mahāduōle heka anade. Warurumy rurumyhŷle mahādu ariwiòhenanykemy anade. Aō awihikŷmy ixi-di rōhōtinyreriò aōkō wahe. Deuxu Ryberiti-ki tahe kaweselemy roire:

Ixiwe heka wadee awiðre aruxetōena wadee awire.
Kaiboho bierybenyke aōbo katyyriti rare.

¹⁴ Tahe Jesuisi-ò rarybere Joaō eryna mahādu: —Aōherekibo Joaō Sebedeŷŷdu kia erydŷŷna mahādu renarehemyhŷre rexitōenykre. Fariseu

mahādu erydŷŷna heka tule heka renarehemyhŷre. Ihārele taheka aōherekibo abedeerydŷŷna mahādu heka tiu iwesemy riwinymyhŷre. Aōherekibo ka. ¹⁵ Taita Jesuisi dirawyōnyde: —Iu iny inyhāwymy roimyhŷre heka iny reysamyhŷre. Aōma kia weryrybō hāwyy kialina heka teysamy ratxirerimyhŷre. Tiu rirubunyōhymyhŷre teti-ò. Tahe aōtxumy tahe weryrybō hāwymy heridu heka inyō ritakremy ratximyhŷre. Iu tahe renarehekre heka. ¹⁶ Uritere inyō deratyby ritòbònyōtyhy tyytŷmyra-di. Inyō itòbòna tŷmyra-di ritòbònykeki, raykake heka iura ranihikŷke. Aōma iwesele rare aōma vī tŷmyra iròdutyy tŷmyrahakŷle ritidikreu. Aōma itŷmyra-ò heka iròdutyy itŷmyrahakŷle raykake. ¹⁷ Aōhe tiu vī tŷmyra iròdutyy tyby-ò rihynyōtyhy. Inyō kia wesemy riwinykeki taheka raykake heka rejuxunykre irube. Ihyna heka rabinake. Vī wihikŷ taheka aōma iròdutyy tŷmyra hyynawo-ki ka awimyrŷike.

¹⁸ Iu dohodŷŷdu hetoō bede erydŷŷduō heka Jesuisi-ò nade tariōre rurureki wahe. Tai ta Jesuisimy reālāre tamy heka rarybere: —Aōma wariōre rarurura wahirari wahe. Kai waheto-ò manake wariōre ruru-ribi biixixanykremy. ¹⁹ Tahe Jesuisi taerydŷŷna mahādu-wana roirenyre tii wana wahe. ²⁰⁻²¹ Tahe hāwyy rōhōtinyre heka: —Jikarŷ heka ityky reroti-kō karirikrekule karekytekre. Tii dori ihālubu rihyōhy raremyhŷre waō inatxi reurò beòramy. Iòhòmy iribi reare. Ireroti wereysanakile rimymy resere. ²² Taita Jesuisi ròdemy reare. Tuu robire tamy rŷraxire: —Lerŷ, awi heka rare. Aityhyna heka arateyteynyre. Inatyhymy teyteta. Tai tahe hāwyy aōwesele reytemy reare. ²³ Idi tahe aōwesele rehemynymy reare. Judeu wiuna bederydŷŷdu heto-ò rehemynyre. Tai heka hāwyy sōwemy robumy rŷimyhŷ rubura-ki rawiunymy rŷimyhŷ. ²⁴ Tai tahe Jesuisi tamyreny rarybereri: —Bòibenyeke hewahe. Hirarihikŷ heka ruruōhyky roireri. Urile heka rōròmy roireri. Tahe iny rutzueny. ²⁵ Tai iny sōwemy rōhònyre iribi. Tahe Jesuisi ralōre titxibo hirarihikŷ roireriò. Debò-ki rimyre tahe ritetyenyre. Rexixare ixby. ²⁶ Ibutu bede bedemyhe inina-ò roholare. Kia deytēna riwinyraò.

²⁷ Tahe hābu ruetà inatxi Jesuisi riheludunyre heka. Kia hetoy-ribi wahe. Tamy heka raryberenyre: —Kai heka iòlò Davi riokore tate. Tai tahe ruxetòena-di biwawotòenyke. ²⁸ Idi tahe Jesuisi taheto-ò ralore tai rasŷnymy ratximyhŷò. Iny mahādu ihewomy rare tahe ralōre. Tamy rarybere: —Inatyhymy aōbo tetyhynytenyte, ixby arāitxeredŷŷnykeò. Tiiboho raryberenyre: —Kohe Wanyrŷ, retyhynyre. ²⁹ Jesuisi rarybere: —Ainytyhynadireki arue tabita. Aōwesele robirenyre. ³⁰⁻³¹ Jesuisi heka rarybere tarurumy tamyreny uritere ijyōmykremy. Tai tahe aōma ròirenyre ibutuko relyyrenyre.

³² Idita tako-ò rexidorunymy reareki tasŷ kia hābuō-txi reare tyytybybina-di ratximyhŷò. ³³ Tahe Jesuisi-ò didydenyde hābu irybeōna kia tyytybybina òraru-ki wahe. Jesuisi tuu òlòdŷŷnyre iribi. Iule tahe hābu aōwesele heka rarybere iroo-ki. Kia iny ibutumy ribedeòtiidŷŷnyre. Timy heka rarybeōhyre iko-ki juhūu raremyhŷu. Tuu rabiōhe iwesedŷŷnadumy. ³⁴ Idi tahe fariseu mahādu rarybere: —Tyytybybina-di ratximyhŷre. Tai heka tyytybybinahakŷ reteònymyhŷre iny-ribi. Ihārele heka Satanasi-di ihŷre. Tyytybybinatyhy wedu heka ratximyhŷre.

35-36 Idi tahe ibutumy hāwā hāwā-di Jesuisi rariamy rare rōbedeerydŷŷmy. Judeu mahādu dohodŷŷna heto-ki relyymyhŷre, Rybewihikŷmy. Tai Iòlona kia ritŷnynymy tuu relyymy. Ibutumy iny bina bina kia heka riteytenyre. Iny nade ihewo-ribi. Sōwemy heka iny aōna aōna bina binahakŷ riwinymyhŷre idi rŷimyhŷ. Titxibo rakre heka rieryōhykymyhŷre ta aōna aōna òraru-ki idinoduōreki wahe. Tai tahe Jesuisi riwotòenymyhŷre ibutumy tiiboho dori budoeni wese ratximyhŷre, itxeredu ihoōreki. ³⁷ Tai tahe taerydŷŷnana mahādu-ò Jesuisi rarybereri: —Iny heka maixōmo sōwehekŷ rŷira wese heka iny ratximyhŷre. Aōma ibutelemy heka arixidu rŷira. ³⁸ Bexitòenyke Deuxu-ò. Tii heka bederomy maixōmo rŷira wedu rare. Bexitòenyke tamy aōbo maixōmo arixidu-ò kiditeònykemy. Irybe-di heka raaōmysŷdŷŷkre ibedero-ki. Ibutu bedero-ki heka idi raaōmysŷdŷŷkre.

10

¹ Ributunyre Jesuisi aōma tawa-ò inatxi reurò kia bede erydŷŷna mahādu. Tamy heka ruru riwahinyre. Aōma tyytybybina riteònykemy. Tule tamy riwahinyre ibutu binana deytana heka riwahinyre tamy.

² Kia heka tadeòdŷŷmahādurenynimy ararybekre. Juhuu heka Simaō Pedro. Juhuu heka Simaō inire, ihewomy tahe Pedromy nanide. Andre ijō. Tii heka Pedro seriòre rare. Txiau, Joaō-wana heka Zebedeu riòre rare: ³ Filipi tasŷ ijō rare. Idi tahe Bartolomeu ijōre. Tome ijōre. Mateu ijōre, jiarŷ wahe. Jiarŷ nieru tarasaduō rare, imposto tarasadu wahe. Ijō Txiau tasŷ Afeu riòre rare. Tadeu ijōre. ⁴ Simaō ijōre. Tii Kana bede luduō rare. Judasi Isariò ijōre. Tii heka Jesuisi tyhedŷŷdu rare.

⁵ Jesuisi taerydŷŷna mahādu waòinatxi reruòmy riteònyre. Tamyreny rarybere: —Judeukōdu mahādu-ò aōkōkre reteònyre. Aōma Samaria mahādu hāwā heka ralòōhymyhŷre. ⁶ Kaiboho heka bōibenye judeu mahādu-ò sohojile. Tiiboho Israeli riokore mahāduō ihŷre. Aōma budoeni reòsamyhŷre mahadu wesemy tiiboho ratximyhŷrenyre. ⁷ Aōma tamy marybebenye: —Deuxu Iòlona biu-ki heka aōwesele kedehemynykemy ihŷre. ⁸ Webinadu mahādu heka biteytenye. Aōma iny rubu-wana witxi beakeki, biixixadŷŷnyke rubu-ribi. Tykybina yjy jyhykŷ-ribi iny biteytenye. Tyytybybina inywo-ribi biteònyke. Iwese aō tetate wese iòwykō heka ijō-ò biwahinymahāke, iòwykō wahe. ⁹ Uritere nieru wydyōmy, womati tŷrŷrŷhŷkŷ nieru aōkō, prata womati nieru aōkō, cobre womati nieru aōkō wahe. ¹⁰ Aōma anieru hyna nihikŷ wydyōmy, awa ijō wydyōmy, ijō dera wydyōmy. Aōma òwòru arirana wiòhedŷŷna wydyōmy. Aōmysŷdŷŷdu taòwy riwykre. Kia òbitire. ¹¹ Hetoō malòke. Kia heka arayrubunykre. Adee riwahinykre ibutumy aōmybo rarumyhŷkre. Iu hāwā-ò malokreu, hābu ityhydŷŷdu mahāduō biijekre. Taihy bonykre-hyy tahe iwitxira hāwā-ò iribihyymy makre. ¹² Iu hetoō-ò malòkeu Deuxu ywina tamy marybekre, Deuxu deysanamy wahe. ¹³ Kai awimy ityhydŷŷdu hetomy rŷike wana, biwahinyke aàlana tamyreny. Kai òbitimy aōkō atxiteri wana tahe uritere tamy Deuxu deysanamy tamy wahidŷŷōmy. ¹⁴ Aōma tii arybe-ò roholaōkeki, kai hāwā-ribi bexitake taheto-ribi wahe. Tahe iribi bōhònykeu tahe awabrybyxi biubŷtŷnynymy bōhònyke. Tii tahe tamyreny rioimyhŷre. Aōma tamyreny ibinatyhykre. ¹⁵ Inatyhymy heka adee ararybekre. Sodoma hāwā mahādu, Komora hāwā mahādu inatyhymy heka ibinare tamyreny tahe isiraōkre aōhōkŷmy dŷŷnana wahe.

Aõma kia hãwã arybe-ò raholara heka kia ratyre heka tamy isiraõkre. Kia hãwã tahe aõnityhymy aõhõkõmy rotõyõnykre. Ywisidõyõna txu heka rõyekre wahe.

¹⁶ Iwese budoeni ijòrò aholay-ki rõykre wese heka kaiboho boibekre. Hemylala erydõyõna wesemy heka maraykynykre. Idi tahe sõwemy aõma ywina-di maraykynybenykre bõtòwesena-di. ¹⁷⁻¹⁸ Uritere inatyhy heka aramykre araròtenykre dohodõyõna hetowo-ò adi ralokre. Waõraru-ki heka bede dinodu mahãdu heka araywisidõyõnynakre. Judeukõdu mahãduko Rybewihikõ Tõmyra rarybekre. Tiiboho arahãtenykre. ¹⁹ Aõ heka belyyke ikoreny ibutumy roholakemy. Aramykeu heka uritere nohõtõmyke aõmybo marybekremy ywisidõyõna-ki wahe. Bede heka ariwahinykre rybe ibededõyõnanau. Rybeõmyke, urile rybeõmyke. ²⁰ Kai ixivanale aõkõ marybeke. Aõma Deuxu Tyytybytyhy arãwiõhenanymhõyreny. ²¹ Inyõ heka taseriõre rityhenykre. Tybyõ tule tariõre rityhenykre. Aõma iriõre tasõ tyby-ò iky reakre idi rirubunykre. ²² Ihyy ibyrymy heka aluu aõkõkre waõraru-ki. Ibutumy iny deramy rarehyke waõraru-ki: Inyõ tule õbitimy rarekreki, ikonantxu-u, Deuxu Iõlõna-ò ralokre. ²³ Tahe anatakre. Aõma hãwãhãkõyõ-ki atxikeki mahenykre ijõ hãwã-ò. Ihewoludu ikonana hãwã hãwãhãkõyõ-ribe behemynyke-ribe tahe adòõsekre. Judeu hãwãhãkõyõ-ò behemynykrekõule tahe adòõsekre, jiarõ Hãbutyhyhykõ wahe.

²⁴⁻²⁵ Aõma bedeerydõyõdu mahãdu tahe aõma ierydõyõna mahãdu ratyre rare. Tule iwedu deõdu ratyre heka ihõre. Iwesereny tahe boibebenykre. Tahe awedu tate. Inyõ tahe riwarinimyhõre Satanasi, Belisibu wahe raremy. Tahe iwesele heka iny araninikre waweselemy, ibinatyhyre wahe. ²⁶⁻²⁸ Jiarõ adee wiji relyreri. Biurasõmy heka tuu bedelyykre ibutu ijohonanamy adeereny relyreri. Wasimy wijirumy adeereny relyyre. Biurasõmy tahe ibutu ijohonanamy tuu belyybenykre. Uritere ilau brebuõmy. Aõbo wasimy rõire heka ibutumy ratõnykre. Uritere ilau brebuõmyke. Adeelekre rirubunykre atyytyby ta rirubunyõtyhy. Iruruõre dori atyytyby rirubunyké. Deuxule tahe bityhynyke. Tii dorihe iruru-di heka rare. Tii bede luru-txi heka atyytyby bede luru heõtõ-txi heka adi rehuke. Bityhynyke idile maraykynyke. Hãbu lau brebuõmy hãbu aõbina bina riwinymyhõre lau brebuõmy. ²⁹ Nawiiõ iny riwymyhõre womati nieru iyja-di, iõwy riõre iny heka riwymyhõre. Ibutumy heka Deuxu nawii rieryre sohoji sohojimy. Tiu heka Deuxu rieryõhyymyhõre nawii sõmo rurumyhõre heka tiu rieryrykõmy idi reteheõtõtyhy. Kiawese aõbo tahõtõnymahãte. Aõkõre, inatyhymy idi retehemyhõre. Ijõ rurumyhõre heka tuu robimyhõre. Aõma Deuxu heka anaerymyhõre nawii sõmo ratyre heka aumy rierymyhõ. ³⁰ Ara erymy heka aõma arati-ki tiwesebo radeti rõimyhõre heka rierymyhõre. ³¹ Breburenkõmykre, kaiboho dori nawii ratyre Deuxu-ò toite. ³²⁻³³ Kai marybeke: —Jiarõ retyhynyre dori tahe umy arelyyke. Jiarõ heka umy ararybeke inyryõ dee biu-ki wahe. Iny sõwehekõyõ-ki riwatxiõnykeki tule aratxiõnyke jiarõ Wahako-ò. Jiarõ heka suò anade.

³⁴ Aõ ywina wydumy aõkõre heka anade. Jiarõ heka ywina aõkõre diwyde. Bedejeiejidõyõmy anade iribi wadee wou rõyikremy. Hãbu heka tybe òludumy rarekre.

³⁵ Tule hãwyy tadi òludumy arisynykre. Tule iriokõrese tariõrelahi òludumy arisynykre. Aõma inyõ òludu heka tasõ mahãdu òludumy rarekre.

³⁶ Boluu adireny boreny heka boibekre. Kia luummy heka boibekre. Tai tahe iratyremy boibekre aõkõkeki tahe waluuõkeki tahe wahõrõ mahādumy aõkõ boibeke.

³⁷⁻³⁹ Kaweselemy boibeõkeki. Tai tahe kai wahõrõ mahādumy aõkõhe mabekre. Aõma biyrurubunytyhykeki tahe kai ihārele aõkre. Aõma kai waðraru-ki aõhõkõmy botõõnykeki wadee waaõmysõdõõ òraru-ki inyõ anarubunykeki aõhe adee rutõõnykeki. Tai tahe aummy rõhõnykre inyõ tasõ-ò aradykeki iwese tii tasõ-ò riwadyra wesele heka aradykre.

⁴⁰ Tii riwadyra wana Deuxu heka ridymyhõre riwateõnyreki wahe. ⁴¹ Deuxu rybeduõ bidybenykeki. Tii Deuxu-ò arāwahinykre. Deuxu adee uriiõno kadiwahinykre. Adeereny kidiwahinykre. Wahisidõõna ritakre wese heka tule kai bitakre. Adeereny ararybekre. Deuxu hõrõ mahādu heka bimymahābenyke. Aheto-ò bidybenyke hābuwi ihõreny. Tiibohe dori wese uriiõno ritarenykre wesele kaibohe bitabenyke. ⁴² Kai uladu-ò bemonā biwahinykeki bedi imonamy. Tai tahe kanakre inatyhymy adee aõ kidiwahinykre. Kai waðraru-ki ityhydõõdu-ò bee biwahinykeki, inatyhymy heka aõwy adee kanakre.

11

¹ Jesuisi heka rexihure aõma taerydõõna mahādu waðinatxi bedeerydõõna-ribi. Kia bede ywina tamyreny riwahinyre. Rexihureu tahe rare rõhõnyre iribi hāwā-di. Aõma rybe ritõnydõõmy rakremy hāwā hāwā-ò.

² Idi tahe rõtenywokile heka iu Joaõ roimyhõ. Aõbo Jesuisi tahe iu aõna aõna wiwihikõ ritxienymyhõreu heka Joaõ tamy roholare. Rõtenywo-ki roimyhõ-ribi. Idi tahe Joaõ taerydõõna mahādu riteõnyre Jesuisi-ò dõõraximy: ³ —Kohe, anaraõdenyde tate. Aõma Deuxu deõdõõna wahe kanakre aõbo ihewo-ribi. Ariraõrenykre aõbo urihimyõ. ⁴ Tai Jesuisi rirawõnyre: —Aõma bõõsebenyke ixbyle Joaõ-ò. Belyybenykre ikò aõna aõna wiwihikõ rewinyre arureny-ki tule tabite wamyreny. ⁵ Aõma iruetāhākõ heka. Reruedõõnymy rare wahe. Itiere tasõ retinywāhāre dinoduhukõ ityy reytemyhõre. Aõma ijõ Rybewihikõ Tõmyra roholaõhyymyhõre tasõ tule reijohonadõõnyre. Aõma rubu tule rubu-ribi reixiadõõnyre. Rybewihikõ Tõmyramy heka retõnydõõnyre ibutu iny-ò wahe, iny aõkõ mahādu-ò wahe. Tule Joaõ-ò marybebenyke kaweselemy wahe. ⁶ Maratyhybenykeki, beysabenyke.

⁷ Iribi rõhõnyreu tahe Jesuisi heka rarybere Joaõ bededõõnanamy. Aõmybo wahe Joaõ-di rõhõtinyrenyre aõmy tuu bedi nohõtinyrenyre tamy itxereny bederahy rõirenyreki wahe. Otxirarade wese yhy-ki tahõtinyteri. ⁸⁻⁹ Ada aõma hābu urimynodutyhymy aõbo idi rõhõtinyrenyre. Aõma butõre wesemy idi rõhõtinyrenyre. Ada iwitxiramy aõbo idi tahõtinytenyete hābu tyywihikõdiremy idi rahõtinytenyete. Iõlõ taheto wihikõ-ki ratximyhõre. Aõkõre, kia iny heka aõ Deuxu rybeduõmybo tahõtinytenyete. Inatyhy tii kia rare. ¹⁰ Iratyre heka tii rare. Aõma dori Tyyriti-ki rarybemyhõre:

—Tii heka wako-ki kadehemynykremy ratximyhõre, wamy relyykemy, wary riywinymyhõre.

¹¹⁻¹⁴ Inatyhy heka rare. Tii heka ibutu hābu ratyre ratximyhõre. Ihārele tahe heka Deuxu Iõlõna-ki heka ijõ iny iratyre ratximyhõre. Hābu binahākõ heka Deuxu Iõlõna-ò raaõbinanymyhõre. Joaõ rexidelenyry rybe itõnydõõmy rexidelenyreuhyyle heka ritelemy ralore. Tule wiji

nalòmyhÿde sòwemy. Iu Joaõ rehemynykòle heka tuu rarybemyhÿre ibutu Deuxu rybedu mahãdu heka tuu rarybemy raremyhÿ. Tule Moisesi bede ywina kia rarybere. Tii Eliasi wesele ihÿre. Tetyhynytenyete aõbo. Iwese Deuxu rarybereri wesemy heka tii nade. ¹⁵ Inyò ierysomy rurukeki, roholake wiji. Aõmybo ararybekre kainomy tiwesebo rÿimyhÿremy. ¹⁶ Tiiboho heka iwese weryry uladu risinymyhÿre wesemy ihÿrenyete. Kiamy heka tiinamahãdu-ò rarybemyhÿre: ¹⁷ — Jiarÿboho heka aõma wiunawihikÿ-di rawinymyhÿrenyete. Idi tahe teysatenyòhÿymahãtenyete. Tahe wiuna bederarysyna-dí heka rawiunymyhÿrenyete. Ta bedewoòhÿymahãtenyeteri. ¹⁸ Joaõ Sebedÿÿdu heka riroxiõre. Viimÿ riõõre. Inywesereny tai tarybetenyete: —Tii raitxÿtemy ihÿre. Tyytybybina-di ihÿre. ¹⁹ —Jiarÿ Deuxu Riõre heka rehemynyre Hãbutyhyhykÿ wahe. Jiarÿ roroximyhÿre. Reõmyhÿre tahe kiaboho heka waluu aõkò heka toite. Urile heka wamy tarybemyhÿtenyete wabyre nihikÿremy wabemomohòkÿremy. Aõma òrarudu kia liinatyhy heka jiarÿ rare. Aõ ikòkòlemy heka taraykynymyhÿtenyete ihãrele taheka òbitilemy ixi-di tanohòtimyhÿtenyete.

²⁰ Jesuisi heka sòwemy aõwihikÿmy riwinomy raremy. Ihãrele heka imahãdu rityhynyòhÿymyhÿre heka. Kia Jesuisi heka rarybere kia hãwã mahãdumy. ²¹⁻²² Orasi hãwã aõ heka adee binatyhomy kanakre amahãdu-ò wahe. Besaida hãwã mahãdu, kaiboho aõna aõna wiwihikÿmy tabitenyete ahãwãreny-ki. Tiu heka ixi-txi òhòtirenny reaòhykymyhÿre. Jiarÿ aõma Tiro hãwã-ki Sidò hãwã-ki aõna aõna wiwihikÿ ariwinnyre wana inihe heka ixi-txi tòhòtirenny reare iniheka saumy tyky rexityynnyre tule brybysi ixityrenny heka rexihumy. Sidò hãwã Tiro hãwã heka urihimyo adeereny isirakre. ²³⁻²⁴ Kafanaõ hãwã mahãdu! Kaiboho heka tule ixitxirenny òhòtirenny reaòhykyre. Aõma kaiboho heka awireny ixidirenny tahoòtinymahãtenyete, awityhyremy. Kaiboho heka òhòtenamy bekoabenkyre bedebina heòtyhykÿ-ò dori besebenkyre. Sòwemy dori aõwihikÿmy kaiboho tabitenyete. Deysana wiwihikÿ-di wahe. Tiu heka ixi-txi òhòtirenny reaòhykymy aòrarurenny-txi. Aõ wiwihikÿ Sodoma hãwã-ki rewinnyre wana wahe. Tiu heka rabinaòhyre inihe heka wiji-ò. Aõkò botÿÿbenkyre aõma Sodoma hãwã ratyre heka aõhòkÿmy botÿÿnybenkyre, Deuxu ywisidÿÿnatxu.

²⁵ Tahe Jesuisi rexitòrenny Deuxu-ò: —Waha, biu bede-wana iwedu atximahãte. Kai uladu-ò aõna aõna tetÿnnyete. Tewòmahãte heka kia ibedeeryhykÿ lau heka tewòmahãte. Kai ixi-di bedeeryhykÿmy ròhòtinymyhÿre lau wahe. ²⁶ Tii heka adeewinare. ²⁷ Ibutumy heka Waha wadee riwahinnyre tii heka riwaeryre. Jiarÿ tule tii reeryre. Aõma ixidee wikeki inydee ariteòsinnyke. Timybo Waha rare. ²⁸ Elehydÿÿmy buruke aõbo? Manake wadee. Jiarÿ heka araelehykyre. ²⁹ Walòtityreherina ixidee bitidibennyke. Tai tahe wawana maaòmysÿdÿÿbennyke. Arabederynykyre heka ywina-di. Aritidiòtyhy heka aõ utxiehekÿ atyrenny. Elehyna adeereny ariwahinnykyre awo araykyrenny-ò. ³⁰ Aaòmysÿdÿÿna adeereny rewahinymyhÿre isiraõre heka. Iutxiemy aõkò rare.

12

¹ Sabado txuu, judeu elehynatxu Jesuisi rariamy ròirennyre maixòmoni oworu-ki. Tahe rekoarennyre aõma maixòmoni oworuro-di heka irennyre. Kia heka tahe Jesuisi taerydÿÿna mahãdu heka riarimyhÿre aõma

riyrenykremy rama rahuraki. ² Iu-ki tahe fariseu mahāduō retehemy ratximyhÿre. Tiiboho tahe rarybere kia Jesuisi-ò rarybere: —Kia hewa brebuna rare aōma sabadotxu riwinymyhÿré: —Aōherekibo aerydÿÿna mahādu iu riwinyrereri. ³ Tahe Jesuisi tamy rÿÿraxire aōma ijyymy ikoreny relyyre iwese Davi riwinyre wesemy heka riwinyrereri ramy rahureu. ⁴ Davi riki heka ralòre Deuxu dohodÿÿna hetowo-ò heka ralore. Tai tahe rirÿsÿmyhÿ kia aōma xiwena-ki heka riymy. Kia orotxu heka aōma xiwena-ò hidÿÿna mahāduòle rÿimy. Tahe ihārele heka riyrenyre heka. Taijoi mahādu-ò riwahinyre. ⁵ Kia wesemy aōma tariakōte bede ywina tyyriti-ki wahe. Aōma xiwena wahidÿÿdu heka rityynyōhyymyhÿre. Aōma sabadotxu kia wahisidÿÿna. Xiwena bede ywina wahe. Iu dohodÿÿna hetowo-ki ratximyhÿu. Tii heka sabadotxu bede ywina rityhynyōhyymyhÿre. Tahe heka aōbina bina riwinyrenyōhyymyhÿre. Kia tahe heka tule heka bede ywina tyyriti heka ritidÿÿna roire. Idi tariatenyōte. ⁶ Inatyhymy heka adee ararybekre. Inyō kaki ratxikeki jiarÿ heka kaki heka inyō ratximyhÿre aōma dohodÿÿnahakÿ heto-ki wahe. Dohodÿÿdu mahādu ratyre heka watzimahāre jiarÿ wahe. ⁷ Kiamy heka ritidÿÿna rÿimyhÿre. Jiarÿ heka xiwena luure ihāre tahe sōwemy heka iratyre ruxetòena luure. Jiarÿ aōma xiwena luure ihāre tahe iratyre heka aōma ruxetòena luure sÿ. Kaiboho terytenyte wana. Aōma heka ibinamy tarybehyynehÿte inyō teòsamy ratxikeò. Aōma aō riwinyrenyōhyyre. Kiamy wahe. ⁸ Jiarÿ dori Deuxu Riòre Hābu watzimyhÿre. Jiarÿ tule aōma sabadotxu wedu wāhāre.

⁹ Tai tahe Jesuisi nade heka ixiby aōma tohodÿÿnareny heto-ò. Ralòre heka sabadotxu. ¹⁰ Hābuō ratximyhÿre debò binare. Debò rayjayja ihÿmyhÿre. Tahe fariseu mahādu heka Jesuisi-di mynamy ratximyhÿre. Aō rybebinamy rarybeke òraru-ki rimykemy. Tai tahe rÿÿraxire Jesuisi-ò: —Timyrebohe brebuna aōbo sabadotxu deytedyÿ ada aōkòre aōbo. ¹¹ Tai ta Jesuisi rirariwònyre: —Kaweselemy rōkōhōtinyrenyke. Kai heka aōmy abudoeni sohojilere. Sabadotxu heka reseke hālooro-txi aribi. Timybo mohōtinyke aōma bitake hālooro-ribi. Inatyhyre aōbo. Sabadotxu hārele bitake. Kohe, inatyhyra. ¹² Hābu heka budoeni ratyre heka iōwy rare. Aōma sabadotxu aōwaxinyre heka reyteke. ¹³ Tai hābu-ò rarybere Jesuisi: —Ebò biditytyke. Debò ritytyra ta wiwesele debò relere awimy. ¹⁴ Fariseu mahādu heka wii ributunyre, iribi rōhòrenyreu wahe. Widee raryberenyre: —Aōma timybo rikisÿnyrenykre rikimynyrenykre rikiribunynyrenykre.

¹⁵ Tahe Jesuisi rierymyhÿ kiamy rarybermyhÿreny heka roholamyhÿ. Tahe Jesuisi rierymy heka. Iribi irehemy ratximyhÿreny hārele, rierymy heka. Iribi tahe rexitare heka hāwā-ribi wahe. Idi heka ihemy heka rare riheludunyre. Sōwemy heka webinadu ihemy rare. Ibutumy riteytenyre. ¹⁶ Teyteydÿÿna mahādu-ò rarybere: —Uritere itÿnydÿÿōmykremy tuu ijyōmykremy inyko-ò. ¹⁷ Ihexiu Isaia tyyriti-ki heka kawesemy rÿimyhÿre. Tii heka Deuxu rybeduō rare.

¹⁸ —Kaheka Wadeòdu rare. Tuure heka jiarÿ, tii heka retare. Rehitynyre. Tii heka deysana wadee riwahinymyhÿre Tatytybytyhy tamy ariwahinykre. Ywisidÿÿna txuu heka ibutuko-ò relykre.

¹⁹ Tii heka rryrōtyhy rebureōtyhy heka inyō-wana widee. Tiu heka inyō roholaōtyhy irybe dee. Ryki heka inyō irybe-ò roholaōtyhy.

²⁰ Aõma bòtòrèõ ırybòhòmı roikeki. Tii raòròõtyhy. Txuheòtyjurà loosòna urihımyòkeki heka tiu ruriòtyhy eleti-di. Tii ritakre iaòbinana, inatyhnaò binana wahe.

²¹ İbutumı heka iraròsòna iribi ritakre.

²² Hãbu rybeò ruetaò heka iny didydenyde Jesuisi-ò wahe ralòmıyhÿreki wahe. Tii tyytybybina iwo-ò ralòmıyhÿreki wahe. Jesuisi tyytybybina riteònyre. Tai irue heka awımy relere rarybere. ²³ İbutu iny sòwe heka heka ribedeòtiidÿnyre. Widee tahe raryberenyre: —Ka heka Davi riore riòre òsana rare, Deuxu deòdÿna wahe. ²⁴ Tahe fariseu mahãdu-ò roholare. Tahe rarybere Jesuisımy: —Tii inatyhımy tyytybybina riteònymıyhÿre inywo-ribi. Aõma tyytybybina wedu ruru-di heka riteònymıyhÿre. Belisibu ruru-di wahe. ²⁵ Jesuisi heka rieryre iraykyreny. Tai tahe tamı rarybere: —İjyymı heka tamı rarybere. İòlòna mahãdu wiribi İbutumı rexihıtxinykeki tahe rexihukre İbutumı wiribireny. Tahe hãwã mahãdu taijoıy-ribi rexihıtxinykeki, awi aòkò rare tai wahe. ²⁶ Wiribi rexihıtxinyke wana. Tule awi aòkò rare tai wahe. Aõma Satanasi rexideònykeki tahe tayreny-ribi rexitake. ²⁷ Belisibu ruru-di tyytybybina ariteònyke wana aòdibohe aheludu mahãdu riteònykemy ratximıyhÿre. Tiiboho heka aywisidÿdurenymı ratximıyhÿre. ²⁸ Jiarÿ Tyytybytyhy ruru-di ariteònykeki heka kaiboho arurunareny Deuxu-ribi nade. İòlòna adeereny rehemınyreri. ²⁹ İnyò heka hãbu rurutere hetowo-txi ralòtyhy wasımy wahe. Tai rawasinymı ratximıyhÿreki tahe urile juhıu hãbu ritaataake. İdi tahe iheto-ribi aòdibo rawasinıyke. ³⁰ İnyò wabiòwamı aòkò ihÿre wana heka, waòludu rare. İnyò wawana İbutumı ratxiòmıyhÿre wana tahe raybàtàmyhÿre. ³¹ İnatyhımy jiarÿ adee anarybekre. İbutu òraruna kanaixãwididÿÿke. Hãbu aòtxile aòbina bina rarybemyhÿre. Sohojile taruxãwidÿÿtyhy. Aòtxile İnyò aòbina binamı Deuxu Tyytybytyhy rarybekeki. Tii aòraru rataòtyhy. Kia heka òraruna tiiehyymı rarekemy ihÿre. ³² Hãbutyhyhykÿ heka Deuxu riòremı aòbina binamı iny rarybekeki, wamı wahe, tii tahe ixãwidina ðire. Deuxu Tyytybytyhyhımy rarybekeki, tii tahe iixãwidinyòhyre. Tiehyy kia òraruna-di rareke. ³³ Jesuisi rawesenanyre iny òwòru wese rare. Òwòru awımy rÿike wana, tai heka iratywihikÿò-ki iny rahake. Ruru rasunymıyhÿre raruburerimı ihÿre. Kia tasÿ iratywımy aòkò rÿike İbinamı. Aõma òwòru iny rierymyhÿre aòbo iribi iraty dejuxunymıyhÿde òraru-ki iny rierymyhÿre, awire. ³⁴⁻³⁵ Kaiboho heka hemylala mahãdu wesemy atximıyhÿtenyete. Kaiboho heka abinatyhımy ahãtenyete. Timıbo heka kaiboho aòwiwihikÿmy marybebenyke. Arayky aòbina bina hakÿıemy tòhòtınıyteri wana. Tai taheka ary tuu ròhònyke ary tuu rarybeke. Aõma hãbu wihikÿò ratxiremyhÿre wana aònana wiwihikÿle tarayky-ki rıyrubunymıyhÿre. Tii heka rarybemyhÿre. Hãbu bina tahe tarayky-ribi İbinalemı rarybemyhÿre. ³⁶ İbutumı aòmybo iny rarybemyhÿre heka ywisidÿna txu tuu rarybemyhÿre rierymy timıkıbo tuu rarybere wahe. ³⁷ Òrarukıbo rarybere: —Arybe òraru-ki heka ywisidÿna-ki atxiteri. Bitakemy aòbo ada aòkòre aòbo.

³⁸ Bedeerydÿÿdu mahãdumı heka fariseu mahãduò tamı rarybereri: —Erydÿÿdu, wadeereny biteòsınyke awiwihikÿò. ³⁹ Jesuisi ðirawyònyde: —İny kamahãdu heka İbinatyhy rare aò awiwihikÿ rexitòenymıyhÿre. Abina binale wahe. Aò wihikÿle bobiòtyhy. Tahe sohoji aòwiwihikÿòmy heka

mohõtinyke. Jonasi widÿÿna wahe. ⁴⁰ Jonasi Deuxu rybeduõ widÿÿna wahe. Tii inataõ txu inataõ rummy uturahakÿ wona-ki ihÿmyhÿwesemy. Iwese Deuxu Riõre Hãbutyhykÿ bede-ki rarekremyhy wesemy inataõ txummy inataõ rummy. ⁴¹ Ninive hãwã mahãdu heka roholarenytixi tõhõtireny reare. Iu Jonasi rybe ritÿnydyÿÿreu wahe. Tahe inyõ kaiboho tamy taholatenynte. Sõwemy heka iny Jonasi ratyremy ihÿre. Ihÿrele kaiboho ixitxireny õhõtireny reaõre. Ninive tamahãdu tahe ibinany adeeremy rarybekre. Ywisidyÿÿnatxu wahe. ⁴² Iolò Hãwyyõ heka ibòò irehe-ribi nade. Aõma Salomaõ bede erydyÿÿna-ò roholakemy. Kaiboho heka inyõ-ò taholatenynte. Salomaõ ratyre heka sõwe inihikÿ ihÿre. Ihãrele ta ixitxi nohõtireny reaõre. Ywisidyÿÿnatxu heka Iolò hãwyy ibinany kÿnarybekre umyreny wahe. Ywisidyÿÿnatxu. ⁴³ Aõma tyytybybina hãbu-ribi rõhõnykreu tahe elehydyÿÿna riijekre. Aõma bedebinana tõteehekÿ tahe tuu reakre. Ihÿre tahe tai rahaõhykre elehyena-ki wahe. ⁴⁴ Tai tahe ixidee rybekre: —Aròðekre kÿhe. Iribi ranywÿhÿreò anakre. Tai tahe kia hãbu-ki rahara. Tyyrahakÿmy iwo-ki iruxeramy. ⁴⁵ Tai tahe ijõ-txi reare. Debò inatxi reurò tyytybybina-txi iratyre tyhu wahe ibinare. Tai tahe ridyke tahãbu-ki rasÿnyrenykemy. Kia hãbu heka iwese juhu raremyhÿre ratyre ibinamy ratximyhÿre. Kaiboho heka kia tyytybybina wese atximyhÿtenynte.

⁴⁶ Jesuisi tahe ijõ-ò rarybere ijõ ijoi-ò, tai tahe ise rehemynyre, iseriõreboho-wana. Sõwemy iny mahãdu-ò heka rarybere. ⁴⁷ Inyõ tamy rarybere: —Inyõ heka arãijereri adi ahelÿÿna. Kie heka rehemynyneri adee rarybekemy adi ratxireri. ⁴⁸ Jesuisi dirawyõnyde: —Mota heka nadireri, mota heka waseriõrereri? ⁴⁹ Tai tahe tebõhe riteðsiriteðsinyre taerydyÿÿna mahãdu-ò. Ka heka nadi rare. Ka heka waseriõrere. Ka ijõ heka waseriõre. ⁵⁰ Wahadeewi riwinymyhÿreki tahe, tii heka nadi rare. Waseriõre rare. Waha dori biu-ki ratximyhÿre.

13

¹ Itxu taheka Jesuisi rare heto-ribi Kalileia aho ijã-ò. Tahe tai ronyre. Tahe rexiterenyre Jesuisi iny ribedeernymy. ² Tai ibututyhymy heka iny wirotyre. Tai tahe Jesuisi rexitareny urihimyo hãworo-ò ronony rexitaranyre. Iny sõwehekÿ mahãdu tahe aho ijãkile heka roholamy rÿimyhÿre. ³ Tii heka relyymyhÿre aõma ijyyõ relyyre: —Aõna aõna wese ijyy rawesenanyre. Hãbu alòbòròmy rara. Tii heka alòbòròna dehudu rare. ⁴ Ijõ heka idi rehumyhÿu heka ijõ ryro-txi resere. Nawii heka riròmyhÿre riore heka. ⁵⁻⁶ Ijõ tahe rejuxunyre aõma manarutysu-txi. Tii tahe raumynyre aõwesele. Iraruxiõlemy heka rÿimyhÿ suu ibutureki. Idi bedetòtee rimoedyÿÿnyre. Idi tahe rurure. ⁷ Òwòrudÿÿ resere edey-txi. Idi ta ruhunyre edewanale. Idi tahe ede riòdesedyÿÿnymyhÿre. Tai heka raratynyõlemyhÿre. ⁸ Ijõ tahe resere suwitxirawihikÿ-txi. Tai tahe sõwemy raratynyre. Sohoji òwòrutu-ribi tahe 30my raratynyre iraty wahe. Ijõ 60my raratynyre iribi. Ijõ ta 100my raratynyre. ⁹ Tahe Jesuisi heka rarybere: —Kia bohولاتyhymy bonyke. Òhõtirenydikeki bohoolabenyke.

¹⁰ Tai tahe ierydyÿÿna mahãdu Jesuisi ritÿÿraxinyre: —Aõherekibo kai ijyy-di bierynanykemy atxiteri, rawesenanyneri wahe. ¹¹ Tai tahe

dirawyònyde: —Kaiboho aõmybo Deuxu reerynanyre kaiboho bierybenyke. Ijõ mahãdu tiu ijyy rieryõtyhy. Kaiboho dori Deuxu Òlõna teerytenyete. ¹² Hãbuõ iaõdikeki ijõ heka iratyre tamy ariwahinyke. Tai tahe sõwemy tamy rauhenyke. Tahe hãbu ihoõkeki ibutelemy ijõdikeki heka kiale iribi ibutummy aritakre. ¹³ Retehe my ihãre tahe robiõhyymyhÿreny tahe ririõhyymyhÿre. Tai heka ijyy-di reerynanyre watzireri. ¹⁴ Iwese Isaia tyryiti-ki roire wese heka tiiboho ihÿreny:

—Roholamyhÿre, roholamyhÿre ihãre tahe rieryõhyymyhÿre. Retehe my ihãre tahe tiu robiõhykymyhÿre.

¹⁵ —Irayky tererenyreki wahe rieryõre heka. Òhõtireny heka ritõbõnymyhÿre ta ijohonana-ribi. Tarue ribrenymyhÿre robike lau. Tahe wadee ròõseõtyhy. Aõkõre heka ariteytenykemy idi watzimyhÿre. Tibo heka terereny aõkõre.

¹⁶ Jesuisi ijõ relyymyhÿre tamyreny: —Kaiboho heka eysamy atxitenyteri. Kaiboho heka bobibenyke tahe bierybenyke. Aõmybo kaiboho tabitenyteri heka, taholatenyteri wahe. ¹⁷ Ihetxiu mahãdu, hÿÿna mahãdu wahe, tuu lobiximy riwisÿnymyhÿre. Aõma aõwobo kaiboho taholamyhÿtenyeteõ heka roholakemy riwisÿnymyhÿre tahe roholahÿymyhÿre. ¹⁸ Tahe bohohake heka adee aritÿnykye aõbo ijyy rare. ¹⁹ Òwòrutu ryro-txi resemyhÿre heka iny ijoireny wesemy ihÿre. Ijohona tuuwesemy wahe. Tibo roholamyreny ihÿre tahe rieryõhyymyreny. Aõma Satanasi heka nade tai tahe warybe heka iribireny ritamyhÿre. ²⁰ Ijõ manarutysu-txi resemyhÿ mahãdu tahe ijõ ijohonadu wesemy heka roire. Tiiboho heka deysana-di roholamyhÿreny. ²¹⁻²² Tai tahe urihimyòle rityhynymyhÿreny aõhõkÿmy dÿÿnana kanakeu tahe aõwesele riatyke ririmy reake. Kia edey-txi resera tasÿ aõma ijõ ijohonadu mahãdu wesemy heka rare. Tiiboho heka aõma 1000 nierule aõnityhmy idi rõhõtinyinmyhÿreny nierudile. Tai tahe rexibedewonymyhÿreny. Tiu heka Deuxu aõmydÿÿna riwinyõhyymyhÿre, Deuxu Rybe riwiõhenanyreny. ²³ Kia suwitzira wihikÿ-txi resera wana tahe iwitzira ijohonadu mahãdu wesemy heka rare. Tiiboho heka roholamyhÿreny rityhynymyhÿre sõwemy Deuxu dee roholamyhÿreny heka. Ijõ 100my wesemy raratynyre. Ijõ 60my raratynyre ijõ 30my raratynyre. Iny sohoji sohojiõ heka Deuxu-ò aõ riwinyrerimy ihÿre.

²⁴ Idi tahe iwitzira ijyymy relyyre Jesuisi tamyreny: —Deuxu Iòlõna heka kia wesemy ihÿre. Oworudu heka aõma alõbòrõna wihikÿõ ritõbrõnymyhÿre taoworuro-ò. ²⁵⁻²⁸ Tahe iòluduõ rummy heka tamy nade. Tahe iu ibutummy iny rõrõmyhÿreu, asibinaty-di tamy rehure. Tai tahe alõbòrõna asibina-wana ruhunyre kia aõma ede wana wimy urilemy. Taiki tahe kia aõma oworudu kia aõmysÿdÿÿdu mahãdu. Tuu heka ijyy-di nade tuu ijyymy. Idinodu rarybere: —Aõma waòludu heka kia riwinyre wadee. Idi oworudu narybede: —Aõhebohe arotÿÿnyrenykre? Ta idile aõbohe arisiherenykre araxirenyre. Tai tahe rirawyònyre: ²⁹⁻³⁰ —Aõkõre wahe, kia ibutummy alõbòrõna rirarutzinykre. Ixinamy heka ratybienykre tii-wana wiurilemy kia maixõmo arixina bededÿÿnamy bede relerekeu tahe iribi waarike. Ararybekre heka tamy kia aõma oworu-di raaõmysÿdÿÿkreò. Juhu delemy asi arisykre. Tahe ritoonykre. Idi tahe maixõmo heka riarikre kia maixõmo hetowo-ò riyrubunykre.

³¹ Tahe Jesuisi ijõ ijyy witziramy relyymyhÿre: —Aõma Deuxu

Iòlòna heka aõma alòbòròna sòmo sòmo wesemy ratximyhÿre. ³² Aõma raumynyneri heka aõma òwòru iyjatyhymy ibutumy òwòruty-ribi rariwesele relemyhÿre.

Taiki tahe kia nawille tuu rÿtÿnymyhÿre kia òwòru-ò.

³³ Uri paò uri ixìòlòdÿÿna heka Deuxu Iòlòna wesemy heka kia ihÿre. Hãwyy heka paò riwinymyhÿreu, riurinymyhÿreu tahe ibutumy raubÿtÿmyhÿre kia ibemy.

³⁴ Tai tahe rexiòlònymyhÿre Jesuisi heka sòwemy tuu relyymy raremyhÿ. Iu iny ribedeernymy raremyhÿu. Tiiemy heka Jesuisi relyyhy raremyhÿ iu ròbedeerydÿÿmy raremyhÿu. ³⁵ Deuxu rybedu dori ihetxiu rarybere:

—Jiarÿ ijyy-di rebedeernymyhÿre. Aõma tuu relyymyhÿre heka ierykòna rare. Tiuhe rieryòhyymyhÿre. Iu bede rexideelenyrauhyyle.

³⁶ Idi tahe Jesuisi rexitare iny sòwey-ribi rexitare. Hetoò-ò heka ralore. Tai tahe aõmybohe wakoreny inihe bedelyyke. Aòludu inybo arasÿnyremy. Kia ijyy heka aõma hãbu ede-di rehure ioworu-ò, taòludu oworu-ò. Kia inihe wadee bitÿnyyke aõbo rare wahe. Kia ijyy telyyté. ³⁷ Tai tahe Jesuisi tii dirawyònyde: —Kia hãbu alòbòròna wihikÿ ribòrònyre heka Deuxu Riòre Hãbutyhyhykÿ, rare wahe. ³⁸⁻³⁹ Ioworu heka ibutu bede heka roimyhÿ wesemy roimyhÿre. Aõma alòbòròna wihikÿre heka ityhydÿÿdu iwese rÿirawesemy rÿira. Asi tahe kia ityhydÿÿdukòdu mahãdu wesemy heka ihÿre. Aõma kia iòludumy rarybereri tahe kia Satanasile heka ihÿre. Kia iyresynamy rarybereri aõbo bedekonana heka tuu rininimy heka tuu rarybereri. Kia ÿju heka iyresydumyhÿ tuu rarybereri. Kia rimykre ede riorokremy rarybereri heka aõma ityhydÿÿdukòdu mahãdu heka tuu rininimy rarybereri. ⁴⁰ Ritakre heka rihitxinykre. Heòty bedehékÿ heka idi rehukre risòkre iu wahe. Iwesele taheka bedekonana heka rarakre. ⁴¹ Deuxu Riòre, Hãbutyhyhykÿ heka aõma ÿju riteònykre ibutu iny ributunykremy.

Ityhydÿÿdukòdu mahãdu ijò iny òraruna-txi rityhedÿÿdu mahãdu heka ibutumy ributunykre widee. Ibutumy aòbina bina widÿÿdu wahe.

⁴² Idi tii rihukre. Tai tahe ryrykre aòkÿmy rotÿÿnykre tai. Robumyhÿre taju. ⁴³ Kiau aõma

Deuxu hõrõ mahãdu tahe Waha Iòlòmy rononymyhÿre kie ronykre. Tiibohe loosòny wesemy heka ritoosònanykre txuu loosòna wesemy.

Òhòtirenidyeki ibutumy heka bohòlabenyke.

⁴⁴ Deuxu Iòlòna tahe nieru wesemy ratximyhÿre. Aõma nieru heka hynaò-ki rahara nieru-di tÿximy aõma surawo-ki idi hãbu ixiby riwore. Tai tahe tii reysatyhymy ròsere. Kia ibutumy taaòmydÿÿna-di heka rohonyre. Kia bedero riwykremy.

⁴⁵⁻⁴⁶ Ijò tahe tule Deuxu Iòlòna wesemy ka ratximyhÿre. Iwese ixìura wydydu ihÿre wesemy heka Deuxu Iòlòna ihÿre. Iwydydu heka ijese ijesemy riwumyhÿre. Aòwi riererimy riererimy heka tai rahamyhÿre iruxera-ki tii tahe riwumyhÿre. Kiau tahe tai rahare aò òwyhykÿò-ki heka rahare. Tii idi tahe rohonyre ibutumy taaòmydÿÿna-di idi tahe kia iwydymy idi ratxireriò riwore.

⁴⁷ Riàò wese heka tule Deuxu òlòna ihÿre. Aõma rià-di iny rehumyhÿre wana heka ibutumy utura rimymyhÿre. ⁴⁸ Kia aõma idi tahe idi raixÿnymyhÿre riarimyhÿre iky-ribi. Aõma awi-di awihe riarirerimy

iky-ribi. Ibinare rihitxinomy iribi. ⁴⁹ Kia bedekonana tahe iweselemy heka rarekre. Kia aōma ŷju heka riarikre awi heka ibinau-ribi riarikre. ⁵⁰ Rehukre heōty bedebinakŷ-ò wahe. Tai ki tahe rirajuamyhŷkre ta aōhōkŷmy rotŷŷnymyhŷkre. Txuu rikyinyamhŷkre

⁵¹ Tahe Jesuisi tamy rŷŷraxire: —Kiamy ibutumy teerymyhŷtenyte? Tiiboho riraòwònyrenyre: —Kohe, reerymyhŷrenyre. ⁵² Idi Jesuisi rarybere: —Inyò bede ywina bedeerydŷŷna heka rityhynyreu, waheludu rarekreu wahe. Tii tahe iwese hābu butudŷŷdumy ratximyhŷre wese heka rononymhŷre. Tii heka ibutudŷŷna heto-ribi ritamyhŷre, tasŷ mahādu-ò riwahinykemy. Aō tyby aō tŷmyra. Ibutumy heka ritamyhŷre.

⁵³ Tahe iribi Jesuisi rexitareu, ⁵⁴ tahe tahāwā-ò ròsere. Judeu dohodŷŷna heto-ki ribedeerynyre. Tahe ibutumy ribedeòtiidŷŷnyre. Tiribibo heka tii bedeeryna rierymyhŷre: —Timyreki bohe aōwiihikŷ rierymyhŷre. Tii kŷny heka aōma òwòru besedŷŷwidŷŷdu riòre heka rare. ⁵⁵ Jyje riòre wahe. Marie heka tule rare ise wahe. Txiau, Simaō, Jyje, Judasi-wana iseriòre ihŷre tule wahe inatyhy? ⁵⁶ —Iseriòre hāwyy heka tule kaki rasŷnymyhŷre inatyhy. Timyrakibohe aōna aōna ikōkō rierymyhŷre. ⁵⁷ Tahe rityhynyōhymyhŷre heka tai wahe. Jesuisi tamyreny rarybere: —Deuxu Riòre Hābutyhykŷ heka tiu tauludu wijirana hāwā-ki inyō rityhynyōtyhy rybeduò ihetomy ijirana-ki. ⁵⁸ Tai tahe aōna aōna wiwihikŷ heka tai riwinyōhyre, rityhynyōmyhŷreki.

14

¹ Kia bedeu tahe Herodi, Kalileia iòlò, Jesusini-ò roholare. Aōikōkō heka riwinymyhŷre. ² My heka rarybere teòdu mahādu-ò: —Kia Joaō Sebedŷŷdule aōbohe rubu-ribi riixixadŷŷnyre. Tai tahe tii aōikōkō riwinymyhŷre. ³ Herodi tahe juhū Joaō ròtenawo-ki riteònyre. Tii taseriòre hāwyy òraru-ki kia wesemy riwinyre, Herodia òraru-ki wahe. Herodia heka Filipi hāwyy rare. ⁴ Juhū Joaō Herodi-ò rarybere: —Awi aōkō rare. Kai dori aseriòre hāwyy-wana atxiteri. Uritere heriōmyke. ⁵ Tai tahe Herodi heka Joaō rubudŷŷmy riwisŷnyre. Urile ruberumy judeu mahādu lau. Tamyreny Deuxu rybeduòmy rŷiramy Joaō Sebedŷŷdu rare. ⁶ Herodi kai beòramy bede rareu tahe worana bedehesi ritxienyrenyre. Herodia riòre ijadòma heka iko-ò resemyhŷre. Iixe-ki tahe awimy Herodi rahare, Ijadòma luure wahe. ⁷ Tii tahe tamy rarybere kanakemy. Aōmybo wadee bexitòenykre. Inatyhymy adee ibutumy ariwahinykre. ⁸ Tai ise ijadòma-ò rarybere: —Aōma bexitòenykre: Sebedŷŷkŷdu ratilemy tamy bexitòenykre. Tai tahe ijadòma tamy rexitòenyre: —Wadeke bidiwyke Joaō Sebedŷŷkŷdu rati, pratoro-ki. ⁹ Tai tahe iòlòhe rabadewore. Ibutu ijohonaru-ò dori tuu rarybere ijadòma-ò. Tahe ibutumy riwinyke rŷire. ¹⁰ Tahe ihārele iòlò heka soldadoò riteònyre ròtenawo-ò kia Joaō rati resmy. ¹¹ Inyō diwyde pratoro-ki. Ijadòma-ò heka riwahinyre. Tahe tii tadi-ò idi rare. Riwahinyre. ¹² Idi tahe Joaō erydŷŷna mahādu dioryde iumy, riwykremy, rituunykremy. Iribi tahe roirenyre Jesusiko relyyre.

¹³ Kia roholareu tahe Jesuisi ròhònyre ixisohojilemy bederahu-txi. Hāwò-di rexitaranyre rare. Iny sōwemy bede-di ròirenyre ihemy titxibo iru-ki rakemy. ¹⁴ Rehemynyreu tahe iny sōwehekŷmy Jesuisi robire. Tai tahe Jesuisi riwotòenyre. Ibutumy riteytenyre webinadu mahādu. ¹⁵ Tahe ratxioronyre. Tahe ierydŷŷna mahādu tamy nade. Tamy rarybere: —Txuu ratxioronyra. Bederahy-ki dori atxiteri. Iny

tahe biteònykre hãwãò-ò tai rÿsÿna ixidee riwykemy. ¹⁶ Tahe Jesuisi rirawyònyre: —Aòkòre, ariteònyòtyhy jiarÿ. Kaibohole tahe aò tamy bidiwahinybedenyke. ¹⁷ Jiarÿboho kÿny diwatxiònyteri iruyre orotxu-di, utura inatxire. ¹⁸ Tai tahe Jesuisi narybede: —Bidiwahiny wadee. ¹⁹ Jesuisi tahe ibutumy iny asityre-ki ronykemy risÿnyre. Orotxu in-aubiòwa, utura inatxi rÿire, utura-wana rimyre tahe ritehere biu-txi àlàna Deuxu-ò riwahinyre. Idi tahe paò riyreyrenymyhÿre teòdu mahãdu-ò riwahinyre. Idi rare iny sòwehekÿ-ò. ²⁰ Ibutumy iny riroxirenyre ihãre rihydyre. Kia iuhe-di ierydÿÿna mahãdu 12 weriri ritÿxinyre. ²¹ Hãbumy 5000 òsana rÿimyhÿre. Ihãre tahe uladu-di rariaòhyyre hãwyyboho-di.

²² Tahe Jesuisi taerydÿÿna mahãdu riteònyre aho kanawe-ribi ijà-ò reuròrenykemy hãwò-di. Jesuisi tahe rarire iny sòwehekÿ mahãdu rirybedÿÿmy. ²³ Jesuisi heka iny tahetoreny-ò riteònyremy rahudi tahe tii raòwònyre hãwãlò raty-ò ixitòedÿÿmy. Taihyyle idi bede roronyre ixi sohojihyyle. ²⁴ Kiaule hãwò ahotya-ki rare. Òbò nihikÿy-txi ixinalemy ratximyhÿre. Tiò tiò òbò riwelòrò riwelòròmÿy idi rehumyhÿ. Yhy deade txura-ribi. ²⁵ Rudile tahe Jesuisi biura-di heka rare taerydÿÿna mahãdu-ò, beratyredile heka rare. ²⁶ Iu Jesusile betyredile tamy rarau tahe, tiibohe heka ruberurenre. Rirajuarenre: —Worÿsÿ òsana inydee rareri. ²⁷ Tai tahe Jesuisi rarybere: —Aworeny bitamadÿÿnybenyke. Jiarÿle watxireri. ²⁸ Tahe Pedro rarybere: —Wanyrÿ, inatyhymy kai atxiteriwana heka wadee manyarybeke betyre-ki arariakemy. ²⁹ Tahe Jesuisi tamy rarybere: —Manake wahe. Aòwesele tahe Pedro hãwò-ribi ròhònymy reare, Jesuisi-ò rakemy. Betyre-ki rariare. ³⁰ Yhylemy tahe robure. Tii urile ruberure. Tai ijirahakÿlemy riwisÿnyra berahatxi-ò. Tai tahe Pedro rarybere: —Biwatakewa Wanyrÿ. ³¹ Tahe Jesuisi rimyre: —Ainatyhynakÿny ibutelemy atxiteri. Aòherekibo heka tiwatyhynyòteri. ³² Idi hãworo-ò wiwana rorukurenre. Yhy ruhure. ³³ Ierydÿÿna mahãdu Jesuisimy realàre. Inatyhymy heka kai Deuxu Riòretyhy tate.

³⁴ Tai tahe reuròrenre Kenesare bede-ò. ³⁵ Ibutumy iny kowa Jesuisi rieryrenre. Ti ibutumy webinadu mahãdu-ò relyyrenre Jesuisimy. Tahe hãwã ikòkò-ribi ritelenymy didydenyde. ³⁶ Tahe Jesuisi-ò rarybere. Ixinamy watyky-ò rerike, awimy relerenykemy. Ibutumy tamy rerire heka reytere.

15

¹ Jerusalè hãwã-ribi bede ywina bede erydÿÿna mahãduò dehemynyde Jesuisi-wana rarybekemy. Tiibohe-wana tule fariseu mahãduò dehemynyde. Tiibohe heka Jesuisi-ò rÿÿraxirenyre: ² —Aòherekibo aerydÿÿna mahãdu tebòreny risuhòkòreri roxiko-ki. Inydeereny kia bede ywina rare. Aòherekibo rityhynyòreri ihetxiu lahi rybe. ³ Jesuisi rirawyònyre ÿÿraxina-di: —Aòherekibo kaiboho Deuxu rybe tetyhynyòteri kaiboho lahirybele tetyhynytenyde. ⁴ Deuxu bede ywina kawesemy rarybere: —Boo adi-wana ibutumy heka bityhynybenyke. Inyò rybebina tadi-ò tyby-ò rarybekeki. Tii tahe ruruke, tuu bede ywina rybe wahe.

⁵ Kaiboho tahe kawesemy tebedeeryntemy tewitxiranyte: Inyò tadimy tybymy rarybekeki Wanieru Deuxu-ò wahisidÿÿnamy. ⁶ Tai tahe inieru-ei tyby tadi-wana riwiòhenanyòre kia bede ywina witxira tewinymahãte. Deuxu bede ywina rityhynyòreki. ⁷ Kaiboho itxerenadu mahãdu atxitenyteri. Isaia inatyhymy umy rarybereu:

8—Kia mahādu wadee rybe-di riwadeālānanyrenyre. Wowydyna wadee riwahinymyh̄renyre. Inatyhymy aōkō heka kai tarybemahāte. Arayky dori Deuxu-ribi irehemy ratximyh̄re. Teerytyhyōlemy heka atximahāte.

9 Iwowydyna heka wadee aō aōkō rare. Wabede ywina ribedeerynyōtyhy. Texibedeerynymahātenyte abede ywinarenydile.

10 Jesuísí rexidelenymy ribedeerynyre: —Boholabeny warybe-ò.

11 Brebuna roxina-di biroxibenykeki, aō adeereny ibinaōtyhy aō aryrenymy ralōmyh̄re aōkō heka ibinare. Ryribi ròhòmyh̄re heka ibinare, arybe wahe. 12 Tai tahe Jesuísí eryd̄ȳna mahādu Jesusiko rarybere: —Fariseu mahādu k̄ny tamy awiōre kia wiji tuu tarybeta wahe. 13 Tahe Jesuísí rarybere: —Aōhere aōkō rare. Timyre aōkō rare. Ixinamy tuu raryberenyre. Iorutere-di nohōtirenōmy. Kia fariseu bedeeryna lòbòrōna wese rare. Waha ribòrōnyōre. Ibutumy waha ribòrōnyōre suribi mahādu ritakre. 14 Inatxi hābu rueta widee ryò rit̄ynynymyh̄re wese. Hāwāry-ribi wiwanale hāloo-txi resekre. Tiiboho ixinamy biribenyke. 15 Tahe Pedro Jesuísí-ò r̄ȳraxire: —Wakoreny inihe biditynynye, roxina brebuna ijyy wahe. 16 Kaiboho ibutu wese atxitenyteri. Teeryōtenyete. 17 Ibutumy iny aō rir̄ys̄myh̄re weryri-di ramyh̄re tahe ròhònymyh̄re. 18 Tahe inyō rybebinamy rarybemyh̄re. Tii iwo ibinare, irayky ibutumy ibinare tai wahe. 19 Raykywydyna binahak̄y-ribi heka òtaòtana, rubuna, wasina, ruina ujōmo inyry-ribi ròhònymyh̄re. 20 Kia aōmyd̄ȳnana iny risurisumyh̄re, inydee ibinare. Tahe roxinako-ki iny tebò risuhòmyh̄ré, kia tahe aō aōkō rare, ibina aōkō rare.

21 Iribi tahe kia-ribi ròhònyreu tahe Jesuísí rare irehetytymy Tiro hāwā-ò Sidō hāwā-ò. 22 Kana bedē hāwyyō tamy nade. Tahe tamy rexitōenyre: —Wahī, Davi riòkòre, biwaruxetoēnyke hewa. Waritxòre heka tykytyby bina-di iwoku-ki ratximyh̄re. Anohōk̄my heka idi rot̄yk̄nymyh̄re. 23 Tahe Jesuísí aōmy rarybeōhyre tamy. Taeryd̄ȳna mahādu tahe rarybere: —Biteōnyke hewa. Inyboho dori rixiranenyteri. 24 Jesuísí tahe rarybere: —Jiar̄y Deuxu riwateōnyre judeu mahāduòle, tabudoeni mahādu iōre mahādu wese wahe. 25 Hāwyy ixityre nade. Tatiowotimy resere. TAhe ixityre tamy rarybere: —Biwawikòhenanyke hewa, Wahī. 26 Jesuísí rirawyōnyre: —Awiòhed̄ȳna kia wese rare aōma hābuò tariòre-ribi r̄ys̄na riwya tahe idi rehura ijòròsaòle. Kiawese rarekre, jiar̄y arawiòhenanykeki. 27 Hāwyy rarybere: —Inatyhy rare. Kuladu-ribi ano r̄ys̄na resemyh̄re bede-txi, tiki tahe itxòròsa ritxòre idi riwymy reakamy riròmyh̄re. 28 Inatyhymy Jesuísí rirawyōnyre: —Kai ainatyhyna sōwere. Adeē ariwinykre aōmybo textitōenyteri. Iule iriòre reytemy rare.

29 Tahe Jesuísí ròsere ixityre Kalileia ahohok̄y-ò. Raòwònymy rare hāwālò-ò. Iratytyre ronyre. 30 Sōwemy heka iny webinadu didyde: itiere mahādu, iruetà mahādu, irybeō mahādu, aō ikōkō heka bina bina witxira witxira idi rare. Jesusiko-ò heka ritidirenyreki ibutumy riteytenyre. 31 Iny rueta r̄yira mahādu itxeretyhymy riwinyre. Rarybekōmy r̄yira mahādu, rarybemy r̄ymyh̄ teysamy. Itiere r̄yira mahādu, rariamy r̄ymyh̄. Tai ibutumy iny ribedeòtiid̄ȳnyre heka tahe judeu mahādu Deuxu-ò wowydyna riwahinyre.

³² Jesuisi rarybere taerydÿÿna mahâdu-ò kanakemy. Tahe tamyreny rarybere: —Jiarÿ kÿny rewotòenyneri kainy mahâdu rÿireridi. Inataò txumy bede riera waki. Aò heka ihokòre rirÿsÿrenykemy. Iòwedÿÿkòlemy ariteònykeki heka ijò reseke ryrowetyakile. Rama riatyke. ³³ Tai tahe ierydÿÿna mahâdu rarybere: —Inyboho bederahy-ki, titxibo heka rÿsÿna arimykre iny sòwehekÿ-ò ariwahinyrenykemy? ³⁴ Tahe Jesuisi tamyreny ritÿÿraxinyre: —Tiwesebo roxina-di atxitenyteri. Tahe ri-rawyònyre: —Debò inatxi reurò orotxu sòmo sòmomy idi watzireri utura deyre ijò rare. ³⁵ Jesuisi rarybere ibutumy iny ronykemy. ³⁶ Tahe tí rexitòenyre Deuxumy realàre. Orotxu, utura-wana riereerenyre tahe taerydÿÿna mahâdu-ò riwahinyre idi rakremy. ³⁷ Ibutumy riroxire heka kia iny sòwehekÿ ta rihydyre. Tabyre rahudi tahe riarire ierydÿÿna mahâdu. Tai tahe rahure tÿxihikÿlemy. Debò inatxi reurò weririmy heka ritÿxinyreny. ³⁸ Tahe 4000 hâbumy riòweny, kia txuu wahe. Uladu, hâwyy-di rariaòhyre. ³⁹ TAhe Jesuisi iny-ò rarybere tasÿ-ò ròòsekemy ixyby. Iribi tahe Jesuisi hâwò-di reuròmny rare Magadã hâwã-ò.

16

¹ Fariseu mahâdu saduseu mahâdu nade Jesuisi-ò iurihixidÿÿmy riitxenanyrenykemy: —Aòbedeerydÿÿnabo heka biu-ki iribi rexitòenyre. Bi-wateòsinyke heka aòwiwihikÿ-di biu-ò jiarÿboho arieayrenyke, kai inatyhy tate wahe. ² Idi tahe Jesuisi rarybere: —Kaiboho heka awirenyre biuwetyky erysy-ki. Jesuisi rarybere: —Kia rybe tarybemahâte. Txiorotxumy heka biuwetyy isòhòkÿra-ki, biurasòmny tahe awimy txu kedeakre. ³ Biurasou ibede lyby lybomy txu-di kedeakeki tahe biu ròahyyhy bede txu rariakre. Myhe tarybemahâte. Kaiboho heka iwitxira aòhebo rotÿÿnykre heka teerytenykòlemahâteny. ⁴ Iny kamahâdu heka ibutumy ibina binare. Tiu heka rityhynyòhyymyhyreny. Rexitòenymyhyreny heka biu-ò rityhynykemy. Tahe riwahinyòtyhy heka aòma bedeerynaò. Kia Jonasi-ò bedeeryna rareòle tahe tamy rakre heka. Tahe Jesuisi rexitamy rare iribireny.

⁵ Idi tahe aho weribijà-ò reuròrenyreu tahe, tòhòtirenny rosare tarÿsÿnarenny-ribi. ⁶ Jesuisi tamy rarybere: —Fariseu mahâdu, saduseu mahâdu iurina-ò bexiebenyke. ⁷ Ierydÿÿna mahâdu tahe widee rarybere: —Tii kia rarybere iny orotxu diwyòdeki. ⁸ Jesuisi roholare aòmnybo raryberenyre tahe tamyreny rarybere: —Aityhynarenny urihimyo. Aòherekibo orotxumy jiarÿ rarybererimny tahòtintenyte? ⁹ Tiu kaiboho bierybenyòtyhy. Iruyey orotxumy remyre. Idi 5000 hâbumy reòweny. Ihâre tahe weriri txÿxi tÿxihikÿlemy rÿimyhÿre rauheny. Itxi aòbo òhòtirenny reakòmyhÿre. ¹⁰ Ixityreu tasÿ 4000my reòweny, debò inatxi reurò orotxu-di. Ixiyrubule rauheny. ¹¹ Jiarÿ orotxumy rarybeòre. Fariseu mahâdu, saduseu mahâdu urina-ribi bexiebenyke. ¹² Tai ierydÿÿna mahâdu rieryrennyre aòmnybo rarybemyhÿmy Jesuisi heka fariseu saduseu bedeerydÿÿnamy rarybereri.

¹³ Idi tahe Sesaria Filipi hâwã iòhòmny rehemynyre. Jesuisi rÿÿraxire taerydÿÿna mahâdu-ò: —Iny wamy rarybereri. Mobo heka jiarÿ raremy heka wadi rÿireri. Jiarÿ Hâbutyhyky rare, Deuxu Riòre wahe. ¹⁴ Ijò kÿny rarybemy rÿireri: —Kai riki heka Joaò Sebedÿÿdu atxiteri. Ijò riki Elia atxiterimny adi rÿireri. Ijò tahe Jeremiamy adi rÿireri. Ijò

heka Deuxu rybeduõ riki heka atxiterimy adi rÿireri. ¹⁵ Tai tahe Jesuisi rÿÿraxire taerydÿÿna mahãdu-ò: —Mowexe watzirerimy wexe wadi tahõtintenyteri. ¹⁶ Simaõ Pedro heka rarybere: —Kai Kristu atxiteri Deuxu deodÿÿna heka tate. Kai heka Deuxu Riõre tate. ¹⁷⁻¹⁸ Tahe Jesuisi rirawyõnyre Pedro-ò: —Inatyhymy Pedro tate, Waha, biu-ki Mana ani rare. Boholake, ratximyhÿrele kia adee riteòsinyre. Iny aõkõ kia adee riteòsinyre. Wadohodÿÿna mahãdu kia mana tyre-ò ariwinykre. Rubu dori heka tiu ituedeõna. ¹⁹ Waiòlõna rayna heka adee ariwahinykre. Kabede-ki aõwidÿÿ adee binakeki tule biu-ki ariijõnykre. Aõtxiletxibo aõwidÿÿmy burukre tasÿ biu-ki tule adee ariwinykre. ²⁰ Jiarÿ inatyhymy Deuxu deodÿÿna rare. Tuu ijyyrenyõmyke.

²¹ Iribi tahe Jesuisi itÿny relyymy taerydÿÿna mahãdu-ò. Rurukremy heka relyyre: —Arakre heka Jerusalẽ-ò. Tai heka matuari mahãdu, õnosõna bedeeryna mahãdu, xiwena wahidÿÿdu mahãdu-wana riwarubunykre. Inataõ txu-di tahe ixyby rubu-ribi adexixakre. ²² Idi tahe Pedro heka Jesuisi ridyre ijõ erydÿÿna-ribi tahe tamy rarybere: —Aõkõre, Wanyrÿ, tiu heka tiiboho ararubunynenyõtyhy. ²³ Tahe Jesuisi rarybere Pedro-ò: —Waribi bexihitxinyke. Kai heka Satanasi weselemy atximahãte. Iwese kai taraykynmahãte heka aõ Deuxu deewinamy aõkõ tuu tahõtynmahãte hãbudeewile rare. ²⁴ Idi tahe Jesuisi rarybere taerydÿÿna mahãdu-ò: —Inyõ wawanonomy rurukeki, ixi-ribi heka tõhõti rosake. Nomy rurukeki heka taitxèò rimyke idi tahe wahemy kanake. ²⁵ Inyõ wahemy rariakemy ixi-di rõhõtynyhyke wana heka irumy inonana irehemy ixi-di ratxikeki heka tii ihãrele ruruke. Inyõ taumy riõnonykeki waõraru-ki tai tahe tii ròtake. ²⁶ Inyõ heka ibutumy aõna aõna bede-ki ributunykkeki. Tahe ihãrele heka tii ruruke. Tule umyuedeõna riõnonyre. Aõ tarasana tamy aõ aõkõ rare. Iny iruna riõwynyõhyymyhÿre, ixiyby tamy kanake wahe. ²⁷ Jiarÿ, Deuxu Riõre, Hãbutyhyhykÿ dori kanakre wana aõwesele. Taÿju loosõna-ki tii kanake.

Iny ibutumy ariõwunykre bibutunymy aõbo iny riwinymyhÿré heka aõwiihikÿ aõbina bina.

²⁸ Iu jiarÿ, Deuxu Riõre, Hãbutyhyhykÿ, kanakeu tahe inyõ kaibohoõ tuu robikre, Iòlòmõ kanakreu.

17

¹ Reare heka debò sohoji reurò txumy. Tahe Jesuisi ridyre Pedro, Txiau, Joaõ-wana. Joaõ tahe Txiau seriõre rare. Tahe raõwõnyre ti-iboho-wana hãwãlò ratòòhòkÿ ratyy-ò. Inyõ heka tii wana raõhyyre. ² Ikoreny-ki tahe Jesuisi rexiwitxiranyre. Iõsana heka roosòre. Txuwesehekÿle relere iõsana heka ratÿrÿrÿnyre. Ityky tasÿ rauranyhÿkÿre. Tahe roosõna itoosõnadihikÿre. ³ Iu tahe tuu robire Moisesi rubu, Elia rubu, Jesuisi-wana widee rarybemyhÿreny. ⁴ Tahe Pedro tamy rarybere: —Awire, Wanyrÿ, kawese watzirenyreri kaki. Adee wikeki hetomy ariwinyrenykre ijõ adeekre, ijõ ta Moisesiõkre, ijõ Eliaõkre. ⁵ Iu Pedro rarybereriule tahe biuwetyky urahakÿ relere. Iyribile rybeõ narybede: —Kia heka Wariõre waluu heka rare. Boholabeny irybe-ò. ⁶ Idi tahe ierydÿÿna tamy roholareu, tahe ruberure. Tahe reserenyre iõsanareny bede-ò. ⁷ Jesuisi tamyreny nade: —Breburenyõmyke hewa bodorukubedenyke heka. ⁸ Reteherenyre tahe Jesuisi sohojile tai rÿire.

⁹ Iribi tahe diberenydenyde hāwālò ratyy-ribi, Jesuisi narybede: — Uritere waijyyōmyke inyko wiji tuu tabitimy. Iu jiarý, Deuxu Riòre Hābutyhyhyký, rubu-ribi riixixanykreu tahe tuu belyk्रे. ¹⁰ Tahe ierydýŷna mahādu Jesuisi-ò rýŷraxire: —Aòherekibo tarybetenyteri — Elia juhūu kanakemy ako-ò juhūu kanakemy. ¹¹ Jesuisi rirawyònyre: —Inatyhy rare tii juhūu kanakre. Ibutumy heka bede riywinyk्रे. ¹² Tule ararybekre kiamy: —Elia nade tahe ihārele heka iny rieryòhyyre. Aòhòkýmy risýnyre. Iwese Elia aòhòkýmy risýnyre wesele tahe Deuxu Riòre Hābu heka aòhòkýmy risynykre, jiarý wahe. ¹³ Tai tahe Jesuisi erydýŷna mahādu rieryrenyre aòmybo Eliamy tii raryberemy Joaò Sebedýŷdule tahe Jesuisi rarybere.

¹⁴ Iribi tahe dòsedenyde iny sòwemy riraòmy rýimyhýre. Hābu-ò nade Jesusiko-ò tatiowomy resere: ¹⁵ —Wanyrý, ruxetòena wariòre-di biwahinyke. Irayky awimy aòkò ratximyhýre. Bera-txi resemyhýre. Heòtyru-txi resemyhýre. Ibutumy aòna aòna riwinyrerimy ihýre. ¹⁶ Aerydýŷna mahādu-ò heka adidyde tahe tiu riteytenyòtyhy. ¹⁷ Jesuisi rirawyònyre tamyreny: —Kaiboho isira mahādu atxitenyteri. Aò heka inatyhyna heka akireny ijòkòre. Tiwese bede dýŷnana bohe araòludunyrenykre. Bedese inihe bididy uladu wadee. ¹⁸ Tahe Jesuisi rarybere kia uladuwo-ki ratximyhýò: —Iribi wa bohonyke! Tahe uladu reytemy reare.

¹⁹ Idi ierydýŷna mahādu Jesuisiòle rarybere: —Aòherekibohe jiarýboho tyytybybina iribi reteònykòreri? ²⁰ Aòmareki kiehe ainatyhyna ibutetyhyreki òwòruty sòmowesele ainatyhyna dikeki heka kai aòwiwihiký biwinyke. Kai hāwālò-ò marybeke: —Iribi bexitake! Tai tahe hāwālò rexitake iwitxira suò. Aò aòkò adee isirake, ainatyhyna direki wahe. ²¹ Kia tyytyby bina iwitxira rare. Isiratyhyre heka. Kaiboho bexitòenybenykeki, binarehebenykeki, ixiery tyytybybina biteònybenyke.

²²⁻²³ Kalileia bede-ki Jesuisi taerydýŷna mahādu-wana ributunyre. Tai Jesuisi rarybere tamy: —Jiarý, Deuxu Riòre Hābu, rare. Tai inyò riwahinykre hābubina-ò warubudýŷmy. Inataò txu-di tahe rubu-ribi adexiakre. Tai tahe ierydýŷna mahādu rabadewo nihikýre.

²⁴ Iu tiiboho heka Kafanaò hāwā-ò ritehemynyreu, inyò Pedro-ò nade. Tii dohodýŷna òwy butudýŷdu rare. Tahe rarybere: —Awedu aòbohe tii rexidwynykekò. ²⁵ Pedro rirawyònyre: —Tii riòwynymyhýre. Tai tahe Pedro rakemy reare. Iu Pedro tuu Jesuisi-ò rarybekemy hetowo-ò raloreu, Jesuisi juhūu rarybere: —Moribibo iòlò rexitòenymyhýre òwydýŷnamy. Mynydu mahādu-ribi aòbo ada ta tajoiribile aòbohe rotamyhýre. ²⁶ Pedro tahe rirawyònyre: —Mynydu mahāduòle rexitòenymyhýre. —Inatyhy rare, Jesuisi rarybere. Iijoi mahādu òsana riòwynyòhykymyhýre. Jesuisi rarybere: —Ihāre tahe ròkòòwydýŷkre. ²⁷ Òbitimy rakaòwònyrenykre. Kia Templo heto òwymy. Ibinamy kia iny-ò ariwinyòtyhy. Kai heka makre ahohoký-ò awaxi-di behukre. Juhu utura kanakrele heka bidimyk्रे. Idi iry biraynykre. Tai nieruò-ki mahake. Iribi biditamy tahe makre iny òwydýŷmy.

18

¹ Iule tahe Jesuisi erydýŷna mahādu tamy rehemynyre rýŷraxire: — Mobohe Deuxu Iòlòna-ki nihikýmy rarekre. ² Jesuisi heka ratximyhý uladuò ibire-ki. ³ Idi tamy rarybere: —Kai uladu weseleòmy mabeòkeki,

Deuxu Iòlòna-ò malòbenyòtyhy ⁴ Uladu wese maraykynybenyeki heka, tii tahe Deuxu Iòlòna-ki inatyhymy rÿirakre. ⁵ Kai waòraru-ki uladu kawesemy biwiòhenanyeki tiwawiòhenanymahâte ⁶ Kai uladuò òraruna-txi resekemy risÿnykeki, kai abinatyhymy atximahâte. Inyò òy ritakamy reroti-di aratakemy heka inyò adi rehuke bera-txi. Tii tahe awityhyre adee.

⁷ Sòwemy heka aõna aõna rÿira wary-ribi iny riatykemy. Tii adee ibinatyhyre. Tiiemy heka tuhyy rarekre. Inydee heka ibinakre heka. Wary-ribi riòlòdÿÿnymyhÿre heka tamy ibinakre. ⁸ Ebò òraru-ki tahe wainatyhyry-ribi bexitakeki, ebò biòromy idi behuke. Awityhyre heka adee Deuxu Iòlòna-ò malòkre sohoji ebòdile. Inatxi ebò-di heòty bedebina-ò malòkeki, awiòre heka. ⁹ Tule arue sohoji òraru-ki kia òraranamy beseke lau, urile bitake idi behuke. Arue wiò-di heòty bedebina-ò malòheny arue-di wiòle. Biu bedewihikÿ-ò malòke tahe awire heka arueyremy. ¹⁰ Iny nihikÿ ityhy iny yja mahädu heka tuuòre. Uritere heka iweserenyòmy atxibenyke kaiboho bexiijebenyke tami. Iny aòkò mahädu dori tii iÿju dire heka. Iÿjurenny heka Deuxuko tii ibutummy relyymyhÿre tureny. Idi òhòtirenny-ribi bosabenyòke. ¹¹ Jiarÿ Hãbutyhyhykÿ rare, Deuxu Riòre wahe. Ityhydÿÿdukòdu mahädu ibutummy aritakemy anade. ¹² Rakawesenanykre heka kaijyy wesemy. Rakarybekre heka kahãbu 100 budoeni ijòdire wesemy. Sohoji heka iòre iy-ribi. Kia hãbu idi itxeredu tahe iy-ribi iòre rakre ijesemy. Iuhe tahe hãwâlò-ki riroximy ririre. ¹³ Tai rahakre wana heka teysamy ratxikre. Kia sohoji òrarukile reysakre. ¹⁴ Iwesetyhylemy taheka inyò iòòtyhy Waha-ribi. Tamy dori kia ibinare.

¹⁵ Inyò adee rexiòrarunyekeki tahe tamy makre rybemy. Uritere iny-witxirako-txi rybeòmy tuu. Tahe tamyhyylemy marybeke. Aityhydÿÿdu seriòre heka arybe-ò roholakeki, tahe ixi-txi tòhòti reake wana, ixi dee ibinamy ròhòtynyra wana, tai tahe kai ixyby tii-wana ityhydÿÿdu seriòre biòwamy beleke. ¹⁶ Aõhe wana tahe arybe-ò roholaòhykre, tahe ixityre make inyò wana rexibiòwanymy.

Iny inatximy ixihe-ki bidyke. Tii tahe arybe-ò ijohonaduke inatyhy raremy arybera-txi resekemy wahe. Iu dohodÿÿna-ki rarybekreu, tai tasÿ tii rarybeke teòsamy aòkò ratximyhÿrelemy rarybeke. ¹⁷ Tii irybereny-ò roholaòkeki, tai tahe dohodÿÿna mahädu-ò belyyke. Tii irybereny-ò roholaòkeki, tai tahe biteònyke. Tii iwese òrarudu mahädu heka adee rarekre, bede dinodu-ò nieru wydydu wese wahe. ¹⁸ Iwese kaiboho waityhydÿÿdu mahädu kabede-ki ròhòtynyre wesele, tule araykywesetyhyle Deuxu biu-ki ròhòtynykre. Aõbo adee kabede-ki aòwidÿÿ ibinare ada awire heka tule biu-ki ibinamy rarekre, awimy rarekre. Arybe riwitxiranyòtyhy kowa biu bede-ki. ¹⁹ Iwitxiraòmy adeereny ararybekre: —Ijò titxibo inatxi ada inataò ityhydÿÿdu seriòre wiweselemy raraykynykre. Waha-ò rexitòenymyhÿreki iwese rexitòenyre wesele heka tami riwinykre biu-ki. ²⁰ Titxibo waniòraru-ki inatxi, inataò wii ributunykre heka, jiarÿ taile watxireri.

²¹ Tahe Pedro rÿÿraxire Jesuisi-ò: —Bede erydÿÿdu! Waityhydÿÿdu seriòre heka wadee rexiòrarunyekeki, tiwesebo sòwe ariixãwididÿÿnykre ixi-ribi debò inatxi reurò, my aõbo? ²² Jesuisi rirawyònyre: —Aòkòre, debòinatximy aòkòre, 490 wesemy wahe. Ixityre ixityre biixãwidÿÿnykre.

²³ Deuxu Iòlòna kawesemy rare: —Iòlòõ heka teòdu mahādu kia cantamy robikemy idi ratxireri. Tiwesebo inieru-di rasiranyre wesemy wahe. ²⁴ Sohoji teòdu juhūu dehemynde. Sōwemy heka tevedȳȳna ratximyh̄ȳre, 1000,000 womati t̄yr̄ȳh̄ȳk̄ȳ nieru wahe. ²⁵ Inieruõre heka iòwyd̄ȳȳna wahe. Idi rohonykemy heka iwedū riteònyre deòdu mahādu wesemy. Tariòre-wana tahāwyy-wana ibutūmy deòdūmy roirekemy. Aõbo tai r̄ymyh̄ȳ heka ibutūmy idi rohonyre. ²⁶ Tai kia deòdu heka tatiowotim�y resere kia iòlòko-txi: —Waiòlòreny, txioinihe biwaraòkre ariòwynykre ibutūmy. ²⁷ Tai tahe iòlò riwotòenyre aõma ixinahykylemy ritusanyre. ²⁸ Tai tahe kia hābu he rare kia urihim�yò tamy radevenymyh̄ȳ heka rexinohòtid̄ȳȳnyre. Tai tahe hābu lòtikile rimyṛe. Rierenymy resere ribòtòrarytxnyre: —Bidiwaòwynykre k̄nyhe wijityhyle. ²⁹ Tai tahe tatiowomy resere, rarybere: —Txiokre inihe ariòwynykre ibutulemy. ³⁰ Tai tahe rirutyre ròtenawo-ò idi riòtenyṛe. Riwotòenyreõhyyre. ³¹ Itxeredu mahādu heka rabadewore tai tahe ibutūmy relyyṛe iòlòko. ³² Tai tahe ixityre tamy rarariòwyre tamy rarybere: —Aõherewe, deòdu binahak̄ȳ, jiar̄ȳ araxāwidid̄ȳȳnyre ibutūmy inatyhy? Kai dori ixitòed̄ȳȳna wadee tewinyta. ³³ Aõherekibohe aleina kia adee nadevenymyh̄ȳde kia teixāwidinyòta, iwese jiar̄ȳ araxāwidinyre wese. ³⁴ Tai tahe tii rimyṛe reburere itere iòlò, tai imynymy riteònyre rotenawo-ò riòwynykre xiery riòlòd̄ȳȳnykremy. Tai aõhòk̄ȳmy rot̄ȳȳnymyh̄ȳre. ³⁵ Jesuisi rexihura narybede: —Kiawesele heka adeereny rarekre. Ityhyd̄ȳȳdu seriòre taseriòre riixāwidinyòkeki heka iwesele heka waha adi riwis̄ȳnykre.

19

¹ Jesuisi ibedeeryd̄ȳȳna-ribi rexihureu, Kalileia bede-ribi ròhònyre. Bero Jordaõ weribiijà-ò reurore, Judeia hāwā bede kanawe-ribi ijā-ò rehemynyre. ² Tai tahe sōwemy iny webinadu mahādu r̄ȳire. Idi tahe ihemy rare. Ibutūmy riteytenyṛe. ³ Fariseu mahādu imynymy idi riwis̄ȳnymyh̄ȳre aõbinamy rarybekeki rimykemy. Tai tahe tamy d̄ȳȳraxim�y namyh̄ȳde aõsirahak̄ȳmybo: —Iny bede ywinareny tahāwyy riteònymyh̄ȳre urirybelemy, wiribi resekemy. ⁴ Jesuisi dirawyònyde: —Ritid̄ȳȳnamy aõbo tariaòmyh̄ȳte idi?

—Deuxu ibutu wid̄ȳȳdu heka juhūu hābu hāwyy-wana riwinyre.

⁵ Idi tahe rarybere:

—Hābu heka tybyboho-wana tadibocho-wana wiribi rexihitxinyemyh̄ȳre tai tahe tahāwyywanale wii ributunymy r̄ȳira.

⁶ Inatxi heka sohoji weselemy rarekre, hābu tahāwyy-wana. Deuxu heka hābu tahāwyy-wana ributunyre, inyõ heka tiu rihitxinyòtyhy. ⁷ Tahe ijõmy fariseu mahādu rit̄ȳȳraxinyre: —Aõherekibo Moisesi kawesemy juhūu rarybere:

—Hābu tahāwyy riteònykeki juhūu urile tyyriti tamy riwahinyke riteònykekoki.

⁸ Tahe Jesuisi kawesemy rarybere: —Kaiboho heka ieryna urihim�yòlereki aõ isirareki heka kia riwinyre. Juhūu tahe kawese aõkõ r̄ȳire. ⁹ Aõmale tahe ixinamy riteònyke ixi-ribi òta òtadule heka aõwaxiny tuu riteònyre ixi-ribi. ¹⁰ Tai tahe ieryd̄ȳȳna mahādu rarybere Jesuisi-ò: —Tahe kiawesekeki heka uritere heriõmy hāwyyõmy, hābuõmy. ¹¹ Jesuisi tahe dirawyònyde: —Kaa bede eryna heka aõ ibutuhuk̄ȳ-ò aõkõ tureri aõma Deuxu bede eryna tamy riwahinyemyh̄ȳreòle heka tureri. ¹² Aõtxi-ki

tahe tuu hãbuõ rÿira hãwyymy heridumy aõkõ rÿira. Ijõ hãbuõ tahe tiemy tunodumy rÿirerimy ihÿre. Iwixira hãbu-ò rexiwahinymy rÿireriki heka tuu rÿirerimy ihÿre. Ijõ tahe tuu rÿirerimy ihÿre aõma Deuxu aõmysÿdÿÿna òraru-ki wahe. Kaa rybe tahe inyõ tahe rityhynykeki tii inatyhymy rityhynyke.

¹³ Inyõ didyde uladuõ Jesuisi-ò tamy rexitòenykemy tebò iraty tyre-ki roirerilemy. Ierydÿÿna mahãdu tahe uritere iixiradÿÿõmyke. ¹⁴ Tahe Jesuisi rarybere: —Ixinamy kanamyhÿke uladu wadee. Uritere itinysÿrenyõmy. Uladu wesemy dori Deuxu Iòlõna ròtedu mahãdu ratximyhÿre. ¹⁵ Jesuisi tahe iratytyre tebò ritidire tamy rexitòenyre. Idi tahe Jesuisi rare.

¹⁶ Aõu tahe hãbuõ Jesuisi-ò nade: —Erydÿÿdu, aõhebo arotÿÿnykre. Aõma, timykibo umytuedeõna aritakemy wahe. Aõwidÿÿ wiwihikÿbo ariwinykemy. ¹⁷ Jesuisi rarybere: —Aõherekibo wadee aõwiwihikÿmy widÿÿ tÿÿraxiteri? Iny sohojile awi rare, Deuxule wahe. Kai bede ywina ibutumy bityhynyke, umytuedeõna hakÿ-ò molokre. ¹⁸ Aõbedeywinabo arityhynykre? Tahe Jesuisi rirawyõnyre:

—Rubudÿÿõmy, Òta òta widÿÿõmy, wasiõmy, ruiõmy,

¹⁹ Adi boo-wana bityhynyke, iwese ixiluure wese heka abireludu mahãdu luuke.

²⁰ Hãbu rarybere: —Kia heka aõu aõu jiarÿ retyhynyre. Aõijõmybo arotÿÿnykre? ²¹ Jesuisi rirawyõnyre: —Kai òbitimy mabekekile aõmydÿÿna-di ibutumy. Kia idi bohonyke òwy tahe biwahinyke urimynodu mahãdu-ò. Tai sõwemy aõna aõna biu-ki ahõrõmykre. Iribi tahe biwaheludunykre. ²² Iu hãbu kia roholareu tahe rabedewonihikÿre inieru sõwereki heka rabedewore.

²³ Tai tahe Jesuisi taerydÿÿna mahãdu ribedeerynyre: —Isiratyhyre heka biu bede-ò ralõke aõma ityhy nihikÿkeki. ²⁴ Isirare heka aõma kamelo tyy rurena òtummy ralõke heka isirare, inatyhy? Tai tahe aõma ityhy mahãdu ralõke tarasanamy reake heka isirare. ²⁵ Jesuisi erydÿÿna mahãdu ribedeòtiinyre kai-ò roholareu. Tai tahe rõhõtinyre: —Aõkõre isiratyhyre tuu ròte. Inyõ tarasanamy reaõtyhy. ²⁶ Jesuisi tamyreny retehere tahe rarybere: —Inatyhy rare hãbu-ò isirare. Deuxu dee tahe isiraõle rare. ²⁷ Tai tahe Pedro rarybere: —Jiarÿboho ibutumy aõmydÿÿnareny adiridenyde. Araheludunymy watziwãhãre. Aõma ritarenykre? ²⁸ Jesuisi tahe dirawyõnyde: —Kiamy heka adee ararybekre. Jiarÿ Deuxu Rìore Hãbu tyhyhykÿ wahe. Kaiboho heka tule borukubenyke aiòlònaryna-ki iu ibutumy ratÿmyrakre. Kaiboho iny sohoji sohojimy judeu ijoioõ biywisidÿÿnanybenykre, wajoi waòinatxi reurò mahãduõ wahe. ²⁹ Inyõ kia ibutumy aõbo waòraru-ki ririmyhÿre iwese taheto ririmyhÿre waòraru-ki, taseriõre, tadi, tyby, uladu, taoworu, ririmyhÿre. Kia sohoji sohoji-ribi heka aõ sohoji sohoji òwmy 100 ritakre. Tule umytuedeõna ijõmy ritakre. ³⁰ Inyõ nihikÿmy ityhymy ratxirerimy ihÿre, tii iyjalemy relekre, aõma aõkõ tai relekre. Tule iyja nihikÿmy relekre. Sõwemy urimynodu kaki rÿirerimy ihÿre tahe biu-ki inihikÿmy rarekre.

20

¹ Jesuisi tasÿ riteòsinyreri ijyõ timyrebo Deuxu Iòlõna. Hãbu aõmysÿdÿÿdu heka oworu widÿÿmy heka riteranymy tamy rarybemhÿre: ² —Aõmamy araòwynykre, sohoji prata womati nieru,

iwese ibutumy raòwynymyhÿre wese, sohoji txuòowy wahe. Tai tahe tii raaòmÿsÿdÿÿre uva oworu-di raaòmÿsÿdÿÿmyhÿ. ³⁻⁴ Idi tahe tii reare 9 horau tule, txutyeu tule, titxibo iaòmÿsÿdÿÿna rÿireri titxibo hãbu teaòmÿsÿdÿÿmyhÿò. Tahe tuu robire urile ratximyhÿmyhe idi retehemyhÿ. Tai tahe tamy rarybere: —Maaòmÿsÿdÿÿke hewa, waoworu-ki. Ikonana txu heka òbitihyky araòwynykemy adi watzireri. ⁵ Tiiboho raaòmÿsÿdÿÿre tule. Txutye tasÿ ixiyrubule ijò riteranyre aõma iwese kia juhoo ijò-ò rarybera wesele. ⁶ Txuinyòbira-ò ijò rimyre, tule ijò txiorotxure. ⁷ Iruyre hora-ò ijò tasÿ riteònyre. ⁸ Tahe txiorotxumy ròhònyra tahe kia iòwydÿÿdu tamy ryryre. ⁹ Tahe 1 womati nieru tamy riwahinyre, sohoji hora raaòmÿsÿdÿÿre mahãdu wahe. ¹⁰ Tahe txusohojimy raaòmÿsÿdÿÿre tahe iratyre ròtakremy ixi-di ròhòtynyre. Tahe tule riòwynyra iwese ijò riòwynyra weselemy, 1 womati nieru, sohoji sohoji wahe. ¹¹ Tai tahe rimyre nieru urile tamy rexibinanymy rarybere: ¹² —Kowa heka sohoji horale raaòmÿsÿdÿÿhãrele heka 1 teòwynyta. Jiarÿ boho tahe txuhyy raaòmÿsÿdÿÿra, bede tòtee-ki wahe. ¹³ Tahe iwedu rarybere: —Wabiòwa, adeereny rarybera. Wiji 1 womati nieru ariwahinykremy heka inatyhy? Tuheka adeereny rewahinyre. Aribi rawasinyora. ¹⁴ Boibenykre heka ibutumy araòwynyneri. Wiwesetyhylemy heka araòwynyrenyneri, iwese rarybere wese. ¹⁵ Hora sohojilemy raaòmÿsÿdÿÿraò sohojimy wanieru ariòwynykre inatyhy. Tamy wanieru ariwahinykemy ixideewimy, aõhe inatyhy? Aõherekibo tebureteri? Jiarÿ urihimyo raaòmÿsÿdÿÿraò wawiremy tarybetenyteri wahe. ¹⁶ Jesuisi tahe rexihure kia rybe-di, kiamykre bede: —Ikoludu heka ihewoludu-ò resekre. Ihewoludu tasÿ iko-ò resekre.

¹⁷ Tai tahe Jesuisi ròwònyre Jerusalê hãwã-ò. Iny-ribi tawaò inatxi reurò mahãdu rihitxinyre. Tamy relyyre timybo aõhebo rotÿÿnykremy Jerusalê hãwã-ki: ¹⁸ —Jiarÿ, Hãbutyhyhykÿ adee ararybekre: —Inyò riwawahinykre aõma-ò Xiwena wahidÿÿdu wedu mahãdu-ò. Tule diwatyhenykre judeu wedu mahãdu-ò. Tahe riwarubunykemy heka tiiboho wamy rarybekre ijò iny-ò. ¹⁹ Tii heka riwamykre tahe riwawahinykre Roma iòlò-ò, judeukòdu mahãdu iòlò wahe. Ibinatyhymy aõhebo riwasÿnymy riwahetenyre. Itxed nihikÿ-ò riwataamadÿÿnykre. Tahe txu inataò-di rubu-ribi areixixanykre.

²⁰ Zebedu riòrese Jesuisi-ò nade. Tatiwotimy resere tahe rexitònyre aõmybo Jesuisi-ò tariòre-wana nade. ²¹ Jesuisi tamy rarybere: —Aõbo rare hãwyy rarybere: —Waritxòre inatxi hãbu rare. Tikiboho kÿnyhe, aikòlònykuna rynana-ki ronykre awana. Ijò aruruna-txi, ijò ahywe-txi wahe, kai aikòlòkuna-kò malokreku wahe. ²² Jesuisi heka iriòre-ò rarybere: —Kaiboho aõmybo textitònyteri teerykòleteru. Kai Txiau, kai Joaò, teerytenyte aõbo aõhebo wadi rotÿÿnykre arurukre dori jiarÿ kaiboho tulekre? Tiiboho dirawyònyde: —Tulekre. ²³ Tahe Jesuisi rarybere: —Inatyhy rare kaiboho tule aõhòkÿmy botÿÿnybenykre. Tahe mobu warora-txi ada waruruna weribi rynana-txi ronykre. Jiarÿ reerykòre. Wahale heka rieryre. Tiile tamy riywinyre. ²⁴ Idi tahe debòwiò ierydÿÿna mahãdu kia rieryre aõmybo Txiaku Joaòboho rexitònyrenyrá. Tai tahe tiiboho rakyarananyrenyre. ²⁵ Tahe Jesuisi ibutumy taerydÿÿna mahãdu tamy kanakemy rarybere: —Iny iòlò iruru dire. Ibutumy dinodu tahe kia weselere —taijoi mahãdu riteònymyhÿre. Teòdu mahãdu riteònymyhÿre. ²⁶ Tahe aõ tuukre aõkò heka rare ayreny-ki. Inyò

dinodumy ixidikre heka deòdumy rarekre. ²⁷ Kia iny nihikỹmy ixi-di rexinohõtinyreri tasỹ aõ aõkõ tii rarekre. ²⁸ Iwese jiarỹ riwinyre wesemy heka rarekre. Hãbutyhyhykỹ aõ dinodumy aõkõ anade. Iwese deòdu rỹira wesemy heka nade waumy riwahinykremy rubu-ò kabede-ki. Tai sõwemy iny ritakre.

²⁹ Iu Ijeriò hãwã-ribi ròirenyreu, tahe sõwemy iny riheludunyre. ³⁰ Inatxi iruetãmý heka ronynmyhỹ iu Jesuisi ibire-di rareu. Tiiboho roholarenyre kia Jesuisi raremy. Rexidelenyre ryryre Jesuisi-ò: —Davi riokore, wadee hewa ruxetòena biwahinyke. ³¹ Tai tahe iòhòmý iny iribi rỹimyhỹ rarybere: —Txiokre inihe, biyryke! Ixityre ryryre tarurutyhy: —Inynyrỹ Davi riokore, Biwawotòenyke hewa. ³² Jesuisi tamy rarybere: —Aõwexe adeereny ariwinykre. ³³ —Wanyrỹ, Kai wa bidiwaruenykre warue biraynykremy. ³⁴ Tahe Jesuisi riwotòenyre irue-bymy reare tebò-di. Aõwesele tahe ruòmý reare. Tai tahe Jesuisihe riheludunyre.

21

¹ Jesuisiboho tahe rehemynyrenyre Jerusalẽ hãwã iòhòmý. Betabaji hãwã-ò heka rehemynyre. Kia Oliveira hãwãlò-ribi irehemy aõkõ ihỹre. Tahe Jesuisi inatxi iny riteònyre hãwã-ò, taerydỹỹna mahãdu wahe. Tamy rarybere: ² —Juhu hãwã dele-ò malokreule aõma bobikre, jumenta tariòre-wana. Tahe bitaanalawekre ta bididykre kaò. ³ Inyõ aratỹỹraxinykre wana, tai tahe kiamy bisỹnykre aõma: —Wawedu hewa idi ratxikemy ròhõtinyreri. Tai ki tahe ahemy kiditeònykre. ⁴ Kia ihetxiu ritidỹỹna tuheka relemy roimyhỹre. Kamy rarybere: ⁵ —Marybeke heka Jerusalẽ hãwã-ò:

—Deuxu Iòlòna heka kanakre adeereny wahe. Tii inihikỹ wesemy aõkõ kedehemynymy, jumenta tyre-ki heka kedehemynykre.

⁶ Tahe ierydỹỹna mahãdu riwinyre iwese Jesuisi rarybere weselemy.

⁷ Didyde tahe jumenta tariòre-wana. Ihetyreny jumenta tyre ritidire. Jesuisi ityre ronyre tahe idi rare. ⁸ Tahe inyõ sõwemy-ribi tahetyreny-di rehumyhỹre iryko-txi idi rariakemy ityre-di. Ijõ tasỹ hereru-di iryko-txi rehure iryube hetymy ityre-di rariakemy. ⁹ Sõwemy tai iny rirajuamy rỹimyhỹ iko-ò, ihewo-ò:

—Iòlò Davi riokore heka sõwemy iny wowydyna tamy iny riwahinyreri.

Tii Deuxu Riòre Hãbu rare. Deuxu deysana heka tamy biwahinyke!

¹⁰ Jesuisi hãwã-ki rehemynyre, ibutumy iny ribedeòtiidỹỹnyre: —Mohãbuwe kia ralòreri Jerusalẽ hãwã-ki wahe? ¹¹ Tai tahe iny mahãdu rarybere: —Aõkõre, kia Deuxu rybeduõ rare. Jesuisi inire Kalileia bede-ribi Nazare hãwã-ribi dehemynyde.

¹² Tahe ralore Deuxu dohodỹỹna heto-ò. Tai kia aõna aõna-di roho-nyreri heka riteònyre. Kia aõma nieru wiuròna iòwòruwebese tahe riatyre. Kia aõma bòtòe dohodỹỹdu ryna ibutumy ritxiwire riatyre. ¹³ Tahe Jesuisi rarybere: —Deuxu Tyyriti rarybere:

—Dohodỹỹna heto heka waha heto rare, ixitòedỹỹna heto rare.

—Kaiboho heka inywasidu mahãdu-di tetỹxinytenyta. ¹⁴ Sõwemy iny itiere, iruetà, nade Jesuisi-ò dohodỹỹna heto-ò. Jesuisi taile riteytenyre. ¹⁵ Tahe xiwena wahidỹỹdu wedu tuu robire. Tule judeu bede ywina bede eryna mahãdu robire tahe, aõma uladu templo-ki ryrymy rỹimyhỹò aõma: —Davi riokore heka Deuxudewina rare. Tai tahe kia rybe-ò

reburerenyre. ¹⁶ Tiiboho tahe raryberenyre Jesuisi-ò: —Kai aõbo taholate aõbo rarybereri. Jesuisi rirawyònyre: —Kohe, raholare. Kaiboho teeryòtenyte:

—Uladu dori wowydyna tamy riwahinykre. Tiu aõbo tariatenyòhymahâte kia Tyyriti-ki.

¹⁷ Tahe Jesuisi iribi ròhònyre Betÿnia hãwã-ò. Taile tahe ruu idi rÿire.

¹⁸ Biurasò txumy tahe tii dòòsede Jerusalẽ-ò. Tahe rama risare iu. ¹⁹ Òwòruõ tai rÿire. Tai tahe diaride figoraty-ò. Tahe iratyõre, txirule rÿire. Tai Jesuisi rarybere òwòru-ò: —Tiu heka kai maratynyòtyhy aõwesele tahe irade rairuxÿrure. ²⁰ Tai tahe ierydÿÿna mahãdu heka ribedeòtiidÿÿnyre: —Timykibo heka aõwesele rairumyròmy reareri. ²¹ Tahe Jesuisi tamy rarybere: —Kai ainatyhyna ijòdikeki heka iwesele biwinyke. Iratyre biwinyke. Kaiboho heka bitxiònyòkeki kaa hãwãlò-ò dori marybekre kiamy: —Iribi bexitake tahe aho-ò boikre. Tai hãwãlò-ò aõwesele heka ahoro-ò roikre. ²² Aòtxile kai bexitòenykre heka adee ijò rÿikre. Bityhynytyhykeki, tahe ibutumy bitake.

²³ Tai Jesuisi dehemynde Deuxu dohodÿÿna heto-ò. Tai tahe ròbedeerydÿÿmy ratximyhÿ. Tahe xiwena wahidÿÿdu mahãdu, tule judeu bedede ywina erydÿÿna mahãdu tule tamy dÿÿraximy nade. Tai tahe Jesuisi-ò rÿÿraxire: —Morurudibo heka kai aõmydÿÿnana tewinymahâte? Mobo heka arateranyre kia biwinykemy. ²⁴ Tai tahe Jesuisi tamy rarybere: —Kai aõbo myÿraxikeki wadee tai ako tuu arelyykre. Kai dÿÿraxinaõmy bidiwatÿnynykeki tahe, adee tuu arelyykre. ²⁵ —Joaõ Sebedÿÿdu heka morurudibo nade morybekibo tuu tadiwinymahâte wesemy. Morybekibo Joaõ iny risebenymyhÿre. Deuxu Rybe-ki aõbo ada iny rybe-ki aõbo. Tai tahe widee rarybe raryberenyre: —Aõma Deuxu Rybe-ki tuu ròsebedÿÿmyhÿre. Mykeki rakarybenykre taheka: —Aõherekibo tetyhynytenyòte myle tii risÿnykre. ²⁶ Aõmamy rikisÿnyrenykeki: —Iny rybekile tii tahe nade. Myÿ rikisÿnyrenykeki tasÿ kia ijoi inydeereny rakyarananye. Joaõ Sebedÿÿdu dori ibutumy iny rityhynyrenyre moma tii Deuxu deòduõ ratximyhÿre heka. Rakarybenyòkre tahe. ²⁷ Tai tahe Jesuisi-ò raryberenyre: —Aòkòre, reeryrenyõre heka irawyòdÿÿ titxiribibo iruru nade. Tahe Jesuisi rirawyònyre: —Tule jiarÿ ÿÿraxina adeereny aritÿnynyrenyòtyhy. ²⁸ Ijò Jesuisi relyyre: —Timybo maraykynybenykre ka ijyymy arelyykre. Hãbuò heka inatximy iriòre raremyhÿ. Tariòre dela-ò rarybere: —Dàà, maaõmysÿdÿÿkre waoworu-ki, wiji wahe. ²⁹ Tahe tamy dirawyònyde: —Waha, araòkre hewa. Ihãrele tahe tawo rirahòrere rakremy. Tahe rare. ³⁰ Idi tahe tyby rarybere helÿÿna-ò: —Kai tule makre waaõmysÿdÿÿna biwinykremy: —Dei wahe, arakre araaõmysÿdÿÿkre. Ihãrele tahe tii raòhyre. ³¹ Adeereny inihe araÿraxikre. —Tibohe weryrybò aõma tybyrybe rityhynyre? Tai tahe dirawyònyde: —Juduludule irybe rityhynyre. Tai tahe Jesuisi tamy rarybere: —Iny òrarudu tyhy heka wydena-wana ralòkre biu bedede ròtena-ò. Ihãrele tahe kaiboho birònybenyòtyhy. ³² Joaõ Sebedÿÿdu dori adeereny rarybere. Ihãrele tahe kaiboho ixitxireny aòrarurenny-txi òhòtirenny reakemy Deuxu bityhynykemy. Kaiboho heka teramy tekoamahâte tahe sòwemy òrarudu mahãdu wydena mahãdu rityhynyrenyre. Kaiboho tuu tabitenyte ihãrele teerytenyòte.

³³ Ijò ijyymy arelyykre:

—Hābuõ heka uva oworuhukỹle ritòbrònnyre. Tahe òtityna riwinyre. Tai tahe utà riwinyre yrubudỹỹdu mahādu itxerenamy.

Tai tahe rihuòtere oworu wahe hābu mahāduõ-ò. Tii tahe rabetỹiny my rare taheto-ribi. ³⁴ Iu uva bederaty kia siredenamy bede reareu, riherehe txuramy ixidee ritxuakemy wahe. ³⁵ Tai tahe huòtedu mahādumy heka teòdu mahādulemy raòhòtere. Ijõ tahe rirubunyre ijõ manadile tamy rehunanamy rỹimyhỹ. ³⁶ Iribi tasỹ teòdu mahāduõ didyde sòwetyhymy juhuna ludu ratyre. Tahe ixbyle tuu raòhòtere juhoo iwese tuu rotỹỹnyra wesele. ³⁷ Tahe iwedytyhy ròhòtynyre: —Aõma wariòrele kòri ariteònykre. Tai tahe wariòre rityhynykre heka. Tahe tariòre diteònyde. ³⁸ Tahe huòtedu mahādu weryrybòmomy robireu, tahe wideereny rarybere: —Kaa heka iwedu riòrele rare. Aõma iwedu rurukreu iaõna aõna, ioworu heka ixideereny rikimyrenykre. ³⁹ Tahe rirubunyreny iumy-di rehurennyre oworuro-ribi. ⁴⁰ Tahe Jesuisi rarybere: —Adeereny araỹraxikre aõbo iwedu tamyreny riwinykre huòtedu mahādu-ò iu tii rehemynykre wahe. Timybohe tii riwinykre? ⁴¹ Tiibohe dirawyònydenyde: —Kia rirubunykre ibutumy hābu bina. Inywitzira-ò huòtenamy ele elemy wijuramy riatykre-ò riwahinykre. ⁴² Tahe Jesuisi tamy rỹỹraxire: —Kaibohe aõbo Ryberiti-di tariaòletenyteri:

—Mana-di heka heto widỹỹdu rehumyhỹre kia manale heto hàtxi-ki ritidimy roimyhỹre. Jiarỹ kia mana wese rare. Inynyrỹ Deuxu kia riwahinyre. Tai awi heka rare. Ijõ riwiòhenanyre, mana wahe.

⁴³ Tahe Jesuisi tamyreny rarybere: —Tule jiarỹ adeereny ararybekre: —Deuxu Iòlòna heka aribi ritakre. Tahe inywitzira-ò aribi riwahinykre. Inyõ txura wylemy riwahinykremy Deuxu-ò. ⁴⁴ Kia iny mana tyre resemyhỹkre heka tii heka wiòròmomy ixòdumy rare. Mana inytyre resekeki tasỹ iny risurusurunya. ⁴⁵ Inyõ roholakeki kia aõbo aõma xiwena wahidỹỹdu mahādu roholamy rỹimyhỹ tule fariseu mahādu. Tule rexierymyhỹrenyre tiibohe Jesuisi turenyle rarybereri heka rieremyhỹreny. ⁴⁶ Tai heka tii mahādu rimykemy idi riwisỹnymyhỹ tahe iny sòwehekỹ lau ruberumyhỹreny. Iny mahādu dori idi ròhòtyny tii Deuxu rybeduõ ratximyhỹremy.

22

¹ Jesuisi heka rexidelenyre ijyymy relyykremy: ² —Timybo Deuxu Iòlòna rare ijyymy heka relyykre. —Iòlòõ heka tariòre herinamy worana bedehesi riywinyre. ³ Iaòmydỹỹnana ròrarukòmomy rỹidi tahe teòdu mahādu iòrysymy roire. Rexihumy rỹireriki iaòmydỹỹnana, kanakremy wahe. Tahe òrysyna noderamy reare. ⁴ Ijõ riteònyre teòduõ iny ritobinykremy. Aõhere tahaka, wabroreni kỹnyhe rerubunyre heka. Ibutumy heka waaòmydỹỹna rehumy rỹireri. Tahe kedeke kedeake heka kòdòidenyke heka. ⁵ Tahe timy heka irybe rityhynyrenyòhyre. Iny sohoji sohoji tatyresidi-ri ijohona-ò, ijõ taaòmỹsỹdỹỹna-ò rea reare, ijõ taoworu-ò reare. ⁶ Ijõ lobidỹỹna reburere teòdu mahādu dee. Tii teòdu dee heka rawobinare. Ijõ aõbina bina heka ritxienyre ijõ rirubunyre dori. ⁷ Tai tahe iòlò reburere lobidỹỹna mahādumy bina bina raòhòtedỹỹnyre, rirubunyre. Ihāwā ritoonyre. ⁸ Tai iòlò rarybere teòduboho-ò: —Waworana bedehesi rexihumy rỹireri ibutumy. Kia iny mahādu ijoji juhoo reto-binyra heka aõ ibina heka roire. Urile riòmỹsanymyhỹreny. ⁹ Tai tahe

ibutumy boibenykre hāwā-ò ibutumy iny-txi bekoabenybekre heka bito-binybenybekre ibutumy waworana bedehesina-ò kede kedeakremy. ¹⁰ Tai tahe didyde iny wiwihikỹ, iny ityhy iny bina mahādu. Hetowo tahe ritỹxire tỹmyra mahādu-di. ¹¹ Tahe iòlò ralore hetowo-ò kia iny mahādu dee rybemy. Tahe tii robire hābuõmy kia worana bedehesi kia tykyõmy ratxirerimy. ¹² Tai tahe tamy iòlò rarybere: —Waliiny, aõherekiwe worana bedehesi kia tyky-di aõkõ atxiteri? Kia tahe hābu rybeõmy rijere. ¹³ Tai tahe iòlò aõma rarybere teòdu mahādu-ò: —Bimybenyke kaa hābu. Waa bitaataabenyke imy behubenyke tahe idi diòlòdỹmy idi rehukre luruhukỹ-ò. Tai Aõhõkỹmy dỹynana-ki tai txur-aruti rikyikyiny. Tai rahinykre. ¹⁴ Tai tahe Jesuisi rarybere: —Sõwemy iny heka kidirahukre tahe ibutemy kanaarikre.

¹⁵ Tai tahe fariseu mahādu ròhònyre wii rotyre. Aõbinamy Jesuisi rarybekeule heka rinykemy idi rỹimyhỹ. ¹⁶ Kia aõma fariseu ijoio heka riteònyre Jesuisi-ò. Tule Herodi ijoio mahādu riteònyre. Rỹraxyre Jesuisi-ò: —Erydỹdu, kai heka hābuwi tate, hābu òbiti. Kai heka tòbedeerydỹmahāte Deuxu deewinamy. Awire aõbo ariòwinyrenykre Roma hāwā mahādu dinodu-ò. ¹⁷ Kai heka ixinamy aõma adee iny rarybererimy ihỹre. Timybo iny raraykynyrimy ihỹre. Iny bede ywinareny aõbohe ixinamy nieru aõna aõna òwydỹnyamy ròhònyke aõbohe awire? ¹⁸ Tai Jesuisi heka rierymyhỹ aõma awimy aõkõ tai rahareri heka rexierymyhỹre: —Kaiboho òbitimy aõkõ toite. Aõherekibo heka kai biwait-xenanybenykemy wamynymy wadi atxitenyteri? ¹⁹ Timybohe nieru-ki rakaharenykre aõna aõna òwydỹnyamy. Biditeòsinyke kia-ò arierykremy. Tai tahe tamy riteòsinyre womati nieruõ. ²⁰ Tahe Jesuisi ritỹraxyre: —Motyytybybo koa rỹire. Monibo ityre-ki koa roire? ²¹ Tai tahe ri-rawyònyre: —Roma hāwā iòlònille tai roire. Tai tahe Jesuisi rarybere: —Tibo Roma hāwā iòlò nierubo heka tamy biwahinykre. Tibo Deuxu nierule tasỹ tamy biwahinykre. ²² Tai tahe urile ribedeòtiidỹnyre. Tai ririrenyre ròirenyre.

²³ Tahe kia txule saduseu mahāduõ heka dòidenyde Jesuisi-ò. Rity-hynyõhyymyhỹre kia aõma rubu-bibi ixixana heka rityhynyõhyymyhỹre, saduseu mahādu wahe. ²⁴ Tamy rarybere: —Erydỹdu, Moisesi tyriti heka kawesemy ribedeerynyre:

—Aõma hābumy hāwyy heridumy roikeki aõbohe timykibo hāwyy uladu-di ratxikeki. Hābuõ iriòrekõ-di rurukeki tai tahe iseriòre heka iriòrese tyby-wana roike. Tai heka kia hābu rubuweleu, kia deròwymy heka uladu ritybienyke.

²⁵ Aõu heka debò inatxi seriòremy kaki rasỹnymy raremyhỹ. Telareny heka roire hāwyy tahe iriòrekòlemy rurure. Tahe ihāwytybyhe kia iseriòrewanale roire. ²⁶ Ihelỹna sỹ tule rurure. Kia heka ibutumy debò inatxi reurò tii-wana roihyyre iriòrekòule. ²⁷ Tahe hāwyy heka tule rurure. ²⁸ Tai tahe kia ruru-ribi rexixakreu tahe, tiwexe ihābukre? Ibutumy dorihe tii-wana heka roilehekỹlera. ²⁹ Tai tahe Jesuisi rirawyònyre: —Kaiboho teerytenykòlemahātenyde timybo Tyyriti-ki roimyhỹre. Deuxu ruru tule teeryòte. ³⁰ Tiu iny rubu-ribi rexixakreu iwitxiramy rexixakre. Yju wesemy ronykre. Timy heka hābumy hāwyy roioityhy. ³¹ Kaiboho heka tetyhynytenyõhyymahātenyde rubu-ribi ixixana. Idi heka tariatenyõhyymahātenyde timybo Deuxu rarybere? ³² Kiamy heka rarybere: —Jiarỹ heka Abraõ Deuxu rare. Ijai Deuxu rare. Ijaò Deuxu jiarỹ

rare. Tii heka iru mahādu Deuxu heka tii ihÿre rubu mahādu Deuxu aōkō wahe. ³³ Iu iny sōwe ribedeerynyreu, tahe urile iny ribedeōtiidÿÿnyre.

³⁴ Fariseu mahādu doidenyde Jesuisi-ò wii rotyrenyde. Roholareki wahe aōma saduceu mahādu ribedeōtiidÿÿnyrenyrenyeki. ³⁵ Bede ywina erydÿÿna mahāduō rÿÿraxire heka aōmybo Jesuisi-ò. Tii rimony heka idi riwisÿny my kia rybebinaōmy rirawyōnykeki rimonyky. ³⁶ Tahe rÿÿraxire: —Erydÿÿdu, tibohe aōbo bede ywina kia-ribi aōnityhymyhewe bededeōtiidÿÿny my ratximyhÿre. Wakoreny inihe tuu bedelyykre. Tibo kidiōtiidÿÿny my ihÿre. ³⁷ Tahe Jesuisi dirawyōnyde: —Iny Deuxu-reny iny iōlōreny luuke heka. Ibutumy awo-ribi heka iluuke, ibutumy aruruna-ribi, ibutumy arayky-ribi luuke heka. ³⁸ Tii heka inatyhy bededeōtiidÿÿna tyhymy ratximyhÿre ibutu bede ywina-ribi. ³⁹ Ijō ihelÿÿna tahe iwesele heka rare: Iwese ixiluure wese heka ibutu luuke. ⁴⁰ Ibutumy Moisesi bede ywina heka juhū rare. Tule Deuxu rybedu mahādu erydÿÿna heka iribile rare. Kia bede ywina inatxi-ribi heka ibutumy iny bede eryna rōhōnyre. Kia inatxi bityhynymy bohonykeki iuhe heka tetyhynmahāte.

⁴¹ Iu fariseu mahādu iweroramy rÿimyhÿō tahe rÿÿraxire Jesuisi tamy: ⁴² —Mobo Deuxu deodÿÿny my ihÿre, Kristu wahe? Moriōrebo tii ihÿre. Tai tahe tiiboho rirawyōnyrenyde: —Moma Davi riokore ōsana. Tahe ijō Jesuisi rÿÿraxire: ⁴³ —Tai tahe aōherekibo Davi heka Wanyrÿmy rininire Deuxu Tyytybytyhy irybe riwiōhenanyreu wahe. Davi dori kawesemy rarybere: ⁴⁴ Deuxu wawedu-ò rarybere.

—Bodonyke warurunawe-ribi, jiarÿ heka aōludu mahādu-di arawo-txi.

⁴⁵ Davi tawedumy Kristu rininirehāre, timykibo Kristu iriokore riokorekre. ⁴⁶ Tahe inyō heka Jesuisi rirawyōnyōhÿyde. Tai tahe ruberumyhÿre tamy rÿÿraxike lau.

23

¹ Jesuisi heka iny sōwe nihikÿ ribedeerynymyhÿ taerydÿÿna mahādu-wana. Tii rarybere: ² —Judeu bederydÿÿdu mahādu heka Moisesi bede ywina bede erydÿÿna mahāduō rare. fariseu mahādu tule bede ywina riwinymyhÿrenyde. ³ Iwese ribedeerynyre wese tahe bityhynkre. Uritere iwese tii riwinymyhÿre wese uritere iwidÿÿōmy. Aōwidÿÿmy rarybemyhÿrenyrehāre tahe aōwitxira heka riwinymyhÿrenyde. ⁴ Tiiboho heka atyreny riōdōnynihikÿmyhÿre bede ywina. Ihāre tahe rityhynyrenyōhyymahārenyde. ⁵ Aōma òbitimy ratxike sÿny heka iny tamy roholamyhÿre ixi-di ratxirerimy ihÿre. Aōma walabu riōreō heka rÿimyhÿre axiō-ki bede ywina heka ritidimy roimyhÿre ityky ijeti retydyna bede ywina-txi tōhōti reakemy tuu riwinyrenyde. Sōwemy heka iretydyna riwinyrenyde. ⁶ Ronymyhÿreu heka ikoōhōkÿle ronymyhÿre, worana bedehesina rÿi-wana wahe. Dohodÿÿna heto-ki heka tule ronymyhÿre, iko-ò tuu rexisÿnymyhÿ. ⁷ Hāwāy-ki iny tamy ryrymyhÿre: —Waerydÿÿdu, Habimy, kia tahe irybe-ki bede erydÿÿdu rare. Tii tahe tamyreny awire. ⁸ Tai tahe Jesuisi tamyreny rarybere: —Kaiboho heka uritere Habimy inyō adeereny irykoōmy ihÿke. Deuxu sohojile bede erydÿÿdu heka rare. Ibutumy kaiboho seriōre wesemy atximahātenyde. ⁹ Kasu-ki taheka inyō heka tui wahamy inyō widee rarybeōtyhy Deuxu biu-ki ratximyhÿrele tuu bininibenyke heka. ¹⁰ Uritere Wawedu myÿ inyō kia nidÿÿōmy. Deuxu deodÿÿnale heka

awedu ratximyhÿre Mesia wahe. ¹¹ Anihikÿmy ixi-di mohõtinykeki tahe, kia iny biwiòhenanyke. ¹² Kia ityhy rare ixi-di røhõtinymyhÿre, tii heka ihewo-ribi rabadewokre. Ihewo-ribi tahe aõma aõkø relekre. Kia iaøkømy ixi-di røhõtinykre tahe nihikÿmy heka relekre. ¹³ Belàhàxe! Kaiboho itxenadÿÿluku. Ibina adeereny kanakre, kai bede erydÿÿna mahàdu, fariseu mahàdu. Kaiboho uritere iny ròtedÿÿrenyømy Deuxu Iòlòna-ò. Kaiboho birònybenyøtyhy tule iny ròtedÿÿ-ò biebenyke. Kaiboho bexisÿnybenyke òbitinamy. ¹⁴ Aixitòedÿÿna rehereheki wahe hãwã ube-ki. Kaiboho urile iny teitxenanymahãtenyete. Aõma wytese urimynodu heka iheto-ribi teteònymahãtenyete kaiboho heka abinarenyre. Tai heka kaiboho yla aøkø aøhøkÿmy botÿÿnybenykre. ¹⁵ Belàhàxe! Kaiboho ibutumy iny aratyhynyrenykemy ixi-di tahõtinyamahãtenyete. Tai heka iny tesÿnymahãtenyete òrarudutyhymy wahe ixiratyre heka teijiradÿÿnymahãtenyete. Aòraru-ki heka aøhøkÿmy botÿÿnybenykre. Iny-di atxikemy heka tahõtinyamahãte. ¹⁶ Kaiboho ruetà mahàdu wesemy kai ahãte. Kaiboho heka kia wesemy tebedeerynytenyete. Inyø heka Deuxu bede eryna heto riwawiòhenanykeki heka aõna aõna ariwinykre. Myÿ marybebenykeki, heka aø aøkø heka rare. Deuxu dohodÿÿna heto womati tÿrÿrÿhÿkÿ-di marybekeki heka, tii heka rityhynyhy. Ibutumy heka kia bede ywina òta òta tewinymahãtenyete. ¹⁷ Kaiboho heka bede erydÿÿdu bede erytyhykø mahàdu atxitenyeteri dohodÿÿna heto kia-ò raløkeki. Aøbo bedetiidÿÿna tyhyre womati tÿrÿrÿhÿkÿ aøbo ada dohodÿÿna hetole aøbo teeryøte, Deuxu Dohodÿÿna heto wahe. ¹⁸ Kaiboho tule tebedeerynyete kawesemy. Inyø tarybe inatyhy-di rarybekeki, tai heka kia xiwena wahidÿÿna-di rarybekeki, tai tahe tii rityhynyøkeki, awira. Tahe tii xiwena wahidÿÿna tyre-ki rarybekeki tahe, tii òbitimy heka rarybeke. ¹⁹ Kaiboho ruetà mahàdu wese, kaiboho heka erydÿÿnakødu mahàdumy toite. Aøbo awityhyre? Xiwena wahidÿÿna aøbo ada ityre-ki wahidÿÿna roimyhÿre aøbo? ²⁰ Wahisidÿÿna heka wiwesele rare. Aõma xiwena tyre-ki roire wana tule wiwesele rare. Aõma xiwena tyre-ki roiøre wana wahe heka aø aøkø rare. Xiwena utàle heka rierymyhÿre inatyhy rare. Myheka kai mararybekeki heka tai tahe kai heka xiwena utàlemy tarybeteri. Ibutumy iny ityre-ki rÿire bohomy tule heka tai tuu tarybeteri. ²¹ Deuxu dohodÿÿna heto òraru-ki kai koityhyxemy marybekeki heka tai heka kai dohodÿÿna hetomy tarybeteri hãre tahe Deuxu iwo-ki ratxirerilemy tuu tarybeteri. ²² Biu òraru-ki ka koityhyxenyeteri marybekeki, Deuxusÿmy tarybeteri. Tii dori tarynana-ki ronyreri. ²³ —Belàhàxe! fariseu mahàdu! Kaiboho heka itxenadÿÿdu mahàduø toite. Tule bede ywina bede erydÿÿdu mahàdu. Adeereny heka ibinamy ratxikre. Arÿsÿna uri juraø heka kai Deuxu-ò tewahinyete, hortelã, erva-doce, cominho wahe. Kaiboho heka aøninihikÿ tetyhynytenyøhyymahãtenyete. Iwese òbitina, ruxetøena, inatyhyna kia-ribi heka øhøti losamyhÿre ibutumy. Aømydÿÿna jura wahisidÿÿna heka awi rare. Tahe tule uritere øhøti losaømyke aøwitxira-ribi wahe. Aøbo bedetiidÿÿnare bede ywina-ki. Kaiboho heka bede erydÿÿdu toite hãre tahe teerytenyøte. ²⁴ Belàhàxe! Kai hãbuø wese rare. Tiiboho imona berareny-ribi ohoruxømo riarimahãre. Ihãrele tahe tiiboho irødu nihikÿ rirÿsÿmyhÿre. Iwesele kaiboho tule terÿsÿmyhÿtenyete. ²⁵ —Belàhàxe fariseu mahàdu, bede ywina bede erydÿÿna mahàdu. Amona deoreny tesuhømahãtenyete iwe. Iwo tahe ka isuhukÿlemy rÿimyhÿre.

Itxenadỹna rỹire. Aõma aumy weselemy heka kia ratximyhỹre. Aõma aumy heka webõrsity tyrare heka. Araykywo-ki tahe ibutu itxenadỹ heka tai rỹimyhỹre. ²⁶ Belàhàxe fariseu mahàdu! Kaiboho taruetà mahàdu. Kai mona hynawo bisuhòke heka biõtinyke. Aõma bisuhòke ihỹre tahe arayky bityranykre. Tahe ibutumy heka aumy ryranykre. ²⁷⁻²⁸ —Belàhàxe fariseu mahàdu! Kaiboho heka koityhyxenyteri. Rubu heto wiwihikỹ ixideereny tewinymahãtenyete. Kaiboho heka iwesetyhylemy toite. Aõma webõrsitylydu heka iruxeramy idi toite. Aõma aworeny-ki tahe aõma iny rubu idi ròhòkỹdileka atxitenyteri mahãtenyete. Ibutumy aõbina bina awo-ki arayky-ki idi atxiteri mahãtenyete. Aumyreny-ki heka tykywihikỹ textykyny mahãtenyete. Aõma hãbu wihikỹwesemy. Hãbu õbitimy matxibenyke myheka iny adi ròhõtirenkemy heka tuu textykynymahãtenyete. Araykywo-ki tahe arimyrewo-ki tahe ibutu itxenadỹna-di heka toite, òrarudu mahàdu toite. ²⁹ Belàhàxe! Tai heka kaiboho Deuxu rybedu mahàduõ rirubunyre. Kaa nohõti ijaranamy tuu tewinymahãtenyete. Awabederenywo-ki heka noijasa ruxerahakỹle tetidite. ³⁰ Kaiboho heka tarybemahãtenyete. —Tiu wahareny riwinyre wese heka ariwinyrenyõtyhy. ³¹ Kiamy tarybeteu heka hãbu bina riðremy texininite. Bowesele toite. Iriðre toite. ³² Iwese juhoo ibinamy riwinyre wese heka iwesetyhyle aõhebo tatỹỹnymahãtenyete. ³³ Iwese hemylala deborehekỹ wesemy heka kaiboho atximahãtenyete. Boreny tule iweselere. Timybo heka kaiboho heòty bede-ribi mahenybenyke? Kaiboho heòty bede-ò boibenyke. ³⁴ Adeereny ariteõnykre aõma Deuxu rybeduõ hãbu erydu, tyyriti erydu wahe. Kaiboho bidirubunybedenykre. Ohodỹna heto-ki ijõ bidihetenybedenykre awaru hetenaõ-di. Itxeòtyre-ki ijõ bidirubunybedenykre. Ijõ heka biheludumykre hãwã hãwã-ò tamy ibinamy riwinykremy. Aõhòkỹmy dỹnana heka tamy biwahinybenykre ijõ hãwã-ò rakreu. ³⁵⁻³⁶ Kia heka hãbu ibutumy rurure tyby òraru-ki wahe. Dohodỹna hetowokile rirubunyrenyre. Kaiboho Abeli juhoo terubunyenye ikonana tahe Zacaria, Barakia riðre wahe. Òbitityhy juratya-ki heka tuu tewinytenyete. Wijnabõdu mahàdu tai aõhòkỹmy rotỹnykre. Ibutumy ibinamy kai atyre-ò kedeseke. ³⁷ Jesuisi ikonana tahe rarybere: —Jerusalẽ hãwã mahàdu, kaiboho heka terubunyenye Deuxu rybemy rybedu mahàdu. Jiarỹ heka aramykemy adi rewisỹnreri wariðre wesemy tahe waderarenyre kaiboho. Iwese hãnieõ iriðre ridyre wese idewo-ki. ³⁸ Aheto heka ixisohojilemy rỹimyhỹre. ³⁹ Kaheka ararybekre adeereny: —Wamy heka bobiõtyhy ixityre. Kai heka Deuxu deòdỹna bidykreule wamy bobikre. Iu rarybereu, Deuxu deysanamy, wamy bobikre.

24

¹ Iu Jesuisi ròhònyreu dohodỹna-ribi, ierydỹna mahàdu tamy rarybere dohodỹna heto itxeremy ròikemy, eleri-ò wahe. Tai tahe Jesuisi dirawyònyde: ² —Inatyhy rare, awi heka rare. Urile tahe kidi-ixãwididỹnykre heka. Timy heka manaõ wityre-ki roiðhykre. Ibutumy bede-ò idi rehukre. ³ Iribi tahe Jesuisi rehemynyre Oliveira hãwãlò-ò heka ronyre. Tai tahe erydỹna mahàdu tii ritỹraxyne iny sòwe-ribi: —Tiubohe ibutumy kedeixixãwididỹnykre. Tiubohe ibutumy bede konanadỹnyamy reakre. Timybohe rikieryrenykre kai bedehemynyke

aõma bede ibutumy rexihukre. ⁴ Tahe Jesuisi tamy rarybere: —Uritere inyõ aitxenadÿÿõmykre. ⁵ Sõwemyhe iny itxenadÿÿnamy rÿirakre. Jiarÿ Kristu rare, Deuxu deodÿÿna heka jiarÿ rare, myheka adee kanarybekre. ⁶ Kaiboho heka bohohamy mabekre iny aõbina rõhõnomyhÿkre: bohohamahãkre. Ihãre tahe iny rarybekre aõma: —Karibi heka aõbina urihimyò rõhõnykre. Myhe rarybemahãkre. Ihãrele tahe kòdòòseõkre aõma ikonana urihimyò. Ibutumy heka kia wesemy relekre. ⁷ Aõma kia wesemy heka bede roimyhÿ rarekre aõbo iny wixira wixira heka ibutumy iòlõna heka riteranomyhÿkre. Aõbinamy. Tai heka raaõbinanomy rÿirakre. Aõma rama ijara reakre. Bede ibutumy ramytatakre hãwãõ-ki. ⁸ Kia heka iwese hãwyy uladu dese wesemy robumyhÿre wese tukre. ⁹ Adeeremy heka aõhõkÿmydÿÿnana tiiboho riwahinykre aõma wani òraru-ki wahe. Ijõ kaibohoõ heka ararubunyrenykre. ¹⁰ Sõwemy heka iny riatymyhÿkre wary-ribi heka riatymy ririmyhÿkre. Wii rityhenomyhÿkre. Wìdee rak-arananomyhÿkre. ¹¹ Rybebina rybeduõ heka sõwemy kedehemynykre tahe kia heka sõwemy iny riitxenanomyhÿkre. ¹² Iu heka òraru nihikÿ iu rõhõnykremy roimyhÿre. Sõwemy heka luuna-di rÿiramyhÿ katahe wiji ixãwikre heka ihomy aõkõ relekre. ¹³ Kia idi hyy rÿirakre ikonana-ò. Tii mahãdu tahe tarasanamy reakremy rÿira. ¹⁴ Ibutumyhe kia iny-ò rybe tÿnydÿÿnamy reakremy rÿira, Deuxu Rybewihikÿ Tÿmyra wahe. Ibutu iny wixira wixira heka roholakre rybe wihikÿ-ò. Kia rahudi hikÿle heka taheka kedehemynykre heka ikonana. ¹⁵ Aõbinahakÿ tyhybohe ibinatyhy rÿikre. Tii heka rÿikre heka aõma Deuxu ubetyre-ki, Deuxu isÿ-ki, kiaweselemy heka rÿikre. Bieryke aõbo kia rare. Bieryke aõbo kia rare Danieli heka Deuxu rybeduõ ihetxiu kiamy heka rarybere:

¹⁶ —Judeia mahãdu bede-ribi tahe kia bihenybenyke. Ibutumy heka bòibenykre hãwãlò bede-ò biòturõnykre.

¹⁷ —Kia bededÿÿnanau heka tiu aõ bimyõtyhy ahetowo-ribi. Tiiemy heka rõhõnyhykyle rakre aõwesele wahe.

¹⁸ Iu bedero raaõmysÿdÿÿkreu heka tiu kòdòòseõtyhy tatyky itxemy.

¹⁹ Tule aõma hãwyy bòtõmy rÿira kia bedeu aõhõkÿmy rotÿÿnykremy rÿira.

Kia tohouã-di ratxireri tahe tamy isirakre heka itybiedÿÿ idi rakeõ heka isirakre. ²⁰ Bedejutytykõkemy heka bexitõenyke ahena mahenykeu. Tule sabado txu aõkõkemy bexitõenyke. ²¹ Tiu heka aõhõkÿmy dÿÿnanamy iny rotÿÿnyõhyymyhÿre kaa aõhõkÿmy dÿÿnana nihikÿmy. Tule tiu tuu robiõhyymyhÿre. ²² Kia Deuxu irokorehemynykre wana heka ibutumy iny ituekre. Kaa urihimyòlekre wana tahe kai Deuxu hõrõ mahãdule tuukre.

²³ —Aõma Mesia heka kowa-ò rehemynyra, Deuxu deodÿÿna wahe. Ihãre tahe kai heka inyõ adee rarybekeki tahe tetyhynyõhyte heka. ²⁴ Kia iu kedehemynykre tahe aõ Kristu tyhy aõkõ heka rarekre. Aõma rybedu itxenadÿÿdu heka tule aõna aõna wiwihikÿ riwinykre. Aõma ityhydÿÿdu dori riitxenanykemy idi riwisÿnykre: ²⁵ Boholake, juhuu dori adee re-lyyreri ibutumy aõhebo rotÿÿnykre. ²⁶ —Aõma arateðwarinyre dori tuu. Kia Mesia, Deuxu Deodÿÿna heka rõðsereri. Beteheke bederahy-ki, tule hetowo-ki. Iu tahe timy heka tamy itxeremy raõtyhy inatyhy aõkõreki.

²⁷ Iu jiarÿ Deuxu Riõre Hãbutyhyhykÿ arehemynykre ibutumy heka rierykre loosõna delaanu wesele heka wadehemynyna heka rarekre biu ibutumy ritÿxinykre. ²⁸ Iwese aõ rubu roimyhÿre, rara heka tamy rabu-

tumyhÿre. Kaiboho rierykre iu rehemynykre. ²⁹ Iu kia bede dÿÿnanamy reakre tahe txulyby heka kòdòhõnykre. Ahãdu tule rybynykre. Taina

tule ixewesehekỹle kanakre. Ibutumy ramytatakre biu-ki. ³⁰ Iule tahe kia wadehemynynamy iny robikre. Sõwemy heka hinana ibrunana bede bedemy rỹirakre. Ibutumy heka iny robikre wadehemynynamy biuwe-tyky-ki, jiarỹ dori, Deuxu Riõre, Hãbutyhyhykỹ rare. Loosõna ruruna sõwekreu, tahe arehemynykre. ³¹ Tule wajurõna-di, ýju aditeõnykre iu, ajurõna wodỹýhỹkỹ-di. Tahe ibutumy wahõrõ mahãdu he ixidee aribu-tunykre bede bede-ribi, ibutu rehetyhy-ribi wahe. ³² Jesuisi tule relyyre: —Ijyyõmy heka ako arelyykre. Kai heka ibede erynamy bimykre. Iu kia figueira õwõru hãbu wiji tybiehekỹ. Kia aõma iruru tỹmyra rurun-ymyhỹré. Tule aõma txirubõ tỹmyra rõhõnykre. Tiu tahe bierykre. Kai iõhõra bohe wyra. Myhe tamy besekre. ³³ Iwesetyhyle taheka kai heka bierykre. Aõma wadehemynyna rõhõny relekre wahe aõbitikre wadehemynyna iu, aõhõkỹmydỹýnana wahe. ³⁴ Tiu kia bededỹýnanaule heka bedekõnyrna rexihukre. ³⁵ Biu heka bede-wana ituekre warybe tahe aõu aõu heka rỹihyymy rarekre. ³⁶ Inyõ heka rieryõhyymyhỹre. Tiubo txuu ruu kai konany rỹimyhỹre wahe Ýju dori tiu rieryõhyymyhỹre. Aõma, jiarỹ Deuxu Riõre dori rieryõre. Aõma Waha Deuxule tahe ri-erymyhỹre. ³⁷ Noe bededỹýnana wesemy heka rỹimyhỹkre iny risinykre kia bedeu. ³⁸ Ibutumy heka worana bedehesi rỹikre kiau. Lisisõ tahe rỹikre. Herina lisina aõma hãwyymy herina. ³⁹ Tahe Noe bededỹýnana wesemy heka reakre. Iu heka beõra rariare. Tahe rityyhynyõhyyre tiiboho. Tahe heka raõwõnyre rariare ibutumy ituere. Iwesele tii heka rarekre heka, wadehemynyna Deuxu Riõre Hãbutyhyhykỹ wahe. ⁴⁰ Inatxi hãbu heka oworu-ki raaõmysỹdỹýkre. Ijõ heka rakre dynamy reakre. Ijõ tahe rarikre. ⁴¹ Tule inatxi hãwy heka raaõmysỹdỹýkre heto-ki ratxikre mai risyrenykre. Ijõ heka dynamy reakre ijõ heka rarikre. ⁴² Tai heka iny rexiywinymy rỹimyhỹkemy rybe roimyhỹre awedureny kanakreki. Tiubo rehemynykre, teeryõte. ⁴³ Aõma hãbuõ kanakeki heka tiu aõma hãbuõ itxeredumy ronykeki heka, tiu hãbuõ iribi rawasinyõtyhy. ⁴⁴ Bexiywinymy heka wadehemynyna biijemy bonyke, jiarỹ Deuxu Riõre Hãbutyhyhykỹ wahe. ⁴⁵ Ijõ Jesuisi relyyre: —Inyõ tadinodu deõdutyhymy ratxikeki, tii aõmysỹdỹýna riwinyhyy rononymhỹke tamy. Iheto riywiny-hyyke. Teõdu mahãdu txuõ txuõlemy riywinymahãke. ⁴⁶ Kia riwinykeki, deysamy rarekre teõdu rehemynykre. ⁴⁷ Inatyhymy ararybekre: —Kia deõdu tadinodu aõmydỹýnana ibutumy idi riywinykre, riyrubunykre. Tii ibutu wedu rarekre. ⁴⁸⁻⁴⁹ Ibinamy tahe tii rõhõtinykeki, kiawesemy riwinykre: Deõdumy raõhõtemyhỹ, lisilemy rononymhỹ, riroximyhỹ mo-modu mahãdu-wana riõmyhỹ. Tii ixidee rarybekre: —Wawedu kedehe-mynyõtyhy, aõtxile ariwinykre. ⁵⁰ Iu rehemynyõkremy rõhõtinyre, iwedu kiaule rehemynykre. ⁵¹ Tai tahe raõhõtebinakre. Heõty bede-õ riteõnykre, Iwese itxena mahãdu tii riteõnykre wese. Kia-õ rahinykre, robukre, txuraruti rikyikywinymy aõhõkỹmy dỹýnana õraru-ki.

25

¹ Jesuisi ijõ relyyre: —Kia txu heka Deuxu Iõlõna ka ijyy wesemy rarekre. Debõwiõ ijadõma heka hãbumy herina riraõmyhỹrenyre. Iny sohoji sohoji heka toosõna riwyre iximynamyna. ²⁻⁴ Iruyrelle tahe tõhõti reare aõma adỹý-di ritỹxinykemy. Ihony tahe tõhõti rosare iruure wasỹ, ijõ tule ihyna-ki riwykemy. ⁵ Weryrybõ rehemynyõre, tai tahe ijadõma mahãdu ele rihynymy rỹimyhỹ tehemyynyna riiraõmyhỹrenyre. Iny sohoji

sohoji heka toosòna riwÿre iximynamyna. ⁶ Tai tahe rarybera: —Tÿmyra mahàdu-ò wahe rehemynreri. Birybenybenyke ruwetya. ⁷ Tai tahe ijadòma mahàdu he rituranymy rÿimyhÿre. Toosò itÿnytyhymy rookemy. ⁸ Kia ijò tahe tòhòti rosare mahàdu tahe uritere riijere. Itoodÿÿmy idi riwisÿnymyhÿ. Aòma widee he rexitòdenyre: —Urihinykò inihe wahòrò-kò biditxiwike karihukòtekre. ⁹ Tai tahe kialemy risÿnyre: —Anokòre wadehunale dokuri rÿire. Bikòryke tahe ijò itxe tahe. Maa. ¹⁰ Idi tahe ròireny iòbradÿÿmy. Tai titxi tai rohononymhÿreò. Iòrysomy iòbradÿÿmy ròirenyra rookile tahe dehemynyde kia tÿmyra mahàdu wahe. Tahe rironyrenyre ibutummy riroxikemy. Riratòbònyrenyre. ¹¹ Tai tahe kia iruyre ijadòma iòbradÿÿmy rare tahe dehemynyde: —Wahì, itxòtòbòna wadeke bidirakynybedenyke! ¹² Tai tahe kialemy rirawyònyre: —Jiarÿ umyreny reeryòre. Kie riki ijyy. ¹³ Tahe Jesuisi rarybere: —Tai kaiboho bexiwinyummy ahàbenyke wadehemynyna biijebeny. Teerytenykòte dori tiubo addòsekre.

¹⁴ Tii ijò rarybere: —Ijò ijyyummy adeereny arabedeerynykre timybo Deuxu Iòlòna raremy. Inyò heka rakemy ratximyhÿre ijò bedè-ò ratÿinykemy. Tii tahe taaòmysÿdÿÿnana ririre teòdu mahàdu-ki. ¹⁵ Tanieru tahe tamy riwahinyre timykibo isiraòmy nieru ritamyhÿre myheka tamy riwahinyre. Ijò-ò 5000 riwahinyre. Ijò-ò 2000 riwahinyre. Ijò-ò 1000 riwahinyre. Idi tahe tii rare tabede tÿinamy. ¹⁶ Kia iruyre ritara heka aòna aòna riòbranymhÿre. Diwymyhÿre tasÿ idi rohonyrerimy ihÿre. Tai wylemy heka inieru rabuture. Ijò ixityre iruyremy ritxi-ienyre iratyretyhy. ¹⁷ Kia ijò inatximy tamy riwahinyre tasÿ tulere aòwesele raaòmysÿdÿÿre ta ròtare tule ijò inatximy ixityre. ¹⁸ Kia sohojimy tamy riwahinyre tahe urile riyrubunyre inieru hãloole riare tamy tahe riyrubunykemy heka riare. ¹⁹ Sòwemy rabededÿÿnana-ribi tahe iwedureny dehemynyde. Tahe tamyreny rarariòwyre takòtareny riòbitinykemy. ²⁰ Iruyre riwÿre heka debòwiò diwyde: —Beteheiny wawedu ijò iruyre anieru tyre rebutunyre. ²¹ Tahe tawedu sòwemy riwowydunyre iaòmysÿdÿÿna wiwihikÿmy ròhònyraki wahe. Kiamy heka tamy rarybere: —Òbitimy idi taaòmysÿdÿÿteki heka. Sòwemy heka adee ariwahinykre riywinykemy. Aòwaxinyhe bitelenykre aòmysÿdÿÿna. Kai heka wawana beysanidikÿkre. ²² Idi tahe kia inatximy ròtaré sÿ dehemynyde: —Beteheke, inatxi tasÿ inaubiòwa ixityre adee rewinyra. ²³ Tahe iwedu rarybere: —Awityhymyhe taaòmysÿdÿÿta! Kai heka deòdu wihikÿ tate. Kai ibutedile sòwemy tewinyte tahe sòwemy ixityre adee ariwahinykre riwahinykemy. Kai heka wawana beysanidikÿkre. ²⁴ Kia sohojimy tamy riwahinyre tahe rarybemyhe retximyhÿ: —Kai heka hãbu nieru tarasaery heka tate. Aò taaòmysÿdÿÿteri-ribi aòkò heka nieru tetamahàte. ²⁵ Tai heka jiarÿ raberumahã alau watxireri. Tai heka rewore iny lau. Tahe tii sohojidile ratxireri. ²⁶ Iwedu rarybere: —Kai heka eoruxerere, awi aòkò heka tate! Inyò tehuòtekòta heka idi urihinyò ityre ròtakelemy wahe. Kai tiwaeryte wahe. ²⁷ Aòherekibo banco-ki aòkò tetidite. Kia huòteòwy wanieru-ribi ritarerimy ihÿre. ²⁸ Bitabohe kia nieru-di atxitere, tahe kia debòwiò ritaraò wahe biwahinykre. ²⁹ Kia òbitimy raaòmysÿdÿÿra heka sòwetyhymy ròtakre. Kia òbitimy raaòmysÿdÿÿòmihÿre kia heka ròònodÿÿkre. ³⁰ Kia deòdu bimybennyke. Tii dorihe ibinatyhyre inihe bede luruhukÿ-ò idi behubenykre. Tai heka tii aòhòkÿmy rotÿÿnykre rahinykre.

³¹ Jesuisi tahe ikonana rarybere: —Iu jiarÿ, Deuxu Riòre Hãbutyhyhkÿ, arehemynykreu heka Waiòlònary-ò aronykre. Arehemynykre waÿju mahãdu-wana. ³² Ibutumy heka bede iny mahãdu wako-ki ributunykre. Iwese budoeni itxeredu heka tabudoeni, buddè-wana wiribi rihitxinymyhÿre wese heka bede iny mahãdu wiribi arihitxinykre. ³³ Wabudoeni heka warurunawe-ribi arisÿnykre. Buddè tahe wahywe-ribi arihitxinykre. ³⁴ Idi tahe waruruna ludu-ò ararybere: —Manake hewa, beysabenyke. Waha Iòlòna-ò rokonykre. Myheka tamy ararybekre. Juhuu bedeu ihetxiu heka ywimy adireny kia rÿimyhÿre. ³⁵ Rama tahe riwasanyreu rÿsÿna wadee tewahinytenynte. Iu bemy rarureu, wadee tewahinytenynte. Jiarÿ heka tori rare asÿ-ò tiwadytenynte. ³⁶ Jiarÿ heka watykyhoho aòkòu, kaibohole wadee tewahinytenynte. Binamy rÿimy rarewãhã, waroramy tadòitenynte ròtenawo-ò. ³⁷ Tai tahe òbiti mahãdu rarybekre: —Wanyrÿ, tiu taheka ramamy heka wadeereny teate —Adee rewahinyrenyrene? Tiubo heka bemy tarumy tatemahã adee rewahinyrenyrene? ³⁸ Tiubo heka kai torimy tatemahã idi wahetoreny-ò aradyrenyrene. Tiubo atykyòmÿ tatemahã-di, tyku adee rewahinyrenyrene. ³⁹ Tiubo ròtena-ki tÿimy tatemahã-ò ada webinadumy tatemahã-ò, aroramy ròirenyrene. Wanohòti atxi reaòhyymyhÿre. ⁴⁰ Tai Jesuisi rarybere: —Jiarÿ, Iòlò, tamy ararybekre: —Iu kaiboho waityhydÿÿdu seriòre mahãdureny-ò waòraru-ki tewinymy toitemahãu, wadeele tuu tewinytenynte. ⁴¹ Idi tahe kia wahywenawe-ribi ludu tamy ararybekre: —Boibenyke karibi kaiboho heka abinarennyrene heòty bede-ò ihyymy boibenykre ixi-di ariteònykre. Diabo tatytybybinasÿ-ò idi boibenykre. Deuxu isÿ tamy riwinyrene. ⁴² Tiu rama riwasareu rÿsÿna kaiboho wadee tewahinytenyòhyyta. Iu bemy rarureu heka ijò wadee tewahinytenyòhyyte. ⁴³ Torimy rarewahãu, tiu tiwatobinytenyòhyyte. Tykyò wadee tewahinytenyòhyyte. Binamy rãimy rarewãhã ròtenawo-ki wororana webinadumy tahe tòiòhyyte. ⁴⁴ Tai tahe kiamy rarybekre: —Wanyrÿ, tiubohe tuu rewinyrenykròre. Wanohòti heka reaòhyymyhÿre aramamy rubuna-txi, abemy rubuna-txi, torimy tatemahãu, atykyòmÿ tatemahãu, ròtenawo-ki webinadumy tatemahãu wahe. ⁴⁵ Tahe jiarÿ Iòlò tamy ararybekre: —Kaiboho heka waityhydÿÿdu seriòreò tewiòhenanyòmahãtenynte tai heka tiwawiòhenanytenyòte. ⁴⁶ Tahe Jesuisi ikonanamy rarybere: —Tai tahe tii tiuhyymy rakre heòty bede-ò, aòhòkÿmydÿÿnana-ò. Òbiti mahãdu heka umytuedeòna-ò rakre.

26

¹ Kia taijyy rahudi tahe Jesuisi taerymahãdu-ò rarybere: ² —Ixityre inatxi txu-di tasÿ aòma Pascoa worana bedehesimy rÿikre. Kaiboho tahe kia teerytenynte. Iu iny riwatyhenykre Deuxu Riòre Hãbu wahe. Irahu-di tahe itxeònihikÿ-ò riwatamadÿÿnykre. ³ Tahe aòwesele heka xiwena wahidÿÿdu wedu mahãdu ributunyre heka judeu wedu mahãdu-wana wahe. Kaifa heto wii rotyre. Xiwena wahidÿÿdu mahãdu wedu wahe. ⁴ Wiwana heka raryberenyrene: —Timybohe Jesuisi aòhebo rikisÿnyrenykre aòma teburemy ijjiranaònahakÿle. Timybo rikisiraònyrenykre, rikimyrenykre, rikirubunynenykre. Urile iny tuu rierykròre. ⁵ Pascoa worana bedehesi rÿireu tahe aòkòlemy idi rÿire. Kia worana bedehesiko-ki iny raaòbinanykeki dori ibutuhukÿlemy heka raaòbinanyke.

⁶ Jesuisi heka rare Betÿnia hãwã-ò hãbu tykybinaõ-wana heka isÿ-ò rare, Simaõ heto-ò wahe. ⁷ Iu iheto-ki riroximyhÿreu tahe hãwyyõ tamy rare aderõna lÿnyrehekÿõ-di manaurahyna-ki. Tai tahe Jesuisi tyre ritxiwire, iratityre. ⁸ Ierydÿÿna mahãdu heka urihimyo heka rebure riõre iõraru-ki. ⁹ Iõwy nihikÿtyhyre dorihe. Tai heka tanieru uriterehekÿle rahuraki heka tai rawobinamy. Idi rohonykewile heka rare aõma iõwy tahe iny aõkõ mahãdu-ò riwahinykewihikÿle tii rõhõtinyre. ¹⁰ Tahe Jesuisi rierityhymy aõmybo tuu raryberenyrerimy: —Aõherekibo kaiboho ibinamy tarybetenyteri hãwyy-ò. Aõwidÿÿnana wihikÿ wadee riwinyreri. ¹¹ Aõma kaiboho heka urimynodu mahãdu-wana ihyymy boibekre. Ibutulemy awanareny jiarÿ watxiwãhãde. ¹² Tii heka wahãloodÿÿna riwaywinyra aderõna watyre ritxiwireu. Kia tahe wadee riwinyre. ¹³ Boholake, iny itxi tõhõti reahyy rÿirakre iõraru-ki. Rybewihikÿ Tÿmyramy ritÿnydÿÿmyhÿkre heka rierymyhÿkre bede bedemy wahe.

¹⁴ Iribi tahe Judasi Isariò, tii waò inatxi reuròò rare, tii heka ròhõnyre ierydÿÿna mahãduy-ribi. Tahe rare xiwena wahidÿÿdu mahãdu wedu-ò. Tahe tamy rarybere: ¹⁵ —Adeereny Jesuisi ariwahikre wana heka tiwesebo biwaòwynybenykre? Kiamy tahe 30 prata womati nieru myhe tamy riwahinyre. ¹⁶ Judasi kia ribile rarunymy raremyhÿ dohodÿÿnaõmy Jesuisi tamy riwahinykremy. ¹⁷ Pascoa worana bedehesi rÿireule rexideleny, Paõ iuridÿÿkõ, kia txu rÿimyhÿ wahe. Jesuisi erydÿÿna mahãdu tai ritÿÿraxinyre: —Titxiwexe rikirÿsÿkre Pascoa worana bedehesi jiarÿboho dori ariwinyrenykeny? ¹⁸ Tahe Jesuisi rirawyoõnyre: —Hãbuõ hãwãhãkÿ-ki ratximyhÿre tii riwaeryre. Tahe tamy marybekre: —Wawedu kÿny rarybereri aõma aheto-ki heka Pascoa worana bedehesina rirÿsÿkremy taerydÿÿna mahãdu-wana. Ibededÿÿna dori iòhõre riki. ¹⁹ Tai tahe taerydÿÿna mahãdu kia riwinyre idi kowa worana bedehesi rÿsÿna riwinyre.

²⁰ Bedesomy tahe tai riroximy rorukumyhÿreny, taerydÿÿna waò inatxi reurò mahãdu-wana wahe. ²¹ Aõma inyõ heka riwatyhenykeny ratximyhÿre. Jesuisi heka tuu rarybere: ²² —Mowexe tii rarekre. Tiiboho rabadewomy roire, tai tahe widee rarybere: —Jiarÿ kõaõboka. ²³ Tahe Jesuisi rarybere: —Kia wawana pratoro tebò rearerile taheka tiikre. ²⁴ Iwese Deuxu Tyyriti-ki Rybe roire wese heka arurukremy jiarÿ Deuxu Riõre Hãbutyhyhykÿ watxiwãhãre. Kia hãbu riwatyhenykre tahe tamy heka ibinatyhykre. Ratybienykorre wana inihe awityhyre. ²⁵ Tai tahe Judasi ityhedÿÿdu rarybere: —Erydÿÿdu, jiarÿ aõbohe rare? Tahe Jesuisi tamy rarybere: —Kaityhy wahe tate. Kaile tarybeta.

²⁶ Tai tahe Jesuisi orotxu sohojiõ rimyre ibutumy riroxireu, tahe riyreyrenymyhÿre tahe inysohoji sohoji-ò riwahinyre. Tai tahe tamy Jesuisi rarybere: —Kia biybenyke heka. Waumy wese heka kia ratxireri. ²⁷⁻²⁸ Idi vÿi monahynaõ rimymy rexitõenyre Deuxu-ò. Idi tahe tamy riwahinyre iribi sohoji sohoji riõrenykeny. —Biõrenyke kaa dori wahãlubu wesemy ratxireri. Tai sõwemy iny biu-ò rahenykre Deuxu dee. Ibutumy õraruna ixãwididÿÿmy heka tuu ròhõnyra. Wahãlubu heka Deuxu, iny-wana wii riwoàxinykre rare. ²⁹ Tahe bohoholake warybe-ò. Awanareny heka ixityre vÿi monamy ariõõtÿhy. Kia Waha Iòlõna-ò dehemynynahykyle tahe awanareny ixiby tuu ariõkre.

³⁰ Idi tahe wiuõ rawiunynyrenyre idi tahe Oliveira hãwãlò-ò ròirenyre.

³¹ Jesuisi tamyreny rarybere: —Wijiru heka ibutumy kaiboho bi-waribenykre. Tyriti-ki heka roire kiawesemy:

Budoeni-di itxeredu rirubunykre. Ibutumy budoeni raubýtýkre bede bedemy.

³² —Waixixana kŷnyikreu tahe Kalileia bede-ki awanareny aratxikre.

³³ Pedro tahe rarybere: —Ibutumy ararirenykre wana tahe jiarý aõkõre. Ararirenyõtyhy. ³⁴ Tai Jesuisi heka Pedro-ò rarybere: —Kai heka hãnie dele robukõdile biwatxiõ-ribi bexihukre, inataõmy wahe. Tuu wijiru rarekre. ³⁵ Pedro dirawyõnyde: —Aõkõre wa, arurukre heka tahe urile aratxiõnyõtyhy. Tule ibutumy ijõ ierydýŷna tule Pedro wesele rarybere.

³⁶ Tahe Jesuisi ridyrenyre bederaty oworuõ-ò, aõma Kesemani ninadu-ò ridyre: —Kakile bonykre arakre dori ixitõedýŷmy kowa-ò.

³⁷ Tahe Jesuisi heka Pedro ridyre ixi-wana. Tule Zebedeu riõre wiwana ridyrenyre. Tahe Jesuisi rabedeõtiidýŷre aõhõkŷmy rotýŷnyre bedeõtiidýŷ òrarukile. ³⁸ Tii tahe tamy rarybere: —Kaki wawanale atxibekre. Waty-tyby heka tŷxihikŷlemy bedeõtiidýŷ-di ratxireri. Waki bexiebekre. ³⁹ Urile tahe tako-ò rariareu tahe resere bede-ò. Jesuisi tahe tyby-ò rarybere:

—Waha, rubu mona waribi bitake adeewikeki. Aõkõkeki tahe ariõkre, arurukre adeewilemy aõhebo arotýŷnykre. ⁴⁰ Idi tahe dòõsede kia ierydýŷna inataõ tai rõrõmyhýõ heka ixyby dòõsemy nade. Jesuisi rarybere: —Pedro! Kai heka timy sohoji horamy adi bede rýiõtyhy wawana.

⁴¹ Bexixaruhyy atxibeke bexitõenymy. Aõkõkeki tahe òraruna kanamykre. Kai heka òbitimy matxikemy tahõtinyinmahãte. Aumy tahe ibinare heka arurukõre wahe. ⁴² Ixityre rare rexitõenykemy. Tahe Jesuisi rarybere: —

Waha, adeewinale ariwinykre. Aõhõkŷmydýŷnana monamy heka ariõkre. Kia mona waribi bitaõkeki ihãrele heka arurukre. ⁴³ Tai dòõsede tai rõrõmyhýrenyõle heka nade. Tiiboho ixixamy rýiõhyyre. ⁴⁴ Tahe ròõsere ixybyle ikonanamy. Iweselemy rexitõenyre tyby-ò. ⁴⁵⁻⁴⁶ Idi tahe dòõsede taerydýŷna mahãdu-ò rarybere: —Bexielehynybeny. Watyhedýŷdu

naderi. Rexihumyhe rare. Hãubina mahãdu rehemynyre. Jiarý Deuxu Riõre Hãbutyhyhykŷ, wahe. Bexixabeny, rakakre watyhedýŷdu dori rehemynyre.

⁴⁷ Tahe Judasi dehemynyde waõinatxi reurõõ wahe. Jesuisi rarybereu, tii nade sõwemy hãbu-di mayrehe-di, òhõte-di tõnori-di widotyde. Judeu mahãdu wedu tahe iteòdýŷdure xiwena wahidýŷdu wedu wana wahe.

⁴⁸ Juhuu Judasi tamyreny bede riywinyre. Kamy rexirybenymy: —Iõsŷny-ò aruwokrele heka tiikre. Tiile bimynybenykre. ⁴⁹ Tahe Judasi rarybere: —Rareri, Wawedu. Iõsŷny-ò ruwore. ⁵⁰ Tahe Jesuisi rarybere

Judasi-ò: —Iò, aõwaxiny aõbo biwinykre iwidýŷmy tateri. Tahe Jesuisi imahãdu rimyre. Ritaataare. ⁵¹ Tahe Jesuisi mahãduõ mayrehe-di rimymy resere. Tai hãbu-ò reare. Tai tahe tõhõtyle rikòromy idi reare, xiwena wahidýŷdu wedu deòduõ wahe. ⁵² Tahe Jesuisi tamy

rarybere. Aõkõre amayrehe birutyke irasirahanawomy. Kia dori inyõ maydese rimymy resekre heka tule rurukre maydeselemy. ⁵³ Karibi

ixitarasamy arurukeki dori wahaõle ararybekre. Tai tahe waha sõwemy ýju kiditeõnyke, 12 aõbinadu ijoi mahãdu wahe. Kia teeryõtenyde. ⁵⁴ Ihãrele tahe ibutumy tuu bededýŷnana relekre iweselemy ritidýŷna-ki roimyhýre

wese. ⁵⁵ Tai Jesuisi rýŷraxire tamyreny: —Aõbo jiarý raremy wadi tahõtintenyteri. Wasidu aõbo. Kai dori waòrysmy tehemynyde maydese-di, tõnori-di. Aõherekibo wahe. Jiarý heka arabedeerynyreny

txuõ txuõlemy wahe Deuxu dohodỹna heto-ki. Aõherekibo taile tiwamytenykõte kowa watziwãhãure. ⁵⁶ Kia ibutumy Deuxu Ritidỹna-ki roimyhyre. Tai tahe tuu bededỹnana relekre iwese Deuxu rybedu mahãdu rarybere. Ibutumy aõna aõnamy rotỹny my raremhy. Tai tahe taryberahu-di. Ibutumy iery mahãdu iribi tahe robỹtyre.

⁵⁷ Tiiboho heka Jesuisi ridyrenyre Kaifa heto-õ, xiwena wahidỹdu wedu wahe. Tai ibutumy judeu mahãdu wedu ributumyre bede ywina erydu mahãdu tule wahe. ⁵⁸ Pedro irehetyty-rihi riheludunyre. Iheto ube-ki tahe ronyre yrubu dỹdu-wana. Tahe rehere aõhebo rotỹnykremy. ⁵⁹ Xiwena dinodu mahãdu tahe ributumyre Jesuisimy raruikremy heka riijemy. Aõma rirubunykre òbirele heka tuu rarybemyhy. ⁶⁰ Tahe inyõ-ki heka rahaõhyre turybedu wahe. Iny sõwemy tahe relyyre. Ihãrele rirubunyõhyre. Iroona-rihi tahe inatxi hãbu dehemynyde. ⁶¹ Tai tahe kiamyhe tuu relyyre: —Aõma Jesuisi rarybere: —Aõwesele heka Deuxu dohodỹna heto ariatymy idi areake. Inataõ txudi tasỹ ixityre aditamadỹke, ibutumy adiwinnye. ⁶² Tai tahe xiwena dinodu heka Jesuisi-ò ryyraxire: —Aõbo marybekre kia umy ijyy rohonyreriki? ⁶³ Jesuisi tahe rybeõlemy ronyre roholare. Ixityre tamy rỹraxire: —Kai heka inatyhy tyhymy Deuxu Riõremy kai atximahãte. Mesia aõbohe kai tate? Deuxu riwaeryre inatyhymy rarybereri. ⁶⁴ Jesuisi dirawyõnyde tamy: —Kaile kia tarybete. Ibutumy iny-ò ararybekre: —Kaiboho ibutumy bobibenykre

Deuxu Riõre Hãbutyhyhykỹmy, jiaryle wahe. Tii heka Deuxu runawe-rihi heka ronykre. Iribi tahe kanakre biuwetyky-ki. Jiaryle wahe tiire.

⁶⁵ Tai tahe xiwena dinodu tatyky riykare. Reburere kie: —Aõhere tahaka. Deuxumy heka ibinatyhylemy tarybemahãte. Ijõ iny-ò aroholaõkre, rexihura! ⁶⁶ Ibutumy kaiboho irybe-ò taholatenyteri, inatyhy? Aõbo rikiwinykre tii ibinatyhyre dori, rikirubunyrenykre tahe. ⁶⁷ Tahe iõsỹny-ò rarybexinyre. Rihetenyre. ⁶⁸ Tamy ihetedỹdu rarybere: —Marybeke Kristu, mobo arahetenyra inihe.

⁶⁹ Pedro tahe ube-ki ronymhy. Tahe ijadõma heka deõduõ tamy rehemynyre: —Kai anõbo Jesuisi Kalileia ludu-wana atximahã. Kumymy rabire. ⁷⁰ Iny ibutuko Pedro rarybere: —Aõkõre, aõmybo arybe reeryõhykyreri. ⁷¹ Tai tahe rare ijõ-õ. Ijõ ijadõma deõduõ rarybere kamahãduko: —Inatyhymy heka tiki Jesuisi Nazareludu mahãduno tiki rare. ⁷² Ixityrele Pedro ritxiõnyre: —Reerykõre wahe hãbu. Tiu heka rabiõwãhãre. Inatyhy rare. ⁷³ Idi hãbuõ heka narybede tamy: —Inatyhy rare. Kakỹny irybe weselemy tarybeteri, Kalileia rybe wahe. ⁷⁴ Tahe Pedro rarybere: —Jiarỹ reerykõreri, tuu heka rabiõwãhãre. Deuxu riwaeryre inatyhymy rarybereri. Iule taheka hãnie hãbu robumy reare. ⁷⁵ Tahe Pedro tõhõti itxi reare. Jesuisi rarybere weselemy heka tii riwinyra. Ritxiõnyre. Tai tahe Pedro rõhõnyre reare heka rahinyhyre.

27

¹ Ijõ biurasò ruidile tahe rỹire. Xiwena wahidỹdu wedu ributumyre judeu mahãdu wedu-wana. Timywexe aõhe rikisỹnyrenykre. Rikirubun-nyrenykre heka idi watziwãhãre. ² Roma dinodu-ò õsana rikidyrenykre. Tahe tiiboho Jesuisi ritaataare idi ridyrenyre tamy, Pilato-ò.

³ Judasi heka rierye. Tai tahe tii rabadewonihikÿre rityhenyrenki wahe. Tai tahe raraykynyre tawo-ò raòhòrere. Tahe nieru òkesedÿÿmy idi ròhòtinyre. Tahe nieru diwyde, 30 prata womati nieru tahe riòkesedÿÿnykremy judeu wedu mahàdu-ò, Xiwena wahidÿÿdu mahàdu-ò. ⁴ Tahe Judasi rarybere: —Ixàwirahe, jiarÿ raòrarunyra hàbu òbitityhymy ratximyhÿrele retyhenyre heka. Tahe judeu mahàdu dinodu rarybere: —Jiarÿboho, kia aò aòkò rare. ⁵ Tahe Judasi nieru-di bedetyrele rihure. Tahe ròhònyre iribi. Tahe rare. Rerotihikÿ-di rexibòtòtaare. Rexirubunyre. ⁶ Tai tahe xiwena wahidÿÿdu wedu riwyre nieru bede-ribi: —Aòwexe kanieru rikiwinyrenykre? Dohodÿÿna hetowo-ò rikirutyrenyke heka aòkòre. Aòma dori rare rubuòwymy iwahidÿÿ heka rare. ⁷ Urile suòle rikiwyrenykre idi. Tai tamy wabede rikiwinyrenykre. Aòma tori kaki rurukreu tahe rikitoonyrenykre tamyle wahe. Tai tahe tiiboho riwyrenyre aòma butxi widÿÿna subede heka riwinyrenyre. Kia heka inire suni wahe. ⁸ Kia bedero tahe rininire aòma Hålubu Bederomy heka rininire. Wiji tule ini rare. ⁹⁻¹⁰ Iwese Jeremia tyriti-ki roire wesele heka tii riwinyre:

Tahe 30 —Womati nieruò-di heka bedero riwyre butxiwidÿÿdu-ribi. Iwese kai riwateònyre wese. Kia iòwy rare judeu mahàdu-ò tamy riwahinyre wahe. Txiòdÿÿna òwy wahe.

¹¹ Jesuisi heka Pilato, bede dinodusÿ-ki ratximyhÿ. Pilato tahe tamy rÿÿraxire: —Kai aòbo judeu mahàdu iòlò atxiteri? Jesuisi dirawyònyde: —Kai tuu tarybeta. ¹² Xiwena wahidÿÿdu wedu heka tamy rarybere: —Jesuisi rirawyònyòhyyre. Judeu mahàdu wedu-ò tule rirawyònyòre. ¹³ Pilato tahe tamy rarybere: —Kai aòbohe rybe-ò taholate. ¹⁴ Tule tamy Jesuisi dirawyònyòhyyde. Byy! Urile Pilato ribedeòtiidÿÿnyre. ¹⁵ Pascoa worana bedehesi bededÿÿnana tikiemy tuure. Ròtenawo-ribi heka sohoji beòra beòrahyyle ixinamy inyò rexideònymyhÿ, insòwe rybe òraru-ki wahe. ¹⁶ Kia beòra tahe hàbu ibinatytyre ròtenawo-ki rÿire. Baraba inire. Ibutumy iny tuu rierye. ¹⁷ Aòma Pascoa worana bedehesi rÿireu ibutumy iny ributumy. Tahe Pilato ritÿÿraxinyre: —Tibohe ixinamy ariteònykre Jesuisi Kristu aòbo ada Baraba aòbo? ¹⁸ Tahe iny heka ibutumy urile Jesuisi Kristu luure heka. Tai tahe judeu dohodÿÿdu wedu mahàdu tahe aòkò tamy waritimy rityhenyrenyre. Pilato kia rierye. ¹⁹ Iu tabede ywina dohodÿÿna-ki Pilato rÿireu, ihàwyy tamy tyriti riwahinyre. Kawese heka rarybere aòma: —Ixinamy Jesuisi bitekònykre. Anobinatytymybo dokuri rarasino txu wadi reakareri. Jikarÿ anohòkÿmy dÿkÿnana sòwemy ratÿkÿnyre Jesuisi kòraru-ki wahe. ²⁰ Iny sòwehekÿ-ò heka xiwena wahidÿÿdu mahàdu wedu rarybere: —Kaiboho mararybebennyke: —Baraba ixinamy biteònykre. Tiiboho dirawyònyde: —Jesuisi birubunykre. ²¹ Iribi Pilato rarybere: —Tiwexe ixinamy ariteònykre? Tiiboho dirawyònyde: —Baraba biteònykre. ²² Pilato tahe rÿÿraxire: —Aòhebo tahe arotÿÿnykre Jesuisi-di, Kristu-di? —Itxeò nihikÿ-ki bitamadÿÿnykre. Birubunykre. ²³ Pilato tamy rÿÿraxire: —Aòbinahakÿ aòbo riwinyraki? Tai tahe ibutumy iny rirajuamy rÿimyhÿ: —Birubunykre kia bitamadÿÿnykre. ²⁴ Pilato iny sòwe-di aò riwinyòhyyre aòbinatyhy òsana ròhònykremy idi ròhòtinyre, tai tahe inyò rarybere: —Bee kidiwykremy baciaro-ki. Tahe tebò risuhore iny sòwehekÿko-ki. Tamy rarybere: —Jiarÿ kÿny waòraru-ki aòkò heka rurukre. Kaiboho heka irubudÿÿ erydumyhe boibekre. ²⁵ Tahe ibutumy iny rarybere: —

Awire, inyboho heka irubudỹỹdu erydumy rokoirekre, tule wariòreneny òraru-ki wahe ihālubu rejuxunykre. Soldado ridyre itxeò nihikỹ-ò ritamadỹỹnykremy rirubunykremy. ²⁶ Tai tahe Pilato heka Baraba riteònyre ixinalemy. Iribi tahe Jesuisimy raòhòtere.

²⁷ Pilato soldado mahādu urile idi juhu risinyre, soldado tyamy ritidire. Pilato heto-ò ridyre. ²⁸ Ityky iribi ritare tahe aōma tykysò-dì ritidire heka juhu rihetynyre. ²⁹ Iòdỹỹmy tahe idi ede lòrilòrihikỹ irati-ò ridekremy. Òwòruò tebò-ò ritidire. Tai iko-ò resere tatiowotimy. Raryberenyre: — Awire, kai judeu Iòlòtyhy. ³⁰ Ityre rarybexinyre. Òwòru rimyre tahe iratimy tuu raòhòtere. ³¹ Iribi ritarenynenyre ihòrò itykyle ixityre rirutyre ityre-ki. Idi tahe ryò ròirenyre.

³² Iu ròhònyreu, hābuò Sireni bedede luduò-wana witxi reare. Tamyhe rarybere Jesuisi itxeò riwykemy.

³³ Tahe Kòkòta hāwālò-ò rehemynyrene. Aōma, rubu ratityby wesemy heka rare. Tai tahe Kòkòtamy heka rininimyhỹrenyrene.

³⁴ Tii vīi riurinyre bee ihyra-wana, idi tahe Jesuisi-ò kia riwahinyre. Iurihi-di teramy reare.

³⁵ Tahe itxeò nihikỹ-ki ritamadỹỹnyrene. Irahu-di tahe ityy heka ritxuatuarenenyre wimy rarudeòsanyre tibo iwydydukemy.

³⁶ Idi tahe retehemy rorukumyhỹrenyrene. ³⁷ Irati tyre-ki tahe ritidỹỹnaò roire:

—Kia Heka Jesuisi Rare, judeu Iòlò Mahādu.

³⁸ Tule wasidu brebunahakỹ tii-wana ritamadỹỹnyrenenyre itxeò hòkỹ-ki, ijò iruru-ribi, ijò ihywe-ribi. ³⁹ Iny ibire-di reamyhỹ idi risinymyhỹ kamy rexirybenymy: ⁴⁰ —Kai inihe bexitake, kai Deuxu Riòre tateki. Bodobeheke itxeò nihikỹ-ribi. ⁴¹ Kai heka arurudiremy iximy tarybemahe. Dohodỹỹna biatyky heka iximy tarybete tahe inataòtxu-di heka biwinykemy tarybeta. Tule xiwena wahidỹỹdu wedu mahādu idi risinyre. Tii tahe rarybere: ⁴² —Tii heka iny iwitxira witxira aòbina bina-ribi ritamyhỹre ihāre tahe taaòbina bina-ribi rexitaòtyhy. Tii heka aò judeu mahādu iòlò aòkò rare. Myheka tuu rarybemyhỹ. Kia itxeòhòkỹ-ribi kedexiberesedỹỹnykekile tahe rikityhynenyrenyrene inatyhymy. ⁴³ Tii heka iximy rarybemyhỹre Deuxu Riòre raremy, Deuxu rityhynymyhỹremy. Reketeherenyrene inihe aòbo Deuxu riwiòhenanykremy wahe. ⁴⁴ Wasidu mahādu kia itxeò nihikỹ rỹire iwesele heka tamy rarybere.

⁴⁵ Txutyeyu tahe bedede luruhekỹ bedede reare, txiòro tirehehekỹule bedede kamy reare. ⁴⁶ Kiaule tahe bedede ratỹnyre Jesuisi iu rryyre:

—Eli Eli Lema Sabatani.

Kiamyhe rarybere:

—WaDeuxu, WaDeuxu, aòherekibo waribi òhòti rosare?

⁴⁷ Tai tahe iny sòwe mahādu irybe-ò doholade. Ijò kiamy narybede: — Eliasi-ò hòwa rryreri. ⁴⁸ Kia ele elemy riwinyre noseò. Idi tahe vīiò riryrymy tamy idi riteònyre. Teòrehemy riwinyre bemy rimonykremy.

⁴⁹ Ijòhe raryberenyre: —Txiokre inihe inatyhymy aòbo reketeherenyrene inatyhymy aòbo Eliasi iwìòhenadỹỹmy kanakremy aòbo inihe. ⁵⁰ Jesuisi ixityre rirajuare. Rurure. ⁵¹ Kia dohodỹỹna heto-ki heka ixiwòtenaò rỹimyhỹre ierykòna. Tahe urile idi ixivanale ruamy reare iratyre-ribi bedede-ò. Suuhe ramytatare. Mana rabòhòbòhònyre. ⁵² Wabede hālooò heka riraynyre. Deuxu hòrò mahādu sòwemy rubu-ribi riixixanyre. ⁵³ Wabede-ribi ròhònyrenenyre. Iu Jesuisi rubu-ribi riixixareu tahe

Jerusalē-ò ròirenyre. Tai tahe sōwemyhe iny tuu robire. ⁵⁴Tai heka soldado dinoduō ratximyhỹ idi retehemy. Tule soldado mahāduō tii-wana ratximyhỹre. Ibutumy tuu robirenyre. Tai tahe tabrebu-ribi narybedenyde: —Tii inatyhymy Deuxu Riðre heka rare. ⁵⁵Hāwyyō tule retehemy ratximyhỹre irehe-ribi idi. Aōma hāwyy Jesuisi riwiðhenanymy raremyhỹ heka idi retehemyhỹre. Tiiboho Kalileia bede-ribi doide. ⁵⁶Marie Madalena, Marie Txiause Jyjese, Zebedeu riðrese tule tai ratximyhỹ.

⁵⁷Bedesòmny Jyje rehemynyre. Tii ityhy heka rare Arimatea hāwā luduō ratximyhỹre. Tii Jesuisi tyhydỹyduō ratximyhỹ. ⁵⁸Tai Jesuisi umy rexitòenyre Pilato-ribi. Tai tahe Pilato rarybere: —Tamy biwahinykre. ⁵⁹⁻⁶⁰Tahe Jyje linho tyky rirahananymy. Tai tahe aōma wabede tỹmyrahakỹ riamy roireriò heka rituunykremy idi rara. Idi mana nihikỹ ritidire txiò. Idi ròirenyre. ⁶¹Marie Madalena ijō Marie-wana taile retehemy ronyre wabede-ki.

⁶²Ijō txu tahe fariseu mahādu wedu tule xiwena wahidỹydu wedu heka Pilato-ò sexta feira rahudi tahe, judeu mahādu elehyna txu wahe ituere.

⁶³—Jesuisi irumy raremyhỹu tii rarybere:

—Rubu-ribi heka ariixixanykre inataō txu-di.

⁶⁴Ruimy rare tahe ihārele tahe biyrubunye iwabede. Aōkōkre-wana tahe ierydỹyna mahādu heka iumy riwykre. Tai tahe rarybere: —Tii rexiixixanyre. Tai tahe ibutu rityhynykre iruina. Kia ibinatyhymy rarekre.

⁶⁵Tai tahe Pilato riteòenyre soldado mahāduō txiò-ki. Tamy rarybere: —Awimy biyrubunye! ⁶⁶Kia bede erynaō heka tamy ritidire. Txiò-ribi resekreule heka rieryrenykre. Tahe soldado mahādu riyrubunymyhỹre.

28

¹Ijō txu rudile tahe Marie Madalena, Marieō-wana rare ihāloona-ò itxeremy, domingo, nobiutxu wahe. ²Aōwesele tahe iu suu ramytatate. Wanyrỹ yju heka dobehede biu-ribi iu. Tahe hāloo ijò-ribi mana ritamy ityre ronyre. ³Iòsỹny heka urile ritoosònyhỹkỹre. Ityky tasỹ iurahakỹre. ⁴Idi itxeredu mahādu heka aōma ruberunihikỹrenyre. Urile rōhōtiberemy reserenyre. ⁵Yju rarybere hāwyy-ò: —Uritere berebuōmyrenyke. Kai aōbo Jesuisi teijeteri, inatyhy? Aōma itxeò ritamadỹnyrenyre wahe. Reeryre kia. ⁶Aōkōre kaki aōkō heka ratxireri. Tii dori rubu-ribi rexiixixanyre iwese tii iximy rarybere wese wahe. Beteheke inihe iherina tyby-ò tai juhu roimyhỹò. ⁷Make karibi ele elemy ierydỹynako belyykre tii rubu-ribi rexiixixanyraki. Tii heka rara Kalileia-ò tamy wirotyreriò. Matahe, relyyra dorihe adeereny. ⁸Tai tahe rakòrunyrenyre, hāwyyboho. Ruberumy ròirenyre tasỹ reysamy ròirenyre. Ierydỹyna mahādu-ò heka riijemyhỹre aōma yju rybemy ikoreny relyykemy. ⁹Iu rakòrunyrenyraule tahe wii reòbynyra. Jesuisiwanale heka itxi rekoare. Idi tamy rehemynyre iòhòmny. Iwa rimyrenyre tahe riwowydynyre. Jesuisi tamy rarybere: —Toiteri aōbo! ¹⁰Uritere breburenyōmyke. Boibeny tahe ijyymy waityhydỹydu mahādu seriðre-ò heka Kalileia-ò aròirenykemy. Tai tiiboho-wana wii areòbynyrenykremy.

¹¹Tai tahe tiiboho ròirenyre. Kiaule tahe wabede soldado itxeredu rehemynyre xiwena wahidỹydu wedu-ò wahe. Tahe ibutumy relyyre iko. ¹²Tai tahe nieruò riwahinyre ruiòmny relyykemy. ¹³Tamyreny raryberenyre: —Ierydỹyna mahādu heka ridyra watỹireny reòbylemy. ¹⁴Tai tahe bede dinodu rierykreu heka aō adee beleòtyhy aōbinahakỹò.

¹⁵ Tai tahe nieru sōwemy riwyrenymy tahe tuu ròirenyre ruimy. Wiji dori tuu ijyy r̄yira. Ibutumy judeu mahādu kia rybe-ò rityhynymyh̄re.

¹⁶ Idi tahe ieryd̄ȳna mahādu ròirenyre Kalileia-ò. Tiobo Jesuisi riteònyrenyremy juhutyhy. ¹⁷ Jesuisimy robirenyreu tahe tiiboho bede-ò reserenyre tahe riwowydynyreny. Ijō mahāduō riseònylemy idi rōhōtinymyh̄re. ¹⁸ Tai tahe Jesuisi iðhòtyhymy tamyreny relere kiamy tamy rarybere: —Waruruna heka ibutu ratyire ratximyh̄re kabede-ki tule, biu-ki tule. ¹⁹ Tai kaiboho waha deòdumy boibenyke ibutumy iny bede bede mahādu-ò, bede bede konananahak̄y mahādu-ò ihyy behemynybenyke. Waityhyd̄ȳdumy heka bitxienybenyke. Wahanimy, tule Deuxu Riòrenimy, tule Deuxu Tyytybytyhynimy, tahe b̄òratisebed̄ȳnybenyke wadeòdurenymy, Waha, Ityytybytyhy, Iriòre kaboho deròwymy wahe. ²⁰ Ibutumy aōbo wabede ywina adee rewahinyredi bibedeerykre. Uritere nohōti losarenyōmy awanarenyhy dori ararekre beded̄ȳnanahy rekehemykre.

Marku **Deuxu Rybe Wihikỹ Týmyra, Marku Tyyritidỹđdu**

¹ Kaki heka Rybe Wihikỹ juhu kaki roire. Ka Rybe Wihikỹ Jesuisi Kristumy heka rarybereri. [Tii heka Deuxu Riðre rare.] ² Myheka Isaia tyyriti-ki kia rybe rỹire:

Deuxu rarybere: —Boholake, waðwàdàdu ariteònykre akomy. Tii ary riwinykre.

³ Tii ryrymyhỹ bederahy-ki: —Kai biwinykre rywihikỹ Wanyrỹ dee. Òbiti tamy biwinyke.

⁴ Joaõ Sebedỹđdu bederahy-txi taile ihỹmyhỹ rybe tyyriti ritỹnynymyhỹ. Tii sebenaõmy riòbitinymyhỹ. Kia riwinykemy ixi-txi tðhòti reakemy taðraru-txi kia Deuxu ritakemy. ⁵ Ibutumy Judeia bede ludu mahàdu Jerusalẽ hãwã mahàdu-wana rare bederahy-ò. Taðrarumy relyymy rahudi tahe, Joaõ risebenyrene bero Jordaõ-ò. ⁶ Joaõ rexytyynyre kamelo rade tyy-di, tule iròdutyy wereysana iwetya-ki roimyhỹre. Irỹsỹna raremyhỹ, seihikỹle bidi-wana. ⁷ Joaõ rybe tyyriti ritỹnynydyỹmy rarybemyhỹ: —Jiarỹ aõ aõkõ rare, waruru-di aõkõ. Inyð wahewomy kanakre tahe iruru waruru ratyredỹđnadu rare. Waratyre awityhyke. Jiarỹ riwaixỹrunumy watxireri iwataana ese-ki. ⁸ Jiarỹ bedi arãsebenyrene. Tii heka Deuxu Tyytybytyhy-di arãsebenyrene.

⁹ Kiatxu Jesuisi nade Nazare Kalileia bede ludu-ribi. Joaõ tii risebenyrene Jordaõ bero-ò. ¹⁰ Tii bera-ribi dotuodeu biuwetyky rarayre. Deuxu Tyytybytyhy heka bòtòe wese tamy dobehede. ¹¹ Deuxu rybe-ò roholare biu-ribi: —Kai heka Wariðre waluu tate. Adi wadeysawihikỹreri.

¹² Aðwesele Deuxu Tyytybytyhy heka Jesuisi riteònyrene bederahy-ò. ¹³ Tii bederahy-ki 40 txumy bede idi rỹire. Satanasi aõhòkỹmy risỹnomy Jesuisi raremyhỹ. Iròdu deborehekỹ tai rỹiramyhỹ. Ýjureny iyrubudỹđmy rehemnyrene.

¹⁴ Joaõ rare ròtenawo-ò, idita Jesuisi Rybe Wihikỹ ritỹnynykremy dememynde Kalileia-ò. Jesuisi heka Rybe Wihikỹ ritỹnynydyỹre: —Deuxu Iòlòna bede-ò wahe. ¹⁵ Jesuisi rarybera: —Bedeđỹđnanahe bede reara. Deuxu Iòlòna bedehẽ iðhòra. Kaiboho ixi-txi òhòtirenẽ reake aðrarurenẽ-txi bityhynybenyke Deuxu Rybe Wihikỹ.

¹⁶ Jesuisi aho ijàti-ki rariamy ihỹmyhỹ. Tii robira tuureny taseriðre-wana ihỹmyhỹ-ò, Simaõ Pedro, Andre-wana. Tiiboho rehumy ihỹmyhỹreny rià-di. Tiiboho heka waxidu roire. ¹⁷ Jesuisi rarybera tamyreny: —Kaiboho bodoibedenyke wahemy. Tai tahe araerynanyrenykre iny rimykemy utura temyta wese. ¹⁸ Tahe aðwesele rià ririrenẽ. Roire Jesuisi-wana. ¹⁹ Iko roire Joaõ, Txiau, taseriðre-wana. Tiiboho heka Zebedeu riðre roire. Tiiboho hãworo-ki ratximyhỹreny rià riywinymyhỹreny. ²⁰ Jesuisi tamyreny rarybera: —Wahemy bòdòike. Tahe aðwesele tybyreny ririrenẽ teòdu-wana. Tahe tiiboho roire Jesuisi-wana ierydỹđnamy roirekemy.

²¹ Tiiboho rirònyrenyrene Kafanaõ hãwã-ò. Judeu mahàdu aòmỹsỹdỹđna txu aõkõ. Jesuisi lalore judeu mahàdu dohodỹđna heto-ò erydỹđmy. ²² Kowa mahàdu urile bede riðtiinyrene irybe-ki. Tii heka irurutyhy-di rierynanyrene, ierydỹđdu mahàdu wese aõkõ rohodỹđnanymyhỹre. ²³ Kia

bede heka hābu tyytybybina-di ratximyh̄re dohod̄ȳna heto-ki. Tyytybybina hābuwo-ribi rarybere: ²⁴—Aōhebo wadi bot̄ȳnykre Jesuisi Nazare ludu. Biwahubenykre aōbo? Jiar̄ȳ araerye mobo kai tatehe, kai heka hābuōtyhy inatyhy Deuxu-ribi kai tate. ²⁵ Jesuisi tarurum rarybere: —Kai rybeōmyke. Iribi bōhōnyke tyytybybina. ²⁶ Tyytybybina hābu riatorye riwor̄s̄ȳwor̄s̄ȳnyleny. Tyytybybina ryryre rybe iteremy, idi rōhōnyre. ²⁷ Ibutumy iny ribedeōtiinyre. Rit̄ȳraxyre ijō: —Aōwexe ratxireri, aōeryd̄ȳnat̄myrabo ratxireri. Tii riteōnyre tyytybybina. Tyytybybina Jesuisi rityhnyre. ²⁸ Ityhynina Kalileia bede bedemy reare.

²⁹ Tahe dohod̄ȳna heto-ribi rōhōnyrenyre. Jesuisi, Txiau, Joaō-wana roirenyre Simaō, Andreboho heto-ō. ³⁰ Simaō riōre lahi roimyh̄ȳ rubunamy. Tahe aōwesele tuu relyyre Jesusiko. ³¹ Jesuisi rimyre tebō-ki, tahe, aōwesele irubuna ixāwira. Idi tahe hāwyy tamyreny bede redere.

³² Txu ralōmy rahudi, ibutumy tamy didydenyde inybina bina. Tule iny tyytybybina tamy didydenyde. ³³ Ibutumy iny hāwā ludu iheto ijō wirotyre. ³⁴ Tii ibutumy binana òta òta riywinyre. Sōwemy tyytybybina riōlōd̄ȳnyre. Tyytybybina Jesuisi rierymyh̄ȳre. Tai tahe Jesuisi riijōnyre tyytybybina rarybekeō.

³⁵ Rudile Jesuisi rare bederahy-txi rexitōenykremy. ³⁶ Simaō, ijō mahādu-wana Jesuisi ijesityhmy roire. ³⁷ Tiiboho Jesuisi raharennyre. Tamy rarybere: —Ibutumy iny arāijereri. ³⁸ Jesuisi tamyreny rarybere: —Rokoikehe reخينoranyrenyke hāwā wixira-ō. Jiar̄ȳ tamyreny rybe tyriti arit̄ynynykremy. Iurenana tahe jiar̄ȳ anade. ³⁹ Jesuisi rare ibutumy Kalileia bede-ō. Tyytybybina iny-ribi riteōnyre. Tule dohod̄ȳna heto-ki tii rybe tyriti rit̄ynnyre.

⁴⁰ Hābu tyybina mahāduō Jesuisi-ō nade. Tii tatiowotimy resere Jesusiko-ō. Tahe Jesuisi-ō hābu rarybere: —Adee awikeki tahe, biwateytenyke. ⁴¹ Jesuisi juhu urile riwotōenyre. Tii hābu ritorunnyre. Tahe rarybere: —Wadee awire, atyy awimy relekre. ⁴² Tahe aōwesele ittybina reytera. ⁴³ Jesuisi hābu riteōnyre. Rarybere: —Kai tahe inyōdee rybeōmykre. ⁴⁴ Kai bexiteōsinykre Deuxu aōmys̄d̄ȳdu-ō. Iwese Moisesi rōerynad̄ȳnyre wese, kai bexiteōsinykre. Kia heka inydee deōsinamy riteōsinyre. Kia iny rieryke timybo teytemy atximahātemy. ⁴⁵ Tahe hābu rare ibutumy inyko relyyra. Kia heka Jesuisi tahe uritere hāwāhāk̄ȳō-ō ralōōhyre. Tahe bederahykile rarire. Ibutumy iny tamy rare ibutumy bede bede-ribi.

2

¹ Tiutxuōmybo Jesuisi dōōsede Kafanaō-ō. Idi tahe rybe reare rehemynymy ratximyh̄ȳ heto-ki. ² Tahe iny, aōriōre aōkō, tamy wirotyre heto ijō-ō. Tahe Jesuisi relyymyh̄ȳ Deuxu rybemy. ³ Hābu inaubiōwa heka hābubina-di tamy detyydenyde. Kia hābu rawōronnyre taumy-ki. ⁴ Jesuisi-ō rehemynyōhykylere iny sōwerek. Tahe rawōronnyrenyre idi heto ratyytyre-ō. Hetotyre riraynyrenyre tahe reru-di diberesed̄ȳnydenyde byretyre-ki Jesusiko-ō. ⁵ Jesuisi rieryre hābu rityhnyrenyre, tai rarybere hābubina-ō: —Waexi aōraru-ribi araixitarasad̄ȳnyre. ⁶ Bede ywina eryd̄ȳ mahādu korukurenryeri, ixideele rarybemy r̄ymyh̄ȳre: ⁷ —Aōherekibo hābu kiawese rarybereri. Tii iōwe owelemy rarybereri. Deuxu dee aōbina binalemy rarybereri. Mobo tahe òraru-ribi iny ritake. Deuxu òraru-ribi iny ritake. ⁸ Jesusile roholaōlere ihārele rieryre aōmybo

raryberenyre. Tai tahe Jesuisi tamyreny rarybere: —Aõherekibo ki-awese tarybetenyteri. ⁹Tibohe isiraõtyhyre, tuu ararybeke: —Aõraru-ribi anaixitarasadõyñyrene ada myike, abyre bimyke, mariake. ¹⁰Kaiboho bierykemy Deuxu Riõre Hãbutyhyhykõ irurudire iny õraru-ribi iny ritakemy. ¹¹Tahe hãbubina-õ rarybere: —Boholake, myike, abyre bimyke tahe makre aheto-õ. ¹²Tahe hãbu rõire, tabyre rimymy tahe rare ibutumy inyru-õ. Ibutumy bede riõtiinyre tahe realãre Deuxumy. Ibutumy rarybere: —Tiu heka aõmy kawese rabiõhyymyhõre.

¹³Jesuisi rare ahohokõ ijã-õ. Ibutumy tamy doide. Tii iny ribedeerynyre. ¹⁴Levi, Afeu riõre, ronymyhõ nierumynydu hetowo-ki. Jesuisi ibire-di rareõ, tii robira. Jesuisi heka Levi-õ rarybere: —Waijoimy mynake. Tahe rõimy reare Jesuisi ijoi-õ ralore.

¹⁵Jesuisi taerydõyña-wana rorukure Levi hetowo-ki. Tule nierumynydu mahãduõ ronymyhõre õrarudu-wana. Ibutumy rirox-imyhyrenyrene. Sõwemy heka kia iny mahãdu Jesuisi riheludunyrenyrene. ¹⁶Bede ywina erydõyñ mahãdu, lahi rybe-di erydõyñ mahãdu tuu robirenyra. Idi raryberenyre Jesuisi erydõyñ mahãdu-õ —Aõherekibo tii riroxireri õrarudu-wana, nierumynydu-wana. ¹⁷Jesuisi roholareu, tamyreny rarybere: —Iny ibinaõkeki tahe luahidu tamy kanaõtyhy. Tahe iny ibinakeki, tamy kanake bina-õ. Õbiti mahãdu itxemy aõkõ anade. Tahe õrarudu mahãdu itxemy anade.

¹⁸Joaõ erydõyñ mahãdu, lahi rybe-di erydõyñ mahãdu-wana byreõhyky txuu tutyhyle rõimyhõrenyrene. Tahe roire Jesuisi dõyñraxidõyñmy. Inyõ Jesuisi ritõyñraxinyre: —Aõherekibo Joaõ erydõyñ mahãdu byreõmy rõiõmyhõre. ¹⁹Jesuisi rirawyõnyre: —Heriduõ, itxeredu-wana ratxireriu, byreõmy rõiõtyhy tutyhylemy. ²⁰Tiutxulemybo tahe heridu iribi kanatakre, tai tahe byreõmy kõnyikre tutyhylemy. ²¹Moheka tyytõmyra dõbõna ritidikre tyytyby-õ. Idi inatyhymy dõbõna rayjakre tahe tyytyby sõwemy raykake. ²²Moheka õteti bederatyrube tõmyra rihynymyhõre irõduty walabuutybywo-õ. Idi tahe raberyrõnymyhõre, urile irõduty walabuu raykake tahe irube rejujuke. Tule irõduty walabuu ribinadõyñnymyhõre. Irubetõmyra awire heka irõduty walabuu tõmyrarokile.

²³Judeu elehydõyñnareny txu Jesuisiboho ririranymyhõrenyrene maixõmo wesena oworomy, tai ierydõyñ riõrõmyhõrenyrene riroxirenykemy. ²⁴Tahe lahi rybe-di erydõyñ mahãdu rarybere Jesuisi-õ: —Aõherekibo aerydõyñ mahãdu riwinyneri aõwidõyñ aõkõ karare sabado txu. ²⁵Tahe Jesuisi tamy rarybere: —Kaiboho aõbo teriranyõletenya tyyriti-di. Iwese Daviboho-wana aõhebo rotõyñnyneri aõmy rekoarenymahãu, rama rahumyhõrenyrene. ²⁶Tii ralore hetotyhy-õ. Tai tahe orotxu sira ybina riyre, tule tamahãdu-õ riwahinyre. Kia tahe Deuxu deõdule rirõsõmyhõre. Kia Davi aõhebo rotõyñnyrene Abiata heka Deuxu deõdu wedurau. ²⁷Jesuisi tamyreny rarybere: —Sabado txu heka rawidõyñ inydee, iny tahe rawidõyñõre sabado txu dee. ²⁸Deuxu Riõre Hãbutyhyhykõ tahe sabado txu wedu rare.

3

¹Ixityre Jesuisi ralore dohodõyñ mahãdu hetowo-õ. Hãbu debõ binahakõ tai ratximyhõ. ²Lahi rybe-di erydõyñ mahãdu Jesuisi retehemyhõrenyrene. Jesuisi sabado txuule riteytenykeki, tiõboho rarybekemy aõbinabinakibo

raharenykemy Jesuisi. ³ Jesuisi heka hābubina-ò rarybere: —Manake. ⁴ Tahe Jesuisi ijō mahādu-ò rarybere: —Aōwihikỹwidỹỹ awire ada aōbinalemy widỹỹ awire. Tibohe awire, itarasa-ki aōbo ada rubu-ki aōbo. Hābu mahādu urile riyryre. ⁵ Jesuisi tamyreny retehere raōbinamy. Tii heka iaōna aōna riwotōenyrenymyhỹ. Jesuisi hābu debò bina-ò rarybera: —Ebò biterenyke. Tai tebò riterenyreu, aōwesele awimy relere. ⁶ Lahi rybe-di erydỹỹdu mahādu rara Iòlò Herodi mahādu-ò. Tiiboho raryberenyre timybo tahe Jesuisi rirubunyrenyke. ⁷ Jesuisi rexitare taerydỹỹna mahādu wana aho-ò. Tahe sōwemy iny Judeia mahādu, Kalileia mahādu riheludunyre. ⁸ Ibutumy aōna aōna roholare Jesuisi riwinyreò. Tahe sōwemy tamy nade: Jerusalē hāwā mahādu, Idumeia hāwā mahādu. Iny Jordaō bero ijā-ribi tule nade. Tule iny Tiro hāwā, Sidō beà hāwā-ribi iòhòmy tamy nade. ⁹ Tahe Jesuisi taery mahādu-ò rarybere: —Walawò bidiwykre. Iny sōwemy dori rehemynreri. Kidiwawotōmonykre òsana. ¹⁰ Ibutumy bina mahādu ibymy tebò reareri ixideytedỹỹmy. Urile iny sōwemy riywinyre dori. ¹¹ Tyytybybina Jesuisi reteherenyreu, urile iko-txi resere ryreri: —Kai Deuxu Riòre tate. ¹² Tai tahe Jesuisi rarybere tyytybybina-ò, writere iteòsidỹỹòmykemy.

¹³ Tii raòwònyre bederatòomy. Tahe taerydỹỹna-ò rryryre tibo tamy reòbykemy. Tahe tamy nade. ¹⁴ Tahe ierydỹỹna waòinatxi reuròmy rarunyre tii-wana rarekemy, rybe ritỹnynydỹỹkemy. ¹⁵ Tule iruru-di rarekemy inybina riteyrenyke. Tule irurudikemy tyytybybina riteònykemy. ¹⁶ Kie ierydỹỹnanirenyre: Simaō, (tii tahe Jesuisi ijōni riwahinyre, Pedromy) ¹⁷ Txiau ijō, tii Zebedeu riòre rare. Kia seriòre Jesuisi rininirenyre, Boanejimy, inireny. Kia heka irybereny rare, Biumpytxy riòreny. ¹⁸ Ijō heka Andre, Filipi, Bartolomeu, Mateu, Tome, Tadeu, Txiau. (Kia Txiau heka Afeu riòre rare.) Ijō Simaō iwitxira, (tii brebuòmy rybe-ki, tasubedeluudu wahe.) ¹⁹ Judasi Isariò ijōre, kia heka Jesuisi riwahinyre iòludu-ò.

²⁰ Tahe Jesuisi nalode taheto-ò. Ixityre iny sōwemy tamy nade. Tai tahe Jesuisi taerydỹỹna-wana riroxiòhyyre. ²¹ Idi tahe Jesuisi leinareny itxỹtesana roholarenyreu, riòryrenyre. Tiiboho raryberenyre: —Jesuisi itxỹte iòhòlere. ²² Bede ywina erydỹỹ mahādu doide Jerusalē-ribi rarybemyhỹrenyre: —Belisibu idi ratximyhỹre. Tyytyby wedu ruru-di tyytybybina iny-ribi riteònyreri. ²³ Jesuisi inyko iyyymy relyyre: —Timy taheka Satanasi rexitènykre Satanasi. ²⁴ Iòlòna wiribi rexihitxinykeki tahe, rexihukre ibutumy wiludu. ²⁵ Tahe sỹro luduō wiribi rahitxikeki, rỹiòtyhy. ²⁶ Satanasi rỹikeki reburemy, tii ixìòbitile rexirubunye. ²⁷ Inyō heka hābu rurutere hetowo-txi ralòòtyhy. Tai rawasinykeki, urile iny ritaataake. Urile hābu rataataakeki, iròòbymy iny rawasinyke. ²⁸ Inatyhy jiarỹ adee ararybereri, ibutumy òraru heka kanaixāwidinykre hābu dee aòtxile aōbina binamy rarybemyhỹre. ²⁹ Kia inyō aòtxile aōbina binamy Deuxu Tyytybytyhymy rarybekeki, tiu heka iòraru rataòtyhy. Kia òraru riwinyre tiihyyymy rarekemy. ³⁰ Jesuisimy kiamy narybedenyde: —Tii heka tyytybybina dire.

³¹ Tadi tahelỹỹna-wana nade. Tahe ahanakile ritamanyre. Tamy riteònyrenyre iòrysmy. ³² Iny sōwemy iwerora-di ronyre. Tahe Jesuisise-ò rarybere: —Adi aseriòre-wana ahanakile nyide, araijereri. ³³ Jesuisi rarybere: —Mowe nadi rare, waseriòreboho rare. ³⁴ Juhu urile idi rete-

hereri iwerora-ki. Tahe rarybere: —Betehekre, kaiboho ibutumy kaki nadiwesere, waseriòre wese toite. ³⁵ Inyò aõna aõna riwinyumyhỹkeki, Deuxu dee awira. Kia heka nadi, waseriòre roire.

4

¹ Jesuisi ròðsera ahobero ijà-ò iny dohodỹmy. Sõwemy iny wirotyre. Tai Jesuisi ronyre hãworo-ò tahe rexitarynyre ahoro-ò. Aho ijà-ò iny wirotyre ijohonamy. ² Tii aõna aõna sõwemy roerydỹnyre ijyytyhy-dile. Kaa ijyymy tii relyyre: ³ —Boholake, alòbòròna-di dehudu rara alòbòrònamy. ⁴ Alòbòròna-di rehumyhỹu, ijò ryro-txi resere. Tahe nawi-ixòmo rirore. ⁵ Ijò rejujure manarutàsü-txi. Tahe aõwesele raumynyre iraruxiòlemy su dori ibutere. ⁶ Irauxiòreki, bede tòtee alòbòròna rimoenyre idi rurura. ⁷ Ijò oworuty resere edehu-txi idi ruhunyre edewanale. Tai tahe ede-ò riðdesenyre tai raratynyòlere. ⁸ Ijò resere su wixira wihikỹ-txi. Kia tahe raumynyre. Tahe sohoji oworutyò 30my iraty raratynyre. Ijò oworuty 60my raratynyre. Ijò tahe 100my raratynyre. ⁹ Tii rarybera: —Kaiboho aõbo òhòtidirenyre, inatyhymy warybe-ò boholake. Adee awikeki, bierybenyke.

¹⁰ Iny robỹtỹreu, ijò rarilere ierydỹna mahãdu-wana. Tiiboho rỹraxyre Jesuisi-ò: —Aõhekemybo telyyta ijyymy. ¹¹ Jesuisi tamyreny rarybera: —Deuxu Iòlòna rybemy Deuxu araerynanykre. Kia heka tuu teeryòmahãte. Kowaboho-ò jiarỹ urile ijyymy relyyra. ¹² Tai tahe kia wesele relyyra. Iny retehemyhỹkemy tahe robiòhyumyhỹre. Roholamyhỹre ta, rieryòhyumyhỹre. Tai tahe ralòkemy aòkò, taòraru riixãwididỹnakemy aòkò.

¹³ Tii tamy rarybere: —Kaiboho aõbo teeryòhyuletenyteri ijyy. Ihãre tahe timykibo bierybenyke ijyy ibutumy. ¹⁴ Aloborodu rehumyhỹ alòbòròna-di. Kia oworuty heka rybe wese rare. ¹⁵ Oworuty ryijàti ludu heka iwese urijohonadu wese heka rare. Rybe-ò roholarenyreu, Satanasi nade rybe iwo-ribi ritakremy. ¹⁶ Manarutàsü ludu iwese iny reysamy roholareri. ¹⁷ Iny urihimyòle rarorehenymyhỹre iraruxi sõweòreki. Idihe rasirara irybe. Tule iny ralahatxinamyreki, ihyyle tahe riixãwidinyra. ¹⁸ Ede rawo ludu iwese iny wixira roholareri. ¹⁹ Tiiboho taaòmydỹnadile ròhòtinymyhỹre. Sõwemy nieru-di ratxikemy rexinohòtinymyhỹre ta nieru riitxenanyumyhỹre. Ijò aõna aõnadile rexinohòtinymyhỹre. Kia aõna aõna rybe rirarutxinymyhỹre. Tai tahe rybe raratynyòmyhỹre. ²⁰ Suwihikỹ ludu iwese iny wixira roholareri. Kia inatyhymy rỹireri heka raratynyre alòbòròna raratynyre wese. Ijò raratynyre 30my, ijò tahe 60my raratynyre. Ijò tahe 100my raratynyre.

²¹ Tii rarybera tamyreny-ò: —Uritere loosòna ideòmyke butxi worawo-txi ada herina raworawoò-txi aõbo. Loosòna bidekre bedewiò-ò. ²² Inyò iwòteòmy aõna aõna tiiehyymy. Tiutxulemybo ratỹnykemy ihỹre. Iwòteòmy atximahãbenyke aõu bodobikemy atximahãtenyete. ²³ Kaiboho aõbo òhòtidirenyre, inatyhymy boholake. ²⁴ Tahe Jesuisi tamyreny rarybera: —Kaiboho inatyhymy boholabeny tamy taholamahãtenyeteò. Urihixina iwese teòteri wesele, kai biwykre. Ihãre tahe biwykre ijò teòta-ribi ritamy. ²⁵ Hãbuò ijòdikeki tamyle rawahidỹỹke, tahe hãbuò ijòðkeki iribi ratatyhyke.

²⁶ Jesuisi relyyra kia ijyymy: —Deuxu Iòlòna kia ijyy wese rare. Hãbu rehumyhỹre alòbòròna-di suò. ²⁷ Hãbu rumy ròròmyhỹre txulemy

rexixamyhÿre. Tii rieryõlemyhÿre timybo alòbòròna ratybienymyhyre. ²⁸ Suu ixì dee sohojile raratymyra. Juhuu iòle ramyhyre. Idi tahe raratynymyhyre, ihewonau, tahe, iraty rasònymyhyre. ²⁹ Bederaty rasònymyhyreu, iyresydu riteònymyhyre. Mayrabu-di riòròkemy beder-atsò butudÿÿna dori rexihumyhyre.

³⁰ Tii rarybera, Deuxu Iòlòna wexe aõwesere. Aõ-ò wexe rikioirenykre. Tiwexe ijyy kawesere. ³¹ Kia heka mostardaty wesere. Tii heka iylatyhymy ratximyhyre kabede-ki. ³² Tahe tii raumynymyhyre wana, ireitòbòròdÿÿ ratyre rarurururunymyhyre. Tahe nawii tamyle rasÿnymyhyre. Iubòròrò rawolemy taheto riwinyre.

³³ Tahe Jesuisi Deuxu rybemy rierynanymyhyre. Kia ijyy wese sòwemy ijyy rierynanymyhyre. Kialemy iny-ò Jesuisi relyymyhyre ibutumy tamy reny ritynynymyhyreki. ³⁴ Kia-ò riòbitinyòlere ijyyò. Tahe iny-ribi irehemy taerydÿÿna-ò riòbitinyre.

³⁵ Iu txu txiorolemy Jesuisi rarybere taerydÿÿna-ò: —Rikiòhòrerenyke kowa weribi ijà-ò. ³⁶ Sòwemy iny rarire aho ijà-ki. Tahe taerydÿÿna tamy ralore. Roire hãwò-di. Tahe ijò hãwò idi ratximyhyre. ³⁷ Tahe bede binahakÿ rexidelenyre yhymy. Tahe òbò hãwò rihãtenymyhyre tai ritÿmynyke ritelenyre. ³⁸ Tai tahe Jesuisi ròròmy roimyhÿ tòro-ki irati tarahynatyre-ki. Tai tahe riixixanyre. Ijò rarybere: —Waerydÿÿdu, adeehe awimy aõbo iny ituerenykre. ³⁹ Rexixamy Jesuisi. Tii yhy riixãwididÿÿnyre. Tii ahohokÿ-ò rarybere: —Biyrke! Tai bede ruhawihikÿre. ⁴⁰ Tamyreny rarybere: —Aõherekibo kaiboho taberutenyteri? Deuxu aõbo tetyhynyõmahãtenyete? ⁴¹ Tai tahe tiiboho bede riòtiinyrenyra. Tahe widee raryberenyre: —Mowexe tuu yhy ahohokÿ-wana irybe riwinyke.

5

¹ Ritehemynyrenyre ijò berohokÿ weribi ijàna-ò. Kowa heka ibutumy hãwãhãkÿ Kadarena inirenyre. ² Jesuisi hãworo-ribi resereu, hãbu tyytybybina-di robire ròhònyreri wabede-ribi. ³ Kia heka tiemy rasÿnymy raremyhyre wabede-ki. Katahe wiji moheka womati reroti-di rataataaòtyhy. ⁴ Aõdorihe òhòõre tebò iwa rataataare womati reroti-di. Tiemy heka rimoenymyhyre. Teòrutu ludu tawararu ludu tule ritòtynymyhyre iyresymy. Moheka iruruõre iny erydÿÿmy. ⁵ Txuu ruu-wana heka tii rasÿnyre wabedewo-ki. Tii rariamyhyre bederatòòmy. Tule rirajuamy tai rexihãtenyre mana-di. ⁶ Tai tahe Jesuisimy robireu, tii rajaranyre Jesuisi-ò. Resere tatiowotimy Jesuisiko-ò. ⁷⁻⁸ Jesuisi tyytybybina-ò rarybere: —Iribi bòhònyke. Tahe tyytybybina rarybera: —Aõwe wadi tate. Kai, Jesuisi, ibutumy inyò dee inyratyre tate. Kai Deuxu Riòre tate. Lãhãmy lãhã, uritere aõbina binahakÿmy wahòròdÿÿòmykre. ⁹ Jesuisi ritÿÿraxinyre: —Mobohe anire. Tyytybybina rirawònyre: —Wanireny sòwetyhyre wasòwerenyreki. ¹⁰ Urile karibi wateòdÿÿrenyõmykre. ¹¹ Tahe kowa-ki ixÿni juramy riroximy rÿimyhÿ bederatòò-ki. ¹² Ibutumy tyytybybina rexitòenyrenyre: —Biwateònybenyke ixÿni jurawomy aralòrenyke. ¹³ Tahe Jesuisi riteònyre. Tyytybybina aõwesele ròhònyre tahe ixÿniwomy ralore. Ixÿni jura tahe raòruny rejuhunyre ijòtira-ribi. Berawo-txi tahe rabòròròre ahohokÿ-ki. Inatxi mìl ixÿni rabòròròre. ¹⁴ Ixÿni-di itxeredu reare ijyymy ibutumy hãwã hãwãmy relyyrenyre. Tahe iny dirahude tamy itxeremy. ¹⁵ Tiiboho

Jesuisi-ò doideu, tuu robirenyra hābu tyytybybina-di raremyhỹ. Tii rexityynomy rononymhỹre. Tii heka òbitimy rōhōtinymhỹre. Tai iny mahādu rabedeōtiidỹnyre. ¹⁶ Tiiboheo tuu robirenyre, ijō-ò relyyrenyre ixỹni ijyymy, timybo aōhebo rotỹỹnyre hābu tyytybybina-di ratximyhỹre. Tule relyyrenyre timybo rotỹỹnyre ixỹni jura. ¹⁷ Iny rexitōenyre Jesuisi-ò rexitakremy isureny-ribi. ¹⁸ Jesuisi hāworo-ò ralore. Tahe hābu tyytybybina-di ratximyhỹre, rexitōenyre Jesuisi-wana rakemy. ¹⁹ Tahe Jesuisi idy derare. Tamy rarybera: —Mahe asỹ-ò, aijoi-ò belyyke aōna aōna Deuxu adee riwinyremy, iwese tii araruxetōenymhỹre wese. ²⁰ Tahe hābu rare Debòwiò hāwāreny-ò. Ibutumy Jesuisi aōna aōnamy ixidee riwinyremy relyyre. Ibutumy iny ribedeōtiidỹnyre.

²¹ Ixityre Jesuisi rare ahohokỹ weribi ijā-ò. Ixidee iny sōwemy ributunyre. Tii heka ihỹmyhỹ ahohokỹ ijā-ki. ²² Tahe dehemynyde tamy dohodỹỹna heto weduō. Ijairu inire. Tii Jesuisi robireu, resere tatiwotimy iko-txi. ²³ Ijairu rarybere Jesuisi-ò: —Wariòre irubu iòhòtyhylemy roireri. Kai manakre tamy ebò bitidikremy. Tai awimy relekre, ruruōtyhy. ²⁴ Tahe Jesuisi tii-wana rare. Iny sōwemy tule rare iòhòkile tamy rỹire.

²⁵ Kia heka hāwyyō binamy ramyhỹre. Ihālubu rejuxunomy raremyhỹ. Beòra waōinatxi reurōmy rejuxunonymhỹre, rihuōhyy raremyhỹ. ²⁶ Tii aōhōkỹmy rotỹỹnymhỹre sōwemy òhotibedu mahādu-di. Tahe awimy rotỹỹōlemyhỹre. Urile tanieru ibutumy rahure òhotibedu mahādu-ki. Awimy releōlemy, ire bede-ò resere. ²⁷ Tahe roholare Jesuisi nina-ò tahe iòhò-ki nade inyy-ki. Idi ihewo-ribi rimyra itynora-ki. ²⁸ Hāwyy ixidee rarybemyhỹre: —Kriile itykynora-ki karimykeki, karekyteke. ²⁹ Tahe aōwesele ihālubu ijera ixāwire. Ixidee awimy rōhōtinyre. ³⁰ Jesuisi rieryre iruru iribi rōhònyremy, tai rarybere: —Mobo watynora rimyra. ³¹ Tahe ierydỹỹna raryberenyra aōherekibo tuu tarybeta ibutumy taheka iny abirelemy rỹireri. ³² Jesuisi retehemyhỹre urile mobo rarekemy. ³³ Hāwyy rierymyhỹ aōhebo rotỹỹnyre. Tii ruberumy Jesusiko-ò resere relyykemy iko. ³⁴ Jesuisi rarybera: —Lerỹ, atyhydỹỹna kỹnyhe aratara. Mahe, kai dori texiwinyyta.

³⁵ Tii rarybemyhỹò, dohodỹỹna wedu deòdu rehemynyrenyri. Tii-boho raryberenyra: —Wawedu, Ijairu, ariòre rurumy roireri. Aōmybo tahe Erydỹỹdu-di atxiteri. ³⁶ Jesuisi kia-ò roholara tahe rarybera dohodỹỹna wedu-ò: —Brebuōmy, urile bityhynykre. ³⁷ Jesuisi-wana roire, Pedro, ijō Txiau, ijō Joaō. Joaō heka Txiau seriòre rare. Kaòle heka reòbyre tii-wana rakemy. ³⁸ Dohodỹỹna wedu heto-ò dehemynydeu, ixiyjadỹỹ-ò roholara, robureriò, rirajuariò. ³⁹ Jesuisi ralore tahe rarybera: —Aōherekibo tabutenyteri. Hirarihikỹ rurumy aōkō roireri. Tii urile rōrōri. ⁴⁰ Juhu urile tai rutzuenyrenyra Jesuisi-ki. Tahe Jesuisi ibutumy iny riòlòdỹỹnyra hetowo-ribi. Tahe iseles, tybyle, ixidee rimyrenyra ratxirenykemy. Tahe tamy rirōnyrenyre tai hirarihikỹ roimyhỹò. ⁴¹ Jesuisi hirarihikỹ debò rimyre tahe rarybera: —Talita kumí. (Katahe iwitxira rybemy rarybera. Kiamyri heka, mynykemy.) ⁴² Aōwesele hirarihikỹ rỹimy reara. Tahe rariara aōmyreki iwyrwa waōinatxi reurōmy iwyrumy. Tahe urile bede riòtiinyrenyre. ⁴³ Jesuisi riteranyre moō rierydỹỹkemy aōkō. Jesuisi tule rarybere: —Rỹsỹna tamy biwahinykre.

6

¹ Jesuisi dexitade kowa bede-ribi. Tahe tauladu tybiena hāwā-ò dehemynde. Taerydỹna mahādu riheludunyre. ² Sabado txumy rierynanyre dohodỹna heto-ki. Sōwemy iny roholamy rỹimyhỹ bede riòtiinymy. Tahe rarybere: —Tiribibo kia hābu aōna aōna bede rieryre. Aōbedeeryhykỹbo ratximyhỹre. Timyta heka bedeòby riwinyre. ³ Kia aōbohe aōwidỹdule ratxireri, Marie riòrele. Tiiboho aōbohe Txiau, Jyje, Judasi, Simaō, seriòrebohole ratxirenyreri. Terỹboho aōbohe tule kakile ratxireri. Ibutumy iny heka Jesuisi derarenyre. Irybe rityhynyòre. ⁴ Jesuisi rarybere tamyreny: —Deuxu rybedỹdu heka tyhydỹna ritāòlekre tahāwāreny-ribi, taijoi-ribi, tasỹ-ribi. ⁵ Tahe Jesuisi kowa-ki bedeòby riwinyòlere. Urile tebò ritidire inybina bina tyre, taile riteytenyre. ⁶ Jesuisi urile bede idireny riòtiinyre rityhynyòlemyhỹrenyeki. Tahe Jesuisi reurore hāwā hāwā-di erydỹmy.

⁷ Tii ixidee ributunyre tawaòinatxi erydỹna mahādu. Tii riteònyre inatxi inatxi iubỹtỹnyre. Tamyreny taruru-ribi riwahinyre tyytybybina deòdỹki. ⁸ Jesuisi tuu rarybere: —Urile biwykre adebòna. Uritere orotxu aōkō, nieruhyna aōkō, nieru wereysanawo-ki aōkō, iwydysyrenyòmykre. ⁹ Uritere waubehetyòmy noòmykre. Uritere inatxi iny wirawomy tyy-di ixityydỹòmykre. ¹⁰ Hāwā-txi malòkeki, tiemy taile bonykre tiubedemyo iribihyyle bòhònykre. ¹¹ Titxi behemynybenyeki, uritere iny erarenymy reakeki, roholaòkeki, txiòrare, urileta awareny bitòtynykre bede erynamy. ¹² Tahe tiiboho roire. Rybe ritỹnydỹmyhỹre iny ixidee rexirahĩrenykemy. ¹³ Tyytybybina irehemy iny-ribi ririradỹnykemy. Sōwemy inybina tyre òlỹre ritxiwire. Tai tahe riteytenyre.

¹⁴ Kia heka iòlò Herodi roholara. Jesuisini dori erynatyhymy raremyhỹ. Tahe ijòboho rarybemyhỹreny: —Joaō Sebedỹdu rexixara rubu-ribi. Ijò rarybemyhỹreny: —Eliale ratxireri. ¹⁵ Ijò rarybera: —Deuxu rybedỹdu ratxireri. Deuxu rybedỹdu wese heka ratxireri. ¹⁶ Herodi roholareu aōbo Jesuisi riwinyreu, rarybera: —Kia hābu Joaō ratxireri. Kia heka irati reorore heka rare. ¹⁷ Kia heka iòlò Herodi riteònyre imynamy. Idi tahe ritisanyre ròtenawo-ò. Taseriòre hāwy oraru-ki kia riwinyre. Filipi iseriòreni rare. Iseriòre hāwyini Herodia rare. Herodi, Herodia-wana roire iseriòre riòrese-wana. ¹⁸ Juhuule Joaō rarybere Herodi-ò: —Kai aōkòre aseriòre hāwy-di mabeòtyhy. ¹⁹ Herodia tamy iky reamyhỹ rirubunykemy ratximyhỹ tahe aōkòhyllere. ²⁰ Herodi tahe Joaō rityhynyre. Tii rierymyhỹre Joaō hābu wihikỹ ratximyhỹ. Tai riyrubunyre ròtenawo-ki. Herodi Joaō roholareu, urile bede riòtiinyre urile roholawihikỹre. ²¹ Kia txuu ibeòra reare Herodi lisina berenamy riwinyre. Tahe ibutumy hāwā dinodu, soldado wedu mahādu, tule ibutumy hābu ninihikỹ Kalileia mahādu-ribi rihuòtere. ²² Ijadòma ralore resere, Herodia riòre. Herodi, iny huòtedu mahādu-wana tamyreny awire. Iòlò ijadòma-ò rarybera: —Aòtxile aōma wadee bexitòenyke, adee ariwahinykre. ²³ Inatyhymy adee ararybekre. Waaōna aōna iweeremy bexitòenykeki, adee ariwahinykre. ²⁴ Ijadòma tadi ritỹraxyre aomybo tahe tamy rexitòenykre. Ise rarybera: —Joaō Sebedỹkỹdu rati kai bexitòenykre. ²⁵ Tahe ijadòma ròsere iòlò-ò. Tahe ijadòma rarybera: —Joaō Sebedỹkỹdu rati kai biwahinykre hyna tyre-ki. ²⁶ Iòlò sōwemy rabadewore irybe-ki. Rexitxiònyòlere iny dori sōwemy ibire-ki. ²⁷ Iòlò

soldado rariare Joaõ rati òrysomy. Tahe irati riorore ròtena-ki. ²⁸ Tahe irati diwyde besetyre-ki. Ijadòma-ò riwahinyre, tahe ijadòma tadi-ò riwahinyre. ²⁹ Joaõ erydÿÿna rieryreu tahe, nade iumy òrysomy. Tahe iumy riwyre wabede-ò.

³⁰ Jesuisi erydÿÿna mahādu ròserenyre Jesuisi-ò. Tahe relyyrenyra ibutumy aõmydÿÿnana tule ibutumy rierynanymyhÿre. ³¹ Jesuisi tamy rarybere: —Inyboho sohojile rokoireny bederahy-txi ixielehydÿÿmy. Tii dori rarybera tamy heka byrena iòhòtyhyõlere tamy roxina raòhòõlere. Iny sòwemy tamy wii reutydynyri. ³² Tahe tiiboho sohojile hāwò-di roire bederahy-txi inyò-ò. ³³ Iny sòwemy tuu robira ròhònyrerimy. Tahe iny ibutumy hāwā hāwā ludu rajaranyre tòròsòna-ò. Tiibohole juhu rehemynyre iko-ki. ³⁴ Jesuisi rororeu, tahe inimy sòwemy robire, riraòreriò. Jesuisi tamy ratòenymyhÿre. Tiiboho dori iwese budoeni idi itxereduõmy rÿireri wesemy. ³⁵ Txuu raloreu, ierydÿÿna mahādu Jesuisi-ò roire. Tiiboho rarybere: —Ka kÿnyhe bederahy roire txuuke rexihura. ³⁶ Kai tahe iny biteònykre hāwā hāwā mahādu-ò rÿsÿna ixideereny õbradÿÿmy. ³⁷ Jesuisi tamyreny rarybera: —Kaiboho tamy rÿsÿna biwahinykre. Tahe raryberenyre: —Timybo tahe inyboho 200 prata womati nieru-di orotxu rikiõbranyrenykre. Timy wexe tamyreny rÿsÿna rikiwahinyrenykre. Jesuisi tamyreny rarybera: ³⁸ —Tiwese orotxu bohe rÿire. Maa tamy itxeremy. Idi tahe rieryrenyreu, rarybera: —orotxu iruyre, utura inatxi. ³⁹ Idi tahe Jesuisi iny rabòròhòkÿ asityre rorukukremy. ⁴⁰ Idi tahe iny rabòròhòkÿ wii rirareare, ijò sÿwètamy, ijò 100my. ⁴¹ Jesuisi orotxu utura-wana rimyre tahe retehere biu-ò Deuxu-ò rexitòenyre. Idi tahe orotxu reòròòròre. Riwahinyre taerydÿÿna mahādu-ò riwykremy iny-ò. Tule utura inatxi wirarea riwahinyre iny mahādu dee. ⁴² Ibutumy iny riroxire. Rihydymy rÿimyhÿ. ⁴³ Idi tahe ritÿxinyre waòinatxi reurò weririmy orotxu yre yre utura-wana rauhenyredi. ⁴⁴ Kia heka rerÿsÿre 5000 inimy rÿsÿna-di.

⁴⁵ Juhu Jesuisi riteònyre taerydÿÿna mahādu ixiko-ò kanaijòwe-ribi ijā-ò, Besaida hāwā-ò. Tii tahe ririre iny riteònykremy. ⁴⁶ Tahe riteònyreu, tii rare ixitòedÿÿmy bedede ratòòhòkÿ-ò. ⁴⁷ Txioro bedesou hāwò ahotyā-ki ratximyhÿre. Jesuisi suki ratximyhÿre ixisojojile. ⁴⁸ Tahe yhy rebònymyhÿ iutedereny-ribi. Hāwò rariaõlemyhÿ. Tahe Jesuisi tuu robire txu ijera iòhò-di. Tahe betyredile tamyreny rariare. Jesuisi iratyrereny wese rariakre. ⁴⁹ Tahe tuu robireu, betyre-di rariareriò, tiiboho unisÿna ròhòtinenyreny, rirajuareny. ⁵⁰ Tahe ibutumy tuu robira ibutumy ruberurennyre. Jesuisi aõwesele rarybere: —Urile beysabeny, breburennyre. Jiarÿle watxireri. ⁵¹ Tii ralore tamyreny hāworo-ò. Yhy urile ixāwire. Ierydÿÿnaboho bedede riòtiinyreny. ⁵² Tiiboho ruberurennyre, orotxu bedeòbyna dori rierykòreny.

⁵³ Tiiboho riòhòrenyreu, ritehemynyre Kenesare-ò. Kia-ki hāwò riti-sarennyra. ⁵⁴ Tahe hāworo-ribi ròtuòreri, ibutumy iny Jesuisi rieryra. ⁵⁵ Juhu raòrunyrennyre bina bina mahādu òrysomy. Idi tahe didydenyde roholarennyre títxibo tai Jesuisi ratximyhÿ. ⁵⁶ Tii raloreu iny hāwā-ò aõbo ada hāwāhākÿ-ò aõbo ada bedero-ò aõbo, tiemy iny bina bina mahādu iryko-txi ritidire. Tai tamy rexitòenihikÿre tamy debò reakemy ityynora-ò. Ibutumy tamy debò reareu, tahe riteyteny.

7

¹ Jesuisi-ò ributunyre fariseu mahādu lahi rybe-di erydŷŷdu mahādu wahe. Tule bede ywina erydŷŷ mahāduributunyre. Jerusalē-ribi ritehemynyeri. ²⁻⁵ Jesuisi erydŷŷna mahādu tebò risuhòomy riroxireri. Fariseu mahādu, Bede ywina erydŷŷ mahādu-wana Jesuisi-ò ritŷŷraxinyrenyre: —Aòherekibo aerydŷŷna tebò risuhòomy riroximyhŷrenyre. Aòherekibo ihetxiu bede ywidŷŷnana rityhynyòreri. Lahi rybe-di erydŷŷdu mahādu judeu mahādu-wana ihetxiu iwidŷŷnana riwinymyhŷrenyre. Tii heka tebò tiu suròduomy riroxiòmyhŷre. Tiiboho aōna aōna wydyna heto-ribi dòðsemahādeu, tiu heka rōhòdile riroxiòmyhŷre. Sòwemy iwidŷŷnareny rityhynymyhŷre. Bemona butxi, womati bese-wana risuhòrenyre. ⁶ Jesuisi tamy dirawyònyde: —Isaia juhuule rarybere tiwesebo kaiboho toite. Kaiboho itxenadŷŷdu toite. Riritinymy rŷire:

—Kaiboho riwawowydynymyhŷre tary-di. Tahe awo-ribi waluuòlemyhŷre.

⁷ Kaiboho riwawowydynyre tahe watxi nohòti ijeraòlerenymy. Kai teerynanyteri erydŷŷna-di iny nohòti-ribi namyhŷdeòle.

⁸ Kai Deuxu erydŷŷna tyhydŷŷòmy. Iny erydŷŷnale tetyhynytenyte.

⁹ Tii tamyreny rarybera: —Kaiboho aòbo ijò bihòrònybenyleke, biaòmysŷnybenyke. Deuxu rybe bede ywina kaiboho tetyhynyòlemyhŷtenyte. Arybe bede ywinale tetyhynyòlemyhŷtenyte.

¹⁰ Moisesi rarybera:

—Kaiboho biytyhynybenyke adirybe-ò, tybyrybe-ò. Inyò tadimy tybymy iehehemy rarybekeki, aòtaxiny ruruke.

¹¹ Kaiboho teerynanyteri hābuò-ò tadi tybywana-ò rarybekemy: —Wanieru waribi bitaòke. Ariwahiny dori Deuxu-ò. Wanieru heka korbŷ rare. (Korbŷ heka uri wahidŷŷna rare, iwitxira rybe wahe.) ¹² Jesuisi rarybehymy rare: —Kiawese rierynany raremyhŷ, kaiboho uritere hābuò tadiboho-ò aòmydŷŷòmy rarekemy. ¹³ Kawese ityhydŷŷrenyòmy Deuxu rybe, aerydŷŷna òraru-ki. Sòwemy aōna aōna kawese tatŷŷnytenyte.

¹⁴ Tahe Jesuisi ixityre rarybera inysòwe-ò: —Bodoholabenyke, ibutumy bierybenykeny. ¹⁵ Aòbo iny-ò ralòmyhŷre, kia tahe iny risunyòlemyhŷre, inywo-ribi tahe namyhŷde kia tahe iny risunymyhŷre. ¹⁶ Inyò bierybenykeki, boholawibenyke. ¹⁷ Tahe iny-ribi ròhònyreu, heto-ò raloreu, ierydŷŷna mahādu tahe tamy rŷŷraxire ijyymy. ¹⁸ Tii tamyreny rarybere: —Kaiboho tule aòbo teeryòmahātenyte. Aòbo iny-ò ralòmyhŷre, kia iny risŷnyòlemyhŷre. ¹⁹ Tawotyhy-ò dori ralòòlemyhŷre. Urile weryri-ò ralòmyhŷre idi umy-ribi ròhònymyhŷre. (Ibutumy rŷsŷna tahe awire riki.) ²⁰ Tule rarybere: —Aòbo iny-ribi namyhŷde, kia risurisunymyhŷre.

²¹ Inywo-ribi tahe ròhònymyhŷre ibutumy nohòtinana binahakŷ. Kia heka rare nohòtinana binahakŷ: òta òtalemy, wasilemy, rubudŷŷlemy, ijò hābu riòrese ridymy, ²² ibutumy aōna aōna wedu iny ratyrekemy, binamy ròhòtinymyhŷre, ruilemy, aòbina binaòle, itxeredu, aòbina binalemy rybedu, tule itxŷtelemy. ²³ Kia heka ibutumy bina bina inywo-ribi namyhŷde. Kia heka iny rexisunymyhŷre.

²⁴ Jesuisi rexitare. Tahe r re Tiro hāwāreny-ò, Sidò beà hāwā hāwā-ò. Tahe tii ralore hetowo-txi tahe moò rierykòdi ixidire hetowo-txi. Ralòrau tahe, rexiwòke aòkò. ²⁵ Jesuisi tyhynina-ò hāwyy roholare, tahe tamy nade, tatiowotimy resere. Iriòre-riki tyytybybina dire. ²⁶ Kia heka hāwyy

Grego mahādu rare. Ilahinanire heka Siru Senisia. Tii Jesuisi-ò rỹraxyire tyytybybina iriòre-ribi deòdỹmy. ²⁷ Tahe Jesuisi tamy rarybere: —Txioiny, juhu inihe uladu mahādu riroxikre. Wade awiòre uladu-ribi rỹsỹna ritake ijòrsa-ò. ²⁸ Hāwyy rirawyònyra: —Inatyhy rare, Wāhĩ. Kurile rỹsỹna kyre kyre rejumahāre. Kòwòruku bese-ribi, kuladu-ribi. Kiamy heka itxoòrsa rirakuximyhỹre. ²⁹ Tahe Jesuisi tamy rarybera: —Kia rybe òraru-ki heka kaa tarybeta tyytybybina ariòre-ribi rohonyra. Kia bòòsekre aheto-ò. ³⁰ Hāwyy taheto-ki rehemynyreu, iriòre-ki rahara byretyre-ki roire. Hāwyy rieryre tyytybybina iribi ròhònyre.

³¹ Tai tahe Jesuisi ixityre rexitare Tiro hāwāreny-ribi, Sidò beà hāwā reny-ò rara Kalileia aho-ò. Tii raremyhỹu, Debòwiò hāwā hāwā reny ririre. ³² Tahe tamy didydenyde hābuò nohòtityò. Tii roholaòilemyhỹre. Tule awimy rarybeòhyylemyhỹre. Tahe rexitòenyrenyra Jesuisi-ò, tebò ityre ritidikemy. ³³ Jesuisi tii ritare inysòwehekỹ-ribi tahe tebò ritidire tòhòti-ò. Tahe rarybexinyre tahe idi tòròtòbomy reare. ³⁴ Tahe Jesuisi tarue ruwyre biu-txi, ele-di reare. Tahe rarybere: —Ebata. (Kia heka rybe riwiuròsòdỹmy rare, —Biraynyke.) ³⁵ Aòwesele tòhòti riraynyre. Tòròtò riykoykonyre. Tii aòwesele awimy rarybere. ³⁶ Jesuisi rarybere: —Uritere iny-ò ijyyòmykremy. Ihārele tahe ibutemy kiamy iny-ò rellymyhỹre. ³⁷ Idi bede riòtiinyrenyre. Tahe raryberenyre: —Ibutumy tii riteytenymyhỹre. Tii nohòtity aòwesele roholamyhỹre. Hābu rybeò aòwesele rirybedỹnymyhỹre.

8

¹ Kia txuu ixityre iny sòwemy ributunyre. Kiau tule aòrỹsỹnamy ijòðhyylere. Jesuisi taerydỹna mahādu ixidee ributunyre. Tahe tamyreny rarybere: ²—Jiarỹ inysòwe rewotòenyreni. Tiiboho txuu inataò waki rỹireri byreòlemy. ³ Jiarỹ byreòlemy ariteònyrenykeki, ryrowetyakile reserenykre iòderawyrinymy. Tule, iny sòwemy irehe-ribi nade. ⁴ Ierydỹna tamy dirawyònyde: —Timytaka inyboho tamyreny orotxu rikiwahinyrenykre kabederahy-ki. ⁵ Tii ritỹraxyinyre: —Tiwesebo orotxu kai ijòdire. Tiiboho rarybere: —Debò inatxi reuròmy. ⁶ Jesuisi iny sòwemy risỹdỹnykremy sutyre-ò. Tii orotxu debòinatxi reuròmy rimyra. Tii rexitòenyreu tahe riorore. Tahe riwahinyre taerydỹna mahādu-ò riwykemy iny sòwe-ò. ⁷ Tule utura ibutemy rỹimyhỹ. Tahe rexitòenymy rahudi tahe taerydỹna-ò rarybere: —Kaa tule biwybenyke iny sòwe-ò. ⁸ Tiiboho riroxirenyremy tahe rihydymy ratximyhỹ. Iyre yre rauhenyri riwyrenyri weriri debò inatxi reuròmy riwyrenyri rỹxiximy. ⁹ Inaubiòwa mil iny iòhòmy rỹimyhỹ. Tahe Jesuisi rexideòwarinyre iny sòwe-ò. ¹⁰ Tii ralore hāworo-ò taerydỹna-wana. Tiiboho roire Damanuta hāwāreny-ò.

¹¹ Lahi rybe-di erydỹdu mahādu nade fariseu mahādu wahe. Tiiboho tamy nade rybe òbitidỹmy. Tiiboho rỹraxyrenyra bede erydỹnaò kiditeòsinykremy. Lahi rybe mahādu rierykemy tii inatyhy rare urenana. ¹² Tii raelewesenanyre tawo-ki rarybere: —Aòherekibo kaa iny mahādu rỹraxyimyhỹre bede erydỹnamy. Inatyhymy jiarỹ ararybekre: —Bede erydỹna heka tamy rawahidỹòtyhy. ¹³ Tahe idi Jesuisi rexitare. Hāworo-ò ralore. Idi rohorere kanawe-ribi ijà-ò.

¹⁴ Ierydỹnaboho tahe tòhòti rosare orotxu wydysy-ribi. Sohojityhyle heka orotxu roimyhỹ hāworo-ki. ¹⁵ Jesuisi tamy ribedeerynyre: —Beteheiny, biyrubuny, lahi rybe mahādu, Herodi mahādu-wana wirỹsỹna

uri-ribi. ¹⁶ Jesuisi erydÿÿna mahâdu ixideele rarybere: —Aõherekibo Jesuisi kia rarybereri. Inyboho iorotxurenyõreriki õsana. ¹⁷ Jesuisi heka rieryra tahe rarybera: —Aõherekibo raryberemy orotxu ijõõremy. Kaiboho aõbo teerytenyõte. Kaiboho aõbo arawoxierynyrenyõre.

¹⁸ Kaiboho aõbo arueõrenyre. Tabiõletenyteri. Kaiboho aõbo itxi õhõtireny reaõlereri.

¹⁹ Jiarÿ 5000my iny-ò orotxu reareareu, tiwesebo weririmy orotxu yre yre-di ritÿxinyre. Tahe tiiboho rirawyõnyre: —Waõinatxi reurò weririmy.

²⁰ Tahe debõinatxi reurò orotxumy reõrõra 4000 inymy, tiwesebo weriri orotxu yre yre-di ritÿxinyre. Tiiboho rirawyõnyre: —Debõinatxi reurõmy.

²¹ Tahe tamyreny rarybere: —Timyrekibo tahe teerytenyõte.

²² Dehemynyde Besaida hãwã-ò. Tahe hãbu ruetà-di tamy didydenyde. Rexitõenyrenyre tamy debò reakemy. ²³ Jesuisi tebõmy rimyre tahe ridyre hãwã-ribi bederahy-ò. Iruetyre rarybexinyre. Tebõmy tamy reare. Tahe ritÿÿraxinyre: —Aõmybo aõbo tabiteri. ²⁴ Hãbu tahe biu-txi tarue riukora, tahe rarybera: —Hãbumy rabira, õwõru wese rÿireriò, rariareri. ²⁵ Ixityrele Jesuisi tebò reare irue-ò. Hãbu heka irue reyteramy õbitilemy retehereri. Robire irehetyhy-ò itÿnyhÿkÿlemy. ²⁶ Tahe Jesuisi riteõnyre isÿ-ò urile ihãwã-ribi ròðseõmykre.

²⁷ Jesuisi taerydÿÿna mahâdu-wana ròhõnyrenyre Sesaria Filipi hãwãreny-ò. Ryki taerydÿÿnareny-ò ritÿÿraxinyre: —Mowe hãbureny wamy raryberenyra jiarÿ raremy. ²⁸ Tiiboho rirawyõnyra: —Joaõ Sebedÿÿdu riki, ijõ Eliasi riki, ijõ riki Deuxu rybedÿÿduõ. ²⁹ Tahe Jesuisi tamyreny ritÿÿraxinyra: —Kaiboho, mobo tarybetenyte jiarÿ raremy. Tahe Pedro rirawyõnyre: —Kai Kristu atximahãte. ³⁰ Tii raraybinihikÿmy ixi-ki rarybera: —Inyko wamy ijyyõmykre.

³¹ Jesuisi rexiranyre erydÿÿmy: —Deuxu Riõre Hãbutyhyhykÿ heka aõna aõnamy aõhõkÿmy rotÿÿnynihikÿkre. Matuari mahâdu heka ixideramy ryanakre. Tule Deuxu aõmysÿdÿÿdu wedu, Bede ywina erydÿÿ mahâdu ixideramy ryanakre. Jesuisi kudurukre idi tahe txu inataõ rÿidi kedex-ixakre rubu-ribi. ³² Idi tahe iõrurehekÿlemy tamy rarybere. Pedro iny-ribi Jesuisi ritare, tahe tamy rarybere: —Kawese rybeõmyreke. ³³ Jesuisi ròðsemy reare, retehemyhÿ taerydÿÿna-ò tahe Pedro-ò rarybere: —Bexitake wako-ribi Satanasi. Kai dori Deuxu ijoi aõkõ atximahãte. Kai hãbu ijoi tate. ³⁴ Jesuisi ributunyre iny sõwehekÿ, taerydÿÿna-wana tahe rarybere: —Inyõ wahemy kanakeki, ixideele rexirahÿke, tahe taitxeò rimyke riwaheludunykemy. ³⁵ Mobo taumy tarasamy rurukeki, riononykre. Tahe aõtxile iny waluukeki, Rybewihikÿ luukeki, taumy wadee riononykeki, kia heka taumy ritakre. ³⁶ Aõbo tahe awire, ibutumy aõna aõna bitake tai aumy biononyke. ³⁷ Aõbo tahe iny riwahinykre taumy wydyna õkesena aõbo. ³⁸ Kai wijinabõdu õrarudu mahâdu rare, õta õtadu rare. Aõtxile iny walau warybe lau raixÿrukeki, tule Deuxu Riõre Hãbutyhyhykÿ ilau kanaixÿrukre tii nadeu ÿjuwihikÿ-di boo wowydyna-ò.

9

¹ Tii tamyreny rarybere: —Inatyhymy adeereny ararybekre. Ijõõ kaki ratximyhÿre ruruõtyhy Deuxu Iõlõnau taruru-di kedehemynykreu.

² Tahe debò sohoji txuu rÿidi, Pedro, Txiau, Joaõ-wana Jesuisi ridyre. Tiiboho sohojile bederatõ-ò roire. Jesuisi tamyreny rexiwixiranyre.

³ Ityy heka urile rabõtõranyre. Iurahakÿmy relere surõna ratyre heka

rauranymy ritoosònyre. ⁴ Tahe tamyreny dexitÿnynyde Eliasi, Moisesi-wana tahe rarybemyhÿre Jesuisi-wana. ⁵ Pedro rarybere Jesuisi-ò: —Wawedu, awityhymy inihe kaki ratxirenryeri tahe rikiwinyrenykre inataò hetomy, ijò adee, ijò Moisesi-ò, ijò Eliasi-ò. ⁶ Pedro rieryòlemyhÿre aòmybo rarybekemy ruberumyhÿremy. ⁷ Nonoe dobehede iubòrona bede ritòbònyre. Tahe rarybere reare rybeuni iy-ribi: —Kia heka wariòre waluu rare. Kaiboho tamy boholabenyke. ⁸ Tiiboho reteherenyre tahe inyò robiòlerenyre. Jesuisilemy robirenyre.

⁹ Dohedeu tahe inydee Jesuisi rarybere: —Uritere inyò-ò tuu ijyyòmykre aòmybo tobitemy. Uritere Deuxu Riòre Hābutyhyhykÿ rubu-ribi rexixareu, tai tahe tuu belyybenykre. ¹⁰ Kia rybe wasimy riworenyre. Ixideerenyle wii ritÿÿraxinyrenyre: —Aòmybo rarybereri, rubu-ribi rexixamy nade. ¹¹ Tiiboho tamy rÿÿaxirenyre: —Aòherekibo bede ywina erydÿÿ mahādu rarybere Eliasi juhu kanakremy. ¹² Tii rirawyònyre: —Inatyhymy, Eliasi juhu nade. Ibutumy aòna aòna riywinykremy. Tewesebo raritinanymy rÿireri: —Deuxu Riòre Hābutyhyhykÿ aòna aònamy aòhòkÿmy rotÿÿnynihikÿre. Tahe tii inydee awiòhykre. ¹³ Adeereny ararybekre: —Eliasi nade. Tule iny ixideewilemy tamy riwinyrenyre. Kaheka iaòmydÿÿnana riritinanymy rÿire.

¹⁴⁻¹⁵ Jesuisi dehemynydeu taerydÿÿna mahādu-ò, tahe robire iny sòwehekÿmy tahe bede ywina erydÿÿ mahādu taerydÿÿna-wana ritxiònymyhÿre. Tahe Jesuisimy robireu, tahe tiiboho riumysaònyrenyre. Raòrunyrenyre irybedÿÿmy. ¹⁶ Tamy rÿÿraxire: —Aòmybo tamyreny tatÿÿraxinyteri. ¹⁷ Inyò rirawyònyre: —Erydÿÿdu, wariòre adee redyreri. Tii tyytybybina rybeòhòkÿ-di ratxireri. ¹⁸ Tyytybybina rimyreu tahe riatyre bede-ò. Idi tahe urile txuu riyiyinyre. Tahe tii rubureriwesele roire. Aerydÿÿna-ò jiarÿ rarybera tyytybybina riteranykremy, tahe tiiboho iruruòhyymyhÿ. ¹⁹ Jesuisi tamyreny rarybere: —Tiwesebededÿÿnanabo wijinabòdu ityhyòlemy rÿira. Tiwesebededÿÿnanabo awanareny ariijekemy. Wadee uladu bididyke. ²⁰ Tahe didydenyde Jesuisi-ò. Jesuisimy robireu tahe tyytybybina urile raitxÿteitxÿtenymy resere. Idi tahe urile bede-ki rara òhòremy raratymyhÿ rybexi irywomy ròhònymyhÿ. ²¹ Jesuisi rÿÿraxire uladutyby-ò tiubedemybo taheka kaa binana tamy dehemynyde. Tii rarybere: —Uladuylaule idi ròrarunyre. ²² Tiwese wese aòkò idi rehure bera-ò, heòty-ò rahukemy. Aò biwinykeki, jiarÿboho biwawiòhenanyke wijile. Kai biwaruxetòenybenyke. ²³ Jesuisi rarybere: —Kai bityhynykeki, ibutumy aòna aòna rÿimyhÿre. ²⁴ Aòwesele uladutyby rryre idi tahe rarybere: —Jiarÿ retyhynyre, biwiòhenanykre aòbo rauhenyre. ²⁵ Jesuisi iny sòwemy robire wii rotyrerimy, tahe riteranyre tyytybybina-ò: —Kai tyytyby rybeò tule roholaò iribi bòhònykre, tiu ixityre malòòtyhy. ²⁶ Tyytybybina rryre. Uladu ritxÿtenyre idi tahe ròhònyre. Uladu rubuwesele roire herimy. Tahe iny sòwemy rarybere: —Tii rurura. ²⁷ Jesuisi rimyre tebò ritamadÿÿnyremy tahe uladu rÿire lamamy. ²⁸ Heto ralorenryre ierydÿÿna mahādu tamy rÿÿraxirenyre: —Aòherekibo jiarÿboho tyytybybina riteònyòrenyra. ²⁹ Tamyreny rarybere: —Kaiboho bexitòenybenykeki byreòna-di bonybenykeki, kiawesele heka ròhònyke.

³⁰ Iribi ròhònyre, Kalileia lowysy-di roirenrye. Jesuisi heka iny-erydÿÿderamyhÿ tai ratximyhÿki. ³¹ Taerydÿÿna mahādu Jesuisi riery-

nanymyhÿre. Jesuisi tamyreny rarybere: —Deuxu Riðre Håbutyhyhykÿ heka rawahidÿÿkre håburenyð-ò. Tii håbureny rirubunykre. Idi tahe txu inatað txuu rÿidi tahe kedexixakre rubu-ribi. ³² Tiiboho rierykðlere tahe ruberurenre tÿÿraxidÿÿki.

³³ Idi tahe rehemyre Kafanað-ò. Ralore heto-ò. Jesuisi tamyreny rÿÿraxire: —Aðmywe widee tarybetenyteri ryro-ki. ³⁴ Tiiboho urile roholarenre rybeðlemy. Ryro-ki dori rarybemyhÿ mowexe wiribi aðnimy ròhònykre. ³⁵ Tahe Jesuisi ronyrenyredi, Jesuisi taerydÿÿna mahådu ributunre erydÿÿmy: —Inyð juhuludumy rarekemy ratxikeki, tai heka tii ihewoludukre. Tule tii reakre ibutumy deòdumy. ³⁶ Tahe Jesuisi uladuð rimyre risÿnyre iubetya-txi tahe taerydÿÿna-ò rarybere: ³⁷ —Moð uladu kawese wadee riwiðhenanykeki, riwawiðhenanyre. Moð riwawiðhenanykeki, tule wateðdÿÿdule riwiðhenanyre.

³⁸ Joað tamy rarybere: —Erydÿÿdu, jiarÿboho tuu rabirenra inyð tytybybina-di ani-ò rehurerið. Tahe iny mahådureny aðkð rare. Tahe jiarÿboho tamy rejìðnyrenre iny mahådureny dori aðkð rare. ³⁹ Tahe Jesuisi rarybere: —Bijðnybenyðkre. Inyð wani-di bedeðby riwinykeki, wanimy heka ibinamy rarybeðtyhy. ⁴⁰ Iny òluduðkeki, tii heka iny ijið rare. ⁴¹ Inyð beð adeereny waninamy riwahinykre-wana, kai waerydÿÿna dori tate, inatyhymy adee ararybekre. Tii tawahidÿÿna ritakre. ⁴² Inyð kaa uladu ityhydÿÿdu riatykre òraruna-txi, kia heka tamy awire tòti-ki myna ritaamy idi bera-txi rehure. ⁴³ Ebòle araatykeki òraruna-txi, juhuule adee awire ebò biòròke. Kia heka awityhykre iny welytyle ralokre biu-ò, tahe awiðtyhykre heòtytòteehekÿ-ò ralòkeki debò inatxi-di. ⁴⁴ [Tai mohò ruruðtyhy. Heòty ruruðtyhy.] ⁴⁵ Awa araatykeki òraruna-txi, juhuule adee awire awa biòròke kia awire iny rariake awa sohojilemy, awiðre heka heòtytòteehekÿ-ò ralokre awa inatxi-di. ⁴⁶ [Tai mohò ruruðtyhy. Heòty ruruðtyhy.] ⁴⁷ Arue araatykeki òraruna-txi, bitake idi behuke juhuule adee awire arue sohoji-di Deuxu Iòlò biu-ò ralokre, tahe awiðre heòtytòteehekÿ-ò ralokre arue inatxi-di. ⁴⁸ Tai mohò ruruðtyhy. Heòty ruruðtyhy. ⁴⁹ Ibutumy iny heka heòty-di rijyyranakre. ⁵⁰ Jyyra heka awire, saa wahe. Urile taruru riononykeki, tiwesebo tarÿsÿna uri ixbyble tawo-ki bitidikre. Kaiboho ibutumy widee eysarenylere.

10

¹ Jesuisi iribi rexitare. Tahe rare Judeia bede bede-ò, tule Jordað kanawe-ribi ijà-ò. Iny sòwemy tamy ributunre, tahe tiiboho Jesuisi riernanyre. Tii reðarimy tuu ratximyhÿre.

² Tamy lahi rybe-di erydÿÿdu mahådu dehemynydenyde irutaadÿÿrenemy. Tahe tamy rÿÿraxinyre: —Håbu aðbo tahåwyy ririleke, awire aðbo ibinare aðbo. ³ Tahe Jesuisi tamyreny rirawyðnyre: —Aðrybe bede ywina-di Moisesi riernanyre. ⁴ Tahe tiiboho Jesuisi-ò dirawyðnydenyde: —Tii riernanyre iny tahåwyy ririkemy. Urile juhuu håwyy bede erydÿÿna rybe tyriti riwinykemy, idi tahe tahåwyy ririkemy. ⁵ Jesuisi tamyreny rarybere: —Òhòtitxyre dori Moisesi kia rybe bede ywina adee riwahinyre. ⁶ Juhu bedeu Deuxu riwinyre håbu, håwyy-wana.

⁷ Iurenana tahe håbu tadibohosÿ-ribi ròhònymyhÿre tai roimyhÿre håwyy-wana.

⁸ Håbu inatyhy håwyy-wana roimyhÿreu, sohoji tyhylemy radenymyhÿre.

Iny inatxi inymy aõkõ r̄yimyh̄yre, sohoji tyhylemy r̄yimyh̄yre. ⁹ Hãbu hãwyy-wana Deuxu ributunyreu, iny iwitxira wiribi ritòhòrarienyòtyhy. ¹⁰ Hetowo-ki tahe ieryd̄ȳna rit̄ȳraxinyre kia rybe-ki. ¹¹ Jesuisi tamyreny rarybere: —Aõtxile hãbuõ tahãwyy ririkeki tahe ijõ-wana roikeki, kia heka òtadu rare. ¹² Hãwyy tahãbu ririkeki tahe ijõ hãbu-wana roikeki, kia heka wedena rare.

¹³ Tiiboheo tamy didydenyde uladu tamy debò reakemy. Tahe ieryd̄ȳna riononymy rarybere tamy idyrenyõmykre. ¹⁴ Jesuisi kiamy robireu, rikyaranyre rarybere: —Txiò, kididyke uladu wadee. Uladu wese dori Deuxu Iòlõna rare. ¹⁵ Inatyhymy ararybekre: —Moõ heka uladuwesemy Deuxu Iòlõna ralòõkeki, kia heka Deuxu Iòlõna-ò ralòõtyhy. ¹⁶ Tahe Jesuisi rexiranyre uladu manamy taaxiò-ò rimyre. Tahe tebò iratyytyre ritidimy tamyreny rarybewihik̄yre.

¹⁷ Tahe Jesuisi rydi raloreu, hãbuõ tamy reare. Tahe hãbu iko-txi resere tatiowotimy. Rarybere: —Eryd̄ȳdu wihik̄y, aõwexe ariwinykre biu-ò hena aritakremy tiiehyymy umywihik̄y-di ararekremy. ¹⁸ Jesuisi tamy rarybere: —Aõherekibo wihik̄y wadee tarybeta. Hãbu awiõre. Deuxu sohojile tahe awire. ¹⁹ Bede ywina kai teeryte: rubud̄ȳõmykemy, tule òta òtaõmykemy, wasiõmykemy, tule ruiõmykemy, iny wii itxenad̄ȳõmykemy, adi bityhynkemy, boo tule. ²⁰ Hãbu tamy rarybere: —Eryd̄ȳdu, kia bede ywina rewinyhyllere, uladuule wiji-ò. ²¹ Jesuisi tamy retehere tuu reòarire tahe rarybere: —Kai sohoji aõmyd̄ȳnale aki nasiranyde. Kai makre, ibutumy aõna aõna-di bòhònykre, idi tahe idi biwahinykre iny aõkõ mahãdu-ò. Kia tahe aõmyd̄ȳnadikre biu-txi. Tahe manakre biwaheludunykre. ²² Kia rybe-ki heka hãbu rabadewore. Rexitare ibedewomy urile iaõna aõna sõwetyhyreki.

²³ Jesuisi retehemy iwerura-di tahe rarybera taeryd̄ȳna-ò: —Kia iny iaõna aõna sõwemy r̄yireri, tamy Deuxu Iòlõna-ò ralòke isirare. ²⁴ Ieryd̄ȳna mahãdu bede ribedeòtiinyrenyryre irybe-ki. Jesuisi ixityre rarybere: —Waexiboho, isiratyhy rare Deuxu Iòlõna-ò ralòkemy. ²⁵ Kamelo tyyrorenawo-di ralòkemy isirakeki, kia-ribi isiratyhyre iny iaõna aõnadikeki ralòke Deuxu Iòlõna-ò. ²⁶ Tiiboheo bede ratiinyre sõwemy. Widee rarybere: —Mobo tahe iòraru-ribi iny ritakre. ²⁷ Jesuisi iwerora-di retehere tahe rarybera: —Inatyhymy kòaðboka hãbu-ò isiratyhyre. Deuxu-ò tahe ibutumy aõna aõna isiraõre. ²⁸ Pedro rexiranyre rarybere: —Boholake, jiar̄yboho ibutumy rerirenyra araheludunykremy. ²⁹ Jesuisi rarybere tamy: —Inatyhymy adeereny ararybekre. Moõ waluukeki, rybewihik̄y luukeki, kia heka ririkre: heto, taseriõre, tyby tadi-wana, tariõre, tabede, ibutumy ririkre. ³⁰ Wijile itarasamy rarekre: 100 s̄my, 100 seriõre, 100 tybyboho, 100 tadiboheo, 100 tariõreboho, 100 tabede. Iny tamy rarybebinanykre tule. Ijõ bede kanakre tahe taumy t̄ymyra-di tiemy rarekre. ³¹ Tahe sõwere juhu ludu ihewomy ròhònykre. Ihewo ludu ijõ iko-ò ròhònykre.

³² Tiiboheo rydi raòwònyrenyryre Jerusalẽ hãwã-ò. Jesuisi heka rare ikorenymy. Ieryd̄ȳna mahãdu bede ribedeòtiinyre. Tiiboheo Jesuisi riheludunymy ihewo-ribi. Tahe Jesuisi reraõmyh̄y idi rare waõinatxi reurò taeryd̄ȳna mahãdu-wana. Tii rellyre ixityre aõbo ixidee k̄nyikremy. ³³ Boholabenyke inyboho roirenyreri Jerusalẽ-ò. Kowa, jiar̄y Deuxu Riõre Hãbutyhyk̄y, inyõ riwawahinykre Deuxu aõmys̄d̄ȳdu mahãdu wedu-ò, bede ywina eryd̄ȳ mahãdu-ò. Kia warubud̄ȳmy

riwawahinykre tori-ò. ³⁴ Tiiboho kidiwalahikre. Watyre kanarybexinykre. Òhòte-di kidiwahātenykre. Idi tahe kidiwarubunykre inataò txu-dí. Tahe rubu-ribi adexixakre.

³⁵ Joaō, ijō Txiau, wii Zebedeu riòre, tamy nade. Tahe rarybere: —Erydỹydu, kai aōma aō wadeereny biwahinykre. ³⁶ Jesuisi rarybere: —Aōbohe jiarỹ adeereny ariwahinykre. ³⁷ Tahe tamy rarybere: —Kai, aiòlònasỹ-ò kedehemynykreu, aruruwe-ribi aronykre, waseriòre ahywewe-ribi ronykre. ³⁸ Tahe Jesuisi rarybere: —Kaiboho teeryòlemahāte aōmybo texitòenyteri. Kaiboho aōbohe wabemona-di biòbenyke idi Jerusalē-ò adiòkremy wahāredi. Kaiboho aōbohe wasebena-di mohòlebenyke idi jiarỹ anohòkremy wāhāredi. ³⁹ Tiiboho dirawyònyde: —Kohe tulekre. Jesuisi tamyreny rarybere: —Bemona-di ariòkre kaiboho tule idi biòbenykre. Sebena-di jiarỹ adohòkremy, kaiboho tule idi mohòbenykre. ⁴⁰ Tahe mobo wabire ronykre ruruwe-ribi hywewe-ribi kia heka jiarỹle ariwahinyòkre. Kia tahe iyubudỹỹmy rỹireri Deuxule kidiwahinykremy. ⁴¹ Tai debòwiò erydỹỹna mahādu heka Joaō-ò, Txiau-ò tamyreny icy reare. ⁴² Jesuisi tamyreny rryyre tamy kanakemy, tahe rarybere: —Kaiboho teeryteny toriwedu irurusòwe dire. Iny nihikỹ heka inymy deòdu luure. ⁴³ Jesuisi kiamy rarybere: —Kia wese tahe aworeny-ki aòkòkre. Kaiboho aòtxile mobo bòityhynyhykre, ijō iny deòdumy rarekre. ⁴⁴ Mobo juhutyhy rarelekre, deòdumy rarekre. ⁴⁵ Deuxu Riòre Hābutyhyhykỹ nade teòdu sòwekemy aòkò tahe ixilemy reòdunykemy. Nade taumy wahidỹỹmy sòwemy iny tarasamy.

⁴⁶ Idi tahe roire Ijeriò hāwā-ò. Jesuisi taerydỹỹna-wana iny sòwehekỹ-wana ròhònyrenyra. Tahe rahare Bartimeu ruetàhàkỹ-kí. Bartimeu tahe Timeu riòre rare. Tii ronyre rywe-ribi aōna aōnamy rexitòenyteri. ⁴⁷ Tii roholare Jesuisi Nazare ludu kia rare tahe tamy rryyra: —Jesuisi, Davi riòre, wadee maruxetòekre. ⁴⁸ Sòwemy tamy rarybere: —Rybeòmyke. Tahe aōhe-wana tii rarybemyhỹre: —Davi riòre wadi mawotòeke. ⁴⁹ Jesuisi rryyre tahe rarybere: —Tamy byryke wadee kodoikemy. ⁵⁰ Tahe rexitareu rỹire, wylemy nade Jesuisi-ò. ⁵¹ Jesuisi tamy rarybere: —Aōmybo kai taruteri adee ariwahinykremy. Tahe hābu ruetàhàkỹ tamy rarybere: —Wawedu, ixityre arobikremy. ⁵² Jesuisi tamy rarybere: —Makre, atyhydỹỹna kai arateytenyra. Kialehe rare. Aōwesele ixityre tii robire. Tahe Jesuisihemy rare, ryki.

11

¹ Jerusalē iòhòmy ritehemynyrenyreu, tahe inatxi taerydỹỹna riteònyra hāwā-ò. Inatxi hāwā-ò iòhòmy, Betabaji, Betỹnia-wana. Kia-ò Oliveira hāwālò roire. ² Jesuisi rarybere: —Kaiboho boikre kowa hāwā-ò. Kowa-ò birònykreu jumentinho mahabenykre. Moheka ityre rariaòlemy ratximyhỹre. Bieseke, wadee bididyke. ³ Inyò adeereny rarybekeki: —Aòhekremybo idi atxitenyteri. Tahe tamy marybebennykre: —Wanyrỹ tuu rurureri. Ixityre kaò kidiòkesedỹỹnykre. ⁴ Tahe hābu roire. Jumentinho ryro hetoiò-ki ritisanymy rỹimyhỹ. Tai riesere. ⁵ Kia hāwā mahādu rarybere: —Aòherekibo jumentinho kaiboho tetatenyta. ⁶ Tai tiiboho Jesuisi rybe tamy riwahinyra. Tai hāwā mahādu jumentinho riwahinyre. ⁷ Tahe ridyreny jumentinho Jesuisi-ò. Tiiboho tatyreny ritidirenyre jumentinho tyremy. Tiiboho risỹnyrenyre Jesuisi ityre-ò. ⁸ Ijòboho tahe

horerule ritidire ryromy, ijõ tahe tauwõhi ryromy ritidire ityre rariakemy. ⁹⁻¹⁰ Ihewo ludu, iko ludu rawyhyrarõnyreri, tule ryrereri: —Tii heka wowydyna rare. Tii heka Wanyrÿ niwesekey naderi. Wowydyna rare iny labie Davi Iõlõna. Kai Iõlõna kanakre. Wyhyrarõ biu-txi kodoholakre.

¹¹ Kia wese Jesuisi ralore Jerusalẽ-ò. Dohodÿÿna heto-ò ralore, ibutumy retehere, idi tahe rõhõnyre txiorotyhyreki. Tahe Betÿnia-ò roirenyre.

¹² Ijõ txu biõwamy tahe Betÿnia-ribi rexitarenyreu tahe tii rama rahure.

¹³ Òwõru figueira rademy robirenymy irehe-ribi. Tahe tamy ritehemynyreu iraty-ki raharenyõlere, aõmyreki figueira raty bededÿÿnanamy aõkõ bede rÿimyhÿre urenana. ¹⁴ Òwõru figueira-ò Jesuisi rarybere: —Tiu heka moõ araty ritõõtyhy. Tahe ierydÿÿna roholare.

¹⁵ Tahe ritehemynyrenyre Jerusalẽ hãwã-ò. Tahe Jesuisi dohodÿÿna hetowo-ò ralore. Tahe kia-ribi aõna aõna-di rohonymyhÿre mahãdu, õbradu mahãdu diteõnyde. Tahe nieru wibydÿÿdu mahãdu, òwõrubesedÿÿ-di Jesuisi rehure. Bõtõe dinodu mahãdu rynana-di Jesuisi rehure. ¹⁶ Inyõ heka ritxydÿÿnyõlere dohodÿÿna hetowo-ki.

¹⁷ Rierynanymyhÿre tahe tamy rarybere: —Raritudÿÿõlemy aõbo rÿireri: Waheto kõaõboka inatyhymy ibutumy iny wixira wixira dee ixitõedÿÿna hetomy rÿirakre. Waheto tewinytenyte wasidu hetowesele.

¹⁸ Bede ywina erydÿÿ mahãdu, Deuxu aõmysÿdÿÿdu wedu mahãdu roholarenyreu, rõhõtinyrenyre: —Timybo inyboho Jesuisi rubudÿÿmy roki-wisÿnykre. Tiibohe ruberumyhÿrenyre iny sõwemy dori bede riõtiniymyhÿ ibedeerydÿÿnareny-ki.

¹⁹ Txioromy dehemynydeu, tiibohe rexitarenymyhÿre hãwãhãkÿ-ribi.

²⁰ Txu rõhõny-di, rehemynyrenyre òwõru figueira-ò. Tiibohe robirenyre rarubumy rÿireriò, taru-wana, tararoti-wana. ²¹ Pedro ixi-txi tõhõtì reare tahe rarybere: —Erydÿÿdu, betehe inihe aõma òwõru figueira rarubumy rÿire arybebina-di tamy tarybetaki. ²² Jesuisi dirawyõnyde: —Kaibohe Deuxu bityhynymyhÿbeny. ²³ Inyõ rarybekeki kaa bede ratõhõkÿ-ki: —Kai myike, adi adehu rÿikre berohokÿ-ki. Tahe irybe heka kedelekre. Tai inyõ rityhynykeki, tumy heka kedelekre. Tahe uritere iseõdÿÿõmykre urile bityhynykre, irybe heka kedelekre.

²⁴ Iurenana adee ararybekre: —Aõtxile aõ bexitõenykre, kia heka bitakre. Bityhynykeki, inatyhymy bitake. ²⁵ Kaibohe texitõenytenyteri wana aõbo inydee aky reamyhÿre kia biixãwididÿÿnymyhÿke ratximyhÿre, Deuxu dori riixãwididÿÿnyke aõraruren-ribi. ²⁶ Kai iny wixira õraru biixãwididÿÿnyõkeki, boo biu-ki ratximyhÿre aõraru riixãwididÿÿnyõkre.

²⁷ Tiibohe ixityre doide Jerusalẽ hãwã-ò. Ririranymyhÿrenyreu dohodÿÿna hetowo-ki, bede ywina erydÿÿ mahãdu, Deuxu aõmysÿdÿÿdu wedu mahãdu, matuari mahãdu tamy doide. ²⁸ Tiibohe tamy ritÿÿraxirenyre: —Mowe ateõdÿÿdu kia aõna aõnamy tatÿÿnymyhÿte.

²⁹ Jesuisi dirawyõnyde: —Adeereny tule araÿraxikre. Kaibohe bidiwawyõnykeki, tahe jiarÿ akoreny ÿraxina arelyykre, aõrurudibo aõna aõna rewinyymyhÿre. ³⁰ Tahe Jesuisi ritÿÿraxinyre: —Ratysebedÿÿna, Joaõ hõrõ, kia heka tiribibo nade, biu-ribi ada hãbu mahãdu-ribi. Kia manarybeke. ³¹ Tiibohe widee rarybera: —Biu-ribi inybohe raryberenykeki, tai tii rarybekre: —Aõherekibo tahe tii tetyhynytenyõte.

³² Hãbu-ribi inybohe raryberenykeki, iny aruberumyhÿrenykre. Ibutumy

iny rityhynyre Joaõ heka Deuxu rybedu raremyhÿ. ³³ Tai tahe tiiboho raryberenyre: —Inyboho reeryõrenyre. Tai tahe Jesuisi rarybera: —Hebo, jiarÿ adee arelyyõtyhy modeõdÿÿdubo jiarÿ watzireri.

12

¹ Iribi tahe Jesuisi tamyreny ijyy-di riernanymyhÿre: —Hãbu uva oworuõ wese ròbròre. Tahe riõtitynyre. Tahe hãloo riare oworuu-betya-ki, ruÿdÿÿnymy. Tahe utò riwinyre. Idi tahe rihuõtere hãbu mahãdu-ò. Tahe rexitare tasÿ-ribi ijõ bede-ò. ² Tahe bederatysiredemy bededÿÿnana rehemynyreu, iwedu teõdu riteõnyre bederaty ritakemy. ³ Huõtedu mahãdu teõdu rimyrenyre, rihetenyre tahe riteõnyre ixihyykemy. ⁴ Ixityre oworuwedu teõduõ riteõnyre. Kia heka irati rihetenyre ta tamy rawobinarybenyre. ⁵ Ijõ riteõnyre. Kia heka rirubunyenyre. ⁶ Tahe oworuwedu iriõre sohojilere, tahe iluummy raremyhÿ ihewomy tii riteõnyre. tahe wedu rarybere: —Wariõrele heka tiiboho rityhynyrenykre. ⁷ Kia huõtedu mahãdu widee raryberenyre: —Kia heka wedu aõna aõna tarasadu rare. Rikirubunykre tahe iaõna aõna inydeerenykre. ⁸ Tahe rimyrenyre idi rirubunyre tahe idi rehurenyre oworu-ribi. ⁹ Jesuisi ritÿÿraxinyre: —Aõhebo tahe oworuwedu rotÿÿnykre. Tii kodoikre huõtedu mahãdu hudumy, tai tahe oworu riwahinykre inywitzira-ò. ¹⁰⁻¹¹ Ritina-di aõbo tariaõletenyte kia ryberiti:

—Mana-di hetowidÿÿdu rehura. Kia mana heka hetohãtxi-ki ritidimy doide. Kia heka Wanyrÿ riwinyre kia iny ruereny dee aõna aõna nihikÿ rare.

¹² Tai ijohonadu mahãdu Jesuisi mynymy ratximyhÿ tii dori rierye ixidee lau Jesuisi ijyymy relyymyhÿre. Tiiboho ruberurenyre iny sõwehekÿ lau. Tahe rexitarenyre, rexixãwidinyre.

¹³ Idi riteõnyrenyre Lahi rybe-di erydÿÿdu mahãdu, Herodi mahãdu-wana tamy imynamy irybe-ki. ¹⁴ Tiiboho rarybere Jesuisi-ò: —Erydÿÿdu, jiarÿboho araerymy adi watxiwãhãrenyre kai inatyhy hãbu tate. Iny ibutumy adee wiwese wiweselere. Inatyhymy iny-ò Deuxurymy teernanymahãte. Tahe tiiboho ritÿÿraxinyrenyre: —Awire aõbo ada ibinare aõbo nieru rawahinymyhÿre bede dinodu-ò. ¹⁵ Timybo tahe, rikiõwyny aõbo ada aõkõre aõbo. Jesuisi rierymyhÿre tõhõtinanareny, tahe ritÿÿraxinyra: —Aõherekibo kaiboho tiwaurihitenyteri. Wadee womati nieruõ bidiwy waitxerenamy. ¹⁶ Tahe tamy diwydenyde. Tahe tii ixityre ritÿÿraxinyra: —Kawe moõ tyytarasana rare, katahe moõ tyyritina rare. Tiiboho dirawyõnyde: —Kiahe bede dinoduhõrõ rare. ¹⁷ Jesuisi rarybere: —Hÿdebo, bede dinoduhõrõ tahe tamy biwahinybeny tule tahe Deuxu aõna aõnahõrõ tamy biwahinybeny. Tiiboho bede riõtiniyrenyre.

¹⁸ Saduseu mahãdu tamy nade. Kia heka iny rubu-ribi rexixamy aõkõre-riki riernanymyhÿre. Tiiboho ritÿÿraxinyre Jesuisi: ¹⁹ —Erydÿÿdu, Moisesi raritinyra bede ywina-di: —Hãbuõ rurukeki, tahãwyy iriõre ijõdiõkeki, tahe kia hãwyy tahãbu seriõre-wana roike. Iriõredikre taseriõre rubuõwymy roikre. ²⁰ Seriõre debõinatxi reurõmy raremyhÿ. Juhuu ijõ roire hãwyy-wana. Tahe tii rurure iriõreõlemy. ²¹ Tahe ihewo ludu iseriõre wytese-wana roire. Tii rurure iriõreõlemy. ²² Ihewoludutyhy tule ibutumy roire wytese-wana, tahe ituerenyre iriõreõlemy. Iròõbmy tahe hãwyy tule rurure. ²³ Ixixanau tahe

mohābubo tuu rarekre. Ibutumy dori wytese-wana roire. ²⁴ Tai tahe Jesuisi tamyreny rarybere: —Kaki kaiboho teōsamy toite aōma ritina teeryōtenyteki. Tule Deuxururu teeryōtenyete. ²⁵ Ixixanau heka moō roiōtyhy. Ibutumy iny ŷju wese rarekre biu bede-txi. ²⁶ Kaiboho aōbo tatyryritinytenyōta iny rubu-ribi kedexixakremy. Kia heka raritinymy rŷire Moisesi tyyriti-ki, òwòrusōmo ijyy-ki rŷimyhŷ. Iwese Deuxu rarybere Moisesi-ò: —Jiarŷ heka Abraō Deuxu rare. Ijai Deuxu rare. Ijaò Deuxu jiarŷ rare. ²⁷ Jiarŷ heka rubu mahādu Deuxu aōkō rare, tahe iru mahādu Deuxu jiarŷ rare. Kaiboho teōsamy toite.

²⁸ Bede ywina erydŷŷ mahāduō nade ijohonamy. Tahe tiiboho widee rarybereny roholareu, Jesuisi tamyreny rirawyōnywihikŷreu, tahe tii Jesuisi-ò ritŷŷraxinyre: —Tibo rybe bede ywina juhuure. ²⁹ Jesuisi rirawyōnyre: —Ka heka juhu ludu rare: —Boholake Israeli mahādu, judeu ijoi mahādu wahe. Wanyrŷ, iny Deuxu sohojile rare. ³⁰ Kia aDeuxu luuke ibutumy awo-ribi, aumytytyby-ribi, ibutumy aruru-ribi. ³¹ Ka heka ihewo ludu rare: —Kai abireluduluuke iwese ixiluuke wese. Ijō bede ywina heka ka ratyreōre. ³² Tahe Bede ywina erydŷŷ mahāduō rarybere: —Inatyhymy kai tarybeta. Deuxu heka sohojile ratximyhŷre. ³³ Ibutumy awo-ribi iluukemy. Ibutumy aruru-wana iluukemy. Tule ibutumy aeryna-wana iluukemy. Iwese kai ixiluure wese, abire ludu mahādu luukemy. Kia heka ibutumy iròduxiweloo ratyre rare. Ibutumy wahidŷŷnaloodŷŷna ratyre rare. ³⁴ Jesuisi rieryre kia hābu rirawyōnywihikŷre tai tamy rarybere: —Kai heka Deuxu Iòlòna-ribi irehemy aōkō. Tai tahe ibutumy ilau ruberure tŷŷraxidŷŷki.

³⁵ Jesuisi dohodŷŷna heto-ki rierynanyhŷreu, rarybere: —Timybo Bede ywina erydŷŷ mahādu rarybemyhŷre Kristu Davi riòre raremy. ³⁶ Davi rarybere aōmybo Deuxu Tyytybytyhy tamy narybedemy: —Wanyrŷ rarybere Wanyrŷ-ò: —Bodony warurunawe-ribi. Txiòhe rare, aòludu awarawo-txi aritidikre. ³⁷ Tahe Davile Wanyrŷ rininire. Timybo tahe Davi iriòremykre. Tahe iny sōwemy deysana-di roholarenyre.

³⁸ Tii rierynanyhŷreu, rarybera: —Bexiemyhŷbeny bede ywina erydŷŷ mahādu lau. Tiiboho heka tyyrehe-di riraluurenyre. Tiiboho heka rybedŷŷluurenyre hāwāhākŷ riranaki. ³⁹ Dohodŷŷna heto-ki juhurnana luurenyre. Tule ta anarŷŷ rŷiwana, juhu ryanadile tamyreny awire. ⁴⁰ Tiiboho tule wytese urimynydu aōna aōna ritarenyre. Ixitòedŷŷna rehehekŷ rexitòenymyhŷrenyre. Tiiboho heka aōnihikŷmy aōhōkŷmy dŷŷnana riòwynyrenykre.

⁴¹ Jesuisi retehemy rŷimyhŷ dohodŷŷna heto nieruhyna ratya-txi. Tii retehere timybo iny sōwemy tanieru-di tamy rehumyhŷ. Tahe ity-hynihikŷ tamy sōwemy nieru-di rehure. ⁴² Tahe nade wytese iaōkōdu mahāduō tii rare. Tii inatxi nieru sōmo-di rehure. Tanieru tahe nierukonana rare. ⁴³ Jesuisi ryryre taerydŷŷna-ò: —Inatyhymy adee araybekre. Kowa heka wytese nieru-di rehure ibutumy iny wixira ratyre. ⁴⁴ Kaa mahādu ibutumy nieru-di rehure rauhenyredile. Tahe wytese idi rehure ibutumy tanieru-di rexihumy taumy-ribi idi rehure.

13

¹ Dohodŷŷna heto-ribi ròhònyreu, ierydŷŷna tamy rarybere: —Erydŷŷdu, beteheke inihe mana nihikŷ-ò, hetohokŷ-ò. ² Jesuisi

rirawyònyre rarybere: —Kaiboho betehebennykre heto nihikỹ-ò. Kia heka mana ijò wityre-ki rỹiòtyhy, ibutumy heka kedejuxynykre.

³ Oliveira bederatòhòkỹ-ki tii ronyreu dohodỹyna hetoko-txi, tahe Pedro, Txiau, Joaò, ibutumy tamy doide rỹyřaximy iny-ribi irehemy.

⁴ Wakoreny bedelyyke, tiubo kia kỹnyikre. Ibutumy aõna aõna kỹnyikre wana tibo iny bedeerynyrenykre. ⁵ Jesuisi rexiranyre tamyreny rarybere: —Kaiboho anaitxenanydenyheny lau bexiebennykre. ⁶ Sõwemy dori roikre wanimy rarybemy rarekre: —Jiarỹ dori Kristu rare. Tahe iny sõwemy anaitxenanykre. ⁷ Kaiboho wounarybe-ò, aõbinarybe-ò, boholakreu, breburenyõmykre. Kia heka kanakremy ratximyhỹre. Urile bededỹynana ikonanamy aõkõhyylemyhỹre. ⁸ Uritere inylahinareny, ijõlahinareny-wana wii kidiaõbinanykre. Tule iòlòna mahãdu ijõ iòlòna mahãdu-wana wii kidiaõbinanykre. Bede bedesu ijõ hãwã-ki kanamytatakre. Tahe aõkõre rama kedeakre. Kia heka juhu aõhòkỹmydỹỹnana rarekre.

⁹ Kai bexiekre anamydenyheny lau. Tiiboho anawahinydenykre aòludu wedu-ò, iòlò-ò. Tiiboho anahatenydenykre dohodỹyna hetowo-ki. Kiabohoko-txi wadee kaiboho kedelyykre inatyhymy aõna aõna rỹiremy.

¹⁰ Rybewihikỹ juhuhu ibutumy bede hãwã hãwã-ò kiditynydỹỹnykre.

¹¹ Tiubo aradyrenykeu, urile nohòtiõmy aõbo kaiboho marybebennykre. Kiautyhyle aõmybo rarybekremy bierykre. Kia tahe marybekre. Kai dori aõkõ tarybemahãte, Deuxu Tyytybytyhy tahe rarybemyhỹre. ¹² Seriore seriorele wii kidirubunykre. Tyby heka tariore kidirubunykre. Uladule tadi, tyby kidirubunykre. ¹³ Ibutumy heka iny iy kedeakre wani òraru-ki. Kia heka ikonana-ò riijekreu, taumy tarasanakre.

¹⁴ Aõna aõna binahakỹ kanakreu, ibutumy rahukemy. Tiiboho kanakeu itxinonana-txi aõkõ rarekemy, kaiboho mahenybenykre bederatòhòkỹ-ò, Judeia hãwã hãwã-ki ratxikeki, mahenybenykre. ¹⁵ Inyò hetotyre-ki ratxikeki, urile ròteõmy aõna aõna wydysymy. ¹⁶ Inyò bedero-ki ratxirekeki, uritere òkeseõmy tyy òrysymy. ¹⁷ Kobexe heny hãwyy bòtõmy rỹira, tule hãwyy tariore ritõnymy rỹira. ¹⁸ Bexitõnykre kia kanaheny bededỹynana sirau. ¹⁹ Aõhòkỹmydỹỹnana kanakre tiu heka tuuõre. Juhule Deuxu bede riwinyreule wiji tuu yrubule bede roimyhỹre. Tiu heka kiamy bede roiõtyhy aõhòkỹmydỹỹnanamy. ²⁰ Deuxu bede iòhõmy riawetyyòròkeki, moheka irumy ròhònyõtyhy. ²¹ Inyò adee rarybekeki: —Kaki heka Kristu ratxireri. Kowa-ki ratxireri. Uritere ityhydỹỹõmy. ²² Sõwemy Kristu kanakre, urile Kristu inatyhy aõkõ rarekre. Tule Deuxu rybedỹỹdu kanakre. Kia Deuxu rybedỹỹdu inatyhy aõkõ rarekre. Tiiboho heka bedeõby riwinykre tule bede eryna. Deuxu hõrõ riitxenanykemy inatyhymy kõaõboka. ²³ Kaiboho warybe biyrubunykre. Adee ibutumy juhuule reòbitinyre.

²⁴ Idi webòhòna rỹira txuu, aõhòkỹmydỹỹnana itue-di, txuu heka rurunykre. Ahãdu tule rurunykre.

²⁵ Taina heka kedejuxunykre biu-ribi. Biururu raðweðwenykre.

²⁶ Iny retehekre Deuxu Riore dehemyynana-di. Biurawetyky-ribi kodobehekre. Kia heka lobixina kanabòtòranykre. ²⁷ Tahe taỹju kiditeõnykre tawedu ijoihõrõ butudỹỹmy.

Kidibutunykre ibutu bede bede konana-ribi, tule ibutu biukonana-ribi.

²⁸ Tahe figueira òwòru-ribi erydỹỹna bierybenykre. Tahe iruru raixinykre tahe, txiru ròhònykre, tai tahe bierybenykre wyra iòhòreri.

²⁹ Tule kia aõna aõnamy bobibenykreu, tii iòhòlereri. Ijòkile wese nyide. ³⁰ Inatyhymy adee ararybekre, kia wijinabòdu itueòtyhy aõna aõna rÿikre hãrele. ³¹ Biu, bede-wana ituekre, tahe warybe itueòtyhy. ³² Moõ heka rieryòtyhy tiubededyñnanamybo tii kòdòðekre. Tule yju biutxile rieryòre. Tule iriòre rieryòre. Tule tyby sohojile rieryre.

³³ Kaiboho bexieke, beteheke. Kai dori teeryòtenyte tiubededyñnanamybo kòdòðekre. ³⁴ Kedehemynykre dori iwese hàbu tÿimy rarewese tii rexitareu, ririre tadeòdu. Tadeòdulemy tule ridyre itxeredu retehemyhÿkemy. ³⁵ Tahe betehe inihe teeryòteri dori tiubo kanakre heto wedu, txioromy ada ruwetya aõbo, ada hãnie hàbu rryry-di aõbo, ada txumy aõbo. ³⁶ Betehe inihe iny araraòòlemy tii rehemynyre aki rahakre atÿi-ò. ³⁷ Aõna aõnamy jiarÿ rarybemyhÿre, rarybera ibutu-ò: —Biijebeny.

14

¹ Kia-ribi inatxi txumy riuhenymy ratxireri anarÿÿ kodohònykremy. Kia anarÿÿ wehityhynamy heka iny ratya-di reare. Tule orotxu anarÿÿ kia ròhònyre. Tule Deuxu aõmysÿdÿÿdu wedu mahãdu tule bede erydÿÿdu mahãdu Jesuisi rimykemy ratxireri idi rirubunykemy. ² Tiiboho rarybemyhÿrenyre: —Kiahe aòkòre anarÿÿ rÿireriu, iny sòwemy inydeereny kana aõbinanyheny.

³ Jesuisi Betÿnia hãwã-ki ratximyhÿu, Simaõ tyybina heto-ki ratximyhÿre. Jesuisi òwòru besedÿÿbire-ki roimyhÿ. Tahe hãwyy aderòna òwynihikÿ-di lÿnyrena wihikÿ-di nade. Tai ihyna riwebòhònyra tahe Jesuisi ratityre-ò ritxiwira. ⁴ Inyòreny rexykaranyke. Tahe widee rarybera: —Aòherekibo aderòna rahura. ⁵ Inywitxira tahe iòwynykewi sòwemy nierumy kia-ò. Kia nieru-di tahe iny aòkòdu-ò rawahidÿÿnykre. Tahe tiiboho rexibynyre hãwyy dee. ⁶ Tahe Jesuisi rarybere: —Txiòhe rare, uritere ixibydÿÿòmyke. Tii heka aòwihikÿbo wadee riwinyra. ⁷ Kiamy aõu aõu iny aòkòdu rÿikremy. Aõule heka tamy aòwihikÿ biwinybenyke. Jiarÿ tahe, aki aõu aõu aòkòlekre. ⁸ Tii heka rexonananyre ròwidÿÿre. Aderòna-di watyre ritxiwire wabede-ò jiarÿ raòule. ⁹ Inatyhymy adeereny ararybekre. Aòtxile Deuxu Rybewihikÿ iny relykre. Kia-ò kahãwyy ijyymy relykre, ibutumy iny idi ròhòtynykemy aõbo riwinyredi.

¹⁰ Tahe Judasi Isariò Deuxu aõmysÿdÿÿdu-ò rara Jesuisi tamy rawahidÿÿkemy. ¹¹ Tiiboho tamy roholarenyre, reysare. Tahe tamy nieru riwahinykemy riurenanyre. Tahe Judasi riijemyhÿre aõu aõu bedewihikÿ tamyreny riwahidÿÿnykemy.

¹² Juhu orotxu anarÿÿtxure budoeni xiweloo rirubuny rahudi tahe Jesuisi erydÿÿna mahãdu tamy rarybere: —Titxibo anarÿÿ rÿsÿnamy biroxikemy atxiteri. Jiarÿboho kowa-ò aroikre. ¹³ Tahe Jesuisi tamy rarybere: —Kaiboho boikre hãwãhãkÿ-ò. Tahe hàbu-wana wii biòbynykre butxi-di riwyreriò. Tahe tii biheludunybeny. ¹⁴ Aòtxile hetoò-txi ralòke, kaiboho marybebennyke hetowedu-ò: —Waerydÿÿdu rarybera: —Titxiwexe anarÿÿ rÿsÿna arirÿsÿkre waerydÿÿna-wana. ¹⁵ Tii heka adee kiditeòsinykre hetowowitxiraò biu-txi. Ibutumy rexihumy rÿire inydeereny. Kowa rÿsÿna inydeereny biwinykre. ¹⁶ Tahe ierydÿÿna rexitare. Roire hãwãhãkÿ-ò. Tahe ròhònyre iwese Jesuisi relyre wese. Tahe ibutumy rexihurenyre anarÿÿ-ò.

¹⁷ Txiorou Jesuisi nade taerydÿÿna waòinatxi reurò-wana. ¹⁸ Tiibohe òworubesedÿÿ riroximahãu, Jesuisi rarybere: —Kaibohe wawana terox-itenyteri sohojiò biwawahinykre. ¹⁹ Tahe urihimyo rexiranyre rabedewomy. Tahe wídee raryberenyre: —Jiarÿle heka ariwahinykre. ²⁰ Tii rirawyònyre: —Kaibohe, waòinatxi reurò mahãdu sohojiò. Kia mahãduò orotxu-dí wawana rebenymyhÿ besero-ki. ²¹ Inatyhymy Deuxu Riòre Hãbutyhyhykÿ rakre iwese iritina rÿirewesele. Kobexeheny kowa hãbu heka kidiwahinykre. Tamy iny awire kedeaoñede.

²² Tiibohe riroxireriu, Jesuisi orotxu rimyreu, raorore, rexitòenyre, tahe tamyreny riwahinyre. Rarybere: —Ãhãxe, kia heka waumy wese rare. ²³ Tahe vÿihynamona rimyre, rexitòenyre, tahe tamyreny riwahinyre. Ibutumy ibute bute iribi tuu riòrenyre. ²⁴ Tamyreny rarybere: —Kia wãhãlubu wese rare. Kia hãlubu heka rybe tÿmyra ywidÿÿna hãlubu rare. Kia inybohe kidinohòtijuadenykre. Wahãlubu heka kedejuxunykre iny rabòrònihikÿ dee. ²⁵ Inatyhymy ararybekre: —Ariòòtyhy heka òtetibederatyrube tÿmyra ihyy tahe tiutxumybo Deuxu Iòlòna-ki ariòkre.

²⁶ Deuxuwimy rawinyrenyreu, tahe rexitarenyre Oliveira bederatòòhòkÿ-ò.

²⁷ Jesuisi tamyreny rarybere: —Kaibohe ibutumy wijirumy biwaribenykre. Kia heka iritina rÿire.

Itxeredu tahe riròrenykeki, budoeni rahenykre.

²⁸ Tahe rubu-ribi adexiakre, arakre akomy Kalileia-ò. ²⁹ Pedro rarybera Jesuisi-ò: —Ibutumy ararikeki, arariòtyhy. ³⁰ Jesuisi tamy rarybera: —Inatyhymy ararybekre. Wijirumy hãniehãbu inatxi kydyrykreule, kai iny witxira-ò biwatxiònykre inataò bedemy. ³¹ Tahe Pedro rarybera tarurutyhymy: —Aòkòre, aratxiònyòtyhy, ihãrele tahe awanale arurukre. Ijò mahãdu tule kia wese rarybera.

³² Tahe roire Kesemani hãwãmy ninadu-ò. Taerydÿÿna-ò rarybera: —Biwaraòmy bonykre kakile. Kowa-ò arexitòenykre. ³³ Tii ridyrenyre Pedro, Txiau, Joaò-wana. Jesuisi rexiranyre rabedewomy ihyy rexitòenyre. ³⁴ Tahe tamy rarybera: —Watyytyby heka rabedewomy ratxireri rubuhyy-ò. Kaki bonykre biijemy. ³⁵ Tahe iko-txi urihimyo rareu, resere. Rexitòenyre: —Waha, adee arexitòenykre. Adee awikeki, kia òraule tiu waròteòna. ³⁶ Tii rarybere: —Waha, adee ibutumy isiraòre. Kia bemona inyhe waròbi bitake inihe. Tahe wadeewi wadeewi-ki aòkò watxireri, tahe adeewi-ki. ³⁷ Tii rehemynyre tai rahare ròròrenymy roireriò. Rarybere Pedro-ò: —Simaò, Taròteri aòbo. Biijeòtyhy sohoji òramy bededÿÿnana. ³⁸ Biijebenykre, bexitòenykre, uritere rutaanamy ròteòmykre inatyhymy atyytyby irurudire tahe ade iruruòre. ³⁹ Tahe Jesuisi ixityre rare rexitòenyre ixiwesele. ⁴⁰ Ròòsereu, ijò-ki rahare ròròmy ixiwesele, irurureny rautxienymyhÿ dori. Tiibohe rierykòre idi rirawyònyrenyre. ⁴¹ Tahe ixbyble ròòsere tahe rarybere: —Moròbeny bexielehnybeny. Òra iòhòreri. Kia heka Deuxu Riòre Hãbutyhyhykÿ kanawahidÿÿkre òrarudu mahãdu-ò. ⁴² Bitÿmynybenyke, rokoireny, walòsedÿÿdu iòhòmy rareri.

⁴³ Tii rarybereriu, aòwesele Judasi nade. Kia heka waòinatxi reurò mahãduò rare. Tii-wana doide hãbu mahãdu mayrehe-dí, òhòtemy debòna. Kia heka hãbu mahãdu doide matuari mahãdu-ribi, Bede wyna erydÿÿ mahãdu-ribi, Deuxu aòmÿsÿdÿÿdu wedu-ribi. ⁴⁴ Lòsedu tamyreny juhuu bede eryna riwahinyre. Kawese heka rarybere: —Kowa heka

inyõ-ò aruwokre, tii heka hãbu rare. Bimybenykre, birarenybenywi-hikỹkre. ⁴⁵ Judasi rehemynyrenyreu, tahe rarybere: —Wedu, wedu. Tahe tamy ruwore. ⁴⁶ Juda ijoi Jesuisi rimyra. ⁴⁷ Kia ijoiõ mayrehe ritare tahe Deuxu aõmysỹdỹỹdu wedu deõdu nohõti riorore. ⁴⁸ Tahe Jesuisi dirawyõnyde: —Kaiboho mayrehe-di tiwaõrynyteri wasidu-wesemy aõmy, òhòte-di. ⁴⁹ Jiarỹ tahe dohodỹỹna heto-ki watximyhỹ txuõ txuõlemy adeereny araerynanywãhãdenyde. Kowa-ki heka tiwamyõlemyhỹtenyte. Tahe aõbo iritina-ki rỹireri, kia heka kỹnyikremy. ⁵⁰ Ibutumy ierydỹỹna mahãdu ririrenyre, rihenyrenyre.

⁵¹ Kia heka hãbuõ riheludunymyhỹ tyy tayredile rexitynymy tiiboho ridyrenyre. ⁵² Tii tahe tyy ririre tahe rahenyre tadelemy.

⁵³ Deuxu aõmysỹdỹỹdu wedu-ò tiiboho Jesuisi ridyre. Bede ywina erydỹỹ mahãdu, matuari mahãdu-wana ributunyre. ⁵⁴ Pedro riheludunyre irehetyhytyhymy. Rehemynyre Deuxu aõmysỹdỹỹdu wedu heto-ò. Tai tahe ixitõteenymy heõtywera-ò rorukumyhỹ heto itxeredu mahãdu-wana. ⁵⁵ Deuxu aõmysỹdỹỹdu mahãdu wedu, tule dohodỹỹdu mahãdu alobixidu riijemyhỹre aõlemy Jesuisi òludu relyymyhỹre, Kia òraru-ki rirubunyrenykemy. Rahaõre. ⁵⁶ Sõwemy iny ruimy relyymy rỹimyhỹ. Iruinareny wiribi hitxi hitxilera. ⁵⁷ Ijõ mahãdu rỹimyhỹre relyyrehãre ruimy rarybere: ⁵⁸ —Inyboho irybe-ò roholarenymy: Jiarỹ heka dohodỹỹna heto ariixãwididỹỹnykre kia heka hãbu iwidỹỹna rare. Txu inataõ-di ijõ ariwinykre iwidỹỹnaweseõre. ⁵⁹ Kia heka aõmybo tuu relyyrenyremy irybe wiribi hitxi hitxire. ⁶⁰ Deuxu aõmysỹdỹỹdu mahãdu rỹire inysõwetya-txi. Tii Jesuisi ritỹỹraxinyre: —Kai aõbo biwarawyõnykre aõmybo relyyrenyneri adee òludumy. ⁶¹ Tii rerawyõnyõlere ixiby tahe Deuxu aõmysỹdỹỹdu mahãdu ritỹỹraxinyre: —Kai aõbo Kõristu tate, Deuxu wityhy riõre. ⁶² Jesuisi rarybera: —Jiarỹ heka. Kaiboho betehenykre Deuxu Riõre Hãbutyhyhykỹ Deuxu rurunaweribi-ò ronyreri. Kaiboho tii

betehebenykre Deuxu Riõre Hãbutyhyhykỹ biuwetyky-ribi naderi. ⁶³ Deuxu aõmysỹdỹỹdu wedu ityy riykara idi rarybera: —Aõherekibo ijõ alobixidumy iny rururenyneri. ⁶⁴ Kaiboho taholatenyta aõbina binalemy rarybereriõ aõmybohe kaiboho tahõtinyinymyhỹtenyte. Ibutumy heka tawo riraõhõrenyrya rubudukremy. ⁶⁵ Tahe ijõ ityre rybeximy rarutaara rexiruehetynyre tahe tule rihetenyre. Tahe rarybere: —Mota làhà arahãtenyra. Idi tahe heto itxeredu tule rihetenyre.

⁶⁶ Pedro heka ratximyhỹ bedeube-ki tahe ijadõma dehemynde, Deuxu aõmysỹdỹỹdu deõdu. ⁶⁷ Pedro rexitõteenymyhỹ heõtywera-ò tahe ijadõma tamy retehere. Tahe rarybera: —Kai tule Jesuisi Nazare ludu-wana atximahãte. ⁶⁸ Tahe tii rexitxiõnyre: —Jiarỹ reeryõre aõmybo kai tarybeteri. Tahe Pedro hetowo-ribi ròhõnyre. ⁶⁹ Ijadõma ixiby ixiby itxeremy rarybere kowa ijoi-ò: —Kowa heka tii mahãduõ rare. ⁷⁰ Tahe tii ixityre rexitxiõnyre. Ixybyle kowa ijoiõ Pedro-ò rarybera: —Inatyhymy kai ijõ mahãduõle tate. Kai dori Kalileia mahãdu tate. ⁷¹ Tii inatyhytyhyrybemy rarybera: —Jiarỹ reerykõre hãbumy tarybetenyeri. ⁷² Tahe hãnie hãbu ryryra, inatxi hewoludumy. Ta Jesuisi rybe-txi Pedro tõhõti reare. Iwese Jesuisi rarybere: —Inatxi hãnie ryrykredi, ihewoludukomy ryrykre, wadee bedexitxiõnykre inataõmy. Pedro tahe iribi rexitareu, rahinyre.

15

¹ Txuu reareu, Deuxu aõmysỹdỹỹdu wedu, matuari mahãdu, Bede

ywina erydÿÿ mahâdu ibutumy ributumy. Tahe Jesuisi ritaataare tahe ridyrenyrene Pilato-ò. ² Pilato Jesuisi-ò ritÿÿraxinyre: —Kai aõbo judeu iòlò tate. Tii rirawonyre: —Kai ka tuu tarybeta. ³ Deuxu aõmysÿdÿÿdu mahâdu wedu rarybere Jesuisi aõna aõna awimy aõkõ riwinyre. Tahe Jesuisi riwawyònyõhyllere. ⁴ Pilato ixybyle rÿÿraxire: —Kai birawyònyõtyhy aõbo. Kai aõbo taholaleteri aõmybo tiiboho autedé-ò raryberenyre. ⁵ Tahe Jesuisi rarybeõhyllere tahe Pilato urile bede riòtiinymhÿre.

⁶ Kia heka juhuy iny deòwarixina rare hãbu ròteduò ritakemy anarÿÿtxuu. Aõtxile iny tamy rexitòenyke. ⁷ Ròtenawo-ki raremyhÿ inyò Barabamy ninadu-ki. Tii tahe inywitzira aõbinadu mahâdu-wana ratximyhÿ. Kiamy inydinodu òraru-ki aõbina rÿÿreki, tii iny rirubunyrene. ⁸ Iny sòwehekÿky-ki doide, tahe rexiranyre ixitòedÿÿmy: iny deòwarixina kòdòhònykre. ⁹ Pilato dirawyònyde: —Adeereny ariòlòdÿÿnykekõ aõbo ka judeu iòlò. ¹⁰ Tii rieryre dori Deuxu aõmysÿdÿÿdu mahâdu wedu tamy Jesuisi ridyrenyrene iwobinanareny lau. ¹¹ Deuxu aõmysÿdÿÿdu wedu inysòwe riixitòedÿÿnyrene Baraba riòlòdÿÿnykemy. ¹² Pilato ritÿÿraxinyrene ixybyle: —Aõhebo tahe idi arotÿÿnykre. Kai boho tuu teninimyhÿtenyrene judeu iòlòmy. ¹³ Tiiboho rirajuarenyre: —Bitamadÿÿnyke itxeò nihikÿ-ò. ¹⁴ Ta Pilato tamyreny ritÿÿraxinyrene: —Aõbina taka riwinyrene. Aõhe-wana ixityrene rirajuamyhÿrenyrene: —Bitamadÿÿnyke itxeònihikÿ-ò. ¹⁵ Pilato inydee aõ riwahinykemy ròhòtinyra, tai ta Baraba riòlòdÿÿnyrene. Idi tahe Jesuisi riyhytanymy rahudi, riteònyrene itxeònihikÿ-ò riukòrenykre.

¹⁶ Soldado ridyrenyrene heto woube-ò. Tai tahe ibutumy soldado ributumyrene. ¹⁷ Tahe tyysòborehekÿ-di rityynyrenyrene. Tahe ede rataana ritidire ira-ò. ¹⁸ Tahe rirybenyrenyrene: —Adee nihikÿrene judeu iòlò. ¹⁹ Tahe rihetenyrene bòtòre-di irati-ò, tahe ityre rarybexinyrene tahe rÿire tatiowotimy rityhinykemy. ²⁰ Tahe tyysòbore iribi ritara, tahe ityyle tamy ritidira. Inatyhymy ridyrenyrene itxeònihikÿ-ò riukòrenykre.

²¹ Kowa-di rekoarenyrene hãbuõ. Simaõ Sireni inire. Kia heka Alexÿdre, Rufu-wana tyby rare. Tii nade bedero-ribi. Tiiboho tahe riitxyydÿÿnyrene itxeò-di retykemy.

²² Riwyrenyrene bederahy-ò Kòkòta ninadu-ò. Kia heka iwitzira rybe rare. Kia heka rubu ratitybyho wese rare. ²³ Tiiboho vÿi riurinyrene òwòruburu-wana. Tahe tii tuu riòòlera. ²⁴ Itxeònihikÿ-ò raukòrenymy rahudi tahe ityrene wirarea riatyrene, tahe ityrene di rarudeòsanyrene tibo iny sohoji sohoji ityrene riwykemy. ²⁵ Biurasò txu Jesuisi itxeò-ki raukore. ²⁶ Iratya-ki tahe ritina rÿÿre: JUDEU IÒLÒ. Kia heka iny tuu rarybemyhÿrenyrene. ²⁷ Tahe tii-wana inatxi wasidu itxeònihikÿ-ò riherinanyrene, ijõ ruruweribi-ò, ijõ hyweweribi-ò. ²⁸ Tahe rotÿÿnyrene aõbo Deuxu ritina-ki rÿÿre wese: Tii ratximyhÿ òrarudu mahâdu-wana. ²⁹ Iny reareare tara riohowimy rarybere aõbina binamy: —Kobe, kai korihe dohodÿÿna heto biatykemy inataõ txudile tahe ixityrene bidiwinykre. ³⁰ Kaile inyhe bexitakre itxeò-ribi. ³¹ Iwesehyyle Deuxu aõmysÿdÿÿdu wedu, bede ywina erydÿÿ mahâdu-wana widee raryberenyrene. Jesuisinimy raujòmorenyre: —Tii iny witzira ritare, tiile tahe rexitaòtyhy. ³² Kristu, judeu iòlò, bodobeheke itxeò-ribi jiarÿboho arobirenykemy, tai tahe aratyhinyrenykre. Tule wasidu tii-wana raukòrenyrene itxeò-ki Jesuisimy raujòmorenyrene.

³³ Txutyeyu ibutumy bede rurunyre. Tahe roire txu kaò resemý. ³⁴ Kiaule tahe Jesuisi rarybeterenyre: —Elòi, Elòi, lema sabatani. Kia heka iwitxira tybe rare. Kia rare: —WaDeuxu waDeuxu, aòherekibo kai tiwarite. ³⁵ Ijoiò heka tamy roholareu, rarybere: —Tii heka Eliasi-ò ryrereri. ³⁶ Hãbuò reare hexi ritÿxinyre vÿi juberere-di idi tahe ritidire tabòtòrejura-ò. Riwahinyre Jesuisi ritòkemy. Tahe rarybere: —Deinyhe tamy inyhe reketehereny Eliasi kanakremy aòbo inyhe itarasamy. ³⁷ Jesuisi rryyre irariemy idi rurure. ³⁸ Dohodÿÿna hetowetyy raykare inatxi weryna tyymy, biu-ribi, bede-ò. ³⁹ Soldado dinodu Jesusiko-txi ratximyhÿre. Tahe rurureu, irubumy robire. Tahe rarybere: —Ka heka inatyhmy Deuxu riòre rare. ⁴⁰ Tule hãwyy mahãduò retehemy rÿimyhÿ irehe-ribi, tòwysyreny-ki, Marie Madalena, Marie (Txiause, Jyrese tii rare. Txiau heka Jyje hewoludumy rare.) Salome tule ihÿre ijò-wana. ⁴¹ Kia heka Jesuisi Kalileia raremyhÿu, tiiboho tahe sòwemy iny-wana doide Jerusalẽ-ò.

⁴² Txioromyhe dehemynyde. Wirareasanatxu rare. Kia heka sabadotxukokile rare. ⁴³ Jyje Arimatea hãwã ludu dohodÿÿdu nihikÿò rare. Tule heka tii riraòmy ratximyhÿ Deuxu Iòlòna. Tii ruberuòlemy rare Pilato-ò Jesusiumymy ixitòedÿÿmy. ⁴⁴ Pilato rabedeòtiidÿÿnanyre Jesuisi rurumy roimyhÿdi tai rryyre soldado dinodu-ò. Tai Pilato ritÿÿraxinyre, Jesuisi rurumy roimyhÿdi. ⁴⁵ Soldado rarybereu Jesuisi rurumy roiremy tahe Pilato riteònyre Jesusiumy Jyje-ò iwahidÿÿmy, ⁴⁶ Jyje ritare itxeònihikÿ-ribi tahe ritÿtenyry tyyurahãkÿ-di. Idi tahe ritidirenyre mana hãloo wabedewo-ò. Tahe mananihikÿ-di riijòtòbònyra. ⁴⁷ Marie Madalena, ijò Marie Jyrese reteherenyre titxibo tii ritidirenyreò.

16

¹ Tahe nobiutxu, Marie Madalena, ijò Marie-wana ihewoludu Marie, Txiause, Salomese-wana rare. Tiiboho lÿnyrena riòbranyrenyryre. Tahe roire Jesusibymy idi rekoakremy lÿnyrena-di. ² Juhutxu semana bededÿÿnanau txuu deadeule roire wabede-ò. ³ Widee raryberenyre: —Mowexe manna ritakre ijò-ribi. ⁴ Tahe tuu robirenyre. Mana nihikÿ ritam rÿire. ⁵ Wabede-ò rirònyrenyryre, robirenyre weryrybòweselemy rononymhÿ ruruweribi-ò. Ityy urahakÿmy rononymhÿ. Tahe tiiboho bede riòtiinyrenyryre ruberurenymy. ⁶ Tii tamyreny rarybera: —Uritere breburenyòmy. Kaiboho aòbo teòrytenyta Jesuisi Nazare ludu. Kia itxeò-ki rurure. Tii aòkò kaki ratxireri. Rexixara rubu-ribi. Betehebenny inihe tai ritidiraò. ⁷ Makre. Marybekre ierydÿÿna-ò tule Pedro-ò. Tii rakre akorenymy Kalileia-ò kaiboho tuu lobiximy boikre tuu adeereny raryberemy. ⁸ Tahe tiiboho rihenyrenyryre wylemy wabede-ribi ruberumy. Tiiboho moò heka rarybeòhylerenyre ruberumyhÿrenyki.

⁹ Juhutxu semana bededÿÿnau Jesuisi rubu-ribi rexixare. Idi tahe juhuu àsitereribile rexitÿnyryre Marie Madalena dee. Kia-ribi heka juhuule ritare debò inatxi reurò tyytybybinamy. ¹⁰ Tii rare Jesuisi-wana raremyhÿ mahãdu-ò. Tiiboho rabedewomy ratximyhÿreny, rahinymyhÿreny. ¹¹ Tamyreny relyyreu iwese Jesuisi tamy rexitÿnyryre wese Jesuisi irulemy ratximyhÿmy tuu robireke, rityhynyòlerenyre.

¹² Jesuisi rexixamy rahudi tahe, iwitxiramy rexisÿnymy inatxi erydÿÿna-ò. Tiiboho heka roimyhÿrenyryre bedero-ò. ¹³ Tahe dòsede relyrenyryre tajoi-ò, tahe tule rityhynyòlerenyryre.

¹⁴ Tahe waðsohoji reurò erydÿÿna-ò Jesuisi àsitereribile rexitÿnynyre. Tiiboho riroximyhÿrenyò rexitÿnynyre. Tahe Jesuisi tamyreny rarybera: —Aðherekibo kaiboho iny wamy robira mahãdu tetyhynyõteri. ¹⁵ Kaiboho boibenyke ibutumy bede bede-ò Rybewihikÿ bitÿnynykremy. ¹⁶ Inyõ Rybewihikÿ rityhynykeki, idi kidisebenykeki, tii Deuxu ritake. Inyõ rityhynyõkeki, Deuxu ixi-ribi riteðnykre iòraru-ki. ¹⁷ Kia bede eryna ityhydÿÿdu kidiheludunykre. Tiiboho tyytybybina kiditeðnykre wani-ki. Tule heka tiiboho itÿmyra rybe kanarybedenykre. ¹⁸ Hemylala rimyrenyreu, aõhe rotÿÿnyõlere tule rubuna monamy riõkeki, rotÿÿnyõlere. Tiiboho tebò ritidirenykre bina mahãdu-ò tahe riteytenykre.

¹⁹ Idi tahe Jesuisi tarybe rahuredi, Deuxu ridyre biu-ò. Tahe ronyre Deuxu ruruweribi-ò. ²⁰ Tahe tiiboho roire ibutumy bede bedemy tai bede ritÿnynyrenyre. Wanyrÿ riwiðhenanyrenyre tahe bede eryna-di irybe ixidee rimyrenyre ihelududÿÿdu mahãdu-ò.

Luka Deuxu Rybe Wihikỹ Tỹmyra, Luka Tyyritidỹđu

¹⁻³ Wyla, Teòfilo. Adee heka watyriti ariwahinykre timybo Kristu rotỹnyre. Tuu lobixidu mahādu tuu relyymyhỹre-ribi, jiarỹ ire ariòbitinytyhykre. Kia heka jiarỹ adee reritinytyhyỹre, waiòlò, iwese ibutumy reeryrenyre juhu bededỹna-ribi. Aōma inatyhymy kia rotỹnyre rare wahe. ⁴ Kia wese wahe. Iwese iny adee relyyre wese, jiarỹ adee arelyyre inatyhymy aōbo rotỹnyre. ⁵ Zacaria heka Deuxu xiwe wahidỹydu rare, Abia ijoiođ wahe. Iriòrese Isabeli tahe tule xiwe wahidỹđu riokore mahāduō rare. Kiau heka Herodi judeu bedesỹ iòlòmy raremyhỹ, Araō riokore mahāduō wahe. ⁶ Wiwanale heka awirenyre Deuxuru-ò. Òbitihyy heka ratximyhỹrenyre ibutumy Deuxu bededỹnanako-ò. ⁷ Tiiboho iriòreōhyyre. Ihāwyy Isabeli heka rasenadunyre, uladu herina dori awiòre. Ihābu tule ramatuarinyre.

⁸ Aōtxumy tahe Zacaria raaōmysỹdỹnymyhỹre aōma templowo-ki. Kitaxu heka iròtenatxumy bede rỹimyhỹre templowo-ò. Tahe iwo-ki ratximyhỹre. ⁹ Hewydysi lỹnywi ritoonymyhỹ Deuxu kia deàlanamy, iwese riwinymyhỹrewesehyyle. ¹⁰ Iu ahana-ki tahe sōwemy iny rexitòenymyhỹ. ¹¹ Iu Zacaria xiwena ruruwe-ribi loosòna-ò rỹireu, hewydysi lỹnywi ritoonymyhỹre. Tahe aōwesele ýjuō rexitỹnyre Zacariako-ò. ¹² Tii tuu robireu heka rexiraòmy ruberumy reare. ¹³ Ýju rarybere: — Brebuōmykre, Zacaria. Deuxu roholare aixitòedỹna-ò. Tai heka adee ijyymy rareri. Ahāwyy Isabeli rariòrenykre. Kai heka Joaōmy bininikre. ¹⁴ Tai kaiboho heka iura heka beysabenyke sōwemy; ijō iny tule reysakre iòraru-ki. ¹⁵ Tii heka hābutyhyhykỹmy rarekre Deuxu dee tiu heka vỹ riòđtyhy mona hārihikỹ riòđtyhy. Deuxu Tyytybytyhy. Juaōtykymy ralokre tii reareu. ¹⁶ Sōwemy heka aōma Israeli mahādu Deuxu rityhynykre iòraru-ki wahe. ¹⁷ Tii heka hābutyhyhykỹmy rarekre Deuxu rybedumy Elia wesemy. Tii heka aōma Deuxu deòdỹna juhūu rehemynymy reakre ikòlemy iny ywisidỹnakre rehemynykre juhūu, aōma Deuxu Tyytybytyhy dehemyrynna riijemy tuu rehemynymy rakre. Tii bede ywina riòbitinykre inyy-ki. Tyby tariòre-wana wii riwoxinykremy. Tii heka iny ribedeerynykre aōma òbitimy rỹirakremy. Deuxu luumy rỹirakre aōma ilahireny rỹira wesemy juhūu.

¹⁸ Zacaria rarybere ýju-ò: — Jiarỹ ramatuarinyre timykre heka? Hāwyy tule rasenadunyre ihārele òsana tukre. ¹⁹ Ýju rarybere: — Jiarỹ Gabrieli watxireri, Deuxu deòdutyhy wahe. Tii heka diwateònyde kaò adee rybemy wahe. ²⁰ Kai tetyhynyōhyyteri tai kai marybeōkre uladu reakre xiery tahe marybekre. Kaa adee rarybereri dori òbitimy rarybereri warybemynamy ibutumy rỹikre. ²¹ Iny riraòmy rỹimyhỹ Zacaria òlòna, tahe raroorehenymyhỹ. Iroorehena rieryōhyymyhỹreny. Dòhònydeu ta, rybe-ki rexisiranymy rarybeōhyyre. ²² Tii rehemynyreu tamy rybeōhykyre rahòra. Idi tebò-di raramynyre urile rybe riwisỹnymy rarybeōhykymyhỹre aōma timybo aōhebo rotỹnyra heka riòbitinykemy heka rarybeōhyymyhe timyrabo. ²³ Tahe taaōmysỹdỹna rihudi, taheto-ò ròsere icyby.

²⁴ Idi tahe Isabeli rabòtònyre iruwyre ahādumy bede riijere rexiwòmny.
²⁵ Isabeli rarybere: —Deuxu awi heka rare, riwatare waix̄runa-ribi. Kuladu wadeke riwahinyreri.

²⁶ Ijō ahādu tahe Deuxu Gabrieli riteònyre Nazare hāwā-ò Kalileia bede-ò. ²⁷ Ŷjuō heka rybe-di ijadòma-ò. Kia ijadòma heka wii ritobinymy r̄yireri tybyboho iseboho Jyje-wana roikremy. Jyje heka iòlò Davi kia mahāduō rare. Ijadòma tahe Marie inire. ²⁸ Ŷju heka kiamy rarybere: —Beysakre Marie! Inynyr̄ heka awana ratxireri. Bedeòbyhyk̄y adee kidiwahinykre. Tii ar̄awowydynyneri. ²⁹ Kia rybe-di tahe Marie rexi-raykynyre. Tii rieryōmy aōmybo rare. ³⁰ Tahe Ŷju tamy rarybere: —Marie, Brebuōmy! Deuxu teteysanye. Kai awi heka rare. Tii aōwihik̄ybo adee kidiwahinykre. ³¹ Kai heka mariòrekre, uladu heka Jesuisimy raninikre. ³² Tii heka hābu nihik̄y rarekre. Tii Deuxu riòremy raninikre. Deuxu heka tii iòlòmny ris̄nykre, iwese Davi alabiehek̄yreny ronyre wese, tii ronykre. ³³ Tii heka ibutu Ijaò mahādu iòlòmny rarekre. Iòlòna heka tiu itueōtyhy. ³⁴ Tai tahe Marie Ŷju-ò rarybere: —Jikar̄y heka ijadòkòmattyhy watxireri. Timykibohe krabòtònykre. ³⁵ Tahe Ŷju rirawyònyre: —Tyytybytyhy adee kanalokre. Deuxu ruru heka adee kanakre. Tai heka kia uladu Deuxu òbiti riòremy raninikre. ³⁶ Nohōti lusaōmy anymy-ribi Isabeli riki bòtòkòmny rareke-ribi tahe bòtòmny ratxireri. Debò sohoji reurò ahādumy iahādu. ³⁷ Deuxu dee heka tiu aō isiraōre. ³⁸ Marie rarybera: —Jikar̄y Wahī dekòdu rare. Anomybo tarybeteri ka ibutumy rekyrubunyreri. Wadeke awire. Anowaxina tuukre irybemynamy karot̄yk̄nykre. Idi Ŷju rikòmny reare.

³⁹ Idi ta tii heka Isabeli roramy rare. Zacaria s̄my Judeia bede hāwālò hāwā bede-ki. ⁴⁰ Iu Marie rehemynyreu tahe wii rirybenyrenyre: ⁴¹ Tiu kia aōbo uladu Isabeli kia-ki iule rexiwatxinymyh̄ Marie-ò. Isabeli heka t̄xyiyk̄yle Deuxu Tyytybytyhy-di ratximyh̄. ⁴² Riajuamy rare deysana-di sōwere: —Kai hāwyy ibutu-ribi deysana rarekre. Auladu tule deysana rarekre. ⁴³ Anoherekibo Wahīse waroram naderi. Jikar̄y ano anokō rare. ⁴⁴ Adeke rahokujareku, kuladu wawoku-ki rexilòrelòrenymyh̄ tabedesa-di. Tai tahe Isabeli r̄ȳraximy ratximyh̄re Deuxu Tyytybytyhy-di. ⁴⁵ Kai bekysabenyke kia tetyhynyteki. Deuxu rybe dokuri adeke nade. Iwese tiki raryberewesele ibutumy r̄aikre. ⁴⁶ Marie rarybere: —Jikar̄y wawoku-ribi Wahīrewokuwydynyre. ⁴⁷ Wawokuribityhy wadekysareri Wahī watarasadu dokuri rare. ⁴⁸ Ihyky tahe tiki tekòdu-ribi walanokonakona-ribi tōhōti rosakre. Tahe iny ibutumy hāwyky dekysanamy riwaninikre. ⁴⁹ Deuxu dokuri anomyd̄yk̄nana wiwihik̄y wadeke riwahinyre. Tii tahe ityhy rare.

⁵⁰ Tikiemy inydeke ruxetòena riwahinymyh̄re iny tamy wowydyna riwahinyrekí.

⁵¹ Ixityhy nohōtidu mahādu tiki rehure. ⁵² Bede ikòlò sōwemy tiki rehure. Tule iny ianokō mahādu Deuxu riwikòhenanymyh̄re.

⁵³ Rama risamahādu deke r̄ys̄na tiki riwahinyre.

⁵⁴ Irybe tahe tiki rityhynyre anobo tiki inytybyreny deke tiki raryberemy. Tikibohe tahe Deuxu riwikòhenanyre. ⁵⁵ Ruxetòena tahe Abraò deke riwahinyre tule tikiemy iriokore deke riwahinymyh̄re.

⁵⁶ Marie tahe inataō ahādu Isabeli-wana riwyrā. Idi tahe tas̄-ò ròsēra.

⁵⁷ Bededỹnana Isabeli-ò rehemynyre. Iriòre reakremy ratxireriu, Iriòre reare. ⁵⁸ Isỹ mahādu heka teysana-ò roholarenyre, iery mahādu tule rabedesarenyre tamy Inynyrỹ raruxetòenyredi, Inynyrỹreny ruxetòena tamy riwahinyreki. ⁵⁹ Tahe debò inataō txu-di, uladu notyky resynamy bede rỹire. Zacaria raninykemyre. ⁶⁰ Tai tahe ise rarybere: —Anokõre, Joaõmy rarekre. ⁶¹ Isỹ mahādu rarybere: —Joaõmy ninadu taheka ijõkõhykyre inysỹreny-ki. Anoherekibo tuukre? tai tuu raninike wahe. ⁶² Tuu Zacaria-ò rỹraxyreny: —Momybo raninykre? ⁶³ Tahe Zacaria tababese riòre-ò rimyre. Riritinyra kia: —Joaõ heka inikre. Tahe ijõ mahādu ibutumy ribedeòtiidỹnyre. ⁶⁴ Iu tahe Zacaria rarybere Deuxu riwowydnyre. Tahe ibutumy isỹ mahādu heka ruberure. ⁶⁵ Ibutumy heka tii relymy raremyhỹ Judeia mahādu hāwālò nihikỹmy. ⁶⁶ Ibutumy tamy roholaré heka raryberenyre: —Timybo uladu rarekre? Inynyrỹ idi tarukimy iweribikre.

⁶⁷ Tahe Deuxu Tytybytyhy heka Zacariatykymy ralore. Tahe Deuxu aõmydỹnanamyhe relyyre timybo rabededỹnananykremy. Tii rarybere: ⁶⁸ —Judeu mahādu Deuxu awi rare. Tii dori tajoi roramy nade. ⁶⁹ Iwiòhedỹmy tulemy tarasadu tyhy Tii heka Iòlò Davi mahāduy rare. ⁷⁰ Deuxu Rybedỹdu mahādu kia wesemy tuu raryberenyre. ⁷¹ Inydireny òludu mahādureny-ribi riki iny ritarenykre. Iny-di heka raruxetòerenyra.

⁷² Tahe iny-ribi tõiòtirenny rosaõhykyra. Tahe rarybekre timybo raryberemy inytybyrenymy. ⁷³⁻⁷⁵ Tii heka iny ritarenykemy inydireny ratxireri inyòludureny-ribi. Kia-ò heka rarybere inylabiereny Abraõ-ò. Tai heka rikiwiòhenanyrenyke brebuõlemy. Òbitimy iko-ò rakatxirenyhyykre. ⁷⁶ Kai wariòre Deuxu rybedumy mabekre. Kai heka mabekre Deухuhukỹ rybemy rybedumy. Kai heka bòhònykre Inynyrỹ-kò iry biywinykremy.

⁷⁷ Asỹ mahādu-ò marybekre biu-ò hena kanakremy ihỹre. Deuxu heka tõiòti rosakre iòrarunareny-ribi. ⁷⁸ Iny Deuxureny dori inydeereny ruxetòedu rare. Tii heka biu-ò hena ibutu-ò kidiòkre, tarasana wahe.

⁷⁹ Kia bede lurumy rỹira mahādu biuloosònamy robikre.

Zacaria rybe tahe rikonananyre. Loosòna ywinary-ò tahe ritỹnynykre.

⁸⁰ Ihewo-ribi tahe uladu ratybienyre taumy-di Deuxu tyhydỹna-ki tule. Tii heka bederahy-ki raremyhỹ. Tiutxumy rexitỹnynykremy judeu mahādu-ò.

2

¹ Kia mahādu iòlò Augusto inire. Kia heka ibutumy bede-ki inyni rityyritinykemy bede riywinyre. ² Kurina heka Siria bede dinodu rare. ³⁻⁴ Jyje heka Nazare hāwā-ki rasỹnyny raremyhỹ. Tai tahe Kalileia bede-ribi tiiboho roirenykemy Judeia bede-ò. Iòlò Davi dori tai reare, Belē hāwā-ki. ⁵ Jyje tahe rare, tii dori Davi ijoimy rareki. Marie bòtòmny tii ridyre tai ihāwyy. ⁶ Tahe Belē hāwā-ò rehemynyre. Tahe herina roxina heto ihoõre herina tamyreny. Taihe awaru roxina heto-ò roire. ⁷ Tai hāwyy ratohouāsennyre. Idi rihetynyre awaru roxina hynaro-ò ritidikemy.

⁸ Iu tahe budoeni-di itxeredu mahādu bedero-ki ratximyhỹreny. ⁹ Idi tahe j̄yũ tamy nade Deuxu-ribi. Deuxu loosòna tamy ritynyre. Ruberurenyre. ¹⁰ J̄ju tamy rarybere: —Brebuõmyrenyke. Rybe wihikỹ-di adee rehemynyre. Ibutumy iny reysakre ka rybe-di. ¹¹ Atarasadu

heka ratohouãnyra Davi hãwã-ki, abiu-ò hedu wahe. Tii heka Kristu rare, Inynyrÿreny wahe. ¹² Kaiboho heka awaru roxinaõ-ò inihe bòike itxeremy. Tai heka tohouã roireri tyy-di rarahananymy. ¹³ Iule tahe sòwemy ÿju widotyde Deuxu dee rawiunykremy, kiawese rawiunyrenyre riwowydynyrenymy:

¹⁴—Biu-ki Deuxu loosòna ratxihyymyhÿre.

¹⁵ Tahe ÿju ròðserenyre biu-ò. Budoeni-di itxeredu mahãdu widee raryberenyre. Wylemy Belẽ-ò ròkòirenykre itxeremy kia aõmydÿÿnanamy Deuxu inydee riteòsinyrerio. ¹⁶ Tahe roirenyre idi tahe Marie, Jyje-txi rekoarenyre. Tuu robirenyre. Tahe broreni dòròtòhòhyna-ki uladu roire.

¹⁷ Tai tahe budoeni-di itxeredu mahãdu timybo ÿju tamy raryberamy, rarybere. ¹⁸ Tai tahe ibutumy kia tamy roholaré ribedeòtiinymy rÿire.

¹⁹ Marie heka tòhòti itxi reare. Tahe sòwemy raraykywydynanymy ronyre. ²⁰ Budoeni-di itxeredu mahãdu ròðserenyre rawiunyrenymy Deuxu-ò Deuxumy reàlàre ibutu òraru-ki. Iwese ÿju raryberewesetyhyle heka ibutumy rÿire.

²¹ Iribi tahe txu rÿireu tahe rare Jesuisi notyky orokré. Debò inataõ neurotxu rÿireu Jesuisi notyky raorokremy raywire. Tahe rininirenyre Jesuisimy iwese ÿju rarybere myna.

²² Xiwena rÿikemy bedè rÿire Moisesi bedè ywidÿÿnamyna. Aõutxumy tahe dehemynde Marie Jyje-wana kia idi riwinyrenykeny. Tahe Jyje ridykemy Jerusalẽ-ò idi ratxireri. Tai uladu-di roirenyre Deuxu-ò riteòsinykemy. ²³ Kiamy heka Inynyrÿ Ritidÿÿna-ki roire.

Weryrykeki, Deuxu dee rawahidÿÿkre. Tii uladudelaa weryrykreki.

²⁴ Iwese tule bòtòe inatximy rawahidÿÿkre ada bòtòerurà inatxi heka xiwenamy reakre Moisesi bedè ywidÿÿna myna.

²⁵ Hãbuõ tai ratximyhÿre Simeaõ inire. Jerusalẽ hãwãdu wahe. Deuxu rityhynymyhÿre hãbuwi rare. Tii Kristu riraõmyhÿre Deuxu deòdÿÿna wahe. Ijoi aõbina bina-ribi tarasadumy Deuxu Tyytybytyhy heka tai ratximyhÿre. ²⁶ Deuxu Tyytyby ihetxiu tamy rarybere: —Kai buruòtyhy Deuxu deòdÿÿnamy bobiòdi. ²⁷ Iu Jesuisise tyby-wana rehemynyreu Deuxu Tyytybytyhy heka Simeaõ riteònyre kowa-ò. ²⁸ Simeaõ uladu taãxiò-ki rimyreu. Tahe Deuxu riwowydynyre:

²⁹⁻³¹ —Kiamy heka Wanyrÿ Iòlò arybe retyhynyre timybo tarybete wahe. Ibutumy dorihe tewinyta. Tahe aõwaxinyhe arurukre. Abiuòhenamy heka rabira. Tii ibutu iny tarasadumy rarekre biu-ò hena wahidÿÿdu wahe.

³² Kia heka ibutumy iny-ò loosòna tewahinyta judeukòdu mahãdu-ò. Tai judeu mahãdu tahe wowydynamy tii rarekre.

³³ Tai tahe Jyje Marie-wana bedè riòtiinyre aõmybo raryberek. ³⁴ Simeaõ tahe Deuxu deysanamy tamyreny rarybere: —Deuxu biu-ò henamy heka kia uladu rare. Sòwemy judeu mahãdu tarasadumy rarekre, tule sòwemy tasÿ ituekre. Kia heka Deuxu deòsina rare. Sòwemy heka Jesuisimy rakyararybenynykre. ³⁵ Ibutumy iny rayky-ribi heka ibutumy ritÿnynynykre. Bederyry sòwemy bieryke tai aõhòkÿmy botÿÿnykre. ³⁶ Tule Deuxu rybe erydÿÿnaõ rehemynyre. Ana inire. Hãwy rare. Tii heka Fanueli riòre rare. Aserè mahãdusÿò rare. Tii heka rasenadunymy raremyhÿ. Ijadòmamy raremyhÿu heka roire hãbu-wana. Debò inatxi reurò beòralemy heka tii-wana raremyhÿ tahe tii rawytesenyre. ³⁷ Tii 84 beòramy heka bedè idi rÿire wytesemy. Tii Deuxu dohodÿÿna heto-ribi

ròhònÿòhÿmyhÿre. Tii heka rexitòdenÿmyhÿre rummy txummy tabyreò-di. ³⁸ Tahe tii rehemÿnyre Deuxu dohodÿÿna heto-ò. Deuxummy reàlàre. Idi Jesuisimy imahàdu-ò rarybere tii tarasadummy rarekremy.

³⁹ Iu Marie, Jyje-wana ibutummy bede ywidÿÿnamy ituereu, riòòserenyre tahàwā-ò Nazare-ò. ⁴⁰ Jesuisi raumÿnymÿhÿre beòra beòramy. Iruru, ibede eryna sòwemy ijòdire Deuxu dori idi tarukimÿhÿre.

⁴¹ Pascoa worana bedehesi riòlòdÿÿnyre Jerusalē hāwā-ki. Jesuisi tyby heka iseboho roiÿmyhÿrenyryre tamy. ⁴² Tule Jesuisi waòinatxi reurò beòra-di ridyrenyryre tamy. ⁴³ Worana bedehesi rexihureu kidiòkesedenykremy doide. Tahe Jesuisi naride Jerusalēkikhikÿle. Tii-boho rieryrenÿòhÿyryre naridemy. ⁴⁴⁻⁴⁶ Taijoiirenywanale ratxirerilemy idi ròhòtinyrenyryra. Txusohojimy heka bede idi rÿidi, rierenyryre. Tai rahaòhÿyrenyryra iijesemy diòkesedenyde Jerusalē-ò ixÿby. Inataò txu-di tahe tai nahadenyde, Deuxu dohodÿÿna hetowo-ki wahe. Tii heka bede erydÿÿdu mahàdu-wana ronyre. Roholamÿhÿrenyryre irybe-ò ronÿmyhÿrenyryre. Tule rÿÿraximÿhÿrenyryre. ⁴⁷ Tii heka ibutummy rirawÿònymÿhÿre. Tii dori bede ery nihikÿ rare. ⁴⁸ Iseboho tahe bede riòtiinyrenyryre tai ronyreki wahe. Ise tamy rarybere: —Waritxòre, anoherekibo kai ikykyreny-ki tanyte. Anoherekibo tuu wadekeremy tewinyteri aije-sereny-di watxireri. ⁴⁹ Tahe Jesuisi rirawÿònyre: —Waijeserenykòmyke. Waha heto-ki watxireri, Waha aòmÿsÿdÿÿnamy reywinÿyry watxireri. Kia aòbo teeryòhÿytenyryte. ⁵⁰ Tiiboho rieryrenÿòhÿyryre aòmÿbo Jesuisi rarybereri. ⁵¹ Idi tahe dòòsedenyde Nazare-ò. Tahe Jesuisi tyby rybe rityhÿnyhÿmy raremÿhÿ. Tahe Jesuisise kia ibutummy riyrubunÿhÿmy raremÿhÿ tarayky-ki.

⁵² Jesuisi tahe raumÿnyre. Bede erytyhÿmy relere. Ibutummy he iny iluure. Deuxu wowydÿna-di ihÿre.

3

¹ Tiberiò heka waiyry beòramy iòlòmy raremÿhÿ. Poncio Pilato heka Judeia bede dinodu. Ijò heka Herodi inire. Inataò inÿmy heka bede dinodummy raremy. Herodi heka Kalileia bede dinodu. Iseriòre, Filipi tahe Itureia bede, Traconite bede-wana dinodu rare. Ijò inÿ tahe Lisÿnia inire. Tii Abileni bede dinodu rare. ² Anasi, Kaifa-wana heka inatxi hābu roire. Tiiboho wiwana xiwena wahidÿÿdu wedu raremÿhÿ. Kia bedeu heka Joaò rehemÿnyre bedero-txi. Tii inÿ-ò Deuxu rybe tÿnydÿÿdu rare. Zacaria riòre rare. ³ Tii kia bede ibutummy rybe ritÿnyryre, Jordaò beroweramy ibutummy wahe. Kia wesemy rarybere: —Aòraru-ribi bòhònyke. Maratisebenyke. Tahe Deuxu aòraru riixāwididÿÿnykre. ⁴ Iwese Isaia ròritidÿÿre wesemy heka wiji rÿire.

Inÿò heka ryrymÿhÿ bedero-ki.

Kia:

—Inÿnyrÿry bexiwinybenyke. Ryòbitihikÿ biwinybenyke. Hāloo bitÿxinybenyke wimÿny biijaranybenyke. Iry iòweòwena ramÿhÿre heka, biòbitinybenyke.

⁵ Iratòratòkeki, wimÿna biijaranybenyke. ⁶ Ibutummy inÿ heka Deuxu biu-ò henamy robirenykre. ⁷ Sòwemy inÿ nade riratisebenykremy Joaò-ò. Tahe tii tamÿnyre rarybere:

—Kaiboho hemylalaweselemy toite. Deuxu ykarana-ribi bexitabenyke, aòwiwihikÿ.

⁸ Uritere kawese ryberenyōmykre: —Abraō dori iny labiereny rare. Tai tahe ibutumy awityhy rare inydeereny.

Jiarỹ dori adeereny ararybekre: —Deuxudeewikeki, Tii kia manadile iny riwinyke. Abraō dee ijō riōreōmy kia manadile riwinyke.

⁹ Woma heka owōruraruti riōrōmyhỹre. Kia raratynyōkeki heka, raōrōkre. Heōty-di wōmy ririradỹnyinyhỹke. ¹⁰ Tai tahe iny rỹraxyre Joaō-ō: —

Timybohe rakatxirenykre. ¹¹ Tai tahe rarybere: —Inyō tōre inatximy ijōdikeki, sohoji iny ijō-ō riwahinyke. Irỹsỹnadikeki, tule ritxuatxuae ijōkō mahādu-ō. ¹² Iny witxiraō Joaō-ō rehemynyre. Tiiboho nieru tarasadu mahādu rare bedede dinodu-ō. Tai rỹraxyre: —Timybo aōhebo rokotỹnyrenykre. ¹³ Joaō rirawyōnyre: —Uritere aōnihikỹmy itarasarenyōmykre. Bede ywidỹna tyyriti myna ta tuukre. ¹⁴ Tai tahe soldado tamy rỹraxyre: —Inyboho tahe aōhebo rokotỹnyrenykre. Joaō rirawyōnyre: —Inyō biteranyōtyhy adee nieru kanakemy. Inieru dori ahōrō aōkō rare. Beysake, adinodu-ribi tiwesebo nieru tetamahāte-di. ¹⁵ Tahe kia iny mahādu raraykynyre Joaō-di. Kowa aōbo hābu Kristu ihỹre. ¹⁶ Tai heka Joaō rarybere: —Jiarỹ heka bedi araratisebenyneri. Ijō wahewo-ribi kanakre tahe woratyre inihikỹ rarekre. Tii heka awityhy rare. Jiarỹ heka raixỹruwāhāre iwataana aritake lau. Tii heka akanaratisebenykre Deuxu Tyytybytyhy-di. Heōty-di tule wahe. ¹⁷ Iti tebō-ki ratxireri. Maixōmo ruxity hitxina-di wahe. Tii heka ritakre. Maixōmo riyrubunykre ihyna-ō. Iruxity tahe ritoonykre. Kia heōty heka tiu ruriōtyhy. ¹⁸ Aō heka Joaō rarybere. Sōwemy aōna aōnamy iwesele rarekemy. Dohodỹna wihikỹ-di tamyreny rarybera. ¹⁹ Bede dinodu Herodi heka taseriōre riōrese-wana roire. Aōbina binahakỹle riwinyre kia. Tai tahe Joaō tamy rarybere: —Kia awi aōkō rare. Ibina heka rare. Sōwemy aōna aōna bina tule tii riwinyre. ²⁰ Tai Herodi heka Joaō mynyny riteranyre rōtenawo-ki roikemy. ²¹ Joaō ixiwesehyyle rexitỹmyranymy iny riratisebenyre. Tahe tule iny witxirahe-ki Jesuisi riratisebenyre, Jesuisi rexitōnyreu, biuwetyhy rarayre. ²² Biuwetyky-ribi tahe Deuxu Tyytybytyhyle dobehemy nade bōtōderurā wesemy. Biu-ribi rybeō-ō iny roholare: —Kai heka Wariōre tate. Aluure heka jiarỹ wadeysatyhyre. ²³ Jesuisi 30 beōramy raremy taaōmysỹdỹna tyhy ritelenyreu, iny heka Jyje riōrelemy rōhōtinymyhỹre. ²⁴ Jyje heka Eli riōre rare. Matate, Levi, Maki, Janai, Jyje, ibutumy labiehekỹ Jyje rare. ²⁵ Ijō tahe Matatias, Amos, Naum, Esli, Nagai, ²⁶ Maate, Matatias, Semei, Jyje, Joda, ²⁷ Joana, Resa, Zorobabe, Salatieli, Neri, ²⁸ Meki, Adi, Cosā, Elmadaō, Er, ²⁹ Josue, Eliézer, Jorim, Matate, Levi, ³⁰ Simeaō, Juda, Jyje, Jona, Eliaki, ³¹ Melea, Mena, Matata, Natā, Davi, ³² Ijese, Obede, Boasi, Sala, Nasaō. ³³ Aminadabe, Adimim, Arini, Esraō, Peresi, Juda. ³⁴ Ijaō, Ijai, Abraō, Tera, Nakō, ³⁵ Serui, Raau, Faleki, Eber, Sala, ³⁶ Aina, Arfaxade, Sem, Noe, Lamei, ³⁷ Metusalē, Enoi, Jarete, Maleleel, Aina, ³⁸ Enosi, Sete, Adaō. Tii tahe Deuxu juhūu riwinyre iriōre wese.

4

¹ Bero Jordaō-ribi Deuxu Tyytybytyhy heka Jesuisi diōdsedỹnyde Tai heka tule bederō-ō rexiykynyra. ² Tahe Satanasi Jesuisi riurihire, 40 txu-di wahe. Aō heka rirỹsỹōhyre Jesuisi kia itxumy txu rỹireu wahe. Idi tahe sōwemy rama risare. ³ Satanasi tamy rarybere: —Kai Deuxu

Riòretyhy tate-wana heka, mana bitxienykre hinamy. ⁴ Tai Jesuisi dirawyònyde: —Deuxu Rybe tule kiamy rarybere.

—Hābu hewa byre sohojiribile aōkō irumy r̄ymyh̄yre.

⁵ Tai Satanasi heka Jesuisi ridyre heto ratyti tyre. Ibutumy hāwāhāk̄y riteòsinyre bede bede r̄yirá. ⁶ Tahe Jesuisi-ò rarybere: —Kai biwalāhānanykeki, ibutumy aōna aōna adee ariwahinykre, ibutumy hāwāhāk̄y dinodumy tule wahe. ⁷ Wahōrō heka rare. Iny-ò aōtxile ariwahinykre. ⁸ Idi tahe Jesuisi dirawyònyde: —Deuxu-ò sohojile walāhāna biwahinykre. Kiamy Deuxu Rybe rarybere. ⁹ Idi Satanasi Jesuisi ridyre Jerusalē hāwā-ò. Biu-txi tahe r̄yire, Deuxu dohod̄ȳna heto tyre-ki wahe. Tii narybede, kai Deuxu Riøre tyhy tate wana heka bexiwatxixinyke inihe karibi hetoratyti-ribi. ¹⁰ Ȳju riki arayrubunykre wa. Deuxu tāyjuō bede riywinyre aramykemy. ¹¹ Tule kia rarybemyh̄yre Deuxu Rybe.

Awa riki manaō riwotōmonyōtyhy.

¹² Tahe Jesuisi dirawyònyde: —Tule Deuxu Rybe rarybere: —Inyō heka Deuxu uri urihixiōtyhy. ¹³ Rexihure tahe Jesuisi urihixina. Tahe Satanasi heka Jesuisi ririre. ¹⁴ Idi tahe Jesuisi ròsere Kalileia bede-ó. Deuxu Tyytybytyhy ruru tahe tii-wana ratximyh̄yre. Ibutumy heka kia hāwā-ki ibeded̄ȳnana rierymy h̄yreny. ¹⁵ Jesuisi heka dohod̄ȳna heto-ki ròbedeeryd̄ȳmyh̄yre. Ibutumy tuu rarybere. Tuu reālmy rarybemy r̄ymyh̄y. ¹⁶ Iribi tahe Jesuisi ròsere tai raumynyréō, Nazare hāwā-ò. Sabado txuu tahe dohod̄ȳna heto-ò reamy raremy iwesehyyle. Tii tahe lamamy r̄yire tyyriti-di rariakremy. ¹⁷ Tahe tamy Isaia tyyriti riwahinyreò. Tahe Jesuisi riijemyh̄yre rybeō idi rariakemy. Tai idi rariare:

¹⁸ —Wanyr̄y Tyytybytyhy waki ratxireri. Rybe T̄ymyra wihik̄y inyko arotod̄ȳkremy. Iny aōkō mahādu-ò rybe wihik̄y ararybekemy riwatare. Tule iny ròtena-ki r̄yira mahādu, jiar̄y ariòlòd̄ȳnykemy. Kiamy heka tamyreny ararybekre. Tule ruet̄ymyra ariwahinykre ruetā mahādu-ò. Iny idi rar̄ȳnymyh̄yre mahādu-ribi, aritakre idi risinymyh̄reki. (Aōna aōnamy ris̄ȳnyrenymyh̄reki wahe.)

¹⁹ Tibedeubo Inynyr̄yreny taijoi ritakremy ararybekre. ²⁰ Idi tas̄y ixyby riwerasenyre. Tahe riwahinyre ixyby kia hābu riyrubunymyh̄yreò. Tii ronyre. Ibutumy kia dohod̄ȳna mahādu idi retehemy r̄ymyh̄yre.

²¹ Tahe Jesuisi ritelenymy rarybera: —Wiji idi rariará heka aōbo tamy ibeded̄ȳnanamy roire. Kia aōbo ritid̄ȳna-ki roireri ihetxiu. Kaimy tahe wiji rarybereri, jiar̄y heka tii rare. Tii adeereny tyyriti rariará wahe.

²² Tai tahe bede riòtiinyreny. Kia tahe aōmybo raryberakí. Tahe widee raryberenyre. Kaa heka Jyje riørele ratxireri. ²³ Tahe Jesuisi ixityre tamyreny rarybere: —Aōu kaiboho wamy tarybetenyteri rybeōmy, mȳ manarybeke: Kai bexideytenyke, h̄ari, òhotibedu. Kiamy aōbohe wadee manarybebennykemy atxitenyteri:

Iwese Kafanaō bede-ki tewinyte wese ariwinyrenyky wadi atxitenyteri, ahāwā-ki.

²⁴ Adeereny inihe tuu ararybekre. Rybe t̄nyd̄ȳdu heka òmo rityhynyōtyhy ihāwāreny-ki. ²⁵⁻²⁶ Tahe iwitxiramy ararybekre. Ibedeu kia raremyh̄y, sōwemy heka rama reamy raremyh̄y judeu s̄y mahādu. Sōwemy wytese mahādu heka ramamy rurumyh̄yre. Biu heka roaōhykyre tai inataō beōra weeremyh̄y wahe Sareta hāwā heka Sidō bede-ki tii

rasŷnomyhŷre. Tahe Deuxu bede riywinyre Eliasi rakemy iny sohoji wytese-ò, rŷsŷna riwahinykelemy wahe. ²⁷ Eliseu bedeu heka sòwemy tyybinadu rŷimyhŷ. Sohoji inyle riteytenyrene. Naamy heka inire. Tii heka Siria bede luduò rare. ²⁸ Kia dohodŷŷna mahàdu heka ibutumy iu tamy rakayarananyre. ²⁹ Rimyrenyrene heka Jesuisi. Idi retŷhirenyrene hãwãlò ratya-ò ridyrenyrene. Idi rehurenykemy riwisŷnyrenyrene. ³⁰ Tahe Jesuisi inysòwehekŷy-txi ralore. Idi rahenyrene. ³¹ Iribi tahe Jesuisi rare Kafanaò-ò, Kalileia bede-ò. Sabado txuò txuòlemy heka Jesuisi iny ribedeerynomyhŷre. ³² Sòwemy heka iny ribedeerynomyhŷre mahàdu tamy awimy rŷira, irybe dori awireki wahe. ³³ Hãbuò raremyhŷ dohodŷŷna hetowo-ki tyytybybinahakŷ-di tahe taumywo-ki ratximyhŷ. Tai tahe tii ryryre: ³⁴ —Jesuisi, Nazareludu, aòhebohe ijoi bisŷnykremy atxiteri? Biwahubenykre aòbo? Jiarŷ heka araeryrene mobo taté. Kai heka Deuxu deòdu atxiteri. ³⁵ Tai tahe Jesuisi tamy rarybere tyytybybina iumywo-ki riirykemy. Iribi riòlòdŷŷnyrene. Tahe idi rehure iutyde-ò idi iribi ròhònyrene. Hãbu aòhe risŷnyòhŷnyrene. ³⁶ Ibutumy heka iny ribedeòtiidŷŷnyrene. Iny sohoji sohoji widee rarybere: —Aòrybemy aòwe tii rarybereri? Timybo iny-ribi tyytybybina riteònyke. ³⁷ Ibutumy timybo Jesuisi riwinyrene, ijyynamy reare. ³⁸ Tahe Jesuisi ròhònyrene Simaò heto-ò idi rare. Simaò riòrelahi webinadumy roire rubuna-di. Tai Jesuisi-ko tuu relyyrenyrene. ³⁹ Tai Jesuisi ibireweribi-ò rare. Tahe irubuna iribi riòlòdŷŷnyrene. Tahe tii ritamadŷŷnyrene. Rŷsŷnaò tamy riwahinyrene. ⁴⁰ Ibutumy iny tawebinadu mahàdu didydenyde. Ibutumy Jesuisi riteytenyrene tibò iratityre rilidimyhŷre. Sòwemy iny tyytybybina-di rŷireri mahàdu riòlòdŷŷnyrene. ⁴¹ Iu tahe ryrymy reamy rŷimyhŷ: —Kai Deuxu Riòretyhy tate. Tii Jesuisi rierymyhŷ tii Deuxu deòdu raremy, tyytybybina wahe. Tai Jesuisi tamy rarybere rybeòkemy. ⁴² Txu ijiramy Jesuisi rare bedero-txi ixisohojile. Iny sòwemy riijemyhŷ. Itxi rearenyre, iatysy deramy rekoamyhŷreny. ⁴³ Tai Jesuisi rarybere tamyreny: —Jiarŷ heka Rybewihikŷ Tŷmyra arelyykre iwitxira hãwã Deuxu Òlòna Tŷmyramy arelyykre. Tuu Deuxu diwateònyde. ⁴⁴ Jesuisi ibutumy Judeia mahàdu bede bedemy dohodŷŷna rŷiraki rotohodŷŷmyhŷre.

5

¹ Jesuisi tahe aho ijà-ki rŷire Kenesare aho ijà-ki. Iny heka sòwemy Deuxu rybe-ò roholakemy iu rŷimyhŷ. ² Tii robire hãwòò inatximy roinyimyhŷre. Waxidumy mahàdu heka rirahure rià-di risuhòreri. ³ Idi tahe rimyre hãwòò. Simaò hãwò heka rare. Tii tahe ixi-di ritaranyrene beroro-ò. Tai tahe tii rexidelenymy relyyrene. Kia iny rŷimyhŷ mahàdu heka ribedeerynomy relyymyhŷre. ⁴ Rexihure rybe-ribi. Idi tahe Simaò-ò rarybere: —Make wa bera-txi. Rià bitidike. Bimykemy utura. ⁵ Tahe Simaò rirawyònyrene: —Wanyrŷ, ruu wa wadireny aòkòhŷkylemy bedewadireny rarerì, uturamy ho aòkò. Tarybete urenana anakre. Aritidikre heka rià. ⁶ Tahe ritidireu tahe, rià utura sòwemy rimyre, kia rautxienyrene. Tule riykamyhŷ rià. ⁷ Talawò biòwa mahàdu-ò ryryre: —Bòdòibedenyke bidiwawiòhenanybenykemy. Inatxi hãwò heka rŷxire. Ritŷxinyrene utura-di. Ihyy berahatxi-ò ijiramy riwisŷnomyhŷ ilawònyrene. ⁸ Simaò tuu robire. Tii Jesuisi ratximyhŷre tahe tatiowumy resere Jesuisiko-txi. Simaò Pedro rarybere: —Wanyrŷ, aribi kŷny iòhòmy arŷiòtyhy. Jiarŷ heka waðrarudimy rare. ⁹ Simaòboho bede riòtiinymy rabadewore

aõma utura sõwemy tamyreny riwahinyraki wahe. Tii tuu iximy rarybere. ¹⁰ Ibutumy tiiboho mahãdu ribedeõtiiðyñnyreny Zebedeu riõre kia Txiau, Joaõ-wana. Jesuisi rarybere Simaõ-ò: —Brebuõmyke heka ikonana-ò heka utura bimyoõkre. Wadee dori maaõmysyðyñnykre hãbu wadee bimykremy. Tamyreny biwatynnykre. Iwese utura temymyhyte wese, wadee hãbu wiji bimykre waerydyñna mahãdumy rarekremy. ¹¹ Tahe waxidumy mahãdu ibutumy kaa tawaxi tariã iu ririra Jesuisi riheludunykremy.

¹² Rõirenyre rirõnyrenyre ibutumy hãwã-ò. Idi tahe hãbuõ rare ityyjyyjyhykyle. Hãbu Jesuisi robireu tahe resere iko-txi, rexitõenyre: —Wanyrÿ, adeewikeki biwateytenykre. ¹³ Jesuisi tamy tebò ritetemy rarybere: —Kohe, arateytenykre. Tii reytemy reare. ¹⁴ Tai Jesuisi rarybere tamy: —Inyõ-ò tahe ijyyõmykre. Xiwena wahidyñdu mahãdu-ò make. Tai maxiwekre tuu Moisesi bedede riywinyre myna. Xiwenaõ heka biwiny my biwahinykre. Moisesi rarybere wese wahe. Iny mahãdu-ò heka biteõsinykre. Kia riteõsinykre teytetamy. ¹⁵ Tahe ihãrele Jesuisi ibutumy rieryre. Sõwemy iny heka wirotyre raholakremy. Ijõ nade aõma iwebinadu na ibina-ribi riteyteuykemy. ¹⁶ Tahe Jesuisi iribireny aõma rexitõenykremy rexitare.

¹⁷ Ijõ txuu rõbedeerydyñnyhyñu, fariseu mahãdu, bedede ywina rybe bedede erydyñduõ-wana ronymyhyreny. Ibutu hãwã hãwã-ribi dotydenyde wese tahe sõwerenyre, Kalileia bedede-ribi Judeia bedede-ribi, Jerusalẽ hãwã-ribi. Deuxu deytenu Jesuisi-ki ratximyhyñ. Jesuisi hãwãlõ-ribi dobehede tii-wana, taerydyñna mahãdu-wana wahe. Tahe sõwemy iny iube-ki ributunymy ronymyhyre. ¹⁸ Iny mahãduõ heka hãbu iumymy manadu kididydenykemy ratxireri Jesuisiko-ò ritidirenykemy. Idi tahe hãbu webinadu wahe Jesuisi-ò rakemy bedede riywinyre. Inatyhyte riatyhinyre. ¹⁹ Inysõwereki tahe tamy rehemynyrenyõtyhy. Tai tahe hetoratyti-ò raõwõnyre hãbu webinadu-di. Iribi tahe diberesedyñnyde reroti-di. ²⁰ Jesuisi robire, rieryre aõma rityhynymy ratxirenryeri. Hãbu-ò Jesuisi rarybere: —Wy, aõraru heka raixãwidyñnyra. ²¹ Tahe fariseu mahãdu he widee raryberenyre: —Mobo kia hãbu ratxireri, timyhe tu kia irybeõna rybe-di. Deuxu-ò kia rybe ibinatyhy rare. Deuxu sohojile õraru-ribi iny riixãwididyñnyhyñnyre. ²² Tahe Jesuisi rierymyhyñ timybo rexinohõtynymyhyreny. Tai rarybere: —Aõherekibo kia wesemy texiraykynytenyteri. ²³ Tibohe irutaõre webinadu-ò rybe: —Aõraruna reixãwididyñnyra ada myimy mariake aõbo. ²⁴ Deuxu Riõre Hãbutyhyhykÿ jiarÿ rare. Tai waruruna wadee Deuxu Riõre õraruna ixãwididyñnyra. Katahe bierybenykre inatyhymy aõbo rarybereri: —Myike, abyre biwymy asÿ-ò ta mahe. ²⁵ Hãbu tabyre rimymy tahe aõwesele tasÿ-ò rare. Deuxu riwowdydynymy rare. ²⁶ Sõwemy iny ribedeõtiiðyñnyreny. Riwowdydynymy rÿmyhyñ. Tiiboho raryberenyre: —Aõwitxiramy wiji inyboho robirenyra. Tiu juhuru tukõre-ribi wahe robirenyra.

²⁷ Iribi tahe nieru bedede dinodu nieru mynydumy robire, Levi heka inire. Tii heka raaõmysyðyñnyhyñ titxibo nieru tarasana-ki. Jesuisi tamy rarybere: —Manakehe wawana. ²⁸ Tahe taaõna ibutumy ririre, idi ihemy rare.

²⁹ Levi tahe taheto-ki roxinaõ riõlõdyñnyre Jesuisi dee. Tamy rehemynyre nieru arisidu mahãdu, tule fariseu mahãdu. Ibutumy iny iarixina mahãdu. ³⁰ Kia fariseu mahãdu kia bederydyñnydumy mahãdu

tyyritirybedȳȳdu mahādu kie heka aōbina binahylemy rarybereri Jesuisimy. Jesuisi terydȳȳna mahādu-wana kiamy rarybereny: —Aōherekibo kaiboho teroxitenyteri, nieru arixidu-wana, iōrarudu sōwe mahādu-wana. ³¹ Jesuisi rirawyōnyre: —Iny awimy ratxireri-wana, òhotibedumy reaōmyh̄ȳre. Webinadu mahādule ta tuu reamyh̄ȳre. ³² Òbiti mahādu-ò aōkō heka jiar̄ȳ anade rybemy. Tiibohole heka ixi-txi tōhōti reakemy idi watzireri.

³³ Tahe tiiboho Jesuisi-ò rarybere: —Joaō heludu mahādu roxiōmy txumy r̄ȳire. Tule tiiboho rexitōenyrenyrene. Sōwemy rexitōenymyh̄ȳre fariseu mahādu erydȳȳna tule. Tahe aijoi tahe riroximyh̄ȳrenyrene riōmyh̄ȳrenyrene. ³⁴⁻³⁵ Tahe Jesuisi tamy rarybere: —Hāwyȳmy heridu t̄ȳmyra ijoi ratxikeki heka tiu itobidȳȳnana mahādu wahe. Kia heka riroximyh̄ȳke. Kia tahe t̄ȳmyra iribireny ratakreu, iijoi mahādu renarehekre. ³⁶ Tyky t̄ȳmyraō tiu tykytyby dōbōnamy iny ritidiōtyhy. Timyki dori wii wiōbydȳȳōna. ³⁷ Vī t̄ȳmyra heka tiu aōirōdu tyky watxiwe yla tyby-ò rarareōmyh̄ȳre, tukeki ta kia raykakre idi vī urile rejujukre. ³⁸ Vī t̄ȳmyra heka hyna t̄ȳmyra-ò rararemyh̄ȳke. ³⁹ Inyō vī tybyhyk̄ȳ riōkeki, it̄ȳmyra rexitōenyōtyhy. Kiamyki rybe. Vī tyby dori it̄ȳmyra-ribi awi rare.

6

¹ Judeu elehydȳȳnymyh̄ȳreny txu kia idi rekoarenyre maixōmoho-di. Ierydȳȳna mahādu rimyra maixōmo, maixōmo, debò-di riroxitytxi-wimyh̄ȳ riymy idi rare. ² Fariseu mahādu tuu robire. Tamy r̄ȳȳraxire: —Aōherekibo kia wese tewinyteri. Kiamy heka iwidȳȳōmyke bede ywina rybe rarybemyh̄ȳre judeu elehydȳȳnymyh̄ȳrenytxumy. ³⁻⁴ Jesuisi tamyreny rarybere: —Ihetxiu Davi tamahādu-wany rama risareu, Deuxu dohod̄ȳna hetowo-ò rirōnyre. Tai Davi xiwena r̄ys̄nale taijoi-wana rir̄ys̄ȳre. Xiwena wahidȳȳdule heka ir̄ys̄ȳdure, inywitxira ta aōkō. ⁵ Jesuisi rit̄ynynyrene tamy: —Hābutyhyhyk̄ȳ jiar̄ȳ rare, Deuxu Riōre wahe. Kiata sabado wedu jiar̄ȳ rare, elehydȳȳnymyh̄ȳrenytxu wedu wahe.

⁶ Ixityre ralore dohod̄ȳna mahādu heto-ò rōbedeerydȳȳkemy. Hābuō tai rare tebò rabinamy. ⁷ Tahe fariseu mahādu Jesuisi-ò retehere. Riteytenykemy kia hābu webinadu judeu elehydȳȳnymyh̄ȳrenytxu. Rexitwodohonanyre. Kiatxuu tii riwinyrekeki tahe ribinanyke judeu elehydȳȳnymyh̄ȳrenytxu, riwinykeki wahe. ⁸ Jesuisi rierymyh̄ȳre aōmybo tiiboho raraykynyrenyteri. Jesuisi tamy ryryre, —Aōma hābu debòbina-ò: —Mynyke ini, ityareny-txi. ⁹ Tahe fariseu mahādu-ò Jesuisi rarybere: —Ar̄ȳȳraxikre inihe adeereny, awire adee ka hābu debò ariteytenyke sabado txuu. Aōbo adeereny awire sabadotxu widȳȳ. Aōwihik̄ȳwidȳȳmy aōbo ada aōbina widȳȳmy. Rubu-ò wahidȳȳ aōbo ada rubu-ribi itarasa aōbo. ¹⁰ Retehere! Ibutu-ò idi hābu-ò rarybere: —Ebò inihe biditeòsinyke. Tiu hābu tebò riteòsinyreu tahe, reytere. ¹¹ Reburerenyre heka. Timybo Jesuisi ris̄nyrenykemy rexinohōtinyrenyre.

¹² Idi tahe Jesuisi heka hāwālōraty-ò rare xitōed̄ȳmy Deuxu-ò. Rureherehemy heka tamy rexitōenymy bede idi r̄ȳire. ¹³ Txuijaramy tahe ludu mahādu-ribi waōinatxi reurò tahludutyhy mahādu ritare. Tarybemy rybedumy rininirenyre. ¹⁴ Sohoji ijō heka, Simaō inire, Pedromy idi ranire, ijō tahe Andre rare, iseriōre. Idi Txiau, Joaō, Filipi, Bartolomeu. ¹⁵ Mateu, Tome, Tadeu Txiau, (Kia Txiau heka Afeu riōre rare.) Ijō

Simaō Kana bedeluduō rare, tasubedeluudure. ¹⁶ Juda Txiau riòre, ijō Juda Isariò tahe Jesuisi tyhedỹỹdu rare. ¹⁷⁻¹⁸ Jesuisi dobehede bedero-ò hãwãlò-ribi. Tahe sōwemy iny iheludu mahãdu tii-wana rỹimyhỹ. Judeia bede mahãdu Jerusalē hãwã mahãdu. Tule Kalileia bede, Tiro hãwã, Sidō hãwã mahãdu. Tiiboho wii ributunyemy hãwã mahãdu Jesuisi-ò roholakemy idi reytekemy. Kia tai ròteytedỹỹmyhỹ. ¹⁹ Ibutumy Jesuisi tyky-ò tamy adereximy risỹnymyhỹre adeytena iribi ròhònymyhỹ.

²⁰ Tamyreny retehere tai ibutumy rierynanyreny: —Kaiboho aōkōreny-ki, beysebenyke. Deuxu Òlona dori ahōrōreny rare. ²¹ Rama arasareri-wana beysabenyke. Bihydymy dori mabekre. Tule tahinyteri wana beysakre ihewo-ribi. ²²⁻²³ Beysamy butxuenyke, inyō umy radònykeki tule. Kaiboho dori Deuxu Riòre tetyhynytenyete jiarỹ ti-ire, Hãbutyhyhykỹ Riòre wahe. Kia mahãdu eramy ijira Riòre rỹikeki beysake. Beysa tyhyki tai. Biu-ki dori aōwiihikỹ bitakre. Deuxu rybemy rybedu mahãdu tule rotỹỹnyreny iòraru-ki. ²⁴ Kobe làhàxe kaiboho ityhy mahãdu abedesanareny dorihe rexihura. ²⁵ Kobe làhàxe ahàdyreny mahãdu, aramasanareny dori rehemynyre. Kobe làhàxe abedesareny, ahinanareny dori abrunareny rehemynyre. ²⁶ Kobe làhàxe atyhydỹỹ sōwereny tule dori. Ilabiereny rybemy rybedutyhy aōkō rityhynyreny.

²⁷ Warybe-ò taholatenyteriki inihe ararybekre. Aòludu luumy atxibenyke amykyaradureny-di, awimy idi mabeke. ²⁸ Ibinamy aōma umy rarybekeki aōbinahakỹ riwinykeki, tamy bexitòenykre Deuxu-ò. ²⁹ Aòsỹny-ribi anahatenykeki iyre-ribi iwyòdỹỹmy tamy bexirahòreke. Inyō atyky riwykeki tule tamy arahana biwahinyke. ³⁰ Iwese aòtxiu aōna inyō adee rexitòenykeki, tamy biwahinyke ixiby iribi iwydykòkemy. ³¹ Aōbina inyō adee riwinykòkemy atximahãte. Iwese tiu kia aōhòkỹmy inyō isỹdỹỹomykre. ³² Kai aluu mahãdu sohojile iluuoomyke; òrarudu mahãdu dori tuu rỹimyhỹre. ³³ Kai aery mahãdule tawotòemahãte, timyki Deuxu-ribi aō atarasaōna. Iny itxỹte iehehe mahãdu dori widee rawotòemyhỹre. ³⁴⁻³⁵ Òrarudu mahãdu heka widee rihuòtemyhỹre. Iribi tahe iwesele ixiby kidiwykemy idi riwisỹnymyhỹ. Kai ta buhuòtemyhỹke idi tehuòtete ixiby iraròsòkòomyke. Tukòkeki ta Deuxu-ribi aō atarasaōna. Aòludu luumy atximahãbenyke. Tai Deuxu-ribi aōwiihikỹ bitakre. Tai Deuxu wihikỹ riòremy mabekre. Tii dori inywi-ò inybina-ò awire. ³⁶ Awimy kaiboho boibeke, iwese boreny awimy biu-ki ratximyhỹre wese. ³⁷ Inyòdee kyarakòomyke tai Deuxu adee rakyarananyheny. Inyō taòraruna biixãwididỹỹnyòkeki, Deuxu tahe aòraruna riixãwididỹỹnyòkre. ³⁸ Ainytyhyke inyòdee imyna Deuxu adee rainytyhynanyhykre. Deuxu ibutumy aōwi adee riwahinykre. Tiwesebo tòwahite wesemyna idi Deuxu adee ròwahikre.

³⁹ Aōmybo ribedeerynyre ijyyōmy relyyre: —Inyō ruetà heka riwiòhenanyòtyhy iwitxira iny ruetà. Tukeki heka hãloo-txi wiwana resekre. ⁴⁰ Ierysỹdỹỹ iòrysydỹỹdu, kia ratyre aōkō ratximyhỹ. Kia uladu ratyiritynyre nihikỹmy tahe erysydu tiu taerysydỹỹdu ratyre ratxiòmyhỹre. ⁴¹⁻⁴² Òwòrukre nihikỹ aruety-ki roire. Aòherekibo aseriòre ruety-ribi òwòru rỹnysiò tarasamy tewisỹnyteri. Kia heka itxenadỹỹdu tate. Juhuu òwòrukre aruewo-ribi bitakre. Idi tahe betehemy iruewo-ribi aōsòmo bitakre. ⁴³⁻⁴⁴ Òwòru wihikỹ tiu bederaty binaō riwahinyòhyymyhỹre. Tule òwòru binahakỹ bederatywimy

raratynyõmyhÿre. Òwòru raerymyhÿre iraty-ò itxere rÿimyhÿreu, beraty-ò retehemy awire ada ibinare aõbo beraty-ò retehemy awire ada ibinare aõbo. Figoraty uvaraty tiu iwitxira òwòru-ribi raheõmyhÿre. ⁴⁵ Hãbuwi heka aõwimy rotÿÿnymyhÿre iwo-ki tuu rÿimyhÿremyna. Tule hãbu bina aõbinamy rotÿÿnymyhÿre iwomy tuu rÿimyhÿremyna aõbina bina. Inyõ dori aõmy raraykymyhÿremyna rarybemyhÿre.

⁴⁶ Kai rarybere boholaõkeki aõbo biwinykeki. Uritere wanidÿÿõmy. Wanyrÿmy tiwaninimyhÿtenyete tahe warybemynamy atxõhyylemyhÿtenyete. ⁴⁷ Tiwese hãbu warybe riywinyre wese adee ararybekre. Tiu heka ariteõsinykre. ⁴⁸⁻⁴⁹ Hãbuõmy akoreny arelyykre. Tii warybe-ò roholare idi imynany rotÿÿnyre. Tii kiata taheto riwinyre manadelemy ria-di. Beõra iheto reseõhyre manatyre-ki relereki wahe. Ikõmyta warybe-ò roholakõre, kawese rotÿÿnyre. Taheto uritere sukile riwinyre. Beõrau ta, urile resere. Ikyhynakõreki wahe. Kiamyta rotÿÿnyre warybe tyhydÿÿdu-ò idi ityhydÿÿdukõ-ò.

7

¹ Jesuisi tarybe rahu-di tahe Kafanaõ hãwã-ò rare.

² Tai Roma soldado dinoduõ tai ihÿmyhÿ. Teõduõ tahe binamy irubu iõhõmy roimyhÿ. ³ Soldado dinodu Jesuisini-ò roholareu tahe, iõrysmy rarybere. Taíta judeu mahãdu kia matuariõ rexitõenyre aõma kididykremy riteytenykremy kia webinadumy roireri. ⁴ Tahe Jesuisi nade juhu be kiamy Jesuisi rarybere: —Ka hãbu heka awi biwiõhenanykre heka. ⁵ Ka hãbu heka wajoi luu nihikÿ rare ihyymy ta dohodÿÿna hetoõ riwinyre wajoi-ò. ⁶⁻⁷ Tai tahe Jesuisi rare tiiboho-wana. Tehemyny sÿ iõhõmy rare. Idi tahe ryrowetyakile Jesuisi-wana wii riõbinyre. Aõma soldado dinodu kia biõwa-ò wahe. Rarybere he aõma soldado dinodu kiamy rarybereri: —Noõmy heka. Ihãrele teka awimy rareõle heka bedehemy nyke. Awi tate timy heka anaixiranyõtyhy dori raixÿruwÿhÿre alau adee ixitõedÿÿ-ò aõma dori adee rybe rÿikekile aõweseleke wadeõdu kia reytemy reake. ⁸ Jiarÿ dori inydee radÿÿdu jiarÿ rare. Aõbo riwinykemy. Kia riwinyre warybemynale kia heka jiarÿ rare. Wadeõdu-ò rarybewãhãraki heka: —Kia biwinybenyke. Riwinimyhÿreny. Kai tule marybeke, beyteke. Tahe aõwese reytemy reake. Robedeõtiidÿÿnyre, kia tuu rarybereri wahe. ⁹ Jesuisi ròkesereri kia rarybemyhÿõ wahe: —Jiarÿ ka tiu judeu mahãduy-ki. Hãbuõmy rabiõ watyhydÿÿnamy. Rabireri riwatyhynreri rabireri. ¹⁰ Soldado dinodu deõdu ròkesereri. Ixyby reytereri idi ronyre.

¹¹ Jesuisi rare terydÿÿna mahãdu-di ijõ hãwã-ò. Naí hãwã-ò heka rare. Kiemy rahyymy heka rahyyre. Sõwemy iny iheki rare. ¹² Hãwã ijõ-ki rehemynyreu tahe kia ibutumyle rehemynyre. Sõwemy iny rubudu rareõ wabede-ò. Weryrybõõ rurure. Ise, wytese, heka iriõre sohojihyylere. Iny sõwemy heka riheludunyre tahi-di taibru-di. ¹³ Tai Jesuisi tuu robireu, idi rexiwõtenymy kamy rarybere: —Ibrukõmyke! ¹⁴ Jesuisi debò ritidire caixaõ-ò. Iu idi itxyydu ruhurenre. Idi tahe rarybere: —Weryrybõ, bexixake wahe. ¹⁵ Weryrybõ rexixamy reamy ronyre. Idi rarybere. Tai tahe Jesuisi ise-ò riwahinyre. ¹⁶ Ibutumy tasÿ mahãdu ribedeõtiidÿÿdunyre. Tai tahe Deuxu riwowydynimyhÿreny: —Ebe, aõherewe, Rybedu nihikÿ kÿnyhe wixijumy inydeereny rehemynyre. ¹⁷ Kia taheka bede bede hãwãmy Jesuisini reare.

18 Joaõ heludu mahãdu ibutumy tuu relyyre iko. 19 Inatxinareny Joaõ riteõnyre Jesuisi dÿÿraximy kamy wahe: —Kaiwe nodu aõbo tate, ada txiõ aõbo ini nodutyhy ariraõrenykre? 20 Idi Jesuisi-õ ròirenyre tuu itÿÿraxidÿÿmy; —Kai we nodutyhy tate? Ta txiõ aõbo ini ijõ ariraõrenykre? 21 (Iu ta Jesuisi yla aõkõ webinadu, binanamy binana mahãdu riteytenyra, tyytybybinamy ykydu mahãdu, iruetà mahãdu sõwemy tule.) 22 Irahu-di ta Jesuisi rarybere Joaõ ijoi-ò: —Bòðsebenyke. Ibutumy kamy tabitenyta taholatenyta Joaõko-ò tuu belyybenyke: —Iny ruetà bina mahãdu retehererimy, Iny rutiàre mahãdu rariarerimy, tyybinamy binana mahãdu reytererimy, iny nohõtity mahãdu roholarerimy. Iny rubu mahãdu heka rubu-ribi rexixarerimy, urimynodu mahãdu heka Rybewihikÿ Tÿmyra-ò roholarerimy. 23 Iny bedesa heka rare, warybe tyhydÿÿdu mahãdu.

24 Joaõ heludu mahãdu iribi ròhõnyreu tahe Jesuisi rarybere Joaõ bededÿÿnanamy: —Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyete. 25 Aõma hãbu urimynodutyhy aõbo tahõtinytenyteri. Hãbu tyywihikÿdiremy tahe tahõtinytenyete. Iwese iòlò taheto wihikÿ-ki ratximyhÿre wesemy aõbo tahõtinytenyteri. 26 Wadee manarybeke aõbo betehékemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare. 27 Aõma dori tyyriti-ki rarybemyhÿre:

—Tii heka wakoki kadehemynykemy ratximyhÿre, tamy relyykemy, ryõ riywinymyhÿre.

28 Inatyhy kaa rare. Tie heka ibutu hãbu ratyre ratximyhÿre. Ihãrele tahe inyõ Deuxu Iòlõna-ki ratxikeki heka iratyre ratximyhÿre. 29 Tahe nieru butudÿÿdu mahãdu kia-ò roholare. Tule sõwemy iny kia-ò roholare. Tiiboho Deuxu bede ywina tyhydÿÿdu mahãdu roire. Tule Joaõ Sebedÿÿna mahãdu roire. 30 Fariseu mahãdu tahe, bede ywina erydÿÿdu mahãdu tahe Deuxudeewina dera rare. Tai Joaõ-ò ratisebemy roiõtyhy. 31 —Mowesebo heka wijinabòdu mahãdu wesemy ratxireri. 32 Uladu mahãdu wesemy tiiboho ratxireri. Tiiboho ijõ uladu mahãdu-ò ryrwymyhÿre: —Inyboho rawiunyre, tahe kaiboho teseõtyhy. Wobina wiu rawiunyre tahe kaiboho tahinyõtyhy. 33 Joaõ Sebedÿÿdu renareherenyõmy rÿire, vÿi riõõre. Ihãre tahe kaiboho tarybete: —Tii tyytybybina-di ihÿre. 34 Hãbutyhyhykÿ jiarÿ rare, Deuxu Riõre wahe. Jiarÿ reroximyhÿre tule reõmyhÿre. Tai tahe tarybemahãte jiarÿ wabyre nihikÿlemy wamomohõkÿremy. Jiarÿ riki òrarudu liinatyhy heka jiarÿ rare, nieru tarasadu liina wahe. 35 Ihãre tahe aõikõkõlemy heka taraykynymyhÿtenyete ihãre taheka òbitilemy ixi-di tahõtinyamahãtenyete.

36 Fariseu mahãduõ heka Jesuisi ritobinyre taheto-ò roximy. Jesuisi tahe rare idi ronyre roximy. 37 Kia hãwã-ki tahe hãwyõ rasÿnyre, wydena wahe. Tii heka Fariseu heto-ki riroxirerimy roholareu, tii tule rare. Tahe hyna òwyhykÿ rimyre. Alabastro aderõnahynani rare. 38 Hãwy tahe Jesuisi hewomy ronyre, iòhõmy. Tahe aderõna ritxiwire iwatyre. Tule iwa-ki ruworuwõmy ratximyhÿ irube-di iwa risuhõra idi irade-di rabunyre. 39 Fariseu kiamy robireu, ixideele rarybera: —Kia hãbu Deuxu rybeduõ aõkõ rare. Tuukeki tii hãwy rieryke aõhãwybo tii ratxireri. 40 Jesuisi tahe fariseu-ò rarybere: —Simaõ, adee ararybekemy watxireri.

Simaõ tahe rarybere: —Manarybeke Waerydÿÿdu! ⁴¹ Tahe Jesuisi rarybere: —Nieru huòteduõ heka inatxi hãbu-ò nieru riwahinyre. Ijõ 500 rihuòtera, ijõ tahe 50my rihuòtera. ⁴² Idi tahe hãbu inatxi nieruõhyyimy rÿire òõsemy tanieru tamy. Tai tahe nieru huòtedu riwotõenyrenyre tahe ritusanyre, wiwana iòwy riixãwididÿÿnyre. Tibo huòtedu ilàhãnadÿÿdu tyhyre. ⁴³ Simaõ dirawyõnyde: —Kia õsana 500my rihuòtere. Tahe Jesuisi rarybere: —Inatyhy rare. ⁴⁴ Jesuisi tahe hãwyy, riijemy, tahe Simaõ-ò rarybere: —Kahãwyy ini bidiijeke. Jiarÿ nadehemynydeu, tii tarube-di wawa risuhõra. Kai beeõ tadiwyõte. Tii tarube-di riwawasuhõra. Iu tarade-di riwawarabunyra. ⁴⁵ Kai tiwawehityhynanyõte rehemynyrau, tii tahe riwaatyõhyyimy ratxireri. ⁴⁶ Kai warade-ki òlÿre tetxiwiõta tii tahe aderõna wawatyre-ki ritxiwire. ⁴⁷ Tai tahe adee ararybekre. Tii inatyhymy waluure. Taõraruna ixãwidÿÿna-ki. Inyõ iõraruna ibutemy raixãwidÿÿnymyhÿreki, tii inatyhymy aõkõ taõraruna ixãwidÿÿdu luure. Ijõ tahe inatyhyhykÿlemy taõraruna ixãwididÿÿdumy reamyhÿre. ⁴⁸ Tai Jesuisi hãwyy-ò rarybere: —Aõraruna reixãwididÿÿnyre. ⁴⁹ Tai roxidu mahãdu wídee raryberenyre: —Mohãbubo kia rare? Tii õraruna ri-ixãwididÿÿnyrerimy. ⁵⁰ Tahe Jesuisi hãwyy-ò rarybere: —Atyhydÿÿnamy textitarasadÿÿnynte aõraruna sõwe-ribi biu-ò hena tetateri. Mata hÿny.

8

¹ Rexideleny raremyhÿ ralõralõmy hãwã hãwã ikõkõmy reamy rare kia aõma Deuxu Rybewihikÿ Tÿmyra relyymy rare. Tai ierdÿÿna mahãdu waõinatxi reurõmy idi rõirenyre. ² Tule hãwyyõ tiiboho wana rõirenyre Ijõta Marie Madalena heka rare. Juhuu tahe tyytybybinahakÿ-di raremyhÿ. Idi debò inatxi reurõmy tyytybybina iribi riòlòdÿÿnyre. ³ Ijõta Joana Kusa hãwyy rare. Tii iòlò Herodi heka aõmysÿdÿÿdu heka rare. Tule ijõ hãwyyõ Susana inire. Idi tule ihona hona Jesuisi taijoi-wana ibutumy tanierureny-di riwiõhenyrenymyhÿre.

⁴ Idi iny sõwemy titxiribibo dirahude kia-ò. Kia mahãdu-ò heka Jesuisi ribedeerynyre ijyyõmy. ⁵ Alòbõrõna-di dehudu heka ròhõnyre taoworu-ò. Alòbõrõna-di imahãdu ijõ ryro-txi resere. Tai heka iny rariamyhÿre alòbõrõna tyre-ki. Nawii tule tuu riroximyhÿ. ⁶ Mana rotysu-txi ijõ rejuxunyeri mana rotysu-txi suu dori ibututere tai tahe iraruxiõlemy raumynyre. ⁷ Ijõ tahe edey-txi resere. Raumynyreu tahe edemy riòhÿtÿnyre. ⁸ Ijõ resere suwi-txi. Tai ta raumynyre idi sohoji alòbõrõnaty-ribi 100my raratynyre. Jesuisi tamy rarybere: —Kaiboho õhõtirenydikeki heka inatyhymy warybe-ò boholabenyke.

⁹ Tai tahe Jesuisi-ò rÿÿraxinyrenyre: —Aõwe kaa tekewesenanyteri? ¹⁰ Jesuisi rirawyõnyre: —Kaiboho heka teerytenyte aõbohe wasimy ijyy rare Deuxu dori adeereny ritÿnynyre. Kia tahe rare, Deuxu Iòlõna aõmydÿÿnana wahe. Ijõ iny-ò tahe rarybere ijyy-di relyyre.

Tai robikre tahe, rieryõtyhyke. Roholarenykre tahe rieryõtyhyke, timybo juhuu Deuxu rybemy rybedu mahãdu rarybere wese.

¹¹ Aõmybo kia aõijyybo kia rare wahe. Alòbõrõna heka Deuxu Rybewihikÿ wese rare. ¹² Ryro-txi resere heka ijohonadu wesemy rare. Deuxu ijyy heka resera ede sõwey-ki. Tii heka Deuxu Rybe-ò roholamyhÿre mahãdu wese rare. Idi tahe Satanasi heka ritamyhÿre iworenry-ribi. Tai rityhynyrenykõmy idi biu-ò rahenyõkremy. ¹³ Ijõ tahe manasuõ-txi resere heka, kia Deuxu Rybe-ò roholamyhÿre mahãdu

wese rare. Rybe-ò juhuu roholamyhÿre deysana-di rityhynymyhÿre. Kia manatyre resera heka irarutiòhykre. Iny mahädu wese heka rare. Idi icyhynakòreki, iwodelòlòtòmòreki urile tatyhydÿÿna riatymyhÿre. ¹⁴ Ijò tahe edesuyky-txi resere heka, kia Deuxu rybe-ò roholamyhÿre, idi iworekena sòwemy, iaòdelòlòtòmomy, idi ityhyna wahe urile riòhòtÿnymyhÿre. Tai ròwiòhenadÿÿòhyymyhÿre Deuxu tyhydÿÿna-ki. (Kia tahe alòbòrònaò ede yky-txi resera tahe iny umy witxira wesemy heka rare. Iny umy tyhyna idi ratxireri heka kia wesemy kia ede-txi iny reseremy. Aòma kia inytyhyna ratxireri. Tiu heka ityhÿdÿÿna riòlòdÿÿòtyhy. Kia alòbòròna tahe tai heka rokuòtyhy.) ¹⁵ Kia ijò alòbòròna suu witxi-txi reserá tasÿ iwitxira inywesemy rare. Kia ijohonadu aòma rierymyhÿre. Irayky-ò ralòmohÿre. Kia iwotyhywo-ò òbitimy ratxirerí tahe, òbitilemy aò riwinymyhÿre. Iwese kia alòbòròna sòwemy ratyy rawahinyre wese tahe tii rare. ¹⁶ Ijò ijyy tahe kiamy roire. Uritere inyò loosònaò rideòmykre butxi rawo-txi ada herina rawoò-txi aòbo. Loosòna bidekre bedewiò-ò. Tai tahe ibutummy bede ritoosònanykre. ¹⁷ Aò heka tai wasimy ratxiòhyymyhÿre. Aòtxummy dori ibutummy erynamy rarekre. ¹⁸ Tahe bexijebenykre ijohona-ò. Kia sòwemy idi rÿirerimiy ihÿre heka sòwemy rimykre. Kia urihimyo iwo-ki rÿireri heka iribi ritakre. Idi ibutummy rÿireri heka iribi ritakre. Urihimyo iribi iny ritakre. Urihimyo iwo-ki rÿireri heka hulemy iribi ratakre.

¹⁹ Jesusise, tariòreboho tamy doide. Tii ròbedeerydÿÿmyhÿki isirare tamy dehemysÿ iny sòwe òraru-ki. ²⁰ Tai inyò Jesuisi-ò rarybere: —Adihe wa aseriòre boho hewa ahanakile ratxireri umy robikemy ratxirenyreri. Adee rarybekemy. ²¹ Tai Jesuisi rarybere: —Waseriòre wa kia Deuxu rybe erydÿÿnaò rare. Kia tamy roholamynyrele heka rityhynymyhÿrele heka nadi wesele rare. Tii-wana iwese waseriòre wesele rare.

²² Iribi tahe hãworo rorukurenyreu Jesuisi rarybere: —Ròkòireny kanawe-ribi ijà-ò. Idi tahe roirenyre. ²³ Jesuisi ròròmy tòru-ki. Idi tahe yhynihikÿ òbònihikÿ-wana tamyreny reare. Ruberurenyre tiiboho rÿmyrenyke lau. ²⁴ Tai tahe wylemy riixixanyreny: —Erydÿÿdu, Erydÿÿdu rekekoarenkyre berahatxi-ò. Idi Jesuisi donymy deademy tahe yhy dee rarybere: —Biyryke, Biyrykewa. Yhy ruhummy resere. Òbò tule ruhummy ibutummy riyyre, iny rurukre. ²⁵ —Kaiboho tiwexe ainatyhynareny? Tiiboho rabedeòtidÿÿmy ruberummy widee raryberenyre: —Aòhãbuwe kaa rare. Yhyhykÿ dori òbò dori irybemy reòbyreri.

²⁶ Kanawe-ribi ijà-ò rehemynyrenyre Kerase bede-ò kalileia aho weribi-ò. ²⁷ Hãbuò heka tamyreny dobehede hãwãhãkÿ-ribi tamyreny dobehede. Tiiboho riòtyròny hãwãro-ribi iu ta tyytybybina-di ratximyhÿre hãbu tiu rexityynyòhyymyhÿre tatyy-di hyymyhÿre. Kiamy wabedekihyyle ratximyhÿre. ²⁸ Jesusimiy robireu tahe bedetxile resere tairy-di ryryre: —Aòhebo biwasÿnykre Jesuisi. Kai Deuxutyhy Riòre atxiteri. Uritere aòhòkÿmy wasÿdÿÿòmykre. ²⁹ Tahe Jesuisi heka tyytybybina iribi riòlòdÿÿnyre. Sòwemy dori riuwinyre hãbu rimymyta. Riuwinyre idi rihure. Tai heka tii uritiere womati reroti-di ritaataamy riijemyhÿre. Ihãre tahe ixi-ribi riòròmohÿre. Tai bedero-txi reamyhÿre tyytybybinamy rawonymy. ³⁰ Idi tahe Jesuisi rÿÿraxire tamy: —Mobo anire? —Sòwemy wanire. Tyytybybina sòwemy dori tuu rexikykyreki. ³¹ Tiiboho raryberenyre: —Uritere bedebinahakÿ-ò wateòdÿÿrenyòmykre. Uritere

sÿu-ò noõma rarekremy hãlootxi-ò. ³² Iu tahe ixÿni juramy rirox-
 imyhÿ hãwãlò-ki. Tai tyytybybina mahãdu Jesuisi-ò rarybere: —
 Biwateõnyõke. Kowa ixÿnijura-ò biwateõnybenyke aralorenykremy. Tai
 Jesuisi rirõtenyrenyre. ³³ Iu kia hãbu-ribi tyytybybina rõhõnyrenyre
 tahe ixÿniwo-ò ralõreki wahe. Raòlõnyra ijò-di rejuxunyre taraõ wahe.
 Ibutumy ahoro-txi rejuxunyre. Ibutumy rururenyre berahatzimy.
³⁴ Ixÿni-di itxeredu mahãdu ibutumy raijiranyra hãwã-ò tule relyyrenyre
 tuu iny rasÿnymyhÿre mahãdu-ò. ³⁵ Tai iny dirahude tamy itxeremy. Idi
 tahe rare Jesuisi-ò. Hãbu robimyhÿrenyre tatyky-di rononymhÿ ibutumy
 rexiywinymy Jesuisi-ribi iõhõmy ronyre. Kia iny mahãdu heka sõwemy
 ruberure rabedeõtiidÿÿnymyhÿre. ³⁶ Ibutumy relyyre. Kia tyytybybina
 timybo aõhebo rotÿÿnyremy. ³⁷ Kia Kadara bedede ludu kia mahãdu tahe
 rexitõenyre Jesuisi-ò iribi rõhõnykremy, ilau ruberurenyreki wahe. Idi
 tahe Jesuisi rõkõsere ixbybyle reare hãworo-ò. ³⁸ Hãbu tahe rexitõenyre
 Jesuisi-wana rakremy, kia tyytybybina-di iwo-ki ratximyhÿ wahe. Tamy
 rarybere: ³⁹ —Aõkõre bõkese aheto-ò. Ibutumy belyyke aõbo adee
 Deuxu riwinyremy. Tai ta ibutumy hãwã hãwã-ò relyyre aõhebo Jesuisi
 risÿnyremy.

⁴⁰ Kia iny sõwehekÿ mahãdu heka teysa-di rimyre ridyremyhÿre ri-
 raõhyymy ratximyhÿreny. ⁴¹ Kia hãbu dohodÿÿdu hetowo erydÿÿdu tahe
 nade Jesuisi-ò. Tii heka dohodÿÿnana dinoduõ rare. Ijairu inire Jesuisi-ò
 sutxi resere: —Mynake wasÿ Jesuisi ⁴² Jiarÿ wa wariõre sohojile rare
 waõinatxi reurõmy iwyrã. Tii ka rurukremy roireri. Idi ta Jesuisi rare
 isÿ-ò. Sõwemy iny Jesuisi riheludunyre.

⁴³ Hãwyyõ raremyhÿ heka hãwyy webinadu rare iõhò Jesuisi rexisÿny
 waõinatxi beõramy heka idi rõhõnyre hykyky hãlubu ratxireri. Tiu heka
 inyõ reteytenyõhyymyhÿre luahidÿÿdu, õhotibedu mahãdu he risiranyre.
⁴⁴ Tai tahe Jesuisi tykysi-ò reare. Tai ta aõwesele reytemy reare. ⁴⁵ Jesuisi
 rarybere: —Mowe watxi reare? Ijõ rarybereri: —Erydÿÿ mahãdu
 aõkõre, jiarÿboho aõkõre. Pedro rarybere: —Aõheta sõwe iny kaki rÿireri.
 Timykibo tuu tÿÿrayiteri. ⁴⁶ —Jiarÿ dori reeryre. Mobo watxi rearaule
 reytera. ⁴⁷ Tiihe hãwyy ratxiremyhÿ ramytatamy. Tamy ramytatamy
 heka tamy rehemyre. Iõraõ rexibedenyre. Ibutumy iko tuu relyyre.
 Aõherekibo itxi reriramy. ⁴⁸ Tai tahe Jesuisi tamy rarybere: —Lerÿ,
 atyhydÿÿna myna teyteta. Ta bexiywinymytahÿny maa!

⁴⁹ Kie raryberemyhÿwanale tasÿ iny wixiraõle dehemynyde. Kia aõma
 dohodÿÿna wedu heto-ribi dehemynyde. Ijairu-ò rarybere: —Ariõre
 wa rurura. Uritere ta õhotibedu-ò ijiraõma ixinamy tii rake. ⁵⁰ Jesuisi
 kia-ò roholareu tahe Ijairu-ò rarybere: —Urile bityhybenykre. Bre-
 burenyõma tii reytekre. ⁵¹ Tii rehemyre heto-ò. Jesuisi ralõre iny
 deramy reare. Tii wana rake lau. Kia uladuse, uladutyby, Pedro, Txiau,
 Joaõ wana kiale ralõre tamy tiiboho wana. ⁵² Ibutumy rasÿbinamyhÿ
 Jesuisi rarybere: —Ibryrenyõmyke hewa rurumy aõbo roire, urile rõrõmy
 roireri. ⁵³ Ibutumy rieryrenyreri tiiboho urile tai idi risinyrenyre ru-
 rumy roimyhÿki. ⁵⁴ Jesuisi ihãre ta hirari debò-ki rimyre. Tai tahe
 idi rarybere: —Hirari, bexixamy, bodonyke. ⁵⁵ Ityytyby aõwesele ix-
 ityre tamy ralore. Dexixade, donyde. Rÿsÿna hirari-ò riwahinykemy
 Jesuisi rarybere. ⁵⁶ Tai tahe tybyboho sõwemy rabedeõtidÿÿrenyre rabe-
 desarenyre. Jesuisi rarybereri: —Urile wamy ijyyrenyõmykre. Aõbo
 adeereny rewinyramy.

9

¹ Jesuisi tahe tawaðinatxi reurò taerydÿÿna mahâdu ributunyre. Taruru tamy riwahinyre tyytybybina iny-ribi ritakremy. Tule iny webinadu mahâdu riteytenykre. ² Tule rarybere tamyreny: —Kaiboho belyybenykre Deuxu kia Iòlònamy tule webinadu biteytenybenykre. ³ Aõ awanareny wydyrenyõmykre debòna aõkõ, aõna hyna tule aõkõre. Tule rysÿnake aõkõ, nieruke aõkõ. Ainatxityyke aõkõkre. ⁴ Hãwã-ki heto-txi malòkeki taile bonykre. Hãwãribihyyle bòhònykreu, kia heto-ribi bexitakre. ⁵ Ibinamy aramyrenykreki, urile bixitakre. Idi òlòna-ki, awa bitòtynykre ibinamy tai tahatenytaki. ⁶ Tiiboho ròirenyre hãwã sòmo sòmo-di Rybewihikÿ Tÿmyramy relyyrenykemy ròirenyre. Tule iny webinadu ibutumy iteyteyenyre hãwã hãwã-di.

⁷ Idi tahe iòlò Herodi ibutumy heka aõna aõna rierymy ratximyhÿ. Tai tii bede ryy rieryõhyemy ratximyhÿ aõbo riwinykre. Roholamyhÿre heka iny rybe rybe-ò. Joaõ heka rexixamy ratxireri. ⁸ Ijõ tahe kiamy rarybereri: —Eliasile ratxireri. Ijõ rarybere Deuxu rybemy rybeduõ ratxireri. ⁹ Tai tahe Herodi kiamy rarybereri: —Jiarÿ heka Joaõra resymy rewahinyre. Mobo ratxireri iwese Joaõ raremy wese he ratxireri. Moobo ta kiamy raholamy watzireri. Tai Herodi tuu robikemy riwisÿnymyhÿ.

¹⁰ Jesuisi erna iko relyymyhÿreny ibutumy aõbo aõhebo rotÿÿnyrenyremy tabededÿÿnana. Jesuisi riòlònyrenyre ijõ hãwã wixira-ò, Besaida hãwã-ò wahe. ¹¹ Tai iny sòwemy hekÿ rieryõlemy idi ta rieryreu tahe sòwemy ihemy rare roirehe. Jesuisi he ributumy ikole relyyre. Deuxu Iòlòmy relyymyhÿre. Tai ròteytedÿÿmyhÿ webinadu mahâdu. ¹² Aõtxu tahe katxioromy Jesuisi erna mahâdu, waðinatxi reurò mahâdu tamy raryberenyre: —Bede biywinyke ibutumy iny rÿireri hãwã-ò tarÿsÿna õbradÿÿmy. Inyboho dori bedero-ki ratxirenyreri. ¹³ Tahe Jesuisi rarybere: —Kaibohole rÿsÿna biwahinybenyke. Rirasÿnyrenykemy ierydu mahâdu diwyònydenyde: —Aõheretahaka, iruyre orotxu idi inatxi uturale heka roireri. Aroikemy aõbo wadireny atxiteri rÿsÿna õbradÿÿmy insòwe-ò. ¹⁴ Txibo 5000 hãbu sòwemy heka rÿimyhÿ. Jesuisi rarybere: —Bihitxinybenyke 50 iny heka iny bisÿnybisÿnybenyke. ¹⁵ Tii myna ierna mahâdu rotÿÿnyrenyre. ¹⁶ Idi tahe Jesuisi utura inatxi, orotxu iruyre rimyre. Biu-txi reteheremy rexitòenyre. Deuxu reàlare tamy rexitòenyryre nyreymy riwahiny taerydÿÿna mahâdu-ò. Riwyrenyre tahe riwahiriwahinyrenyrym idi roire. ¹⁷ Ibutumy riroxirenyre idi rihydyrenyre. Ihãre ta waðinatxi reuròmy hyna ixyby rÿximy rauhenyryre. Idi ierydÿÿna mahâdu ixyby ributunyre.

¹⁸ Jesuisi heka ixisohojile rare ixitòedÿÿmy. Ierydÿÿna mahâdu heka irarò-ki rÿimyhÿ riijemy rÿimyhÿ. Idi tahe tamy nade tÿÿraximy: —Mobohe jiarÿ raremy wamy raryberenyryre? ¹⁹ Tai narybedenyde: —Ijõ Joaõ Sebedÿÿnamy adireri. Ijõ ta Eliasimy adireri. Ijõ ta juhoo Deuxu rybedu mahâduõmy adireri. ²⁰ Jesuisi tamy rarybere: —Adeereny tahe. Mobo jiarÿ watzireri. Idi Pedro rirawyònyre: —Kai Kristu tate, Deuxu deòdÿÿna wahe. ²¹ Tahe Jesuisi tamy rarybereri: —Uritere tuu iny-ò ijyykõkremy. ²² Jiarÿ Hãbutyhyhykÿ, Deuxu Riòremy, aõhòkÿmy arotÿÿnykre. Judeu wedu mahâdu, xiwena wahidÿÿdu wedu mahâdu, bede ywina erydÿÿdu mahâdu waderamy reake. Jiarÿ arurukre. Inataõna txu-di arexixakre. ²³ Idi ibutu-ò rarybere: —Wahemy kanake mahâdu urile ixi dee rexijõnykre. Txuõ txuõlemy

taitxeò rimomy kidiwaheludunykre. ²⁴ Waòrary-ki rubudu heka biu-ò hedukre. Tukòkeki urile ixinany inatyhymy rurukre. ²⁵ Aõmydÿÿnanamy iny ritakeki, tahe taumy riõnonykeki, kia heka aõmy aõkòkre. ²⁶ Inyõ raixÿrukeki warybe lau tule jiarÿ Hãbutyhyhykÿ, Deuxu Riõre wahe, tai ilau araixÿrukre. Deuxuko-ò ÿjuko-ò iu adehemynysÿu Deuxu Iòlõna-ki wahe. ²⁷ Inatyhymy heka adeereny ararybekre. Ijõ kaki rare. Deuxu Iòlõnamy robikre tarubukòtyre

²⁸ Tahe debò inataõ txuu rÿidi, Pedro, Txiau, Joaõ-wana Jesuisi ridyre. Tiiboho sohojile bederatò-ò roire Deuxu-ò rexitòenykemy. ²⁹ Jesuisi rexitòenyrieriu tii tamyreny rexiwixiranyre iu rexitòenyreu ityy heka urile rabòòranyre. Iurahakÿmy relere. ³⁰⁻³¹ Tahe tamyreny dexitÿnynyde Eliasi, Moisesi-wana tahe rarybemyhÿre Jesuisi-wana. Jesuisi rubunamy Jerusalê hãwã-ki widee rarybemyhÿrenyre, kia Deuxu bedeywidÿÿnana myna. ³² Pedroboho rõrõrenyereri. Idi tahe rexixarenyreu, tiiboho Jesuisi loosònamy robirenyre. Eliasi, Moisesi-wana tiiboho tuu robirenyre. ³³ Ròireriu, Pedro rarybere Jesuisi-ò: —Wawedu, awityhymy inyhe inyboho kaki ratxirenyrereri tahe rikiwinyrenykre inataõ hetomy, ijõ adee, ijõ Moisesi-ò, ijõ Eliasi-ò. Pedro rieryòlemyhÿre aõmybo rarybemyhÿ. ³⁴ Tai rarybereu Nonoe dobehede iubòrõna bede ritòbõnyre. Pedro, Txiau, Joaõ-wana ruberumyhÿrenyremy. ³⁵ Tahe ròhònymy reare rybeuni iuribi: —Kia heka Wariòre waluu rare. Kaiboho tamy boholabenyke. ³⁶ Tiiboho reteherenyre tahe inyõmy robiòlerenyre Jesusilemy ta robirenyre. Tahe rybeõmy rÿirenyre. Iu inyõ-ò aõmy raryberenyõre tuu.

³⁷ Tai tahe ijõ txu ratò-ribi dehemynydeu iny sõwehekÿmy Jesuisi-ò ròirenyre. ³⁸ Inyõ rarybere: —Erydÿÿdu, wariòre adee redyreri. Beteheke wariòre sohoji-ò. ³⁹ Tytybybina rimymyhÿreu tahe riatyre bede-ò. Idi tahe urile txuu riyiyidÿÿnymyhÿre. ⁴⁰ Aerydÿÿna-ò jiarÿ rarybera tytybybina riteònykremy, tahe tiiboho riixãwidÿÿnyòhyrenyre. ⁴¹ Jesuisi tamyreny rarybere: —Tiwesebededÿÿnanabo wijinabòdu ityhyòlemy rÿira. Tiwesebededÿÿnanabo akyreny-ki ariijekemy. Wadee uladu bididyke. ⁴² Tahe didydenyde Jesuisi-ò. Tahe tytybybina urile riitxÿteitxÿtenemy resere. Idi tahe urile bede-ki rexiraòhòhòremy sutxi resere. Idi rarybexinymy. Rybexi irywomy ròhònymyhÿ. Jesuisi tahe tytybybina iribi riòlòdÿÿnyre uladu riteyteyre. Idi uladu tyby-ò riwahinyre. ⁴³ Ibutumy iny Deuxu aõwidÿÿna-di bede riòtiinyre.

Jesuisi taerydÿÿ mahãdu-ò rarybere:

⁴⁴ —Boholatyhyki warybe-ò, Deuxu Riõre Hãbutyhyhykÿ heka rawahidÿÿkre hãbu mahãdubinaò-ò. ⁴⁵ Tiiboho rierykòlere. Kiamy dori ilaureny riwore. Tahe ruberurenyre tÿÿraxidÿÿki.

⁴⁶ Ryro-ki ierydÿÿna mahãdu widee rarybemyhÿre: —Mowexe wiratyre ityhykremy. ⁴⁷ Jesusireny rexiraykynymyhÿreny rieryre. Idi tahe uladuò rimomy rarybere. Jesuisi uladuò wana ronyrenyra. ⁴⁸ Tahe taerydÿÿna-ò rarybere: —Moõ uladu ka wese wadee riwiòhenanykeki, riwawiòhenanyre. Moõ riwawiòhenanykeki, tule waha riwiòhenanyre. Mobo deòdumy reakre, tii ibutu ratyrekre.

⁴⁹ Joaõ tamy rarybere: —Erydÿÿdu, jiarÿboho riòlòdÿÿnyrerimy tuu rabirenyra inyõ tytybybina-di animy rehureriò. Tahe iny mahãdureny aõkò rare. Tahe jiarÿboho tamy reijõnyrenyre iny inyijoiirenyre aõkòki. ⁵⁰ Tahe Jesuisi rarybere: —Bijõnybenyòkre. Inyõ inmyrenyòdukòkeki, inyweribireny-ki tii rare.

⁵¹ Tahe Jesuisi bededÿÿnana iixihidu iòhòmy idi biu-ò rakreu, tii Jerusalē hāwā-ò rakremy rexiywinyra. ⁵² Tahe takomy inybuty bede riywinyre. Tai itÿhinamy rutòmy Samaria hāwā-ò. ⁵³ Tai tahe Jesuisi deramy rekoarenye Jerusalē-ò ramyhÿreki. ⁵⁴ Txiau Joaō-wana kia rieremy tahe narybedenyde: —Wanyrÿhÿkÿ, adee wikeki heòty biu-ribi ityrereny kedesekey aritxuhorenykre risòrenykreky. ⁵⁵ Tahe Jesuisi irybereny-ki ibinamy rahare tahe reburemy taò riòòsere iribireny. ⁵⁶ Idi ta iwitxira hāwā-ò roire.

⁵⁷ Tahe Jesuisi taerydÿÿna mahādu-wana roirenyreu, hābuò tamy rarybere: —Ihyemy awana arakre titxibo makreu, ahekile arakre. ⁵⁸ Tahe Jesuisi tamy rarybere: —Ijòrò heka ihāloo dire. Nawii tÿtÿ dire. Tahe jiarÿ, Deuxu Riòre wahetoòre, Hābutyhyhykÿ rare hārele. ⁵⁹ Tahe ijò hābu-ò rarybere: —Biwaheludunyke. Tahe tii dirawyònyde: —Wanyrÿ, Waha heka rurura. Tai tahe juhū arituunyke. ⁶⁰ Jesuisi rarybere: —Txioinihe, rubu mahādu wii rituunyke. Kai tahe makre Deuxu Iòlònamy belyyke. ⁶¹ Ijò rarybere: —Wanyrÿ, araheludunyke. Urile juhū wasÿ mahādu arawehityhynanyke. ⁶² Tai Jesuisi dirawyònyde: —Inyò rite-lenyekei, tahe ixyby òòsemy rexinohòtinykeki, tii waheludu mahāduomy rareòtyhy.

10

¹ Jesuisi 72 hābu heka ritare inatxi inatximy tako-ò tihāwāhāwātxibo rakreò bede riywinyre. Kiamy tamyreny rarybere: —Waijyomy rybemy boibenyke. ² Kiamy heka tamyreny rarybere: —Waaòmysÿdÿÿna heka inihikÿ-di isirare. Iwese maixòmo iny riòròmhyÿre wese heka waaòmysÿdÿÿna rare. Maixòmo oworu heka inihikÿre, idi aòmysÿdÿÿdu heka ibutere. Tai oworuwedu-ò aòmysÿdÿÿdumy bexitòdenybenyke, Deuxu-ò wahe. ³ Kiaboho heka budoeni wesemy iyreny-ki boibeke. Kia-ribi nohòti losaòmyke. ⁴⁻⁵ Tai heka bexiijebenykre anierureny wydyòmy. Aòna aòna renyhynykeò aòkò awareny wydyòmy iny-ò ryberenyòmy iny iny-ò ryberenyòmy, rywetyatyamy abededÿÿna nodÿÿmy. Inyheto-ò malokreu Deuxu deysanamy birybenybenyke. ⁶ Tii adee awirenykre wana heka teysakre kahetoludu. Tai tahe ixibyle adee Deuxu deysana ròòsekre adee awiòhyykeki wahe. ⁷⁻⁹ Aòma hāwā-ò malò-wana uritere deuròsò deòròsòomy matximahāke. Tai tehemynymy atxiterikile bexiijemahā tetxilemy. Uritere rÿsÿna òta òtaò aubeò ritidi wana uritere rybeòlòomy. Birÿsÿmy rybeòlemy. Awiòhedÿÿmy ruruke wana bimymyÿ aòbo adee riwahinymyÿre. Iny raaòmysÿdÿÿmyÿre heka ròtamymyÿre. Kia wese heka biwinymyÿke. Birÿsÿmahāke aòbo adee riwahinymyÿke. Binaò roiwana biteytenymahābenyke. Kia wesemy tamy marybeke: —Deuxu Iòlòna heka iòhòmy ihÿre. ¹⁰⁻¹¹ Hāwā-ò birònykeki, inyò aradyrenyòkeki, boibenyke hāwāky-di. Myÿ marybebenyke tamyreny: —Aòbo wawa-ki hāwā-ki rÿireri. Wawa aritòtynykre bryby iribi ròhònykreky. Adeereny ariteòsinykre nohòti ijaranamy tamyreny. Nohòti losarenymy Deuxu Iòlòna adeereny iòhòmy dehenynde. Tahe kaiboho teramy tekoatenyete. ¹² Aòma ywisidÿÿnatxu heka tiiboho aòhòkÿmy rotÿÿnyrenykre. Jesuisi rarybere: —Tiro hāwā Sidò hāwā heka awimy aribireny ròhònykre. ¹³ Kobe làhàxe kai Korasì hāwā, tule Besaida hāwā. Òhotibe ayreny-ki rÿire, kia heka Txiru hāwā, Sidò hāwā tule kire-wana taò òta òtareny-ribi rexiatyrenyre. Tiiboho

tykysausuhukÿtyre rexisÿnyre bryby-di rexierenyre. ¹⁴⁻¹⁵ Òhotibetxumy heka Deuxu raruxetòenykre Txiru hāwā mahādu, Sidō hāwā mahādu! Kaiboho tahe aōkore. Deuxu araruxetòenyōkre. Kai Kafanaō hāwā yludu mahādu aōbo adeereny rotÿÿnykre. Biu-ò aōbo bōibenykre. Aōkō heka heòtybina bedetxi heka boibenykre. ¹⁶ Tahe Jesuisi taerydÿÿna mahādu-ò ixyby rarybere: —Inyō aradyrenykre wana tasÿ-ò. Iwese riwadymyhÿre wesele, aradyrenykre. Moo adeereny roholamymhÿre iyrubu wadee roholamymhÿre. Wana tahe waderalemy reamymhÿre. Waderamy reamymhÿre tahe tule Waha deramy reamymhÿre. Deuxu wateòdÿÿdu wahe.

¹⁷ Tanonanareny-ribi iribi tahe kia erydÿÿna mahādu ibutumy dòòsedenyde. Tiiboho heka teysa nihikÿmy dòidenyde. Tybybinanahakÿ heka irybe-ki ròhònyhÿre irybereny-ki. Riòlòdÿÿnymyhÿreny wana Jesuisini-di heka ròhònymyhÿre kiamy Jesuisiko-ò tuu relyyrenykre. ¹⁸ Tii rarybere tamyreny: —Bexiijebenyke jiarÿ dori Satanasimy biu-ribi rabire, biudelaa wesemy reseremy tuu rabire. ¹⁹ Inatyhy rare waruruke nyderi rewahinyre. Tai hemylala tyre-ki mariabenykeki. Tiu inyō ruuòtyhy itytibòrò nihikÿ arawerenykeki, tiu buruòtyhy. Tule kai aóludu rururatyre arurureny-di boibekre. ²⁰ Ihārele tahe uritere deysarenkōmy atxibenyke ka ruu òraru-ki tyytybybina deòdÿÿna, ruu wahe. Kaiboho dori anireny raritiny my roimyhÿre biu-ki kia ta ateysanarenykre.

²¹ Iule tahe Jesuisi reysare heka Deuxu Tyytybytyhy iwomy reareu. Kiamy rexitòenyre: —Waha, kai wa biuwedu tate ibutu bedede wedu tate. Umy reàlàmy watxireri tamy retòenyre. Wadeysamy watxireri ka aōma dÿÿnana bederaremy nihikÿ iribi tewòmy atxiteriki wahe. Tamy hete iwese iny uladu wesemy rityhynymyhÿre heka. Tai tahe tamy ritÿnynymyhÿre. Kia adeewimy tuu rare. ²² Jiarÿ heka ibutumy Waha wadee riwahinyre. Inyō rieryòhyymyhÿre Waha wahe. Waòrarukile tahe iny rierymyhÿre. Mobo Waha rare wahe. Waòrarukile dori rierymyhÿre. Ijō aritÿnynykemy watxireri. Tai tahe tiki tule riery iruru. Taile rierykre. ²³ Rexitòenymy rahudi tahe wasimy iwòtemy heka rarybere taerydÿÿna mahādu-ò: —Kaiboho heka sòwemy aōwiwihikÿmy tabimyhÿtenyde. Tai kaiboho beysabenyke. ²⁴ Ihetxiu heka Deuxu rybedÿÿdu wana kia aōmysÿnanamy iòlò mahādu wana. Kaireny aōmydÿÿnanamy robikemy risÿnyre, tahe aōkōhyre. Wijile heka tuu robireri aòrarureny-ki. Tule tabitenyteri kaiboho ratximyhÿ inatyhymy aōbo òbitimy Jesuisi ijyy-ò roholarenykemy tahe aōkōhyre.

²⁵ Moisesi bedede ywina rybe-di rāire Jesuisi lÿÿraxidÿÿmy. Iwese kai ixiluure wese, iny witxira luuke! Tii tahe Jesuisi rihixidÿÿmy rarybere: —Aōhebo arotÿÿnyke biu-ò arahenykemy. ²⁶ Jesuisi dirawyònyde: —Timybo kÿnyhe Moisesi bedede ywina tyyriti-ki roimyhÿre? Timybo tuu manarybekre. ²⁷ Tii tahe diwyònyde timybo tyyriti-ki roimyhÿre myna: —Deuxu adinodureny, ibutumy awo-ribi iluuke, ibutumy arayky-ribi aruruna-ribi, ayky-ribi heka iluuke. Tule ibutumy iny ixiwesemy idi atximahāke.

²⁸ Tai tahe Jesuisi tamy rarybere:

—Kai inatyhymy tarybeteri tai inatyhymy mahenykre biu-ò.

²⁹ Kia hābu heka rexiòbitinykemy idi ratxireri. Taita rarybere Jesuisi-ò: —Mobota waeryre? ³⁰ Tahe Jesuisi ikò relyyre ijyymy. —Judeu mahādu hābu heka ratÿinamyhÿ Jerusalē hāwā-ribi, Ijeriò hāwā-ò. Iribi tahe kia

wasidu mahādu rimyrenyre. Inieru ibutumy iribi ritarenyre. Ity h̄yre raòhòtere irubud̄ȳle rasiranyre ririre. Tahe ruruòki r̄ȳimyh̄ȳ. ³¹ Aõma judeu xiwenawahid̄ȳduõ heka idi rare. Tahe h̄abumy robire. Idi h̄abu-ribi irehemy rexiemy reare. Tahe t̄ȳtxi rerikòle rare raty resere. ³² H̄abuõ rehemynyre tiie-ki dohod̄ȳna wiòhed̄ȳduõ rare, Levita wahe. Tule ratyresemy ririre. ³³ Tahe ij̄õ nade Samaria bede h̄awã luduõ heka rare. Judeu mahādu heka Samaria mahādu luukõre. Idi tahe kia judeu mahādu roimyh̄ȳ. Tahe Samaria mahādu h̄abu s̄owemy rirux-etòenyre. ³⁴ Idi tahe tamy rexit̄ymynymy tahe iwotõmona rituahinymy ritaataamy iwotõmona. Idi tahe ka h̄abu relyymy idi rare. Aõma ijumenta tyre-ò ritidimy. Idi rare rirarehu tahe heto-ò ritidikremy ririkremy ridymy heka idi rare. Rumy heka ritòenyre hykyky idi bede nade awimy ris̄nykemy. ³⁵⁻³⁷ Rudile heka heto òwy-di iwedu-ò heka nieru riwahinyre riòwynyre inatxi womati nieru. Tamy rarybere: — Biwiòhenanyre idi mabekre adòòsekre riròkre. Moma ar̄ynaderenykre Ar̄ynadebenykre heka adiòwynykre adòòsekru wahe. Ka h̄abuhe rarybere: —H̄abu bireludu ratxireri. Kia taruxetòenyre tiòsinyre waha tieka idi h̄abubireludu ratxireri. Wimy raòludumyh̄yre h̄arele taheka riwiòhenanyre. Jesuisi tamy rarybereri. —Iwesele biwinykre iweseka h̄abu riwinyra weselemy biwinykre. Kai aõhebo bot̄ȳtyhy mahake. Iwesele wahe. Jesuisi r̄ȳraxire: —Mobo h̄abu aõtxino biòwa rare? Mobo ibireludu wahe? Bede ywina erydu tai rirawyònyre: —Iwiòhed̄ȳdu wahe.

³⁸ Jesuisi, ij̄õ mahādu-wana ròirenyre. H̄awã-ò rirònyrenyre. H̄awyyõ rare Marta inire. Tahe ridyre tas̄y-ò tai ratxirenykemy. ³⁹ Tahe Marta heka iseriòre dire. Marie inire. Marie urile ibire-txi ronyra aõbo tarybeke roholakelemy. ⁴⁰ Marta heka raelelemy ratxireri. Aõna aõnale rot̄ȳnymyh̄yle riwinymy taile rare ratximyh̄ȳ. Tai tahe nade Jesuisi-ò rarybere: —Jikar̄y sohojile wa watxireri waseritxòre riwawikòhenanykòhykyreri. Kai anobohe kòbitimy tai tahateri. Tamy marybeke riwawikòhenykyre. ⁴¹ Tai tahe Jesuisi he tamy rarybereri: —Marta, Marta, aõherekibo kai taelelemy teamy atxireri? ⁴² Sohoji aõmyd̄ȳnale heka awire. Marie awityhy aõmyd̄ȳnana ixidee rimyre. Kia moo iribi ritaòtyhy. Riwinymyh̄ȳ awityhyreki wahe. Tamy rarybeòtyhyõ wadee roholareri iribi ariòlòd̄ȳnyke wahe.

11

¹ Tiutxubo Jesuisi rexitòenymyh̄yre, iny rieryòlemyh̄yre. Jesuisi rexihudi, ijoi rarybera: —Biwaerynanybenykre iwese textitòenyteri wese, Joaõ tahe taijoi rierynanyre. ² Tai rierynanyre. Kai bexitòenykeki, kawese marybekre:

—Waha, ani ibutumy tamywimy. Wylemy mynake iny òlòd̄ȳmy.

³ R̄ys̄na txuõ txuõlemy biwahinybenykre.

⁴ Inyòraruna biixãwidinykre, iny iwitxira-dori taòraruna ariixãwidinykre. Waatysyrenyõmy òraruna-txi.

⁵ Jesuisi heka taeryd̄ȳna mahādu rierynanyre ijyy-di: —Kai ar̄ys̄naõmy bonykeki, abiòwa-ò make ruetya rexitòed̄ȳmy r̄ys̄naõ huòtemy bidiwykemy: —Wy, ahina inataõ wadee bidihuòteke. ⁶ Wabiòwa rehemynyreri bedet̄yi-ribi. Aõ heka wawahisid̄ȳkõnare. ⁷ Tii òsana mȳ adee rarybekre: —Wadee ixitòed̄ȳõmyke ruetyahak̄my. Ar̄yiōtyhy waherina-ribi rexiyrubunymy heka r̄aireri. Ibutumy iny heka r̄òromy

r̄yireri. Uladu, tule iumy r̄ōrōmy r̄yireri. Wadee ixitōed̄ȳōmyke. ⁸ Rexitōenyhyhyhy tai hyhyhy r̄yikeki tai ihārele r̄yike. Abiōwatōenamy aōkō k̄nyne r̄yike. Texitōenyterikile r̄yike. ⁹ Tai heka adeereny rarybereri. Bexitōenykeki, biwyke. Biijeke aōbo teijeteri, tai tahe mahake. Ijōtōbōna bihetenyke tahe adee riraynomy tahe malōke. Tai tahe adeereny rarybera. Ibutumy rexitōenymahāke, tamy riwahinyamahāke. Ibutumy iny riijemahāke, tai rahake. Iny rihetenymahāke riraynyke. ¹⁰ Tai adeereny rarybere: —Ixitōed̄ȳȳki iny aō rimymyh̄re. Aōitxe-ki aōtxi ijara r̄yimyh̄. Ijō-di rōtemy ijara-ki iny ralōmyh̄re. Ijō-di rōtemy ijara-ki, iny ralōmyh̄re. ¹¹ Uladuō tyby-ō uturamy rexitōenykeki aōbo, hemylalaō tyby tamy riwahinyke ir̄ys̄namy? Timyki tuukōna! Kaiboho kiamy aōbo bot̄ȳnybenykre? Timyki tuukōna! ¹² Uladuō tyby-ō hāniesimy rexitōenykeki aōbo, itytibōrō tamy riōkre. Timyki tuukōna! ¹³ Kaiboho aōbina binahak̄dile tahōtinymahātenyté, aōwihik̄y aōbohe ariōrereny-ō biwahinyke. Boreny aratyre heka bede rieryke, Deuxu wahe. Tamy bexitōenybenykeki, tii Deuxu Tyytybytyhy adeereny riwahinyke.

¹⁴ Ixityre tas̄y hābuō raremyh̄ irybeōmy. Jesuisi taile ratximyh̄ tahe tyytybybina riōlōd̄ȳnyre iribi. Iu tyytybybina iribi rohonyreu tahe, hābu rarybere kia rybeōmy ratximyh̄ré wahe. Tahe iny sōwehek̄y mahādu sōwemy idi rabedeōtiimy r̄yire. ¹⁵ Inyō tahe, inysōwehek̄y yluđuō tahe kiamy rarybere: —Kia diabo ruru-di, Belisibu ruru-di heka iribi riōlōdȳnyre. Tii tyytybybina mahādu wedu rare. ¹⁶ Ijō tamy rarybere: —Jesuisi, araeryrenykre inihe aō biditeōsinykre wadeereny. Inatyhy aruru biuludu ratximyh̄re. Wid̄ȳnaō inihe wadeereny bit̄nynyke kialemy heka rarybemyh̄re urile riurihimy tamy aō itxerenamy riwinykelemy. ¹⁷ Jesuisi tahe rierymyh̄ aōmybo raraykynymyh̄reny. Tai heka tamy tuu rarybere: —Kia iny mahādu wiribi hitximy raraykywydynykeki, tii tahe rexihuke itueke, s̄y mahādu tule wahe. ¹⁸ Timybo Satana-siboho bede widee ribinanymyh̄renykeki, awityhymy roirekre. Jiar̄y araeryreny reri timybo taraykynytenyteri. Aōma Satanasi ruru-di tyytybybina ariōlōd̄ȳnykemy tarybetenyteri heka reeryeri. ¹⁹ Kia riki ariwinykeki, kaiboho tule wawesele tewinytenyteri. Timybo? Mobo awiōhed̄ȳdurenny rare? Satanasi aōbo? Kaiboho boibenyke ixitōed̄ȳȳmy awiōhed̄ȳdurenny-ō. ²⁰ Jiar̄y Deuxu ruru-di ariōlōd̄ȳnykeki, kaiboho bexiijebenyke, Deuxu Iōlōna tahe adeereny iōhōra. ²¹ Hābu deburehek̄y tadebōna-di taheto riyrubunykeki, rexityhynomy ronyke. Iaōmyd̄ȳna ibutumy iyrubud̄ȳnyamy r̄yike. ²² Tahe ijō kedehemynyke iratyre teburetyhy, tahe iaōmyd̄ȳna ibutumy iribi riwyke. ²³ Iny wawana aōkō ratxirerimy ih̄yre, tii heka waribi hitximy ratixmyh̄re. Iny wawana aōkō ratxireri, tii tahe aōtxile ramyh̄re ixideōna. ²⁴ Jesuisi ijō ijyy relyyre: —Iny-ribi tyytybybina rōhōnymyh̄reu, tii heka rake ixitawo-di rake titxibo. Rubumy rarunomy rake. Bedeō-ki rahakeki tahe, rōhōtinyke. Arōōsekre, tikibo rarawāhāōle. ²⁵ Ixyby kōdōōsekeu tahe, is̄y ibutumy, tytymy roike iruxeraō. ²⁶ Idi ixityre ijō rimyke debō inatxi reurō tyytybybinaō. Idi tahe tamy ras̄nyrenyke. Iratyre tyhy wahe ibina. Iu kia ixisohojimy tyytybybina-di aōmys̄d̄ȳȳmy raremyh̄y tahe, ihewo-ribi rimyra tahe iroona-ribi tahe aōnityhymy releke. Ibinatyhymy tamy rare.

²⁷ Iribi tahe hāwyō rryyre ibutu ijohonamy: —Hāwyky heka aratxurananyre, aratibienyke heka iny bedekōby rare. ²⁸ Tahe Jesuisi rarybere: —Deuxu Rybe tyhyd̄ȳdumy iratyre wadee awire. Deuxu deysanamy

tamy kanakemy idi watzireri.

²⁹ Idi tahe inysòwetyhymy dehemynyde Jesuisi-ò. Jesuisi kiamy rarybere: —Iny heka kia mahādu ibinatyhymy r̄yire aōwihik̄yle heka riijemy r̄yire. Itxerenaōmy robikre ratxireri tahe itxerena Jonasi-ribi nadelemy tahe robikre. ³⁰ Jonasi heka Ninive hāwā mahādu-ò itxerenaō heka tii rare. Tule jiar̄y heka Deuxu Riòre Hābutyhyhyk̄y rare wijinabòdu mahādu dee itxerenaō jiar̄y rare. ³¹ Ibòò mahādu bede konana-ribi iòlò hāwyy Salomaō bede eryhyk̄y-ò ijòhonamy irehe-ribi nade. Wijinabòdu mahādu taheka naōhyymahāde wadee ijohonamy. Salomaō ratyre heka jiar̄y watzireri. Ikonana txu tahe ibòò iòlòhāwyy r̄yikre rarybekremy. Tii rarybekre: —Anoherekibo Jesuisi deramy teakamahātenyete wahe. Timyk-ibohe irybe bedekeryna-kò ijohokuna r̄yikòmyh̄yreki wahe. ³² Ninive hāwā mahādu tule r̄yikre rarybekremy iwesele. Jonasi rybe t̄nyd̄ȳna-ki rexirāh̄irenyre. Kaki heka Jonasi ratyre hābuō ratximyh̄yre, jiar̄y wahe. Wadee ijohonadu aōk̄ò heka toite.

³³ Moheka loosònaō rideōhyymyh̄yre herinarawo-txi toosò iwasihih̄k̄my roosòmyh̄k̄emy. Tiiemy heka biuòhyy rademyh̄yre ibutumy bede rat̄ynymyh̄k̄emy. ³⁴ Arue umy dori it̄ynymy roimyh̄yre. Arue awikeki heka ibutumy aumy awikre. Arue ibinakeki tas̄y aumy heka bedelorkile r̄yimyh̄kre. ³⁵ Awo toosòmy ratximyh̄yre wana, bexiijemahāke. Aumy biemahāke bedeloro-ki rurunyheny. ³⁶ Bedelrohok̄y aumy-ki r̄yìomyh̄yre wana, tai tahe boosokre ibutumy titxibo bede-txi mamahākre wana.

³⁷ Jesuisi kiamy rarybere tahe, fariseu mahāduō tamy rarybere: —Manake was̄y-ki rikiroxikremy. Tai tahe Jesuisi rare, ralore, ronyre roximy. ³⁸⁻³⁹ Jesuisi ronyreu, tebò risuhòòre. Tai tahe idi bede riòtiinyre. Jesuisi rarybere: —Kaiboho fariseu mahādu, ibutumy heka txisuhòsuhòmahātenyete. Ebò tesuhòmahāte, aumy ibutumy tesuhòmahātenyete. Webòròsityyludu wahe. Kaiboho heka isuhuk̄ylemy toimyh̄yete ibutu aōikòkò-di isumy roimyh̄yre aworeny-ki. ⁴⁰ Iu heka òbitimy taraykynytenyōhyymahātenyete. Deuxu heka iwebrò ludu riwinyre, inatyhy? Tule aworeny, araykyreny wana riwinyre. ⁴¹ Iny aōk̄ò mahādu-ò maruxetòemyh̄ybenyke. Tai tahe byranybenykre heka. Ibutumy awo-ki, ahana-ribi tule ryranykre.

⁴² Kobe làhaxe kaiboho fariseu mahādu. Kaiboho Deuxu dee tewahinymahātenyete uriòno. Debòwiò aō tetatenyewana heka, sohoji tewahinymahātenyete. Tule aōmyd̄ȳnareny aoworuroلودurenyō tewyteny wana, tule tewahinymahātenyete. Kia awire, biwahinymahābenyke. Urile tahe teerytenyōhyymahātenyete Deuxu luuna, Deuxu òbitina. Biwahinymahābenyke heka Deuxu dee aōmyd̄ȳnaō. Tii tahe awire. Tule nohòti losarenyōmyke, luuna, òbitina. ⁴³ Kobe làhaxe kaiboho fariseu mahādu. Dohod̄ȳna heto luureny ikoòhòk̄yle heka torokomahātenyete. Kaiboho arybed̄ȳnareny-ki awimy tahamyh̄ytenyete. ⁴⁴ Kaiboho kobe làhaxe. Wobrona wesemy toite. Iwese iny rubuhāloo tyremy iny rariamyh̄yre wese ieryk̄onamy, kiawesele toite.

⁴⁵ Bede ywina bede eryd̄ȳduō heka tai ratximyh̄y. Tii tahe Jesuisi-ò rarybere: —Eryd̄ȳdu, kai heka aōbinahak̄ylemy wamyreny tarybeteri, kia wese rybe-ki. ⁴⁶ Inatyhy rare. My tahe Jesuisi ris̄ȳnyre: —Inatyhy dori tule bironybenyke aōhòk̄ymyd̄ȳnana. Iny dori adeeremy rarybemyh̄yre iny rybe bityhynymyh̄ybenykyemy tahe ihārele tetyhynyōhyymahātenyete.

Bede ywina ritidÿÿna tewinymahâtenyete, ihârele tahe tiu heka tetyhynyôhymahâtenyete. ⁴⁷ Kobe lâhâxe kaiboho, alahireny, alabiereny wese toite. Iwese tiiboho Deuxu rybedu rirubunyre wese kaiboho toite. ⁴⁸ Kaiboho rubudÿÿdumy toite. Ôbitile tewinymahâtenyetele ixidee tahôtinyamahâtenyete. ⁴⁹ Deuxu tahe rarybere umyrenymy wahe: —Tahe jiarÿ aditeònykre heka Deuxu rybedÿÿduò tule Deuxu deòdÿÿnaò heka aditeònykre. Imahâduò birubunyenkyre ihona tahe biteònybenkyre. ⁵⁰ Kaiboho heka bede òrarumy boibekre kia rubudÿÿ òraru erydumy wahe. ⁵¹ Abeli hâlubu txiwina tahe xiwena hure rubuna. Idi tule Zacaria hâlubu txiwina wahidÿÿna bire-ki heka Deuxu hetobire-ki. Kohe, ihure rubureny òraru-ki aòhòkÿhÿkÿmy biòwynyenkyre. ⁵² Kobe lâhâxe, kaiboho bede ywina erydÿÿdu mahâdu, bedeeryna ijò rayna dinoduboho wahe. Kaiboho tahe terònyòmy bede eryny heto-ò. Tule inywitziraò tetòenytenyete iròte lau.

⁵³ Jesuisi ròhònyreu, teburemy tiiboho ritÿÿraxinymyhÿre aòna aònamy. ⁵⁴ Tuu ròtÿÿraxidÿÿmyhÿre timykibo rirutaònyrenykemy.

12

¹ Sòwemy iny tahe ributunyre. Ube tahe rÿximy ratxireri. Tahe juhoo Jesuisi taerydÿÿdu mahâdu-ò rarybere: —Fariseu mahâdu, saduceu mahâdu urina biebenyke. Tiiboho dori ruidu mahâdu roire. ² Wasimy wiji adeeremy relyyre. Tiu ta ibutumy ijyynamy rÿikre ³ Aòbo wasimy wiji taholate heka ibutumy biurasòmy ratÿnykre. ⁴ Uritere iny lau brebuòmyke. Aumyle tii rirubunykre. Ijò ibinamy adee aòkò tii rotÿÿnykre. ⁵ Iny lau sohojile breburenyòmykre. Deuxu lau ta buberukre. Tii dori atytyby by bede bina-ò rahuke ixideewikeki. ⁶ Nawiiò kaiboho bidymyhÿbenyke iòwy riòre iny heka riwymyhÿrekre. Ibutumy heka Deuxu nawii rieryre sohoji sohojimy. ⁷ Deuxu ara erymy heka aòma arati-ki tiwesebo aradeti rÿimyhÿre rierymyhÿre. Brebuòmyke, aòma Deuxu heka anaerymyhÿre nawii sòmo ratyre heka rierymyhÿ. ⁸ Kai marybeke: —Jiarÿ Deuxu retyhynyre dori tahe umy arelyyke Deuxu ÿjukomy rarybeke biu-ki wahe, jiarÿ Deuxu Riòre Hâbutyhyhykÿ wahe. ⁹ Iny sòwehekÿÿ-ki riwatxiònykeki tule aritxiònykre jiarÿ Deuxu ÿjuko-ò. ¹⁰ Inyò Deuxu Riòremy aòbina binamy rarybekeki, irybe-ribi nohòtilosa rÿikre. Deuxu Tyytybytyhymy tahe inyò ibinabinamy rarybekreki tahe, aòhòkÿmy rotÿÿnykre irybe òraru-ki. ¹¹ Aramykeu heka uritere nohòtiòmyke aòmobo marybekremy ywisidÿÿna-ki. Bede heka ariwahinykre rybedÿÿnanau. Rybeòmyke ikotyre. ¹² Kai ixiwanaale aòkòre marybeke. Deuxu Tyytybytyhy arâwiòhenanymyhÿreny.

¹³ Hâbuò inysòwey-ki tahe Jesuisi-ò rarybere: —Wanyrÿ, Waha rurura. Waseriòre tahe ibutumy waha aòna aòna riwyrâ ixidee sohojile. Tamy marybeke wadee ritxuranykemy. ¹⁴ Jesuisi tamy rarybere: —Hâbu, kia waaòmydÿÿna aòkò rare. Timybo ayreny-ki araywisidÿÿnyke? ¹⁵ Tahe Jesuisi ibutumy iny-ò rarybere: —Warybe-ò bodoholabedenyke. Ixi-tyhyòmy! Arutyhy heka aaòna aòna-ki aòkò rare aòna aòna sòwrehâre. ¹⁶ Tahe Jesuisi ijyymy ròkewesenadÿÿre: —Hâbutyhy riki ioworu nihikÿre. Tahe sòwemy rÿsÿna ributunyre. ¹⁷⁻¹⁸ Iheto tahe iyjare ibutumy ributunykemy. Tahe ixidee rarybere: —Aòhebo arotÿÿnykre? Waaònaheto butumy aritxiwikre. Ijò iribi inihikÿmy ariwinykre. Tai ibutumy waaòwiwi. tamy aridekre. ¹⁹ Tai tahe ibutumy waòwiwi-di areysakre.

Arexielehynykre, ariroxikre, ariðkre. Waruhyy areysakre. ²⁰Deuxu tahe kia hãbu-ò rarybekre:

—Hãbu itxÿtere. Kai wijirulemy burukre. Tai tahe mobo aõna rimykre.

²¹Jesuisi taijyy rihure rexirybenymy. Kia heka aõhebo rotÿÿnyre iny ityhy mahãdu. Tiiboho dori Deuxuõle ityhymy aõkõ ihÿrenyre.

²²Kia heka Jesuisi taerydÿÿna mahãdu-ò rarybereri. Uritere nohõtiõlemy arÿsÿna tule atyymy, idi matykynykemy. ²³Aumy heka rÿsÿna ratyre aõnityhy ratximyhÿre. Aumy heka atyky ratyre aõnimy ratximyhÿre. ²⁴Nawii-di betehebentyke. Tiiboho heka ioworuõrenyre. Tarÿsÿna riyrubunyõhyymyhÿrenyre. Deuxu heka nawii riyrubunymyhÿre, irÿsÿna tamy riwahinymyhÿre. Kaiboho tahe nawii ratyretyhy toite Deuxu dee. ²⁵Sõwetyhymy maraykywydynanykeki aõbo arumy arirarehemy mariake? Aõkõre! ²⁶Kia aõ iyjare tahe Deuxu-ò. Kia biwinybenyõkeki, aõherekibo ijõ aõna aõna nihikÿ-di tahõtinymyhÿte?

²⁷Betehemy inihe noijasa-di. Aõma tiiboho raaõmysÿdÿÿõhyymyhÿrenyre. Ihãre tahe iruxerarenyre ityy wiwihikÿrenyre wese. Tyy ixidee riwinyõtyhy Deuxu rityyny wihikÿ heka tyy wihikÿ tamy riwahinyreri. Salomaõ heka ityynihikÿ rare. Ihãre tahe ityy heka awityhymy aõkõ noirõsõ wese. ²⁸Deuxu heka noijasa ritynymyhÿre kia wijilemy idi ihÿre. Biurasõmy tahe ixãwimy reamyhÿre. Tii heka tyy adee kidiwahynykre. Tai tii atyreny. Tai ta ixinohõtiyredÿÿrenyõmy. Aõherekibo ainatyhyna ibutere? ²⁹Tahe raykyõmy nohõtiõmy titxiribibo arÿsÿna adee kanakredi. ³⁰Tyhydÿÿdukõdu mahãdu heka tuure. Inytybyreny heka rierymyhÿre aõmybo tarumahãte. Ibutumy heka arerymyhÿre aõmybo teamyhÿte. ³¹Tii Deuxu aõmy dÿÿnana sohojidile maraykynykeki heka tii ibutumy adee riwahynykre. ³²Brebuõmy ahãbenyke wariõrebobo. Deuxu Iõlõna adee kanakemy, Deuxudeewina wahe. ³³Aaõna aõna-di bohonybenyke. Iõwy tahe iaõkõdu mahãdu-ò biwahinyke. Anieruhyna wiwihikÿdile boibeke. Kaki ibutudÿÿlemy heka biu-ò bibutumyke. Tai heka judõera aõ rirõõtyhy tule rararyõtyhy. Tule tai wasidu ralõõtyhy. ³⁴Tikibo aõwireny rÿikeki, tai heka araykyreny ratximyhÿre.

³⁵Ijõ tahe Jesuisi rarybere: —Kaiboho bexiwyinybenyke, ibutumy aõhebo rotÿÿnykremy bexiwyinyke. Awereysanaren-y-di atyky beximykre. Aloosõna bitoonyke. ³⁶Deõdu mahãdu wesemy boibenyke. Bexiwyinybenyke awedu dehemyynyna-ò, tii worana bedehesi-ribi rehemynyremy wahe. Iu rehemynyreu, teõdu mahãdu heka ijõ riraynyke. ³⁷Tiiboho riraõrenykeki, deysamy rÿikre. Iwedu dori reximykre ityky wereysana-di tahe rÿsÿna teõdu mahãdu-ò riwahynykre. ³⁸Tii ruwetyakile rehemynykeki, deõdu mahãdu reysakre. Tiiboho dori rexiraõmy rÿimyhÿrenyre. ³⁹Tai heka iny rexiwinymy rÿimyhÿkemy rybe roimyhÿre awedureny kanakreki. Aõma hãbuõ kanakeki heka tiu aõma hãbuõ itxeredumy ronykeki heka, tiu hãbuõ iribi rawasinyõtyhy. ⁴⁰Kaiboho tule bexiwyinybenyke wadehemyynyna txu heka biijemy bonymyhÿbenyke.

⁴¹Tahe Pedro rarybere: —Wanyrÿ, kai wadeerenyle ijyymy telyyte ada ibutumy iny-ò aõbo telyyte? ⁴²⁻⁴⁴Tahe Jesuisi riwyõnyre: —Aõtxile inyõdee, tibo deõdu taaõmysÿdÿÿna riywinymyhÿre, kia idinodu tai awimiy rahamyhÿre tii dori rÿsÿna õbitimy riõriõmyhÿre. Idi tamy aõwiwi riwahynykre taaõna aõna-di itxeredumy tule risÿnykre. ⁴⁵Tii iwitxiramy rexiraykynykeki tahe, ijõ teõdumy raõhõtemy urile idi risinymy

kamy rexirybenymy: —Wawedu dori wiji aõkõ rarerikre. ⁴⁶ Tai ierykõna-di iwedu kedehemynykre. Tuu rierymy iaõmysyðdÿna-ribi ritamy aõhõkÿmy risÿnykre ityhydÿÿdukõdu mahãdu wese. ⁴⁷ Deõdu tawedudeewi rierymyhÿre. Tai heka tuu rotÿÿnyõkeki, tii tahe sõwemy aõhõkÿmy rotÿÿnykre, õhõtemy wahe, tamy riywinyõreki. ⁴⁸ Ijõ deõdu tahe tii iwedudeewimy rieryõkeki, tii tahe aõbinamy riwinykeki, tamy tahe urihimyo õhõte tai rÿikre. Inyõ sõwemy ityhykeki, sõwemy ijõ iny tamy rexitõenykre.

⁴⁹ Jesuisi ijõ rarybere: —Heõty-di bede ariworonykemy heka jiarÿ anade. Tii õte raworonykremy idi watzireri. ⁵⁰ Jiarÿ ratisebenaõwesemy aralokre. Arurukre dori. Ele elemy rÿikemy ixi-di watzireri. ⁵¹ Kaiboho tahõtinyte wadehemynyna-di. Ywina adiwydemy wadi tahõtinyte. Aõkõrehe, bede jei jeidÿÿmy anade iribi widee rahitxihitximy rÿikremy. ⁵² Iruyre inysÿ mahãdu heka widee rahitxihitximy rÿikre. Inataõ iny iuhe õludumy rÿikre. ⁵³ Hãbu mahãdu heka tyby õludumy rarekre. Hãwyy tule tadi õludumy rarekre. Iriokorese heka tariõrelahi õludumy rarekre.

⁵⁴ Ijõmy Jesuisi rarybere: —Iu biuwetyky biura-ribi rõhõnyreu, Kaiboho kia rybemy tarybemahãtenynte biu kòðakre. Inatyhymy biu rõamyhÿre. ⁵⁵ Tule tarybemahãte. Yhy ibõð-ribi rebonyreu, bede ratõteekre. Inatyhymy tuu ratõteemyhÿre. ⁵⁶ Itxenadÿÿdu mahãdu! Kaiboho kia terymahãtenynte bede, biu aõmydÿÿna tule iwitxira aõmydÿÿnana teerytenykõlemahãtenynte, bededÿÿnana konana eryna wahe. ⁵⁷ Ijõ Jesuisi rarybere: —Kaibohole teywinyõmyhÿtenynte, aõõbitinamy wahe. ⁵⁸ Aõðarumy heka aõludu umy rarybekeki, idi ywisidÿÿna ube-õ aradykemy ratxireri, tii-wana widee marybeke idi widi bede biõbitinykemy. Aõkõkeki, tii aradykre ywisidÿÿdu-õ idi rõtenawo-õ soldado mahãdu ararõtenykre. ⁵⁹ Tiu heka aõlõkõmy heka mabekre. Ibutumy iõwy biõwinyke xiery bõhõnyke.

13

¹ Tahe inyõ Jesuisi-õ relyyre: —Pilato rybemynamy Kalileia mahãdu rururenyre Deuxu-õ raxiwerenyreio. ² Kia ta Jesuisi narybede: —Kaiboho timybo irubureny-di texinohõtintytenyteri. Ijõ wiratyre raðrarunanyrenyrekri aõbo? ³ Ture aõkõ, kaiboho bexirãhõbenykeki tule burubenykre irubureny wese. ⁴ Iasÿse ijõ. Iu Silõe hãwã mahãdu tyre heka heto rarie resereu 18 iny sõwe rirubunyrenyrene. Arãÿÿraxikre Jerusalẽ hãwã mahãdu ratyre raðrarunanyrenyrekri aõbo? Aõbo tahõtintytenyteri? ⁵ Kaiboho bexirãhõbenykeki tule burubenykre irubureny wese.

⁶ Tahe Jesuisi kaa ijyy-wana rikewesenanyre, Figoratyõ wese heka. Tahe Jesuisi kaa ijyyemy delyyde: —Hãbu oworu-ki figoõð rÿimyhÿre. Tii iraty dilawijunyde tiubo. Tahe iraty-txi reakõre. ⁷ Tahe hãbu taoworu-di itxeredu-õ narybede: —Inataõ wryamy relawijunyre tahe aõkõhyra. Urile ta biõrõkre. Iraty ihoõreki, awi aõkõ rare. ⁸ Tahe oworu-di itxeredu dirawyõnyde: —Wawedu, txioini kawyramy idi warukikre, isu ariywinykre. ⁹ Aõkõhykrekri tahe urile raorokre ijõ wrau.

¹⁰ Judeu mahãdu elehyna txuu Jesuisi rotohodÿÿmyhÿ judeu mahãdu dohodÿÿna heto-ki. ¹¹ Tai ta hãwyyõ ratximyhÿ. Tii 18 beðra webinadumy ratximyhÿ tytybybina õraru-ki. Tii iumy rarabunymy rariamyhÿre. Ixitaradÿÿ risiranymyhÿre. ¹² Jesuisi tuu robireu, tamy narybede: —Hãwyy, kai heka teytemy tate. ¹³ Tahe Jesuisi tebõmy rimyrene iuleta

reytere. Tai tahe hāwyy heka Deuxu riwowydynyre. ¹⁴ Dohodỹỹna heto wedu tahe ibinamy Jesuisi-ki rahare, judeu mahādu elehynatxureki wahe. Takamy inyreny-ò narybede: —Debò sohoji reurò txumy aõmysỹdỹỹnamy rỹimyhỹre iu heka adeytemy ixi-di bõdõimyhỹke, judeu mahādu elehynatxu ta aõkõre. ¹⁵ Tahe Jesuisi dirawyònyde: —Kai, itxenadỹỹdu tate uriteremy iximy rybedu. Kaiboho judeu mahādu elehynatxu dori abroreni, aawaru heto-ò toimahāte tuu teesenymahātenyte, tedomahātemy idi ibemomodỹỹmy bidybenykremy.

¹⁶ Kaa heka Abraõ riore riõreõ heka Satanasi 18 beòramy rimyre. Aõherekibo ta iribi retarakı sabadotxu ibinamy tahateri. ¹⁷ Tahe Jesuisi òludu mahādu raixỹrurenre Jesuisi rybe òraru-ki. Tahe ixỹ mahādu awityhymy tai rahamyhỹ iòraru-ki. Ibutumy reysarenyre.

¹⁸⁻¹⁹ Tii rarybera: —Deuxu Iòlòna wexe aõwesere. Aõ-ò wexe rikiwese-nanyrenyrenyke. Tiwexe ijyy kawesere? Deuxu Iòlòna heka alòbòròna sõmo sõmo wesemy ratximyhỹre. Raumynyreu heka òwòru rariwesele relemyhỹre. Nawiile tuu rỹtỹnmyhỹre kia òwòru-ò.

²⁰ Ixityre tamy rarybera: —Aõ ijyy wese heka Deuxu Iòlòna rare. Aõwexe rikiwese-nanyrenyrenyke. ²¹ Paõ ixiòlòdỹỹna wese rare, iuri rare. Hāwyy paõ riwinyhỹre, inataõ urihixina-ki iuribemy riurinymyhỹre. Tai tahe raubỹtỹmyhỹre, rexiòlònymyhỹre.

²² Jesuisi tahe Jerusalē hāwā-ò rareu, hāwā hāwāmy rotohodỹỹmy. ²³ Iu inyõ rityỹraxinyre: —Wanyrỹ, Hedu mahādu we sõwekre aõbo? ²⁴ Jesuisi tamyreny narybede: —Bexityhynybenyke ijõyja-di birònybenykemy. Sõwemy iny tahe ròtemy reakre tahe ralòdõhykre. ²⁵ Hābuõ kie taheto ijõtòbòna ritòbònyre. Iu kaiboho uritere bydyrydenykre: —Wanyrỹ, aralòrenyke ini. Kiata tii anawyònydenykre: —Tiludubo toite, araeryrenyõre. ²⁶ Kamy ta bidıwyònydenykre: —Inybohõle riroximy roiremyhỹ. Wahāwāreny-ki tòbedeerydỹỹmyhỹ. ²⁷ Ixityre anawyònydenykre:

—Boibenyke aõbina bina widỹỹdu.

Tiludubo toite dori reerykõre. ²⁸ Deuxu iòlò-ki Abraõmy, Ijaimy, Ijaõmy, tule ibutumy Deuxumy rybedu mahādumy bobibenykreu, kaiboho malòbenyõtyhy. Tai hii, ibru, junytata rỹkre. ²⁹ Iny ibutu bede bede-ribi, Ibòò-ribi, Iraru-ribi, Biura-ribi, Beà-ribi Deuxu iòlò-ò hāwāmy. ³⁰ Kiaremy ta, koludu mahādu heka ibutuhewomy kedeakre. Ikõmyta, hewoludu mahādu, koludumy kedeakre.

³¹ Iu ta fariseu mahādu Jesuisi-ò narybedenyde: —Mahenyke, Herodi dori arubudỹỹmy araijereri. ³² Jesuisi dirawyònyde: —Bòõsebenyke kamy ijòrò-ò marybebenyke: —Jiarỹ tyytybybina iny-ribi retareri, tule ròteytedỹỹreri wiji biurasõmy. Ijõ txumy ta waaõmysỹdỹỹna arihukre. ³³ Kiaremy ta kia rewinyreri arihukre. Deuxumy rybedu dori Jerusalē hāwā-ki sohojile rurukre, iwıtxira hāwā-ki ta aõkõre. ³⁴ Jerusalē, Jerusalē hāwā, amahādu heka rirubunyrenre Deuxu rybedu mahādu wahe. Iwese hānie tariòre ributunymyhỹre wese terawo-ò, kia wesele arayrubunykemy rexinohtinyre tahe kaiboho terarenyre. ³⁵ Aheto-ribi heka Deuxu rexitakre. Kaheka ararybekre adeereny: —Wamy heka bobiõtyhy ixityre. Tiutxumy kamy bexirybenyke bede-ò, myỹ:

—Deuxunimy nodu awityhy heka rare. Kiaule wamy bobikre.

14

¹ Sabadoõu Jesuisi heka fariseu mahãdu wedu mahãduõ heto-ò ralore roximy. Tahe iny idi retehemyhÿreny. ² Iu inyõ taruti, tadera-di taritari-di tamy dehemynyde. ³ Tahe Jesuisi narybede bede ywina erydÿÿdu-ò, fariseu mahãdu-ò: —Sabado txuu deytedyÿÿwe awire aõbo, aõkõre aõbo. ⁴ Tiiboho rirawyònyõhÿyrye. Tahe Jesuisi hãbu riteytenymy bede riywinyre iribi tahe riòlòdÿÿnyre. ⁵ Ixyby narybede Jesuisi: —Txibo kaiboho ariòreõ ada abroreniõ hãloo-txi resekeki, bitabenyke Sabadotxu hãrele. Aõhe inatyhy. ⁶ Tiiboho rirawyonyõhÿyrye.

⁷ Tahe Jesuisi roxidu mahãdu-di retehemyhÿrye. Tiiboho dori rynana wihikÿ-txi rononymhÿreny. Tai kamy tamyreny rarybere: ⁸ —Txibo inyõ bedesanaõ araarikeki. Uritere ryananawi-ò rÿõmykre. Txibo dori inyõ aratyre ityhy kanake lau. ⁹ Tukeki bedesa dinodu inyõ aratyre-ò arynana-txi ronykemy adee kanarybekre. Tai tahe maixÿrumy rynana bina-ò bonykre. ¹⁰ Kialemyta inyõ araarikeki, rynana bina-txi bonykre. Tahe bedesa dinodu adee kanarybekre: —Wy, katxi bodonyke ryananawihikÿ-ò. Tai tahe kai mabedesakre ibutuko-ò. ¹¹ Tahe ixityhydÿÿdu mahãdu uritere reakre. Kõmyta urixi dinodu mahãdu rawowydykre.

¹² Tahe Jesuisi bedesa dinodu-ò rarybere: —Txibo roxina biwahinykeki, uritere asÿ mahãdu, aery mahãdu, ityhy mahãdu aarixiõmykre. Urikõ-ribi iwese teariteri wese araariheny. ¹³ Tukõmyta roxi biwahinykeki, uriteremy rÿira mahãdu, iny tiere mahãdu, iny rueta mahãdu biarikre. ¹⁴ Tai adeysatyhymy mabekre. Tiiboho dori tiu ixiwesemy araariõtyhy. Deuxu tahe aõwydÿÿdukre iu bede awikre.

¹⁵ Ijõ roholare Jesuisi rybe tai tamy rarybere: —Deuxu Iòlõna-ki, òwòrubese rÿdu mahãdu reysamy rarekre. ¹⁶ Tahe Jesuisi rarybere: —Inyõ roxina nihikÿõ riwinykemy ratxireri. Sõwemy iny ritobinyre. ¹⁷ Rexihumy rÿireu, teòdu mahãdu bede riywinyre iny kididykremy. ¹⁸ Sohoji sohoji tahe tarybe tamy riwahinyre. Ijõ taoworu tÿmyra-ò reteheke. Ijõ kanaõtyhy heka. ¹⁹ Ijõ tahe broreni debòitue riõbranyre tai riurihikreki kanaõke. ²⁰ Ijõ tahe hãwy herinamy rexihumy rÿire tai kanaõke. ²¹ Teòdu tahe ròðsera tawedu-ò tamy relyyre. Tii reburere tahe rarybere: —Wylemy makre ibutury-di hãwã-ki. Ibutumy iny wixira wixira bididyke, iaõkõ mahãdu, itiere mahãdu, rueta mahãdu wahe. ²² Iribi tahe teòdu ròðsera rarybere: —Ibutumy rewinyre wawedu, tahe heto rÿxiõmy rÿire. ²³ Tahe iwedu ixybmy bede riywinyre hãwã-ribi ibryrari-ò iny kididykemy: —Aruru-di bididyke, waheto dori rÿximy rÿirakremy idi watxireri. ²⁴ Juhuu watobidÿÿna mahãdu warÿsÿna riurihiõtyhy.

²⁵ Iu sõwemy iny Jesuisi heludumy roire. Tai Jesuisi tamyreny rarybere: ²⁶ —Kaiboho aõbo inatyhymy waluu mahãdumy toite. Tuu tarybeta. Tahe boluu, adiluu, ahãwyyluu, ariòreluu, aseriòreluu, ixiluu ratyre waluuõkeki, wamahãdumy aõkõ boibeke. ²⁷ Inyõ riwaheludunyky ratxireri, tii juhUU taitxeò riwykre. Kialemy tahe riwaheludunyke inatyhymy. ²⁸ Inyõ heto rarie riwinykemy ratxikeki, juhUU iòwy-di rõhõtinykre. Inieru rinykeki tahe riwinyke, aõkõkeki tahe riwinyõtyhy. ²⁹ Tii tuu rõhõtinyõkeki, tii ibutelemy riwinykre tahe inieru ituereu, ibutumy iny idi risinykre: ³⁰ —Tii tahto rarei riteleny tahe rexihuõtyhy. ³¹ Iòlòð wou riwinykeki, juhUU taaõbinadu mahãdu-di rariamyhÿrye. Idi rõhõtinyre. Ijõ iòlò wawio mil soldadomy ijòdikiki, tahe tii debòwio

mil ijōdikeki, tahe wou riwinyōtyhy. ³² Juhuu tahe teòdu riteònyre ijō iòlò-ò ireheribile tii-wana wou ixāwidỹmy rarybekemy. ³³ Akireny tule iweselere. Ibutumy aaōna aōna biriōbenykeki, waheludu mahāduōmy boibeōtyhy.

³⁴ Saa heka aōni awi rare. Tatxuberere rexihukeki tahe turibi ixāwike. ³⁵ Tai tahe suurina-ki ahirana silỹna binakōki awiōhōtidirenykeki boholabenyke warybe-ò. Suò awiōre, tule ahirana bitòbònykemy awiōre. Urile idi behuke. Kaiboho òhōtidirenykeki, boholabenyke!

15

¹ Idi nieru tarasadu mahādu sōwemy tamy roholamy doide. Tule ijō iny òrarudu mahādu rehemynyre. ² Fariseu mahādu, tule bede ywina erydu mahādu kawesemy rarybere: —Kahābu ibinare. Tii òrarudu mahādu-wana riroximyhỹre, iny iehehe-wana.

³ Idi Jesuisi rierynanyre ijyy-di rawesenanyre. ⁴ Kaibohoō òsana 100 budoeni ijōdire. Sohoji heka iy-ribi iōre. Kai aōbo makre ijesemy? Kohe, iuhe, 99, birike bedero-ki tahe biòryhyke. Aōhe inatyhy? ⁵ Mahakre wana tahe eysamy atxikre. Tahe bidyke iuhe-ò. ⁶ Taheto-ò rehemynyre, tasỹ mahādu-ò tahe ritobinyre: —Wawana ini kỹny bedeysabedenyke. Wabudoeni-ki rahara, iōreō wahe. ⁷ Iwesetyhylemy taheka adee reerymahāre iny òrarudu mahādumy. Iu sohoji iny rexirahīkeki, biu-ki deysana sōwemy rỹikre. Iny òbiti 99my tahe urihimyo biu-ki deysana rỹikre.

⁸ Ijō Jesuisi relyyre: —Hāwyyō òsỹny womati ura nieru debòwiò dire. Sohoji iōre-wana, tii riijeke inatyhy? Loosōna ritoonyre, iube riwysynyre, sōwemy riijeke ihyymy tahe tai rahara. ⁹ Tii itxi reakreu, reysamy rỹira. Iu tasỹ mahādu ritobinyre: —Wawana inihe bedeysabedenyke. Wanieru-txi dokuri rahara. ¹⁰ Jesuisi tahe ritỹnynyre: —Iwesetyhyle biu-ki rare. Deuxu j̄ju mahādu reysamy roirenyre, sohoji òrarudu rexirahīreu.

¹¹ Ixyby tahe Jesuisi narybede: —Hābuō iriōre inatxire. ¹² Tiutxumyta ihelỹna tyby-ò rarybere: —Waha, ibutumy aōna aōna burukreu wadee rawahikre, wijile bidiwahinykre. Tyby tahe iaōna aōna jura tamy riwahinyre. ¹³ Iriōre helỹna tahe ibutumy taaōna aōna-di rare irehe-ò, iwitxira bedehāwā-ò. Tai aōbina binale riwinyhỹre. Ibutumy tanieru tai rahure. ¹⁴ Taaōwiwi rahu-di ta, tai rama ibede mahādu rahumyhỹre. Tii uritere reamyhỹ wahe. ¹⁵ Tahe aōmysỹdỹnyamy rarunyre. Hāwāduō tahe taixỹniòwedỹdumy bede riywinyre taoworu-ò. ¹⁶ Tai rama risamy ta ixỹni rỹsỹna rỹsỹmy rexinohōtinyre. Tahe aōkōre. ¹⁷ Kia tahe tōhōti deade. Kamy dexinohōtinyde: —Yla aōkō waha aōmysỹdỹnydu mahādu irỹsỹnadireri iwana jiarỹ kaki rama warubudỹmyreri. ¹⁸ Ixyby aròðsekre. Kamy Waha-ò arexirybenymy: —Waha, Deuxuko-ò ako-ò rexiixỹtenyrene jiarỹ raòrarunyrene wahe. ¹⁹ Ariōre wese aōkōmy wadi mabeke, waitxỹte òraru-ki. Aaōmysỹdỹnydu mahādu wese ta ararekre myỹ tii rōhōtiny. ²⁰ Tii tahe tyby heto-ò rare. Irehemy nadeò, tyby tuu dobide. Idi rexiwo-brunymy tamy raijaranyre iwehityhydỹmy. ²¹ Tahe tii narybede: —Waha, Deuxuko-ò, ako-ò rexiixỹtenyrene jiarỹ, raòrarunyrene wahe. Ariōre wese aōkōmy wadi mabeke, waitxỹte òrau-ki. ²² Iule ta tyby teòdu mahādu-ò rarybere: —Wylemy tyywihikỹ tymyra-di bityynybenyke. Debòð tebò-ò roikre. Waō-di rawanykre. ²³ Tasỹse broreni riōre dedi

birubunbyenyke. Idi rikiroxirenykemy rekeysarenykre dori. ²⁴ Wariòre dori rubu-ribi wese rexixara. Ikõ-ribi itxi ijara rÿira. Tahe rawobedesarenyre. ²⁵ Iwana ta iumydelata tahetoreny-ò dehemynymy nade taaõmysÿdÿÿna-ribi. Tahe wobedesana-ò roholamy. ²⁶ Tahe deòdu-ò narybede: —Aõhereriwe. ²⁷ Dirawyònyde: —Ahelÿÿna kie ròðsereri aõhe rotÿÿnyõhyylemy. Tai boo broreni rirubunya. ²⁸ Iumydelata tai reburere ròte deramy reare. Idi tyby tamy nade riròtenykemy. ²⁹ Tahe iriòre dirawyònyde: —Aõhe òhòkõ adee raaõmysÿdÿÿnymyhÿre. Ibutumy arybe retyhynymy watximahãre. Ihãreta budoeni wadee tewahinyõhyymyhÿte, waijoi mahãdu-wana idi arexideysanykemy. ³⁰ Katahe ariòre urile aõnawiwí rahura wedena mahãdu-wana. Ròðsemyta kai broreni riòrede tamy terubunya. ³¹ Tai tyby dirawyònyde: —Wariòre iny ratximyhÿre kiaremyta ibutumy waaõwíwi heka ahõrõle rare. ³² Iny bedesarenymy heka kawese rewinyre, wadee awireki. Ahelÿÿna dori ruruwese-ribi rexixara. Ikõ-ribi itxi ijara rÿira. Tahe rawobedesarenyre.

16

¹ Jesuisi taerydÿÿna mahãdu-ò relyyre ijyyò: —Hãbuõ inieru sòwere. Tamy deòdu-ò ibutumy inieru-di raaõmysÿdÿÿre ijõ nieru ributunykemy. Ijõtxu tahe inyõ rarybere: —Eòdu riki heka anieru-di òbitimy aõkõ raaõmysÿdÿÿmyhÿre. Anieru sòwemy rexihumyhÿre. ² Tahe didyde ixidee taconta retehekemy. Tamy rarybere: —Inatyhymy aõbo umy iny rarybemyhÿre? Wanierumy tyyriti aretehekemy watxireri. Òbitimy aõkõkeki, waribi arateònyke. Wanieru-di tiu maaõmysÿdÿÿnyòkre. ³ Tahe teòdu iximy rexiraykynyre: —Wadinodu riwateònyke. Aõhebo arotÿÿnyke? Warurukõre dori tahe aõmysÿdÿÿsira ariwinyòtyhy. Tule ijõ iny-ribi iix-itòdedÿÿna riwaixÿrure. ⁴ Reeryre tahe, aõhebo arotÿÿnykremy. Aõwíwíhikÿ wabiòwa dee ariwinykre. Riwateònykeki tahe wabiòwasÿ-ò arakre. ⁵ Ibutumy nieru huòtedu mahãdu-wana rarybere, tawedu-ribi huòtedu wahe. Tamyreny rarybere: —Tiwesebo tewyta wawedu-ribi? ⁶ Tahe diwyònyde: —Adÿÿ rehuòtera, 100 hynama wahe. Tai tahe rarybere ijõ: —Iwekre tahe wylemy biritinyke, 50 wahe. ⁷ Ijõ-ò tahe rarybere: —Tiwesebo adeve? Diwyònyde: —Trigo rehuòtera, 1000 prato wahe. Tai tamy rarybere: —Kai 800my biritinyke. ⁸ Iribi tahe hãbu ityhy heka teòdumy rarybere: —Tii inatyhy nieru erydu ratxireri. Tahe Jesuisi rarybere: —Kabede wijinabòdu mahãdu heka aõmydÿÿnana erydutyhy rare, ityhydÿÿdu mahãdu ratyre wahe. ⁹ Tai tahe adee ararybekre. Kabede mahãdu biòwamy boibeke, anieru-di. Tahe anieru ituekeki, Deuxu taheto wiwíhikÿ-ò aradykre, biu-ò heto wiwíhikÿ wahe. ¹⁰ Aõmydÿÿnana aõ aõkõmy kai òbitimy masÿnykeki, tule aõ nihikÿmy kai iweselemy mabeke. Inyõ heka ibutemy wasikeki, tii tule aõ nihikÿmy rawasinykre. ¹¹ Kaiboho heka kabede nieru-di òbitimy aõkõ atxibenykeki, tule biu-ki araròsòna bitaõtyhy, aõ wiwíhikÿ inatyhy wahe. ¹² Iny witxira nieru-di heka òbitimy boibebenyòkeki, tímbo anieru tyhy-di òbitimy boibeke. ¹³ Inyõ iny inatxi deòdumy aõkõ rarekre. Inatxinaõ dori iluukre, ijõ ta iluukõkre. Deuxu dee maaõmysÿdÿÿòtyhy. Tiu nierurahi inatyhymy teamyhÿteki.

¹⁴ Fariseu mahãdu tamy roholareu, urile idi nierurahi risinyrenyrene, tiiboho ire nieru ributunymyhÿrenyrene bòdÿÿluurenyrene. ¹⁵ Tahe Jesuisi tamyreny rarybere: —Kaiboho heka òbitimy inyko-ò ixi-di

atximahätenyte. Ihäre tahe Deuxu timybo toimahäte rierymyhÿre aõna aõnareny bina. Aõmy hãbu rexinohõtinyinmyhÿre, aõtxi-ki Deuxu-ò awiõhyyre. ¹⁶ Moisesi bede ywina rybe tahe tule Deuxu Rybedu mahãdu awi rare, Joaõ Sebedÿÿdu rehemynre tahe ixãwire. Iu tahe Deuxu Iòlõna Rybe wihikÿ tamyra ròhõnyre. Kia tahe iny ritohodÿÿnyre. Ibutumy iny kia-ò ralokremy idi ratxireri. ¹⁷ Biu, bede rexihuke tahe isiraõre. Deuxu rybe tahe rexihuõtyhy. Kia isiratyhy rare. Ityyriti rybe wedenaõ riõnonyõtyhy. ¹⁸ Hãbuõ tahãwyy-ribi ixãwikeki, idi iwitxira-wana roikeki, tii õtadu rare. Hãwyy ixedu-wana tii roikeki, õtadu rare.

¹⁹ Ityhy mahãduõ riki tyy õwyhykÿwiwi-di rexityynmyhÿre. Tii idi rexirabedesirananyhÿre. Awimyhÿre tuu ratximyhÿre. ²⁰ Tahe urimynodu tyymy binadumy iijõ-ki ixyby ixyby ratximyhÿre. Lazaru inire. ²¹ Tii ityhy rÿsÿnauhe rirÿsÿkemy raõbirenmyhÿre. Ijõrsa dori ityybinatõmy dirahumyhÿde. ²² Lazaru rurureu, ÿju mahãdu ridyrenyry biu-ò ilabiereny rora-ò, Abraõ wahe. Tule ityhy rurure idi rituun-nyrenyry. ²³ Tahe rubu-ki rubu mahãdu bedebina-ribi aõhõkÿmy dÿÿnana ityhy Abraõmy robire irehe-ò Lazaru tule irora-ki. ²⁴ Tahe ityhy dÿryde: —Abraõ, walabie, wadi inihe bedexiwoboronyke. Lazaru ini wadee tebõ-ki beruty-di kanake wadõrõtõ elehynamy. Jiarÿ dori raõhÿtÿhÿtÿreri kaheõtywo-ki. ²⁵ Tukõleta, Abraõ narybede: —Dãa aõwiihikÿ-di tatemyhÿ-di bexinohõtinyke. Tukõlemyta Lazaru aõbina binahakÿle rimyre. Tahe kaki aõwimy Lazaru ratxireri. Tukõmyta kai ibymy atxiteri. ²⁶ Ihäre ta hãloohukÿ inyko-ki rÿire. Timyki kaludu kia-ò iõhõreseõna. Tule kia ludu kaõ iõhõreseõna. ²⁷ Hebose, Abraõ walabie, kamy ityhy narybede, Urile Lazaru wasÿ-õ biteõnykekõ aõbo. Waseriõreboho deõwarisidÿÿmy. ²⁸ Waseriõreny dori iruyrenyry urikõ-ribi kabedebina-ò kòdõiheny. ²⁹ Tahe Abraõ diwyõnyde: —Tiiboho dori Moisesi tyyriti, Deuxu rybedu mahãdu tyyriti dire. Tii tahe tamy roholarenymy rityhynyrenyke. ³⁰ Ityhy narybede: —Aõkõre Abraõ walabie. Kia inyõ tarubu-ribi rexixamy ròõsekeki xiery ta, taõrarunareny-ribi rexirahÿrenyke. ³¹ Tahe Abraõ dirawyõnyde ixyby. —Moisesi tyyriti rybe-ò, Deukumy rybedu mahãdu rybe-ò roholaõkeki, tii mobo rexixake tule ityhydÿÿõna.

17

¹ Tahe Jesuisi taerydÿÿna mahãdu-ò rarybere: —Kiemy inyõ wodohonadÿÿmy aradykre õraruna-ò besekey. Kobe lãhãxe tii kiawesemy rotÿÿnykreki. ² Tii dori ibinatyhy rare. Wadee heka kabera-txi mana-di rataaamy sÿy-õ reakenawi rare. Tukõmy uri-ribi watyhydÿÿdu tÿmyraõ riõrarudÿÿnyheny. ³ Bexiijebeny ta. Aityhydÿÿdu seriõre rexioõrunanykeki, tamy marãhÿke. Tii rexirãhÿkeki, iaõna aõna bina-ribi bexinohõtilosanyke. ⁴ Txu sohojiõmy adee rexibinanykeki, kai tule ibinamy tai mahamy. Tii ixi-di rexiwotõenymy adee nakeki, tule idi bexiwobrunymy bexinohõtilosanyke iaõna aõna-di.

⁵ Jesuisi erydÿÿna mahãdu dexitõenydenyde: —Wanyrÿreny, wainatyhynareny ini bisõwedÿÿnyke. ⁶ Jesuisi dirawyõnyde: —Ainatyhynareny heka sunysisõmo wesekeki, kamy bederarade-õ marybebennyke: —Bexitake inihe idi bera-txi myike. Tahe tii aratyhynykre. ⁷ Titxibo kai-bohoõ eõdudirenykeki aoworu-di itxeredu ada budoeni-di itxeredu wahe. Tii taaõmysÿdÿÿna-ribi kanalokreu, kawesemy aõbo tamy manarybekre?

Wy, wylemy rikiroxikre dori. ⁸ Timyki kawese tamy arybeõna. Tukõmyta tamy marybeke: —Warÿsÿna biywinyke idi wadee, idi manakre. Ariroxikre dori. Wabyre arihu-di ta bexiõenykre. ⁹ Teõdu deõdumy rearahu-di aõbo, txiõtõetuukemy tamy rarybere aõbo. Timyki tukõna. Kiemy dori taaõmysÿdÿÿnale riwinyre. ¹⁰ Iu aõmysÿdÿÿnareneny bihudi, iwese heka atximahãbenyke kamy bexirybenymyhÿbenyke: Inyboho deõdule roire, aõtyhy aõkõ mynodu, iny aõmysÿdÿÿnarenyle heka inyboho riwinyreny.

¹¹ Jesuisi Jerusalẽ hãwã-õ ramyhÿreu, Samaria bede, Kalileia bede wotyã-di rare. ¹² Iu hãwãõ-txi raloreu, debo ituemy sõwereny tyymy binamy mahãdu iry-õ doide, tahe irehemy rexiereny. ¹³ Iribi tamy dyrydenyde: —Jesuisi, Erydÿÿdu, wadireny ini bexiwobrunyke. ¹⁴ Tureny robireu, narybede Jesuisi-õ: —Xiwena wahidÿÿna mahãdu-õ ixi-di itxerenamy bõike. Kia-õ rariamy roirenyreu, tahe reyterenyre. ¹⁵⁻¹⁶ Ijõreny Samaria ludu mahãduõ reytemy iximy robireu, Deuxu riwowydydÿÿnymy tamy dõõsede, rawiunymy. Tatiowomy Jesusiko-õ resere. Tahe rarybere: —Txiõtõetuuke. ¹⁷ Tahe Jesuisi ritÿÿraxinyre: —Debõ itue wese, asõwerenyre? Tixibo ta debõ inaubiõwaboho roire? ¹⁸ Aõherekiwe kaa iny wixira sohojile Deuxu wowydydÿÿmy dõõsede, Samaria luduõ wahe? ¹⁹ Tahe Jesuisi tamy rarybere: —Mynyike, idi makre. Atyhydÿÿna òraru-ki dori teyteta. ²⁰ Idi fariseu mahãdu Jesuisi-õ rÿÿraxirenyre: —Tiubo Deuxu Iòlõna kanakre? Tii diwyõnyde: —Timyki Deuxu Iòlõna dehemynysÿnamy inyõ robiõtyhy. ²¹ Tule inyõ kiau rarybeõtyhy: —Betehebeny inihe ka-õ: —Tukõmy aõbo: —Kowaki heka rare? Deuxu Iòlõna dori aworeny-ki rare.

²² Tahe taerydÿÿna mahãdu-õ rarybere: —Tiutxumy heka Deuxu Riõre Hãbutyhyhykÿ txumy bobibenykemy tahe bobibenyõtyhy. ²³ Tahe ijõ adeereny kanarybekre: —Bedetehebeny inihe kaõ ada kowa-õ. Tahe iitxerenyõmykre. ²⁴ Iwese tiribi tiõ biu relaanymyhÿre wese heka Deuxu Riõre Hãbutyhyhykÿ txu kÿnyikre. ²⁵ Delemy tahe tii aõhõkÿmy rotÿÿnykre. Wijnabõdu mahãdu teramy reakre. ²⁶ Noe bededÿÿnana wesemy heka rÿimyhÿkre. Iu beõra rariareu. Tahe Deuxu Riõre Hãbutyhyhykÿ kedehe-mynykre iu. ²⁷ Ibutumy heka worana bedehesi rÿire. Lisisõ tahe rÿire. Hãwyy herina lisina rÿire iu. Iu tahe beõra rariare. Ibutumy ituere. ²⁸ Lõõ bededÿÿnana tule iwesere. Tiiboho worana bedehesidile rÿire. Tiiboho rityhynyõtyhy. Urile hetomy riwinymyhÿre, oworumy riwinymyhÿre, aõna-di rohonymyhÿre. ²⁹ Iu tahe Lõõ ihãwã-ribi rõhõnyreu, Deuxu heõty ityre riteõnyre. Biu-ribi heõty ityre resere enxofre-wana. ³⁰ Iwesele txu tii heka rarekre heka, Wadehemynyna Deuxu Riõre Hãbutyhyhykÿ wahe. ³¹ Kiau tahe inyõ ihetotyre heka rÿire. Malõkekõ heka aheto-õ aõnamynamy. Inyõ tule oworu-ki rÿire, taheto-õ aõkõ rõdõseke. ³² Lõõ hãwyy-di mohõtynyke. ³³ Inyõ taumy riyrubunykeki, tii ruruke. Ijõ tahe wadeewimy rurukeki, tii taumy rayrubukre. ³⁴ Adeerarybere: —Bede rurureu heka inatxi hãbu rõrõreri. Ijõ heka rakre dynamy reakre. Ijõ tahe rarikre. ³⁵ Inatxi hãwyy heka rÿsÿna-di raaõmysÿdÿÿnymy heto-ki ratxikre. Ijõ heka dynamy reakre, ijõ heka rarikre. ³⁶ Inatxi hãbu heka oworu-ki raaõmysÿdÿÿnykre. Ijõ heka rakre dynamy reakre, Ijõ tahe ririkre. ³⁷ Ierydÿÿna mahãdu rÿÿraxire. Tixibo rÿikre, Wanyrÿ? Tii rirawyõnyre: —Tixibo iumy rubu roire-wana, rara tai wii ributunyre.

18

¹ Jesuisi heka ròkewesenanyre ribedeerynyreu. Kia wese heka tii ijyymy relyyre. Rexitòenyhykemy tii ribedeerynyre tule ixitòedÿÿ-ò ixirarenyòmy. ² Hãwãò-ki tahe hãbu matuariò rare, tii tahe ibinare. Juizimy heka ratximyhÿre ywisidÿÿdu wahe. Tii iny rityhynyòtyhy, Deuxu lau ruberuòmyhÿre. ³ Tule heka hãwyy wyteseò tai rasÿnymyhÿre. Kia tamy ramyhÿre sòwemy. Tamy rarybera: —Biwawikòhenakykre wahe. Wakòludu tahe riwahureri. Kywisidÿÿkÿdu kai atxiteri. Anoherekibo tiwawokutòenykòteri. ⁴⁻⁵ Aòòhòkòmy hãbu iaòna aòna òbitidÿÿ deramy reamyhÿre. Tahe Hãbu ixidee rarybehyra. Inatyhymy jiarÿ inyò retyhynyòtyhy. Tahe hãwyy wytese sòwemy wadee rarybereki, jiarÿ ariòbitinykre iaòna aòna ibutumy iòludu-wana. Aòkòkeki tiiemy kidiwarulòlòenyke. ⁶ Tahe Jesuisi ritÿnynyre: —Juizi bina rybe-ò kaiboho bohòlabenyke. My wahe. ⁷ Deuxu heka tajoi mahãdu-ò roholake. Òbitimy iòludu-di riywisinykre. Tajoi mahãdu dori tamy rexitòenyre. Tii wymy riwiòhenanyke. ⁸ Tii inatyhymy tajoi mahãdu riwiòhenanykre. Jiarÿ, Deuxu Riòre Hãbutyhyhykÿ wymy adehemynykreu, watyhydÿÿdu-txi aòbo areakre.

⁹ Tule Jesuisi kia ijyy relyyre, iny ixityhymy ixi-di ratxityhymy kia ijò inymy kiale radònymyhÿre. Kia tahe rikewesenanyre. ¹⁰ —Iny inatxi hãbumy heka templo-ò ròirenyre rexitòenykemy. Ijò fariseu rare, ijò tahe nieru arisidu rare. ¹¹ Fariseu tahe rÿimy rexitòenykemy ixidee. My wahe: —Deuxu, jiarÿ aòhãbubina aòkò rare. Tai tahe umy realàmy wahãre. Jiarÿ aòwasidu aòkò, aòðrarudu aòkò, aòòtadu aòkò. Iwese kowa nieru arisidu wese aòkò jiarÿ rare. Txiòtòetuuke tai. ¹² Semana sohoji heka wabyreò-di inatxixumy rewymyhÿre. Tule waaòna aòna ibutumy ijura adee rewahinyre. Debòwiòna-ribi sohoji rewahinymyhÿre wahe. ¹³ Nieru arisidu tahe irehemy rÿire. Biu-ò aòkò retehere, tahe rexihetenyre rexitòenyreerimy Deuxu-ò. My wahe: —Deuxu, biwawotòenyke. Jiarÿ òrarudu rare. ¹⁴ Jesuisi ijyy ritÿnynyre: —Adee ararybekre. Mobo teysamy taheto-ò nade? Ixityhydÿÿdu aòbo ada ijò aòbo. Kohe ijò tuure, ixityhydÿÿdukò wahe.

¹⁵ Tiiboho heka uladu tamy didydenyde. Iu Jesuisi tebò iratityre ritidimy ritxuhòre awimy roirekemy. Tahe ierydÿÿna mahãdu tamy idyrenyòkremy raryberenyre. ¹⁶ Jesuisi rarybere: —Txiò, kididyke uladu wadee. Uladu wese dori Deuxu Iòlòna rare. ¹⁷ Inatyhymy ararybekre: —Moò heka uladu wesemy Deuxu Iòlòna rityhynyòkeki kia heka Deuxu Iòlòna-ò ralòòtyhy.

¹⁸ Idi tahe iweduò rarybere: —Erydÿÿdu wihikÿ, aòwexe ariwinykre idi biu-ò arahenykemy. ¹⁹ Jesuisi tamy rarybere: —Aòbo wa wihikÿmy wadee tarybeta. Hãbuò tiu awiòre. Deuxu sohojile tahe awira. ²⁰ Bede ywina tyriti kai teeryte:

—Rubudÿÿòmykemy, tule òta òtaòmykemy, wasiòmykemy, tule ruiòmykemy, iny wii itxenadÿÿòmykemy, adi biywinykemy, boo tule.

²¹ Hãbu tamy rarybere. —Kia bede ywina rybe retyhynyhyllere, uladudihyyle wahe. ²² Jesuisi rarybere: —Kai sohoji aòmydÿÿnale aki nasiranyde. Kai makre, ibutumy aòna aòna-di bohonykre, idi tahe kia nieru biwahinykre iny aòkòdu mahãdu-ò. Kia tahe aòmydÿÿnadikre biu-ki. Tahe manakre biwaheludunykre. ²³ Kia rybe-ki heka hãbu rabedewore. Rexitare ibedewomy iaòna aòna sòwetyhyreki. ²⁴ Jesuisi retehemy

ibederyry-di tahe rarybera taerydŷŷna-ò: —Kia iny iaõna aõna sõwemy rŷireri, Deuxu Iòlõna-ò ralòke isirare. ²⁵ Kamelo tyyrorenawo-di ralòkemy isirakeki, kia-ribi isiratyhyre iny iaõna aõnadikeki ralòke Deuxu Iòlõna-ò. ²⁶ Ijohonadu tahe widee rarybere: —Mobo tai biu-ò hedukre. ²⁷ Jesuisi rarybera: —Inatyhymy kōaõboka hābu-ò isiratyhyre. Deuxu-ò tahe ibutumy aõna aõna isiraõre. ²⁸ Pedro rarybere: —Boholake, jiarŷboho ibutumy rerirenyra araheludunykremy. ²⁹ Jesuisi rarybere tamy: —Inatyhymy adeereny ararybekre. Moõ waluukeki, rybewihikŷ luukeki, kia heka ririkre: heto, taseriõre, tyby tadi-wana, tariõre, tabede, ibutumy waõraru-ki, Deuxu Iòlõna õraru-ki, ririkre. ³⁰ Ka bedekile ritakre sõwetyhymy ibutumy aõna aõna. Ihāreta biu-ò rahenykre Deuxu-wana rasŷnykemy.

³¹ Jesuisi taerydŷŷna mahādu ridyre inysõwe-ribi tamyreny rarybekemy: —Boholabenyke waijoi! Jerusalē-ò rokoirenykre. Tai iny riwarubunykre jiarŷ Hābutyhy rarehāre, Deuxu Riõre rarehāre wahe. Iwese Deuxu Rybemy rybedu mahādu rarybere wese. ³² Tiiboho riwawahinykre judeukõdu mahādu-ò. Tiiboho riwabinabinadŷŷnykre, riwalahikre, watyre rarybexinykre. ³³ Riwahetenykre òhòte-di, idi riwarubunykre. Ihāre tahe inataõ txu-di tahe adexixakre rubu-ribi. ³⁴ Jesuisi erydŷŷna mahādu urile bede riòtiinyreny. Aõmybo tii rarybere rierityhyõreny. Irybe tamyreny dori ierynatyhykõreri.

³⁵ Iu Ijeriò hāwā-ribi iòhòmy roirenyreu, inatxi iny ruetāmy heka ronymyhy Jesuisi ibire-di rareu. Tiiboho nierumy rexitõenymyhyreny. ³⁶ Inysõwe-ò roholarenyreu tahe, tii rŷŷraxirenyre: —Aõhereriwe. ³⁷ Tahe tamy rarybere: —Jesuisi wa rareri Nazare hāwā ludu wahe. ³⁸ Tahe ruetaõ rryre: —Jesuisi, Davi riokore! Biwatõenyke hewa! Wadi làhà inihe bexiruxetõenyke. ³⁹ Iny sõwemy tamy rarybere: —Iryõmyke! Ihāre ta tii rryrymyhyre: —Davi riokore, wadi mawotòeke! ⁴⁰ Jesuisi riyryre tahe rarybere: —Tamy byryke wadee kanakemy. ⁴¹ Jesuisi tamy rarybere: —Aõmybo kai taruteri adee arutŷŷnykremy. Tahe hābu ruetāhākŷ tamy rarybere: —Wawedu, ixityre arobikremy. ⁴² Jesuisi tahe tamy rarybere: —Makre, atyhydŷŷna kai arateytenyra. Kialehe rare. ⁴³ Aõwesele ixityrele tii robire. Tahe Jesuisihemy rare ryy-di. Taihe ibutumy iny heka Deuxu riwowydynymyhy.

19

¹ Ijeriò hāwā-ki Jesuisi rehemynyre. Idi rariareri. ² Tahe hābuõ tahe Jesuisi riere. Zaqueu inire. Inieru sõwere. Tii nieru tarasadu weduõ rare. Inieru sõwere. Tii heka iyjare tahe Jesuisimy robiõtyhy. Raõwõnyre tahe òwòru-txi. ³ Tii Jesuisimy robikemy risŷnymyhy, tiu tuu robiõhyymyhyreki. Iyjare-ki tahe rexisiranyre. Kiemy dori iny rarie rarie iko-ki rŷimyhŷ. ⁴ Tahe ijoiko-ò rexiraõre tai òwòruõ-ò raõwõnyre Jesuisimy robikemy iribi idi kanakreò. ⁵ Iu Jesuisi tamy rehemynyreu, biu-txi retehemy Zaqueu-ò. Narybede: —Wylemy bedeseke Zaqueu. Wiji dori aheto-ki bede wadi rŷike. ⁶ Tahe rabedesamy wymy resere. Awimy Jesuisi rybe-ki rahare. ⁷ Tahe inyõ mahādu iõraru-ki kamy rexirybenyreny: —Aõhewe Jesuisi iheto-ò rara? Tii iny òbikõmy nodu hārele wahe. ⁸ Zaqueu tahe Jesuisi rarybere: —Bodoholake ini, Wanyrŷ. Tahe waaõna aõna iwekre iaõkõdu mahādu-ò ariwahinymy ararekre. Tule txibo inyõ-ribi rowasire

inaubiòwa wawasi ratyre tamy ariwahinykre. ⁹ Tai Jesuisi narybede: — Wijityhyle kahābu s̄mahādu-ò henana rehemynyra. Kahābu tule Abraõ riore riõre rare. ¹⁰ Deuxu Riõre Hābutyhyhyk̄y dori iny òrarunamy resere mahādu òrysmy itarasamy nade. Jiar̄y tiire.

¹¹ Jesuisi tamyreny rawesenanyre timybo Deuxu Iòlõna raremy. Jerusalē hāwā-ò iòhòmy ratximyh̄ȳre. Tai tahe Deuxu Iòlõna iòhòmy ratximyh̄ȳremy roholare. ¹² Tahe Jesuisi rarybere iny ityhyò heka: — Inyò nihik̄y heka rakemy ratximyh̄ȳre ijõ bede-ò rat̄yinykemy. Tai iòlõmy ronykremy rare. Iribi tahe ròsere. ¹³ Tii tahe taaõmys̄d̄ȳnana ririre teòdu mahādu-ki. Teòdu mahādu debòwiòmy heka womati t̄yr̄ȳh̄ȳk̄y nieruõ sohoji sohoji tamyreny riwahinyre. Tamyreny rarybere: —Nieru bitakre, idi bibutunybenykremy adireny watxireri adooskrey. ¹⁴ Tahe kia bede ludu mahādu iòlò deramy ratximyh̄ȳre tai tahe tamy rybemy iny mahāduõ riteònyre: —Kahābu aõkõ iny iòlòreny ronykre. ¹⁵ Ihāre tahe iòlòmy ronyre. Idi tahe tanieru wedu mahādu-ò rarariòwyre. Tiwesebo teòdu mahādu nieru ritare rierykemy. ¹⁶ Juhuludu tahe rehemynyre: — Wawedu, betehe inihe ijõ debòwiò anieru ratyre rebutunyre. ¹⁷ Tahe iòlò s̄owemy riwowodynyre: —Awityhymyhe taaõmys̄d̄ȳta. Kai heka deòdu wihik̄y tate. Kai ibutedile s̄owemy tewinyte tahe debòwiò hāwā adee ariwahinykre. ¹⁸ Ijõ tahe rehemynyre: —Wawedu, betehe iny iruyre anieru tyre rebutunyre. ¹⁹ Tahe iòlò tamy rarybere: —Kai s̄y iruyre hāwāmy dinodu mabekre. ²⁰ Ijõ deòdu rehemynyre: —Wawedu, ahāxe anieru. Jiar̄y tyky-di reraserasenymy rerarenyre. ²¹ Jiar̄y alau raberure. Kai dori hābu nieru tarasaery heka tate. Aõ taaõmys̄d̄ȳteri-ribi aõkõ heka nieru tetamahāte. ²² —Kai heka deòdu awi aõkõ heka tate. Arybe xiery waribi arateònykre. Kai tiwaeryte jiar̄y nieru tarasaery heka watxireri. Aõ raaõmys̄d̄ȳre-ribi aõkõ nieru retamahāre. ²³ Aõherekibo. Kia nieru yrubuna heto-ki terikõte. Tai iximyna ratyre ini iribi ratare. ²⁴ Iòlò teòdu inatxi-ò rarybere: —Wanieru iribi bitabenyke. Ijõ hābu s̄owemy ròtareò rawahikre. ²⁵ Ijõ raryberenyre: —Tii heka debòwiò nieru ijõdire. ²⁶ Adee ararybekre: —Inyò òbitimy raaõmys̄d̄ȳkeki, tii s̄owetyhymy ritakre. Tule inyò òbitimy raaõmys̄d̄ȳòkeki, tii ibutumy ròònod̄ȳkre. ²⁷ Iwedu rarybekre: —Waòludu mahādu tahe wadee bididybedenyke. Wadera mahādu wahe. Wako-ki birubunybenyke.

²⁸ Tarybe rahudi tahe Jesuisi rare Jerusalē hāwā-ò.

²⁹ Jerusalē iòhòmy ritehemynyrenyre, tahe inatxi taeryd̄ȳna bede riywinyra hāwā-ò roikemy. Inatxi hāwā iòhòmy roire, Betabaji, Bet̄ȳnia-wana. Kia-ò Oliveira hāwālò roire. ³⁰ Jesuisi rarybere: — Kaiboho boikre kowa hāwā-ò. Kowa-ò birònykre jumenta riõre mahabenykre. Moheka ityre rariaõlemy ratximyh̄ȳre. Biesemy, wadee bididybedenyke. ³¹ Inyò adeereny rarybekeki: —Aõhekremybo idi atxitenyteri. Tahe tamy marybebenykre: —Wanyr̄y tuu rurureri. Ixityre kaò kidiòkesed̄ȳnykre. ³² Tahe hābu roire. Iwese Jesuisi rarybere wese ibutumy r̄ȳre. Jumenta riõre ryro hetoiò-ki ritisanymy r̄ȳimyh̄ȳ. ³³ Tai riesereu, iwedu rarybere: —Aõherekibo teeseteri. ³⁴ Tai tiiboho Jesuisi rybe myna tamy raryberenyre: —Inynr̄y tuu rurureri. ³⁵ Tahe ridyrenyre jumenta riõre Jesuisi-ò. Tiiboho tatyreny ritidirenyre jumenta riõre tyremy. Tiiboho ris̄ȳnyrenyre Jesuisi ityre-ò. ³⁶ Jesuisi rehemynyre, ijõboho tahe tauwòhi ryromy ritidire ityre rari-

akemy. ³⁷ Jerusalē iòhòmy rehemynyreu, Oliveira hāwālò-ribi, ierydỹna mahādu rawyhyrarònyreri, tule ryrereri.

³⁸ Tii heka wowodyna rare. Tii heka Wanyrỹ niwesekey naderi. Wowodyna rare Deuxu Iòlòna. Kai Iòlòna kanakre. Wyhyrarò biu-txi kodoholakre.

³⁹ Ijõ fariseu mahādu rarybere Jesuisi-ò: —Marybeke aerydỹna mahādu-ò tiiboho rirykemy. ⁴⁰ Jesuisi tamy rirawònyre: —Tiiboho rirykeki, manale wowodynamy riryke.

⁴¹ Jesuisi Jerusalē hāwā-ò iòhòmy rehemynyreu, rahinyre. ⁴² Tii rarybere: —Kaiboho ywinatyhy teeryòte. Inatyhymy teeryte wana wadee awire, tahe aòkòre. ⁴³ Ijõ txu kanakre. Ahāwā ibutumy rirurawonykre aòbina mahādu, aòludu. ⁴⁴ Ibutumy hāwā ituekre. Iny iwo-ki tule rurukre. Mana ibutumy kedeseke. Rierykòre dori tiubo jiarỹ ahedỹrenymy nanade.

⁴⁵ Tahe Jesuisi dohodỹna hetowo-ò ralore. Tahe kia-ribi aõna aõna-di rohonymyhỹre mahādu, òbradu mahādu diteònyde. ⁴⁶ Rierynanymyhỹre tahe tamy rarybere:

—Raritidỹòlemy aõbo rỹreri: —Waheto kōaòboka inatyhymy ixitòedỹna hetowo rỹrakre. Idi kaiboho tewinytenyete wasidu hetowesele.

⁴⁷ Txu ibutumy Jesuisi dohodỹna heto-ki ròbedeerydỹmyhỹ. Xiwe wedu mahādu, Deuxu aòmỹsỹdỹdu wedu mahādu roholarenyreu, rōhòtinyreny: —Tĩmybo inyboho Jesuisi rubudỹmy rikiwisỹnyrenykre.

⁴⁸ Tiiboho tahe aòkòhykyre iny sòwemy dori bede riòtinymyhỹ ibedeerynadỹna-ki.

20

¹ Ijõ txu tahe Jesuisi ròbedeerydỹmy, Ijyy Tỹmyra Wihikỹ wahe. Riri-rananymyhỹrenyreu dohodỹna hetowo-ki, bede ywina erydỹna mahādu, Deuxu xiwena wahidỹdu mahādu wedu, tule matuari mahādu tamy doide. ² Tiiboho tamy rỹraxyreny: —Mowe ateòdỹdure kia aõna aõnany tatỹnymyhỹtemy. ³ Jesuisi dirawònyde: —Adeereny tule arāỹraxikre. Kaiboho bidiwawònykeki, tahe jiarỹ akoreny ỹraxina ari-wyòkre aòrurudibo aõna aõna rewinymyhỹre. ⁴ Tahe Jesuisi ritỹraxyreny: —Mobo Joaõ ratisebedỹmy riteranyre? Deuxu aõbo ada iny aõbo? ⁵ Tiiboho widee rarybera: —Deuxu riteranyremy inyboho rakaryberenykeki, tai tii rarybekre: —Aòherekibo tahe tii tetyhynytenyòte. ⁶ Inyò riteranyremy rakaryberenykeki, iny aruberuwỹhỹrenykre. Ibutumy iny dori Joaõ rityhynyre tii Deuxu rybe-di rybedumy. Ijõ ijoi mahādu urile inyreny kidihetenykre. ⁷ Tai tahe tiiboho rarybereny: —Jiarỹboho reeryònyre. Tai tahe Jesuisi rarybere: ⁸ —Hebo, jiarỹ adeereny iximy ararybeòtyhy modeòdỹnany jiarỹ tuu watxirerimy.

⁹ Iribi tahe Jesuisi tamyreny ijyy-di rierynanymyhỹre: —Hābu uva oworuò wese ròbròre. Tahe riòtitynyre. Tahe hāloo riare oworu ubetya-ki, ruỹdỹnymy. Tahe utò riwinyre. Idi tahe rityhere hābu mahādu-ò. Tahe rexitare tasỹ-ribi ijõ bede-ò. ¹⁰ Tahe bederaty siredemy bededỹnana rehemynyreu, iwedu teòdu riteònyre bederaty ritakemy. Tahe oworu-di itxeredu oworu wedu deòdu rimyreny, rihetenynyre idi riteònyreny ixihyylemy. ¹¹ Ixityre oworu wedu teòduò riteònyre. Kia heka irati riheteny ta tamy rawobinarybeny. ¹² Ijõ riteònyre. Kia heka rirubunynyre. ¹³ Iwedu ixi dee rarybere: —Aòhebo arotỹnykre.

Tahe oworu wedu iriòre sohojilere, wariòre kie kie sohojile ariteònykre. Tai tiiboho rityhynyrenykre. ¹⁴ Kia heka wedu aõna tarasadu rare. Rurukre, idi tahe iaõna aõna inydeerenykre. ¹⁵ Tahe rimyrenyre idi rirubunyrenyre tahe idi rehurenyre oworu-ribi. Jesuisi ritýÿraxinyre: —Aõhebo tahe oworu wedu rotýÿnykre. Tai Jesuisi ixityre narybede: ¹⁶ —Tii kanakre oworu-di itxeredu mahãdu hudumy, tai tahe oworu rityhekre iny witxi-raõ-ò. Kia-ò tiiboho roholareu, tahe raryberenyre. Timyki tukõna. ¹⁷ Jesuisi idi reny retehemy tahe rarybere: —Ritina-di aõbo tariaõletenyte kia ryberiti:

—Mana-di hetowidýÿdu rehura. Kia mana heka hetohãtxi-ki heridu rare. ¹⁸ Inyõ kia manatyre resekeki, kia urile raoroorokre. Mana tahe inytyre resekeki, kia urile risyrisynykre.

¹⁹ Bede ywina erydýÿna mahãdu, tule xiwena wahidýÿna mahãdu wedu rimykemy riwisýnyre kiaule. Brebumy ta turenýkõre. ²⁰ Tiiboho hãbubinaõ riòwynyre tamy imynamy irybe-ki. Tai tahe Dinodu-ò riwahinykremy aõsirakõmy timykibo irutaõmy rirybewitxiranyrenykemy. ²¹ Tiiboho rarybere Jesuisi-ò: —Erydýÿdu, jiarýboho araerymy adi watximahãrenyre kai inatyhy hãbu tate. Iny ibutumy adee wiwese wiwesele. Inatyhymy iny-ò Deuxurymy teerynanymahãte. Tahe tiiboho ritýÿraxirenyre: ²² —Awire aõbo ada ibinare aõbo nieru rawahinymyhýre bede dinodu-ò. Timybo tahe, imposto raòwumy aõbo ada aõkõre aõbo. ²³ Jesuisi rierymyhýre tõhõtinanareny, tahe ritýÿraxinyra: —Aõherekibo kaiboho tiwaurihitenyteri. ²⁴ Wadee womati nieruõ bidiwy waitxerenamy. —Kawe moõ tyytarasana rare, katahe moõ tyyritina rare. Tiiboho dirawyònyde: —Kiahe bede dinodu hõrõ rare. ²⁵ Jesuisi rarybere: —Hýdebo, bede dinodu hõrõ tahe tamy biwahinybeny, tule tahe Deuxu aõna aõnahõrõ Deuxu-ò biwahinybeny. ²⁶ Tiiboho aõkõre. Irybe-ki rimynamy aõkõ. Urile ribedeòtiinyre.

²⁷ Saduseu mahãdu tamy nade. Kia heka iny rubu-ribi rexixamy aõkõre-riki rierynanymyhyre. Tiiboho ritýÿraxinyre Jesuisi: ²⁸ —Erydýÿdu, Moisesi raritinyre bede ywina-ò, kaimy:

—Hãbuõ rurukeki, tahãwyy iriòre ijõdiõkeki, tahe kia hãwyy tahãbu seriòre-wana roike. Iriòredikre taseriòre rubuòwumy roikre.

²⁹ Seriòre debòinatxi reuròmý raremyhý. Juhuu ijõ roire hãwyy-wana. Tahe tii rurure iriòreõlemy. ³⁰ Tahe ihewoludu iseriòre wytese-wana roire. Tii rurure iriòreõlemy. ³¹ Ihewoludutyhy tule ibutumy roire wytese-wana, tahe ituerenye iriòreõlemy. ³² Iròòbymy tahe hãwyy tule rurure. ³³ Ixixanau tahe mohãbubo tii-wana rarekre. Ibutumy dori wytese-wana roire. ³⁴ Jesuisi rirawyònyre: —Kabede-ki hãwumy iny roimyhýre. ³⁵ Ixixanabedeu heka moõ roiòtyhy, inyõ dori bede kia riòbynykreu. ³⁶ Ibutumy iny ýju wese rarekre biu bede-txi. ³⁷ Moisesi tatyryiti itýnyhýkýlemy rarybere: —Iny rubu-ribi kedexixakremy. Tai ta heòty òwòru sõmo riworonymhýki ixbybesý rarybera:

—Deuxu heka Abraõ, Ijai, Ijaò kia Deuxu rare.

³⁸ Tai Deuxu inyru mahãdu Deuxu dori rare. Iny rubu mahãdu ta aõkõre.

³⁹ Inyõ rarybere: —Arawyònakyhyna, Wanyrý tate. Bede ywina tabohe teerytyhyte! ⁴⁰ Tai tahe ixbyby rýÿraxiõhyrenyre.

⁴¹ Jesuisi rarybere: —Timybo bede ywina erydŷŷdu mahādu rarybemyhŷre Kristu Davi riōre raremy. ⁴² Davi rarybere aōmybo Deuxu Tyytybytyhy tamy narybedemy iwiuna-ki:

—Wanyrŷ rarybere Wanyrŷ-ò:

—Bodony warurunawe-ribi.

⁴³ Txiōhe inihe, aōludu awarawo-txi aritidikre.

⁴⁴ Tahe Davile tanyrŷmy rininire. Timyki tahe Davi itybymykre.

⁴⁵ Tii taerydŷŷna mahādu rierynamyhŷreu. ⁴⁶ Tii rarybera: —Bexiemyhŷbeny bede ywina erydŷŷdu mahādu lau. Tiiboho heka tyyrehetyhywidihikŷle rexitynymyhŷrenyrene. Tiiboho heka iki rybedŷŷluurenyre hāwā riraki. Dohodŷŷna heto-ki ryananawi luurenyre.

Tule ta anarŷŷ rŷi-wana, tyhytyrekile rynana tamyreny awire.

⁴⁷ Tiiboho tule wytese aō aōkō mahādu aōna aōna ritamyhŷrenyrene. Ixitōedŷŷna rehehekŷ rexitōenymyhŷrenyrene. Tiiboho heka aōnihikŷmy aōhōkŷmy dŷŷnanamy rotŷŷnyrenykre.

21

¹ Jesuisi retehemy rŷimyhŷ dohodŷŷna heto nieruhyna-txi. Tii retehere tibo iny tanieru-di rehumyhŷdi. Tai inieru sōwe mahādu nieru sōwemy ritidimyhŷ.

² Tule tahe nade wytese aō aōkō mahāduō. Tii inatxi nieru sōmo-di rehure.

³ Tai Jesuisi rarybere: —Kowa heka wytese nieru-di rehure ibutumy iny witxira ratyrene. ⁴ Ijō mahādu tanieru uhedile rehumyhŷ. Tahe wytese idi rehure ibutumy tanieru-di rexihumy taumy-ribi idi rehure.

⁵ Dohodŷŷna hetomy ierydŷŷna tamy rarybere: —Erydŷŷdu, beteheke mana wihikŷ ruxera ruxera-di eryna heto riruxeranyreridi.

⁶ Jesuisi rirawyōnyrene: —Kaiboho betehebennykre hetonihikŷ-ò. Kia heka mana ijō wityre-ki rŷiōtyhy, ibutumy heka kedexunykre. ⁷ Tiiboho ritŷŷraxinyrene. Tiubohe ibutumy kidiixixāwididŷŷnykre. Tiiboho ibutumy bede konanadŷŷnamy reakre. Timybohe arieryrenykre, aōma bede ibutumy rexihukre.

⁸ Jesuisi tamyreny rarybere: —Kaiboho anaitxenanydenyheny lau bexiebenyke. Sōwemy dori rŷikre wanimy rarybemy rarekre: —Jiarŷ dori Kristu rare. Tahe iny sōwemy itxenadŷŷmy reakre.

⁹ Kaiboho wounarybe-ò, aōbina rybe-ò, boholakreu, breburenyōmykre. Kia heka kanakremy ratximyhŷre. Urile bededŷŷnana ikonanatyhy aōkō rare.

¹⁰ Tii tamyreny rarybere: —Uritere iny lahinareny, ijō lahinareny widee kanaaōbinanykre. Tule iōlōna mahādu, ijō iōlōna mahādu-wana widee kanaaōbinanykre.

¹¹ Bede bedesu ijō hāwā-ki kanamytatakre. Tahe aōkōre rama kedekre. Kia heka juhu aōhōkŷmydŷŷnana rarekre. Aōbrebuna brebuna kŷnyikre. Idi biu-ki aōwitxira kŷnyikre.

¹² Tiiboho arawahinyrenykre aōludu wedu-ò, iōlō-ò. Kaiboho heka aōhōkŷmy iu botŷŷnybenykre, watyhydŷŷ ōraru-ki. Tiiboho arahatenyrenykre dohodŷŷna hetowo-ki. Kiabohoko-txi wadee kaiboho kedelyykre inatyhymy aōna aōna rŷiremy.

¹³ Rybewihikŷmy ibutumy bede bede hāwā hāwā-ò belyybenykre. ¹⁴ Tiubo aradyrenykeu, urile nohōtiōmy aōmybo kaiboho marybebenykre. ¹⁵ Kiautyhyle aōmybo marybebenykremy bierykre. Kia tahe marybekre. Kai aōkō dori marybekre, Deuxu Tyytybytyhy tahe rybedukre.

¹⁶ Asŷreny dori rōtenawo-ò ararōtenyrenykre. Seriore seriōrele wii kidirubunykre. Tyby heka tariōre kidirubunykre. Uladule tadi, tyby kidirubunykre. ¹⁷ Ibutumy heka iny iy kedekre wani

òraru-ki adeereny. ¹⁸ Ibedeu araderenytiò reseòtyhy. ¹⁹ Bexityhymy ta tai ixiery dori biu-ò mahenybenykre. ²⁰ Ijò tahe Jesuisi rarybere: —Woudu mahādu Jerusalē rirurawonykre heka bierybenykre aòhuluhudunamy bede r̄yirerimy. ²¹ Judeia hāwā hāwā-ki ratxikeki, mahenybenykre bederatòhòk̄y-ò. Inyò Judeia hāwākikeki, iribi òlò r̄yikre. Idi inyò bederokeki ixyby Jerusalē-ò ròteòmykre. ²² Kia txuu heka òwynatxumy rare. Ibutumy rybe tyriti myna heka bede r̄yikre. ²³ Kobexe heny hāwyy bòtòmy r̄yira, tule hāwyy tariòre ritònymy r̄yira. Aòhòk̄ymyd̄ȳnana kanakre tiu heka tuuòre. Debure nihik̄y heka kanake kia iny tyre-ki. Tiu heka kiamy bede roiòtyhy aòhòk̄ymyd̄ȳnanamy. ²⁴ Sòwemy iny rurukre mayrehe-di. Iny sòwemy radykre ijò bede-ò aòhòk̄ymy tai rot̄ȳnykremy. Ityhyd̄ȳdukòdu mahādu ras̄ȳnykre Jerusalē hāwā-ki iu.

²⁵ Ixityre tahe Jesuisi rarybere: —Idi webòhòna r̄yira txuu, aòhòk̄ymyd̄ȳnana itue-di, txuu heka rurunykre. Ahādu tule rurunykre, tule taina. Beòbò lau iwod̄ȳ lau ibutumy iny ruberukre inihik̄y òraru-ki. ²⁶ Iu bede bede iny mahādu aòhebo rot̄ȳnymy, tatòhòtibre-di tiibohe reserenyre sutyre-ki tai. ²⁷ Iny retehekre Deuxu Riòre, Hābutyhyhyk̄y dehemyynya-di. Biurawetyky-ribi kodobehekre tatyhy-di.

²⁸ Tahe kia aòmyd̄ȳnana r̄yikre, ywinamy bòibenyeu, iòhòlereri.

²⁹⁻³⁰ Tai tahe Jesuisi figueiraò-wana tahe bede ròkewesenanyre: —Figueiraò-di ini bexinohòtinybenyke. Tii heka tairu-txi, tanoiròsò rit̄ymyranymyh̄ȳreu, tai tahe bierybenykre wyra iòhòlereri. ³¹ Tule kia aòna aònamy bobibenykre, tii iòhòlereri. Ijò-ki iòhòwesele r̄yire. ³² Inatyhymy adee ararybekre, kia wijinabòdu itueòtyhy aòna aòna r̄yikre hārele. ³³ Biu, bede-wana ituekre, tahe warybe itueòtyhy.

³⁴ Tahe Jesuisi tarybe rihumy rarybere: —Kaiboho bexiebenyke, betehebennykre ixinohòtid̄ȳrenythykòmy. Roxina worana bedehesi-di timybo kaiboho atximyh̄ȳtenytedi. Mona juberere biòbenykemy mohòtinyòke. Kaiboho dori teeryòtenyete tiubedemybo addòsekre. ³⁵ Kiatxu kanakre tahe iwese nawii mynyna wese aòwesele rimykre ibutumy bede iny mahādu rimykre. ³⁶ Biebenyke tahe, Deuxu-ò bexitòenybenyke. Kia tahe aòhebo rot̄ȳnykre-ribi mahenyke. Bityhynyke Deuxu Riòre, Hābutyhyhyk̄y, jiar̄ȳ wahe.

³⁷ Txuò txuòlemy tii Dohod̄ȳna heto-ki ribedeerynyre ihāre tahe rummy Oliveira hāwālò-ò rara. ³⁸ Rudile tahe sòwemy iny dohod̄ȳna heto-ò rehemynymyh̄ȳre Jesuisi rybe-ò ijohomy.

22

¹ Iòhòmy ratxireri Pascoa worana bedehesi kodohònykremy. Kia anar̄ȳ wehityhynamy heka iny ratya-di reare. Tule orotxu anar̄ȳ kia ròhònyre. ² Deuxu aòm̄ys̄d̄ȳdu wedu mahādu, tule bede eryd̄ȳdu mahādu Jesuisi rimyky ratxireri idi rirubunykemy. ³ Satanasi heka Judasi Isariòwo-ki ralore, tii Jesuisi eryd̄ȳnaò ih̄ȳre. ⁴ Juda Isariò heka Deuxu aòm̄ys̄d̄ȳdu-ò rara Jesuisi riwahinykemy. ⁵ Tiibohe tamy roholarenyre, reysare. Tahe tamy nieru riwahinykemy riurenanyre. ⁶ Tahe Juda riijemyh̄ȳre aòu aòu bedewihik̄y tamyreny riwahinykemy. Wasimy riwahinykemy tii roholare.

⁷ Juhu orotxu anar̄ȳtxure budoeni xiwelloo rirubuny rahudi tahe Jesuisi eryd̄ȳna mahādu tamy rarybere: —Titxibo anar̄ȳ r̄ys̄ynamy

biroxikemy atxiteri. ⁸ Tahe Jesuisi heka Pedro, Joaō-wana riteònyre: —Kaiboho boike iny rÿsÿnareny ywidÿÿmy. ⁹ Tiiboho rÿÿraxire. Titxibo ariwinyrenykre? ¹⁰ Jesuisi tamy rarybere: —Kaiboho boike hāwāhākÿ-ò. Tahe hābu-wana wii biòbinykre butxi-di retyyriò. Tahe tii biheludunybeny. Titxibo heto-txi ralokreò, kaiboho tule bironybenymy bitÿÿraxinybenykre heto wedu: ¹¹ —Wawedureny rarybera: —Titxiwexe anarÿÿ rÿsÿna arirÿsÿÿkre waerydÿÿna mahādu-wana. ¹² Tii heka adee kiditeòsinykre hetowoò-txi biu-ki. Ibutumy rexihumy rÿire inydeereny. Tai rÿsÿna inydeereny biwinybenykre. ¹³ Tahe ierydÿÿna rexitare. Roire hāwāhākÿ-ò. Tahe rotÿÿnyrenyre Jesuisi rybe myna. Tahe ibutumy rexihurennyre anarÿÿ-ò.

¹⁴ Kia txu rimyreu tahe Jesuisi nade taerydÿÿna waòinatxi reurò-wana byremy ronyrenykre. ¹⁵ Tii tamyreny rarybere: —Jiarÿ awanareny ariroxikemy watxiwāhāre. Karibi dori warubuna-ò arakre. ¹⁶ Inatyhymy ararybekre: —Jiarÿ konanamy ayreny-ki ariroxikre. Ixyby ta Deuxu Iòlònakile tahe rikiroxirenykre. ¹⁷ Tahe vÿi mona hyna rimyre, rexitònyre, tahe tamyreny riwahinyre. Ibutumy ibute bute iribi tuu riòreny. ¹⁸ Inatyhymy ararybekre: —Tiu ixyby tuu ariòòtyhy Deuxu Iòlòna-ki kotyre. ¹⁹ Tiiboho riroxirieriu, Jesuisi orotxu rimyreu, raorore, rexitònyre, tahe tamyreny riwahinyre. Rarybere: —Ahāxe, kia heka waumy wese rare. Iu biroxikeu, warubuna-di mohòtynybenykemy. ²⁰ Biòbenyke! Kaa dori wahālubu wesemy ratxirieri. Tahe tamy riwahinyre riòrenykemy. Tai sòwemy iny ròhònyke biu-ò hena-ò ibutumy òraruna ixāwididÿÿmy. Tuu ròhònyra. Kia heka wadeewimy iny Deuxu-wana ratxiinyhÿre, wahālubu òraru-ki. ²¹ Boholabeny inihe watyhedÿÿdu inykyrenykyre ronyre. ²² Iwese tyryiti-ki roire wese heka arurukemy, Deuxu Riòre, Hābutyhyhykÿ, jiarÿ wahe. Kobe lāhāxe watyhedÿÿdu. ²³ Tiiboho tahe widee rarybere: —Mobo tahe rare? Mobo Jesuisi riwahinykre.

²⁴ Iribi tahe widee raryberenyre, mobo wiratyreny? ²⁵ Tahe Jesuisi tamyreny rarybere: —Kabede iòlò mahāduy-ki iruru dire. Bede dinodu tahe iny rininire: Iny biòwa. ²⁶ Tahe ayreny-ki kawese aòkò ihÿre. Inihikÿtyhy inyò ratxikeki, tii inyuhe deòdumy ratxikre. ²⁷ Tibo inythy rare? Roxidu mahādu ada deòdu mahādu? Roxidu mahādu, aòhe inatyhy? Jiarÿ tahe ayreny-ki deòdu wesemy jiarÿ rare. ²⁸ Kaiboho heka wawanahy atxitenyete aòhòkÿmy ratÿÿnymyhÿreu. ²⁹ Tai tahe adee ruruna ariwahinykre. Iwese Waha wadee riwahinyre wese, adee ariwahinykre. ³⁰ Waiòlòna-ki kaiboho wawana biroxi benykre, biòbenykre. Tule rynana wiwihikÿ tyre-ki rÿdu mahādumy bonybenyke. Israeli iny mahādu heka kaiboho biòbitinybenykre, ibutumy judeu mahādu wahe.

³¹ Jesuisi ijò rarybere: —Simaò, Simaò, wadee bohohatyhyke. Satanasi araurihirenykemy wadee rexitònyre. Tahe adeereny kanake araurihidÿÿmy. ³² Dori rexitònymyhÿre, Simaò, kai bityhynyhykemy. Wadee bòdòòsekeu, abiòwa mahādu biwiòhenanyke. ³³ Tahe Pedro diwyònyde: —Awanahy arakre, wanyrÿ, arurukre hāre, ròtenawo-ò arakre hāre. ³⁴ Jesuisi tamy rarybere: —Pedro, kai biwatxiònyke, hānie hābu ryrykòule biwatxiònyke inataòmy.

³⁵ Jesuisi tamyreny rÿÿraxire: —Juhu arateònyrenyreu anieruhynakòmy, asaurennykòmy, awarenyòmy, adeereny aòbo aò rasiranyre? Tiiboho dirawnyòmy: —Aòkò, aò rasiranyòhyre. ³⁶ Tahe Jesuisi narybere:

—Wiji tahe txibo inyō inieruhynadikeki, saudikeki, biwykre. Tx-ibo inyō imayrehedikōkeki tayhyitxena-di rohonykre iōwy-di tahe tii riōbranykremy. ³⁷ Kamy dori Deuxu rybe tyyriti-ki roire:

—Ōbitikōmy nodu mahādu-wana tii r̄yire.

Ibutumy timybo tyyriti wamy rarybere heka r̄yikre. ³⁸ Tamy ieryd̄ȳna mahādu rarybere: —Wanyr̄ȳ, kaa inatxi mayrehe r̄yire. Tahe Jesuisi r̄yire rarybere: —Awire kia.

³⁹ Tahe Oliveira hāwālò-ò roirenyre, taeryd̄ȳna mahādu-wana. ⁴⁰ Tiiboho kowa-ò rehemynyreu, Jesuisi rarybere: Bexitōenyke! Tai tahe òraruna-txi beseōke. ⁴¹ Tahe iko-txi urihimyo rareu, taowotimy resemy. Rexitōenyre: ⁴² —Waha, adee arexitōenykre. Adee awikeki, aōhōk̄ȳmy d̄ȳnana waribi biixāwid̄ȳnyke. Tahe adeewikomykre, wadeewi ta aōkōre. ⁴³ Ȳjuō tamy nade biu-ribi tamy ruru riwahinyre. ⁴⁴ Sōwemy tahe rexitōenyre, iōsana-ribi resere bee wahe. Hālubu wese heka ih̄yre resereri bede-ò. ⁴⁵ Tii rehemynyre tai rahare rōrōrenymy roireriò. Tiiboho ele risarenyre sōwemy rabadeworenyreki. ⁴⁶ Tamyreny rarybere: —Aōherekibo tarōtenyteri? Biijebenykre, bexitōenykre.

⁴⁷ Tii rarybereri, aōwesele Judasi nade. Tii-wana doide hābu mahādu. ⁴⁸ Jesuisi rarybere Judasi-ò: —Judasi, Deuxu Riōre bityhenykre aōbo, jiar̄ȳ hābutyhyhyk̄ȳ wahe? Waōbuò-di aōbo biwatyhenykre? ⁴⁹ Jesuisi eryd̄ȳna mahādu tuu robireu, tamy rarybere: —Iny mayrehe-di araaōbinanyrenykre, Wanyr̄ȳ. ⁵⁰ Kia ijoio mayrehe ritare tahe Deuxu aōmys̄d̄ȳdu wedu deòdu nohōti riorore. ⁵¹ Tahe Jesuisi rarybere: —Ixāwike. Tahe hābu nohōti riteytenyre. ⁵² Tahe Jesuisi dirawyōnyde tamyreny, Xiwe wahid̄ȳdu mahādu-ò, dohod̄ȳna heto itxedu wedu-ò, matuari mahādu-ò: —Kaiboho mayrehe-di, òhòte-di tiwaōrytenyteri jiar̄ȳ wasiduōrys wese. ⁵³ Jiar̄ȳ tahe dohod̄ȳna heto-ki watximyh̄ȳ txuō txuōlemy adeereny anaerynanymahādenyde. Kowa-ki heka ti-wamyōlemyh̄ȳtenyde. Kia heka beded̄ȳnana rexihure. Bede luru ruru roirerimy. Tahe aōbo iritina-ki r̄yireri, kia heka k̄nyikremy.

⁵⁴ Xiwena wahid̄ȳdu mahādu dinodutyhy-ò wedu-ò tiiboho Jesuisi ridyrenyre. Pedro riheludunyre ireheriōremy. ⁵⁵ Rehemynyreu tai Pedro ixitōteenymy heōtywera-ò ronyre heto itxeredu mahādu-wana. ⁵⁶ Pedro ratximyh̄ȳ-ò tahe deòduō rehemynyre, ijadōma wahe. Pedro-di ijadōma retehemy ta rarybere: —Tii tule Jesuisi Nazareludu-wana ratximyh̄ȳre. ⁵⁷ Tahe tii rexitxiōnyre: —Jiar̄ȳ reeryōre aōmyboho kai tarybeteri. ⁵⁸ Ixybyle kowa ijoio Pedro-ò rarybera: —Inatyhymy kai ijō mahāduleō tate. Tii inatyhytyhyrybemy rarybera: —Jiar̄ȳ reerykōre hābumy tarybetenyteri. ⁵⁹ Ijō òrau tahe ijō rarybere: —Inatyhy rare kai Jesuisi-wana ahāte, Kalileia mahāduōreki. ⁶⁰ Tahe Pedro rarybere: —Hābu, reeryōre aōmybo tarybeteri! Tahe hānie hābu robura. ⁶¹ Jesuisi heka Pedro-ò retehere. Tahe Jesuisi rybe-txi Pedro tōhōti reare. Iwese Jesuisi rarybere: —Hānie inataōmy robukre myna, kai waheludumy bedexitxiōnykre. ⁶² Pedro tahe iribi rexitareu, ixidee iky reamy rahinyre.

⁶³ Tahe hābu mahādu Jesuisi rihetenymy, rilahirenymyh̄ȳre. ⁶⁴⁻⁶⁵ Tiiboho riruehetynymy rihetenymy idi rit̄ȳr̄axinymyh̄ȳre: —Mowe arahātenyra. Idi tahe sōwemy idi risinymyh̄ȳreny.

⁶⁶ Rudile tahe judeu wedu mahādu ributunyre xiwena wahid̄ȳna mahādu-wana. Jesuisi ridyrenykemy raryberenyre dohod̄ȳna

mahādu-ò. ⁶⁷ Tamy ritÿÿraxinyre: —Kai aõbo Kristu tate, Deuxu Riòretyhy. Jesuisi rarybera: —Jiarÿ heka kohemy ararybekeki, kaiboho biwatyhynyõtyhy. ⁶⁸ Adeereny arÿÿraxikeki, kaiboho biwawyònybenyõtyhy. ⁶⁹ Kaiboho bierybenykre

Deuxu Riòre heka jiarÿ rare. Idi Waha rurunaweribi-ò aronykremy.

⁷⁰ Ibutumy tahe tamy rarybere: —Kai aõbo Deuxu Riòre tate? Tii rirawyònyre: —Iwese kaiboho tarybetenyteri wese jiarÿ inatyhy rare.

⁷¹ Tahe tiiboho raryberenyre: —Inyõ irybe-ò ijohoke heka aõkõre, inybohòle dori tuu roholarenyre.

23

¹ Kia iny ka ibutumy Jesuisi ridyrenyre Pilato-ò, bede dinodu-ò wahe. ² Idi tahe aõbina binahakÿmy tuu raryberenyre: —Kahābu heka bede rijeijeinyreri iòlòmy ijoì radònykemy. Iribi iòlò-ò òwydÿÿ rÿiòmyhÿkemy rarybere. Ihāreta Deuxu Deòdÿÿnamy raremy idi iòlòmy rexininyhÿre. ³ Tahe Pilato rÿÿraxire Jesuisi-ò: —Inatyhywe kai Deuxu mahādu iòlòtyhy tate? Tai tahe Jesuisi riwyònyre: —Kai tuu tarybeteri, Wanyrÿ. ⁴ Tai tahe Pilato rarybere xiwe wahidÿÿdu mahādu dinodu-ò, tule inysòwe mahādu-ò: —Timyki kahābu aõhòkÿmy wasÿdÿÿõna, aõõ bina dori riwinyòlere. ⁵ Tai ixyby idi risÿnyrenyre: —Kahābu heka Kalileia bede-ribi bede rijeijeinymy rareri, idi Judeia bede-di tule katahe kakile tuu rotÿÿnyre. ⁶ Taita Pilato rÿÿraxire: —Tii aõbohe Kalileia mahāduò ratxireri? ⁷ —Tii Kalileia mahādu rare. Kia Pilato rieryreu, Herodi-ò riteònykemy rexinohòtinyre. Tii kia dinodoreki. Ihāreta Herodi Jerusalē hāwā-ki iu ratximyhÿ.

⁸ Herodi Jesuisi robireu heka reysare. Jesusimy robikemy riwisÿnymyhÿre sòwemy. Idi tahe tuu robireke, reòsare. Tai tahe reysare. Ini-ò roholahyymyhÿre. Tule aõwihikÿ wixira riwinykemy idi riwisÿnymyhÿre. ⁹ Idi tahe Herodi sòwemy rÿÿraximyhÿre. Jesuisi tahe rirawyònyòhyre. ¹⁰ Aõbo xiwena wahidÿÿdu mahādu wedu, tule bede ywina erÿdÿÿdu mahādu sòwemy aõna aõna binamy tuu raryberenyre. ¹¹ Herodi tasoldado-wana tuu raòhòtemy idi risinymyhÿreny. Tyy-wihikÿ-di rirahananyrenyre. Iribi riòkesedÿÿnyre Pilato-ò. ¹² Juhuu heka Herodi Pilato òludumy widi raremyhÿ. Kia txule tahe widee rowoixirenyre.

¹³ Idi tahe Pilato tahe ibutumy xiwena wahidÿÿdu wedu, tule matuari mahādu tule ijõ iny mahādu ributunynyre. ¹⁴ Tamyreny rarybere: —Kaiboho heka wadee tedytenyteri bede jei jeiwidÿÿdumy tuu tarybetenyte tebutenyteri heka. Jiarÿ akoreny-ò retÿÿraxinyre idi aõhe tai ibinamy rahaõhyre. ¹⁵ Tule iòlò Herodi tai ibinamy rahaõhyre. Tai diòkesedÿÿnyde. Tai iurenana ta aõhereki timyki irubuõna. ¹⁶ Urile raòhòtedÿÿkemy bede reywinyre idi ta ixinamy rakre. ¹⁷ Kiemy dori worana bedehesiu, ròtena-ribi inyõ heka ròhònymyhÿke. ¹⁸⁻¹⁹ Sòwemy iny heka rirajuare: —Aõkõre uritere ta Baraba biteònyke. Kia hābu urile ruruke. (Baraba inyrubudÿÿdure. Bede jei jeidÿÿ-ki heka ròtena-ò ralore.) ²⁰ Tai Pilato Jesuisi òlòdÿÿmy riwisÿnymyhÿ tai ixyby rarybere: —Aõkõre Jesusile ariteònykre. ²¹ Sòwemy iny ixyby rryre: —Aõkõre, itxè-ki bitamadÿÿnyke! ²² Tahe Pilato tainatāõnamy narybede: —Aõherewe, aõwe tii ibinamy riwinyre. Aõheka tai ibinaõhyreri rubu-ò rawahikemy. Òhòteòle ta arawahinykre idi ariteònykre. ²³ Ihāre ta iny sòwe mahādu

ire rirajuamyh̄yrenyre itxeò nihik̄y-ò rurukemy. Ixieryta iryreny-ò roholare idi tukremy. ²⁴ Iu Pilato heka Jesuisi riwahinyre rubu-ò tumyna rexitòdenymyh̄yrenymy. ²⁵ Ijõ h̄abuõ ta ròtenawo-ribi riòlòd̄ȳnyre, iix-itòed̄ȳreny myna wahe. Tii h̄abu aleerydu rare, tahe bede jei jeid̄ȳȳdu tule. Iwana ta Jesuisi rawahire irybemynarenymy aõhebo rot̄ȳnykremy.

²⁶ Tahe Jesuisi ridyrenyre. Ryki tahe h̄abuõ iutedereny-ò nade, Simaõ inire, Sireni h̄awã ludu wahe. Nohõtiõlemy ta ityre itxeò nihik̄y ritidi-renyre, iherenymy idi kanakremy.

²⁷ Sõwemy ihemy nodu sõwe. Iy-ki h̄awyy mah̄adu Jesuisi-di robumyh̄yreny. ²⁸ Tii tahe tamyreny rexiòkesemy narybede: —Jerusalẽ h̄awã ludu h̄awyy mah̄adu! Ixirahi bobubenyke ariõre rahi tule warahi ta aõkõre. ²⁹ Tiutxumybo bexirybenybenykre: —H̄awky bedekòby heka raritxòrenykõre mah̄adu rare, tohokuã ritònykõre mah̄adu tiku kuladu-di tarukikõre mah̄adu. ³⁰ Tiutxumybo bexirybenybenykre h̄awãlò-ò: —Watyreneny bedeseke tule h̄awãlò riõre-ò bexirybenybenykre: —Biwawòbenykre.

³¹ Wijì kawesemyh̄yre hee itukure h̄are. Timykrebo tahe hee irubukreu.

³² Ih̄are tas̄yse iny inatxi h̄abu òbitimy nodu aõkõ ridyrenyre Jesuisi-wana rururenymy.

³³ Tahe h̄awãlò riõre-ò ratitybmy ninadu-ò ritehemynyrenyre. Tahe tii-wana inatxi wasidu itxeò nihik̄y-ò rilamad̄ȳnyrenyre. Ijõ ruruw-eribi-ò ijõ hyweweribi-ò. ³⁴ —Waha, idireny bexiruxetòenyke rieryõhyrenyleri dori aõmybo rotod̄ȳnyleri.

Tai tahe ityy wimy ritxuatxuakremy dado-di rehumyh̄yreny tibo iwyydukremy.

³⁵ Iny retehemy r̄ȳmyh̄y taile wahe. Judeu wedu mah̄adu tule Jesuisimy rarybere: —Tii iny sõwemy rihed̄ȳnyre, kia aõherekibo tii rexitaõreri rubu-ribi, tii Deuxu deòd̄ȳna rareh̄are. ³⁶ Tule soldado mah̄adu rarybere aõbina binahak̄ylemy. Diwyde tii aõna ta iny kremy rirahòreny tamy idi reare rijeny: ³⁷ —Kai inatyhmy judeu mah̄adu iòlòm̄y atxiteri wana heka kaa bexitakre iribi. ³⁸ Itxeò ratya-ki tahe aõma timy roire tyritid̄ȳna.

—Kaa Heka judeu Mah̄adu Iòlò Rare.

³⁹ Ijõ heka rarybereri Jesuisibire-ki roireriõle tamy rarybereri: —Deuxu deòd̄ȳna tateki, bexitake tule biwatabenyke. ⁴⁰ —Wy, Deuxu lau taberuõlemah̄ate aõbo tule dori iny aõhõk̄ymy rokot̄ȳnykrelemy iny roireri. ⁴¹ Lòwudu tamy rarybereri: —Iny heka rurureri, aõbina binahak̄y iny riwinyre òraru-ki. Iny rurureri. Kaa h̄abu r̄ȳre tiu aõbina riwinyõhykyre. ⁴² Jesuisi-ò rarybere: —Jesuisi, watxi õhõti beakre Iòlòm̄y bonykre. ⁴³ Jesuisi tamy rarybere: —Wijile heka biu-ò heka rakakre.

⁴⁴⁻⁴⁵ Txutyemy bede roronyre idi txioro txu rehehek̄y-ò bede tuu r̄ȳre. Inataõ òramy bede rybnyre, r̄ȳre. Heto-ki rahanaheridu urile raykare templowo-ki wahe. ⁴⁶ Tahe Jesuisi rirajuare: —Waha, watyytyby adee rawahinyreri. Iu irybe rexihureu rurure. ⁴⁷ Soldado mah̄adu wedu tuu robire kia aõhebo rot̄ȳnyra tuu rarybere: —Kia inatyhmy h̄abu òbitityhy rare. ⁴⁸ Ibutumy iny kia robire Jesuisi rubu-ò rahinymy ròsere rexihetenyrenymy tabreti-ò. ⁴⁹ Ibutumy tii mah̄adumy ratximyh̄yre iribi iheriõremy rexiiemyh̄y.

⁵⁰⁻⁵¹ Tii judeu bede mah̄aduõ rare. Jyjemy inire. Tahe Kristu rubuna-ki awimy rahaõh̄ȳre taijoi mah̄adu-ribi. Tii dori Deuxu Iòlòna riraòmyh̄yre.

Ihāwā Arimatea inire. ⁵² Tai ta rare ixitòedÿÿmy Pilato-ò, Jesuisi umy kidiwahinykremy. ⁵³⁻⁵⁴ Tai tahe ritare itxeò-ribi tyy ura nihikÿ-di tyy-di ritÿtetÿtenyrene. Manawabedewo-ò ritidire. Tai tiu iny rahâloonaõmyhÿre. Aõma judeu mahâdu elehyna txu wahe ixiywidÿÿnatxumy txu rÿireu heka aõma worana bedehesi txu. ⁵⁵ Hâwyy mahâdu Kalileia-ribi Jesuisi-wana. Tiiboho doide Jyje-wana Jesuisi hâloo-ò itxeremy. ⁵⁶ Tahe timybo roimyhÿ riòtudunynyrene. Dòòsedenyde iribi aderòna lÿnyre ywidÿÿmy iumy tÿnyrenamy.

Kia rexielehynyrene sabado txu bede ywidÿÿna myna-di.

24

¹ Juhu txu semana bededÿÿnanau txuu deadeu hâwyy roire wabede-ò. Tiiboho riwyre lÿnyrena. ²⁻³ Rehemynyrene, mana nihikÿ tahe ijò-ribi ratamy rÿire. Tahe ralòrenyreu, Jesuisiumy ihoõhÿyre. ⁴ Wabede-ò rirònyrenyreu, robirenyre inatxi hâbu. Itty urahakÿmy ronymyhÿre tai. ⁵ Tahe tiiboho bede riòtiynyrene idi tabrebu-di suò reserenyrene. ÿjyõ tamyreny rarybere: ⁶ —Iny irumy kaiboho teijeteri kaki wabede-ki aõbo? Tii kaki ratxireri. Tii rexixara rubu-ribi adeereny rarybere wese Kalileia bedeki: ⁷ —Inyõ riwawahinykre inybina-ò Deuxu Riòre Hâbutyhyhykÿ. Itxeòtyre-ki arÿikre tai arurukre. Inataõ txu-di tahe rubu-ribi arexixakre. ⁸ Tahe hâwyy irybe-di røhõtynyrene. ⁹ Wabede-ribi raijaranyrene Jesuisi erydÿÿna mahâdu-ò ijyymy. ¹⁰ Kia tiibohore: —Marie Madalena, Joana, Marie Txiause. Ijõ hâwyy tule tii-wana roirenyrene. ¹¹ Iu tamy relyyreu, rityhynyòlerenyrene. ¹² Pedro tahe rÿimy reare idi raijaranyrene wabede-ò. Urile tykylemy robire tahe dòòsede, rexiòtiynyrene.

¹³ Itxuleu ta iny inatxi hâbu Jesuisi tyhydÿÿdu mahâdu tahe roirenyrene Emau hâwā-ò. Jerusalē hâwā-ribi txibo 10 km wese irehere. ¹⁴ Ibutumy aõhebo rotÿÿnyramy wiko relyymy ròimyhÿre. ¹⁵ Iuleta Jesuisi tamyreny dehemynyde idi tiiboho-wana roire. ¹⁶ Tiiboho tuu robirehäre timykibo rierykõhykyrenyrene. ¹⁷ Tahe Jesuisi ròtÿÿraxire: —Aõmywe widee tarybetenyteri. ¹⁸ Iijõreny Klopamy nidu narybede: —Kai sohojilewe Jerusalē-ki aõhebo bede rÿira teerykõte. ¹⁹ Tii dotÿÿraxide: —Aõherabo ta. Tiiboho tuu relyrene: —Jesuisi Nazare ludu kie. Tii Deuxumy rybedu nihikÿ heka rare, Deuxu-ò dori ibutu iny-ò heka rybe-ki aõni heka aõmywidÿÿ-ki heka ihÿÿna rare. ²⁰ Waxiwenareny wahidÿÿdu wedu tahe wadinodureny itxeò nihikÿ-ò rurukremy riwahinyrene. ²¹ Tule judeu mahâdu tarasadukresÿna raholarenyrene. Ihâreta tukòlemyta inataõ txumy rubu-ki bede idi rÿira. ²² Bederarasò-di waijoiireny hâwyyõ ihâloo-ò roire. ²³ Tai itxi rekoaõhÿyre. Dòòsedenydeki tahe ÿjyumy riki robirenyremy delyydenyde. Tii Jesuisi rubu-ribi rexixamy tamyreny rarybere riki. ²⁴ Waijoiirenyõ tule ihâloo-ò roirenyrene. Inatyhy rikihē rare. Urileta riki Jesuisimy robiòrenyrene. ²⁵ Tahe Jesuisi tyhy Klopaboho-ò narybede: —Aõherewexe Deuxu Rybedu mahâdu rybe awo-ki teximytentyteri tetyhynykõtenyteriki wahe. ²⁶ Kialemy dori Kristu dori aõna aõnamy rotÿÿnykremy tai Deuxu riwowydynykremy. ²⁷ Tahe Jesuisi rexidelenyrene aõbo rybe ritina roiremy. Moisesi ryberiti juhumy ritÿnynyrene. Timybo Deuxu rybe ritidÿÿdu raremy. Tiiemy heka iximyhÿle rarybere. ²⁸ Ibutumy tamy relyyhyre ramyhÿrehy tahe ritehemyny Emau hâwā-ò, tai inatxi hâbu rarikreò wahe. Tahe Jesuisi rarybere: —Aõkõ arexinoranykre. ²⁹ Tai ta tamy ihârele rarybemyhÿre:

—Txioinihe bodonyke kakile. Aõma bede ratxinyra ratxioronytyhyra. Taile tiiboho-wana rare ihetoreny-ò. ³⁰ Rorukurenyre riroxirenykremy. Tahe Jesuisi orotxu rimyre rexitõenyre Deuxu-ò. Tahe orotxu riororiorore imynareny. ³¹ Iu tahe aõwesele rierymy reare Jesuisi. Tai iruereny raraymy rieryrenyre. Tahe aõwesele iõmy iribi reny reare. ³² Tai widee raryberenyre kiamy. Iu tii Ryberitimy inydeereny rydi relyyreu, urile wawo ratooteemy. Kai tahe. Ijõ diwyõnyde: —Kohe jiarỹ tulere. ³³ Iribi tahe ritamanyrenyre. Diòõsedenyde ixyby Jerusalẽ hãwã-ò. Tiu waðsohoji reurò erydỹna itxi rekoarenyre. Tai tiiboho narybedenyde: ³⁴ Inynyrỹrenyhe rexixara. Pedro heka tuu robira: ³⁵ —Jiarỹboho tulerenyra wawanale ròirenyra rydi. Tule wadeereny orotxu riyreyrenyra. Taile reeryrenyre.

³⁶ Iu kiamy relyymyhỹrele, Jesuisi dehemynymy deade ityareny-txi. Riryberenyre ibutumy: —Ywina heka akirenyke! ³⁷ Ibutumy ruberurenyre ilau. Urile raresỹny tamy raholarenyre. ³⁸ Jesuisi rarybere: —Aõhebo taberutenyteri. Breburenyõmyke hewa biwatyhynybenyke. ³⁹ Jiarỹle ratxireri. Wadebò-di bedetehebedenyke, wawa-ò tule. Jiarỹ karare wadee inihe bideribedeny. Jiarỹ uni aõkõ watxireri. Uni dori idedire aõkõ wawese aõkõre bedetehebedeny inihe. ⁴⁰ Tai tahe tebò wotõ mona, tawa wotõmona, riteòsinyre tamyreny. ⁴¹ Ihãrele tahe rityhynyrenyõre, ibedesamy bede riòtiinymyhỹreny. Jesuisi tahe rexitõenyre tamyreny aõ rirỹsỹkemy. ⁴² Tamy riwahinyrenyre utura wòsi deyreò. ⁴³ Rirasỹre ikorenyòle.

⁴⁴ Idi tamyreny rarybere: —Aõma wawanale ratximahãre, õhõtireny itxi reara. Aõma wawana atximahãtenynte juhuru. Ibutumy heka adeereny retỹnynymy rarybere aõmybo wamy rybe roimyhỹremy. Ibutumy heka Moisesi rybedu ritidỹnaki iritina-ki roimyhỹre. Wiuna tule wamy riritinyre. ⁴⁵ Tai tahe ritỹnynyre òbitimy irakyreny riraynyre. ⁴⁶ Ihetxiu rybe wãhã aõma Deuxu Deòdỹna rurukre heka aõhõkỹmy rotỹnykremy. Ruru-ribi inataõ txu-di rexixakremy bede roire. ⁴⁷ Kaa rybe wihikỹ ritidỹna heka kaa Jerusalẽ bedeki robỹtỹkre ihãreta ibutumy iny iny kõkõmy bede bedemy robỹtỹkre. Kiamy heka ibutumy inyde marybebenykre. Iny riwatyhynymy rỹirakre heka ibutumy iõraru-ribi ariixãwididỹnyke. ⁴⁸ Tule terytenyteri ibutumy aõhebo rotỹnykremy. ⁴⁹ Tahe adee ariwahinykre iwese Deuxu rarybere wesemy heka adee ariwahinykre. Kaki hewa matxibenykre hãwã-ki. Tahe kanakre heka adee ruruõ biu-ribi. Iribi tahe bòhõnykre karibi.

⁵⁰ Iribi tahe Jesuisi ridyrenyre Betỹniary-ò. Tai tahe rilãhãnananyrenyre tuu tamy rexitõnyrenyre ibutumy tamyreny. Tamy rexitõenyreu heka ilãhãnamy tamy rexitõenyre biutxile ire rexidymy ramyhỹre ryanamy ramyhỹre. ⁵¹ Iu rilãhãnanymyhỹrenyu, biu-ò rare. ⁵² Tamy rexitõenyra aõma lãhãnamy, wowodynamy rexitõenymyhỹre Deuxu-ò. Tai riwowodynamyhỹreny. Teysa-di diòkesedenyde Jerusalẽ-ò ixyby. ⁵³ Tai tahe Deuxu dohodỹna heto-ki ixyby ixyby rowowodynamymyhỹrenyre.

Joaõ

Deuxu Rybe Wihikỹ Tỹmyra, Joaõ Tyyritidỹdu

¹⁻² Ibutu aõna aõnakõu, Jesuisi rarehyymy raremyhỹ. Tii rybehyyimy raninira. Tii Deuxu-wana ihỹre. Ihãre tahe tii Deuxule rare. ³ Tii ibutuhukỹlemy riwinyre. Tiiõhyyekei tahe, aõ releõtyhy.

⁴ Umytuedeõna wahidỹdu tii ihỹre kia-di iny mahãdu rayky ritoosõnymyhỹre ritỹnynymyhỹre wahe. Kia loosõna heka bedede luru ludu loosõna rare. ⁵ Bede luru tỹnyrna loosõna rare. Loosõna rõtamyhỹre, bedede luru tahe rõanodỹmyhỹre.

⁶ Deuxu teõduõ diteõnyde, Joaõ inire. ⁷ Tii loosõnami rarybekremy nade. Kia rybe-di roholamyhỹreki, ibutumi iny rityhynyrenykremy. ⁸ Joaõ loosõna aõkõ rare. Urile tuu rarybekemy nade.

⁹ Jesuisile loosõnatyhy rare. Tii bedede-õ nadeu, ibutumi iny rayky ritoosõnyre. ¹⁰ Tii bedede-ki raremyhỹ, bedede widỹdu rare, ihãre tahe iny rieryõhyre mobo tii ihỹre. ¹¹ Tasỹ mahãdu-õ dehemynyde, judeu mahãdu-õ wahe. Ihãre tahe ridyõhyre, rityhynyõhyre urile teramy reare. ¹² Iu inyõ Jesuisi rityhynymy ridyreu. Deuxu riõreõlemy risỹdỹnyre inimy rityhynyreki. Kia-õ tahe ruru tami riwahinyre. ¹³ Kia ityhydỹdu tahe Deuxudeewilemy tule iriõreõmy roirekemy. Hãlubu-ribi aõkõ ratybienyre, urariribike aõkõ, hãbudeewike aõkõ. Deuxudeewilemy iny ihỹmyhỹrenyre.

¹⁴ Rybe tahe umyõ rimyre, demy rexiijenyre, inyyreny-ki rasỹnymyhỹre. Tii tỹxihikỹlemy Deuxu loosõna-di ratximyhỹre, ruxetõena-di inatyhyna-di nade. Inyboho tuu robirenyre. Deuxu Riõre delamy ratximyhỹre, sohojihyyre. ¹⁵ Joaõ Jesuisimy rarybere kia wese: —Kiamy heka adeereny rarybere. Tii wahewomy kanakre heka waratyre awityhyre. Tii dori wako-ki rarehyymyhỹ waribi juhuutyhy wahe. ¹⁶ Inyboho dori sõwemy ruxetõena iribi ritarenyre. Luuna sõwetyhymy tawo-ribi Jesuisi inydeereny diwahinyde. ¹⁷ Deuxu bedede ywina tahe Moisesi õraru-ki nade inydeereny. Ruxetõenamy tahe inatyhyna Jesuisi Kristu õraru-ki nade. ¹⁸ Inyõ heka tiu Deuxumy robiõtyhy. Deuxuriõre delale heka itỹnydỹdu rare. Tuunatyhy-di taãxiõti-ki rimyre. Tiile iny-õ Deuxu ditỹnynde.

¹⁹ Judeu mahãdu Jerusalẽ-ribi xiwena wahidỹdu mahãduõ diteõnyde Joaõ dỹraxidỹmy. Levita mahãduõ tule diteõnyde. Tahe roirenyre ritỹraxykemy mobo tii raremy. ²⁰ Tahe Joaõ-õ rỹraxyrenyre aõhereriwe mobo atxiteri. Joaõ dirawyõnyde inatyhymy rexitxiõnyrereri: —Jiarỹ Kristu Deuxu deõdỹna aõkõ jiarỹ rare. ²¹ Tai tahe ixityre tami rarybere: —Mobo tahe atxiteri, Elia aõbo. Aõkõre, Joaõ rarybere. Tahe Deuxu dee rybedu atxiteri inyboho riraõrenyteriõ wahe? Joaõ rarybere aõkõremy. ²² Tami tahe ixityre raryberenyre: —Wakoreny bedelyyke mobo atxiterimy. Tai iny deõdỹdu mahãdu-õ arelyyrenykre. Aõmybo iximy manarybeke? ²³ Tahe Joaõ rarybere: —Jiarỹ Isaiã Deuxumy rybedu wesele adeereny ararybekre. Jiarỹ rybeterenaduõ jiarỹ rare. Jiarỹ bederahy-ki iny-õ rarywãhã.

Inynyrỹ-õ ryõ biõbitinyke.

24 Fariseu mahãdu-ribi kia mahãdu roirenyre. 25 Tai tamy rarybere: —Kai Kristu aõbo tate? —Aõkõre. Elia aõbo? —Aõkõre. Deuxu dee rybedu aõbo? —Aõkõre. —Aõhereki tahaka iny teratysebenyteri? 26 Joaõ dirawyõnyde: —Jiarỹ bedi iny reratysebenyteri. Inyõ tahe ayrenykile ratxireri. Tii tahe teeryõmahãtenyete. 27 Tii wahewo-ribi kanakre. Jiarỹ raixỹrumy watxireri iwataana ese-ki, tii waratyrekeri. 28 Kia ibutumy aõhebo rotỹnyre Betỹnia hãwã bede-ki. Jordaõ bero kowa weribi ijã-ki ihỹre. Tai iule Joaõ iny riratysybenymyhỹre.

29 Txubiõwau tahe Jesuisi Joaõ-ò kedehemynykemy nade. Tahe rarybere: —Beteheke, kowa Deuxu budoeni naderi. Tii òraru-ribi iny ritakremynade. 30 Tuu jiarỹ rarybereu, inyõ wahewomy kanakre. Tii waratyre awityhy rare. Tii dori wako-ki rarehyymyhỹ waribi juhuure. Kia rarybereu tule jiarỹ tuurarybemahã. 31 Reeryõre heka tii, ihãre tahe anade tii aritỹnykemy judeu mahãdu-ò. Tai tahe anade iny bedi reratysebenymahãremy. 32 Tahe Joaõ tamyreny relyyre: —Jiarỹ Deuxu Tyytybytyhymy rabire tamy dobehede-ò. Bõtõde wesemy ityre-ò desede. 33 Deuxu riwateõnyre bedi iny ariratysybenykemy. Tahe riwateõnyre tahe wadee rarybere: —Aõmy kai bobikre? Deuxu Tyytybytyhy ronmy resekele inyõtýre-ò. Tii sohojile tahe Deuxu Tyytybytyhy-di iny riratysybenykre. 34 Jiarỹ tuu rabire, tai tahe reeryre, tule taheka relyywãhãre, tii inatyhymy Deuxu Riõre raremy.

35 Itxubiõwau tahe Joaõ taerydỹna inatxiõ-wana raremyhỹ. 36 Tahe Jesuisi nadeò tuu robire. Tahe tamahãdu-ò rarybere: —Kowa tahe Deuxu Budoeni naderi. 37 Kia rybe-ò tiiboho roholareu, tahe ròirenyre Jesuisi riheludunykemy. 38 Jesuisi tahe tuu robire ihemy roirerimy. Tahe tamyreny rarybere: —Aõbo tejetenyteri. Tahe dirawyõnyde: —Rabi (kia rybe tahe irybereny-ki, erydỹdu rare), titxibo kai tasỹnymahãte. 39 Jesuisi rirawyõnyre: —Bõdõibedenyke betehebennykemy. Tahe tii-wana roirenyre, tamy reteherenyre. Tahe txioromy tii-wana ihỹmyhỹ. 40 Joaõ rybe-ò ijohonaduõ, Jesuisi helududỹduõ, Andre rare. Tii Simaõ Pedro seriõre rare. 41 Andre tahe taseriõre Simaõ aõwesele rioryre. Tahe tamy rarybere: —Mesia-ki inyboho rahamy ratximyhỹrenyre. (Ka rybe, Mesia, heka. Kristumy rare, Deuxu deõdỹna rare.) 42 Tahe Andre Jesuisi-ò Simaõ didyde. Jesuisi Simaõ-ò retehere urihimyò idi tamy rarybere: —Kai Simaõ tate, Joaõ riõrere. Iribi tahe ani Sefamy rarekre (Kani heka Pedro rare.)

43 Itxubiõwau Jesuisi Kalileia-ò rakremy ixi-di rõhõtynyre. Tahe Filipi riijere. Tamy rarybere: —Wahemy manakekõ aõbo. 44 (Filipi tahe Besaida hãwã luduõ rare Pedro, Andre-wana ihãwãluduõle rare.) 45 Filipi tahe Natanaeli witxi reare. Tamy rarybere: —Moisesi bede ywina tyryiti-ki inyõmy rarybere: —Tule Deuxu dee rybedu tyryiti-ki rarybere. Taile rahare. Jesuisi ihỹre. Nazare hãwã luduõ rare. Jyje riõre rare. 46 Tahe Natanaeli ritỹraxyre: —Aõwihikỹ aõkãbo Nazare hãwã-ribi kadõhõnykre. Filipi rirawyõnyre: —Manake betehekemy. 47 Jesuisi Natanaelimy robire naderimy tahe tuu rarybere: —Kowa judeu mahãduõ inatyhy rare. Tii hãbu õbiti rare. 48 Tahe Natanaeli rarybere: —Timykibo tiwaeryteri. Jesuisi rirawyõnyre: —Figueira òra-ki tanyteò, umy rabire. Filipi aõrysmy raõreule, umy rabire. 49 Natanaeli rimasajuamy rirawyõnyre: —Kai Deuxu Riõre tate Inyerydỹdu tate. Kai judeu mahãdu Iòlò tate. 50 Jiarỹ adee rarybera: —Figueira-òra-ki umy

rabireki. Kiakile aõbo, tiwatyhynyteri. Iratyre aõna aõna wiwihikỹ adee ariteòsinykre. ⁵¹ Inatyhytyhymy adee araybekre: —Biuwetyy riranykre. Jiarỹ biuloosõna hãbu jiarỹ rare. Ýjuboho Deuxu-ribi wadee doideò kai bobikre. Idi waribi roireò bobikre.

2

¹ Inataõ txu-di tỹmyra herina txumy reare. Kana hãwã-ki Kalileia bedeki. Jesusise tai ratximyhỹre. ² Jesusi tule ritobinyre tamy rakremy taerydỹỹna mahãdu-wana. ³ Lisinaube tya-ki vỹi mona ituere. Tai Jesusise Jesusi-ò rarybere: —Vỹi mona ituere, imona kõre. ⁴ Jesusi rarybere: —Nadi, aõhebo arotỹỹnykre. Aõka wawidỹỹkõna wabededyỹnanamy aõkõka bedeki rỹreri. ⁵ Tahe Jesusise deòdu mahãdu-ò rarybere: —Anowidỹkỹmy adekereny tiki rarybekeki, ibutumy biwinybenyke. ⁶ Debòsohoji reurò mana butxi nihikỹ tai rỹimyhỹ judeu mahãdu ibe-di brebu òraru-ki aõna aõna risuhòmehỹre worana bedehesinau. Mana butxi sohoji sohoji 80 urihixina ratyre rimyre. ⁷ Jesusi tamyreny rarybere: —Ibutumy bedi bitỹxinybenyke. Tahe ibutumy ijã ratyre ritỹxinyrenyre. ⁸ Katahe iribi bitake. Worana bedehesi wedu-ò biwybenyke imona. Tahe riwyrenyre. ⁹ Kia bee heka Jesusi riwitxiranyre vỹi monamy. Tahe iwedu riurihire, rieryõre tiribibo nade. Deòdu tahe rieryre juhoo bee rare. Tahe iwedu rarybere weryrybò heridu-ò: ¹⁰ —Katahe awityhyre. Kai ijõ-ribi iwitxiratyhymy tewinyteri. Ijõ iny heka awityhy iko-ò ritxiwimyhỹ. Ihewomy tahe awiriõre ritxiwimyhỹre. Kai tahe awityhy ikonana-ò teyrubunya. ¹¹ Katahe aõna aõna wiwihikỹ iny itxerenamy juhu ludu rare. Kana hãwã-ki Kalileia bedeki ihỹre. Tii tarurutere riteòsinyhỹre taerydỹỹna mahãdu-ò. Tai ierydỹỹna mahãdu rityhynyre.

¹² Iribi tahe Kafanaõ hãwã-ò Jesusi dobehede tadi, taseriõre, taerydỹỹna mahãdu tii-wana roirenyre. Ijõtsumy tahe tai bedeki tỹnyra rỹira.

¹³ Pascoa worana bedehesi iòhòmehỹre rỹireu, Jerusalẽ rotuore kia tahe judeu mahãdu worana bedehesina rare. ¹⁴ Tai Jesusi Deuxu dohodỹỹna hetowo-ò ralore. Tahe iwo-ki itxi reare sòwemy aõna aõna-di rohonyreriò, broreni-di ijohodu-txi, budoeni-di ijohodu-txi, bòtòe-di ijohodu-txi, tule nieru witxira witxira wibydyỹdu mahãdu-txi reare tai rononymhỹki. ¹⁵ Jesusi reroti awaru hãtena wesemy riwinyre. Idi tahe dohodỹỹna hetowo-ribi ibutumy riòlòdỹỹre, budoeni, broreni-wana, tahe nieru wibydyỹdu mahãdu oworubesedyỹ-di Jesusi rehure, tai nieru rejuxunyre. ¹⁶ Tahe rare bòtòe-di ijohodu-ò. Tamy rarybere: —Biòlòdỹỹnykre wa. Waha heto dori aõ-di ijohona aõkõ rare. ¹⁷ Tahe Jesusi erydỹỹna mahãdu tòhõt-txi reare aõbo Deuxu Tyyriti-ki roiretxi:

—Waha heto yrubudyỹỹna-ki dori riwasamyhỹre. Ariyrubunykemy dori watxireri, tai riwasareri.

¹⁸ Judeu mahãdu Jesusi-ò rỹỹraxire: —Aõherekibo kai teòlòdỹỹnyteri. Mobo he arateranyreri tuu biwinykemy. ¹⁹ Tahe Jesusi rirawyònyre: —Deuxusỹ-di behuke tahe inataõ txu-di aditamadyỹnykre. ²⁰ Tahe judeu mahãdu rarybere: —Ka heto 46 beõra-di relere, tímikibo kai inataõ txu-di biwinykemy. ²¹ Jesusi tahe Deuxusỹmy taumylemy rarybere. ²² Iribi tahe iu rubu-ribi iixixana-txi tòhõtireny reare, kia tuu rarybere-txi. Tai heka iritina rityhynyre, tule Jesusi rybe rityhynyre.

²³ Jerusalê-ki Jesuisi Pascoa worana bedehesidÿÿna riwyre. Aõna aõna wiwihikÿ inyy-ki ritxienyre riwinyre. Tai sõwemy iny inityhy rityhynyre. ²⁴ Jesuisi tahe urihimyõle iny rityhynyre. ²⁵ Tii dori ibutummy iny rayky rierymyhÿre. Inyõ timy iny raremy tiu tamy aõna relyyõtyhy tii ibutummy aõerydu rareki.

3

¹ Nikodema fariseu mahãduõ rare. Tii judeu mahãdu weduõ rare. ² Tii rudimy Jesuisi roramy rara. Tahe tamy rarybere: —Wanyrÿ, reeryrenyre kai Deuxu-ribi erydÿÿdu tate. Inyõ Deuxu-diõkeki tii aõ wiwihikÿ riwinyõtyhy. Iwese aõ wiwihikÿ kai tewinyte wese. ³ Tahe Jesuisi rirawyõnyre: —Inatyhytyhymy adee ararybekre: —Inyõ ixityre reakõkeki, tiu Deuxu Òlõnasÿmy robiõtyhy.

⁴ Nikodema rÿÿraxire: —Timykibo matuari ixityre reakemy. Timyrabo, ixyby tadiwo-ò iny ralõkeki aõbo ixyby iny raumynyke. ⁵ Tahe Jesuisi rirawyõnyre. Inatyhytyhymy rarybere. Inyõ bera-ribi ratybienyõkeki Deuxu Tyytybytyhy-ribi ratybienyõkeki, tiu ralõõtyhy Deuxu Òlõna-ò. ⁶ Deribi tybie heka dee rare. Deuxu Tyytybytyhy-ribi tybie tasÿ tyytyby rare. ⁷ Idi wanaõtaõmy aõmybo rarybereridi ixityre ijiranamy. ⁸ Tiò tiò yhy ribonymyhÿre: —Iwodÿÿ taholate, tahe tiribibo namyhÿde teeryõmahãte tiõhe ramyhÿre teeryõte, kia wesele iny Deuxu Tyytybytyhy-ribi tybie iny rÿire. ⁹ Tahe Nikodema rÿÿraxire: —Timyrebohe kia ratxike. ¹⁰ Jesuisi dirawyõnyde: —Kai judeu bede ersydÿÿdu tate ihãrele teeryõte aõbo. ¹¹ Inatyhytyhymy adee rarybere aõmybo reeryre, aõmybo rabire. Ihãrele tahe kia tetyhynyõte. ¹² Bede aõmydÿÿnanamy rarybere tahe tetyhynyõte. Timybo bityhynyke biu aõmydÿÿnanamy ararybekeki. ¹³ Iny sohojile biu-ò raõwõnyre, Deuxu Riõre Hãbutyhyhykÿ rare. Tiile iribi juhu dobehede. (Tiile isÿre. Taile isÿ roire.) ¹⁴ Iwese Moisesi bederahy-ki womati hemylala ritamadÿÿnyre wese, Kiawesele jiarÿ, Deuxu Riõre Hãbutyhyhykÿ, wadi kidiwatamadÿÿnykre. ¹⁵ Tahe inyõ wadi rityhynykeki, umytuedeõna tuu ritamy rÿihy rakre.

¹⁶ Deuxu Riõre sohojihyyle rare. Deuxu bede ludu mahãdu ibutummy iluutyhyre. Tai tahe tariõre diteõnyde iny rityhynykre. Inyõ tii rityhynyre-wana, umytueõnahakÿ ritakre. Tii ruruõtyhy rubu bina bede-ò. ¹⁷ Deuxu taRiõre bede-ò diteõnyde bede iny mahãdu tarasad-ummy rarekemy. Aõ iny ywisidÿÿna-ò rirutykemy aõkõ. ¹⁸ Inyõ rityhynymyhÿreki, tii ywisidÿÿdu idi rehuõtyhy. Iny rityhynyõmyhÿreki tiihe aõhõkÿmy dÿÿnana-txi riteõnykre Deuxu idi ratximyhÿre, tii dori Jesuisi rityhynyõhyymyhÿre, Deuxu Riõre dela wahe. ¹⁹ Ibinatyhymy iny aõmydÿÿnana bede bedemy rÿira, tai bede luru-ki rira tamy awira. Tuu loosõna nadeu, tamy ibinare. Tai tahe Deuxu riteõnykemy idi ratximyhÿre. ²⁰ Inyõ aõbinahakÿ rotÿÿnymyhÿre, loosõna dera heka tuu rÿira; loosõna-ò rehemynyõtyhy, rehemynyre-wana, iny taaõbina bina rierymyhÿre. ²¹ Iny tahe awiwihikÿle rotÿÿnymyhÿre-wana tii tahe loosõna-ò rehemynykre rÿira, taaõmydÿÿnana dori Deuxudeuwimy ririmyhÿre, ibutu iny rierykre ririre.

²² Iribi tahe Jesuisi taerydÿÿna mahãdu-wana Judeia bede-ò ròirenyre. Tai heka bededÿÿnanaõ riwyre. Tiibohe iny ityhydÿÿdu mahãduõ

tai riratysebenyrenyrene. ²³ Joaõ iribi iòhòmý ratxireri. Iny riratysebenymyhÿre. Tii Eno hãwã-ki Salí hãwã-ribi iòhòmý roire. Tai riratysebenyrene sówemy bee tai roimyhÿreki. Sówemy iny tatysebenyrene rare. ²⁴ (Joaõ iu rotenamy ralòòlemy ratximyhÿ.) ²⁵ Judeu mahãduõ, Joaõ erydÿÿna mahãdu-wana rybetere txiòdÿÿna ròhònyra, bede ywina òbiti aòmydÿÿnanamy wahe. ²⁶ Tahe Joaõ erydÿÿna Joaõ-ò doidenyde rarybekremy: —Waerydÿÿdureny. Kai hãbumy telyymy tatemahã, kia Jordaõ kanawe-ribi ijã-ki umy-wana raremyhÿ, tii ròratysebenyreni. Sówemy iny tatysebenyrene. ²⁷ Tahe Joaõ tatysebenyrene: —Kia wadee awire aõ aõkò iny ritamyhÿre, biu-ribi kanakékile tahe iny aõ ritake. ²⁸ Jiarÿ heka Jesuisi nonanamy ijyymy diwateònyde wahewo-ribi kanakremy. Jiarÿ tii aõkò rare. Tii tahe Kristu tyhy rare. Jiarÿ kiamy juhúu rarybewãhãre: —Kia tahe teerytenyete. ²⁹ Inatyhymy tahe hãbumy heridu wesemy Jesuisi rare. Ibutumy iny tuu robikemy tatysebenyrene. Ibiòwa weselemy jiarÿ rare. Tahe irybe-ò raholareu, reysamy rarewãhã. ³⁰ Tai wadee awire iny tii rieryreki, waribi tahe nohòti rosakemy idi watxiwãhãre.

³¹ Tii biujuxahakÿ-ribi nadeki ibutu ratyremy ratximyhÿre. Bede-ribi jiarÿ anadeki, tahe bede ludu jiarÿ rare, bede aòmydÿÿnanamy rarybewãhãre. ³² Tii rarybere aòmybo roholare, robire, tahe ijò iny rityhynyhyre irybe. ³³ Inyò tahe rityhynyhyre, tii tule ijò-ò rarybere, Deuxu inatyhy rare wahe. ³⁴ Deuxu deòdÿÿna heka irybelemy rarybere Deuxu dori Tatytybytyhy ibutumy tatysebenyrene. ³⁵ Tyby taRiòre luure, tai tahe ibutu aòmydÿÿnanana ywisidÿÿmy tatysebenyrene diteònyde. ³⁶ Iny Jesuisi rityhynyhyreki, umytuedeònahakÿ-di iny rÿira. Inyò tatysebenyrene ratxiòkeki, tiu umytuedeòna robiòtyhy, Deuxu ykarana dori tii-wana ratximyhÿre.

4

¹⁻⁴ Inyò fariseu mahãdu-ò rarybere: —Jesuisi Joaõ-ribi iny sówemy diratysebenymyhÿde. Sówemy iny ritamyhÿre ierydÿÿmy. Tahe Jesuisi aõkò ròratysebedÿÿmyhÿre, ierydÿÿnale tahe riratysebenymyhÿre. Iu Jesuisi kiamy rieryre tahe, Judeia-ribi rexitare. Roirenyre Kalileia bede-ò ritehemynykemy. Roirenyre tahe Samaria bededihyule riòhònyrene. ⁵ Samaria bede hãwã-ò tahe ritehemynyrene. Sika inire. Ijãò riòre-ribi iòhòmý ròira, tariòre Jyje-ò riwahinyre wahe. Ijãò behãloo tai rÿimyhÿ. ⁶ Txutyeyu tahe Jesuisi elerihynyrene ronymhÿ tatilemy nadeki berysyna werora-ki. ⁷ Tahe Samaria mahãdu hãwyyò dobehede beixemy. Jesuisi tatysebenyrene: —Beò inihe wadee bidiòke. ⁸ Jesuisi erydÿÿna mahãdu tahe juhúu roirenyrene hãwã-ò rÿsÿna itxemy. Tai Jesuisi riraòmy ronymhÿ. ⁹ Tahe hãwyy rarybere: —Kai judeu mahãdu tate, jikarÿ samaria mahãdu rare. Anoherekibo wadeke textiònyteri bemomomy. (Judeu mahãdu Samaria mahãdu-wana wiyemy reaòhyymyhÿre. Widi òludu wesemy rare.) ¹⁰ Tahe Jesuisi rirawyònyre: —Kai heka teeryòhyteri mobo jiarÿ rare wahe. Tule, Deuxu wahisidÿÿna teeryòte. Tiwaeryteriwana kai bedexitiònyke, tahe bee irumy ihÿre adee ariwahinyke. ¹¹ Hãwyy rarybere: —Wahí, timybo bee irumy ihÿre wadeke kanakre. Kai ahynakòre, hãloko heka behekyre bee irehere. Timybo bee iru kumy-wana ratxireri. ¹² Kai anobohe inytyby Ijãò ratyrene. Tiki heka behãloko wedu juhúu rare; idi riwahinyrene inydekereny. Iribile iritiòre riòmyhÿre tiki-wana, ibroreni riòmyhÿre. ¹³ Jesuisi tahe tarybe-

tyhy-di rarybere: —Inyõ kahãloobemy riõkeki, ixityre bemomomy ruruke. ¹⁴ Jiarỹ bee ariwahinyke. Inyõ tahe kiabemy riõke-wana, tiu bemy tamy umytuedeõnahakỹ riwahinyhyymyhỹre. ¹⁵ Tahe hãwyy rarybere: —Wahĩ bee tuedeõkõdu ikuny tuu kariõke. Tai kakõ kanakõtyhy berysmy. ¹⁶ Tahe Jesuisi rarybere: —Maa hỹny, ahãbu biõryke, tahe manake. ¹⁷ Hãwyy dirawyõnyde: —Anokõre, wahãbukõre. Jesuisi rarybere: —Inatyhymy tarybeteri ahãbuõremy. ¹⁸ Kai heka iruyre ahãbu tate. Wijina tahe ahãbu aõkõ rare atỹhibiõwale wahe. Kia tahe inatyhymy tarybeteri. ¹⁹ Wahĩ, wiji tahe arakeryra, kai Deuxu rybeduõ tate. ²⁰ Wahareny Deuxumy realãmyhỹre kahãwãlõ-ki. Amahãdu anokõ, tamy tahe Jerusalẽ Deuxu deãlãna rare. ²¹ Tahe Jesuisi rarybere: —Lerỹ, warybe bityhynyke. Kanakre itxu kahãwãlõ-ki aõkõ, Jerusalẽ-ki aõkõ Waha Deuxu deãlãna rarekre. ²² Kaiboho aõmybo tealãte teeryõtenynte. Jiarỹboho tahe aõmybo realãre, reeryrenynte, tarasana dori judeu mahãdu-ribi nade. ²³ Kia bededỹnanamy reara. Inyõ Waha Deuxu alãnamy ratximyhỹreki Deuxu Tyytybytyhy-di, inatyhyna-di realãmyhỹke. Tuu deãlãna mahãdu Deuxu rijemyhỹre. ²⁴ Deuxu Tyytyby rare: —Tai tahe tudealãnadu tattytyby-ki inatyhyna-ki tuu realãmyhỹre. ²⁵ Kia tahe jikarỹ rekeryre, Mesia kanakre, Deuxu dekõdỹkỹnamy wahe, Kristu inire. Tiki kanakreku wahe, ibutumy inydekereny anona anonamy relykykre. ²⁶ Jesuisi rarybere: —Jiarỹ tahe tiire, umy-wana wiji rarybereri wahe.

²⁷ Tahe Jesuisi erydỹna mahãdu rehemynyre. Hãwyy-wana rarybereriki tahe ribedeõtiidỹnyrenynte. Tahe inyõ tamy rỹrãxiõhyyre. Aõmybo tamy rỹrãxire, ada aõherekibo tamy rarybereriki. ²⁸ Iu tahe hãwyy tabutxi ririre, hãwã-õ rara. Tahe tahãwã mahãdu-õ rarybere: ²⁹ —Bodoibedenyke wahemy. Betehebenykemy hãbu-kõ. Tiki wakoku relykyre ibutumy anohebo ratỹkỹnymahãremy. Tiki kõsana Kristu ratxireri. Deuxu dekõdỹkỹna rare. ³⁰ Hãwã-ribi roirenyre Jesuisi-õ. ³¹ Iu hãwyy hãwã-ki rareamyhỹreu, tahe ierydỹna Jesuisi-õ rarybere: —Iny erydỹdureny rỹsỹnaõ birỹsỹke. ³² Tahe Jesuisi rarybere: —Warỹsỹnadire wahe. Kaiboho heka kia rỹsỹna teeryõtenynte. ³³ Tahe widee raryberenyre: —Inyõ kõaõboka tamy rỹsỹnaõ riwyreri. ³⁴ Jesuisi rarybere: —Wadeõdỹdu deewimy ariwinykemy idi watxireri. Kia tahe warỹsỹnare, iaõmysỹdỹna arihukemy wahe. ³⁵ Maixõmo butuna inaubiõwa ahãdu-di bidiõrarunybennykemy kaiboho tahõtintyntynteri. Tahe aõkõre adeereny ararybekre. Betehebenyke bedero-õ. Maixõmo redenamy rỹre. ³⁶ Kia maixõmo butudỹdu iõwy ritake, tahe umytuedeõnahakỹ-õ iny ributunyre. Tahe wiwanale riwodeysanymyhỹre ibrõdỹdu ibutudỹdu-wana. ³⁷ Iwese inyõ rarybere wese, inatyhy rare. Ijõ tahe ibrõdỹdu rare. Iwitxira tahe ibutudỹna rare. ³⁸ Jiarỹ kaiboho arateõnymahãre. Aõbo tebõrõnyõtenynte tahe bibutunykemy. Juhuu inyõ raaõmysỹdỹre: —Kaiboho tahe iraty temytenynte.

³⁹ Tahe hãwyy õraru-ki sõwemy Samaria hãwã mahãdu rityhynyre. Hãwyy rarybere juhoo: —Tiki wakoku relykyre ibutumy anohebo ratỹkỹnymahãre walananonanamy relykyre. Kia rybe õraru-ki tahe rityhynyrenynte. ⁴⁰ Samaria hãwã mahãdu tahe Jesuisi-õ rexitõenyre tii-wana roirekemy. Tahe Jesuisi tii-wana inatxi txumy riwyre. ⁴¹ Sõwemy tahe rityhynyre Jesuisi Rybe õraru-ki. ⁴² Tahe hãwyy-õ rarybere. Wiji tahe arybe õraru-ki aõkõ retyhynynteri. Tamy tyhy-õ jiarỹle raholare, tahe reeryre tii bede iny tarasadu tyhymy raremy.

⁴³ Inatxitxu-di tahe Samaria-ribo rare Kalileia bede-ò. ⁴⁴ Jesusile dori rarybere: —Deuxu rybeduõ uladumy ijirana bede-ki iny rityhynyõhymyhỹ. Tiu tamy wowydynaõ riwahinyõtyhy. ⁴⁵ Kalileia mahãdu juhuu Jerusalẽ-ò tule roirenre, worana bedehesi rỹimyhỹraò. Ibutumy aõbo Jesuisi riwinyra heka tiiboho reteherenre. Tai Jesuisi tasubede-ò rehemynre tiiboho awimyrityrenre.

⁴⁶ Tahe ixityre Jesuisi rehemynre Kana hãwã-ò. Juhuu tai bee riwixiranyre vỹ monamy wahe. Bede dinodu aõmysỹdỹdu Kafanaõ-ki rasỹnyre. ⁴⁷ Jesuisi Kana hãwã-ki ratxirerimy hãbu roholareu, tamy rara. Tariõre dori ibinamy roire taheto-ki. Jesuisi-ò hãbu rarybere: —Manakekõ aõbo waheto-ò wariõre biteytekemy. ⁴⁸ Jesuisi rirawyõnyre: —Kaiboho bede aõmydỹnana wiwihikỹ tetehetenyteule tetyhnytenyte. ⁴⁹ Hãbu heka Jesuisi-ò rarybere: —Wanyrỹ, wylemy manake wariõre rurukreko-txi. ⁵⁰ Jesuisi rarybere: —Bòðseke, ariõre dori awimyrilera. ⁵¹ Tahe tii Jesuisi rybe rityhynyra tai ròðsere taheto-ò rakemy. Ijõ txu tahe ryro-ki teòdu-wana witxi reare. Tii rarybere: —Ariõre reytera ahetskile. ⁵² Hãbu ritỹraxyre tiubo reytera. Tahe relyre. Kaule, txutyey reytera. ⁵³ Jesuisi rarybere, kiale iriõre reytera. Hãbu rierye. Tai tahe idi ibutumy hãbu sỹmahãdu Jesuisi rityhynyre. ⁵⁴ Kia tahe Jesuisi inatxina aõna aõna wiwihikỹ iny itxeranyriwinyre Kalileia bede-ki.

5

¹ Iribi tahe judeu mahãdu worana bedehesimyrỹimyhỹ. Tai tahe Jesuisi rare Jerusalẽ-ò. ² Hãwã-ki tahe hãloo ibedỹ roimyhỹ budoeni ryijõ iòhò-ki rỹimyhỹ. Beteta inire, hebraika rybe ini rare, judeu rybe wahe. Iruyre iwõtenu ube iwerora-ki rỹire. ³ Sõwemy webinadu ube-ò wii rotyre, iny ruetã ijõre, iny tiere ijõre, inytibina ijõre. ⁴ Tiiboho jỹjuõ riraõmyhỹre. Jỹju beò rerireu tahe raukỹre. Mobo juhu itxi resekeki tahe, tii reytemyhỹre. ⁵ Hãbuõ 38 beõramy ibinamy roimyraremyhỹ. ⁶ Jesuisi tamy retehereu, rierye tiwesebeõrabo ibinamy roimyraremyhỹ. Tahe tamy rarybere: —Kai aõbohe beytekekõ. ⁷ Hãbu dirawyõnyde: —Aõkõre Wanyrỹ, wawihedỹduõre. Bee rexiukỹnyrau, ijõ wako-ò ralõmyhỹre. ⁸ Jesuisi tamy rarybere: —Myikewa, abyre bimye, mariake. ⁹ Aõwesele hãbu rỹimyrare, awimyrityre. Tabyre rimyre tahe rariare. Kia txu tahe sabado txu rare. Kia txu tahe judeu aõmysỹdỹna txu aõkõ rare. ¹⁰ Tai tahe judeu mahãduõ tamy rarybere: —Abyre-di riraõmy, sabado txu dori õbiti aõkõ rareki. ¹¹ Tahe dirawyõnyde: —Wadeytedỹdu wadee rarybere wabyre arimykemy. ¹² Tahe tamy rỹraxyre: —Mobo adee rarybere abyre bimykemy idi mariakemy. ¹³ Tahe hãbu deytedu rieryõre mobo rare. Jesuisi dori dexitade iribi. Sõwemy iny tai rỹimyhỹ. ¹⁴ Deuxu dohodỹna heto-ki Jesuisi idi hãbu-ki rahara. Tamy rarybere: —Kai teyteta, inatyhy. Tai tahe aõraruna biixãwidinyke, aõbinatyhy aõhe adee rotỹnyheny. ¹⁵ Hãbu tahe rare. Judeu mahãdu-ò rarybere, mobo teytedỹdu raremy, Jesuisi wahe. ¹⁶ Tai tahe judeu mahãdu Jesuisi ibinamy rexidelenymyrityre, sabado txu kia riwinyreki. ¹⁷ Jesuisi tahe rarybere tamyreny: —Waha, Deuxu aõ raaõmysỹdỹre, jiarỹ tulere. ¹⁸ Tai tahe sõwemy irubudỹmy rurumyhỹre. Sabado txu bede ywina-ribo tii riwinyõre. Tule Jesuisi Deuxu wesemy rexioire, Wahamyrityre rarybemyhỹreki.

¹⁹ Tai tahe Jesuisi tamyreny rarybere: —Jiarỹ ixi-di aõkõ aõmydỹnanamyrityre rarybemyhỹre aõbo Waha riwinyhỹre, jiarỹ tule

rewinywãhãre iweselemy. ²⁰ Waha Deuxu dori waluure. Aõbo riwinyre wadee riteòsinyre, tai tahe aõruxerahakÿtyhymybo bobibenykre, idi bede biòtiinybenykre. ²¹ Waha Deuxu dori rubu-ribi iny riixixanymyhÿre. Tai tule jiarÿ iny areixixanyke ixideewikeki. ²²⁻²³ Ibutumy iny hitxidÿÿna Waha wadee tuu rarybera, tii dori iny rihitxidÿÿnyòtyhy. Jiarÿle tahe iny ywisidÿÿdumy aròhònykre, tai iwese Deuxu iny riwowydynymyhÿre wesele iny riwawowydynymyhÿkre. Adeereny Deuxu diwateònyde. Tai inyò riwawowydynyòkeki, tii Deuxu riwowydynyòreri. ²⁴ Inatyhytyhymy adeereny ararybekre. Inyò warybe roholakeki, wateòdÿÿdu rityhynykeki, tii wijityhyle umytuedeòna ritake, ywisidÿÿduko-ò ròhònyòtyhy, rubu ryribi ròhònyre umy irumy ihÿre ryò iny ralòmhyhÿre. ²⁵ Inatyhytyhymy adee arelyykre: —Bede dÿÿnana-ki kòhòra, bede dÿÿnanamy reara. Tahe rubu mahãdu Deuxu Riòre rybe-ò roholakre. Roholamy rÿikeu tahe irumy rÿike. ²⁶ Tyby dori iumyònanaòhyyre wese tule iRiòre rare. Umytuedeòna wedu rare. ²⁷ IRiòre heka hitxidÿÿna wedumy relere. Tii dori Deuxu Riòre Hãbutyhyhykÿ tii rare, jiarÿ wahe. ²⁸ Bedeòtiidÿÿòmy tahe bededÿÿnanamy he reare. Rubu mahãdu wabedey-ki warybe-ò roholakre, tai iribi ròhònykre. ²⁹ Ibutumy aõwibo riwinyre mahãdu kedexixakre umytuedeònahakÿ-di. Kia ibinamy riwinymyhÿre mahãdu ywisidÿÿdu-ò rexixakre.

³⁰ Jiarÿ ixi-di aõkò aõmydÿÿnanamy ratÿÿnywãhãre. Iwese Waha-ò raholare wese iny ywisidÿÿmy aròhònykre. Waywisidÿÿna heka òbiti rare. Wadee wimy aõkò dori tuu watxiwãhãre. Waha wadeòdudeewimy tuu watxiwãhãre. ³¹ Iximy ararybekeki, inyò riwatyhynyòtyhy. ³² Iwitxira heka tuu rarybereri wamy wahe. Reeryre inatyhy raremy. ³³ Kaiboho inywitxira teteònytenyte. Joaõ ratysebededÿÿdu-ò rÿÿraxikemy ibutumy kia wamy rarybere inatyhy rare jiarÿ inatyhy rare. ³⁴ Iny wamy rarybemyhÿre, tahe jiarÿle kia reijeòhymahãre inyle rieryòre wamy rybe, wahe. Tahe kiamy adee relyywãhãre kaiboho ritamy rÿikemy. ³⁵ Joaõ tahe loosòna wesemy raremyhÿ. Tii urihimiyò bededÿÿnana ritoosònymy raremyhÿwesemy tahe kaiboho atximahãtenyte. Idi urihimiyò teysatenyte iloosòna-di, idi iribi kaiboho terarenyre. ³⁶ Jiarÿ Waha òraru-ki aõmydÿÿnana wiwihikÿ, rewinyamahãre. Kaheka inatyhymy urihixina rare. Joaõ wamy rarybere ratyre heka kaa roire, Deuxu Waha inatyhymy wadeòdu raremy riteòsinyre. ³⁷ Waha wadeòdu wamy tule relyyre. Kaiboho irybe-ò taholaòtenyte tule tii tabiòtenyta. ³⁸ Kaiboho tamy taholaòhymahãtenyte, tiwatyhynyòteki, jiarÿ dori iteòdÿÿna rare. ³⁹ Tyyriti-ò tetehetenyte iwo-ki dori umytuedeòna-ki mahakemy tahòtynytenyte. Ritidÿÿnakile wamy relyymyhÿre. ⁴⁰ Ihãrele tahe wadee taòmahãte adeereny umytuedeòna ariwahinykemy. ⁴¹⁻⁴² Aõmybo wamy iny rarybemahãkeki, aõ aõkò rare wadee, jiarÿ dori reeryre Deuxu luuna-di aõkò atxitenyteri. ⁴³ Jiarÿ Wahani-di anade, tahe kaiboho tiwatyhynyòmy wadi ahãte. Inyò ixideewilemy kanakeki, kaiboho bityhynybenykre. ⁴⁴ Tai heka tetyhynyòmahãtenyte. Widee dori kaiboho tewowydynymahãtenyte, tahe Deuxu-ribi wowydyna ritakemy terarenyre, sohojihyyre heka Deuxu. ⁴⁵ Kiamy tahe Waha-ò arelyyòkre, Moisesi tahe relyykre. Moisesi bede ywina dori, araròsònyrenyre rare. ⁴⁶ Inatyhymy Moisesi tetyhynymahãte-wana tule jiarÿ biwatyhynymahãke, wamy dori Moisesi ròratidÿÿre. ⁴⁷ Irybe bityhynyòkeki, timybo warybe bityhynyke.

6

¹ Iribi tahe Jesuisi Kalileia aho-ki ixyby reurore, Teberidade ahoniõre. ² Tahe sõwemy iny riheludunyre tuu robireki, aõna aõna wiwihikỹ, deydẽỹna wiwihikỹ robireki. ³ Tahe hãwãlõraty-õ Jesuisi raõwõnyre taerydỹỹna mahãdu-wana —rorukurenyre tai. ⁴ Judeu mahãdu worana bedehesi rexidelenykemy iõhõre. ⁵⁻⁶ Tahe Jesuisi retehere inysõwehekỹ-õ, tamy rehemynyre-õ. Tai Filipi-õ riurihimy rarybere: —Tikibo orotxu tamyreny rikiõbranyke riyrenykemy. Jesuisi rierymyhỹre aõbo riwinykremy ratxireri ihãrele tahe Filipi-õ kia rarybere. ⁷ Filipi tahe dirawyõnyde: —Inyõ sohoji sohoji orotxu yre sohoji riykeki, 200 prata womati nieru rakahurenkye ihãre rimyõtyhy. ⁸ Andre Jesuisi erydỹỹna-õ rare, Simaõ Pedro seriõre rare. Tii tahe Jesuisi-õ rarybere: ⁹ —Weryryboõ kaki ihỹmyhỹ. Iruyre cevada orotxu idi ratximyhỹ, utura inatxi. Kia tahe aõ aõkõ rare inysõwe-õ. ¹⁰ Tahe Jesuisi taerydỹỹna-õ rarybere: —Tamy marybebenyke ranyrenykemy asityrekile. Tahe rorukurenyre ibutumy. Hãbu 5000 ronyre ijõ inyõ tahe sõwetyhymy rorukure. ¹¹ Jesuisi orotxu rimyre. Deuxumy reãlãre, idi tahe tamyreny riwahinyre. Tule utura-wana wiwesele risỹnymy. Tuu rotỹỹnyre. Ibutumy heka ixideewina rirỹsỹrenyre. ¹² Rihydyrenyre, Jesuisi rarybere taerydỹỹna mahãdu-õ: —Bibutunyenkye rauhenyra uritere ixinamy itxiwixirenyõkemy idi watxireri. Uritere idi dehurenõmy. ¹³ Tahe ributunyenkye iuhe waõinatxi reurõmy weriri ritỹxinyre orotxu yrere-di. ¹⁴ Jesuisi aõwiwihikỹ widỹỹnamy robirenyre kiamy tahe raryberenyre. Tii inatyhymy Deuxu Rybedutyhy rare. Juhuu dori tuu rarybere kabede-õ kanakemy. Inyboho tii riraõmyhỹre.

¹⁵ Rõhõtinenyrenyre: —Jesuisi inyiõlõrenymy rikimyenkyre. Tamy røkõirenkyre. Iu Jesuisi kia rieryre, ixisohojilemy rexitare ixyby, hãwãlõ-õ.

¹⁶⁻¹⁷ Ibedesou aho ijã-õ ierydỹỹna mahãdu riberenyre riraõkemy. Bede rurunyre tahe Jesuisi rehemynyõhyre. Tai hãwõõ rimyrenyre idi reurõkemy ijõwe-ribi ijã-õ, Kafanaõ hãwã-õ. ¹⁸ Tahe yhy deborehekỹ tiribi tiribi rebonymhỹ. Òbõ tahe resemyhỹ. ¹⁹ Sohoji urihixina iõhõmy rõireny tahe Jesuisimy robirenyre. Tii betyredile tamyreny nariamy nade. Tiibohe ruberunihikỹrenyre. ²⁰ Jesuisi tamyreny rarybere: —Jiarỹle wa rare, breburenõmyke. ²¹ Tai tahe hãworo-õ Jesuisi ronykemy tiibohe disỹnydenyde. Aõ wesele tahe rehemynyrenyre tiõbo rõirenraõ.

²² Itxubiõwamy sõwemy iny wii ributunyre aho kanawe-ribi ijã-ki. Hãwõ sohojile tahe tai roire aho-ki. Jesuisi erydỹỹna mahãdu roirenremy rieryrenyre. Tahe Jesuisi aõkõ idi rare. ²³ Tahe hãwõõ dehemynydenyde. Teberidade hãwã-ribi Jesuisi tai ratximyhỹ iõhõ-õ. Tai juhu Jesuisi rexitõnemy rỹimyhỹ tahe orotxu tamy riwahinyre. ²⁴ Jesuisi iõre tai, ierydỹỹna mahãdu iõre. Kia tahe iny sõwemy robirau, hãwõ-õ rimyrenyre. Iõrysymy roirenyre, Kafanaõ-õ. ²⁵ Kanawe-ribi ijã-õ rehemynyre, tii-wana witxi reare. Tahe tamy rỹỹraxire. Waerydỹỹdurenkye, tiubo kaõ tadehemynyte. ²⁶ Aõwiwihikỹ rewinyremy aõkõ tiwajetenyteri, rỹsỹna adeereny rewahinyrakile, tehydymy terỹsỹtenytakile. ²⁷ Rỹsỹna tyhy ituemyhỹre kiaõle aõkõ maaõmysỹdỹỹbenkye, tahe iwitxira rỹsỹna-õ maaõmysỹdỹỹbenkye, kia ituedeõna-di aõkõ rare. Deuxu Riõre Habutyhyhykỹ dori adee riwahinykre. Kia rỹsỹna umyruedeõnahakỹ wesemy rare. Taile tahe

Deuxu Waha riwateònyreri. ²⁸ Tahe Jesuisi-ò rÿÿraxire: —Tímybo iny Deuxudeewimy arotÿÿnyrenykemy. ²⁹ Jesuisi dirawyònyde: —Kialemy, biwatyhybenyke: —Deuxu dori wateòdÿÿdumy rare. ³⁰ Tahe raryberenyre tamy: —Aõwíwíhíkÿbo inyko-ò biitxeredÿÿnyke. Aõhebo botÿÿnykre, iny aratyhynykremy. ³¹ Inytybyreny orotxu riyreny bederahy-ki. Kia wese Tyyriti-ki roire:

—Moisesi tamy orotxu riwahinyre biu-ribi.

³² Jesuisi rirawyònyre: —Inatyhy tyhymy Moisesi aõkõ tamy riwahinyre. Waha dori biu-ribi orotxu tyhy adee riwahinyre. ³³ Deuxu orotxu tahe irutyhymy inydee riwahinymyhÿre, biu-ribi diwahinymyhÿde.

³⁴ Tahe raryberenyre: —Wanyrÿ, tiu kia orotxu bidiwahinymahãkre.

³⁵ Jesuisi iximy rarybere: —Jiarÿ orotxu irutyhymy rare. Inyõ wadee kanakeki, tiu rama risaõtyhy. Inyõ riwatyhynykeki, tiu bee risaõtyhy. ³⁶ Adeereny heka rarybere: —Wamy tabitenyte, ihãrele tiwatyhynyõtenyte.

³⁷ Ibutumy iny Waha wadee riwahinymyhÿre wadee kanakre. Tiu ixi-ribi ariteònyõtyhy. ³⁸ Adobehede dori aõ ixideewimy aõma arotÿÿnykemy aõkõ. Wadeòdÿÿdudeewimy arotÿÿnykemy watxiwãhare. ³⁹ Tiu ariõnonyõtyhy wadee diwahinydeò kiaboho ibutumy ikonana txuu rubu-ribi ariixixanykre. Kia tahe wadeòdÿÿdu deewimy rare. ⁴⁰ Inatyhymy Waha deewimy kia rare. Iny iRiõremy robireu, rityhynykeu, umy tuedeõna ritake. Ikonana txuu tahe rubu-ribi ariixixanykre.

⁴¹ Jesuisi rarybere: —Jiarÿ biu ludu orotxu rare. Tai tahe judeu mahãdu aõbina binahakÿlemy rarybemyhÿre. ⁴² Kia wese rarybemyhÿre: —Kaa Jesusile rare. Jyje riõre rare. Tyby he ijoi eryna rare ise tule. Aõherekibo tii rarybereri biu-rubu nademy. ⁴³ Tahe Jesuisi dirawyònyde: —Tuu wamy ryberenyõmyke ayludurenymy. ⁴⁴ Wadeòdÿÿdu iny wadee rayky-ò rarybemyhÿre namyhÿde. Kia wesele iny wadee kedehemynykre, ikonana txuu tiiboho rubu-ribi ariixixanykre. ⁴⁵ Deuxu rybedu Tyyriti-ki kia rybe rÿire:

—Deuxu ibutumy iny ribedeerydÿÿnykre.

Tai tahe Waha-ribi iny rierymy roholamyhÿre, tii tahe wadee rehemynykre. ⁴⁶ Inyõ Wahamy robiõhyymyhÿre jiarÿle tahe tuu rabimahãre, iribi anadeki. ⁴⁷ Inatyhytyhymy adee rarybemahãre. Inyõ riwatyhynykeki, umy tuedeõnahakÿ tiiwanale ratxireri. ⁴⁸ Jiarÿ orotxu wese jiarÿ rare. Umytuedeõna wahidÿÿdu jiarÿ rare. ⁴⁹ Boreny dori biu-ribi orotxu riyre bederahy-ki. Irabihyy ibutumy tiiboho ituerenyre.

⁵⁰⁻⁵¹ Jiarÿ tahe biu ludu orotxu wese rare, inyõ tahe kia orotxu riykeki, tiu rurudÿtyhy. Waumy ariwahinykre rubu-ò ibutumy iny õraruna õwydÿÿmy. Tamyreny umytuedeõna riwahinykre rubu-ò ibutumy iny õraruna õwydÿÿmy. Tamyreny umytuedeõna riwahinykre.

⁵² Judeu mahãdu tahe txiõdÿÿna rybemy widee raryberenyre: —Tímybo tadelemy inyboho riõwenyrenykemy wahe. ⁵³ Jesuisi rirawyònyre: —Inatyhytyhymy adee ararybekre. Kaiboho Deuxu Riõre Hãbutyhyhykÿde birõõbenykeki, umytuedeõna bitabenyõtyhy. Ihãlubu biõbenykeki, umytuedeõna-di aõkõ atxitenyteri. ⁵⁴ Inyõ waderõdu wahãlubumy momodu tii umytuedeõna-di ratxireri. Tii tahe ikonana txuu rubu-ribi adiixixanykre. ⁵⁵ Wade heka juhu irõnatyhy rare, wahãlubu tu monatyhy rare. ⁵⁶ Inyõ wade rirokeki, wahãlubu riõkeki, wawana tiuhyy ratxireri. Jiarÿ tule tii-wana watxihyreri. ⁵⁷ Waha

irumy ratxireri. Tii wadeòdÿÿdu rare iòraru-ki warumy watzireri. Tule waderòdu irumy ratxike waòraru-ki. ⁵⁸ Jiarÿ biu ludu orotxu inatyhy jiarÿ rare. Iwese bederahy orotxu heka boreny riyrewesemy aòkò jiarÿ rare. Ihàrele tahe ituerenye. Inyò riwaykeki, rexixahymy rarekre. ⁵⁹ Kia ibutumy Jesuisi rarybere Kafanaò judeu dohodÿÿna-ki, rierynanyhÿreu.

⁶⁰ Iribi tahe Jesuisi-ò ijohona mahàdu rarybere:

—Kia isira tyhyre iny rieryke. Inyò heka kia rityhynyòtyhy.

⁶¹ Jesuisile heka rexierymyhÿre tiiboho tuu rarybemyhÿreki, tahe tamy rÿÿraxire:

—Kaa aòbohe arabinadÿÿnyrenyke.

⁶² Tahe jiarÿ Deuxu Riòre Hàbutyhyhykÿ, ixyby biu-ò aròðsekeki, timybo marybebenyke, kaiboho wamy bobibenykeki. ⁶³ Deuxu Tytybytyhyle umytuedeòna riwahinyhÿre. Umydetyhy umytuedeòna-di aòkò rare. Urile adee rarybemahàre Deuxu Tytybytyhymy rybena rare, adeereny umytuedeòna rare. ⁶⁴ Tahe inyò ayreny ludu riwatyhynyòreri. Jesuisi tahe juhoo-ribi rierymyhÿre mobo rityhynyòmyhÿre, tule mobo tatxiòdÿÿdumy rarekremy. ⁶⁵ Jesuisi raryberehyummy tii-wana: — Jiarÿ juhoo rarybewàhàre. Inyò Waha wadee riteònyòkeki tiu wadee kanaòtyhy. Tai heka tuu adee jiarÿ rarybere.

⁶⁶ Kia rybe òraru-ki sòwemy taerydÿÿna mahàdu ririrenre. Tahe roirenre. ⁶⁷ Tahe Jesuisi rÿÿraxire taerydÿÿna waòinatxi reurò mahàdu-ò. Ka bexe boibenyòkre aòbo biwaribenyòkre aòbohe. ⁶⁸ Tahe Simaò Pedro rirawyònyre. Wanyrÿ moobo aròirenre. Kaile heka umytuedeòna rybe-di atxiteri. ⁶⁹ Jiarÿboho ka aratyhynymahàrenre. Araeryrenre ka, kai Deuxu-ribi hàbu òbitityhymy atximahàte. ⁷⁰ Jiarÿ aratarenre waòinatxi reurò inymy erydÿÿna mahàdumy. Ihàre tahe inyò ratximyhÿre diaboò heka tii rare. ⁷¹ Jesuisi tahe Judasi Isariòmy rarybereri. Iwò inatxinamy wahe. Simaò-Isariò riòre tii rare. Judasi dori Jesuisi riwahinykremy ratxireri iòludu mahàdu-ò.

7

¹ Judeu mahàdu Jesuisi rubudÿÿmy rurumyhÿre. Tai tahe Judeia bede ludu hãwã-ò ralòòmyhÿre. Kalileia bede hãwãdile rariamyhÿre. ² Tahe judeu mahàdu worana bedehesi iòhòmy rÿimyhÿ. Kiani tahe heto riòre worana bedehesi rare. ³ Tahe Jesuisi seriòreboho tamy rarybere: —Make wa karibi Judeia mahàdu bede-ò aerydÿÿna mahàdu dori aòwiihikÿ kai tewinyteò tuu robikemy. ⁴ Aòwiihikÿmy tewinyteri, tai tahe ixinamy iny tuu ibutumy robikre. Ibutumy iny ixierysymy tahòtinyteri-wana urile iny lau iwòteòmy aòna aòna wiwiihikÿ. ⁵ Jesuisi seriòre mahàdu tule rityhynyòre. ⁶ Jesuisi tahe dirawyònyde: —Wiji araòkre wabededÿÿnanamy dori tuu reaòmy ratxireri. Kaiboho tahe adohotalemy bòike. ⁷ Bede ludu mahàdu iny dori aluurenre, tahe waderamy rekoarenre. Iòaranamy dori jiarÿ tamy rarybemahàre, ibinatyhyremy. ⁸ Kaiboho boibenyke worana bedehesi-ò. Jiarÿ tahe wiji araòkre, wabededÿÿnanamy reaòmy doimyhÿde. ⁹ Kia tahe Jesuisi tamyreny rarybere. Tahe Kalileia-ribi Jesuisi ròhònyòmy rÿimyhÿre.

¹⁰ Tahe iseriòre roirenre worana bedehesi-ò. Idi tahe tule tii rare iherenymy itÿnymy aòkò wahe, wasimy inyò tuu robiheny. ¹¹ Judeu

mahãdu tahe Jesuisi riijemyhÿre worana bedehesi òrake-ò. Rarybemyhÿre: —Titxibo tahe tii ratximyhÿre. ¹² Jesuisimy rybe ixitxiòdÿÿna ròhònyre inysòwehekÿy-ki. Inyò heka awimy tuu rarybemyhÿre. Ijò tahe ibinamy tuu rarybemyhÿre, tii iny itxenadÿÿdu rarely. ¹³ Inyò tuu rarybeòhyymyhÿre ibutumy ijohonamy judeu mahãdu lau ruberureki.

¹⁴ Worana bedehesi tya-ki Jesuisi Deuxu dohodÿÿna heto-ò ralore ribedeerynykemy. ¹⁵ Ribedeerynyreu tahe judeu mahãduò ijò-ò rarybere: —Timykibo he kia ritidÿÿna rierymy tuu rarybemyhÿre. Rierykò ihãrele iny rierynanyemyhÿre. ¹⁶ Tahe Jesuisi dirawyònyde: Waerydÿÿna-di aòkò rebedeeryre, Deuxu wateòdÿÿdu rybe-di wahe. ¹⁷ Inyò Deuxudeewimy ratxikeki, tii rierykre aòerydÿÿnabo òbitimy ratxireri. Tii rieryke Deuxu-ribi aòbo rarybereri ada ixi-ribi rarybereri. ¹⁸ Iny ixi-ribi rarybekeki, tiile rexiloosònanyke. Tahe iny iteòdÿÿdumy rarybekeki, tii tahe inatyhy rare. Tii inatyhymy òbiti rare. ¹⁹ Moisesi adee bede ywina riwahinyre: —Tahe kaibohoò tetyhynyòhyymahãtenynte. Tai tahe aòherekibo biwarubunyky atxitenyteri. ²⁰ Tamy inyò dirawyònyde. Kaita itxÿteteri. Inyò ka ararubunyky aòkò ratxireri. ²¹ Jiarÿ inyò reteytenynte sabado txuu tahe kaiboho wadi bede teòtiinyntenynte. ²² Boholake, Moisesi bede ywina arateònyke ariòre ritòtyky aròkemy resynanykemy. (Boboho tahe kia tuu ritelenynte Moisesi aòkò.) Tahe notyky resyna txu rÿikeki, tuu tewinynte sabado txu hãrele. ²³ Kia sabado txu biwinybenykeki Moisesi bede ywina riywinykemy, tahe aòherekibo wadee taykarananyteri hàbu sabado txu reteytenyreki. ²⁴ Aò òbitimy aòkò rare, òbitimy tahòtinityterikile. Òbitinale-di maraykynybenyke.

²⁵ Ijò Jerusalê hãwã ludu mahãduò rarybere: ²⁶ —Kia rarybemy rÿirerile, tii irubudÿÿmy rexinohòtitynereri. Beteheke. Butumy ijohonanamy kia rarybemyhÿre. Ihãrele taheka inyò tamy rarybeòhyymyhÿre. Wedu mahãdu ròhòtinymyhÿre: —Ina aòkàbo Kristumy inatyhymy tii rare. ²⁷ Inyboho tahe rierymyhÿre titxiribibo tiò namyhÿde. Kristu Deuxu deòdÿÿna tahe kanakeu, inyò tahe rieryòtyhy titxiribibo kanake. ²⁸ Jesuisi tahe Deuxu dohodÿÿna heto-ki ribideerynymyhÿreu rarybere: —Kaiboho tiwaerytenynte, titxiribibo anade tule teerytenynte. Tahe wateòdÿÿdu teeryòtenynte. Teròwmy heka jiarÿ anade. Tule tii inatyhytyhymy rare. ²⁹ Iribi jiarÿ anade Tii riwateònyre, tai jiarÿ tii reeryre. ³⁰ Inyò riijemyhÿ riròtenyky. Tahe rimyòhyyre ruberureki, ibed-edÿÿnanamy aòkò bede rÿireki. ³¹ Iny sòwehekÿ-ribi sòwemy iny rityhynyre. Tahe inyò rarybere: —Kristu Deuxu deòdÿÿna iratyre aòna aòna wiwihikÿ riwinykemy tahòtinityteri. Aòkòre, tii dori inatyhymy Kristu rare. ³² Fariseu mahãdu kia-ò roholareu, tahe wii ributumy xiwe wahidÿÿdu wedu mahãdu-wana. Tahe tiiboho soldadu mahãduò riteònyrenynte Jesuisi rimyky. ³³ Jesuisi tahe tamyreny rarybere: —Urihimyò umyreny-wana watxikre, idi ta aròòsekre wateòdÿÿdu-ò icyby. ³⁴ Kiaboho biwaijebenykre, waki mahabenyòtyhy. Titxibo watxireri kia-ò heka bitehemynyòtyhy. ³⁵ Judeu mahãdu tahe widee rarybere: —Titxiwexe tii rakremy ihÿre, tuu rokobirenyòtyhy tai rakaharenyòtyhy, myÿ rarybemyhÿre wahe: judeukòdu mahãdu bede-ò aòbo rakremy ixi-di ratxireri. Tai ribedeerynykemy, judeu mahãdu-wana rasÿnykemy. ³⁶ Timybohe rarybere: —Waki mahabenyòtyhy, titxibo watxireri-ò behe-myhyòtyhy, myÿ rarybereri.

³⁷ Ihewotxu worana bedehesi aõnihikỹtyhy rare. Jesuisi iu rexiukỹnyre rarybekemy: —Inyõ bemomy risakeki, wadee kanake, riõke. ³⁸ Inyõ riwatyhynykeki, Tyyritina-ki kia wese rybe rỹire:

—Iwo-ribi benihikỹ iru ròhònyke.

³⁹ Iu Jesuisi kia rarybereu, Deuxu Tyytybytyhy aõmy dỹỹnanamy rarybere. Iny dori rityhynykeki, iwo-ò Deuxu Tyytybytyhy ralòke. Urile tahe Deuxu Tyytybytyhy riwahinyõmy rỹire. Jesuisi dori ròõseõre biu-ò.

⁴⁰ Tahe roholare mahãdu tahe rarybere: —Ka heka hãbu Deuxu Rybedutyhy rare. ⁴¹ Ijõ tahe rarybere: —Tii Kristu rare. Ijõ tahe rarybere: —Kristu aõkõ Kalileia bede-ribi dori tii rareri. ⁴² Tyyritina rybe-ki roire: —Kristu, Davi sỹ-mahãdu ribi kanakremy. Belẽ hãwã-ribi; titxibo Davi rasỹnyre-ribi. ⁴³ Tai tahe wiwese wese aõkõ ròhõtynyrenyre Jesuisi-di.

⁴⁴ Inyõ riròtenykemy ixi-di ratximyhỹ, ihãrele tahe inyõ rimyõhyyre.

⁴⁵ Tahe soldado mahãdu ròõsemy rare rimyõhyylemy fariseu mahãdu-ò xiwewahidỹỹdu mahãdu wedu-ò. Tahe soldado-ò rỹỹraxirenyre: —Aõherekibo tedyõteri. ⁴⁶ Tahe dirawyõnyde: —Timybo inyõ kowa hãbu wesemy rarybeõhyyre rybe iwitxira wihikỹmy tii rarybere. ⁴⁷ Tahe fariseu mahãdu rarybere: —Kaiboho aõbo tule araitxenanyrenyra.

⁴⁸ Inyboho mahãdu reny-ribi moõ rityhynyõhyymyhỹre, fariseu mahãdu wahe, wedu mahãdu wahe. ⁴⁹ Inyõ rityhynyre, tahe tiiboho Moisesi bede ywina rieryõre tai Deuxu aõhõkỹmydỹỹnana-txi idi rehukre. Aõhõkỹmydỹỹnana-ò ritamadỹỹnykre. ⁵⁰ Nikodema iyreny-ki ratximyhỹ.

Fariseu mahãduõ tii rare, juhuu Jesuisi raraò rare wahe. Tii heka rarybere imahãdu-ò. ⁵¹ Juhuu roholamyhỹre aõhebo rotỹỹnyraò wahe idi tahe ibinakeki riròtenykemy riijemyhỹre. Kia tahe inyõ bede ywinareny rare. ⁵²⁻⁵³ Tahe rirawyõnyrenyre: —Kai wa tule Kalileia mahãduõ atxiteri. Tyyriti-ò beteheke timybo rarybereriò: —Kalileia-ribi rybeduõ ròhònyõtyhy wahe.

8

¹ [Tahe ibutummy he tasỹ-ò reareare. Iu tahe Jesuisi rare Oliveira hãwãlò-ò. ² Biura-di tahe dòõsede Deuxu dohodỹỹna heto-ò ixyby. Sõwemy iny tamy rare; Jesuisi ronyre; ribedeerynyre. ³ Hãwyyõ ratximyhỹ hãbu wixiraõ-wana wasimy ratximyhỹ. Tahe inywitxiraõ itxireny reare. Tai tahe Deuxu rybe erydỹỹdu mahãdu fariseu mahãdu-wana hãwyy didyde Jesuisi-ò. Tahe hãwyy-ò rarybere rỹikemy iny sõwehekỹy-ki. ⁴ Tahe raryberenyre Jesuisi-ò: —Bede erydu: —Kahãwyy tỹwe rare inyõ itxi reara. ⁵ Inyõ bede ywina Moisesi riwawahinyrẽ tahe rarybere mana-di rurumyhỹkemy. Tahe aõmybo kai mynarybeke. ⁶ Tiiboho kiamy rarybere Jesuisi riurihire timybo rarybekemy. Tai tahe ibinamy tamy rarybekemy idi ratxireri. Jesuisi tahe suò resera ròritidỹỹkremy tebò-di suki riritinyra. ⁷ Tahe ritỹỹraxinyhy ihỹmyhỹ. Tahe Jesuisi rỹire; rarybere: —Inyõ òrarukõmy ratxirerile, tii mana-di juhuu tamy rehukre. ⁸ Ixityrele sỹ Jesuisi ròritidỹỹre suò. ⁹ Kia rybe-ò roholarenyreu, tahe rexitarenyre sohoji sohojilemy, tarayky dori ribinadỹỹnyrenyra. Matuari mahãdu tahe juhuu rexitare. Ikonanatyhy dori rare, tahe Jesuisi hãwyywanale tai rỹire. ¹⁰ Jesuisi retehere: —Hãwyy sohojilemy robire rỹỹraxire tamy: —Hãwyy, titxibo mana-di arubudỹỹmy rybedu mahãdu rirahura. Inyõ aõhe arasỹnyõhyyra. ¹¹ Tahe

dirawyònyde: —Anokõre, Wahĩ. Tahe Jesuisi rarybere: —Jiarỹ tulere! Mahe, òraruna-txi tahe ixyby ixewõmy.]

¹² Ixityre Jesuisi rarybere tamy: —Jiarỹ wabede loosõna rare. Inyõ wahemy kanakeki, bedeluru-ki rariaõtyhy. Tii heka loosõna-di tarayky-ki rarekre. ¹³ Tahe fariseu mahãdu tamy rarybere: —Aõkõre, kai waxyby tarybeteri tai tahe arybe inatyhymy aõkõ rare. ¹⁴ Jesuisi dirawyònyde: —Inatyhymy iximy rarybereri jiarỹ, tahe waxyby inatyhy rare, jiarỹ dori reeryre titxiribibo anade, tule tiobo arakre reeryre. Kaiboho tahe kia teeryõtenyete. ¹⁵ Kaiboho waywisidỹỹmy tadiòlònyete, ihãre tahe òbitimy tiwaywinytenyõte tiwaerytenykõteki. Tahe jiarỹ inyõ reywinyõneri. ¹⁶ Jiarỹ inyõ ariwinykeki, waywisidỹỹna tahe òbiti rare. Jiarỹ dori ixivanale aõkõ rare. Waha, wadeòdỹỹdu wawana raremyhỹ. ¹⁷ Abede ywina-ki kia rybe riritinymy rỹimyhỹre: —Inatxi hãbumy wiwesehyylemy rarybekeki kia tahe inatyhy rare. ¹⁸ Jiarỹ iximy rarybemahãre tule Waha wadeòdỹỹdu wamy adeeremy rarybemehỹre. ¹⁹ Tahe tiiboho Jesuisi-ò rỹraxyrenyere: —Titxibo boo ratximyhỹre. Jesuisi rarybere: —Kaiboho tiwaerykõmahãtenyete, Waha tule teeryõmahãtenyete. Kai biwaerybenyõkeki, tule Waha bierybenyõtyhy. ²⁰ Kia Jesuisi rarybere Deuxu dohodỹỹna hetowo-ki, iubeweri yrubudỹỹna ube-ki. Tahe inyõ rimyõhyere, ibededỹỹnanamy aõkõ bedelrỹireki.

²¹ Iribi tahe ixityre tamy rarybere: —Jiarỹ he arakre karibi. Kaiboho biwaijebenykre tahe aòrarurenydile burubenykre. Boiõtyhy titxibo arakre-ò. ²² Tai tahe judeu mahãdu widee raryberenyere: —Inatyhymy aõbo tii rexirubenykre. Tii raryberaki: —Titxibo arakremy boiõtyhy, myki tuu idi rõhõtinyrenyere. ²³ Tahe Jesuisi rarybere: —Kaiboho kaludu toite; jiarỹ aõkõre, biu ludu rare. Kaiboho bedeludu toite, jiarỹ tahe kabede ludu aõkõ jiarỹ rare. ²⁴ Tai heka adeeremy rarybereri aòrarureny-di burubenykre. Inatyhymy jiarỹ tii rare: —Iwese rarybere wesemy. Tahe kia waxyby bityhynyõbenykeki, aòrarureny-di burubenykre. ²⁵ Tahe tiiboho rỹraxyrenyere Jesuisi-ò: —Mobo he tate. Jesuisi dirawyònyde: —Timybo adeeremy rarybewãhãre, juhoo wahe. ²⁶ Jiarỹ sòwemy rỹire aõna aõnamy umyreny ararybeke umyreny ariwinyke ta ararybekre Waha tuu wadee rarybelemy. Tii diwateònyete tii inatyhymy rare. Irybelemy bedelny-ò ararybekre. ²⁷ Rieryõhyere tamyreny rarybere, tybomy. ²⁸ Kaiboho heka biwatamadỹỹnybenykreu, bierybenybenykre mobo jiarỹ rare. Tule ixi-ribi aõkõ aõna aõna rewinywãhãre bierybenykre; tule iwese Waha riwaerynanymyhỹre wese, rarybemahãre. Kia tule bierybenykre. ²⁹ Wateòdỹỹdu wawana raremyhỹ. Iximy riwariõtyhy, jiarỹ tamy wimy rewinyhyymahãreki. ³⁰ Kiamy tarybe rahudi tahe, sòwemy iny rityhynyere.

³¹ Judeu ityhydỹỹdu mahãdu-ò Jesuisi rarybere: —Kaiboho waxyby tyhy-di mohõtinybenyhykeki, inatyhymy watyhydỹỹdu waheludumy boibekre. ³² Inatyhyna tahe bierybenykre. Kia dori aratarenyke, deòdumy aõkõ boibekre. ³³ Dirawyònydenyete aõkõre inyboho Abraõ riòkõre roire, tiu heka modeòdumy roirekõmahãre. Timybo tarybeta: —Deòdu-ribi riwatakemy. ³⁴ Tahe Jesuisi tamy rarybere inyõ òraru-di hyy rexiòrarunykeki, tii òraruna deòdu wese hyyle rare. ³⁵ Deòdu heka heto wedu ijoihyymy aõkõ rarekre. Iwedu ixinamy rakre. Riòre tahe ijoihyymy rare. ³⁶ Tahe Deuxu Riòre heka ixinamy arateònykeki, tiu òraruna deòdu wesemy ixyby bonybenyõtyhy. ³⁷ Abraõ riòkõre inatyhymy

toite. Kia tahe reeryre. Ihãrele tahe biwarubunybenykemy atxitenyteri warybe dori araykywo-di aõkõ ratxireri. ³⁸ Waha-wana ranymahãu, aõmybo rabire, wiji tuu rarybereri. Kaiboho tule boo-ribi tabitenyte tuu tewinytenyteri. ³⁹ Rirawyõnyrenyre: —Wahareny heka Abraõ rare. Jesuisi rarybere: —Abraõ riõremy inatyhymy toite-wana, Abraõ aõmydÿÿnana iwesemy biwinybenyke. ⁴⁰ Katahe warubudÿÿmy wadi atxitenyteri. Inatyhyna Deuxu-ribi raholaremy, adeeremy rarybemahãre, tai tahe warubudÿÿmy atxitenyteri. Abraõ tahe tiu tahe tuu rotÿÿnyõtyhy. ⁴¹ Kaiboho heka borentytyhy wesele tatÿÿnymahãtenyte. Dirawyõnyde: —Aõkõre, jiarÿboho waxiriõre aõkõ roire. Deuxuhyyle iny tybyreny rare. ⁴² Tahe Jesuisi rerawyõnyre: —Deuxu boo inatyhymy rare-wana inihe kaiboho waluurenyre. Jiarÿ dori Deuxu-ribi anade. Ixidee wimy aõkõ anade tii diwateõnyde. ⁴³ Aõherekibo teerytenyõte warybe. Isiratyhyre aõbo ijohona. Aõkõre, ityhydÿÿ isirare adeeremy. ⁴⁴ Kaiboho Diabo riõre toite tamywimy biwinykemy atxitenyteri. Tii juhuu rubudÿÿdu hyy rare. Tii heka raruireri inatyhywesehekÿle wahe. Tii ruidu rare. Ruiwedu tii rare. ⁴⁵ Kaiboho heka tiwatyhynyõhyymahãtenyte inatyhyna dori jiarÿ rarybemahãre. ⁴⁶ Inyõ inihe wamy rarybeõtyhy jiarÿ õrarudu raremy. Adeeremy inatyhynamy rarybereri. Aõherekibo tiwatyhynyõteri. ⁴⁷ Iny Deuxu-ribi ratxireri, Deuxu rybe roholamyhÿre. Kaiboho Deuxuhõrõ aõkõ toite. Teõdu aõkõ toite. Taita warybe-õ taholaõteri.

⁴⁸ Jesuisi-õ tiiboho dirawyõnydenyde: —Inatyhymy rarybewãhãrenyre. Kai Samaria mahãdu tate. Kaludu mahãdu aõkõ tate. Kai tyytybybina dire. ⁴⁹ Jesuisi rirawyõnyre: —Aõkõre, tyytybybina-di aõkõ watxireri. Waha tahe rewowydynywãhãre. Kaibohole tiwabinadÿÿnymahãtenyte. ⁵⁰ Wowydyna ixi-di aõkõ rejjereri. Waha tahe kia aõmydÿÿnanamy riywinykre, tii rierymyhÿre. ⁵¹ Inatyhytyhymy adee ararybekre: —Inyõ warybemy reõbykeki, tiu rubumy tii robiõtyhy. ⁵² Tai judeu mahãdu rarybere: —Katahe inatyhymyhe inydeeremy aerysydÿÿna rÿira tyytybybina-di tate wahe. Abraõ tahe rurure; Deuxu rybedu tule. Tahe timybo kai tarybeta: —Inyõ warybemy reõbykeki tiu rubu urihixinamy roiõtyhy tamy. ⁵³ Kai aõbo inutybyreny Abraõ ratyre awikemy aõbo ixi-di tahõtinymahãte. Abraõ rurure Deuxu rybemy rybenadu amahãdu tule rurure. Mobo raremy he tahõtinymahãte. ⁵⁴ Tahe Jesuisi rirawyõnyre: —Jiarÿ ixi-di wowydyna ariijekeki, tahe wawowydyna aõ aõkõmy rareke. Waha tahe riwawowydynymyhÿke aDeuxumy raremy tu tarybeteri. ⁵⁵ Tahe aõkõ teeryõtenyte. Jiarÿ tate reerymahãre. Jiarÿ reeryõmahãremy ararybekeki, tai ruidumy rareki, iwese kaiboho toite wesele wahe. Tahe reerywãhãre, tule irybemy reõbymahãre. ⁵⁶ Boreny Abraõ, wamy dobide, wabededÿÿnana kanakremy tuu dobide, wabededÿÿnana kanakremy tuu dobide tai tahe reysatyhymy rare. ⁵⁷ Tahe judeu wedu mahãdu rarybere: —Kai 50 beõramy aõkõ atxiteri timyrekibo tarybeta Abraõ tabitemy. ⁵⁸ Jesuisi dirawyõnyde: —Abraõ reaõule, Jiarÿ rarehyymahã.

⁵⁹ Tahe manadile rimymy reserenyre idile rirabunykemy. Jesuisi tahe rexiwõmy iribi rõhõnymy rare, dohodÿÿna heto-ribi.

9

¹ Jesuisi rariamy rareu, tii robimy rare hãbu ruetãmý. Tii iruetãhãkÿmy ratohouãmý herinanyre. ² Ierydÿÿna mahãdu rÿÿraxire tamy. Erydÿÿdu,

aõherekibo hãbu ratohouãnyra iruetymy, ise tyby iðrarudireki aõbo ada taðrarumy aõbo. ³ Tahe Jesuisi rirawyõnyre: —Tahe aõkõre tyby ise-ke aõkõ tiike aõkõ. Deuxu ruru wiji riteòsinykremy tahe tii kiawesemy roho-nyre. ⁴ Wateòdÿÿdu aõmydÿÿnanamy arotÿÿnyrenykemy watxiwãhãreny. Inyboho rikiwinyrenyke ibededÿÿnanamy rÿikreu, iwese txumy rÿikre wese tahe rummy heka kanakre tai raaõmysÿdÿÿõmyhÿre. ⁵ Kabede-ki watxiwãhãreòle tahe jiarÿy bede ludu mahãdu loosònatyhymy jiarÿy rare. ⁶ Tarybe rahudi tahe rarybexinyre suò idi tahe subororomy ritxieny. Idi ta hãbu rueyre-ò subororo ritidire. ⁷ Tahe hãbu ruetà-ò rarybere: —Make wa bexisuhòke Silòe ahobe-di. Silòemy ninadu heka iny rybe-ki deòdÿÿna wesemy rare. Hãbu tahe rare, risuhore, dòòsede robimy. ⁸ Tahe ierydu mahãdu, tuu robire idi itxeredu mahãdu raryberenyre widee: —Kabe hãbu ixitòdedÿÿdu rare, nierumy kowa-ki rexitòdenymy rononymhÿre rare. ⁹ Ijõ rarybere tule rare. Ijõ rarybere: —Aõkõre, iwesele tahe iwitxi-rari. ¹⁰ Rÿÿraxirenyre tamy: —Timykibo arue reytera. ¹¹ Rirawyõnyre: —Hãbuõ Jesuisi inire. Tii tahe suboro borole riwinyra warue-ò ritidire. Tahe wadee rarybera: —Make Silòe ahobe-ò aõ bisuhòke. Tahe rare, resuhore, tai rabimy watxireri. ¹² Rÿÿraxirenyre titxibo tahe tii rara. Rirawyõnyra: —Reeryõre.

¹³⁻¹⁴ Kia ruedeytena Jesuisi riwinyre sabado txuu, judeu aõmysÿdÿÿna txu aõkõ. Tahe tiiboho hãbu ridyrenyre fariseu mahãdu-ò. ¹⁵ Ixityre hãbu-ò rÿÿraxirenyre: —Timykibo riteytenyra. Tahe rirawyõnyre: —Subororole waruetyre-ò ritidira, idi resuhòra, iule tahe retehera. ¹⁶ Tai tahe fariseu mahãdu-ò narybede: —Ka hãbu Deuxu-ribi aõkõ nade. Kakÿny sabadotxu bede ywina riwinyõhyre. Tahe ijõ imahãduõ rarybere: —Hãbu òraruduõ tiu deytanawiwihikÿõ kia wesemy riwinyõtyhy. Tai tahe wiribi hitximy raraykynyreny. ¹⁷ Tahe ixityre hãbu-ò rÿÿraxire: —Tii arue arue riteytenyra: —Tai tahe timybo tuu marybekre. Hãbu rarybere: —Tii Deuxu rybemy rybeduõ rare. ¹⁸ Tahe judeu mahãduõ rarybere: —Ise-wana tybywana widee ararybekekile, arityhynykre. Tai riteõnyre tybybohoòrysmy. ¹⁹ Rehemynyreu, tahe tamy rarybere: —Kaa aõbo ariòre rare. Inatyhymy aõbo iruetàmy reare. Timykibo tahe wiji robira. ²⁰ Tahe tybyboho rirawyõnyre. Inatyhymy wariòereny rare. Iruetàlemy ka reare. ²¹ Reerykõreny timykibo retehera. Irue riraynyre dori, reeryõhyre. Tamy marybebenyke. Ibeòra dire ka, iximy relyyleke. ²²⁻²³ Tybyboho ruberumyhyreny judeu mahãdu lau. Judeu mahãdu dori, rarybemyhÿre: —Inyõ Jesuisimy rarybekeki, tii Kristu Deuxu deòdÿÿna raremy rarybekeki, tahe dohodÿÿnawo-ribi riteònykemy idi rÿira. Tai tahe hãbutybyboho kia wesemy raryberenyre. Tii ibeòra dire: —Tamy marybebenyke.

²⁴ Juhuu iruetàmy raremyhÿò ixityre ròtedÿÿmy rarybere. Òbiti rybe-di marybeke. Inydeereny tahe ka dori òrarudu rare. Tai tahe Deuxu biwowodynyke. Tahe tii rarybere: ²⁵ —Tii òrarudu rare, reerykõre. Sohoji aõmydÿÿnana reeryre. Juhuu waruetàle heka reeryre, wiji tahe retehereri. ²⁶ Tahe ixityre tamy rÿÿraxire: —Aõbo tii riwinyre. Timybo arue roire. ²⁷ Hãbu rarybere: —Adeereny tuu rarybere tahe taholaòhytenya. Aõherekibo ixityre ijohonamy tarybetenyteri. Ierydÿÿnamy boibekemy aõbo atxitenyteri. ²⁸ Tuu raryberenyre aõbina binalem. Kai heka iijoiò atxiteri. Jiarÿyboho Moisesi erydÿÿna jiarÿyboho roire. ²⁹ Deuxu

Moisesi-ò rarybemyhÿre. Kiamy reeryrenyre. Ka hãbumy tahe aõmy raholaõmahãreny, tiludubo rare. ³⁰ Kia wa riwateytenyra bededidÿÿna urenana tii rare. Ihãre tahe kaiboho teeryõmy tuu tarybetenyteri. Wadee kia ajuedena rare. ³¹ Deuxu wa òrarudu ixitòedÿÿna-ò roholaõtyhy. Kia reeryrenyre. Tahe inyõ Deuxu rityhinykeki tamywimy rÿirakeki, kia-ò Deuxu roholakre. ³² Bede rexidelenyre, inyõ roholatyhy iruetàmy raumynyre heka reytete. Inyõ tiu riwinyõre, wiji tahe diwinyde. ³³ Kia hãbu Deuxu-ribi nokõduõ aõkõkeki tiu aõ riwinyõtyhy. ³⁴ Tahe fariseu mahãdu aõbinahakÿlemy tuu rarybere: —Kai uladumy teateu, òrarudutyhymy tate. Kai aõmybo biwabedeerynybenykremy aõbo wadireny tahõtinyteri. Tahe riteõnyre dohodÿÿna heto-ribi. Ihymy riteõnyre.

³⁵ Kia-ò Jesuisi roholareu hãbu riijere tahe rÿÿraxire tuu: —Kai Deuxu Riõre Hãbutyhyhykÿ aõbo tetyhynyte. ³⁶ Hãbu rarybere: —Mobo tii rare, Wanyrÿ, arityhinykemy watzireri. ³⁷ Wamy wa tabita, jiarÿleheka watzireri. Adee rarybererile watzireri. ³⁸ Tahe rarybere: —Wanyrÿ aratyhynyra he. Tahe hãbu Jesuisi riwowydynyre. ³⁹ Jesuisi rarybehyra: —Jiarÿ anade kabede-ò iny ruetà aritobixidÿÿnykemy; tule robimyhÿre mahãdu ariruetadÿÿnykre. Iny òwydÿÿnamy anade. ⁴⁰ Fariseu iõhõmy iribi rÿimyhÿ roholare irybe-ò. Tahe tamy rÿÿraxire. Inatyhykõ aõbo ka jiarÿbohõ tule waruetãrenyre. ⁴¹ Jesuisi rarybere: —Aruetãmy ahãtenyteki, aòraruna-di aõkõ toite. Tahe tarybetenye reerywãhã, rabiwãhãre. Tai aòraruhyy-di toite.

10

¹ Inatyhytyhymy adeereny ararybekre: —Inyõ budoeni yrubudÿÿna ijõtòbõna-di, ralòõkeki, tii tahe wasidu ixiwatzidÿÿdumy rare, raòwònymy heka ralòmyhÿre. ² Ijõtòbõna-di ròtedu, tii budoeni-di itxeredutyhy rare. ³ Iu ijõtòbõna-ò rehemynymyhÿreu, ijõtòbõna ludu tamy riraynymyhÿre. Tule budoeni irybe rierymyhÿre. Sohoji sohoji-ò ininimy tamy rryrymyhÿre, tahe idi ròhònymy ridymyhÿre. ⁴ Ihõrõ ahana-ò ridyreu, tii iko-ò rÿimy idi ramyhÿre. Riheludunymy idi raremyhÿ rierymyhÿreki irybe. ⁵ Budoeni ieryõdu riheludunÿtyhy, irybe rieryõreki. Iny ieryõdu-ribi rahenykre. ⁶ Jesuisi tamy kia bede eryna ijyymy relyyre. Tiiboho tahe rieryõhyrenyre timybo ibede erydÿÿnamy rororerimy.

⁷ Tahe Jesuisi ritÿnynyre tamyreny: —Jiarÿ budoeni ijõtòbõna wesemy rãimahãre. ⁸ Ibutumy iny wakõule rehemynyre wasidu ixiwatzidÿÿdumy rÿiramyhÿ. Wabudoeni ityhydÿÿdu wesemy rÿirerimy ihÿre. Tiiboho wasidurybe-ò roholaõhyymyhÿrenyre. ⁹ Jiarÿ ijõtòbõna wesemy rãiwãhãre. Inyõ wamy ralòkeki, tii heka tarasanaõmy rarekre. Iwese wabudoeni ralòmyhÿre idi ròhònymyhÿre asi wiwihikÿmy riroximyhÿre wesemy, tule ityhydÿÿdu mahãdu rÿirakre, bededõbna wiwihikÿ ritakremy. ¹⁰ Wasidu heka rubudÿÿmy nade, bedehudumy wasimy, jiarÿ tahe anade inyõ umytedeõna ariwahinykremy, irutyhytyhy wihikÿmy wiji rÿirakremy. ¹¹ Jiarÿ budoeni-di itxeredu wihikÿ rare. Ihyy ta waumy ariwahinykre teròwyrenyumy. ¹² Inyõ budoeni-di itxeredumy deòdumy risÿnykeki, tii riwisinanyõtyhy, tii dori budoeni wedu aõkõ rare, dedule rareki. Tahe iròdu brebunaõ tamy kanakeki tahe rahenyke iribi, tai ijõ rimyke, ihona tahe raòrunyke. ¹³ Deòdu heka rahenyke tii iwedu aõkõ rareki, tii aõmy aõkõ idi ròhõtinyinmyhÿre, iòwydimy aõkõ. ¹⁴⁻¹⁵ Jiarÿ

heka itxeredu wihikỹ rare wabudoeni riwaerymyhỹre. Jiarỹ tule tii mahãdu reerywãhãre. Waha riwaeryre, tule tii reeryre. Iwesetyhyle wabudoeni-wana wii reerynyre. Iõraru-ki tahe waumy ariwahinykemy idi wãhãre. ¹⁶ Jiarỹ wabudoeniõ-di watziwãhãre. Aõ kabede-ki aõkõ. Ibutumy aributunykemy idi watzixereri. Tai tahe sohoji ijoihyylemy heka roikre. Ibutu-di itxeredumy ararekre. ¹⁷ Tai heka Waha waluure, waumy ariwahinykreki wahe. Ihãrele tahe ixbyby idi arexiumydỹnykre. ¹⁸ Inyõ heka ixideewiõkeki riwarubunyõtyhy. Arexiwahinykre tamyreny riwarubunyrenykremy. Ixideewikreu, arexiwahinykre, tule waumy arimymy arexiixixanykre. Waha dori wadee rarybere tii ariwinykremy.

¹⁹ Kia rybe õraru-ki judeu mahãdu rybe rexijeijeinyre. ²⁰ Sõwemy iny ritxiõnymy rarybere: —Tii tyytybybina-di ratximyhỹre ada raitxỹtemy aõbo ihỹre. Aõherekibo tamy taholamahãtenynte. ²¹ Ijõ tahe rarybere: —Aõ tyytybybina-di aõkõ rarybemyhỹre. Tyytybybina aõbo hãbu ruetã riruedỹnyõtyhy.

²² Jerusalẽ hãwã-ki heka beõrahyy rare. Worana bedehesi hetxina Tỹmyradỹna rỹire. ²³ Salomaõ Ube-ki, Deuxu dohodỹna heto ubeõ-ki. ²⁴ Jesuisi rariamy ihỹmyhỹ. Tahe judeu mahãdu rirurawonyre itỹraxidỹmy. Tiwese bededỹnananybo nohõtidihy bedeariwyrenykre. Kai inatyhymy Kristumy tate-wana, tahe manarybeke itỹnymy. ²⁵ Jesuisi dirawyõnyde: —Rarybere wahe, tahe kaiboho tiwatyhynytenyõhyte. Inatyhymy ierysomy mohõtinybenykeki, waaõmydỹnana wiwihikỹ rewinyamahãre-di betehebennyke. Wahani-di kia rewinyamahãre. ²⁶ Kaiboho tahe tiwatyhynyõlemahãtenynte, wabudoeni wesemy aõkõ toite. ²⁷ Wabudoeni warybe rierymyhỹre, riwaheludunymyhỹre; jiarỹ heka ibutumy wabudoeni reerymahãre. ²⁸ Tamy umytedeõna rewahinywãhãre tiu heka ruruõtyhy. Inyõ waribi ridyõtyhy. ²⁹ Waha wadee riwahinyre. Tii heka ibaturatyre rare. Inyõ iribi ritaõtyhy. ³⁰ Jiarỹ Waha-wana sohojihyyle watziwãhãre.

³¹ Ixityre tahe judeu mahãdu mana-di rirubunykre idi rỹire. ³² Tahe Jesuisi tamyreny rarybere: —Jiarỹ sõwemy bedeõbyna inydee rewinywãhãre Waha ruru-di. Aõõrarukibo biwarubunyenkyre. ³³ Tahe judeu mahãdu rirawyõnyre: —Kai aõmydỹnana wiwihikỹle tewinynte. Kia õraru-ki aõkõ ijoi adi rỹireri mana-di arubudỹmy Deuxumy binatyhymy tarybeteriki. Kai dori hãbu tate, ihãrele Deuxumy texininiteri. ³⁴⁻³⁵ Jesuisi rarybere: —Abede ywina-ki ryberiti rỹire. Deuxu Rybe õbitihymy raritinymy rỹire. Kiamy: —Jiarỹ rarybere: —Kaiboho Deuxu toite. Deuxu Rybe heka inyõ-õ diteõnyde. Kia mahãdu tahe Deuxulemy rininire. ³⁶ Deuxumy tiiboho rininirenyre-wana, aõherekibo wadee takyarananyteri jiarỹ tule Deuxu Riõrelemy rexininireki. Waha dori, riwatamy diwateõnyde. Timykibo kaiboho tarybetenyteri Deuxumy ibinamy jiarỹ rarybererimy ³⁷⁻³⁸ Waha-ribi bedeõbyna ariwinyõkeki, biwatyhynybenyõtyhy. Tahe ariwinykeki, aõbo rewinyre-wana bityhynybenyke, biwatyhynybenyõke hãrele. Tai tahe bityhynybenymy boibeke jiarỹ Waha-wana wãhãre tule Waha wawana ratximyhỹre. ³⁹ Kabedeu ixityre riijere Jesuisi rinykemy tii rexitamy rexihedỹnyre.

⁴⁰ Jesuisi ixityre Jordaõ bero kowa weribi-õ reurore. Joaõ juhuruõsebedỹmyhỹõ rare. Taile tahe tii raremyhỹ. ⁴¹ Tahe sõwemy iny tamy roirenyre. Tamy rarybere: —Inatyhymy Joaõ bedeõby iny itxerenamy

riwinyõre. Tahe ibutумы тii Jesusimy rarybemyhÿre, inatyhy rare.
 42 Sõwemy heka taile Jesusimy rityhynymyhÿre.

11

1-2 Lazaru ibinamy roimyhÿ Betÿnia hãwã-ki. Marie, Marta-wana iseriõreney rare. Juhuu Marie Jesusi-wana raremyhÿu, тii Jesusiwa tyre-ò tarinalÿnyrehekÿõ ritxiwire, idi tahe tarade-di rirubudÿÿnyre.
 3 Lazaru ibinamy roimyhÿki tahe tiiboho riteõnyre Jesusi-ò rarybekremy: —Wahÿ, abiõwa tyhy binanihikÿmy roireri. 4 Jesusi kiamy roholareu rarybere: —Kabinana hãwã Deuxu wowdydynamy тamy nade. Tule riwawowydynkemy jiarÿ dori Deuxu Riõre rare. Kabinina tahe rubuhyyny aõkõ тamy rÿike. 5 Jesusi heka ibutумы iluurenyre, Marta, Marie, Lazaru-wana. 6 Iu Jesusi rieryreu Lazaru webinaduna, tahe taile ratximyhÿre, rerihãrele inatxixumy. 7 Iribi tahe rarybere taerydÿÿna mahãdu-ò: —Rõkõirenyke ixyby Judeia bede-ò. 8 Tahe ierydÿÿna mahãdu тamy rarybere: —Erydÿÿdu aõherekibo ixybynomy тamy тarybeteri judeu mahãdu adi heka riwisÿnymy rÿimyhÿ mana-di arubudÿÿmy. 9 Jesusi dirawyõnyde: —Txu heka waõinatxi òra bededÿÿnanamy rare. Aõhe inatyhy. Inyõ txumy rariakeki, тiu aõ òraru-ki reseõtyhy loosõnamy dori ibutумы robimyhÿre. 10 Bede lurumy rariakeki tahe, aõ òraru-ki reseke, loosõna dori ihoõreki wahe. 11 Tahe ijõmy Jesusi тamyreny rarybere: —Iny biõwareny rõrõmy roireri. Tamy arakre ariixixanykremy. 12 Tahe imahãdu rarybere: —Wanyrÿ тii rõrõmy roireri-wana bohe, reytekre. 13 Jesusi heka rarybemyhÿ Lazaru rubumy roirerimy. Tiiboho tahe rõhõninyreny urile rõrõmy roirerimy. 14 Tahe Jesusi ritÿnyntytyhыra тamyreny: —Lazaru rurure. 15 Jiarÿ wa aõrarureny-ki wadeysamy watxireri tai watxiõraki. Ka tahe biwatyhynybenykre. Rõkõirenykre тamy. 16 Tome ierydÿÿna mahãduõ rare. Didimomy iniõre. Tamahãduõ rarybere: —Rõkõirenyke, tule тii-wana rukururenykremy.

17 Jesusi rehemynyreu, Lazaru inaubiõwatxumy hãloo iwõdÿÿwo-ki roimyhÿ. 18 Betÿnia Jerusalẽ hãwã-ribi sohoji urihixinamy roire. 19 Judeu mahãduy-ribi sõwemy doidenyde Marta Marieboho wotõnamy, iseriõreney rurureki. 20 Marta Jesusi kanakre rieryreu, tahe rõhõnyre тii-wana witxi reakemy. Marie tahe tahetokile ronymyhÿ. 21 Tahe Jesusi-ò Marta rarybere: —Wahÿ, kakile atxiberi-wana waseritxõre rurukõhykyra ikuny. 22 Ihãrele tahe rekeryre ibutумы Deuxu-kõ bexitõenykeki, тiki adeke kidiwahinykre. 23 Jesusi tahe тamy rarybere: —Aseriõre wa rubu-ribi kedexixakre. 24 Tahe Marta rarybere: —Rekeryre jikarÿ ikokunanatxu-ku rubu-ribi rexixakre, ibutумы ixixanatxu-ku. 25 Jesusi rarybere: —Jiarÿ waixixanadÿÿdu rare, umytuedeõna wahidÿÿdu rare. Inyõ riwatyhynykeki, тii rubu-ki roire hãrele, kedexixakre. 26 Ibutумы irumy roirekeki, тiu rururenyõtyhy, тii dori riwatyhynyreki. Kai aõbohe kia tetyhynyteri. 27 Tii dirawyõnyde: —Kohe, Wahÿ, aratyhynywãhãre. Kai Kristu тate, Deuxu ritxõretyhy. Deuxu тuu rarybereki, bede-kõ kanatekõnyde wahe. 28 Tahe Marta rõõsere Marie тaseriõre-ò rarybere: —Inyhÿ rehemynyreki, kai makremy rarybereri. 29 Kiamy roholareu, таhe, wylemy rÿimy reare тamy rare.

30 Jesusi dori hãwã-ò ralõõlemy raremyhÿ Marta тamy raryberekile raremyhÿ. 31 Tii rÿimy rõhõnyreu, judeu mahãdu тuu robire. Tahe riheludunyre, wabede-ò robukremy raresÿny тamy roholare. 32 Marie

rehemynyre Jesuisi-ò. Tahe tii tuu robireu, resere iko-ò, tahe rarybere: —Wahĩ, kaki atxiberi-wana ikuny waseritxòre rurukòhykya. ³³ Jesuisi Marta ibru-di tule judeu mahāduhi-di retehereu tule tii rabadewoni-hikyre. ³⁴ Iule Jesuisi rỹraxire: —Titxiwexe tii tetiditenyte. Tiiboho rirawyònyre: —Wanyrỹ, manake itxeremy. ³⁵ Jesuisi tahe rahynyre. ³⁶ Tai tahe judeu mahāduò rarybere: —Betehebenyke sòwemy heka tii Lazaru luure. ³⁷ Ijõ tahe rarybere: —Tii iny ruetà riteytenyre. Aõherekibo Lazaru irumy ratxireriule riteytenyõra.

³⁸ Jesuisi ixyby tawo-ki bederiòtiinyre. Tahe rariamy rare wabede-ò Lazaru suiwodỹwo-ò roire. Mana-di tahe ritxiotòbònyre. ³⁹ Tahe Jesuisi rarybere: —Mana bitake Marta tahe iseriòre rarybere: —Wahĩ, rarònyreri wahe inakubikòwa txumy dokuri txuu idi rỹira. ⁴⁰ Tahe Jesuisi rarybere: —Rarybere taheka, bityhynykeki, Deuxu rurumy bobike. ⁴¹ Tahe mana iribi ritarenyre. Jesuisi retehere biu-ò rexitòenyre: —Umy reàlāmy wahe watxireri kai wadee taholataki. ⁴² Wadee taholahyy atxiteri mahāte: —Kia reeryre, kata inysòwehekỹ òraru-ki kiamy rarybera adee, tai tiiboho rityhynyrenykemy wahe, kai tiwateònyteki. ⁴³ Kia rexihureu tahe ryryre: —Lazaru, bodohonyke wa ahana-ò. ⁴⁴ Kia rurumy roimyhỹ-ribi tahe dòhònyde. Iwa heka tebò-wana widee ritỹtenylemy roimyhỹ. Irati tahe tybese-di ritỹtenymy ihỹmyhỹ. Jesuisi rarybere: —Biesebenyke wa ixinamy rake.

⁴⁵ Tahe judeu mahāduy-ribi, Marie Martaboho roraludu mahādu, aõbo Jesuisi riwinyremy robireu tahe, rityhynyre. ⁴⁶ Ijõ tahe fariseu mahādu-ò roirenyre tamy relyykemy aõbo Jesuisi riwinyremy.

⁴⁷ Iribi tahe xiwe wahidỹỹdu wedu, fariseu wedu mahādu-wana heka ywisidỹỹna mahādu ributunyre. Dohodỹỹna mahādu wedu heka imahāduni rare. Tahe inyõ rarybere: —Ka hābu heka aõwiwihikỹ sòwemy diwinymyhỹde. Aõhebo he rokotỹỹnyrenykre. ⁴⁸ Tiihyyle riwinymy rarekeki, heka ibutumy rityhynykre. Idi tahe Roma hāwā mahādu soldadu kanakre iny riòlòdỹỹnyke inysỹ rahurenkykre. ⁴⁹⁻⁵⁰ Kaifa imahāduò rare. Kabeòrau tahe tii ibutu xiwena wahidỹỹdu wedu rare. Tahe tii rarybere: —Kaiboho aõ teeryòhytyente. Hābuò tahe rurukre ibutu inydee. Tai tahe ibutu iny itueòtyhy. ⁵¹ Kia heka irayky-ribi aõkõ ròhònyre. Deuxu irayky-ò ritidire, tii dori xiwena wedu tyhy rare kabeòrau. ⁵² Kiamy rarybereu, tahe Jesuisi rubunamy rarybereri. Jesuisi dori ibutumy judeu mahādu dee rurukre. Tamy sohojile aõkõ rurukre. Tahe sohoji mahāduòle rabutukre Deuxu riòre bede bedemy rỹira mahādu wahe. ⁵³ Itxuule tahe Jesuisi rubudỹỹmy rōhòtinyrenyre.

⁵⁴ Tai tahe ihāwāy-ki rariaòre, Judeia mahāduy-ki. Tahe iribi rexitare bederahy-ò iòhòmy. Hāwāò-ò heka rare, Efraĩ heka inire. Taile taery mahādu-wana ihỹmyhỹ. ⁵⁵ Judeu mahādu worana bedehesi iòhòmy rỹimyhỹ Pascoa heka inire. Ritelenykòule heka sòwemy roirenyre Jerusalē hāwā-ò, tai rexiwinyrenykemy iwese bede ywina rarybere wese Pascoakomy wahe. ⁵⁶ Sòwemy iny Jesuisimy robikemy rỹimyhỹ. Tahe Deuxu dohodỹỹna hetowo-ki widee rarybemyhỹre tahe rarybere: —Kanakre aõbo Jesuisi worana bedehesi-ò. ⁵⁷ Xiwena wedu fariseu-wana juhuh inyò rarybemahāre: —Inyò Jesuisimy robikeki, tuu wadeereny kanarybekre, tii ramykremy wahe.

12

¹ Jesuisi rare Betÿnia hãwã-ò Pascoa worana bedehesi rÿikrekoki. Debòsohoji txumy rauhenymy rÿimyhÿ tamy. Tai heka Lazaru rasÿnymyhÿre rubu-ribi rexixare-ribi wahe. ² Martaboho tahe rÿsÿna wiutadãna riwinyrenyre Jesuisideewina. Lazaru Jesuisi-wana riroxikremy ronymyhÿ. Tahe Marta tamyreny rÿsÿna riwymyhÿ. ³ Marie tahe sÿwemy aderõna lÿnyre-di ratximyhÿ, iÿwyhykÿre heka. Tahe tii Jesuisiwatyre ritxiwire idi tahe taradedile risuhore. Heto tahe tÿnyrehekÿlemy roire. ⁴ Judasi Isariò tule Jesuisi erydÿÿnaò rare tii tai ratximyhÿ. Tii Jesuisi rityhenykremy tii raremyhÿ ihewo-ribi. Tii tahe rarybere: ⁵ —Kaa aderõna heka iÿwyhykÿ rare. Aõherekibo idi tahonyõte nieru idi bitakemy iny aõkõ mahãdu-ò nieru biwahinykemy. ⁶ (Judasi heka iny aõkõ mahãdu luu aõkõ rare. Erydÿÿna mahãdu nieru rubudÿÿdu tii rare. Kia nieruõ tahe ixideele ritosinymyhÿre. Tai tahe aderõna òwy ixidee ributunykemy idi ratximyhÿ). ⁷ Tahe Jesuisi rarybere: —Ixinamy wawatyre ritxiwike, wahãloo-ò waherina heka riryrymy tuu ritxiwireri. ⁸ Kaiboho heka aõu biwiõhenanymy ahãbenyke iny aõkõ mahãdu awanarenre dori rarehyymy rarekre. Jiarÿ tahe kaki aratxihyyke aõkõ rare.

⁹ Judeu mahãdu Jesuisi rehemynyreniò roholare. Tahe sÿwemy iny tamyreny nade itxeremy. Tule Lazaru-ò itxeremy nade rubu-ribi rexixareki. ¹⁰ Tai tahe xiwewahidÿÿdu mahãdu wedu tule Lazaru rubudÿÿmy rarybere. ¹¹ Lazaru òraru-ki dori sÿwemy judeu wedu Jesuisi rityhynyre.

¹² Itxubiòwau tahe Jesuisi nade Jerusalẽ-ò kia-ò tahe roholare ibutumy worana bedehesi ludu mahãdu. ¹³ Tai tahe roirenyre tii-wana witxi reakemy horeru riwyre ityre-di kanakre. Ryryrenyre Jesuisi-ò: —Waiòlòreny, kai arawowydynyreni, kai bedeòbydÿÿdu tateki! Kai Deuxuni-di tateri. Kai judeu Iòlòtyhy tate. ¹⁴ Jesuisi nade jumenta riòre tyre-ki, tuu dori ihetxina tyryiti-ki roire wesemy. ¹⁵ Kiamy wahe roire:

—Judeu riòre mahãdu uritere brebuõmy atximahãbeny aiòlòreny dori kanakre jumenta riòre tyre-ki.

¹⁶ Iery mahãdu kia rieryòhyyre juhuu. ¹⁷ Iribi tahe tõhõti itxi reare ritidÿÿna hetxina-ki roiremy, Jesuisi biu-txi ròðsemu rareu wahe tõhõtireny itxi reare. Tule sÿwemy iaõmydÿÿnana rybe hetxina-ki riritinymy rÿimyhÿre. Kia-di tahe idi tõhõtireny reare. ¹⁸ Inyõ itxeredu heka Lazaru ixixanamy relyyre. Tai tule iny sÿwemy doidenyde. Kia Jesuisi riwinyreò heka roholarenyre. ¹⁹ Tai tahe fariseu mahãdu widee raryberenyre: —Ibutumy ihemy roirenyre. Timyõre, aõhe heka rikisÿnyrenyõtyhy.

²⁰ Inyõ worana bedehesi-ki grego rybedu mahãduõ ratximyhÿ. Tii tai Deuxu realàkemy ratximyhÿ. Tii Besaida hãwã ludu-ò Kalileia bedeluduõ ratximyhÿ. ²¹ Tahe grego rybe mahãdu tamy rarybere: —Wanyrÿ, jiarÿboho, Jesuisimy arobikemy watxirenyreni. ²² Filipi tahe Andre-ko relyyre. Ta wiwana roirenyre Jesuisi-ò. ²³ Jesuisi rarybere: —Aõkõra, Wabededÿÿnana iòhõra Deuxu Riòre Hãbutyhyhykÿ rubuna-ò, wahe. ²⁴ Inatyhymy adeereny ararybekre: —Jiarÿ alòbòrõna rijuxunymyhÿre wesemy aresekre suò, arurukremy. Aruruõkeki ixiwanahyyle ararekre. Arurukre-wana sÿwemy araratynykre. ²⁵ Inyõ ixiluukeki heka, ruruke. Kabede-ki tahe ixiluuõkeki, tii rexiywinymy umyruedeõna-ò

ratxike. ²⁶ Inyõ wadeòdumy ratximyhỹkeki, tii riwaheludunyke. Tai titx-
ibo aratxikeò tii wawana ratximyhỹke. Inyõ wadeòdumy rareke-wana, tii
Waha riwowydnykre.

²⁷ Katahe wabedewonihikỹmy watzireri. Timybo ararybekre, Waha,
kia rubu aõmydỹnana-ribi biwatake. My õsana arexitòenykre. Aõkõre,
kiaòle heka kabede-ò anade. ²⁸ Waha, anityhy-ò iny riwowydnykemy
watzireri. Iule tahe rybeò-ò roholarenyre: —Kia rotỹnyre ihãre ta
ixityre tuu rotỹnykre. ²⁹ Tahe iny sõwehekỹ kia rybe-ò roholare. Tahe
rarybere: —Biumytxyle rare. Tahe ijõ rarybere. Aõkõre ýju rare.
³⁰ Tahe Jesuisi rarybere: —Waòraru-ki aõkõ kia rybe rỹireri, aòrarureny-ki,
tamy bohobabenykemy. ³¹ Wiji tahe ywisidỹna kỹnykre, bedemy iny
rỹira mahãdu-ò. Kia mahãdu iòlò, Satanasi, kanahitxidỹnykre. ³² Iu
jiarỹ itxeò-ki riwaukokreu, ibutumy iny heka ixidee adiwiutadãnykre
riwatyhynykre. ³³ Iu tii kia rarybereu, tarubuna ritỹnyre timybo
rurukre. ³⁴ Iny sõwehekỹ dirawyònyde: —Jiarỹboho raholarenyre bede
ywina-ò. Tii rarybere: —Tiiemy Kristu rarehymy rarekre. Timybo kai
tarybeteri: —Biwaukokremy. Mobo tahe Deuxu Riòre Hãbutyhyhỹmy
tuu tarybeteri. ³⁵ Tahe Jesuisi dirawyònyde: —Urihimyòle loosõna awana
rariamy ratxireri. Idi atxiteriule idi mariake, bede luru atxi kanakelau.
Inyõ bede luruki rariakeki, tiobo rake rieryòhyre. ³⁶ Waloosõna atxiteri-
ule, biwatyhynyke waloosõnamy, taile waloosõna mahãduõmy boibeke.
Kiarybe rahu-di tahe Jesuisi iribi rexitamy rexiwore. ³⁷ Tii sõwemy
bedeòtiidỹna ikoreny-txi riwinyre. Ihãrele tahe sõwemy rityhynyõre.
³⁸ Kia tahe Isaia tyyriti-ki roire, tahe iwesele tuu rarybere wese wiji rỹira
rotỹnyre:

—Wanyrỹ, Iny rybe tỹnydỹnareny tiiboho rityhynyõhyre, Deuxu taruru
tamy riteòsinyrehãrele rityhynyõre.

³⁹ Tai rityhynyõhyre. Isaia, Deuxu rybedu ijõmy ròritidỹre:

⁴⁰ —Deuxu riruetãnyre, irayky riteredỹnyre. Tai rieryòhymy
robiòhymyhỹre. Tiu heka Deuxu rityhynyõhyre. Tiu
riteytenyõhyre.

⁴¹ Isaia Jesuisi loosõnamy robire. Tai tahe tuu ròritidỹre. ⁴² Ihãrele tahe
dohodỹna mahãdu wedule sõwemy rityhynyre. Urile fariseu mahãdu
òrarukile, ijõ-ò tuu rarybeòre, dohodỹna mahãduy-ribi riòlòdỹnyheny.
⁴³ Tiiboho dori Deuxu wowydyna luurenyõre inywowydynale lu-
urenyre.

⁴⁴ —Iny riwatyhynymyhỹkeki, wadeòdỹnydyle rityhynymyhỹre. ⁴⁵ Inyõ
wamy robikeki, iule wadeòdỹnydumy robike. ⁴⁶ Jiarỹ loosõna wesemy
anade bede-ò. Tai tahe iny riwatyhynykeki, bede luru ribi ròhònyke. Tai
heka anade. ⁴⁷ Inyõ warybe-ò roholake hãrele riywinyòkeki, tahe jiarỹ tii
wiji ariywidỹnyòke. Jiarỹ dori tarasaduhyylemy anade. ⁴⁸ Inyõ riwaty-
hynyòkeki, warybe-ò roholakẽkeki, ikonana txuu tahe ywisidỹna-ò ralòke,
warybe-ò rityhynyõmyhyreki aõhòkỹmy dỹnana-ò heka kia ralokre.
⁴⁹ Jiarỹ ixi rayky-ribi aõkõ rarybemahãre. Wahale rybe wadee ri-
wahinymyhỹre. Kia wesele relymahãre. ⁵⁰ Deuxu rybe bede ywina-di
diwateònyde umytedeõna wahidỹna kia rare. Kiale heka reerye.

13

¹⁻³ Pascoa worana bedehesi txumy txuu rỹire. Tahe Jesuisi rexierye
ixyby tyby-ò ròòsekremy ihỹre, ibededỹnana iòhòmy roireki. Tule rex-

ieryre tyby ibutumy tamy riwahinyremy. Tii tyby-ribi nade tule ixybyle tamy rakemy. Txioro roxinau Jesuisi taerydỹỹna mahãdu-wana riroximyhỹreny. Judasi Isariõ (Simaõ riõre) taile ratximyhỹ. Juhuu diabo tamy rarybere iruule Jesuisi rityhenykemy. ⁴ Jesuisi sõwemy taerydỹỹna mahãdu luure. Tai tahe rỹire, tatytyre ludu ritare òsurõna rimyre, idi rexiwetyataare. ⁵ Hynaro-ò bee ritxiwire taerydỹỹna mahãduwaa risuhokremy tahe òsurõna-di tawetya-ki ihỹmyhỹ-di iwa rirubudỹỹnyre. ⁶ Tahe Jesuisi rehemynyre Simaõ Pedro-ò, Pedro rarybere: —Aõkõre kai wawareny suròdòõmyke. ⁷ Jesuisi rirawyõnyre: —Kai heka teeryõte aõherekibo resuhòreri. Ihewo-ribi tahe bierykre. ⁸ Pedro rarybere: —Aõkõre, wawasuròdòdỹõmy. Jesuisi rirawyõnyre: —Arisuhòõkeki wawanahyy aõkõ mabeke. ⁹ Pedro rarybere: —Wawasohojile aõkõ bisuhokre, wadebò warati-wana tule wahe. ¹⁰ Tahe ritỹnyre Jesuisi; inyõ rõhõre-wana iwale rasuhòke. Iuhe ibutumy tyralemy rỹimyhỹre. Kaiboho yralemy toite. Sohoji tahe aõkõre. ¹¹ Jesuisi tatyhedỹỹdu rayky rierymyhỹre. Tai tahe rarybera, ibutumy aõkõ tyraremy.

¹² Jesuisi iwasuredò rexihureu, tatytyre ludu retyynyra roxina-ò ròðsere. Tamyreny rỹỹraxire: —Kaiboho teerytenyte. Aõhebo jiarỹ kia ratỹỹnyra. ¹³ Adeereny aritỹnyre. Kaiboho tiwaninitenyte anyrỹmy, aõhe inatyhy? Aerydỹỹdumy, inatyhy heka jiarỹ rare tahe õbitimy tarybetenyte. ¹⁴ Jiarỹ aerydỹỹdureny anyrỹreny heka awareny resuhore. Tai tahe kaiboho wiwa bisuhòbenykre. ¹⁵ Iwese jiarỹ rexideòsinyre wese kaiboho biwinybenyke. ¹⁶ Inatyhymy adeereny ararybekre. Deòdu dori tawedu ratyre aõkõ rare. Rybe-ò ijohonadu dori rybedutyhy ratyre aõkõ rare. ¹⁷ Kia warybe teerytenyte. Tahe biywinybenykeki bededòbnyatyhy adeereny kanakre. ¹⁸ Ibutumy umyreny aõkõ rarybereri jiarỹ araeryreny, aratarenyrekì, wahe. Rybe tyyriti-ki roire kiamy: —Kia wawana riroximyhỹrele heka riwatyhenykre. Ele elemy tuu rotỹỹnykre.

¹⁹ Wiji rarybereri heka wylemy kia tuu rotỹỹnykre. Tuu rotỹỹnykreule, kaiboho bierybenykre õbitimy raryberé wahe; jiarỹ biwatyhinybenykemy wahe. ²⁰ Inatyhytyhymy ararybekre: —Inyõ adee aditeõnykre. Inyõ tii rityhynymy kididykeki, tii riwadymyhỹre. Inyõ kidiwadykeki wadeòdỹỹdu ridymyhỹre, Deuxu rityhynymyhỹre wahe.

²¹ Tahe Jesuisi rabadewonihikỹmy rononymhỹ. Tahe rarybera: —Iny sohojiõ ayreny-ribi riwatyhenykre. ²² Tahe wii riijerijereny. Mokobo rarekremy rõhõtinyreny. ²³ Jiarỹ, Joaõ Jesuisi weribi ranywỹhỹ, tii dori sõwemy waluure. ²⁴ Tahe Pedro wadee narybewasidi: —Tamy inihe myỹraxike mobo raremy. ²⁵ Tahe jiarỹ retorunyre: —Wanyrỹ, mowexe ratxireri. ²⁶ Jesuisi rarybere wadee: —Kia orotxu ituudỹỹ tamy ariwahinykrele tiikre. Tahe Jesuisi orotxu yre rituunyre idi tahe Judasi Isariõ-ò riwahinyre. Tii Simaõ riõre rare. ²⁷ Tahe Judasi riyre. Iribi tahe Satanasi aõwesele tamy ralore. Jesuisi heka Judasi-ò rarybere: —Aõhebo botỹỹnykre wylemy makre biwinykremy. ²⁸ Tahe riroximy rỹimyhỹ mahãdu rieryõre aõmybo Jesuisi rarybemyhỹ. ²⁹ Judasi Isariõ dori nieru hyna yrubudỹỹdu heka rare. Tai tahe rõhõtinyreny Jesuisi worana bedehesi aõna aõna riwykemy riteõnyre, ada iny aokõdu mahãdu-ò nieruõ riwahinykemy. ³⁰ Judasi orotxu yre riymy rahudi tahe rõhõnymy rare bedeluru-txi.

³¹ Judasi rõhõnõmy rahudi tahe Jesuisi rarybere: —Wiji tahe Deuxu Riõre Hãbutyhyhky loosõnamy iny robimyhõre taraykywo-ki. Tii heka jiarõ rare. Deuxu-ò waõraru-ki wowydyna riwahinykre. ³² Deuxu loosõnamy tahe waki iny robikeki, Deuxu riwatoosõnyreri aõwesele ibutumy iny tuu robike. ³³ Waluudu mahãdu wariõre wesemy atx-imahãtenyte, umywanareny urihimyõle ararekre, idi tahe arakre. Tahe biwajebenyhãrele waki mahabenyõtyhy. Iwese judeu mahãdu-ò rarybere wesele adeereny ararybekre: —Titxibo arakre-ò kaiboho boibenyõke. ³⁴ Bede ywina tõmyra wese adeereny ariwahinykre kiamy wahe: —Wiluurenykemy wahe: —Iwese jiarõ aluurenyre wese tule kaiboho wiluurenyke. ³⁵ Wiluurenykeki ibutumy iny rieryrenykre kai waerydõõna mahãdumy tate.

³⁶ Tahe Simaõ Pedro ritõõraxyre: —Wanyrõ, titxibo kai makre. Jesuisi dirawyõnyde: —Titxibo arakre-ò wiji kaiboho boibenyõke, iribi tahe wahemy bodoikre. ³⁷ Tahe Pedro rarybere: —Wanyrõ aõherekibo araõkre wiji ahemy waumy kie aõraru-ki ariwahinykemy watzireri. ³⁸ Inatyhymy aõbo aumy biwahinykre waõraru-ki. Inatyhytyhymy ararybekre: —Hãnie hãbu robukõule kai biwatxiõnykre inataõmy.

14

¹ Kaiboho bededõtidõõrenyõmyke bedewona-ki. Kaiboho Deuxu tetyhynytenyte, tai tahe biwatyhynykre. ² Wahasõ-ki sõwemy sõõ rõimyhõre kialemyre heka tai. Kaweseõkeki adee inatyhymy rarybemahãre. Jiarõ tahe arakre sõõ adeereny ariwinykemy. ³ Ariwinymy arahudi tahe ixybyle aõrysomy adõõsekre. Tahe aradyrenykre titxibo-txi aratzireriõ kaiboho tule matxibenykre. ⁴ Kaiboho dori teerytenyte titxibo wasõry roire. ⁵ Tahe Tome rarybere tamy: —Wanyrõ, titxibo makreõ reerykõreny. Tai tahe timykibo asõry reeryrenykre. ⁶ Jesuisi dirawyõnyde: —Jiarõ wa ryy rare. Deuxu inatyhyna jiarõ rare. Umytuedeõna wahidõõdu jiarõ rare. Inyõ waõrarukile Waha dee rakre. ⁷ Kaiboho tiwaerytenyte-wana tule Waha teerytenyte. Wiji tyhyule Deuxu teerytenyte, tuu tabitenyte. ⁸ Idi Filipi rarybere: —Wanyrõ, boo inydee biteõsinyke, tai tahe awike. ⁹ Tahe Jesuisi rarybere: —Filipi, sõwemy bededõõnana umy-wana rewyre. Ihãrele tahe tiwaeryõte. Inyõ wadee kanakeki, Wahamy robike. Aõherekibo wadee tarybeta boo wadee biteõsinykemy. ¹⁰ Jiarõ Waha-ki watxiwãhãre tule Waha waki ihõre. Kia aõbohe tetyhynyõte rarybewãhãre, kia iximy aõkõ rarybewãhãre. Waha waki ratximyhy tii taõmydõõnanamy rotõõnyre waumy-ribi. ¹¹ Waha-ki watxiwãhãre, tule tii waki ihõre, kia bityhynybenyke. Aõwiihikõ rewinywãhãre õraru-ki biwatyhynybenyke. ¹² Inatyhytyhymy adee ararybekre: —Inyõ riwatyhynykeki, wawesele aõwiihikõ riwinykre. Tahe watyreleaõ riwinykre. Jiarõ dori Waha-ò arakre. ¹³ Tai wanimy aõmy bexitõenybenykeki, tii tahe ariwinykre. Iny Waha-ò wowydyna riwahinykemy idi watzireri, iRiõre wahe jiarõ rare. ¹⁴ Tai aõma wani-ò bexitõenybenykeki, tii tahe riwinykreadeereny. ¹⁵ Inyõ waluukeki tii wabede ywina riywinytyhyke. ¹⁶ Waha-ò arexitõenykre ijõ wiõhedõõdu adeereny kiditeõnykemy waderõwymy. Tii aõu aõu adeereny hyyle rarekre. ¹⁷ Tii Deuxu Tyytybytyhy rare. Tii inatyhynamy rieryrenyre, iny bede bede mahãdu wahe. Deuxu Tyytybytyhy ixidee ridykemy. Tuu dori robiõtyhy rieryõtyhy. Kaiboho tahe teerytenyte. Tii dori umywanareny ratximyhõre,

aworeny-ki ratxikremy. ¹⁸ Jiarỹ heka ixisohojimy ararisidỹnyõtyhy. Jiarỹle adee adoosekre. ¹⁹ Wijile arurumy arakre bede-ribi. Bede bede mahãdu tiu wamy robiõtyhy. Kaiboho tahe wamy bobilebenykre, jiarỹ dori ixityre rubu-ribi adexixamy ararekre. Tai tahe tule kaiboho rubu-ribi bexixamy boibekre. ²⁰ Kia txuu kaiboho bierybenykre jiarỹ heka Waha-ki watxiwãhãremy. Kaiboho tasỹ waki ahãtenynte. Jiarỹ tule akireny watxiwãhãre. ²¹ Inyõ wabede ywinareny dikeki tahe, riywinykeki, waluudu rare. Waha tule iluukre. Jiarỹ tule iluutyhyre. Tamy tule arexideòsinykre. ²² Judasi tamy rarybere: (aõ Isariõ aõkõ kỹny, iwitxi-raõ.) —Wanyrỹ, aõhekremybo wadeereny bedexideòsinykre tahe bede bede ludu mahãdu-õ aõkõ wahe. ²³ Jesuisi rarybere: —Inyõ waluukeki, wabede ywina riywinytyhyke. Waha, heka iluutyhykre. Jiarỹboho tamy adoidenykre tamysỹmy. ²⁴ Iny waluuõkeki, warybe tiu rityhynyõtyhy. Aõ warybe-di aõkõ heka rarybereri. Waha wadee riwahinyredi heka rarybereri.

²⁵ Tai arakrekoki tuu rarybereri adeereny. ²⁶ Tahe Deuxu Tyytybytyhy, awiõhedỹỹdu, tii araerynanykre ibutumy aõna aõnamy. Timybo jiarỹ adeereny raryberemy akananohõtiijaranydenykre. ²⁷ Ywina adeereny adiwahinykre waywina wahe. Iwese bede bede ludu mahãdu riwahinyhyre wese aõkõ ariwahinykre. Uritere nohõtiyreõmy brebuõmy. ²⁸ Rarybere dori arakremy tule adoosekre. Waha waratyre rare. Tamy he arakre. Kaiboho waluukeki, beysabenykre tamy arakreu. ²⁹ Kaa bede reakoki tuu rarybereri. Tuu reakreu tahe, kaiboho biwatyhynybenykre. ³⁰ Sõwemy heka adeereny ararybeõkre, bede dinodu dori tehemyrysỹ iõhõmy ihỹre, Satanasi wahe. Tii heka wadee iruruõhyre, riwateõnyõtyhy. ³¹ Jiarỹ Waha luure. Rewinywãhãre aõbo Waha ariwinykemy riwateranymyhỹre. Botamanyke: —Rõkõirenyke.

15

¹ Hãjutõ òwõna wese wihikỹ jiarỹ rare. Waha tahe bede rade wysydỹỹdu wese rare. Bede õbebure iratyõkeki iõ riõrõke. Iratydikeki iõsõmo iribi risihere. Tai tahe sõwetyhymy nihikỹmy raratynyke. ² Kaiboho bede rade-õ wesemy toite. Warybe-di aõsõmoreny aribireny resihemahãre. Katahe õbitimy toite bederatymy raratynykemy. ³⁻⁴ Kaiboho biwamymy wadi mykre. Iwese bede radeõ raõrõõmyhỹkeki irulemy rỹikre raratynyke. Aõkõkeki ruruke. Kaiboho iwesele toite. Waki beàrenyõbenymyhỹkeki, tiu Deuxudeewimy atxibenyõtyhy. ⁵ Jiarỹ hãjutõ òwõna wese rare. Kaiboho ibede radeõ wese toite. Waki beerenybenykeki, jiarỹ aki ararike, tai bederaty wese sõwemy maratynyke. Wahoõkeki tiu aõ biwinybenyõtyhy. ⁶ Inyõ waki rariõkeki, iwese iny bede rade rubu-di rahuleke, tii iwesele inyõ rahukre. Juhuu rimyre, idi heõty-õ rehure, tai roomyhỹre. ⁷ Kaiboho waribi boibenyõkeki, warybe õhõti-ribi rosaõtyhykeki, aõtaxina wadee bexitðenybenykre, tai ibutumy adee ariwahinykre. ⁸ Iwese bede rade sõwemy raratynymyhỹre wese, kaiboho, aõna aõna wiwihikỹ biwinybenyke Deuxu dee. Kiakeki tahe Deuxu deãlãna sõwemy ritakre. ⁹ Iwese Waha waluure wese jiarỹ aluurenre waluuna-ribi boibenyõke. ¹⁰ Wabede ywina inyõ riywinykeki, tii waluuna-ribi raõtyhy. Iwese Waha bede ywina reywinymyhỹre wese tahe Waha luuna-ribi jiarỹ tiu rahõnyõhyre. ¹¹ Wadeysana awo-ki ratxikemy jiarỹ adi watxireri. Eysana sõwemy mabekemy adi watxiwãhã. Tai

tahe warybe adee rarybere. ¹² Wabede ywina heka kaa rare: — Wiluukemy. Iwese jiarỹ aluure wese wiluurenykemy. ¹³ Inyō taery dee rurukeki taluunadireki, tii luunatyhy ijōdire. ¹⁴ Kaiboho wadeewi biwinybenykewana tai inatyhymy wabiōwa toite. ¹⁵ Tahe aō wadeōdumy aōkōhe araninirenykre. Kaiboho wabiōwa toite jiarỹ dori Waha-ribi raholare adee tuu relyywāhāre. ¹⁶ Kaiboho tahe tiwatatenyōhyte, jiarỹ tahe aratarenyre kaiboho boibenykemy. Sōwemy aōna aōna wiwi-hikỹ botỹnybenyke. Tule kia aōna aōnamy tule roihyykemy. Tai tahe aōmy Waha-ribi wani-di bexitōenybenykeki, adee riwahinyhy rareke. ¹⁷ Wiluubenyke: —Kia tahe wabede ywina adeereny adiwahinyde. ¹⁸ Bede ludu iny mahādu eramy reakeki myỹ uritere nohōtiōmy juhūu dori waderamy waluūōre. ¹⁹ Kai bede ludu iny tate-wana iny aluuke, tahe aōkōre. Tai tahe iny eramy reamyhỹre. Bede ludu mahādu ribi jiarỹ aratara. Bede ludu mahādu aōkō tate urenana. ²⁰ Adee heka rarybere aōmybo. Uritere iribi nohōti lusaōmy kia wahe: —Deōdu tawedu ratyre aōkō rare. Tai wadee aōbina binamy iny rotỹnymyhỹre. Adeereny tule aōmy rotỹnykremy wahe. Tiiboho warybe riywinyrenykeki, arybe tule tiiboho riywinyrenykre. ²¹ Kia tahe adee ratỹnymyhỹre wanimy rybe ōraru-ki, tiiboho dori wadeōdỹna rieryōreki. ²² Tuu ararybeōre wana inihe tiiboho ōrarudiōhyrenyre. Katahe rarybere tai tahe tiiboho rarybeōtyhy rieryōremy. ²³ Inyō waluūōkeki, tule Waha luuōtyhy. ²⁴ Jiarỹ heka ibutuko-ō wowydyna iitxerenarenymy rewinyōrewana, tiiboho iōrarudiōhyre inihe. Tahe rewinyamahāre, tuu robimyhỹrenyre, ihārele tahe waluūōre tule Waha luuōre. ²⁵ Kiamy heka rotỹnyre bede ywina ritidỹna-ki roireki. Tai heka tuu rotỹnymyhỹre. Kiamy wahe ritidỹna-ki roire:

—Tii heka bede ōraru aōkō rare, ihārele tahe iluūōrenyre.

²⁶ Deuxu Tyytybytyhy adee ariteōnykre. Tii, wiōhedỹdu rarekre inatyhynamy rierynanykre. Tahe, tii kedehemynykreu wamy rarybekre. ²⁷ Tule kaiboho wamy marybebenykre, wawana hyy ahātenyteki.

16

¹ Kiamy adee rarybemahāre ōraruna-txi ixēōkemy. ² Tiiboho heka anatakre tohodỹna hetowo-ribi. Kobe, bede dỹnana iōhōmy kadeakreu inyō anarubunykeki, kia Deuxudeewimy tuu konohōtinykre. Tii Deuxu wiōhedỹdu raremy ixi-di kōnohōtinykre. ³ Tiiboho Waha rieryōhyymyhỹrenyre tule riwaeryōmyhỹre. Tai tahe kiamy adeereny rotỹnymyhỹrenyre. ⁴ Iu adeereny aōmydỹnana kedehemynykreu, ōhōtirenny itxi reake timybo adeereny relyyretxi. Tiu heka tuu rarybeōhyre, umywanarenhyhy dori wāhāre. ⁵ Katahe arakre wadeōdỹdu-ō. Kaiboho bỹraxisbenykekō aōbo tiibo arakre-ō. ⁶ Kaiboho heka tabedewomy toite kamy rarybereriki. ⁷ Ihārele tahe inatyhymy adeereny ararybekre: —Adeereny awikre arakreki wahe. Jiarỹ araōkeki awiōhedỹdu, Deuxu Tyytybytyhy kanaōkre. Arakeki tahe tii aditeōnykre adeereny. ⁸ Iu kanakreu, tii inydee kiditeōsinykre irayky binadiremy, iōbitina-di aōkōremy, iōrarunadiremy. Deuxu dori ōrarudu riywisidỹnykre. ⁹ Taōraruna ixidee kiditeōsinykre tiiboho riwatyhynyōrenyriki. ¹⁰ Tahe ixidee kiditeōsinykre. Jiarỹ iratyre waōbitina direki. Waha-ō dori arakre, wamy bobibenyōtyhykemy. ¹¹ Deuxu ixiwisidỹna ixidee kiditeōsinykre kabede dinodu dee rarybere tii

rexihukremy. ¹² Jiarỹ heka sōwemy adee ararybekemy watzireri, ibutumy tahe isiramy ixidee boholabenyke. ¹³ Txiohe rare. Deuxu Tyytybytyhy kanakreu, inatyhymy adeeremy rarybekre inatyhyna-di ibutumy. Tarybe-di tahe rarybeõkre. Deuxu-ribi aõmybo roholaremy tahe rarybekre. Tule timybo aõna aõna rarekremy kanarybekre. ¹⁴ Tii waaõmydỹnana adeeremy ritỹnynykre. Tai kidiwatoosõnanykre. ¹⁵ Ibutumy Wahahõrõ heka wahõrõ rare. Tai heka tuu adeeremy rarybereri waaõmydỹnana adeeremy kiditynynykre. ¹⁶ Urihimyò riõre heka waõkre, idi tahe ixityre wamy bobibenykre. ¹⁷ Tahe ijõ ierydỹna mahãduõ widee rarybere: —Timybo tii rarybere: —Urihimyò iõkremy tii rarybereri, tule ixiryre wamy bobibenykre. Tule Waha-õ arakre. Timybo heka rieryrenyõhyre aõmybo rarybera. ¹⁸⁻¹⁹ Tiõboho Jesuisi-õ rỹraxyrenykre raxirenyreri. Tahe Jesuisi rierymyhỹre tuu rỹraxykre. Tahe Jesuisi tamyreny rỹraxyre: —Kaimy ixidee tỹraxytenyteri. Wananamy waõkesenalemy. ²⁰ Inatyhymy adeeremy ararybekre: —Iny bede mahãdu urile reysakre, kaiboho tahe araeryrenyra urile mahinybenykre, birajuabenykre, mabedewobenykre. Idi tahe kaiboho beysabenykre. ²¹ Iwese hãwyy ijera iõhõreki, rabadewomyhỹre, taaõhõkỹmydỹnana-di rõhõtinyinhyre. Idi tahe reamyhỹre. Iu tahe tõhõti rosamyhỹre tohouã tỹmyradile reysamyhỹre. ²² Iwesele kaiboho mabedewobenykre, ixityre wamy bobebenykre tahe, kaiboho beysabenykre. Inyõ heka deysana aribireny ritaõtyhy. ²³ Kiatxu tahe uritere watỹraxydỹõmykre inatyhymy adeeremy rarybereri. Waha-ribi aõmy bexitõenybenykeki. Tii adeeremy kidiwahinykre wani õraru-ki. ²⁴ Tiu heka aõmy texitõenytenyõmahãte wani-di. Bexitõenybenyke, tai bitabenykre. Tai tahe kaiboho beysabenykre.

²⁵ Ibutumy rybewõtemy adeeremy rarybewãhãre wahe. Idi tahe tuu adeeremy ararybeõkre. Idi tahe itỹntytyhymy Waha aritỹnynykre adeeremy. ²⁶ Kiatxu tahe bexitõenybenykre wani-di jiarỹ ararybeõkre umyreny Waha-õ. ²⁷ Waha dori aluurenyre, kaiboho waluurenyreki, Deuxu-ribi anade tetyhynytenyeki. ²⁸ Waha-ribi anade, bede-õ adehemynyde ihãrele bede-ribi arakremy Waha-õ. ²⁹ Jesuisi ierydỹna mahãdu rarybere: —Wiji tahe itỹntytyhymy tarybeteri. Rybewõtẽ-di aõkõ tarybeteri. ³⁰ Kai ibutumy teeryte. Inyõ dỹraxyõmy adee. Kai inatyhymy Deuxu-di tanate. Kia jiarỹboho retyhynyrenyre. ³¹ Tahe Jesuisi tamy rỹraxyre. Inatyhymy wijityhyle tetyhynytenyta. ³² Wabededỹnanamy heka reara. Kaibohoõ sohoji sohojimy tasỹ tasỹ-õ rakre. Biwaribenykre ixi sohojilemy arỹkre. Tahe ixi-wana aõkõ watzikre, Wahawanale arỹkre. ³³ Kaheka aõna aõnamy adeeremy rarybere ywina-di araykyreny-ki boibekre. Bede-ki kaiboho aõhõkỹmy botỹnybenykre. Ihãrele beysabenyke, Jiarỹ heka Deuxu õludu mahãdu-di rõtara.

17

¹ Jesuisi rarybemy rahudi tahe retehere biu-õ rarybere: —Waha, wabededỹnanamyhe reara. Ariõre watxiwãhãre. Wowydyna wadee biwahinyke tai tahe adee wowydyna adee ariwahinykre. ² Kai, Waha, ibutumy wadee ruruna tewahinyta iny deõdỹnany. Tai umyuedeõna ariwahinykre biu-õ hedu mahãdu-õ. ³ Kia heka umyuedeõna rare: —Deuxu inatyhy tate sohojihyy tate. Tii araeryrenykeki tahe eõdỹna

Jesuisi Kristu rieryrenykeki. Kia umytuedeõna rare tamyreny. ⁴ Aõ aõmysÿdÿÿnabo wadee tewahinyte, ibutumy adee rewinyre. Tai heka arawowydynyra kabede-ki. ⁵ Iu bede rexidelenyreu umywanahyy rarewãhã. Sõwemy loosõna nihikÿ-di rawãhãre. Tahe wiji, Waha, kia loosõnale ixityre bidiwahinykre umywanahyymy ararekre. ⁶ Kai iny mahãduõ wadee tewahinyte bede mahãdu-ribi. Tamyreny umy rarybe-mahãre. Juhu tiiboho ahõrõ roire. Idi wadee tewahinyte. Tiiboho arybe riywinymyhÿre. ⁷ Ibutumy waaõmydÿÿna aribi retamahãre. Kia heka wiji tiiboho rieryrenyra ibutumy aribi nade. ⁸ Aõrybebo wadee tewahinytamy tamy rarybemahãre. Tiiboho rityhynyreny, rieryreny aribi jiarÿ anade, kai wateõdÿÿdu tate. ⁹ Iõraru-ki adee rexitõenyre. Tiiboho amahãdu roire. Wadee tewahinyte, bede mahãdu-õ raru-ki aõkõ adee rexitõenyre. ¹⁰ Ibutumy wahõrõ, ahõrõ rare. Tule ahõrõ, wahõrõ rare. Tai heka iny mahãdu riwatoosõnanymyhÿre. ¹¹ Jiarÿ adee arakre tai kaki arareõkre. Tiiboho heka kaki rarirenykre. Tiiboho biyrubunykre, Waha, ani õbiti-di biyrubunyke, wadee tewahinyteki. Tai tahe iraykyreny wiwesehyymy roirekre. ¹² Tiiboho-wana rarewãhãu ani õraru-ki reyrubunymahãre, wadee tewahinyteki. Timy heka reõnonyõhyyre ijõ, sohojile tahe reõnonyre. Juhuu dori Ritidÿÿna roire ijõ sohojiõ ariõnonykremy. Ihyy tahe reõnonyre, Judasi Isariõ õnodÿÿduhyymy rarekre. ¹³ Ka tahe arakre arora-õ. Tii heka inyõ rarybemahãre ibutumy wadeysana iworeny-õ ralõmyhÿkemy. ¹⁴ Jiarÿ arybe tamyreny rewahinymahãre. Bede mahãdu iny dori terareny, tiiboho bede mahãdu iny aõkõ roireki. Iwese jiarÿ bede ludu hãbu aõkõ rare wese. ¹⁵ Bede-ribi tarasamy aõkõ heka adee rexitõenyre. Urile ibina bina widÿÿ-ribi biyrubunykemy. ¹⁶ Tiiboho tahe wiji ijõ bede witxira ludu roire, iwese jiarÿ rare wese, wahe. ¹⁷ Arybe-di tiiboho biõbitinyke, tai ahõrõ mahãdumy rarekre. Arybe dori õbitityhy rare. ¹⁸ Iwese bede iny-õ tadiwateõnyte wesemy, Jiarÿ tiiboho reteõnyre bede ludu mahãdu-õ rarybekremy. ¹⁹ Tamyreny xiwena wesemy adee arexiwahinykre. Õbitihyymy ararekre, tai tiiboho õbitihyymy roirekremy inatyhyna-di. ²⁰ Aõ tamy sohojile aõkõ heka rexitõenyre. Ibutumy kia rityhynymy rÿirakre-õ dori rexitõenyre. ²¹ Tai tahe ibutumy wiwese wesemy rõhõtinyrenykre. Iwese, Waha, kai waki atxiteri wesemy tule aki watzireri wesemy tiiboho iny-ki roirekre. Tai bede iny mahãdu rityhynykre ateõdÿÿna watzireri urenana. ²² Kai loosõna wadee tadiwahinyte, tahe tamyreny rewahinyre. Tiiboho sohojihyy weselemy roirekremy, iwese iny sohojihyy rare wesemy. ²³ Jiarÿ taireny wãhãre, kai waki ahãte. Tai tahe inyboho butuhyymy rokoirekre. Wii riõbitinymyhÿrenykre. Tai bede mahãdu rierykre tadiwateõnyteki. Tule wamahãdu luu tate urenana Waha, iwese waluure wese. ²⁴ Waha, titxibo ararekre, tiiboho wawanahyymy roirekre, wamahãdumy wadee tewahinyteki. Tai tiiboho waloosõnamy robikre. Kai dori bede ihokõule waluure, tahe loosõna wadee tewahinyte. ²⁵ Waha õbiti, bede mahãdu araeryõre Jesuisi tahe araeryre. Wamahãdu tule rieryre tadiwateõnyte. ²⁶ Jiarÿ tiiboho reerynanyre ani-di. Ihãre ta arierynanykre. Tai aluuna iwese waki ratxireri wesemy taireny rarekre, tule jiarÿ taireny ararekre.

18

¹ Jesuisi rexitõenymy rahudi tahe roirenyre taerydÿÿna mahãdu-wana Cedrõ beãwe-ribi kowa ijã-õ heka reurõreny, tahe bederaty oworuro-õ

rirõnyrenyrene. ² Judasi heka Jesuisi tyhedÿÿdu heka ibede rierye, Jesuisi dori taerydÿÿna mahãdu-di tamy rahyymyhÿre. ³ Tahe Judasi, soldado mahãduõ tadinodu-wana ributunyrene. Fariseu mahãdu-ribi xiwena wedu wahidÿÿdu-ribi Judasi soldado yrubudÿÿdu mahãdu rihitxinyrene tule xiwena deõdu mahãduõ rihitxinyrene tii-wana rakemy roirenyrene. Tahe tamy ritehemynyrenyrene tõbõra heõty-wana. ⁴ Jesuisi rexierye ibutumy aõmybo tamy kodotÿÿnykre. Tahe iny mahãdu-õ rexidorunyrene. Tahe rÿÿraxire tamy: —Mowe teijetenyteri. ⁵ Tahe dirawyõnyde: —Jesuisi Nazare hãwã ludu rejjereri. Tahe Jesuisi rarybere: —Jiarÿ wa tiile rare. Tahe Judasi ityhedÿÿdu tii mahãdu wanale nade. ⁶ Jesuisi tamyreny rarybereu, tahe rexilõhõrarienyrene iribi, tahe suõle reserenyrene. ⁷ Ixityre Jesuisi tamy rÿÿraxire: —Mowe teijeteri. ⁸ —Jesuisi Nazare hãwã ludu, tiiboho dirawyõnyde. —Rarybera tahe jiarÿ raremy wahe. Tiwaijeteri-wana tahe biwadyke urile ixinamy waijoi rirahuke. ⁹ Kawesemy wahe irybe hitxina wadee tewahinyteõ heka tiu reõnonyõhywãhãre. Jesuisi, kiamy rarybere tamyreny irybe hitxina wesemy ibutumy tuu rotÿÿnykremy. ¹⁰ Tahe Pedro tamaydese ritamy reare tahe xiwena wedu deõdu riwõtõmonyrene. Malõõ heka inire. Pedro Malõõ nohõti riorore ruruwe-ribi ludu wahe. ¹¹ Jesuisi rarybere Pedro-õ: —Amaydese birutyke. Jiarÿ Waha deewimy aõhebo arotÿÿnykrekõ aõbo wadi tahõtinyteri. Aõhõkÿmy arotÿÿnyõkemy aõbo wadi tahõtinyteri.

¹² Tahe soldadu, tadinodu-wana, judeu yrubudÿÿdu-wana Jesuisi rimyre ritaataamy ridyre. ¹³ Kia beõra Kaifa xiwena wedu tyhy rare. Anasi iriõre labie rare. Tai tahe juhoo Ana-õ ridyre. ¹⁴ Kaifa tahe juhoo judeu mahãdu-õ rarybere: —Wiji beõramy hãbuõ iny mahãdu õraru-ki rurukremy rahõtinyteri.

¹⁵ Simaõ Pedro inyõ-wana rare Jesuisi hewomy. Kia Pedro-wana rare, kia xiwena wedutyhy eryna rare. Tai tahe ralore õtity ijõrore-di. ¹⁶ Pedro tahe ahanakile rÿire. Kia Pedro-wana rare. Rohonyrene hetowo-ribi hetoijõ-di itxeredu-õ rarybere, tahe Pedro ridyre hetowo-õ. ¹⁷ Kia ijadõma, heto ijõ-di itxeredu rarybere Pedro-õ: —Kai Jesuisi erydÿÿkÿna mahãdunokõ anobo tate. Tahe Pedro dirawyõnyde: —Aõkõre. ¹⁸ Tahe soldado yrubudÿÿdu tai rahetõmy rÿimyhÿ, heto ludu deõdu mahãdu-wana txutãta riki. Pedro iyrenyke rÿimyhÿ rahetõmy.

¹⁹ Tahe xiwena wedu tahe Jesuisi-õ rÿÿraxire. Aõhebohe aerydÿÿna mahãdu-wana tadotÿÿnymahãte. Timybohe tebedeerynymahãte. ²⁰ Tahe Jesuisi ritÿÿnyrene: —Ibutumy inyko relyymahãre iwasimy aõkõ heka relyymahãre. Judeu dohodÿÿna hetokile relyymahãre Deuxu dohodÿÿna heto-wana. Titxibo judeu mahãdu ributunymyhÿremy relyywãhãre. ²¹ Tai aõherekibo wadee tÿÿraxiteri. Myÿraxike wadee ijohonadu-õ. Tiiboho ka rieryrenyrene aõmybo rarybere. ²² Jesuisi kia rarybereu, soldadu itxereduõ rihetenyrene. Tahe rarybere: —Tu heka rybeõmyke xiwena wedutyhy-õ. ²³ Jesuisi dirawyõnyde: —Jiarÿ ibinamy aõmybo rarybera-wana, manarybeke tuu. Aõkõkeki, awimy rarybera-wana aõherekibo tiwahetenyrene. ²⁴ Anasi tahe Jesuisi ridykemy riteõnyrene tataanadihyyle Kaifa-õ, xiwena wedutyhy wahe.

²⁵ Kowa tahe Simaõ Pedro ratximyhÿre rahetõmy rÿimyhÿ. Inyõ rÿÿraxire: —Kai aõbo ierydÿÿna mahãduõ tate. Tahe rexitxionyrene. Jiarÿ ijõ aõkõ rare. ²⁶ Xiwena wedu deõdu Pedro-õ rÿÿraxire: —Tii heka Pedro ritõhõtiorore ijoiõ rare. Tahe tamy rarybere: —Umy taheka rabire

tii-wana bederaty oworuro-ki atximahã-ò. ²⁷ Pedro ixityre rexitxiõnyre. Aõwesele tahe hãnie hãbu robure.

²⁸ Idi tahe Kaifa heto-ribi Jesuisi ridyrenyre ywisidỹna-ò bede dinodu heto-ò rudiulere. Tiiboho rirõnyõhyyre brebuna-di rexisunyrenyheny. Rirõnyrenykeki, tahe Pascoa worana bedehesi rỹsỹnaõ rirỹsỹõtyhy. Tii-boho dori rõhõtinyre rirõnykeki, brebuna raremy. ²⁹ Tahe Pilato rõhõnyre tamy rarybekremy: —Tahe Jesuisimy tamy rỹỹraxire kia hãbumy terajuatenyteri aõhebohe rotỹỹnyra. ³⁰ Tahe dirawyõnyde: —Aõbibina binamy rotỹỹnykõhyyra wana inihe aridyrenyõhyreri. ³¹ Tahe Pilato rirawyõnyre: —Bidyke abede ywina rybe-di biywinyke. Tahe judeu mahãdu rarybere: —Wabede ywina rybe warubudỹỹmy rybe aõkõ rare. Inyõ heka arirubunyrenyõtyhy. ³² Kia rybe tahe Jesuisi rybe wesemy rare. Tii dori iximy rarybere timybo rurukremy. Tai timybo irybe hitxina wesemy raryberemy ibutumy rarekre.

³³ Ixityre Pilato ralore ywisidỹna-ò Jesuisi-ò rỹỹraxire: —Kai aõbo judeu mahãdu Iòlò tate. ³⁴ Jesuisi ritỹỹraxinyre: —Yĩraxina aõbo ahõrõ rare ada ijõ aõbo wamy kia rarybere. ³⁵ Tahe Pilato rarybere: —Jiarỹ wa judeu mahãdu aõkõ wãhãre. Aõbinatyhymy aõbo he tewinyte. Judeu mahãdu wadee tiwadyte. ³⁶ Jesuisi dirawyõnyde: —Waiòlõna hãwã bede ludu aõkõ rare. Waiòlõna kaki ratxikeki wamahãdu wadee raaõbinanyke. Tai tahe judeu mahãdu-ò riwawahinykemy aõkõ watxiwãhãre. Tahe aõkõre kabede ludu aõkõ Waiòlõna rare. ³⁷ Pilato tahe rarybere: —Kai aõbo inatyhy iòlõmy tate. Tahe Jesuisi dirawyõnyde: —Kai ka wamy tarybeta. Kia-ò uludumy anade. Kia-ò anade, inatyhynamy arelyykemy. Inyõ inatyhynamy luukeki warybe-ò roholamyhỹre. ³⁸ Tahe Pilato rỹỹraxire: —Aõbo inatyhyna rare. Ta rybe rahudi tahe judeu mahãdu-ò rarybekemy rare. Tiu kỹny kahãbu-ki aõ ibinamy tai rahaõhyyra. ³⁹ Inyõ ariteõnykemy watxireri kaiboho wadi tõhõtinyhytyenyteri ka woranabedehesi-ki. Tahe judeu Iòlò aõbohe ka ribi ariteõnykre ywihyule. ⁴⁰ Tahe ixityre ibutumy ryryrenyre: —Kia hãbu aõkõre, Baraba biteõnyke (Baraba heka hãbu debore wasidu rare.)

19

¹ Idi tahe Pilato Jesuisimy rerotiyhyta-di raðhòtekremy soldado mahãdu riteranyre. ² Soldado mahãdu edehékỹ rataanadile ira-ò ritidire, iumy tahe tylỹrehékỹ-di rityynyre iòlõtyywesekemy. ³ Tamy rehemynymyhỹre: —Aõherebo iòlõtýhy wesena, tahe rihetenyrenyre. ⁴ Pilato tahe ixityre rõhõnymy iny-ò rarybekemy: —Ixityresỹ adeereny redyreri. Bierybenyke. Aõ heka tai ibinaõhyymy idi retehewãhãre. ⁵ Tahe Jesuisi rõhõnyre ede rataana-di tylỹrehékỹ-di. Tahe Pilato tamy rarybere: —Kakỹnyhe tiire. ⁶ Tahe xiwena wedu mahãdu, yrubudỹỹdu mahãdu tuu robireu, ryryrenyre birubunybenyke, itxeð dee bitamadỹỹnyke. Pilato rarybere: —Kaibohole itxeð-di bitamadỹỹnybenyke. Jiarỹ tahe tai ibinamy aõki rahaõhyymahãre. ⁷ Tahe judeu mahãdu rarybere: —Jiarỹboho kỹny wabede ywina renydire. Rurukemy heka tuu bede ywina roireri, tii dori Deuxu Riõremy rexininimyhỹre. ⁸ Pilato kia-ò roholareu tahe, ruberutyhyre. ⁹ Ixityre ralore ywisidỹna heto-ò: —Rarybere Jesuisi-ò, tiri bi wexe tanate. Jesuisi rirawyõnyõhyyre. ¹⁰ Tahe Pilato rarybere: —Bidiwarawyõnyõkre aõbo. Jiarỹ warurudire anarubunyke aõbo ada arateõnyke aõbo. ¹¹ Jesuisi rirawyõnyre: —Aruru-di aõkõ tate. Deuxu

kidiwahinykekile tahe biwateõnyke ada biwarubunyke. Tai tahe adee wawahidỹydu aratyre iõraru dire. ¹² Tai tahe Pilato iteõdỹyru rurure. Tahe judeu mahãdu tamy rryyre: —Kai biteõnykeki tahe, Iòlò Cesar biõwa aõkõ tate. ¹³ Kiarybe-õ Pilato roholareu tahe, Jesuisi diòlòdỹynde ahana-õ. Pilato tahe ywisidỹyna ryna-õ rexisỹnyre. Kia ubeni heka Rirana Ijãti inire. Tahe judeu rybe-ki heka Kabata inire. ¹⁴ Pascoa worana bedehesitxu sexta feira rỹire. Txutyre iòhõmy tahe bede rỹire. Tahe Pilato rarybere judeu mahãdu-õ: —Betehebenyke aiòlõreny-õ. ¹⁵ Tahe tiiboho rryryreny. Bidybenyke! Itxeõnihikỹ-õ birubunybenyke. Pilato tahe tamy rarybere: —Aiòlò aõbo, birubunybeny. Tahe xiwena wedu rirawyõnyre: —Iny iòlõreny sohojile wa rare: —Cesar heka inire. ¹⁶ Tahe Pilato Jesuisi tamyreny riwahinyre rirubunyrenykemy.

¹⁷ Tiiboho heka Jesuisi ridyreny. Iitxeò tamy riwahinyre idi retyykremy. Tahe Kalvariu-õ idi ridymy rare. Kalvariu heka Kòkòta inire judeu rybe-ki. ¹⁸ Tai itxeò nihikỹ dee ritamadỹyryre ijõ hãbu inatxiõ-wana Jesuisi itxeõnihikỹ itya-ki rỹire. Hãbu wiò wiõmy idi rỹire. ¹⁹ Pilato riritinyre ritidỹyna-õ Jesuisi tyre-õ ritidire. Kawesemy ritidỹyna roire: —JESUISI, NAZARE HÃWÃ LUDU, JUDEU MAHÃDU IÒLÒ. ²⁰ Hãwã-ribi ireheriõremy roire. Tai tahe sõwemy judeu mahãdu tuu robire iritidỹynamy. Inataõ rybemy wixira riti heka inataõmy roire. Judeu rybe ijõre, latim rybe ijõre, grego rybe ijõre. ²¹ Judeu xiwena wedu mahãdu Pilato-õ rarybere: —Judeu mahãdu Iòlò rarybere: —Iritidỹyõmyke wa. Kawesemy biritinyke: —Tii rarybere judeu mahãdu Iòlò raremy. ²² Tahe Pilato dirawyõnyde: —Iwese reritinyre wesemy rarehykre.

²³ Soldado Jesuisi itxeõnihikỹ-õ ritamadỹyrymy rahudi tahe, ityy ritxuatxuakremy diwyde. Inaubiõwa heka riywinyra. Wirarea riwykremy soldado mahãdu idi rỹireri. Iyhyitxena tahe iretydyna-di aõkõ rare. ²⁴ Tahe ijõ widee rarybere: —Iyreyredỹyrenyõmyke wa urile ta idi rikihurenkyre mobo ritakremy. Kia ryberiti-ki tuhyy roire: —Watyy ritxuatxuaire ijõ yre wimy riywinyreny. Tule wayhyitxena tyre-ki rehurenkyre mobo ritakremy. Tahe iwese Tyyriti rarybere wese, soldadu mahãdu ibutumy aõhebo risỹnyre.

²⁵ Inaubiõwa hãwyy retehemy rỹimyhỹ Jesuisi itxeõnihikỹ iòhõmy. Jesuisise taseriõre-wana, Marie Madalena ijõre, Klopa hãwyy ijõre. ²⁶ Jesuisi tadimy robireu, Joaõ, taerydỹyna luunadu bire-ki, tahe rarybere: —Nadi beteheke wa kowa ariõre rare. ²⁷ Tahe Joaõ-õ rarybere: —Kaa adi rare. Ierydỹyna Joaõ tahe ridyre taheto-õ tai rasỹnykemy.

²⁸ Jesuisi tahe rieryre ibutumy rexihuramy tahe rarybere: —Ariõkemy watxireri. Kaimy heka rarybere aõbo Ritidỹyna-ki roire riwinykemy. ²⁹ Tai tahe vñ mona silỹnyhỹkỹ-ki raharenkyre. Tahe Jesuisi-õ iwereheni wese-õ rituunymy idi riteõnyre iry-õ teõdimy. ³⁰ Jesuisi tuu riõre idi tahe rarybere: —Ibutumy Waha aõmysỹdỹyna rexihumy roire. Tahe ròtiòrõmy resere iule ta rurure.

³¹ Kia sabadotxu heka worana bedehesitxu nihikỹõ rare, brebuna rare. Tai tahe hãbu rubu itxeò-ki ririkõkemy tuu rarybemyhỹre. Tai Pilato-õ judeu mahãdu rexitõreny hãbuti riòrõmy riteõnykemy, itxeò-ribi ritakremy. ³² Tahe soldado mahãdu hãbuti wiõle riorore. ³³ Jesuisi tahe rurumy roireki iti riòrõre. ³⁴ Soldadoõ tahe Jesuisi-ki rojyre iweki tahe hãlubule rohonyre bewana. ³⁵ Kia tuu rabire tahe òbitumy tuu jiarỹ

rarybere, Joaõ wahe. Waritidỹỹna inatyhy raremy, reeryre. Kaiboho bityhynybenykemy, adireny watxireri. ³⁶ Kaheka ibutumy iritina het-xina tuu rarybere heka ibutumy tuu rotỹỹre. Kia wesemy roire: —Iti riõrõõkre, sohoji aõkõ. ³⁷ Ijõ iritinaõ kawesemy roire:

—Rirorenykre tõnori-di idi reteherenykre tamy.

³⁸ Jyje heka Arimatea hãwã luduõ rare. Idi tahe tii Pilato-ò rex-itõdenyre Jesuisi umy myrituunykremy. Tii heka Jesuisi heluduõ rare. Judeu mahãdu lau ruberumyhyỹ tai Pilato-ò rare wasimy. ³⁹ Pilato tahe awiremy rarybere. Tahe Jesuisi umy riwyre. Nikodema tule rare Jyje-wana. Tii juhule rummy Jesuisi-wana widee raryberele rare. Tii õwõrutyby õwõruõbru-wana aderõna wesemy diwyde sõwemy, 45 urihix-inamy riutxienanyre. ⁴⁰ Tahe Jesuisi umy tyky jurarehe-wana ritỹtenyre aderõna wanahyye. Kawesemy dori judeu mahãdu iny rituunymyhyỹre. ⁴¹ Itxeõalamana-ribi bederaty oworu iõhõmy roire. Ityi-ki tahe wabede tamyra roire. Mana hãloo rỹire tai heka moo rawabedenyõhyyre. ⁴² Tai tahe rawabedenyre iõhõreki, tule judeu worana bedehesina txumy roireki.

20

¹ Semana juhu ludu txu Marie Madalena rehemynyre wabede-ò, rudile wahe. Mana ijõtõbõna iraylemy rỹiremy idi retehere. ² Tahe rajaranyre Simaõ Pedro-ò, ijõ Jesuisi luunaduõ wahe, Joaõ-ò, jiarỹle wahe. Tahe wadeereny rarybere: —Wahĩ tahe hãlokowoku-ribi ritakarenyra. Titxibo ritidira, rekerykõre. ³ Pedro tahe rõhõnyre, Joaõ-wana wabede-ò roire. ⁴ Wiwana rajaranyre tahe jiarỹ Pedro ratyre rajaranyre tamy. Jiarỹle heka juhu tamy rehemynyre. ⁵ Tahe rawebesere iwo-ò itxeremy. Irahanalemy rabire. Ta ralõõhyyre tamy. ⁶ Idi Pedro rehemynyre ralore tamy. Tule irahanamy robire. ⁷ Jesuisi rati rasirahana rihitxinymy roire ixiwanale. ⁸ Tahe jiarỹ juhu rehemynyre tahe Pedro hewomy ralore. Tuu robire, retyhynyre. ⁹ Tiiboho dori ritina rieryrenyre ihãre tahe rierytyhykõlerenyre. Jesuisi rubu-ribi rexiixixanykemy ritina roire. Tii tahe rierytyhykõlerenyre. Tahe wiji rieryrenyra. ¹⁰ Tahe ixiby raõkeserenyre inyhetoreny-ò.

¹¹⁻¹² Marie tahe robumy wabede-ribi iõhõmy rỹire. Rawebesere tahe wabedewo-ò itxeremy. Inatxi jỹjummy robire iwo-ki itykyuramy roimyhỹ. Ijõ heka rỹmy rononymhỹ Jesuisi ratiherina tyre-ki. Ijõ tahe iwaherina-ki rononymhỹ. Jesuisi umy tahe iõre. ¹³ Tahe jỹju Marie-ò rỹỹraxire: —Hãwyy, aõherekibo tabureri. Rirawyõnyre: —Wahĩ kumy dokuri riwumy ramyhỹre. Rekerykõre titxibo ritidira. ¹⁴ Iu rarybereu tahe tahewoõle roosere. Jesusimy robire rỹimyhỹõ. Tii heka rieryõhyymyhỹ tii Jesuisi raremy. ¹⁵ Tahe Jesuisi rỹỹraxire: —Hãwyy aõmybo tabuteri, mobo teijeteri. Bederaty oworu ywidỹỹdu raremy heka tii rõhõtynyre: —Tahe dirawyõnyde: —Wahĩ, kai anobo karibi tetakata-wana wakoku tuu belykyke. Tahe jikarỹ karikorykremy. ¹⁶ Tahe Jesuisi tamy ryryre: —Marie! Marie rokesemy reare rijjemy: —Wahĩ, erydỹkỹdu! (Tii hebraika rybe tuu rarybere: —Raboni, wahe.) ¹⁷ Jesuisi rarybere tamy: —Waroorehedỹỹõmyke wa. Waha-ò dori raõlemy wãhãre tahe arakre. Kai tyhydỹỹdu seriõre-ò makre tamy rybemy. Jesuisi rarybere kawesemy: —Arakre inytybyreny-ò, iny Deuxuren-ò. ¹⁸ Idi tahe rarybere erydỹỹna

mahãdu-ò Wanyrÿmy rabira. Marie Madalena relyyre timybo raryberamy.

¹⁹ Semana juhu ludu txuu, txioromy heka Jesuisi erydÿÿna mahãdu wii ributunymy rÿimyhÿ hetowoõ-ki. Ibutumy ijò ritòbòtòbònyra judeu mahãdu lau brebumy. Jesuisi tahe nade iyreny-ò rexitÿnynyre. Rarybere: —Ywina araykywo-ki atxikemy idi watzireri. ²⁰ Kia rarybereu tahe tebò rurena riteòsinyre, tawerurena tule riteòsinyre tamy. Iule tahe reysarenyre Jesuisimy robireki wahe. ²¹ Ixyby tamy Jesuisi rarybere: —Ywina araykywo-ki rarekemy idi watzireri. Iwese Waha diwateònyde wese tule arateònykre. ²² Iu tahe ribunymy rarybere: —Deuxu Tyytybytyhy tetateri. ²³ Inyòrarunaõ biixãwididÿÿnykeki tule kia òraruna ariixãwidinyke. Tule aõkòkeki, ijò òraruna biixãwididÿÿnyòkeki, kia tule ariixãwididÿÿnyòke.

²⁴ Tome (Inatxina iniòre) tii waòinatxi reurò mahãduõ rare, tahe tairenyòre heka Jesuisi nadeu. ²⁵ Jesuisi erydÿÿnaõ rarybere: —Wanyrÿmy rabirenyra. Tahe Tome tamyreny rarybere: —Retyhynyòre kÿnyhe.

²⁶ Semana sohoji bededÿÿnanamy idi rÿire, ixyby wii ributunyre Jesuisi erydÿÿna mahãdu. Iu tahe Tome tii mahãdu-wana ratximyhÿ. Ijò ritòbòtòbònymy rÿimyhÿ. Tahe Jesuisi nade iyreny-ò. Tamyreny rarybere: —Ywina-di araykywo-ki atxikemy idi watzireri. ²⁷ Tahe Jesuisi Tome-ò rarybere: —Betehe inihe wadebòrurena-ò ebò inihe tamy biditidike. Tule wawerurena-ò ebò biditidikre. Itxiòdÿÿòmyke wa, bityhynyke. ²⁸ Tome tai dirawyònyde: —Wanyrÿ, waDeuxu. ²⁹ Tahe Jesuisi rarybere: —Tome, kai aõbo biwatyhynykre wamy tabiterikile. Sòwemy deysana inyò kanakemy wãhare tiiboho dori wamy robiòre hàrele riwatyhynrenyre.

³⁰ Jesuisi heka sòwemy aõwiihikÿbo riwinyre. Ierydÿÿna mahãdu heka kia aõmybo robire. Kia aõmydÿÿnana heka ihoòre kaki iritina-ki. ³¹ Kaa ritidÿÿna reritinyre Jesuisi Kristumy rare. Deuxu deòdÿÿna rare. Kia bityhynybenykemy wahe, Deuxu Riòre wahe tetyhynyteri-wana tahe umytedeòna bitakre, ini òraru-ki wahe.

21

¹ Iribi tahe Jesuisi rexitÿnynyre Tiberiade ahohokÿ ijà-ki. Kia wese-myre heka. ² Ibutumy heka juhu rÿimyhÿ: —Simaõ Pedro, Tome Didimo iniòre, Natanaeli. Tii Kana hãwã ludu rare, Kalileia bedeki. Zebedeu riòreboho ijòre, inatxi Jesuisi ierydÿÿnaõ ijòre. Rarekie. ³ Tahe Simaõ Pedro rarybere tamyreny: —Rià teredÿÿmy arakre. Imahãdu rarybere: —Jiarÿboho aroirenykre ahemy. Tahe roirenyre hãwò-di. Aòhomy aõkò ruu idireny nade. ⁴ Tahe bedeki ratÿnyrau heki Jesuisi ÿnyrakile ratximyhÿ. Ierydÿÿna mahãdu tahe rieryòhyymyhÿre. ⁵ Jesuisi ryryre tamyreny rÿÿraxire: —Ijoi moõ rokoreny. Utura aõbo temytenyta? Rirawyònyre: —Aõkòre wa. ⁶ Kaiboho biterebenyke rurunawe-ribi taita bimibenykre. Tahe riterenyre sòwemy rautxienyre irià heka ritusinyòhyymyhÿrenyre utura sòwerekiki. ⁷ Kia ierydÿÿnaõ Jesuisi luunaduõ rare jiarÿ, Joaõ wahe. Jiarÿ tahe Pedro-ò rarybere: —Inynyrÿle wa rare. Pedro Jesuisi raramy roholareu, tatytytaxetyamy ritaamy tamy resere, tade hekÿlemy rareki. Tahe resere bera-txi tamy rakremy. ⁸ Ijoi mahãdu rià-di narurunymy nade utura sòwerekiki. Tahe 100 urihixinamy ÿnyra-ribi ratximyhÿreny.

⁹ Ýnyra-ò rejuxunyreu tahe, robirenyre heòtymy obiurawo-ki. Orotxu tule tai rýire. ¹⁰ Jesuisi tamy rarybere: —Uturaõ bidiwybedenyke wiji temytenytaõ. Simaõ Pedro hãworobile rià-di rarurunyre. Sõwemy heka tai utura nihiký rýimyhý, 153 wahe. Ihãre tahe rià raòròðhyre. ¹¹ Tahe Jesuisi rarybere: —Manake hewa biroxibenyke. ¹² Ibutumy ierydýýna mahãdu rieryre tii inynyrýreny raremy. Tai tahe inyõ rýýraxiõhyre: —Mobo tii raremy. ¹³ Tahe Jesuisi orotxu rinyre. Tamy riwahinyre. Ixiyrubule utura tamy riwahinyre. ¹⁴ Kia tahe ihewotyhymy Jesuisi rexideòsinyre taerydýýna mahãdu-ò, rubu-ribi dexixade hewomy wahe.

¹⁵ Riroximy rahudi tahe Jesuisi Pedro-ò rýýraxire: —Simaõ, Joaõ riòre, kahãbu mahãdu waluure. Kai tahe iratyre aõbo waluure. Tii rirawyònyre: —Kai tiwaeryte, aluure. Tahe Jesuisi rarybere: —Wabudoeni riòre bidiòwenyke. ¹⁶ Ixityre rýýraxire: —Simaõ, Joaõ riòre, kai aõbo waluure. Tahe Pedro rirawyònyre: —Kohe, Wanyrý aluure jiarý, tiwaeryta. Tahe Jesuisi rarybere: —Bidyke wabudoeni biòwenykemy. ¹⁷ Ihewotyhymy tahe Jesuisi rýýraxire: —Simaõ, Joaõ riòre, kai aõbo waluure. Iu tahe Pedro rabadewomy ronyre, ixityremy rýýraxireki. Tahe dirawyònyde: —Wanyrý, ibutumy teeryte aõna aõna. Aluure heka, tiwaeryta. Tahe Jesuisi rarybere: Wabudoeni biòwenyke. ¹⁸ Inatyhymy adee ararybekre. Iu ijoi moròkõmy tatemahãu, ixiwanale texityynmahãte ixidee wimy titxibo tamahãte. Iu tahe mamatuarinykre inywitxira aratyynykre, Ebò biteòsinykre iny arataataanykre tahe inyõ aradykre titxibo noderamy beakreò. ¹⁹ Kiamy heka Jesuisi rarybere ritýnynykremy timybo Pedro rubu-ò rýikremy. Tai Deuxu riwowydynykre. Idi tahe Jesuisi rarybere: —Biwaheludunyke wa. ²⁰ Tahe Pedro retehere Joaõ Jesuisi hemy rarerio, Joaõ Jesuisi luumy raremyhý. Joaõ ihetxiu Jesuisi-ò iòhòmý rýýraxire jiarý wahe: —Mobo iwahisidýýdukremy, ihewo ludu roxina rýireu. ²¹ Tahe Pedro Joaõmy robireu, rýýraxire Jesuisi-ò Joaõmy. Aõbo he tamy rotýýnykre. ²² Tahe Jesuisi rirawyònyre: —Tii rurukõlemy adòòsekemy idi watxikeki, timybo tahòtinyte. Adee tahe biwaheludunyekile awike. ²³ Ierydýýna mahãdu rarybemy raremyhý: —Kiamy wahe Joaõ rurukõlemy Jesuisi rarybere. Tahe kiamy aõkõ Jesuisi rarybere. Jesuisi juhoo rarybere: —Tii rurukõle adoosekre-wana, timybo tahòtinytenyteri.

²⁴ Jiarý tahe kia aõmydýýnanamy relymahãre, Joaõ wahe, reritynmahãre. Inatyhymy kia tuu rare, jiarý tuu relymahãre.

²⁵ Sõwemy aõmydýýnanamy tahe Jesuisi riwinyre. Inyõ ibutumy riritinykeki, iritina heka bede ritýxinykre tyyriti sõwekre-wana.

Aõhebo Rotÿÿnyre Aõhebo Rotÿÿnyre Jesuisi Erydÿÿna Mahãdu

¹ Juhuu adee ratyritinyreu, Teòfilo, relyyre ibutumy Jesuisi aõbo riwinyré, aõmybo bedede riernanyrémy. ² Deuxu Tyytybytyhy bedede erydÿÿnamy taerydÿÿna woludu mahãdu riernanyre. Tahe taerydÿÿna mahãdu-ò bedede ywina riwahinyre. Iribi tahe Jesuisi ròsere biu-ò. Kia ibutumy juhUU adee relyyre. ³ Iribi itxeònihikÿ-ki rurureu, taerydÿÿna woludu mahãdu-ò rexitÿnyre hãbu irudilemy. Tamyreny rexiðsinyre sòwetxu-di rulemy ratximyhÿmy. Inatyhy wa warybetyhy rare, tamyreny rarybere. Rexitÿnyre, tamyreny riernanyre Deuxu Iòlònamy. Txuò txuðlemy iny inatxiwaitue txumy riernanyre. ⁴ Tiiboho-wana riroximy raremyhÿu, Jesuisi tamyreny rarybere: — Uritere Jerusalè-ribi ixtarasarenyðmy. Urile Deuxu Tyytybytyhy awo-ò kanakre xiery, Jerusalè-ribi boibenye. Deuxu rarybere Tattytybytyhy kiditeònykremy. Tule juhUU Jesuisi kia rarybere. ⁵ Deuxu Tyytybytyhy aworeny-ò kanalokre. Kia ratisebenað wesele rare, Deuxu Tyytybytyhy ratisebena. Iwese Joað juhUU bero-ki iny risebenyere wese, kia rare. Kia-txu tahe, iòhòmy roire.

⁶ Tahe, juhUU ibutumy wirotynyre, Jesuisi dee rÿÿraxirenyre: —Wanyrÿ, kai aõbo wiji iny Iòlòreny bediwahinyleke inywedureny wesemy ixyby ronykemy. ⁷ Tahe Jesuisi dirawyònyde: —Waha-ki ywisidÿÿnatxu doimyhÿde. Tiile rierymyhÿre. Kai aòkòhyykre. ⁸ Tahe Deuxu Tyytybytyhy aworeny-ò kanalokre, rurunatyhy arayky-ò bitabenyke. Kia tahe warubu-ribi waixixanamy belyykre ibutumy Jerusalè hãwã mahãdu-ò, Judeia hãwã bedede mahãdu-ò, Samaria hãwã bedede mahãdu-ò, iribi tahe ibutumy bedekonana bedede iny-ò. ⁹ Tarybe rahudi tahe Jesuisi ixihyy rexidymy raòwònyre biu-txi. Iðre biuwetyky-txi. Tiiboho rarirenyre bedede-ribi idi reteherenyre. ¹⁰ Idi retehemyhÿ iòtududÿÿtyhymy. Inatxi hãbumy ity uramy aòwesele rÿimy reamyhÿre hãbu mahãduko-txi. ¹¹ Tahe tiiboho raryberenyre: —Hãbu, Kalileia bedede mahãdu, itxereðmahãbenye. Jesuisi ka ramyramyhÿre biu-ò, Deuxu sÿ-ò. Iwese rarawesele ka ixyby kòðððsekre.

¹² Jesuisi erydÿÿna mahãdu ratximyhÿreny Oliveira òwòruraty hãwãlò-ki. Tahe dòðsedenyde Jerusalè hãwã-ò. Jerusalè rehe iribi doide sohoji urihixina rehemymy rinyðlemy. ¹³ Tahe wii rotyreny rorukure ixitòedÿÿmy hetoratyawo-ki. Kahekani-di rirana rarekre tai rÿimyhÿreny: Pedro, Joað, Txiau, Andre, Filipi, Tome, Bartolomeu, Mateu, ijò Txiau (tii Afeu riðre rare), Simað Zelòte, Judasi (ijò Txiau iwitxira, kia riðre rare). ¹⁴ Ijò iny tule tai rononymhÿ, Jesuisise, hãwyy ijò rononymhÿ, Jesuisi seriðre mahãdu tule rorukumyhÿreny. Ibutumy rexitòenymyhÿreny wiwese wiweselemy ròhòtinymyhÿreny.

¹⁵⁻¹⁶ Ijò txubiðwamy 120 inymy wii ributunyre ixybyle. Tahe Pedro rÿire kiamy tamyreny rarybere: —Waityhydÿÿdu seriðre mahãdu, iwese Judasi aõhebo rotÿÿnyre wesemy Davi tyritinamy roimyhÿre. Kiamy wahe: —Jesuisi taòluduboho-ò ròhònyre, Judasi tiiboho riwiðhenanyre. Iwese ka tyritina-ki roire wesele, inatyhymy ibutumy rotÿÿnyre. ¹⁷ Judasi inybohoðmy raremyhÿ. Tii nieruò ritare Jesuisi òludu-ribi

tamyreny ridyrekí. Tahe kia nieru-di subutebedeõ riwyre. ¹⁸ Tahe idi Judasi rexibõtõtáara. Idi tahe tasubute bedero-txi taratytihiikÿle-ribi resere. Tahe iumy ruare iwona rejuxunyre. ¹⁹ Iribi ijyy heka ibutumy Jerusalê mahádu-ò tuu ijyy rÿire. Tahe kia subutebede rininirenyre hálubu bederomy. ²⁰ Iòlò Davi kia wese riritinyre tawiunatyriti-ki:

—Ixinamy iheto rÿike, inyõ taisÿõmy.

Ijõ:

—Inywitziraõ teròwomy tai rarekre iaõmysÿdÿÿna rimykremy.

²¹⁻²² Inyõ tahe teròwomy iaõmysÿdÿÿna rimykremy. Tule rikimyrenyke Jesuisi ixixanamy ijyyduõ inywanahyy rybe ritÿÿnynekemy. Inyõ Jesuisi sebedÿÿna-di itxereduõ rikimyrenykre, inyõ tuu robire Jesuisi nonanamy tule rikimyrenyke. ²³ Tahe inatxi hãbumy ritarenyre: Jyje (Basaba inire) Justu iniòrysna rare, ijõ hãbu tahe Matxia rare. ²⁴ Iribi tahe rexitòenyre: —Kiamy heka Deuxu dee raryberenyre:

Kai Wanynyrÿreny, ibutumy inyrayky teeryte, Deuxu. Biteòsinyke tibo rikitarenykemy.

²⁵ Tii ritÿÿxinykre ixihyummy ratximyhÿre mahádu. Judasi deròwomy rarekemy, Judasi dori iny-ribi ròhònyre taòrarunaòwydÿÿnamy rare aõhòkÿmy rotÿÿnynekemy. Tahe rare tiobo rareò. ²⁶ Wyhy raheto lisina wesemy idi rehure. Kiamy heka riwinyre tibo ròtakemy. Matxia tahe iribi ròtare. Tii tahe ralore waòsohoji reurò erydÿÿnaky-txi.

2

¹ Pentecostemy ninadu lisina kia txumy txuu rÿireu, ibutumy iny rorukurenyre tarynanakile. ² Aõwesele biu-ribi wodÿÿõ nade yhynihikÿwesele ibutumy heto-ò ralore tai rorukumyhÿrenyrewo-ò. ³ Heòty helÿÿresi wesemy nade. Iny sohoji sohoji tyre resere. ⁴ Ibutumy iny tykumy heka Deuxu Tyytybytyhy ralòmy rÿire. Ta raryberenyre iwitxira rybemy. Deuxu Tyytybytyhy tamy rybe riwahinyre wese tahe raryberenyre.

⁵ Deuxu dee òbitimy hãbu mahádu noduõ rasÿnymy raremyhÿ Jerusalê hãwã-ki. Judeu maháduò ihÿre. Ibutumy bede bede hãwã hãwã-ribi nade. ⁶ Kia-ò roholareu, wii ributunyre ijohonamy. Tahe rexieryòhykyre aõmybo ròhòtinyrè tahe widi bede riòtiinyre iny sohoji sohoji tarybe tarybeòlemy roholareki. ⁷ Urile bede riòtiinytyhyrenyre. Tahe raryberenyre deysana-di:

—Betehebeny iny, kowa rybedu Kalileia bede ludu mahádu ratxireri.

⁸ Timykibo iny ryberenymy rarybereri. Iny sohoji sohoji tarybeòle raholareri. ⁹⁻¹⁰ Kaheka inyboho bede bede ludu roire: Partia mahádu, Media mahádu, Elaõ mahádu, tule ka bede ludu mahádu: Mesopotamia, Judeia, Kapadosia, Ponto, Asia, Frigia, Panflia, Egito, Libia Sireni-wana iòhòre, Roma hãwã luduõ tule kaki ihÿre. ¹¹ Timybo inyrybereny witxira witxira-ò iny roholarenryeri. Deuxu rybemy rarybereri ibutumy inyryberenymy. Ibutumy inyboho: Judeu, Judeuerydÿÿna ityhydÿÿdu, tule Kreta mahádu, Arabia mahádu, Deuxu aõmydÿÿnana wihikÿ-ò raholarenryeri. ¹² Tahe bede riòtiinyrenyre. Rieryòrenyre aõbo rare. Tahe widee rÿÿraxirenyre iny sohoji sohoji-ò aõbo raremy. ¹³ Ijõ tahe tawobinarybe rarybere:

—Tiiboho rururenryeri, itxÿtemonamy riõreri.

14 Tahe Pedro rÿire waðsohoji erydÿÿna-di, tahe tii rexidelenyrene rarybekemy:

—Boholake inihe, ibutumy kaiboho, Judeia mahãdu, Jerusalë sÿludu-wana —kia bierybenykemy.

15 Inyõ rarybereri itxÿtemonamy riõrerimy. Tahe inatyhymy aõkõ rare. Txuu rati rariarerile heka rudiletÿhyre. 16 Joel juhUU Deuxu rybeduõ rare. Tii narybede wijitxumy. Tahe iwese tii rarybere wesele, wiji ratximyhÿre. Tii rarybere:

17 —Kiamy Deuxu rarybere:

—Ikonanatxuu watytybytyhyhykÿ aditeõnykre ibutumy inydee. Ariõreney, hãwyy hãbu-wana, warybe rierynanykre. Weryrybõ tahe matuari-wana rarasinytyhykre.

18 Ibutumy wadeõdu-ò, lerÿ, hãbu, ibutuwo-ò Deuxu Tyytybytyhy kanalokre. Tuu raryberenykre, ritÿnynyrenykre.

19 Aõ tÿmyra ariteõsinykre biu-ki, bede-ki. Hãlubu, heõty, worona-wana rõhõnykre.

20 Txuu heka ilybyhykÿlemy relekre. Ahãdu isõhõkÿlemy relekre. Iribi tahe Inynyrÿtxu-ò rehemynykre. Kia txu awimyy roikre. Inynyrÿ kõdõhõnykre.

21 Kia bedeu, inyõ Inynyrÿnimy rexitõenykeki, tii jiarÿ aritakre iõraru-ribi. Kia Deuxu rybe rare.

22 Judeu mahãdu, Israeli mahãdu, boholabenyke warybe-ò: Deuxu sõwemy aõna aõna wixira wixira-di, bedeõby-di riwahinyre. Inatyhymy Jesuisi Nazare hãwã ludu mahãduõ riteõsinyre. Inatyhymy rare. Kaiboho heka teerytenyte. 23 Kaiboho Jesuisi temyteu, Deuxu juhUU rimykre rierymyhÿre. Rexierymy rõhõtinyre kawesemy bede roimy rarekre. Kaiboho Jesuisi terubunytente. Kaiboho itxeõ nihikÿ-ki tetamadÿÿnytenyte hãbubina debõreny-di. 24 Tahe Deuxu ritare rubu-ribi riixixadÿÿnyre. Wabede Deuxu ribõhõnyre. Iribi Jesuisi riõlõdÿÿnyre. Rubu heto tii rimyõtyhy. 25 Davi juhUU rarybere iwese Jesuisi rarybekremy:

—Wanyrÿ wawana ratxireri, brebu-di watxiõkre. Tii riwawiohenanymyhÿre. Tai wawo deysana-di ritÿxinymyhÿre.

26 Wadõrõtõ wowydina tamy rewahinymyhÿre. Reerye ibutumy rubuhetowo-ki awityhymy wãhãré, iribi dori arõhõnykre.

27 Kai watytyby teriõte rubuheto-ki. Jiarÿ ariõre õbitityhy rare, tai waumyde rasunyõtyhy.

28 Kai tiwaeryte ibutumy umytÿmyra aõmydÿÿnana awana aratxikreu, deysana-di tÿximy biwasÿnykre.

[Kia ibutumy Jesuisi rarybekremy Davi rarybere.] 29 Pedro ijõ rarybemyhÿre: —Tahe kiamy heka mohõtinybenyke, Waseriõreboho. Davi heka aõ iximy aõkõ rarybereri. Tii tahe hãloowo-ò roire. Itityby heka kakile iny-wana ihÿre. 30 Tahe Davi Inynyrÿ derõwymy rybeduõ raremyhÿ. Deuxu inatyhyna rybe-di Davi-ò narybede. Kia tahe: Iriõre riõreõ bede dinodumy kodonykremy taiõlõ ryna-ki. Kia iõlõ Davi rierye.

31 Davi tahe Kristu ixixanamy juhUU narybede. Kristu umy dori rubu-ki rariõhyre. Iumyde rarõnyõre. 32 Jesuisi Kristu, Deuxu riixixanyre. Ibutumy inyboho tuu robirenyre. 33 Jesuisi ronymyhÿre Deuxu runawe-ribi. Iwese rarybere wese Deuxu Tatytybytyhy tamy diteõnyde. Tii adee diwyde. Kiamy tahe wiji tabitenyteri, taholatenyteri. 34 Davi raõwõnyõre biu-ò. Tahe kiamy rarybere:

Deuxu rarybere Inynyrÿ-ò:

—Bodonyke katxi warurunawe-ribi.

³⁵ Aòludu awarawo-ki arisÿnykre. Aòludu-di arehukre.

Kiamy tahe Deuxu Jesuisi-ò rarybere. ³⁶ Boholake judeu mahādu. Kaa inatyhy hyy rare. Itxeònihikÿ-ki Jesuisi terubunyenyte. Deuxu tahe Jesuisi ritidire ibutu-ò wedumy, ibutu-ò Kristumy, aõma, Deuxu deòdÿÿna.

³⁷ Tahe Pedro rybe-ki urile røhõtinyrenyre. Tai tahe Pedro-ò ijò erydÿÿna-ò rÿÿraxirenyre:

—Waseriòreboho, aõhebo rokotÿÿnyrenykre.

³⁸ Tahe Pedro dirawyònyde: —Bòòsebenyke aòrarureny-ribi ixiby Deuxu-ò. Idi tahe Jesuisini-di maratysebekemy aòraru ritakemy. Tai bimykre Deuxu Tyytybytyhy wahidÿÿna wesemy awo-ki rarekremy. ³⁹ Kristu juhuy rarybere:

—Ibutumy heka Deuxu Tyytybytyhy bimybennykre, ariòre rimykre, iny hāwā wixira ludu rimyke. Ibutumy Deuxu dee wimy tahe rimykre.

⁴⁰ Pedro relymy raremyhÿ. Tamyreny rarybere tarasamy roikemy:

—Iny bina binahakÿ-ribi bexitabenykre.

⁴¹ Kia rityhynyré heka tahe ratisebedumy roiremyhÿ. Ralore kiatrixu 3000 iny iòhòmy Jesuisi tyhydÿÿdu mahādu-ò. ⁴² Tahe Jesuisi erydÿÿna mahādu rierynanymyhyre, wii ributumy roiremyhÿ, paò ri-oroororeny wideereny: rexitòenymy roiremyhÿ.

⁴³ Iny sohoji sohoji bede riòtiinymy rabrebunmy hitxinymyhyre. Jesuisi erydÿÿna mahādu bededby sòwemy riwinymyhyre. Aõna aõna wiwihikÿmy riwinymyhyre. ⁴⁴ Ibutumy rityhynymyhyre mahādu, sòwemy wii riwiutyre. Ibutumy aõna aõna wimy riywinyre. ⁴⁵ Taaòmydÿÿna, tasu-wana idi rohonyre. Wimy tahe ritxuatxware. Ibutumy ityhydÿÿdu iaòkò mahādu dee riwahiriwahinyre. Inyò aõna aõna rauhenykeki, tamy riwahinyre. ⁴⁶ Deuxu dohodÿÿna heto-ki txuò txuòlemy wii ributumy. Tahe tota hetomy paò riyreiryrenyre. Riroxirenyre ibutumy teysarenymy wii wese røhõtinyrenyre. ⁴⁷ Tuu reàlarenyre Deuxumy. Ibutumy iny hāwāhākÿ mahādu awimy tai raharenyre. Deuxu rimyre txuò txuò lemy ralore mahādu kia ritakemy.

3

¹ Pedro, Joaõ-wana rare Deuxu dohodÿÿna heto-ò rexitòenykemy, inataò òra bedeu. ² Deuxu dohodÿÿna heto ijò inyò rininire, ijò ruxer-ahakÿ. Txuò txuòlemy hābu tibina ridyhyhyymy iny tamy reamyhyre. Tamy iny ralòmyhÿkeò tamy nierumy rexitòenykemy. Tii tuu hyy uladumy reareu ihyy itibinare. ³ Pedroboho rirònyrenyre, hābu tibina tuureny robire. Nierumy tahe tamyreny rexitòenyre. ⁴ Pedro juhu tamy rethere idi rarybere:

—Bedeteheke wadireny.

⁵ Tai hābu rethemy ronyre, nieruò iribi riwykemy røhõtinyre. ⁶ Pedro rarybere:

—Aò ijòkòre, womati tÿrÿrÿhÿkÿ ijòkò, pratakò. Tahe aõbo idi watxirerile ta adee ariwahinykre. Jesuisi Nazare hāwālundunimy adee ararybekremy idi mariakremy. Kia deytana adee ariwahinykre.

⁷ Pedro, hābu debò rimymy ritamadÿÿnyre. Aòwesele iruru iti-ò ralore.

⁸ Hābu rexiwatxinymy tahe, ririradÿÿnyre. Ihyy ralore dohodÿÿna heto-ò.

Deuxu dee deysamy rexiwatxiny my ralore. ⁹ Ibutumy iny idi retehere rariarerimy, Deuxumy reâlärerimy. ¹⁰ Inyõ rarybere: —Tii ijõ ruxerakakÿ-ki nierumy rexitõdenymyhÿremy, inyboho tii reeryrenyre. Tai tahe idi bede riõtiniyneri timykiabo aõna aõnamy rotÏynyramy.

¹¹ Hãbu ta Pedro, Joaõboho werora-ki xiery. Idi tahe ibutumy ributumy Salomaõ heto ijõ ahanawo-õ. ¹² Pedro kia robireu tahe, tamy rarybere: —Judeu mahãdu, wadireny itxereõmy, bededõtiidÿõmy. Jiarÿboho inyuru-di aõkõ ka hãbu reteytenyreny, Deuxu rurudile wahe. ¹³ Abraõ, Ijai, Ijaõ kiaboho Deuxu heka hãbu riteyteny. Tybyreny Deuxu kia heka riwinyra. Deuxu, Kristunimy riwowodynyre, rubu-ribi riixixanyraki. Kaiboho tahe Jesuisi Kristu tedyteny Pilato-õ. Pilato tii riteõnykemy ratxireriu, kaiboho tamy rarybere: —Aõkõre, tii deodÿõmy. Ijõ biteõnyke. Tai tahe rubudÿõduõ riteõnyre. ¹⁴ Jesuisi õraru widÿõduõ aõkõ rarehyumy raremyhÿ, ityhydÿõduõ ihÿre, õbiti widÿõduõ ihÿre. Kaiboho tii tetxiõnyteny, tewahinyteny. ¹⁵ Umytuedeõna wahidÿõduõ tii rare. Kaiboho tahe terubunty. Deuxu tahe tii riixixanyre rubu-ribi. Inyboho ierydu, iitxeredu ratximyhÿrenyre. ¹⁶ Rityhynyrekile hãbu tibina reytemyhÿre. Kia hãbu teeryteny. Jesuisi tyhyna kia riwinyre. Hãbu ibuturu-õ reytera, tai õbitimy raramy ratximyhÿre. ¹⁷ Jiarÿ reeryre kaiboho teeryõte aõbo tewinytemy. Tule adinodu rierykõlemy kia riwinyre. ¹⁸ Tahe Deuxu tarybe riwahinyre ihetxiu rybedu mahãdu-õ kia wahe tii rarybere Jesuisi rurukremy. Idi tahe irybe uludumy Jesuisi rurure. Iwese Deuxu rarybere wesemy heka irybe uludumy rõhõnyre. ¹⁹ Kaiboho ixi-txi õhõti reakemy Deuxu-õ biõõsekemy. Tai tahe aõraru aribi tii ritakre. Inynyrÿ adeeremy kiditeõnyke aõwihikÿmy Deuxu-ribi, biu-ribi. ²⁰ Jesuisi Kristu wijityhyle kanaõkre. Aõna aõna juhu rÿimy rareke rexihudi, tahe kanakre. ²¹ Tii biukile rarekre wiji. Ijõ bede tÿmyra wihikÿkre iõhõmy rahudi tahe kanakre. Kia bededÿõnanau tahe rarybere ihetxiu rybedu mahãdu. ²² Tahe Moisesi ijõmy rarybere: —Deuxu rybeduõ kedelekre asÿ, aijoi-ribi tii rarekre. Iwese Deuxu riwatate wese rybeduõmy ararekremy, iwesele tii Inynyrÿ kiditakre. Tamy bohobalabenykre irybe aõmybo kanarybekremy. ²³ Kia, Deuxu rybedu rybe-õ inyõ roholakõkre-wana, Deuxu tii kanahukre. Kia Moisesi rybe rare, Pedro rarybere. ²⁴ Deuxu rybedu sõwemy kia bededÿõnanamy rarybere. Samueli juhuu rarybere. Idi sõwemy ijõ kiamy rarybere. Ihymy ta wiji kabededÿõnana roimyhÿre. ²⁵ Kaiboho Deuxu ihetxiu rybedu roire atximahãtenyteri Deuxu juhuu rarybere Abraõ-õ. Ariõre-ribi iny sõwemy ruaruakre. Kia ibutumy ariõre hãwã hãwã-ki rasÿnykre. Kia iny-ribi inyõ rõhõnykre ibutumy iny wiõhedÿõdumy rarekre. ²⁶ Deuxu tariõre Jesuisi adeeremy riteõnyre aõraru-ribi arahitxinykemy, arawiõhenanykemy. Kia tahe Pedro tamyreny rarybere.

4

¹ Pedroboho tamyreny rarybereu, tamyreny rehemynyre Deuxu heto dohodÿõna mahãduõ, ijõ tahe kia heto itxeredu dinoduõ, ijõ, saduseu mahãduõ. Inataõ ijoi tamy rehemynyre. ² Pedro, Joaõ-wana iny-õ relymy raremyhÿ: —Inyõ Jesuisimy rityhynykeki, tii tule rubu-ribi riixixanykre. Jesuisi dori riixixanyre. Tahe Jesuisi ixixanamy tiiboho relymyhÿreki, kia hãbu mahãdu riykaranyrenyre. ³ Taita rimyre, Pedro, Joaõ-wana. Rõtana-õ ridyre. Wijile tahe tamy ixidee roholaõreny, a

txiorotyhyreki. Biurasou tahe roholakremy riòlòdÿÿnykre. ⁴ Iny sówemy Deuxu rybe-ò kia txuu roholare. 5000 hãbumy, ijò iny tule. Tiiboho Pedroboho-ò roholare. Tahe sówemy rityhynyrenyre.

⁵ Itxu biòwamy tahe Jerusalẽ-ò rehemynyre dinodu mahãdu, matuari mahãdu, judeu bede ywina erydÿÿna mahãdu. Kia ijoi mahãdu ibutumy rehemynyre. ⁶ Anasi tule rehemynyre. Deuxu-ò xiwena wahidÿÿdu mahãdu wedu tii ratximyhÿre. Tule Kaifa ijò, Joaõ ijò, Alexÿdre ijòre. Anasi sÿ mahãdu tule ijòre. ⁷ Tahe dinodu mahãduò Pedroboho ritamadÿÿnyre ibutu kia mahãdu koò. Tahe ritÿÿraxinyre: — Aòrudibo iny teteytedÿÿnymahãte. Monidibo kia tewinytenyte. ⁸ Ta Pedro tykymy heka Deuxu Tyytybytyhy ralore. Idi tamyreny rarybere: —Iny dinodu mahãdu, matuari mahãdu, adeereny ararybekre. ⁹ Hãbu tibina aomydÿÿnanamy tiwatÿÿraxinyte-wana, adeereny kiamy arirawyònykre. ¹⁰ Jesuisi Kristu Nazare hãwã luduni-di kia rybe ruru-dí rewinyrenyre. Kia tahe bierybenyke. Kaiboho dorikÿhe Jesuisi itxeò nihikÿ-ò teukotenyte. Deuxu tahe riixixanyre rubu-ribi. Tai tahe ka hãbu reytemy rÿimyhÿre. ¹¹ Jesuisi manaõ wesemy ratxireri. Kia-di rehure heto widÿÿduò. Wiji tahe heto idile rÿimyhÿre. Kaiboho Jesuisi-di tehute heto widÿÿdu mana-di rehure wese. Wiji tahe Jesuisi Deuxu heto dinodu rarekre. ¹² Tamy inyò rityhynyòkeki, òraru-ribi ritaòtyhy. Ijòni aòkò iny rityhynyke, Jesuisi nile iny rityhynymy rÿikrele, òraru-ribi ritamy rÿirakre.

¹³ Pedro, Joaõ-wana brebuò-di kia rybe ritÿÿnyre. Tai iny bede riòtiinyrenyre, tiiboho dori tyriti erydu aòkò roire. Urile Jesuisi-wana roiremyhÿ, kiale iny rieryrenyre. ¹⁴ Hãbumy inyboho robirenyra juhoo itibinamy. Tai tahe inyò aòbinamy tamyreny rybedu aòkò rare, hãbu tibina riteytenyrenyraki. ¹⁵ Tahe ibutumy iny dohodÿÿna heto wo-ribi riteònyre. Tahe wimy rarybere: ¹⁶ —Aõhebo rokotÿÿnyrenykre kia hãbu-di. Inatyhymy tiiboho aòwiihikÿ riwinyrenyre. Kia rikixiònyrenyòtyhy. Ibutumy Jerusalẽ hãwã mahãdu kia rieryre. ¹⁷ Tai kiamy rokotÿÿnykre. Tamy rakarybekre tiu Jesusimy ixyby rybeòmykremy. Tai Jesusimy rybe-di rikiixãwãdidÿÿnykemy. Inyò-ò kiamy rarybeòtyhy. Kiawese raryberenyre rybe ywidÿÿdu mahãdu. ¹⁸ Idi tahe rarariòwyre Pedro Joaõ-wana tamyreny rarybere: — Jesuisi nimy rybeòmy, bibedeerynyòtyhy irybemy. ¹⁹ Tahe Pedro, Joaõ-wana tamyreny ðirawyònyde: —Aõbo awityhyre. Inyboho arybe arityhynykre aõbo ada Deuxu rybe aõbo arityhynykre. ²⁰ Aõbo jiarÿboho rabirenyré, raholarenyré, kialemy araryberenykre. Inyò riwarybebinanyòtyhy. ²¹ Idi ta ixityre tamyreny raryberenyre, rybedÿÿòkemy. Tahe riteònyrenyre. Tamy aòwidÿÿòmy rÿimyhÿ hãwã mahãdu dee ruberurenreki. Hãwã mahãdu dori Deuxu reàlàmyhÿre hãbu riteytenyraki. ²² Kia hãbu dori 40 beòra ratyremy tabeòra-dí ratximyhÿre riteytenyrau.

²³ Pedroboho rexitamy roirenyreu, ityhydÿÿdu seriòre òrsymy roirenyre. Tahe tiiboho tamyreny relyrenyre iwese dohodÿÿna heto wedu matuari mahãdu-wana tamy rarybere wesemy. ²⁴ Tahe wiwese wesele ròhòtynreri wese, Deuxu-ò rexitòdenyrenyre: —Kai, Waha, inyIòlòreny atximahãte. ²⁵ Kai, ibutuwidÿÿdu tarybete: Davi, inytybreny-di tarybete Atytybytyhy tamy ritÿÿnyre, iwese tii rarybekemy. Davi eòdumy raremyhÿ. Irybe tyriti-ki roimyhÿre kiamy:

—Judeukõdu mahãdu raykarananyreri. Kia awimy aõkõ ihÿre. Waijoi aõ òbitinadibo aõkõ rõhõtinyreri.

²⁶ Dinodu mahãdu wiributunyre Deuxu òludumy rÿikremy. Tule Kristu, kia Deuxu deòdÿÿna òludumy rÿikremy.

²⁷ Arybe-ki, Waha, kia ritidÿÿna roire. Tule Waha, inatyhy rare. Ka hãwã-ki, Herodi, Poncio Pilato, Judeukõdu mahãdu, Judeukõdu mahãdu, kia ibutumy ributunyre ariõre Jesuisi òludu rÿirakremy. ²⁸ Tiiboho riwinyre iwese kai tarybete wese, Waha, kia aõmydÿÿnanamy rÿirakremy. ²⁹ Kai, Waha, teeryte iwese tiiboho raryberemy, aõma, rybeõmykemy. Tahe eòdu biwiòhenanykre arybe-di ihãrele rarybekemy brebuò-di. ³⁰ Biwiòhenanykre, Waha, eòdu mahãdu, webinadu mahãdu riteytenykemy. Tule aõna aõna wiwihikÿ riwinykremy, Jesuisi, Ariõreni òraru-ki kia riwinykremy. ³¹ Tahe ixitòedÿÿna rexihureu, heto ramytatamy. Deuxu Tyytybytyhy ibutumy iny tykymy ralore. Tai tahe Deuxu rybe rarybemyhÿre. Brebumy aõkõ tiiboho relyymyhÿrenyre.

³² Ityhydÿÿdu mahãdu iaõna aõna-di wii riwiòhenanyre. Inyõ rarybeõhyra: —Kaa wahõrõ sohojile rare. Ibutu aõna aõna ibutu hõrõmy rÿimy raremyhÿ. ³³ Deuxu Jesuisi erydÿÿna mahãdu riwiòhenanytyhyre irybemy relyrenyreu, kia Jesuisi rubu-ribi ixixana rybemy. Deuxu teysana tamy riwahinyre tule iny sõwemy iluurenyre. ³⁴⁻³⁵ Tai tahe ityhydÿÿdu mahãdu aõna aõnamy rasiranyõhyra. Ityhydÿÿduò ityhymy rÿirakeki, taheto, tasubede rohonyre tahe nieru Jesuisi erydÿÿna mahãdu-ò diwyde. Idi tahe tii ritxuatxuamy riwahinyre ibutu-ò timybo iny sohoji sohoji tuu rurumy rÿiramy.

³⁶⁻³⁷ Jyje tule kiawesele riwinyre. Tasubedeò-di rohonyre, idi iòwy nieru diwyde Jesuisi erydÿÿna mahãdu-ò. Jesuisi erydÿÿna mahãdu Jyje rininire, Banabemy. Kiani ìnyrybe-ò riwiurõnanyre, rybe-di wiòhedÿÿdu kiani rare. Tii Levi mahãduò rare, Xibri bedebutesÿdu tii raremyhÿ.

5

¹ Idi tahe tule ijõ hãbu, Anania ninadu, tahãwyy Safira-wana tasubederenyõ-di rohonyrenyre. ² Iòwy tahe txuralem y diwyde Jesuisi erydÿÿna mahãdu-ò tasubede òwyreny ibutumy risÿnyrenyreri. ³ Tahe Pedro tamy rarybere: —Aõherekibo Satanasi-ò taholamy araykywo-ki atxiteri Deuxu Tyytybytyhy-ò taruiteri. Aõherekibo iòwyjura-di atxiteri. ⁴ Juhuu asubede tahonyõteu, ahõrõ rare. Aõhe, inatyhy? Inyõ adee rarybeõre idi bohonykemy. Idi tahonyteu, tahe, nieru ahõrõ rare, aõhe inatyhy. Aõherekibo aõbinahãkÿmy tahõtinyteri. Hãbu-ò aõkõ heka taruiteri Deuxu dee. ⁵ Kia-ò Anania roholareu, rurulemy resere. Tai ibutumy iny ruberutyhyre. ⁶ Weryrybò tahe iumy rihetynyre. Tahe ritamadÿÿnymy riwyre rihãloonykremy.

⁷ Inataõ òra bededÿÿnanamy reare tahe Safira, Anania hãwyy rehemnyre. Aõ heka rieryõhyre tahãbu rubuna rieryõhyre. ⁸ Pedro tamy rÿÿraxire: —Tiwesemybo asu teòwynyta —ahãbu rarybere wesele aõbo. Tahe tii dirawyònyde: —Kohe, iwesele rakòwõnyre. ⁹ Ixityre Pedro rarybere: —Aõherekibo ahãbu-wana kai taruiteri. Tii teurihite aõbo riwinykeò. Beteheke, weryrybò ahãbu loodÿÿ-ribi rehemnyreri. Tule tii aradykre rubumy. ¹⁰ Tule tii aõwesele rurulemy resere. Weryrybò mahãdu ralore. Tai riwyre ritoonykre tahãbu biremy roikremy. ¹¹ Tai

tahe ibutumy ityhydÿÿdu mahãdu ruberure. Ibutumy kia-ò roholareu, tule ruberumyhÿre.

¹² Jesuisi erydÿÿna mahãdu sôwemy wowodyna aõmydÿÿnana riwinyrenyrye. Tule deytenuwihikÿtyhy sôwemy riwinyrenyrye. Ityhydÿÿdu mahãdu wii ributunumyhÿre Deuxu dohodÿÿna heto ube-ò. Salomaõ ubetyhy inire. ¹³ Kaa hãwã mahãdu dori sôwemy ruberumyhÿre Jesuisi erydÿÿna mahãdu-ò wiuatàdà lau. Tamy rabutuõhyrye ijohonamy. Ihãrele tahe ijõ rityhynumyhÿre, ityhydÿÿdu mahãdumy ralokemy. Aõbinatyhymy heka inyõ ityhydÿÿdu mahãdu dee raryberenyõhyrye. ¹⁴ Ityhydÿÿdu mahãdu rasôwerenymyhÿre. Hãbu, hãwyy tule ralõmyhÿre Inynyrÿtyhy-ò. ¹⁵ Webinadu mahãdu iny ridymyhÿre ryò, hãwã hãwã-ribi. Tai Pedro nonana-ki riraõmy roimyhÿ byretyre-ki, herina tyre-ki. Pedro ubòrò webinadu-txi reakemy tai riteytenykemy rexinohõtinyre. ¹⁶ Ibutumy Jerusalẽ-ribi iòhõmy rÿira mahãdu nade webinadu-di, tule iny tyytybybina-di didyde. Tai tahe ibutumy reytere.

¹⁷ Xiwenawidÿÿdu wedu mahãdu, Jesuisi erydÿÿna mahãdu-ò rexinaanumyhÿre. Tule kiawedu eryna mahãdu riwiõhenanyre. Saduseu imahãdu ni rare. ¹⁸⁻²⁰ Tai tahe xiwe wedu mahãdu, Jesuisi erydÿÿna mahãdu rimyrenyrye idi rehurenrye hãwã ròtenawo-ki. Rummy tahe Inynyrÿ ÿjuò riraynyre ijò, tahe ridyre ahana-ò. Tamyreny rarybere: —Boibenyke Deuxu àlàna heto-ò. Bexideòsinybenyke iny sôwehekÿ-ò. Tamyreny bitÿnybenyke timybo Jesuisi umytÿmyra inydee riwahinymyhÿre. ²¹ Iwese ÿju rarybere wese, txuu ratÿnyreu, dohodÿÿna heto-ò ralomyhÿre. Tai rierynarenymyhÿre. Tahe xiwena mahãdu wedu dehemynyde, tii-wana ratximyhÿ-wana. Israeli nohõti juradÿÿdu mahãdu ributudÿÿnyre. Ibutumy judeu mahãdu, matuari mahãdu bedeerÿtyhy mahãduõ rare. Tahe soldado itxeredu-ò riteònyre ròtena-ò iòrysyrenymy. ²²⁻²³ Tahe roirenyre. Ròtena-ki tai rahaõre. Ròsere tamy relyrye: —Ròtena-ò rehemynyra. Txiòtòbòhòkÿlemy rÿire. Tahe reraynyreu, aõho aõkõ rare. ²⁴ Dohodÿÿna wedu xiwena wedu-wana kia roholareu, tiiboho rexierenyõhyrye aõbo riwinyrenykemy, aõhebo rotÿÿnyrenykemy. ²⁵ Iwesemy ròhõtinerikõnalemy, inyõ dehemynyde. Tai rarybere: —Ròtena-ki tetidite mahãduõ, dohodÿÿna heto-ki ratxireri. Iny kowa ritohonyreri. ²⁶ Tai tahe soldado dinodu, soldado itxeredu-wana riòryre ta didydenyde ywilemy. Tamy heka aõhe risÿnyõhyrye mana huna-di tamyreny kedehukemy heka soldado ròhõtinyre. ²⁷⁻²⁸ Tahe dehemynyde ritamadÿÿnyre inysõwe weduko-txi. Tahe wedutyhy rybe ritelenyrye: —Jiarÿboho heka juhu adeereny rarybere uritere Jesuisi nimy bede erydÿÿrenykõmykemy. Ihãrele tahe tuu tebedeerÿnytenyta ibutumy Jerusalẽ hãwã iny-ò. Ibutu-ò aeryna-di tariate. Wamy tarybetenyteri jiarÿboho Jesuisi rerubunyrenyramy. ²⁹ Tahe Pedro taijoi-wana rarybere: —Iwese Deuxu wadeereny rarybere wese, arityhynyrenykre. Hãbuõ iwitxiramy wadeereny rarybekeki, tiu arityhynyõtyhy. ³⁰ Kaiboho inatyhymy Jesuisi terubunytenyte. Òwòru nihikÿ itxe-ò tetamadÿÿnytenyte. Inytyby Deuxu tahe rubu-ribi riixixadÿÿnyre. ³¹ Deuxu tarurunawe-ribi debò-di biu-ò ritamadÿÿnyre ibutu iòlõmy rarekemy, ibutu tarasadumy rarekemy. Tai ibutu Israeli ijoi mahãdu-ò òraru bedewona ixãwina riwahinykemy. ³² Inyboho heka kia aõmydÿÿnamy robimyhÿrenyrye, tai heka reerymahãrenyrye inatyhy raremy. Inyõ Deuxu rityhykeki, tii Tattytybytyhy tamy kidiwahinyke.

Tii tule kia aõmydÏÏnamy rarybemyhÏre.

³³ Xiwena wahidÏÏdu mahãdu wedu tamy roholarenyreu, rakyarananyrenyre, irubudÏÏmy idi ratximyhÏ. ³⁴ Tahe fariseu mahãduõ lamamy rÏire. Õnosõna erydÏÏduõ tii ihÏre. Ibutumy iny tii riijemyhÏre rityhynymyhÏreki. Kamalie heka inire. Tahe tii rarybere: —Jesuisi erydÏÏna mahãdu-di biòlõnyke urihimyo ahana-ò. ³⁵ Idi tahe taijoi-ò rarybere: —Hãbu, Israeli mahãdu, bexiijebynyke kia hãbu-ò, aõhebo botÏÏnybenyke. ³⁶ Kaiboho dori õhõtireny beabenyke Teudani-txi. Juhuu dori dinoduõmy tii raremyhÏ. Tii ixiòlòdÏÏnihikÏmy iximy rarybere. Sõwemy heka iny tii-wana raremyhÏ tahe 400 hãbumy ihemy rare. Inyõ tahe rirubunyre rityhynymyhÏre mahãdu tahe iribi raubÏtÏre. Tahe aõ heka rimyõhyre, ibutumy iõre. ³⁷ Iwitzirau ijõ-txi õhõtireny rearenye. Judasi inire. Tii Kalileia mahãduõ rare. Iu bede dinodu iny-di rariareu tahe, tii rexiòlòdÏÏnyre. Sõwemy iny riheludunyre. Tii tule rurure. TaityhydÏÏdu mahãdu tule raubÏtÏre. ³⁸ Tule wahe kahãbu mahãdu rare ixinamy biteõnyke. Hãbu kia aõmydÏÏnana dinodukeki, aõmy aõkõ relekre. ³⁹ Deuxu tahe idinodukeki, tiu heka idi behuõtyhy. Deuxu òludu wesemy heka kai tesumahãte. Tai tahe Kamalie rybe-ò ibutumy rityhynyrenyre. ⁴⁰ Didyde he Jesuisi erydÏÏna. Rihetenyre. Idi tamyreny rarybere: —Rybeõmyke Jesuisi nimy. Tahe ixinamy riteõnyre. ⁴¹ Tiiboho iribi rexitarenyre, reysatyhymy ratximyhÏ, Jesuisini òraru-ki dorikÏhe tiiboho aõhõkÏmy rotÏÏnyrenyraki. ⁴² Txuõ txuõlemy RybewihikÏ ritÏÏnynymyhÏrenyre dohodÏÏna hetomy dori, heto hetomy tiiboho rarybehymy rÏimyhÏre: —Jesuisi inatyhymy Kristu rare, Deuxu deòdÏÏnamy nade.

6

¹ Tahe ityhydÏÏdu rasõwetyhynymy rÏiramyhÏ. Iu ityhydÏÏdu wytese mahãdu-ò rÏsÏna riwahinymyhÏreu, grego rybedu rexinaanymyhÏre rÏsÏna wahidÏÏdu mahãdu dee. Judeu mahãdu wytese sõwemy rÏsÏna ritamyhÏrenyre waratyrereny. Kia wesemy heka judeukõdu mahãdu rarybere. ² Jesuisi erydÏÏna waò inatxi reurò mahãdu, ibutumy ityhydÏÏdu didydenyde kia aõmydÏÏnana-ò roholakemy. Tahe raryberenyre: —Deuxu rybe erydÏÏ rikiixãwidinyrenykeki, wytese rÏsÏna ariwahinyrenykemy, kia heka òbiti aõkõ rare. ³ Tai tahe kaiboho hãbu mahãduõ bitabenyke ayreny-ribi debò inatxi reurò hãbumy bitabenyke. Hãbu tyhydÏÏnale, Deuxu Tyytybytyhy-di tÏximy rÏiralemy, iny bedeeryhykÏle, kiaweselemy hãbu bitake. Tiiboho dori aõna aõna ywisidÏÏdumy roirekre, kiawesemy iaõmysÏdÏÏnarenyke. ⁴ Tai jiarÏboho arexitõenywãhãrenykemy watxiwãhãrenyre. Deuxu rybemy arierynanamahãrenyke. Kiawese Jesuisi erydÏÏna mahãdu rarybere. ⁵ Ibutumy heka tuu raryberé, tamyreny awire. Tai tahe hãbu mahãdu ritarenyre. Estevaõ ijõre, tii Deuxu Tyytybytyhy-di tÏximy rÏira, tatyhyna-ki tÏximy rÏira. Filipi ijõre, Prokoro ijõre, Nikanu ijõre, Timaõ ijõre, Parmena ijõre, Niolau ijõre, Niolau tahe Atxiõkia mahãdu juhuu rare. Judeu bede erydÏÏna tyhydÏÏdu juhuu tii rare. ⁶ ItyhydÏÏdu mahãdu tiiboho didydenyde Jesuisi erydÏÏna mahãdu-ò. Deuxu-ò rexitõenyrenyre tahe Jesuisi erydÏÏna ityre tebò ritidirenyre.

⁷ Deuxu rybe heka ibutu ijohonanamy rÿire. Ityhydÿÿdu mahãdu-ò sÿwetyhymy tamy ralòmÿhÿre Jerusalê hãwã-ki. Xiwena widÿÿdu tule sÿwemy Jesuisi rityhynyre.

⁸ Estevaõ heka Deuxu luuna sÿwemy ratximÿhÿre. Sÿwemy Deuxu ruru-di ratximÿhÿre. Deuxu urihixina nihikÿmy inyko-ò riwinymy raremÿhÿ. Aõdeytenawiwihikÿ wesemy tule riwinyre. ⁹ Kowa hãwã-ki tahe judeu dohodÿÿna heto iwitxira rÿimÿhÿre. Libertu mahãdumy rex-ininire tajoi. Imahãduõ Sireneu ludu rare, ijõ Alexÿdria hãwã luduõ rare. Tiiboho doidenyde Estevaõ-wana rybe ritxiõnykemy. Silisia bedede luduõ-ribi, Afia bedede luduõ-ribi tii-wana doidenyde. ¹⁰ Estevaõ rarybere bedeerynihikÿ-di. Kia mahãdu tahe irybe weseõre. Estevaõ dori, Deuxu Tyytybytyhy-di ihÿre. ¹¹ Tai tahe hãbuõ-ò raryberenyre: —Kaiboho heka Estevaõ dee maruibenÿkre. Jiarÿboho dori araõwynyrenÿkre. Kawesemy maruibenÿkre, my: —Jiarÿboho Estevaõ rybe-ò raholamy rãiwãhãrenÿre. Tii Deuxumy aõbinahakÿlemy rarybemyhÿre, Moisesimy tule. ¹² Kia-ki heka Estevaõ dee iny raykarananyre, judeu matuari mahãdu tule tamy raykarananyre. Ibutumy Estevaõ õrysmy roirenyre tahe rimyrenÿre, ridyrenÿre rybe ywisidÿÿna-ò. ¹³⁻¹⁴ Tahe hukida mahãdu didydenyde. Tahe tiiboho raryberenyre, my: —Ka hãbu heka Deuxu dohodÿÿna hetomy ibinamy narybede. Tii rarybere Jesuisi Nazare ludu iny dohodÿÿna heto kidibòhònykre. Jesuisi iny aõmydÿÿnana kidiwitxiranykre, ibutumy Moisesi inydeereny rierynanyre. ¹⁵ Ibutumy iny ywisidÿÿna mahãdu Estevaõ-ò retehere. Iõsana, ÿju õsÿnÿwesehekÿlemy tamy røhòtinyrenÿre.

7

¹ Tahe xiwe wedu Estevaõ-ò rÿÿraxire: —Kia aõbohe inatyhy rare. ² Estevaõ tahe dirawyõnyde. Wanyrÿboho, Wahaboho, Ijyymy adeereny arelyÿkre. Warybe-ò bohobabenÿke. Mesopotamia bedeki Deuxu biu-ribi rexitÿnynyre Abraõ-ò, inytybyrenÿ-ò, Harã hãwã-ki rasÿnÿõreu. ³ Tamy Deuxu rarybere: —Abede-ribi boibenÿkre. Alahi riòkøre mahãduy-ribi makre. Manakre ijõ bede-ò adee dori asÿbede ariurihikre. ⁴ Iribi tahe Abraõ Kadeu mahãdu bede-ribi roirenyre Harã hãwã-ò tai rasÿnykemy. Iribi tahe tyby rurureu, Deuxu kaõ didyde ka bede-ò titxibo kaiboho wiji tasÿnymahãtemy. ⁵ Abraõ-ò sÿõ riwahinyõre timy urihimÿdòhÿy. Tahe idi tamy riwahinykemy, iriõre-ò riwahinykemy Deuxu tamy rarybere. Abraõ iriõreõre, ihãrele Deuxu tusÿmy tamy rarybere. ⁶ Tule Deuxu tamy rarybere: —Ariòkøre ijõ bede-ki rasÿnykre 400 beõramy. Kowa ariòkøre heka deõdu wesemy raaõmysÿdÿÿkre. Iwedu mahãdu heka ibinamy idi rarekre. ⁷ Jiarÿ tahe iny ariõwynykre, Deuxu rarybere, ibinamy widi rÿira mahãdu. Iribi ka bede-ò kòdòhònykre wamy kaki reàlãmÿhÿkemy. ⁸ Idi urihixinaõ Abraõ-ò Deuxu riwahinyre, tõhòti itxi reakemy. Uladu notyyresyna aõmydÿÿnana tamy riwahinyre. Idi tahe Ijai reareu, Abraõ Ijai notyy riorore debò inataõ reurò txu-di. Iribi tahe Ijai tariõre Ijaõ ritòtykyorore. Iribi tahe Ijaõ tariõre notyky riorore. Tiiboho waõ inatximy riõrenaduõ roire. Inatyhymy tiiboho inytybyrenÿ rare. ⁹ Idi waõsohoji inytybyrenÿ mahãdu Jyje dee rexiwobinanymyhÿre. Idi rohonyre Egito-ò ramÿhÿre mahãdu-ò. Tahe Deuxu tii-wana raremÿhÿ. ¹⁰ Iaõhòkÿmy dÿÿnana-ribi Deuxu ritamÿhÿre. Egito iòlò, Faraõmy ninadu rare. Deuxu heka Jyje luumy Faraõ risÿnyre. Faraõ rue-ò heka Jyje bedeerydÿÿna sÿwemy ratximÿhÿre. Faraõ ibutu

dinodumy Jyje risÿnyre. Tule Iòlòheto-di itxeredu tyhymy Jyje ronyre. ¹¹ Ramamy rubu nihikÿ dehemynyde ibutusu-ò, Egito-ki, Kanaã bedeki. Sõwemy iny aõhòkÿmy rotÿÿnyre. Inytybyreny rÿsÿnaõ-ki rahaõhyre. ¹² Egito maixõmo rÿimyhÿreò, Ijaò roholare. Tahe inytybyreny riteònyre iòrysmy. ¹³ Idi tahe ixityre iòrysmy riteònyre, Jyje tamyreny rexideòsinyre. Tai tahe Faraò Jyje sÿmahãdu rieryre. ¹⁴ Tahe tyby-ò Jyje tarybe riwahinyre tamy sÿmy kanakemy ibutu imahãdureny-wana. Ti-iboho 75 inymy rimyre ibutumy. ¹⁵ Tai tahe Egito bedeki Ijaòboho roirenyre. Iribi tahe Ijaò rurure. Idi tahe ibutumy inytybyreny rurure. ¹⁶ Tahe iumyreny diwyde ritoonyre wabede-ò, Sikenì hãwã-ò. Abraõ kia wabede juhoo riwyre nieru-di, Emo riòre-ribi. ¹⁷ Deuxusÿ-ò wahidÿÿna juhoo rarybere Abraò-ò. Ibededÿÿnana iòhòre Deuxu tamy riwahinykemy. Inyboho Egito-ki rasõwemyhÿnyre. ¹⁸ Ikonanau tahe iòlò iwitxiramy ròhònyre Egito bedeki iòlòmy. Tii Jyje rieryõre. ¹⁹ Tii iny ijoi riitxenanymyhÿre. Tii heka ibinatyhyre inytybyreny-ò. Uladu-di heto-ribi rehukemy riteònyre. Tai iny riòrereny ituerenyre. ²⁰⁻²¹ Iu tahe Moisesi reare. Tii uladu ruxeratyhyre. Tii tahetotyhykile raumynyre inataõ ahãdumy idi rÿire. Heto-ribi dòhònydeu, Faraò riòre rimyre itibiedÿÿmy tariòre wesemy. ²² Ibutumy Egito bedeerydÿÿnana tamy rierynanyre. Tii heka rexiòlònyre rybedunihikÿmy aõmydÿÿna widÿÿdu nihikÿmy. ²³ Moisesi iny inatxiwa itue beòra-di rÿireu, tamahãdu, Israeli mahãdu roramy nade. ²⁴⁻²⁵ Egito mahãduò Israeli mahãduò ri-hetenyre, Moisesi tuu robire. Tahe Moisesi tii rirubunyre, Israeli mahãduò riwiòhenanykemy, Egito mahãduò rexiòwynymy. Deuxu Moisesi debò-di iny ritakre. Kiamy tahe Moisesi mahãdu rierykremy Moisesi ròhòtynyre. Tahe aòkòre rieryòhyre. ²⁶ Ijò txu biòwamy tahe Israeli hãbu inatximy wiwana ròrenymy. Moisesi ronyre iyreny-txi riixãwididÿÿnykemy. Rarybere: —Kaiboho seriòre toite, aòherekibo wii tehetenytenyteri. ²⁷ Kia òhòtedu Moisesi ritorunyre rarybere: —Mobo he wawedurenymy arasÿnyra, awaywisidÿÿdu renymy. ²⁸ Kai biwarubun-yekeò aòbo, iwese kau Egito mahãduò terubunyte wesemy. ²⁹ Kiarybe-ò roholareu, Moisesi rahenyre Midiã bedeki rasÿnykemy. Idi tahe inatxi Moisesi riòremy kowa reare. ³⁰ Iny inatxiwaituemy beòra-di bededÿÿnana riwyre. Tahe Sinai hãwãlò bederahy-ki raremehÿu, ÿjuò tamy rex-itynynyre bedeki rade tòbòhòkÿ-ki tamy roomyhÿre. ³¹ Moisesi kiamy dobideu, bedeki riòtiinyre. Tamy itxeremy rehemynyre. Tahe Deuxu rybe-ò roholare. ³² Jiarÿ boreny Deuxu watxireri, Abraõ Deuxu, Ijai Deuxu, Ijaò Deuxu. Tahe Moisesi ruberutyhyre, timy heka tamy reteheòhyre. ³³ Tahe Deuxu tamy rarybere: —Awa bitake, suu awarawo ludu dori, brebuna rare. Jiarÿ heka Deuxu watxireriki, biwatyhynye. ³⁴ Wiji tahe waijoimy rabireri Egito-ki. Tiiboho aõhòkÿmy rotÿÿnyrenyre. Ibru-ò raholareri, iòhitxi-ò raholareri. Jiarÿ heka aditadenykre iribi. Manake, Egito-ò arateònykre. Kia heka Deuxu rarybere Moisesi-ò. ³⁵ Ka Moisesi heka Israeli mahãdu juhoo teramy reare. Tamy rarybere juhoo mobo wawedurenymy arasÿnyra, waywisidÿÿdurenymy. Tiile heka Deuxu riteònyre idinodumy rarekemy, tarasadumy rarekemy. Bederade tòbòhòkÿ ÿju, heòtywoludu, iwiòhedÿÿdure. ³⁶ Tahe Moisesi Egito-ribi iny ritamohÿre. Egito bedeki bedeeryna aõna aõna wiwihikÿ-wana. Iwese ahohokÿbesò-ki tule bederahy-ki iny inatxiwaitue beòramy aõmydÿÿnana wiwihikÿ riwinyre. ³⁷ Kaa Moisesi heka rarybere Israeli mahãdu-ò: —

Ayreny-ribi, amahãdu-ribi rybedu nihikÿmy Deuxu kiditamadÿÿnykre iwese riwatamadÿÿnyre wese. ³⁸ Kaa Moisesi tajoi-di wii ributunyreu, bederahy-ki ihÿmyhÿ inytybyreny-wana heka ratximyhÿ. Ýju-wana tii ratximyhÿ Sinai hãwãlò-ki iu tamy rarybere. Deuxu rybe tyhy iru-di ratximyhÿ. Tahe rybe bede ywina heka Moisesi-ò Deuxu riwahinyre inydeereny kidiwahinykemy. ³⁹ Tahe inytybyreny ityhydÿÿ deramy rare. Reòbyòreny. Ixybyle Egito-ò ròðsekemy ròhòtinyre. ⁴⁰ Tahe iny Araò-ò rarybere: —Ritxoo deuxuò inydeereny biwinyke inykorenyumy rakemy. Moisesi, Egito-ribi iny ritarenyre, tahe titxibo ihÿre reeryrenyòre. ⁴¹ Kiatxu tahe broreni riòreò riwinyre. Tahe xiwemy ritoonyrenyre iko-ò, ritxooko-ò. Rexideysanyrenyre aòbo tebò-di riwinyrenyreki. ⁴² Tai tahe Deuxu rexitare iribi, taina rityhynykemy. Iwese rybeduò iu tyyriti-ki riritinyre wese:

—Israeli mahãdu, kaiboho xiwena tetoonytenyete, iròdu xiwena tetoonytenyeta. Wadee aòkò tahe kia tetoonytenyeta 40 beòramy bederahy-ki.

⁴³ Kaiboho tewytenyeta ritxooheho riòre. Mòlòki inire, aritxoo deuxuni. Tule Renifa taina ijò aritxoonire. Kia tewinytenyete, tetyhynytenyete wahe. Tai tahe arateònyrenykre Babilonia weribihikÿ-ò wahe.

⁴⁴ Inytybyreny heka Deuxu rybe bede ywina tyky heto riwinymyhÿre bederahy-ki. Iwese Moisesi-ò Deuxu riteònyre wesemy kia riwinymyhÿrenyre. ⁴⁵ Iribi tahe inytybyreny tatyby-ribi tyky heto ritare, tii-wana riwinymyhÿre kabede-ò, Josue tadinodu-wana. Iu Deuxu iko-ribi riteònyre, ibutumy tai sÿ mahãdu tii-wana riwinymyhÿre, ihyy tahe Davi reare. ⁴⁶ Deuxu heka sòwemy Davi luure. Davi heka rexitònyre Ijaò Deuxu dee heto riwinykemy. ⁴⁷ Tahe tii aòkò riwinyre, Salomaò iwidÿÿdure. ⁴⁸⁻⁴⁹ Deuxu biukisÿdu tahe hãbu widÿÿna heto-ki rasÿnyòmyhÿre. Iwese Deuxu rybeduò rarybere wese:

—Biu tahe warynana rare, bede tahe wawa elehyna rare. Timybo inyò wadee heto riwinyke, Inynyrÿ rarybere. Iwo-ki tahe waelehyna arihynyòkre.

⁵⁰ Deuxu rarybere:

—Ibutumy aòna aòna jiarÿ rewinyre.

⁵¹ Tahe Estevaò rakonananyre he tamyreny rybena heka ròhònyre: —Kaiboho araykytererenyre. Deuxu Tyytybytyhy rybe-ò taholaòhymahãtenyete. Iwese iny tybyreny riwinyrenyre wesemy. ⁵² Ibutumy Deuxu rybedu mahãdu-ò ibinamy iny tybyreny riwinymyhÿrenyre. Tiu ihetxiu Deuxu òbiti hãbu kanakeò, tiiboho raryberenyreu, rirubunyre irybedu. Kaiboho tahe Deuxu òbiti hãbu-di ijò-ò tewahinytenyete, terubunytenyete. ⁵³ Deuxu bede ywina Ýju mahãduò adeereny diwahinydenyde, kia bede ywina kaiboho tetatenyete, tahe tetyhynyòhymahãtenyete. ⁵⁴ Tahe kiamy Estevaò rarybereu, tiiboho heka rebure nihikÿre. Urile txyde-ki ruruamyhÿre tamy. ⁵⁵ Estevaò tahe Deuxu Tyytybytyhy-di iwoki ratximyhÿre. Tahe biu-ò retehere: Deuxu loosònamy robire. Jesusimy robire lamamy rÿire Deuxu rurunawe-ribi. ⁵⁶ Tahe Estevaò rarybere: —Jiarÿ wa rabireri biu juxahakÿmy. Jesusimy rabireri Deuxu deòdÿÿna. Lamamy heka rare Deuxu rurunawe-ribi. ⁵⁷ Tahe ryrymyhÿre, tòhòti ritòbònymyhÿrenyre, rajeranyre tamy. ⁵⁸ Ridyre hãwãy-ribi, mana-di tahe tamy rehumyhÿre,

rirubunyrenyre. ErydÏÏna ijydu tahe taderamy ririrenyre Saluko-txi tamy riyrubunykeny. ⁵⁹ Iu mana-di rehureu, Estevaõ rexitõenyre: — WanyrÏ, Jesuisi, watytyby kai bimyleke awana ararekremy. ⁶⁰ Tahe tatiowotimy resere, ryryre: —WanyrÏ, kia õraruna iõwydÏÏomyke. Idi tahe rurure.

8

¹ Salu tahe kia õbitimy raremyhÏ rõhõtynyre, Estevaõ rurureu. ² Iribi tahe ityhydÏÏdu mahãdu aõhõkÏmy rotÏÏnymyhyre. Judeia wedu mahãdu dori, iõludumy rÏmyhyre. Tai tahe ityhydÏÏdu sohoji sohoji Jerusalẽ hãwã-ribi rõhõnyre. Urile Jesuisi erydÏÏna mahãdu sohojile rÏire. Judeia bede hãwã mynamyna robÏtÏre, Samaria bede-õ tule. Tahe hãbu ityhydÏÏduõ Estevaõ umy riwyrenyre rihãloonykremy. Tahe rahinymyhyrenyre, rirajuamyhyrenyre. ³ Salu tahe ityhydÏÏdu mahãdu hudumy. Wii risÏnymyhyre. Ihetorenywo-õ ralõmyhyre tahe ridymyhyre hãwyy, hãbu, rõtenawo-õ rirõtenykemy.

⁴ Iu tahe ityhydÏÏdu mahãdu ijõ bede-õ roire mahãdu Deuxu rybemy relymyhyre ibutu hãwã-ki. ⁵ Filipi ijõ raremyhÏ. Tii Samaria hãwã-õ rehemynyre. Tahe Kristumy tamyreny relyre. ⁶ Iny sõwemy rityhynyrenyre aõmybo Filipi rarybemyhyremy. Tahe deytedyÏna wiwihikÏmy iny robimyhÏrenyre, tyytybybina deõdÏÏnamy tule robirenyre. ⁷ Tahe riteõnyreu, tyytybybina iny-ribi rõhõnyre, rirajuamyhyre. Tule iny webinadu raraserasemy roimyhÏre, tule inytiere-wana. Tahe ibutumy riteytenymyhyre. ⁸ Tai tahe ka hãwã-ki deysana nihikÏ rÏire.

⁹ Samaria hãwã-ki tahe hãbuõ raremyhÏ. Simaõ inire. Tii wodohonana widÏÏdu ihÏre. Iny riitxenanymyhyre. Tahe riõtiniynyre. Tii ixiny rarybemyhyre moõ wiwihikÏmy raremyhÏmy. ¹⁰ Ibutumy iny tii rityhynyrenyre, hãbu wedu mahãdu tule, hãbu aõtxile mahãdu tule. Tii-boho raryberenyre: —Simaõ Deuxu ruruna rare. Ruruna nihikÏ inire. ¹¹ Tiu bedeu aõkõ iny riitxenanymy raremyhÏ, riõtiniynyre. Tai tahe rityhynymyhyrenyre. ¹² Iu tahe Filipi Jesuisi Kristunimy, Deuxu õlõnamy tamy relymyhyre. Tai tahe rityhynymyhyre, raratysebemyhyrenyre. ¹³ Iribi tahe Simaõ itxenadÏÏdu tule Jesuisimy reõbyre, raratysebenyre. Tahe Filipi-wana ihyy rõirenyre bede õtiidÏÏna-di retehemyhyre aõbo Filipi riwinyremy.

¹⁴ Samaria hãwã mahãdu tahe Deuxu rityhynyre. Kia-õ Jesuisi erydÏÏna mahãdu roholare Jerusalẽ-ki. Tai tahe Pedro Joaõ-wana riteõnyrenyre kowa-õ. ¹⁵ Rehemynyrenyreu, Deuxu-õ rexitõenyrenyre Deuxu Tyytybytyhy tamy kanakemy. ¹⁶ Inyõ dori Deuxu Tyytybytyhy-di rÏiõmyhÏ. Urile Jesuisi InynyrÏni-di raratisebedÏÏmy rÏiramyhÏ. ¹⁷ Tahe Pedro Juaõ-wana tebõreny ityrereny ritidire. Tahe Deuxu Tyytybytyhy tamy nade. ¹⁸ Kiamy Simaõ robire, aõma, debõtina-di Deuxu Tyytybytyhy nade. ¹⁹ Tai tahe tamy rexitõenyre: —Ka heka wanieru rare. Bidiwahinyke kia ruruna. Tahe inyõ tyre wadebõ aritidikeki, tamy Deuxu Tyytybytyhy kanakemy. ²⁰ Tahe Pedro tamy dirawyõnyde: —Aõkõre, anieru rakemy watxireri awanale rububede-õ. Deuxu ruruna dori anieru-di biwykemy mohõtinyke. ²¹ Kia heka aõmysÏdÏÏnakõre wayreny-ki. Arayky, awo, õbitimy aõkõ ratximyhÏre Deuxu dee. ²² Mabedewomy atximahãke aõraruna-ki, aõbo tahõtinyte. Bexitõenyke InynyrÏ-õ tii õsana aõraruna-ribi araixãwididÏÏnykre. ²³ Kai

dori texiwaritinyamahâte. Aðraruna adi nararotinymyhÿde. ²⁴ Tahe Simaõ tamy rarybere: —Wadee bexitòenybenyke Inynyrÿ-ò, kia aõkõ waki kÿnyikemy, aõmybo tarybetenyteki aõbo.

²⁵ Iribi tahe, Pedro Juaõ-wana Inynyrÿ rybemy rarybemyhÿrenyre, relymyhÿrenyre tai. Sõwemy Samaria bedede hãwã hãwã-ki Rybewihikÿ relymyhÿre, Jerusalê-ò ròòserenyreu.

²⁶ Filipi Samaria hãwã-ki raremyhÿ. Tahe Inynyrÿ ÿjuõ tamy rarybere: —Bexiywinyke, make ibòò-ò. Kasa hãwã ryhykÿ bimyke. Jerusalê-ribi ryy rare, bederahy-ki rare. Tahe Filipi rare. ²⁷⁻²⁸ Tahe inyõ-wana wibymy reare. Tii Etiopia bedede luduõ rare. Etiopia bedede iòlò hãwyyõ rare. Kanasi inire. Inieru-di itxeredu kahãbu rare. Tii enuku rare. Tii ròòsereri Jerusalê-ribi. Kowa Deuxu reàlàmy rare, tahe tasÿ-ò ròòsere iawarutewedile. Isaia Deuxu rybedu tyyriti-di rariamy tii ronymyhyre.

²⁹ Deuxu Tyytybytyhy Filipi-ò rarybere: —Make, awarutewe-ò, mariake ibire-di. ³⁰ Tahe Filipi tamy raijaranyra. Roholare tyyriti-di rariariò. Tahe Filipi rÿÿraxire: —Kai aõbo teeryte aõbo rare, aõdibo tariateri.

³¹ Tahe dirawyònyde: —Aõkõre, inyõ dori wadee ritÿnynyõre. Timybo arierykremy. Manaòwònyke wabire-ò bodonyke. Tahe Filipi raòwònyre.

³² Tii kia-di rariareri tyyriti-ki:

—Iwese iny budoeni rubudÿÿdu-ò riwyre wese, tii iwesele ridyrenyre.

Budoeni-ribi iny isira riororeu, rirajuaõlere. Iwesetyhyle Tii rarybeõlere.

³³ Iehehenamy tamy raryberenyre wese hãbu ehehe wesena, òbitimy aõkõ idi riywinyrenyre. Inyõ rarybeõtyhy iriòkòremy, iumy dori bede-ribi ituera.

³⁴ Tahe tii Filipi-ò rarybere: —Wadee manarybeke momybo rybedÿÿdu rarybereri, iximy aõbo ada ijõmy aõbo. ³⁵ Tahe Filipi kia Tyyritidile rexidelenymy relyyre. Jesusimy Rybewihikÿ Tÿmyramy tamy relyyre.

³⁶ Rydi rariamyhÿre idi rehemynyrenyre beõ-ò. Tahe tii Filipi-ò rarybere: —Kowa bera rare. Biwaratisebenykekõ aõbo, adee awikeki.

³⁷⁻³⁸ Tahe Filipi dirawyònyde: —Awire wadee. Inatyhymy arayky-ki tetyhynyte-wana, aratisebenykre. Tahe rarybere: —Retyhynyre, inatyhymy Jesuisi Kristu Deuxu Riõre raremy. Tahe tewe irira riixãwidinykemy riteònyre. Tahe itewe-ribi ròhònyra, bera-ò riberenyre. Tahe riratisebenyre. ³⁹ Bera-ribi rotuoreu, Filipi aõwesele iõmy reare. Inynyrÿ Deuxu Tyytybytyhy ridyre. Hãbu ixiby Filipimy robiõhyre. Tahe tary-dí rariamy rare. Teysanatyhy-di tÿximy rare. ⁴⁰ Idi tahe Filipi rexieryreu, Asoto hãwã-ki rehemynymy raremyhÿ. Iribi tahe Rybewihikÿ-di relyyre ibutumy hãwã hãwã-ki. Ikonana tahe Sesaria hãwã-ò rehemynyre.

9

¹ Salu rarybemy raremyhÿ, Inynyrÿ Jesuisi ityhydÿÿdu mahãdu rubudÿÿmy. Tii rarybemy raremyhÿ Deuxu dohodÿÿna heto wedu-ò.

² Tamy rexitòenyre: —Arybe tyyriti ariwykremy watzireri Damas hãwã dohodÿÿna heto wedu-ò. Tai tahe kowa-ki ityhydÿÿdu-ò-txi areakeki, aõtxile hãbu hãwyy aõbo, aridykemy Jerusalê hãwã-ò, ariròtenykemy.

³ Tahe iòhòmy Salu rare Damas hãwã iròte iòhò-di, idi tahe loosònahakÿ Salu tyre resere. ⁴ Tahe bedede-txi resere, tahe rybeõ roholare: —Salu, Salu, aõherekibo aõna aõnamy ibinamy wadee tatÿÿnymahâte. ⁵ Tahe tamy rarybere: —Mowexe, Wanyrÿ atxiteri. Tahe rirawyònyre. —Jiarÿ Jesuisi watzireri, aõna aõnabina binamy wadee tadotÿÿnymahâte wahe. ⁶ Myike,

mariamy tahe hãwãhãkÿ-ò malokre. Taita inyò adee rarybekre aõhebo botÿÿnykremy. ⁷ Tahe Salu ijoi riòryre rybeòhyrÿ rÿimyhÿ. Rybe-ò roholare, tahe tuu robiòhyyre. ⁸ Salu suribi rÿireu, iruetà wesele heka ratximyhÿ. Tahe hãbu tii-wana ihÿmyhÿ heka iaxiò-ki idi rimymy idi rare Damasu hãwã-ò. ⁹ Tahe hãwãhãkÿ-ki txu inataò txu idi rÿire aõmy robiòhyyre, riroxiòhyyre, bemy riòðhyyre.

¹⁰ Damasu hãwã-ki ityhydÿÿdu wihikÿ rasÿnyre. Anania inire. Wanyrÿ Jesuisi tamy rarybere rasi weselemy: —Anania. Tahe rirawyònyre: —Aõbo rare, Wanyrÿ, kakile watrixeri. ¹¹ Tahe Jesuisi riteònymy rarybere: —Myike, make òbitiry-ò, Judasisÿ heto-ò. Tai bitÿÿraxinyke titx-ibo Salu ratrixerimy. Tarso hãwãludu tule rininire. Tii wiji wadee rexitònyreri. ¹² Tii umy robireri tarasi-ki. Kai tehemynteri wese, irue-ò ebò bitidikemy, biteytenkemy. ¹³ Anania Jesuisi-ò rirawyònyra: —Wanyrÿ, sòwemy kia hãbumy rybe-ò raholara. Aõbina binamy ityhydÿÿdu-ò risÿnymy raremyhÿ Jerusalê-ki. ¹⁴ Deuxu dohodÿÿna heto wedu tyyriti diwyde kaki ityhydÿÿdu rutysÿny rirutekemy. ¹⁵ Tahe Inynrÿ tamy rarybere: —Aõwaxina tamy makre, Jiarÿ dori, kia re-tara wadee aõmysÿdÿÿdu nihikÿmy rarekemy, judeukòdu mahãduko, iòlòrenyko, tule Israeli mahãduko wanimy rarybekre, aõma, warybetÿmyra wihikÿmy. ¹⁶ Tamy aritÿnynykre tiwesebo aõhòkÿmy rotÿÿnykre wanimy rybeòraru-ki. Kia ibutumy Jesuisi rarybere Anania-ò. ¹⁷ Idi ta Anania rare tamy Judasi heto-ki. Ralòmy rahudi, tahe, tebò ityre ritidira. Tahe rarybera: —Salu, waseriòre, Inynrÿ adee riwateònyra. Tiile, Jesuisile heka ryro-ki adee rexitÿnynyre. Tiile heka riwateònyra arue ritxuakemy, tule Deuxu Tyytybytyhy atykmy ralòkemy. ¹⁸ Tahe aõwesele irue-ribi rejujura aõ yjy wesele. Tahe ixityre robira. Idi rÿimy rahudi tahe, Anania riratysebenyre. ¹⁹ Idi riroximy rahudi tahe, inatyhymy raruruterenyre. Tahe Damasu hãwã-ki tiwese txubo idi rÿire kia erydÿÿna mahãduy-ki. ²⁰ Idi dohodÿÿna heto-ki rybe ritÿnynyre. Rarybere: —Jesuisi heka Deuxu Riòrele rare. Kiawesele rybe-di ritynynymyhÿre. ²¹ Tahe uri ijohonadu mahãdu urile bedè riòtiinymy rÿimyhÿ. Tahe inyò rarybere: —Kia aõ heka ityhydÿÿdu rubudÿÿdule ratrixeri, Jerusalê-ki. Kiale heka kaò nade ityhydÿÿdu ritaataamy ridykemy dohodÿÿna heto wedu-ò. ²² Salu tahe ire riixiòlòdÿÿnymyhÿhyyre. Judeu Damasu hãwã ludu rieryòhyymyhÿ aõmybo rarybemy. Tii rarybere: —Jesuisi Kristule rare, Deuxu deòdÿÿna rare.

²³ Tiwese txubo txu idi rÿidi tahe judeu mahãdu rarybere irubudÿÿmy. ²⁴ Tahe Salu rierymy rÿimyhÿ tahe inonana-ò rexiywiny my rÿimyhÿ. Rummy tahe, txummy hãwã ijò-ki rirubunyky retehemy rÿimyhÿ. ²⁵ Tahe ijò erydÿÿna mahãdu weriri nihikÿ riwinyre. Rummy tahe Salu riòlòdÿÿnyre òtity nihikÿ kanaweribi-ò, hãwã ahanaube-ò.

²⁶ Salu Jerusalê-ò rehemynyre, ityhydÿÿduky-ò ralòkemy ratrixeri, tahe urile ilau ruberumy rÿimyhÿ. Erydÿÿna mahãdu ròhòtynyre: —Tii ityhydÿÿdu inatyhy aõkò ratximyhÿremy. ²⁷ Banabe tahe rityhynymy ridyre Jesuisi erydÿÿna mahãdu-ò. Tahe relyyre iwese Jesuisi Salu-ò ryki rexitÿnynyremy tamy raryberemy. Tule relyyre iwese Jesuisinimy Salu rybe ritÿnydÿÿnymyhÿremy, Damasu hãwã-ki. ²⁸ Tahe taihy Salu ratximyhÿre. Tiò tiòle reamy ratximyhÿre rybe ritÿnydÿÿnyrerimy ihÿre, ruberumy aõkò. ²⁹ Salu rarybera grego rybe heka erydÿÿna mahãdu-ò. Widee rarybehymyhÿrenyre. Idi tahe kia mahãdu Salu rubudÿÿmy

roromyhÿre. ³⁰ Ityhydÿÿdu seriõre kia rieryreu, tahe Salu ridyrenyre Sesaria hãwã-ò. Iribi tahe Tarso hãwã-ò riteõnyre.

³¹ Idi tahe ywina reare ityhydÿÿdu mahãduy-ki. Ibutumy hãwã bedemy, Judeia, Kalileia, Samaria, ityhydÿÿdu mahãdu iruruteremy relere. Ibutumy Inynyrÿ dee õbitina-ki rariamyhÿre, rityhynymyhÿre. Deuxu Tyytybytyhy teysatyhymy tamy riwahinyre. Sõwemy tahe ralore iheki ityhydÿÿmy.

³² Ibutumy hãwã hãwãmy Pedro rariamyhÿre. Tule robehere Lida hãwã-ò ijõ ityhydÿÿdu mahãdusÿ-ò. ³³ Tai Eniamy ninadu-txi Pedro reare heka rare. Iumy heka imyremyrehekÿ heka rare. Debò inataõ reurò beõramy heka herina-ki bede idi rÿire ³⁴ Pedro rarybere tamy: —Enia, Jesuisi Kristu arateytenykre. Myike, aherina biyrubunyke. Aõwesele hãbu rÿira. ³⁵ Ibutumy Lida hãwã mahãdu Sarona hãwã mahãdu tuu robire, tai Inynyrÿ rityhynyrenyre.

³⁶ Jõpe hãwã-ki hãwyy ityhydÿÿdu rasÿnyre. Tabita inire. Kiani riwiurõnyre, watxi wese heka rare. Kia heka aõwiihikÿ widÿÿdu heka rare. Aõna aõna sõwemy iny-ò riwahinymyhÿre. ³⁷ Ijõtxu heka webinadumy resere, ihyy ta, rurure. Risuhõmy rahudi tahe, ritidire hetowo ratyaluduwo-ò. ³⁸ Laida hãwã iõhõmy rÿire, Jõpe hãwã-ribi, Ityhydÿÿdu roholare Pedro Lida hãwã-ki ratximyhÿre, tahe hãbu inatxi diteõnyde Pedro òrysmy. Uritere eleõkõmy kanakemy tii-wana. ³⁹ Pedro tahe tii-wana rare. Rehemynyrenyre, tahe ridyre hetoratya ludu wo-ò. Ibutumy wytese mahãdu robumy rÿimyhÿre, rubuweroramy. Tahety, tatyyboho ritxeredÿÿnymy tamy riwinyre. ⁴⁰ Tahe Pedro rarybere ibutumy rexitakemy. Tahe rexitõnyre taowotimy resemy. Tahe rexiõkesere rubu-ò rarybekemy: —Tabita, myike. Tahe irue raraynyre tahe Pedromy robire, tahe ronyre. ⁴¹ Pedro tebò tamy riwainyre tahe rÿire. Tahe wytese-ò, ityhydÿÿdu-ò rryre. Tamy riteõsinyre hãwyy irulemy roirerimy ihÿremy. ⁴² Jõpe hãwã mahãdu ibutumy kia rieryre. Sõwemy iny tahe Inynyrÿ rybe rityhynyre., ⁴³ Txu sõwemy Pedro Jõpe hãwã-ki ihÿmyhÿ Simaõmy ninadu heto-ki. Simaõ heka iròduty wysydÿÿdu rare.

10

¹ Italia soldado mahãdu dinodumy raremyhÿ. Oreniliu inire. Sesaria-ki rasÿnyre. Tii õbitimy nodu rare, isÿ mahãdu-wana. ² Tii uriwahidÿÿna diwahinyde tule sõwemy rexitõnyre Deuxu-ò. ³ Aõutxu inataõ òra bedeu iõhõmy, rasina wesemy Deuxu ÿjumy tii robira, tamy rehemynyreri. Tahe tamy rryre:

⁴—Oreniliu, rimasajuare-ribi riwawyõnyre: —Aõherekibo, Wanyrÿ. Tahe ÿju rarybere Oreniliu-ò: —Aexitõedÿÿnamy Deuxu rierymyhÿre. Tule ijõ-ò awahisina Deuxu rierymyhÿre.

⁵ Biteõnyke eõdubohoõ Jõpe hãwã-ò Simaõ Pedro òrysmy. ⁶ Tii Simaõ iròdutyky iyxidÿÿdusÿ-ki ihÿre, bera ijà iõhõ-ki. ⁷ ÿju rybedu rexitare, teõdu inatxi-ò rryre. Tule tasoldado mahãduy-ribi inyõwiihikÿ rihitxinyre. ⁸ Kia ibutu-ò relyymy rahudi tahe riteõnyre Jõpe hãwã-ò.

⁹ Ijõtxu txutyetxuu, tiiboho hãwã-ò iõhõmy rõire. Kiaule Pedro raõwõnymy rÿimyhÿ hetotyre-ò rexitõnykemy. ¹⁰ Rama risamy ratximyhÿ tahe riroxikemy ixi-di ihÿmyhÿ. Rÿsÿna riraõmy rÿimyhÿ. Idi rasi wesemy rõhõtynmy rÿire. ¹¹ Tahe robire: biuwetty ruamyhÿre wese tuu robire. Rià wesemy aõna tamy dobehede. ¹² Rià wo-ki ibutumy irõdu, nawii,

hemylala, aõbo dòkõnakõnale. ¹³ Rybeõ-ò roholare: —Myike, Pedro, birubunye, biroxike. ¹⁴ Pedro rirawyõnyra: —Aõkõre, Wanyrÿ. Kia dòkõna reròkõhywãhãre, isuisure dori. Ixityre tamy rarybere: ¹⁵—Aõbo Deuxu risuhore wese isuisumy rybeõmyke. ¹⁶ Ixityre narybede. Iu tahe aõwesele ridyre biu-ò.

¹⁷ Tahe Pedro kia aõbo raredi heka rõhõtinyreu, Oreniliu-ribi hãbu mahãdu rehemynyre. Simaõ heto riijemyhÿ tahe ijòhòkÿkile rahare. ¹⁸ Tahe ryrerenyre: —Simaõ Pedro aõbo kakile ratxireri. ¹⁹ Pedro, tatxuu rasina-di rõhõtinyreu. Deuxu Tyytybytyhy tamy narybede: ²⁰—Myike tahe, bobehke. Inataõ hãbu dori araijereri. Tii-wana makre adee dori aditeõnyde. ²¹ Tai Pedro robere. Tamy rarybere: —Jiarÿ aõrysudu rare. Aõherekibo tòitenyte. ²² Tahe rirawyõnyre: —Oreniliu hãbu òbiti rare. Tii Deuxu dee ijohonaduõ rare. Ibutumy judeu bede mahãdu awiremy tuu rarybemyhÿre. Ïjuõ tamy rarybere aõrysomy kiditeõnykremy, adee roholakremy. ²³ Tahe Pedro tamyreny rarybere: —Kakile inyboho ròkõrõrenykre.

Ihewoludu txu, rÿidi tahe Pedro tiibohe-wana ròirenyra. Ijõ ityhydÿÿdu seriõre tule roirenyra. ²⁴ Ijõ hewo ludu txu Sesaria-ò rehemynyrenyre. Oreniliu tii riraõmyhÿre. Taijoi mahãdu tabiõwawoludu mahãdu-wana ributunymy rÿimyhÿre. ²⁵ Pedro rehemynymy raloreu, Oreniliu ròhõnyra heto-ribi tahe tatiowotimy iko-txi resere riwowodynykemy. ²⁶ Tahe Pedro ritamadÿÿnyre. Rarybere: —Mynyke wahe. Jiarÿ hãbule watxireri. ²⁷ Tahe rarybemy ralõmyhÿ, sõwemy wii ributunyeriò itxi reare. ²⁸ Ta Pedro tamyreny rarybere: —Judeu mahãdu iny witxira mahãdu-wana wibutudÿÿõmy, iòhõmy wiribi riraõmy. Kia teerytenyte. Deuxu dori riwaerynadÿÿnyre kia wese arõhõtinykre. Iny wiwese wiwesele raremy arõhõtinykemy. ²⁹ Tahe tai waõrysomy teteõnyte, aõtaximy anademy wanohõti rÿire. Tai tahe adeereny arÿÿraxikre. Aõherekibo waõrysomy aõtaxina teteõnyte. ³⁰ Ta Oreniliu rirawyõnyre: —Inaubiõwa txumy txu rÿire tahe hãbu tyky tÿrÿrÿhÿkÿ-di wako-txi rexitÿnyra. Iule wesemy tahe waheto-ki rexitõenywãhãre. ³¹ Tahe wadee rarybera: —Oreniliu aexitõedÿÿna-ò Deuxu roholara, ijõ-ò awahisina rieryra. ³² Biteõnyke Jõpe hãwã-ò Simaõ Pedro õrysomy. Simaõ, iròdutyky ixidÿÿdusÿ-ki ihÿre bera ijã iòhò-ki. ³³ Aõwesele tahe, aõrysomy reteõnyre. Awimy tahe tateriki rahara. Inyboho kakile ributunymy ihÿrenyre, aroholakemy ibutumy Deuxu-ribi aõmybo manarybekemy. ³⁴ Tahe Pedro rarybere: —Deuxu dee iny ibutumy wiwese wiwesele rare. Kia reeryre. ³⁵ Ibutumy bede bede hãwã ludu Deuxu rityhynykeki, aõbo tamy òbiti riwinykeki, tii Deuxu ixidee rimyke. ³⁶ Kia rybe tahe Deuxu riwahinyre judeu mahãdu-ò. Rybewihikÿywina kia diwyde inydeereny bedeerynamy. Kia Jesuisi Kristumy rarybere ibutunyrÿna kia rare. ³⁷ Joaõ ijõ ratyseybenamy rarybere, idi tahe kia rybe hãletedÿÿmy rexidelenyre Kalileia-ki. Tahe ibutu judeu mahãdu bedemy rarybere. Kia kaibohe teerytenyte. ³⁸ Iwese Deuxu Tyytybytyhy, taruru-wana Jesuisi Nazare ludu tyre-ki ditxiwide wesemy relyymyhÿre. Iwese Jesuisi reamy raremyhÿ wesemy aõwihikÿ riwinymyhÿremy, tule iny Diabo rururawo-ki ratxirerimy ihÿre Jesuisi iribi riteõnyre, ta reteytenymyhÿre. Deuxu dori Jesuisi-wana ihÿre. Ibutumy kia teerytenyte. ³⁹ Tahe ibutumy judeu mahãdu hãwã-ki riwinymyhÿre, idi itxeredumy inyboho

roiremyhÿre. Ihãre tahe tii Jesuisi rirubunyrenyire, òwòru itxeò nihikÿ-ki ritòhãletenyry ritamadÿÿnyrenyire. ⁴⁰ Inataõ txu-di tahe Deuxu rubu-ribi riixixanyre, tahe tii riteòsinyre inyò-ò. ⁴¹ Tatarasanaòòle Deuxu Jesuisi ritÿnydÿÿnyre. Kia heka inyboho roire tii-wana riroxirenyreki, riòrenyreki, iixixana hewomy. ⁴² Deuxu rarybere: —Jesuisi hitxidÿÿdu iny wiribi ywisijuradÿÿdu rareke, iru mahãdu dee, rubu mahãdu dee. Kiamy heka Deuxu iny-ò ritÿnytedÿÿmy, ta inyboho rokoirekemy diwahinyde. ⁴³ Ibutumy iny Jesuisinimy tamy rityhynykeki, iòraru-ribi iny riixãwididÿÿnyke. Kia ibutumy ihetxiu rybedu mahãdu rÿimy rarybemy raremyhÿre. Kia heka Pedro tamyreny rarybere.

⁴⁴ Pedro rarybemy raremyhÿu, Deuxu Tyytybytyhy ibutu rybe-ò ijohonadu tyre-ki resemý ralore. ⁴⁵ Pedro-wana rare mahãdu, judeu mahãdu òbiti, tahe riòtiinyre judeukòdu mahãdu-ki Deuxu Tyytybytyhy ralòmý rareki. ⁴⁶ Raholare dori rybe wixira-di raryberenyreò, tiiboho Deuxumy heka reàlàmyhÿre. Tahe Pedro tamyreny rarybere: ⁴⁷ —Inyò rarybeòkre, iratysebedÿÿòmykemy, tiiboho dori Deuxu Tyytybytyhy-di ratxirenyre inyweserenyle. ⁴⁸ Tahe Jesuisi Kristu nimy iratysebenykemy riteònyre. Tahe rexitòenyrenyire Pedro idi iyreny-ki ijò txumy ramyhÿre.

11

¹ Judeukòdu mahãdu Deuxu rybe roholamy rityhynmyhÿre. Kia-ò tahe Jesuisi erydÿÿna mahãdu roholare kiamy ityhydÿÿdu seriòre mahãdu tule roholare. Judeia bedede ludu ratximyhÿ mahãdu ibutumy kia rare. ² Pedro ixityre Jerusalê-ò rehemynyreu, tahe judeu ityhydÿÿdu mahãdu tuu tamy narybede. ³ Kia heka, Pedro, judeukòdu mahãdu-wana wiwo-ki atxiteri, tii-wana teroxiteri. Tai tahe ibinamy raharenyire. ⁴ Iribi tahe Pedro ikoreny relyyre ibutumy taaòna aònamy. Kia wesemy Pedro rarybere: ⁵ —Jòpe hãwã-ki watziwãhã. Tahe rabire rasinawesemy riã nihikÿ biu-ribi robehere-ò. Iwese inyò iòhòti inaubiòwa-ki rimynyhÿre wesemy wadee robehemý roimyhÿre. ⁶ Tahe aòbo heka iwo-ki ratximyhÿdi, retehenihikÿmy rãiwãhã iròdu deborehekÿ wesemy ratximyhÿ iwo-ki. Abòròrò wesemy tai ratximyhÿ, iròdu wese, nawii wese tai ratximyhÿ, inyboho rirÿsÿòmyhÿre wesemy. ⁷ Iribi raholare rybeò-ò: —Myike, Pedro, birubunye hewa aòtxile birubunye tibo biròkemy. Aòkòrewa Wanyrÿ, tiu heka reròwãhãre. Judeu mahãdu bedede ywina heka tiu iny kia riròòtyhy. ⁸⁻⁹ Tahe ixityre rybeò tamy rarybere: —Marybeòke kia ibinamy. Aòbo Deuxu awimý rarybere, kia wiji tahe ibinamy aòkò rare. Deuxu dee awikeki, kia awi rare. ¹⁰ Inataõ heka tuu rotÿÿnyre. Iribi tahe kia riã, ibutu-wana iòre biuribihyy heka iòre. ¹¹ Iribi tahe hãbu inataõ dehemynmy deade tai watziwãhã-ò. Tii diwaòryde riwadykremý Sesaria hãwã-ò. ¹² Tahe Deuxu Tyytybytyhy wadee rarybere tii-wana arakremý. Nohòtiòmý heka aòbo judeukòdu mahãdu raremy. Tii-wana makre ele elemý. Tahe kia debò sohoji reurò seriòremý wahemy rare. Tahe retehemynyrenyire waòrysmy riteònyrenyire heto-ò tahe ralòrenyire Oreniliu heto-ò. ¹³ Iribi tahe Oreniliu rarybere iwese ÿju ihetowo-ki tamy rexitÿnynyremý rarybereri: —Oreniliu, inyò biteònyke Simaõ Pedro òrÿsmy Jòpe hãwã-ki. ¹⁴ Tii rybe tÿmyraòmý adeereny kanarybekre. Tai tahe ibutumy asÿ ijoi-wana aòraru-ribi kanakre. Kia Oreniliu inydee rarybere. ¹⁵ Iribi tahe jiarÿ Rybewihikÿmy rexitòelenymý rarybere tamy. Pedro rarybere. Urile tahe roholare, tahe aòwesele Deuxu Tyytybytyhy

ityrereny resere iwo-ò ralòkemy iwese watyrereny resere wesele juhUU.
 16 Tahe Jesuisi rybe wanohòti itxi reare tiubo raryberemy: —Joaõ heka inatyhymy bedi iny ratiseberemy, kaiboho tahe Deuxu Tyytybytyhy-di akanasebedÿÿdenykre. 17 Judeukòdu mahàdu Inynyrÿ Jesuisi Kristu rityhynmyhÿre. Tai Deuxu tamy diwahinyde iwese wadeeremy juhu riwahinyre wesetyhyle. Deuxu Tyytybytyhy uriõno wesele tamyreny diwahinyde. Mobo jiarÿ raremy wahe tuu Deuxu dee aõmy ararybekemy. 18 Iribi Pedro rybe-ò roholareu tahe timyhe tamy irybekõna. Tule Deuxu riwowydynyreny: —Inatyhy wa rare Deuxu heka judeukòdu mahàdu-ò heka umytedeõna riwahinyre. Inyõ rityhynykeki, ixirahikeki, tarasana rimyrenykre.

19 Iu tahe Estevaõ rurureu, ityhydÿÿdu aõhòkÿmy rotÿÿnyreu tahe, ityhydÿÿdu mahàdu Jerusalè-ribi ròhònyre. Tii heka relymyhÿre Rybewihikÿmy judeu mahàduòle kÿny wahe, iwitxira witxira-ò aõkõre. Tahe ibutu bede-ò ritelenymy ròirenyre. Senisia-ki relyre. Xibri bedebute-ki tule relyre, Atxiòkia hãwã-ki tule relyre. 20 Ijõ ityhydÿÿdu mahàdu Jesuisi Rybewihikÿ tÿmyra rarybere. Tiiboho Xibri bedebute-ribi ròhònyre, Sireni-ribi ijõ rybedu ròhònyre Atxiòkia-ò. Tiiboho relyre judeukòdu mahàdu-ò tule. 21 Deuxu riwiòhenanyre sõwemy iny rityhynyre, Jesuisi ryò ralòreny. 22 Jerusalè ityhydÿÿdu mahàdu kiamy roholare. Tai tahe Banabe riteònyreny Atxiòkia-ò. 23 Banabe rehemynyreu tahe, tuu robire aõbo Deuxu kowa riwinyrerimy. Tai tahe reysare. Tahe ityhydÿÿdu tÿmyra-ò dohodÿÿmy, riwiòhenanykremy: —Iòhòtyhymy Deuxu-ribi atximahãbenyke, aworibityhy Deuxu bityhynybenyke. 24 Banabe heka hãbu wihikÿ rare. Tÿxihikÿlemy Deuxu Tyytybytyhy-di ratximyhÿre. Ibutumy ratximyhÿre tyhydÿÿna-di. Sõwemy iny rexiròteny Inynyrÿ mahàdu-ò. 25 Idi tahe Banabe rare Tarso hãwã-ò Salu ijesemy. 26 Tai rahareu tahe, didymyhe dòðsemy nade Atxiòkia-ò. Sohoji beòramy idi bede riereny. Sõwemy iny ribedeernymyhÿreny. Atxiòkia hãwã-ki ityhydÿÿdu mahàdumy raninira Kristu wese mahàdumy. Kiani tamyreny riwahinyre.

27 Aõutxu tahe dehemynyde Deuxu rybedu mahàduõ Jerusalè-ribi Atxiòkia-ò. 28 Ijõ Abusi inire. Iribi tahe tii rarybere Deuxu Tyytybytyhy rybemy. Ramamy rubu nihikÿ kanakremy raxireri, ibutu suò. Laujiu iòlòmý raremyhÿu, kiamy rotÿÿmyhÿre. 29 Tai tahe ityhydÿÿdu mahàdu he nieru riwahinykremy rÿire Judeia bede sÿdu ityhydÿÿdu riwiòhenanykremy. Tahe nieru riwahinyre tiwesebo idi ratximyhÿre wesemy tamy riwahinyre. 30 Tahe nieru riteònyre, moma-wana Banabe Salu-wana Jerusalè dohodÿÿna heto matuari mahàdu-ò riwyre.

12

1 Kia bededÿÿnanamy heka Herodi judeu iòlòmý raremyhÿ. Iribi tahe rexidelenymy riwinyre heka ityhydÿÿdu mahàdu kia òludumy risÿnykre myhÿ. Tii riteònyre aõna aõnamy risÿnykemy ityhydÿÿdu mahàdu-ò. 2 Tii mayrehe-di rubudÿÿmy riteònyre Joaõ seriòre wahe, Txiau wahe. 3 Tai tahe judeu wedu mahàdu heka tamy wihikÿlemy tuu rotÿÿnyre. Herodi rierymy raremyhÿ idi Pedro rimyre. Tahe worana bedehesi rÿire. Paõ taurina ihoò inire. Kia ibutumy rotÿÿnyre kia bedehesi rÿireu. 4 Tahe Pedro riròteny, ròtenawomy wirutyre. Aõmamy soldado mahàdu in- aubiòwamy iitxeredumy rÿimyhÿre. Pascoa kia worana bedehesi konana

txu rexihumy rÿireu tahe, judeu mahãdu-ò riwahinykre. Kia Herodi rexinohõtíðÿÿnyre. ⁵ Ròtenawo-ki tahe Pedro ratximyhÿre. Ityhydÿÿdu mahãdu tahe Deuxu-ò rexitòdenyhyymyhÿre Pedro tòenamy. ⁶ Txubiòwamy tahe itxu riywinyrenyrene iny sòwehekÿ-ò Pedro riwahinykemy. Kiamy Herodi ròhòtinyre. Ruu tahe Pedro ròròmy roimyhÿ. Inatxi soldado heka idile ratximyhÿre. Pedro womati reroti inatxi-di ratisamy roimyhÿre. Ijò soldado rotena ijò-ki ratximyhÿre. ⁷ Inynyrÿ ÿju heka Pedro weribi rihetenyre riixixanykemy. Loosòna itÿnyhÿkÿlemy ròtena ritoosònyre. Tamy rarybere: —Wylemy wa rexiukÿnyke. Tahe aòwesele Pedro axiò-ribi womati rerotihikÿ rejuxunyre. ⁸ Tahe ÿju tamy rarybere: —Awamy birutyke, bexityynyke. Kiamy riwinyra. Ijò arahana birutyke tahe biwaheludunye. ⁹ Iribi ròhònrya he tai ròròri-ribi wahe. Kia ibutumy heka rasi weselemy Pedro ròhòtinyre rieryòre inatyhy aòbo ada rasi aòbo. ¹⁰ Juhu heka ikoludu soldado mahãdumy reare idi ihewoludumy reare iribi rehemynymy rÿire ahana ijòtyhy-ò. Womatilere heka iijòtòbònare. Ixiwanale heka rarayre ijòtòbòna. Iribi tahe roirenyre hãwãry-di ririranyrenyre. Idi tahe ÿjuhe iòre iribi. ¹¹ Tahe Pedro ròhòtinyre, rieryre heka aòhebo rotÿÿnyraò. Wanyrÿ ÿju riteònyre riwatarà Herodi-ribi judeu mahãdu-ribi. Katahe wadee aòhe rotÿÿnyrenyòtyhy. ¹² Ròhòtinyry rÿire juhuhu urihimyo idi tahe rare Marie heto-ò. Joaò Markuse heka tii rare. Tai ityhydÿÿdu mahãdu rÿimyhÿ tahe rexitònyrerio Pedro tamy rehemynyre. ¹³ Tahe ijò he rihetenyre. Ijòtòbòna-ò nade mobo raremy rierykemy ijadòma deòdu. Rode inire. ¹⁴ Tahe Pedro rybe rieryra. Reysamy raijaranyre iwo-ò. Pedro tahe ralòòlemy rÿire. Tahe relyyre Pedro heto ijò-ki rÿimyhÿmy. ¹⁵ Tiiboho raryberenyre: —Kai tabinamy atxiteri. Ixityre rarybere: —Aòkòre tii taile naderi. Tahe raryberenyre: —Pedro aòkò rare, taÿjulemy tahe rare. ¹⁶ Tahe Pedro riheterihetenymy rÿimyhÿre. Idi riraynyrenyre. Pedromy robirenyrau, bede riòtiinyrenyre. ¹⁷ Pedro tahe tamyreny tebò reara roholarenykemy. Tahe tamyreny relyyre timybo Inynyrÿ ròtena-ribi rexiòlòðÿÿnyramy. Tule tamy riteònyre: —Kiamy belyyke Txiau-ò tule inyriòre-ò. Tahe rexitare, rare ijòsÿ-ò.

¹⁸ Txuu ratÿnyre, soldado mahãdu ierysmy wii risÿnyre timybo Pedro aòhebo rotÿÿnyramy. Tahe jei jei aònire. ¹⁹ Herodi iijesemy riteònyre tai moò tai rahaòhyylera. Tai soldado itxeredu sohoji sohoji dÿÿraximy riteònyra. Idi irubudÿÿmy riteònyra. Iribi tahe Herodi Judeia bede-ribi ròhònrya. Sesaria hãwã-ò bededÿÿnanaò riwyrà.

²⁰ Tiro hãwã mahãdu Sidoma beà hãwã mahãdu-wana Herodi derarenyre. Tahe tiiboho ributumyrenyre tamy ròirenykemy rybe-di. Iòlò heto-di itxeredu Blastu inire. Tahe iny mahãdu Blastu ròtarenyre iwe-ribi mahãdureny. Tahe ròirenyre Herodi-ò tamy rexitòdenyrenyre, tamy ykaraòmykemy. Tarÿsÿna dori diwyde iòlò bede-ribi, Herodi bede-ribi. ²¹ Herodi tahe itxu riywinyre. Kia txuu tahe ròhònrye tamy. Rexityynyre taiòlòtyyrehe-di tahe tarynana tyre-ò ronyre, tamy Rybewihikÿmy rarybere. Tai tahe iny rirajuare: —Katahe hãbu aòkò rarybereri, Deuxu wahe. ²²⁻²³ Aòwesele Deuxu ÿju heka Herodi rirubunyre, tii Deuxutyhymy realàòreki. Woudò rubudÿÿnamy rurure.

²⁴ Deuxu rybe tahe ibutumy roholare. Sòwemy iny tahe rityhnyre.

²⁵ Banabe Salu-wana nieru riwahinymy rahudi tahe, diòòsede Jerusalè-ribi Atxiòkia-ò. Joaò Marku tii-wana ridyre.

13

¹ Atxiòkia dohodÏÏna heto mahãdu-ki rybe tÏnydÏÏdu mahãduò, bede erydÏÏdu mahãduò rÏimyhÏre. Kaheka inireny rare: Banabe, Simaò, iniraròsòna Nike rare. Lusiu ijòre, tii Sireni hãwã ludu rare. Manaï ijòre, tii HerodisÏ-ki ratibienyre, Salu ijòre. ² Ibutumy tahe InynyrÏmy reàlære, riroxiòhyy heka bede riemyhÏ. Tahe Deuxu Tyytybytyhy tamyreny rarybere: —JiarÏ waaòmysÏdÏÏna dire Banabe-ò, Salu-ò. Kaiboho heka biteònybenykre kia riwinykremy. ³ Tahe roxiòhyy my bede riemy, rex-itòenyrenyre. Tebòreny iratytyre ritidirenymy, idi riteònyrenyre tabede tÏina-ò.

⁴ Deuxu Tyytybytyhy tahe tiiboho riteònyrenyre. Selusia hãwã-ò tamy riberenyrenyre. Tahe hãwòò rimyrenyre Xibri bedebute-ò. ⁵ Tahe rehemynyrenyre Salamina hãwã-ò. Tai judeu dohodÏÏna heto-ki Deuxu rybemy raryberenyre. Tule Juaò Marku rare tii-wana wiòhedÏÏdu wese heka rare. ⁶ Tahe ibutumy bedebutemy rekoarenyre. Ritehemynyrenyre hãwãò-ò Pafumy ninadu-ò. Tai tahe judeu mahãdu witxi deade, Bajesuisi heka inire. ⁷ Tii Deuxu rybeduòmy raremyhÏmy ix-imy rarybere tahe aòkòre, raruire, riitxenanyre. Tii bedebute hãwã dinodu-wana rare. Kadinoduni tahe Sergio-Paulo inire. Tii hãbu bedeery nihikÏ rare. Tii Deuxu rybe-ò roholakemy ratxireri. Tahe didyde Salu, Banabe-wana tamy roholakemy. ⁸ Bajesuisi, Elimasi ijò ini rare. Tahe tii bedebute dinodu-ò rarybere uritere Salu rybe-ò, Banabe rybe-ò ijohonakòmykemy. WanyrÏ tyhydÏÏkòmykemy dori tuu risÏnyre. ⁹ Salu tahe, Paulo ijò ini rare. Deuxu Tyytybytyhy heka itykymy ralòmy rÏimyhÏre. Tahe Paulo retehere Elimasi-ò tamy rarybere: ¹⁰ — Kai Satanasi riòre tate. Kai heka ibutu itxenadÏÏ-di tÏxihikÏlemy ahãte. Kai heka awihikÏ òludu tate. Tiubo heka bexihukre InynyrÏ-ribi iny riixãwididÏÏnyre. ¹¹ Deuxu heka wiji araòwynykre, aòhòkÏmy arasÏnykre, aruetàm y bonykre. Txu bobiokre bede biwyke. Iule tahe aòwesele bede torohokÏlemy reare. Robiòhyy my reare. Urile riemy ratximyhÏre, iny riwiòhenanykemy, ryy tamy ritÏnynykemy. ¹² Tahe kia bedebute dinodu tuu robire aòhebo rotÏÏnyramy, tai bede riòtiinymy rononymhÏ tahe tii InynyrÏ rityhynyre.

¹³ Iribi tahe Paulo ròhònra taijoi-wana Pafu hãwã-ribi. Rakremy riberenyra hãwã nihikÏ-ki Panfilia bede-ò, Peke hãwã-ò. Juaò Marku iribireny rexitara, dòsede Jerusalè-ò. ¹⁴ Tahe Paulo Banabe-wana roirenyre. Peke-ribi riòlònre tahe rekoarenyre Atxiòkia-ò. Kaa iwitxira Atxiòkia hãwã rare, Pisidia bede-ki ratxireri. Tahe rirònnyrenyre judeu mahãdu dohodÏÏna heto-ò. Sabado txu rÏire. RononymhÏre ijohonamy. ¹⁵ Kia hãbu mahãdu heka Moisesi bede ywina tyyriti-di, Deuxu rybemy rybedu mahãdu tyyriti-di rariamyhÏre. Tahe dohodÏÏna heto wedu Pauloboho-ò raryberenykemy rarybere: —Waseriòre, arybemy idi atxiteri-wana marybeke aòwaxiny bitÏnyke. ¹⁶ Tahe Paulo rÏire lamamy. Iwese rybedÏÏmy ròteòsidÏÏmyhÏre wese rÏire. Tahe rexidelenyre: — Hãbu, Israeli mahãdu, tule ibutumy Deuxu rityhynymy rÏira mahãdu, bodoholabedenyke kaa ijyy-ò. ¹⁷ Israeli mahãdu Egito-ki rasÏnyreu, taDeuxu iribi ritare, moma, inytybyreny Deuxu, Israeli mahãdu ty-byreny wahe. Deuxu rasòwedÏÏnyre. Iribi tahe Deuxu Egito-ribi ritarenyre tebò ruruteretyhy-di. ¹⁸ Tiiboho bederahy-ki 40 beòramy bede riereu, Deuxu taaòbina hina riòludunyre. ¹⁹ Kanaã bede-ki debò

inatxi reuròmy ixÿju ixÿju mahādumy rahure. Idi tamyreny riwahinyre bede, isÿhyomy rarekemy. Idi tahe rybe ywisidÿÿdu mahādu tamy riwahinyre. 450 beōra rahureu, tahe Samueli Deuxu rybeduōmy raremyhÿ. ²⁰ Idi tahe rybe ywisidÿÿdu mahādu tamy riwahinyre. Tahe 450 beōra rahureu, Samueli Deuxu rybeduōmy raremyhÿ. ²¹ Iribi iny Deuxu-ò rexitòdenyre iòlòmy tamy kadiwahinykemy. Tahe Deuxu Salu tamy riwahinyre, iòlòmy. Salu tahe Kixi riòre rare. Benjami mahādu rare. Tahe 40 beōramy iòlòmy ronyre. ²² Salu iribi ritareu, tahe Davi, Deuxu ritamadÿÿnyre iòlòmy. Deuxu Davimy rarybere: —Davi Ijese riòre rare. Jiarÿ iluure. Tii ibutu wadee wimy riwinykre. ²³ Tahe Davi riòkòre-ribi Jesuisi ròhònyre, Israeli tarasadumy rarekemy. Iwese juhū Deuxu rarybere wese. ²⁴ Jesuisi naòdeu, Juaò ritÿÿnyre Israeli mahādu-ò iòrarureny ririkemy idi raratisebenykemy. ²⁵ Juaò rybe tÿnydÿÿna kōnanau, tamyreny rarebere: —Jiarÿ wa iwese tahòtinytenyteri wese aòkò jiarÿ rare. Kaiboho tiwaraòðhyamahātenyete. Betehebenyke, tii, wahewomy kanakre. Jiarÿ aò aòkò rare, iwatisana arieseòtyhy iwa ritakemy, tii dori waratyre wihikÿreki. ²⁶ Waseriòreboho, Abraò riòre riòremy ibutumy inyboho roire, tule Deuxu reàlāmy rÿira mahādu kaki ratximyhÿ. Deuxu inydeereny biu-ò hedu rybe diwahinyde. ²⁷ Jerusalē mahādu, iwedureny-wana raeryòhyre tii tarasadu rare. Ibutumy sabado txu rybedu tyyriti-di rariamyhÿre tohodÿÿna heto-ki, tahe aòbo rare rieryòhyre. Jesuisi rubudÿÿmy raryberenyre, iwese rybeduò rarybere wese, tiiboho rotÿÿnymyhÿre. ²⁸ Tiiboho aòbina bina-ki tai rahaòhyra, ihārele irubudÿÿmy rexitòdenyre Pilato-ò. ²⁹ Iwese ibutumy Jesusimy riritinymy roireri wese, ibutumy tuu ròhònyre. Tahe itxeò nihikÿ tyre-ribi ritarenyre. Tahe mana hāloo rawo-ò ritidirenyre. ³⁰ Tahe Deuxu rubu-ribi riixixadÿÿnyre. ³¹ Tii-wana iny mahāduò roirenyre juhū Kalileia-ribi Jerusalē-ò. Rexixamy rahudi tahe, tii mahādule tuu robihyomy txuu widireny rÿire. Kia mahādule inysòwey-ki relyymyhÿre. ³²⁻³³ Deuxu juhū rarybere inytybyreny-ò aòhebo rotÿÿnykemy. Inydeereny tahe tii riwinyre Jesuisi riixixanyreki. Kia Rybewihikÿmy adeereny relymahāreny. Iwese inatxi wiuna ritidÿÿna-ki roire wese: —Kai waRiòre tate. Wiji tahe bomy watxiwāhāre.

³⁴ Kiamy heka Deuxu rarybere Jesusimy: —Rubu-ribi ariixixanykemy, tii rasunymyhÿre bede-ò ròdseòtyhy. Iwese Davi-ò jiarÿ rarybere wese-ibutumy adee bede ariywinykre. ³⁵ Deuxu ijò wiuna Ritidÿÿna-ki tule rarybere. Iwese Jesusile rarybere wese, kiamy roire:

—Eòdutyhy umy rasÿnyòtyhy kai dori waumysudÿÿ-ò teijemahāte.

³⁶ Iu Davi Deuxu dee taijoi riwiòhenanymy rahudi tahe, rurure. Tybyreny-ò tii rara. Iumy tahe rasunyre. ³⁷ Jesuisi umy tahe rasunyòre Deuxu dori rubu-ribi riixixadÿÿnyreki. ³⁸⁻³⁹ Jesuisi bityhnybenykeki, aòraru riixāwidinyke. Kiamy Moisesi bede ywina ihoòhyre adeereny. Kia bierybenyke waseriòreboho, tiile, Jesuisi, adeereny relywāhāreny. ⁴⁰ Bexiijebenyke, kiamy adeereny rotÿÿnyke lau iwese rybedu ritina-ki roire wese:

⁴¹ —Kaiboho inatyhy derare. Betehebenyke, burubenyke, bede biòtiinybenyke, aòbo jiarÿ rewinyrerìò. Inyò adeereny ritÿÿnyke ihārele. Tii heka bityhnybenyòtyhy.

⁴² Tahe Paulo irybe rexihura. Iribi ròhònyre Banabe-wana. Rexitòdenyrenyre ijò sabado biòwau tarybetybydile ixbyly relyykemy. ⁴³ Iny

ritobinomy rahudi, judeu mahãduõ, judeu bede erydÿÿna ityhydÿÿdu mahãduõ tule Banabe Paulo-wana riheludunyre. Tahe tamyreny rarybereny: —Deuxu ruxetõena-ki idi mariahyymyhÿkemy.

⁴⁴ Ijõ sabado rehemynyre, ibutu iny hãwã-ribi doimyhÿdenyde Deuxu rybe-õ ijohonamy. ⁴⁵ Judeu mahãdu tahe inysõwemy robireu, tiiboho rexiwaritinymyhÿrenyre. Tiiboho raryberenyre aõbinahãkÿlemy Deuxuru-õ. Paulo riki inatyhymy aõkõ tii rarybemyhÿre. ⁴⁶ Paulo Banabe-wana ihãrele brebuõlemy raryberenyre: —Juhuu adeereny Deuxu rybe dobehede. Tahe kaiboho tetyhynyõtenyde, tai judeukõdu mahãdu-õ aroirenykre. Kaiboho Deuxu rybe terarenyreki, ixi sohojile tahe tetaõte adeereny aõ aõkõreki. ⁴⁷ Kia Inynyrÿ bede ywina wadeereny riwahinyre: —Kai loosõna wesemy atxikre judeukõdu mahãdu-õ. Kai tarasanary ritÿnynykre ibutu inyko-õ. ⁴⁸ Judeukõdu mahãdu kia-õ roholareu, tahe reysarenyre. Deuxu rybe riwowodynrenyre tai. Tahe rityhynyre, timybo Deuxu juhUU ritare wesele tamyreny umytuedeõna riwahinyremy. ⁴⁹ Inynyrÿ rybemy kia bede-ki ibutumy relyyre. ⁵⁰ Tahe judeu mahãdu rarybere hãwywihikÿ ityhy-õ, tule hãwã wedu-õ. Tai tahe Paulo Banabe-õ õludu sõwemy resere. Tahe isubede-ribi riteõnyrenyre. ⁵¹ Paulo Banabe-wana tawa-ribi bryby riõhõwirenyre tamyreny tiiboho ibinareki. Tahe Ionio hãwã-õ roirenyre. ⁵² Atxiõkia ityhydÿÿdu mahãdu tahe reysamy rÿimyhÿre. Deuxu Tyytybytyhy-di tÿximy ihÿre.

14

¹ Ionio hãwã-õ Paulo Banabe-wana rare. Judeu mahãdu dohodÿÿna heto-õ. Tahe rybe ritÿnyrenyre, tarurumy he relyyrenyre. Sõwemy judeu mahãdu, judeukõdu mahãdu-wana rityhynynrenyre ijyy. ² Tahe ijõ judeu mahãduõ rityhynyõre. Ijyy deramy reamyhÿre, tule ijõ-õ tule rarybere ityhynyõkemy. Tahe Paulomy, Banabemy aõ õta õtalem y rarybemyhÿrenyre. ³ Ihãrele tahe Paulo Banabe-wana bede nihikÿ riwyrenyre tai. Tamy rybe ritÿnyhyy roiremyhÿ ibrebuõlemy. Inynyrÿ taruxetõena rybetyhydÿÿnamy riwiõhenanyre tiiboho bedeõbyna widÿÿdu renyreki. ⁴ Hãwã mahãdu ritxuare. Ijõ heka judeu wedu mahãdu rityhynymyhÿre, ijõ tahe Paulo Banabeboho rityhynymyhÿre. ⁵ Judeukõdu mahãdu, judeu mahãdu, taweduren-y-wana widee rarybere Paulo Banabe-wana riõkõrõrenykemy tamy mana-di rehurenkremy. ⁶ Tahe tiiboho rexieryrenyre tahe rihenyrenyre. Tahe rõirenyre Lистра hãwã-õ, Debi hãwã-õ, kia Laonia hãwã hãwã-õ rare. Tule rariarenyre kowa bedewo-ki. ⁷ Tahe kowa tiemy ritÿnyhyy roiremyhÿ Rybe tÿmyra wihikÿ-di.

⁸ Lистра hãwã-ki heka hãbuõ-txi rekoarenyre, itierere heka. Taihyy heka ronymyhÿre. Tuuhyy heka ratohouãmy ijarananyre. ⁹ Tii tahe Paulo rybe-õ roholare. Paulo tamy retehere. Kia tahe Paulo rieryre hãbu teytetyhynadire Paulo riteytenykremy. ¹⁰ Tai tahe tamy rarybere tarybe riterenymy: —Mynyike, õbitimy. Ta hãbu rexiwatxinyre, rariare. ¹¹ Ijohona mahãdumy robireu, aõbo Paulo riwinyremy tahe rirajuare tarybe-di, Laonia rybe-di: —Ka hãbu mahãdu heka deuxu wesemy idi rexinõhõtidiÿÿnymyhÿre. Inydeereny deuxu wesemy dobehede. Iumyreny tahe hãbu wesemy rare. ¹² Banabe heka, Jupitemy tadeuxurenyniõmy rininire. Paulo tahe ijõnimy, Meuriumy rininirenyre irybe sõwetyhyreki, tii rybedureki. ¹³ Jupite xiwena wydydu horeru bederade-di dehemynde. Tohodÿÿna heto hãwã ahana ube-ki rÿire. Broreni

xiwe wesena tamyreny hãwã mahãdu riworonykemy, riwahinykemy. ¹⁴ Kiamy roholareu, Paulo Banabe-wana tatykyreny riykaranyre idi ri-hurenyre. Tahe ralõmy reare inysõwey-txi rarybekemy. ¹⁵ Tamy ryryre: —Aõhebo tatÿÿnytenyteri. Jiarÿboho hãbulemy watxirenryeri. Kialemy adeereny rarybewãhãre, Deuxu rybetÿmyra wihikÿ. Adeuxureny-di nohõtirenÿõmy. Bedewidÿÿdu ta mohõtinybenyke. Tii dori benihikÿ riwinyre, ibutumy biu-ki riwinyre, tahe Deuxutyhy-di mohõtinybenyke. ¹⁶ Ihetxiu Deuxu ibutumy bede bedemy sÿdu ririre ixidee wimy aõna aõnamy rotÿÿnykemy. ¹⁷ Urile tahe tamy rexideõsinyre tamy biu ri-wahinyre taoworumy raratynykemy. Tai tahe kaiboho arÿsÿna dire, Deuxu debõ-ribi, awo-ki eysanadire. ¹⁸ Ihãrele iny tamy xiwe wesena tamy riwahinykemy ratxireri. Paulo tamyreny rarybere: —Aõkõ, iny-deereny bidiwahinyõke.

¹⁹ Iribi tahe judeu mahãdu-ò Atxiõkia-ribi, Ionio-ribi tamyreny raryberenyre Paulo rubudÿÿmy. Hãwã õtityube-ò Paulo ridyrenyre. Mana-di tamy rehumyÿ. Tahe rubu wesemy ririrenyre. ²⁰ Idi tahe ityhy-dÿÿduõ tamy wirotyre. Paulo tahe suribi rÿire tahe tii-wana nalõde hãwã-ò. Ijõtxu biõwamy tahe Banabe-wana Paulo rexitare ijõ hãwã-ò, Debi hãwã-ò. ²¹ Ka hãwã-ki tahe Paulo rybe tÿmyra wihikÿ ritÿnynyre. Sõwemy tai rityhynyreu, Pauloboho ròserenyre Listra hãwã-ò, Ionio hãwã-ò, Atxiõkia-ò. ²² Ibutumy hãwã-ki Pauloboho ityhydÿÿdu mahãdu riwiõhenanyrenyre, tiiboho rityhynyhyummy ratximyhÿkemy. Tamyreny rarybere: —Kaiboho aõhõkÿmy botÿÿnybenyke, ihãrele malõkemy titxibo Deuxu Iolò ratximyhÿre-ò. ²³ Ibutu ityhydÿÿdu mahãduy ribi ritamy rÿimyhÿ rarekemy, idinodumy. Matuari mahãdu-ribi tii ritare. Iu ritareu tahe, rexitõenyre Deuxu-ò tule byreõhyy txuõ riwyyrenyre. In-nyrÿ-ò rexitõenyre: —Kia ibutumy aratyhynyteri, tai tahe biywinymy ahãke. ²⁴⁻²⁵ Pisidia bede-ki rekoamyhÿrenyre Panfilia bede-ò. Kowa-ò Rybewihikÿ tÿmyramy relyummy rahudi Peke-ki, Atalia hãwã-ò dobehede. ²⁶ Tai hãwõ nihikÿ welõdi-di rimyrenyre. Tahe Atxiõkia-ò rorore. Kowa-ribi juhuule rybe tÿmyra wihikÿ ijyy-di dõhõnyde. Kowa juhuu rexitõenyre tamyreny Deuxu ruxetõena-wana rarekemy. ²⁷ Atxiõkia-ò rehemynyreu, Paulo, ibutumy ityhydÿÿdu mahãdu ditotynyde. Tai heka tamyreny rarybere iwese Deuxu riwiõhenanyre wese ibutumy iaõmydÿÿnana-di. Iwese judeukõdu mahãdu rityhynykemy. Deuxu tamy ityhyrna ijõtõbõna riraynyre wese. ²⁸ Idi bededÿÿnana riwynihikÿre ityhy-dÿÿdu mahãdu-wana.

15

¹ Hãbuõ Judeia mahãduõ ditehemynydenyde ta teõsamy ribedeerynyrenyre. Kawese ribedeerynyre: —Moisesi Tyyriti bede ywina, notykyresynamy, rityhynyõkeki, iny rataõtyhy. ² Iribi tahe Paulo Banabe-wana tamyreny rarybehyy rare. Tai tahe inyõ tamy rarybere Jerusalẽ matuari mahãdu-ò roirenykemy aõmydÿÿnana rexiõbitinyrenyreny. Iny witxira-ò Jesuisi erydÿÿna mahãdu-ò rarybekemy heka tamy, Pauloboho iteodÿÿmy rarybere. Tahe ijõ hãbu mahãduõ tule tiiboho-wana riteõnyrenyre. ³ Dÿÿraximy heka tamy ròirenyre, aõ aõmydÿÿnabo ratxirerimÿ wahe. Sõwemy dohodÿÿna mahãdu ihemy roirenyre urihimÿyõ, tai tahe ririrenyre. Tahe Senisia bede bedemy, Samaria bede bedemy riõhòrerenyre. Relyyre

judeukõdu mahãdu tule ityhydÿÿdu mahãdu-ki rÿirerimy. Tai ibutummy ityhydÿÿdu mahãdu reysare. ⁴ Tahe ritehemynyrenyere Jerusalẽ-ò. Wihe ritotyynyrenyere ityhydÿÿdu dinodu-wana, tule matuari mahãdu-wana, Jesuisi erydÿÿdu mahãdu-wana. Tiiboho relyyrenyere aõmybo Deuxu rotÿÿnyre iyreny-ki, timybo riwiòhenanyré. ⁵ Tahe hãbu mahãduõ tai raremyhÿ heka. Juhuu heka fariseu mahãdumy ihÿre, idi tahe ityhydÿÿdumy ralore. Imahãdu-ribi ijõ rÿire ribedeerynykremy. Tahe rarybere: —Inydeereny kia wese rare. Judeukõdu tyhydÿÿdu ibutummy notyyresyna-di ròhònyke. Tule ibutummy Moisesi bede ywina ibutummy rityhynykemy. Kawesemy tamy ribedeerynyre òbitimy aõkõ watzireri.

⁶ Idi tahe Jesuisi erydÿÿna, matuari mahãdu-wana wii ributunyre rybe òbitidÿÿmy. ⁷ Rybe sõwemy rahude tahe, Pedro rÿire tamyreny rarybekemy: —Waseriòreboho, Deuxu juhu riwatare Rybewihikÿ rybedumy judeukõdu mahãdu-ò tuu aritÿnynykremy, tiiboho tule rityhynyrenykyre. Tai rarewãhã. Kaiboho kia ibutummy teerytenyte. ⁸ Iwese inydeereny riwahinyre wese, Deuxu Tyytybytyhy tamyreny tule riwahinyre. Judeukõdu mahãduõ tule ixidee rinykemy. Kia wese tuu riteòsinyre inydeereny. ⁹ Deuxu wiribi lahiximy aõkõ iny riwinyrenyere. Wiwesehyyle ihÿre. Tiiboho inywesele ihÿrenyere. Tiiboho rityhynyrenyere, heka irayky rityranyrenykyre ritarenyke. ¹⁰ Kia wese Deuxu teurihitenyteri. Kia bede ywina itxyynautxiehekÿ wesere ityhydÿÿdu mahãdu tyre-ki tetiditenyteri. Inybyreny tiu retyyõre tule inyboho idi retyyõre. ¹¹ Inynyrÿ, ruxetòenale-di iny ritamyhÿre. Tule judeukõdu mahãdu kia weselere ritamyhÿre.

¹² Tahe aõmy rarybeõhyrenyere. Ibutummy he Paulo Banabeboho rarybereò, roholarenyere. Tiiboho heka relyyrenyere tule bedeòby wihikÿ aõna aõna-wana Deuxu riwinyremy tadebò-di wahe. ¹³⁻¹⁴ Iribi tahe rexihurenyre tasÿ, Txiau rÿire rarybekemy: —Waseriòreboho, bodohalabedenykyre inihe warybe-ò: —Pedro kÿny adeereny rarybere, timybo Deuxu judeukõdu mahãdu roramy rare iny mahãduõ ixidee ritakremy tanityhy-ò. ¹⁵ Kiawesemy he tule ihetxiu Deuxu rybemy rybedu mahãdu riritinyre, kamy wahe: ¹⁶ —Wanyrÿ heka rarybera: —Adòòsekre, ixyby ariwinymy aritamadÿÿnykre aòdohodÿÿna heto Davi juhUU riwinyre. Idi tahe resere. Ixyby ariwinykre. ¹⁷ Tai tahe judeukõdu mahãdu-ribi iuhe riwaòrykre wamy rityhynykemy. Wanyrÿ, Deuxu, kiamy heka tiiboho rarybekre, ibutummy jiarÿ retarenyreki. ¹⁸ Kawesemy Wanyrÿ tuhyy rarybemy raremyhÿ, tule wiji ihÿre. ¹⁹ Tai heka kiawidÿÿõmy rakatximyhÿrenykyre. Tamyreny rybeõmy rakatximyhÿrenykyre. Judeukõdu mahãdu Deuxumy rityhynyrenyere, iny bede ywina reny tyhydÿÿmy tamyreny rybeõmy. ²⁰ Kialemy heka tamyreny rakaryberenykyre: Suritxoo xiwe-ribi iròdude ròrenyõmy. Tule òta òta òraruna widÿÿõmy, iròdu hãlubu-di ròrenyõmy, ihãlubu rejuxunyõmyhÿre-wana. ²¹ Kiamy heka rakatximyhÿrenykyre. Moisesi bede ywina-di òri ibutu hãwã-ki judeu dohodÿÿna heto-ki rariamy raremyhÿ. Sabadotxu ihyymy aõkõ kia ritÿnynymy raremyhÿ.

²² Tahe kiamy heka rahòtynyrenyere, Jesuisi erydÿÿna mahãdu, ibutummy dohodÿÿna mahãdu-wana, hãbuò ayreny-ribi rikitakre. Tai Atxiòkia-ò riteònyrenykyre Paulo Banabe-wana. Tahe Judasi ritarenyre tule iniòrysna Basaba rare. Ijõ tasÿ Sila inire. Ka hãbuboho ityhydÿÿdu

mahādu awimy tai raharenyre. ²³ Katyyriti tiiboho-wana rakre. Kawesemy tyyriti rare: —Jiarÿboho, erydÿÿna, matuari, seriõre mahādu adeeremy rybe wehityhyna rewahinyreri. Ibutumy judeukõdu mahādu ityhydÿÿdu-õ ka tyyriti rakre Atxiõkia hāwā-õ, Siria bede-õ, Silisia bede-õ. ²⁴ Inyõ rare wayreny-ribi adeeremy notykyresmy rybemy. Tai tahe araykyreny riwerydÿÿnyre. Jiarÿboho reteõnyrenyõhyre. Kia reeremy watxirenyreri. ²⁵ Tahe wiwesele rahõtinyrenyre riki, hābubohoõ Paulo Banabe inyluudu-wana reteõnyrenyneri. ²⁶ Kia hābu Paulo Banabe-wana hāwā binahakÿ-õ roimyhÿrenyre Jesuisi Kristu Inynyrÿni-di. Ixi-txi rõhõtinyõlere, brebumy. ²⁷ Judasi-wana tule adee raryberenykre kia aõmydÿÿnanamy, katyyriti rewahinyrenyre wese. ²⁸ Kawese inyboho rõhõtinyhÿre, Deuxu Tyytybytyhy dori inyrayky rewiõhenanyre. Kia bede ywinalemy adeeremy rarybereri biywinybenkemy. ²⁹ Uritere, suritxoo xiwe-ribi irõdude rõrenyõmy irõdu, ihālubu-di rõrenyõmy, ihālubu rejuxunyõmyhÿre-wana. Tule õta õtana õraruna widÿÿõmy. Ka bede ywina biywinybenykeki, awimy boibeke. Deuxu deysana tahe adeeremy kanakemy watxiwāhāre.

³⁰ Tahe hābuõ iny inaubiõwamy Atxiõkia hāwā-õ rõirenyre. Tahe Atxiõkia tyhydÿÿdu mahādu ributunyre. Iu tahe tamyreny tyyriti riwahinyre. ³¹ Tahe idi rariarenyru, ritÿÿnymy tamyreny. Ribedeerynyrenyre. Tai tahe reysareny. ³² Judasi Silaboho tule Deuxu dee rybeduwihikÿ roire. Sõwemy dohodÿÿna-ki seriõre mahādu-wana rohonyhÿre. Tai tahe rirurudÿÿnymyhÿre. ³³ Aõutxumy raroorehenyre, tahe seriõre mahādu tamyreny rarybere: —Bõibenyke he ateodÿÿdu mahādu-õ. Biõkeseke wowina-di Jerusalē hāwā-õ. ³⁴ Tahe Sila rõhõtinyre rarikremy Atxiõkia-ki. ³⁵ Tahe Paulo Banabe-wana naride Atxiõkiakile. Inynyrÿ rybemy rierynanyrenyneri, ritÿÿnyrenyneri, ijõ seriõreõ-wana.

³⁶ Aõutxumy tahe Paulo rarybere Banabe-õ: —Ròkòõsekre kÿnyhe, ibutumy hāwā hāwā-di tai juhū Inynyrÿ rybemy ritÿÿnymahāreõ wahe, rikiwehityhynanykremy tĩmybo ityhydÿÿdu mahādu nyimyhÿde-õ. ³⁷ Tahe Banabe Joaõ-Marku ridykemy tamy reare. ³⁸ Paulo heka Joaõ-Marku ridyõkemy ratxireri, Panfilia hāwā-ki dori iribireny rõhõnyreki, riwiõhenanyõreki. ³⁹ Marku ridykemy wiwese wesemy aõkõ rõhõtinyrenyre teratyhylemy ratximyhÿ. Tai tahe wiribi rexihitxinyrenyre, Banabe Paulo-ribi. Banabe Marku ridyra Xibri bedebute-õ, hāwò-di rõira. ⁴⁰ Paulo tahe Sila ridyra. Seriõre mahādu tahe Pauloboho riixitõedÿÿnyre, Inynyrÿ ruxetõena tamyreny kanakemy. ⁴¹ Tahe Siria bede werawo-di, Silisia bede werawo-di, ririranyre dohodÿÿna mahādu riwiõhenanykemy, rirurudÿÿnymyhÿkemy.

16

¹ Pauloboho tahe Debi hāwā-õ rehemynyre. Ihyy tahe Listra hāwā-õ rare. Tai tahe Tximõtxi-wana witxi rekoare. Tximõtixise judea tyhydÿÿduõ rare. Tyby tahe grego mahāduõ rare. ² Listra, Ionio ityhydÿÿdu seriõre Tximõtxi luure. Tximõtiximy widee rarybere: —Tii iny hābu tyhy rare. ³ Tahe Paulo Tximõtxi-wana rakemy rexiywinymy raremehÿ. Tahe rexitarenykre kotyreu, Paulo, Tximõtxi notykyresmy riteõnyre, kowa judeu mahādu õraru-ki wahe. Tyby dorihe ibutumy iny rieryre tii grego mahādu raremy. Notykyresykõmy rake tahe judeu

mahādu dee kia ibinare. ⁴ Iribi tahe ròirenyre hāwā hāwā-di, ityhydÿÿdu seriõre mahādu ribedeerydÿÿnykemy, timybo Jerusalē mahādu rōhōtinymyhÿre. ⁵ Tai tahe ibutumy dohodÿÿna heto mahādu tii rirurudÿÿnymyhÿre ityhydÿÿna-di. Tule ijō rityhynymyhÿre txuõ txuõlemy ralokemy ityhydÿÿduõmy rarekemy.

⁶ Pauloboho Asia bede-ò ròirenyõre rybe ritÿnynykemy, Deuxu Tyytybytyhy ritirÿreki. Tahe Frigia-Alatxia bedemy rekoamyhÿreny. ⁷ Misia bede-ò rehemynyreu, Bitinia bede-ò ròirenykemy riwisÿnyreny. Tahe Jesuisi Tyytyby tamy riteõnyõhyre, ritirÿmyhÿre. ⁸ Tahe Misia bedemy rekoare, tahe Troaji hāwā-ò robehere. ⁹ Tahe Paulo hābuõ wese my robire rasina weselemy. Hābu, Macedonia bede ludu lamamy rÿimyhÿõ, tuu robire. Tahe hābu ryrymyhÿ tamy: —Manake Macedonia-ò, biwawiõhenanykemy. Kia Paulo rasi-ki tuu robire wese. ¹⁰ Tahe tarasi rahureu, tamyhe wylemy aroikemy watxiwāhāreny. Jiarÿ, Luka, Paulo-wana. Deuxu dori inydeereny rarybereri Macedonia-ò ròkõirenykemy, Rybewehikÿ rikiubÿÿnyreny. Kialemy rōkōhōtinynyreny.

¹¹ Tahe Troaji hāwā-ribi rōhōnyre hāwō yhywydynamaworo-ki. Samotrasia hāwā-ò imynahyy riõhõre. Ijō txu tahe Niapoli hāwā-ò riõhõre. ¹² Iribi tahe Filiposi hāwā-ò roirenyre. Juhuludu hāwā rare Macedonia bedeki. Roma hāwā mahāduõ tule tai rasÿnymyhÿre. Tai txuõ rewyreny. ¹³ Sabadotxu tahe hāwā-ribi reõlõnyreny bero ijā-ò. Rahōtinynyreny tai ixitõedÿÿna-ò rÿimyhÿremy. Tai tahe hāwyyõ rexibutunymy rÿimyhÿ. Tahe rorokorenyre tamyreny raryberenykemy. ¹⁴ Hāwyyõ Lidia inire, inyrybe-ò tahe roholatyhymyhÿre. Tii Txiatira hāwā luduõ rare. Tii tylÿre ijohodure, tule Deuxu tyhydÿÿdure. Inynyry irayky riywinyre Paulo rybe rityhynykemy. ¹⁵ Tahe ibutumy isÿmahādu-wana riratysebeny. Tai tahe tamy Lidia rarybere: —Inaanokābo ityhydÿÿkÿdumy watxiwāhāre-wana, wahetoku-kò manakre. Tai tahe iheto-ò ròirenyre irybe-ki.

¹⁶ Aõutxumy tahe riberenyre ixitõedÿÿna-ò. Itxi rekoareny ijadõmaõ-txi, deõdu rare. Iwo-ki tyytybybina ralõmy rÿire. Tai ijadõma relyre inyko aõhebo iny-ò rotÿÿnykemy. Tai sōwemy nieru ritare tawedu-ò. ¹⁷ Tahe waherenymy dyrymy nade: —Deuxu ibuturatyre rare. Itẽdÿÿkÿna mahādu kia mahādu rare. Tikiboho rarybemyhÿre timybo iny taõraru-ribi ratakemy. ¹⁸ Tuheka rarybehyy raremyhÿ. Aõutxumy tahe Paulo tai rexirare, tamy ròõsemy reare. Rarybere tyytybybina tai ratxirerìõ: —Jesuisi Kristu nimy iribi arateõnykre. Bexitakre. Tahe aõwesele iribi rōhōnymy reare.

¹⁹ Iwedu tahe rieryre nieru idi ritaõkre ta rimyreny Paulo Sila-wana. Retÿhimy rare ywisidÿÿdu-ò, hāwā elehyne ube-ò. ²⁰ Tahe ijadõma wedu rarybere ywisidÿÿdu mahādu-ò: —Kaa judeu mahādu iny hāwāreny dibinadÿÿnymyhÿde. ²¹ Tiiboho iny ribedeerynymyhÿre aõ iny bede ywinareny-di aõkõ. Inyboho Roma hāwā mahādu rare. Tai kia-ki aõhe arotÿÿnyõtyhy. ²² Tai tahe sōwemy iny Paulo Sila radõnyre. Ywisidÿÿdu mahādu tahe ityy ibòrò-ribi ritxuahakÿre idi tahe rityhenymy tuu raõhõtẽre. ²³ Tuu raõhõtẽre, tuu raõhõtẽre, idi tahe ròtenawo-ò idi rehurenny. Rõtẽna-di itxeredu-ò rarybere: —Kaa rahenykre-wana, kaile budurukre. ²⁴ Tai rirutere iraru-txi rarutxi-ò iwa ritidire õwõru iwodÿÿwomy raratyheny. ²⁵ Ruetya tahe Paulo Sila-wana rexitõenymy

roimyhÿ Deuxu dee. Ijõ røtenawoludu mahãdu roholamy rÿimyhÿ tai.
²⁶ Aõwese bede ramytatare. Røtena ijõtòbòna rirayre hæbu mynyna iribi
 rejuxunyre. ²⁷ Tai tahe itxeredu ijõ iraymy idi retehereu, rexirubun-
 ykemy tamaydese ritare. Røtena woludu mahãdu rahenyramy tii rex-
 inohõtinyra. ²⁸ Paulo tahe tamy ryryre: —Ixirubudÿÿomyke, kakile
 watxirenryeri, ibutuhukÿlemy. ²⁹ Itxeredu ryryre loosòna kidiwykemy
 tahe ralore ramytatamy brebumy. Paulobohoko-ò resere tatiòhomy.
³⁰ Tahe itxeredu diòlòdÿÿnyde irarutxira-ribi, tamyreny rarybere: —
 Wanyrÿboho timybohe aratamy arÿike. Aõhebohe arotÿÿnyke. ³¹ Tahe
 rirawyònyre: —Inynyrÿ Jesuisi bityhynkrekile, tarasanamy mykire,
 asÿ mahãdu-wana. ³² Tahe tamy Deuxu Rybe-di ritÿnydÿÿre ibutumy
 isÿ mahãdu-ò. ³³ Iruule tahe riwisinanyrenyra ibrò wotòmona risuhòra.
 Idi tahe itxeredu raratysebenyre tasÿ mahãdu-wana ibutumy. ³⁴ Iribi
 tahe itxeredu ridyrenyre taheto-ò riroxikemy tahe ibutumy reysani-
 hikÿrenyre, Deuxu rityhynrenyraki.

³⁵ Txu deadeu tahe ywisidÿÿna dinodu ijõ ywisidÿÿna mahãdu
 riteònyre, røtena-ribi Pauloboho riteònykremy. ³⁶ Itxeredu tahe
 Pauloboho-ò rarybere: —Ywisidÿÿna mahãdu arateònykremy
 riwateònyreri. Bòibenyhe, wowina-di, biòlònybenyke. ³⁷ Paulo tahe
 rirawyònyre: —Aõkõre, araõtyhy. Jiarÿboho Roma hãwãhãkÿ mahãdu kaa
 watxirenryeri. Tii riwayhytanyrenyra idi røtenawo-ki riwasÿnyrenyra.
 Ywisidÿÿdu mahãdu wii rotykòhyre riwaròtenyrenyra. Wasimy ka
 tiu ariòlònyõtyhy. Tiiboho kodoikreule tahe ariòlònykre. Tii he
 riwaòlòdÿÿnykre. ³⁸ Tahe ywisidÿÿna mahãdu tawedu-ò rarybere. Tahe
 tiiboho ruberurenyre Pauloboho Roma hãwã mahãdu roireki wahe.
³⁹ Tai tahe dòidenyde tamyreny, aõwaxina riòlònykremy. Tahe làhàmý tamy
 rexitònyre. Tutyhy-ki aõkõ làhà ararutara. Tai riteònyrenyre, hãwã-ribi
 rexitarenykemy tamy rexitònyra. ⁴⁰ Rexitarenyreu, Pauloboho tahe
 Lidia heto-ò ròsere. Ibutumy ityhydÿÿdu tahe wii ritotynyre, wii
 riwiòhenanykemy. Idi tahe riòlònyre kia hãwã-ribi.

17

¹⁻² Tiiboho rekoarenyre Afipoli hãwãmy, Apòlonia hãwãmy tahe re-
 hemynyre Tesalonia hãwã-ò. Judeu dohodÿÿna hetoõ tai rÿimyhÿreò.
 Paulo, iwese aõu riwinymyhÿre wesele rare tamy. Ralore rybe-di
 rarybekemy. Inataõ sabadomy tai riraynyre tyyriti ritidÿÿna tamy
 ritÿnynykemy. ³ Rybe hitxina rurukremy tuu relyyre. Tahe Paulo
 tamyreny ritÿnynyre iwese Kristu durudemy idi dexiixixanyde rubu-ribi.
 Kia iny rityhynyra Jesuisi inatyhymy Deuxu deòdÿÿna raré. ⁴ Tahe
 ijohonadu mahãduò rityhynyre. Tule ijõ judeukòdu mahãdu rity-
 hynyre. Tule ijõ hãwyy wihikÿ mahãduò rityhynyre sòwemy. ⁵ Tahe
 judeu mahãdu dinodu tuu ròhãrumyhÿre. Tiiboho tahe hæbu binahakÿ
 mahãduò wii rotyre aõbina ritelenykremy. Tahe ròirenyre Ijasõ heto-ò
 Pauloboho rimyrenykremy, ywisidÿÿna-ò idi retÿhikremy. ⁶ Tai tahe
 rahaòhyre tai. Tahe Ijasõ ritarenyre ijõ ityhydÿÿduò-wana. Tahe
 ridyrenyre ywisidÿÿna-ò. Tahe raryberenyre ywisidÿÿdu mahãdu-ò: —
 Paulo, Silamy urile bede diòtanymyhÿdenyde, aõna aõna binahakÿlemy
 rotÿÿnymyhÿre. ⁷ Ijasõ tahe ritirÿmyhÿre taheto-ki. Tiiboho iny òludu
 roire. Iny iòlòreny rityhynyõtyhy. Jesuisi ka iòlòrenyre. ⁸⁻⁹ Ibutumy iny idi

rõhõtinyre, tule ywisidÏÏna mahãdu rexitðenyre nieru ririkemy. Tai xiery tahe rõhõnyke. Tai tahe ririrenyre nieruõ.

¹⁰ Kiaru tahe ityhydÏÏduõ Pauloboho riwiðhenanymy iribi riòlònykemy Bereia hãwã-ò. Tahe rehemyhÏreu, dohodÏÏna-ò rõirenyre. ¹¹ Kia hãwã-ki judeu mahãdu iny awi rare, Tesalonia hãwã mahãdu wese aõkõre. Teysamy tamy roholarenyra. Idi heka rariara Tyyriti-di, òbitimy Paulo rybe aõbo roirerimy rierykemy. ¹² Tahe sõwemy judeu iny rityhynyre. Judeukõdu mahãduy-ribi sõwemy rityhynyrenyrene, hãwyy wihikÏ, hãbu-wana tule rityhynyrenyrene. ¹³ Bereia hãwã-ki Paulo Deuxu rybe ritÏnynymy raremy. Judeia mahãdu dinodu Tesalonia hãwã-ki roholareu, tahe doidenyde. Iny sõwe-ò raryberenyre: —Pauloboho bibinadÏÏnyke. ¹⁴ Tahe ityhydÏÏdu seriðre mahãdu aõwesele Paulo riteðnyrenyrene aho-hokÏry-di. Sila, Tximòtxi taile rarire. ¹⁵ Hãbuõ rare Paulo-wana Atena hãwã-ò. Iribi tahe dðòsede hãbuõ. Paulo tamy tarybe riwahinyra Tximòtxi Sila-ò, wylemy kanakremy.

¹⁶ Paulo Atena hãwã-ki riraðreu, tahe robire suritxoole rityhynymyhÏreð. Tai tahe tii rabadewore. ¹⁷ Idi tahe Paulo ralore dohodÏÏna mahãdu heto-ò judeu dee rarybekemy, tule judeukõdu ityhydÏÏdu dee rarybekemy. Tahe rarybemyhÏre txuõ txuõlemy. Tule hãwã ube-ki rarybemyhÏre hãwã-di reamyhÏre mahãdu-ò. ¹⁸ Aõutxumy tahe Epikuriu mahãdu Paulo-txi nade. Estòiku mahãdu ijõre. Tiiboho, aõbo rybe rare kia erydu roire. Tiiboho he Paulo raujõmorenyre: —Aõmy aõkõ, kiarybedu rarybereri. Ijõ tahe rarybere: —Tii Deuxu tÏmyramy rarybereri. Paulo dori juhuy Jesuisi ixixanamy relyymy raremyhÏ. Tai kiamy raryberenyre. ¹⁹ Paulo tahe ridyrenyrene. Tai iny roholamy rÏimyhÏreð ridyrenyrene: —Rybe tÏmyramy telyymahãtemy inihe bedelyyke wakoreny. Tamy kia rarybere. ²⁰ Aõkõre inihe aõna aõnamy tarybemy atxiteri, aõwitxira witxiramy. Tai aroholarenykemy watxirenyre. ²¹ Atena hãwã mahãdu, tule iwitxira bede luduõ tai rasÏnymyhÏre, aõ tÏmyraðòle roholarenykemy ratxirenyre. ²² Tahe Paulo rÏire rybenatya-ki. Rexiðrarunymy rarybere: —Atena hãwã mahãdu, kaiboho Deuxu rybe hyky tahõtynmahãtenyete. ²³ JiarÏ hãwãmy rariamy watxireri, sõwemy xiwena-di retehera. Ijõ-di kiamy retehera iritina-di: Kaa Deuxu heka inyõ rieryðhymyhÏre. Ka Deuxumy kÏny heka akoreny arelyyke, teerymahãtenyete-di aõkõ tuu tealãmahãtenyete. ²⁴ Ka Deuxu ibutumy bede riwinyrene. Ibutumy tuu rÏira tii riwinyrene. Tii heka biuwetyy wedu rare, su wedu rare. Aõ hãbu widÏÏna heto-ki aõkõ tii rasÏnymyhÏre. ²⁵ Tiu heka tii aõmy reaõtyhy hãbu aõ tamy riwahinyõtyhy. Tule tahe inydee ibutumy aõna aõna riwahinyymyhÏre, ele wesena, umy, ibutumy inydee riwahinyrene. ²⁶ Hãbu sohojið-ribi ibutumy iny rõhõnyrene iriðre riðremy bede witxira witxiramy rasÏnymy rÏirakemy. Urile wiribi rihitxihitxinyrene. Tiu tamy riteðsinyrene, tikibo rasÏnymy rÏirakremy. ²⁷ Ibutumy Deuxu rajemyhÏkemy, raerykemy. Tii dori irehemy aõkõ ihÏre iny-ribi. Iny sohoji sohojið-ribi iòhòmý ratximyhÏre. ²⁸ Deuxu ðraru-ki inyboho ibutumy irumy ratximyhÏrenyrene, ririranymyhÏre, ihoõkeki tahe aõ rikiwinyrenyõtyhy. Atyyriti widÏÏduõ kiamy rarybere: —Inyboho heka Deuxu riðre. ²⁹ Inyboho Deuxu riðre rareki, urile nohòtiõmy womati tÏrÏrÏÏ ritxoo wesemy, womatiura wesemy, manaritxoo wesemy Deuxu-di nohòtiõmahãbeny. Hãbu rayky-ribi, hãbu debò Deuxu releremy nohòtiõmahãbeny. ³⁰ Ihetxiu

tii Deuxu rieryõhyrenyrene. Tai tahe iòrarunareny aõnihikÿmy aõkõ Deuxu dee ihÿre. Wiji bededÿÿnana tahe, ibutumy taòraru-txi ixi-txi nohõti ijaranamy, tai tahe rabedewomyhÿkemy. Kia tahe ibutu iny-ò rarybereri, iny taòraru ririkemy. ³¹ Deuxu Jesuisi riixixanyre rubu-ribi. Tai tahe ibutumy tii rityhynrenykeny ihÿre. Aõtsumy tahe ibutumy iny ywisidÿÿdumy kanakremy ijÿre. Òbitina-di Jesuisi iny ritxuarenkyre kia wiribi hitxi hitxina txuu.

³² Paulo Jesuisi ixixanamy rarybereu, inyõ tuu rirajuare. Ijõ tahe rarybere Paulo-ò: —Ijõ txuu arybe ini aroholatyhykemy watzireri. ³³ Idi tahe Paulo rare iribireny. ³⁴ Ijõ iny tahe Jesuisi rityhynre, Paulo-ò tahe rixibutunyre. Ijõ Dionisiu inire, Areòpolo heto ube-ki tii iny mahãduõ roholamyhÿre. Ijõ, hãwyyõ rityhynre, Damari inire, tule ijõ mahãduõ rityhynre.

18

¹ Paulo tahe Atena hãwã-ribi ròhõnyre Oritxi hãwã-ò. ² Kia-ki tahe judeu mahãduõ-wana witxi reare. Ini heka Akila inire. Tii Ponto hãwã-ki raumynre. Urihimyõle Italia bede-ribi dehemynde. Prisila ihãwyyinire. Iòlò Laujiu Roma hãwã-ribi ibutumy judeu mahãdu diteõnyde. Tai heka nade kaweribi-ò. ³ Paulo iaõmysÿdÿÿna rierymyhÿre, tyheto widÿÿ. Tai tahe tiiboho-wana rajoinymy hÿre wiwana raãmysÿdÿÿrenkyemy. ⁴ Sabado txuõ txuõlemy tamy reamyhÿre judeu mahãdu dohodÿÿna heto-ò. Tahe ritohonymy hÿre, judeu mahãdu judeukõdu mahãdu tule. Tamy rarybere tii Rybewihikÿ òbitimy rierykemy.

⁵ Sila tahe Macedonia bedewe-ribi rehemynre, Tximòtxi-wana. Paulo tai rybe ritÿnynymy hÿhy raremyhÿ. Aõu Paulo rarybere: —Inatyhymy Jesuisi Deuxu deòdÿÿna rare, Kristu rare. ⁶ Katahe judeu mahãdu tamy raykarananymy raremyhÿ. Aõbinahakÿlemy Jesuisimy rarybere. Tahe Paulo taty riohowire iixãwidinykemy riteòsinykemy. Tahe tamyreny rarybere: —Jiarÿ aõkõ bede òrarure. Kai aòraruna-di burukre-wana, ahãlubureny waki aõkõ rare, adeereny dori Deuxu rybemy rarybere. Tahe judeukõdu mahãdu-ò sohojile tuu arelyyke. ⁷ Iribi tahe inyõ heto-ò Paulo rare. Txisiu Justu inire. Tii judeukõdu mahãduõ rare, tahe Deuxu rityhynymy hÿre. Judeu dohodÿÿna heto bire-ki iheto rÿire. ⁸ Krispu judeu dohodÿÿna heto weduni rare. Tii tasÿreny ibutumy Inynyrÿ rityhynymy hÿre. Tule sòwemy Oritxi hãwã mahãdu rityhynymy hÿre. Paulo riratysebedÿÿrenyre. ⁹ Paulo tahe rummy ròrõmy roire. Tai tahe rasina wesemy robire. Inynyrÿ tamy narybede: —Brebuõmy, Paulo. Marybeke aõmybo rybemy adee rewahinyré. Rybe tÿnydÿÿ lau brebuõmy. ¹⁰ Jiarÿ adi watxiwãhãre urenana. Inyõ adee aõhe rotÿÿnyõtyhy. Sòwemy iny rÿire kaki watyhydÿÿdu. Kia Jesuisi tamy rarybere. ¹¹ Tai he Paulo bede riijere sohoji beòra weeremy tai bede riere. Ribedeernymy hÿre Deuxu rybemy.

¹² Roma dinodu tÿmyraõ ronyre Grecia bede-ki. Ini heka Kalio inire. Dinodumy ronyrau tahe, judeu mahãdu wii dotyde. Wii ritobinyre Paulo dee aõbinabinahãkÿ riwinykremy. Tahe tiiboho Paulo rimyrenyre idi kanakremy ywisidÿÿdu dinodu-ò. ¹³ Kiamy raryberenyre: —Paulo, Deuxu deãlanamy iny dibedeernymy hÿde. Tai bede ywina rityhynyõhyymy hÿre. ¹⁴ Tahe Paulo ixideele rarybekemy ratzireri, tahe Kalio judeu mahãdu-ò rarybere: —Kia rubudÿÿdu ada aõ ibinatyhymy

ratxikeki, tai idi arohonykre, ariywisidÏÏnanyke. ¹⁵ Tahe aõkõre, urile abede ywina rybedile rarybemyhÏre, tai ywisidÏÏnamy idi araõkre. Kaibohole biywisidÏÏnanybenyke. ¹⁶ Tahe Kalio ibutumy diteõnyde ywisidÏÏna hetoube-ribi. ¹⁷ Tai tahe judeu mahãdu dohodÏÏna heto wedu rimiryrene. Sõteni inire. Tule raðhõterenyre ywisidÏÏna heto ube-ki. Kalio tahe kia òhõtèna-ò aõhe rotÏÏnyõhyllere.

¹⁸ Oritxi hãwã-ki Paulo rare myhÏre sõwemy he tai txu riwyre. Idi tahe seriõre mahãdu-ò rarybere: —Arakre. Tahe hãwòõ-di he rare, reuròkemy Siria bede-ò. Tahe Prisila Akila-wana tii-wana ròirenyre. Paulo Deuxu-ò rarybere aõmybo rotÏÏnykremy. Idi tahe rexihumy kia rÏire. Tai tahe tarade risyre nohõti ijerana wesemy. Sekrea hãwã-ki tarade risyre. ¹⁹ Tahe ritehemynyre Efesu bede-ò. Prisila Akila-wana ririre. Iribi tahe rare tyyriti ritÏÏnyremy judeu mahãdu dohodÏÏna heto-ò. ²⁰ Tii mahãdu tahe Paulo rexitõenyre tai aõutxumy tai ratxunykemy. Tahe rarikòkemy ratxireri. ²¹ Karibi ròhõnyreu, tamy rarybere: —Deuxudeewikeki, ixyby adòòsekre. Efesu-ribi ròhõnyreu, yhydynamawòõ riwyre.

²² Ritehemynyre Cesaria bede-ò. Iribi resereu, Jerusalẽ hãwã-ò rare. Tahe rarybere riwehityhynanyre dohodÏÏna mahãdu. Iribi tahe Atxiòkia hãwã-ò rare. ²³ Tai bededÏÏnana riijere idi tahe rara. Rariamy rare hãwã hãwã-di, Alaxia bede-di, Frigia bede-di. Ibutu hãwã-ki ityhydÏÏdu rotohodÏÏnymyhÏre, riwiõhenanymyhÏre.

²⁴ Iu tahe inyõ judeu mahãduõ dehemynyde AlexÏdria hãwã-ribi. Apòlo inire. Tii ribedeerny wihikÏmyhÏre tyyriti, tarybe-di rotohonymyhÏre, Deuxu rybe rieryreki. ²⁵ Inyõ Apòlo rierynanyre timybo InynyrÏ Jesuisi aõmydÏÏnana raremy. Tai Jesuisimy ribedeernymy raremyhÏ, deysanatyhy-di rarybemyhÏre. Tii tahe Joaõ ratysebenale rieryre. ²⁶ Apòlo rexidelenyremy relyyre judeu mahãdu dohodÏÏna heto-ki. Prisila Akila-wana tai roholamy rononymhÏre. Idi tahe tiiboho Apòlo ridyrenyrene ibutumy Jesuisi aõmydÏÏnanamy tamy ritÏÏnykemy. ²⁷ Iribi tahe Apòlo ratÏÏnykemy rexiwonnyre Grecia bedey-ki. ItyhydÏÏdu seriõre tamy rybe riwahinyre, Grecia ludu seriõre mahãdu-ò, aõma, riryludunykemy, rehemynykeu. Tahe rehemynyreu, sõwemy riwiõhenanyre kia tyhydÏÏdu seriõre, Deuxu ruxetõena ityhydÏÏdu mahãdu. ²⁸ Tii dori judeu mahãdu raykyrybe itxÏte riwitxiradÏÏnyre iny sõwe hekÏy-ki. Rybetyriti ritina-di riurihimy rarybere iwese Kristu Jesuisi raremyhÏ wese, Deuxu deòdÏÏna wahe.

19

¹ Apòlo, Oritxi hãwã-ki rareu, Paulo rabetetÏÏnyre kabedey-ki idi rehemynyre Efesu hãwã-ò. Kowa ityhydÏÏdu mahãduõ-ki he rahare. ² Tamy Paulo ritÏÏraxinyre: —Tetyhynyteu, Deuxu Tyytybytyhy ixidee aõbo temytenyde. Tahe rirawyõnyre: —Aõkõre he, aõmybo tarybeteri. Deuxu Tyytybytyhy reeryõrenyrene. ³ Paulo rÏÏraxire: —Taratysetenyteu, mobohe tetyhynytenyde. Tahe rirawyõnyrenyrene ixityre: —Retyhynyrenyrene ibutumy Joaõ SebedÏÏdu riwabedeernyremy. ⁴ Paulo tahe tamyreny ritÏÏnyre: —Joaõ sebedÏÏna urihimyõ iwitxi rare. Tii kiawese rybe ritÏÏnyre: iny taðraru-txi tõhõti reakemy. Tahe Jesuisi Juaõ hewo-ribi kanakreu, tii tahe inatyhymy kanatyhydÏÏkre. Paulo kia tamyreny rarybere. ⁵ Kia-ò roholareu tahe, raratysebenyrene

Inynyrÿ Jesuisi nimy. ⁶ Paulo iratytyre tebò ritidire, tai Deuxu Tyytybytyhy tamyreny ralore. Tahe Deuxu rybemy raryberenyre, tule iwitxira rybemy raryberenyre. ⁷ Waòinatxi reurò hãbumy rÿiramy.

⁸ Inataò ahãdumy Paulo reamy raremyhÿ judeu dohodÿÿna heto-ò. Tiemy rarybehyymyhyre, riòbitinymyhyre, Deuxu Iòlònamy ritÿnynymyhyre. ⁹ Paulo-ò ijohonaduò rityhynyòhyymyhyre, teramy reamyhyre. Deuxu aõmydÿÿnanamy ibinamy rarybemyhyrenyrene iny sòwey-ki. Tai tahe Paulo rexihitxinyrene judeu dohodÿÿna heto-ribi. Txirano kia tyyriti rybena heto-ò txuò txuòlemy ralòmyhyre taerydÿÿna-wana. Tahe rabe-deerynymyhyre. ¹⁰ Tahe bede riere inatxi beòramy. Tai tahe ibutumy iny Asia bede ludu mahãdu Inynyrÿ rybe-ò roholamyhyre, judeu mahãdu, tule judeukòdu mahãdu. ¹¹ Deuxu aõna aõna wiwihikÿ riwinyrene Paulo debò rihuòtere. ¹² Paulo tykyyre riwyyrenyrene webinadutyrene ritidirenykremy. Tyky òsuròna wesemy ijòmy riwyyrene. Tai tahe webinadu riteytenymyhyre. Tule tyytybybinahakÿ iny-ki raremyhÿu, aõwesele iribireny ròhònymy reare tykyyre òraru-ki. ¹³ Ijò judeu mahãduò ratÿinyrene hãwã hãwã-di inyò ribi tyytybybina ritakemy. Tiiboho tyytybybina riteònykemy idi ratxireri. Tai tahe Inynyrÿ Jesuisini-di riteònyrene. Kia wesemy rarybere: —Paulo, Jesuisi rybe ritÿnynymyhyre, tai Jesuisini òraru-ki iribi bòhònykre. ¹⁴ Debòinatxi seriòre kia riwinyrene. Sewa tybynire, judeu xiwena widÿÿdu kia wedu tii rare. ¹⁵ Tahe Jesuisi ni-di tyytybybina-ò rarybereu, tyytybybinaò dirawyònyde: —Jesuisi reeryrene, Paulo reeryrene, tahe mobo atxiteri. ¹⁶ Tahe hãbu tyytybybina-di ratxirerí, ityrehekÿle dexiwatxinyde, rihetenyrene, ibutumy riwotòmonyrene ityky ritare tai hetowo-ribi hãbu mahãdu tadehekÿlemy rahenyrene. ¹⁷ Ibutumy Efesu hãwã mahãdu kia rieryrenyrene, judeu mahãdu, judeukòdu mahãdu. Tahe ibutumy ruberure, Jesuisi ni nityhydÿÿhÿkÿmy ini raremyhÿki. ¹⁸ Sòwemy ityhydÿÿdu taòrarureny riix-itòedÿÿnymyhyre, dohodÿÿna mahãduy-ki. ¹⁹ Ijò ityhydÿÿdu juhuhu tyytybybina rierymyhyrenyrene, tiiboho tahe tatyriti diwyde itxenadÿÿmy rybetyriti, òwòruwidÿÿ kia tyyriti. Tahe iny retehemyhyreruki kia tyyriti sòwemy ritoonyrene. Idi ibutu tyyriti juhuhu òwy wese inyò riritinyrene. Iòwy tahe 50 mil womati ura nieru juhuhu iòwyyrene. Ihãrele tahe idi rahure. ²⁰ Ibutumy kia bede mahãdu Deuxu rybe-di ròhòtinihikÿrenyrene.

²¹ Idi tahe Paulo tarayky-ki ròhòtinyrene: —Judeukòdu mahãdu bede-ò arakremy ixi-di watxiwãhãre. Juhuhu Jerusalè-ò arakre Macedonia bede-di Akaia bede-di arariamy arakre. Adòòsekrey, tahe Roma hãwã-ò arakre. ²² Tai tahe tawiòhedÿÿdu Tximòtxi, Erasto-wana Macedonia bede-ò riteònyrene. Tai Paulo Asia bede-ki naride. Bededÿÿnanaò riwyyrene.

²³ Kia bededÿÿnanau aõbina nihikÿ rÿikemy riwisÿnyrene Deuxury òbitina òraru-ki. ²⁴ Dimitiu heka womati tÿrÿrÿ ura ritxoo widÿÿdu rare. Hãwyy ritxoo ihãwãreny deuxu rare. Diana inire. Nieru sòwemy ritamy raremy idi riwinymyhyreki. ²⁵ Dimitiu ributumyrene ibutumy womati ritxoo widÿÿdu, tamahãdu-wana. Tamyreny rarybere: —Wanyrÿboho adeereny ararybekre. Inyboho nieru ritamyhyrenyrene kaa aõmysÿdÿÿki. Kia tahe teerytenyete. ²⁶ Paulo rarybemyhyre kaa inywidÿÿnareny deuxu aòkò rare. Tai tahe sòwemy iny tamy nariade irybe-di. Efesu hãwã sohojile-ki aòkò, ibutumy Asia bede-ki irybe rityhynymyhyre. ²⁷ Iny aõmysÿdÿÿna òsana riixãwididÿÿnykre, ideuxu dohodÿÿna heto-wana, iny deuxu reny riixãwididÿÿnykre. Diana inyluure. Kaki sohojile aòkò

inyluure, ibutumy Asia bedeki, tule bede bede ludu iluu inihikÿmy awireki. Paulo heka kia ibutumy rahukre. ²⁸ Kia roholareu tahe, raykarananyrenyre. Ryrerenyre: —Diana awi rare inydeareu. Tii Efesu hãwã deuxu rare. ²⁹ Rirajuamy rÿimyhÿ hãwã-ki. Hãwã mahãdu, Kaio Aristarku-wana rimyrenyre tahe ridyrenyre butunaube-ò. Tiiboho Paulo tÿimahãdu rare, Macedonia hãwã mahãdu rare. ³⁰ Tahe Paulo ralòkemy rexiwonyre tatÿi mahãduhe-ki, iny sòwey-ki tahe taerydÿÿna ijoi ritirÿre. ³¹ Tule ijò bededinoduò, Paulo wiòhedÿÿmy ratxireri. Tai tarybereny Paulo-ò riwahinyre ibutunaube-ò raòkemy, brebunamy roireriki. ³² Tiilemy ijò rarybemyhÿre. Ijò iwitxiramy rirajuamyhÿre. Urile wimy rauriurire. Aòherekibo ibutumy rÿireri, iny rieryòhyre. ³³ Alexÿdre iny sòwey-ribi rimyrenyre tahe, idi retÿhire, ritamadÿÿnyre iny rudera-ò. Alexÿdre debò riteòsinyre tamahãdumy rarybekemy. ³⁴ Iny sòwemy idi retehereu, judeu mahãduò raremy rieryreu tahe rirajuatyhyre. Tahe inatxi òramy rirajuahy rÿimyhÿ: —Diana awi rare. Tii heka Efesu deuxu rare. Kiamy ryrerenyre. ³⁵ Idi tahe hãwã weduò riixãwididÿÿnyre. Tahe rarybere: —Hãbu, Efesu hãwã mahãdu. Ka hãwã Diana hãwã rare. Kaki tohodÿÿna heto reyrubuwãhãrenyre. Kaki biu-ribi mana ritxoo desede. Ibutumy kia reeryrenyre. ³⁶ Kia inatyhy rare. Tai tahe rikyrymy rokorokorenykre. Aòwesele aòwidÿÿòmy. ³⁷ Kaa hãbu tedytenyteri. Aòhe rotÿÿnyòreri. Aò-di rawasinyòhyreri dohodÿÿna heto-ribi. Aòbinahakÿ iny hãwyy deuxumy raryberenyòhyreri. ³⁸ DIMITIU tamahãdu-wana aòbo tai reny ibinamy ihÿrenyeki, ywisidÿÿdu-ò idi rakre. Tiiboho heka wii ributunymy rÿireri. ³⁹ Ijò rybe tahe atxibenyeki, ijohonadu mahãdu adibutunykre arybe-ò aroholarenykemy. Iwese inyboho rotÿÿnymyhÿre wese arieryrenykre. ⁴⁰ Roma hãwã ònodu òsana aòmybo inymyreny kanarybekre. Wiji inyboho aòhebo rotÿÿnyrenyrimy. Aò kÿnyhe iò-ki ka wiji jei jei rÿireri wahe. Roma hãwã ònodu tarybe kidiwahinykre-wana wahe, timyhe warybeòna. ⁴¹ Tahe riixãwididÿÿnyre. Ròòsere ibutumy.

20

¹ Kia jei jei rybe rexihureu, Paulo tahe taerydÿÿna mahãdu-ò tarybe riteònyre tiiboho kanakemy. Tahe rakrekou tyremy tamyreny Deuxu rybe-di rotohonnyrenyre Deuxudeewimy rierykemy. Idi tahe rito-binyrenyre. Rare heka Macedonia bedeki. ² Ibutumy titxibo rexitomonymhÿ ritohodÿÿnymyhÿre ityhydÿÿdu mahãdu-ò. ³ Tahe Akaia bedeki heka bede riijere inatò ahãdu. Tahe rexiwinymyhÿre ratximyhÿ Siria bedeki rakremy hãwò-di ridymyhÿredi heka rakremy rexiwinyre. Idi tahe judeu mahãduò irubudÿÿmy rarybemy nyimyhÿ. Inyò Paulo rierydÿÿmy, tai ta Macedonia bedeki ròòsere Siria bedeki rakemy. ⁴ Hãbuò ramyhÿre tii-wana Jerusalè-ò, ta kamahãdu Asia bedeki he roirenyre. Sapatu ijònire, tii heka Bereia hãwã mahãdu rare, Biru heka Sapatu tybyni rare. Aristarku ijòre, adelahelÿÿna ijòni rare, tiiboho Tesalonia hãwã mahãdu rare. Ijò Kaio inire, tii Debi hãwã mahãdu rare, Tximòtxi ijò rare. Tule ijò Asia bedeki ludu rare, Txixiò ijò, Trofimo ijòre. Rarekie. ⁵ Kiaboho juhutyhy rexiraòmy roirenyre. Paulo riraòmy Troaji hãwã-ki. Tule riwaraokre —Luka jiarÿ ka tyriti widÿÿdure. ⁶ Worana bedehesi ituereu tahe, jiarÿ Paulo-wana roirenyre heka hãwò-di Filiposi hãwã-ribi. Iruyre txu rÿidi tahe rehemynyre. Troaji hãwã-ò. Taita sohoji semanamy rewryrenyre.

7 Tahe nobiutxu ityhydÿÿdu mahãdu iny wi ributunyre, Inynyrÿ mona, rÿsÿna-wana tuu rihitxinymy rirÿsÿkemy. 8 Tahe Paulo iu rybe ritÿnynyre itxu biõwamy rexiywinymy rÿimyhÿ tahe rakremy. Urile tahe rarybereri hyky tahe ruetya he wihe ritotynymyhÿrenyre. Hetoranoa-ki biu-ki rÿimyhÿre. Kanoõtyhy-ki rabutunyre. Tiu Paulo rarybemy rarybemy rexihukõhyre, biurasõmy rakreki. Tahe sõwemy heka lamparina rÿimyhÿre. 9 Ronymyhÿ, moma inire, Otxiu. Aõma-ki ronymyhÿ, heto janela tyre-ki biu-ki. Ta tõhõti rosare, rõrõmy resere. Iribi reare, biuribihikÿle resere suõ. Rurure. 10 Tahe Paulo robehemy rare tamy. Tatiowotimy resere weryrybõ rimykremy iwetya-ki. Paulo rarybere: — Bedeõtidiÿÿõmyke irulemy roire. Deuxu ixyby iumy tamy riwahinyre. 11-12 Weryrybõmy irumy robirenyreu tahe, ibutumy reysarenyre. Tai tahe Inynyrÿ bemona, rÿsÿna-wana tuu rirÿsÿrenyre biu-ki wahe. Paulo ixityre rarybere. Txu iõlõ iõlõmy rareri-wana tahe rarybere. Tahe Paulo rare. Tatilemy rare Aso hãwã-õ. Tii tamy tarybe ririrehe: —Kowa ahywydyna lawõ arimykre.

13 Tahe jiarÿ, Luka, wamahãdu-wana roirenyre yhywydynalawõ-di Aso hãwã-õ Paulo-wana rekoarenykemy. 14 Rehemynyrenyre tahe, Paulo ralõmy yhywydyna laworo-ki. 15 Imytxubiõwa tahe Kio hãwãko-txi rehemynyre. Ijõ txu tahe Samosi hãwã-ki rehemynyre. Ijõ tahe rehemynyre Mitilene-õ. 16 Paulo xitamadÿÿ deramy reare Efesu hãwã-õ. Raelelemy ratximyhÿ Jerusalẽ-õ rehemynykemy, aõma, Pentecoste kia judeu worana bedehesi-õ raeleelere.

17 Tahe Miletu hãwã-ki rehemynyre, dohodÿÿna matuari mahãdu tamy he rarariõwyre tamy rarybekremy hãwõ-õ kedehemynykemy. Tahe Efesu-ribi ditehemynydeu, kia tamy rarybere: 18-19 —Tahe tiiemy Asia bedeki Inynyrÿ-õ raaõmysÿdÿÿhy watziwãhãre. Aõmy aõkõ ixidee rahõtinywãhãre. Rahinymahãre, Inynyrÿ dee rybe retÿnynymahãre. Warube resehy watziwãhãre. Tai ta rebuna nihikÿ waumy-di rarewãhã. Judeu mahãdu heka sõwemy wamy rarybemy riwarubunykemy. Kia ibutumy aõmydÿÿnana teerytenyte. 20 Tiu raberuõhywãhãre Inynyrÿ nimy rybemy. Ibutumy rarybewãhãre iny sõwey-ki tule heto hetowomy relymahãre. 21 Judeu mahãdu-õ retÿnynyre tule judeukõdu mahãdu-õ taõraru ririkemy Deuxu dee taõraru-txi tõhõti reakemy rabedewokemy. Tule Jesuisi Kristu rityhynykemy. 22-23 Katahe wiji arakre karibi Jerusalẽ hãwã-õ. Deuxu Tyytybytyhy heka wadee dyrymyhÿde. Aõhebo arotÿÿnykre, reerykõre. Kiale reerywãhãre, aõma, Deuxu Tyytybytyhy wadee rarybemyhÿre ibutu hãwã-ki, aõma, aõhõkÿmy arotÿÿnykre kowa. Rotenawo-ki aroikre. Myle reeryre. 24 Tiiemy tamy raaõmysÿdÿÿmahãre. Kiale wadee Inynyrÿ Jesuisi rewahinyre urenana. Kia ariwinyõkeki, aõ aõkõ heka jiarÿ waumy-ki. Tii arelywãhãke inyko-õ rybe tÿmyra wihikÿ, timybo Deuxu inyluurenyre. 25 Araerynanywÿhÿrenyre Deuxu Iõlõnamy, wamy tahe bobibenyõtyhy ixityre. Kia reerywãhãre. Jiarÿ tule umyreny arobiõtyhy. 26 Tahe adeereny aõmybo ararybekre. Ryranymy heka watziwãhãre ibutu hãlubu-ribi. Kaiboho aõraru-di burubenykeki, jiarÿ aõkõ tuure. Inyõ wamy rarybeõtyhy aõma Rybewihikÿ-di jiarÿ itÿnynyõmahãremy. 27 Tiiemy rarybehyy rarewãhã ibutumy Deuxu bede ywinamy. 28 Tai tahe ixi-di awimy boibekre. Iwese budoeni itxeredu tamy rÿsÿna riwahinyre wese, kaiboho ityhydÿÿdu mahãdu-õ Deuxu

rybe tamyreny biwahinybenykre. Deuxu dohodÿÿna mahãdu tii rare. Jesuisi tahãlubu-di tii riwyre. Tai tahe ityhydÿÿdu mahãdu wiõhedÿÿdumy kaiboho toite. ²⁹ Karibi arohonykre, aitxeredu mahãdu kanakre. K reeryre. Adeereny õbitimy aõkõ rierynanykre. Tiiboho ahola wesemy ratximyhÿreny. Iwese budoeni-ò imynomy ròsemy ramyhÿre wese heka kedehemynykre. ³⁰ Inyõ heka aityhydÿÿdu seriõre yribi iwitxira aõna aõnamy kidierynanymyhÿkre. Tajoi kididymyhÿkre tarybe-ò ijohonamy. ³¹ Tahe biijemy boibekre. Inataõ beõramy awana rarewãhã. Kiamy rarybereri, iribi nohõtilosarenyõmy. Txu-wana, ruwana adireny ròrenywãhãre. Rahinyemy heka aõrarureny-ki watxiwãhãre. ³² Tahe ararirenykre Deuxu-wana ixidi he awimy renykre. Tii heka adireny rarekre. Tii tahe nohõtilosarenyõmy, boibekre Deuxu rybe-di. Tii heka riwiõhenanykre atyhyna raumynykre. Deuxu riywinyre wahe adee reny aõna aõna wiwihikÿ riwahinykre õbiti mahãdu-wana kia bitabenykre. ³³ Tiu heka jiarÿ ijõ hãbu-ribi nieru tarasamy rahõtinyõhyimahãre tyy wiwihikÿ tarasamy raruõhyimahãre. ³⁴ Tiiemy wadebõ-ribi hyy hyy raaõmysÿdÿÿmy rarewãhã waaõmydÿÿnana õwydÿÿmy. Tule rewiohenanywãhãre tii-wana watxiwãhãre mahãdu. Kaiboho teerytenye kia. ³⁵ Ibutumy rewiohenanywãhãre iaõkõ mahãdu kia heka tuu tabitenyte kia rewinyamahãremy. Teerytenyte timybo Jesuisi rarybere: —Biwahinybenyke, kia dori iny-ribi ritamyhÿre ratyre awi rare.

³⁶ Tahe rybe-ribi rexihureu, tatiowotimy rotamanyrenyre wiwana rexitõenyrenykre. ³⁷ Tahe rahinyrenyre, rimirenyre tamy wõreny, aõna rakreki, kia-ki rexityhenyleri tamyreny. ³⁸ Tiiemy rabadeworennyre tiu tuu robirenyõkre. Tahe hãworo-ò tiiboho-wana roirennyre.

21

¹ Iribi rõhõnyreu tahe, õbitihyy rare Kõsi hãwã-ò. Ijõ txu tahe Rodesi hãwã-ò ritehemynyre. Iribi tahe Patara hãwã-ò ritehemynyreny. ² Tai tahe rahare hãwõ-k, Senisia hãwã-ò rakremy rexiywinyeri. Roirennyre kia yhywodynawõ-di tahe rorukurenymy rõirennyre tamy. ³ Xibri be-debute weribi-ò reoure, inhywenawe-ribi Siria bede weribi-ò. Tahe ritehemynyre Tiro hãwã-ki. Tai tahe hãwõ-ribi aõna aõna-di rekoarennyre. ⁴ Tamy roirennyreu tahe, rÿÿraxirennyre kahãwã ityhydÿÿdu mahãdumy. Tai raharennyre. Sohoji semanamy bede tiiboho-wana wadireny rÿire. Kiaerydÿÿna mahãdu heka Paulo dee raryberenyre: —Aõma noõmykre Jerusalẽ-ò. Deuxu Tytybytyhy tuu tamyreny rarybemyhÿre. ⁵ Tahe semana ituereu, diõsedenyde ixby hãworo-ò. Ibutumy diberenydenyde ityhydÿÿdu mahãdu tiiboho-wana ÿnyra-ò, hãwyy, uladu, ibutumy. Tahe rexitõenyrennyre. ⁶ Ritobinyrennyre tahe, riõserenyre heto-ò ixby.

⁷ Idi tahe Tiro hãwã-ribi rare. Tahe Tolimaida hãwã-ki ityhydÿÿdu mahãdu rerybewãhãrennyre txu sohojilemy bede reijereny tai. ⁸ Ijõ txu biõwamy tahe roirennyre Cesaria hãwã-ò. Tahe Filipisÿ-ki rasÿnyreny Rybewihikÿ-di tÿnydÿÿdusÿ-ki wahe. Tii juhuy aõma ityhydÿÿdu mahãdu wiõhedÿÿduõ juhutyhy rare. ⁹ Tii heka inaubiõwa iriõre rare. Tahe heridu aõkõ ijadõma mahãdu rare. Ijadõma mahãdu heka Rybewihikÿmy rybeduõle rare. ¹⁰ Tahe aõutxu taile watxiwãhãrennyre. Tahe hãbuõ dehemynyde Judeia bede-ribi, moma inire Abusi. Tii tule Deuxu

rybe-di rarybemyhÿre. ¹¹ Idi tahe nade inyorarenymy. Tahe rimyre tii Paulo wereysana. Tawahe idile rimyre rexitaare tebò-wana. Idi tahe rarybere: —Deuxu Tyytybytyhy wa kiamy rarybere: —Kia wereysana wedu heka iwese rataataamy ràire wesele heka tule rataataamy rÿikre Jerusalê-ki judeu mahâdu heka kia riwinykre ta riwahinykre judeukõdu mahâdu-ò. ¹² Tamy raholarenyreu tahe, raryberenyre Paulo dee raõkremy Jerusalê-ò. Jiarÿboho raryberenyre tamy tule ijõ tule tamy raryberenyre. ¹³ Tahe Paulo rarybere: —Hirenyõmyke, tiwabede-wodÿÿnytenyteri. Rexiywinymy watzireri Jerusalê ròtena-ò aralòkemy. Tamy sohojile aõkõ kÿny, tule Deuxu dee wikeki tahe arurukre Inynyrÿni òraru-ki. ¹⁴ Tamy heka Paulo nohõti rareadÿÿrenyõke tiiemy tanonanamy rara. Tahe rarybemy rahudi kiamy tarybe-ò resere Deuxudeewilemy rotÿÿnymy ratxike.

¹⁵⁻¹⁶ Iribi tahe iny aõna aõna rexiywinymy Jerusalê-ò roirenykemy. Ijõ ityhydÿÿduõ Cesaria-ribi iny-wana roirenyre. Tahe rete-hemynyrenyreu, Menasõ heto-ki rasÿnyrenykemy ityhydÿÿdu riwadyrenyre. Menasõ heka juhutyhy ityhydÿÿdumy ralòmy raremyhÿ. Juhuu tii Xibri bedebute-ki rasÿnymy raremyhÿ.

¹⁷⁻¹⁸ Jerusalê ityhydÿÿdu mahâdu ibutumy awimy riwamyrenyre. Jiarÿ, Luka wahe, Paulo-wana, ijõ ityhydÿÿdu-wana. Ijõ txu biòwamy tahe Paulo riwadyrenyre Txiaumy robikremy. Tule ijõ Jerusalê dohodÿÿna matuari mahâduõ tai ronyre. ¹⁹ Wirirybenymy rahudi tahe, Paulo tamy relyyre aõhebo Deuxu tamy rotÿÿnyremy. Timybo judeukõdu mahâdu Deuxu rityhynyremy. ²⁰ Kiamy roholareu, Deuxumy realàrenyre ibrò-kí. Tai tahe inyõ rarybere: —Paulo, sòwemy judeu mahâdu rityhynyre. Kai teeryte, inyseriòre, ibutumy judeu mahâdu bede ywina riywinymy ratximyhÿhy. ²¹ Inyõ umy rarybere, raroimyhÿre kaki Jerusalê-ki. Judeu ityhydÿÿdu mahâdu-ò rarybere: —Paulo he Moisesi bede ywina-ribi nohõtirosakemy tii riteònyre. Paulo rierynanyreri judeu ityhydÿÿdu mahâdu-ò kia judeukõduy-ki rasÿnyre mahâdu-ò. Kia inyõ riki rarybere, Paulo uladunotyky resyna riteòdÿÿòreki riki. ²² Tii kÿnyhe roholarenykre kaò tehemynterimy. ²³ Tai kiamy rikiwinyrenykre. Inaubiòwa hâbu katxi rare tarade riwysynykremy. Deuxu-ò tarybetyhy riwahinyrenyre, tai tahe tarade riwysynykremy. ²⁴ Kai tule makre iwesele arade riwysynykre Deuxu dohodÿÿna heto-ò. Tahe iradereny synaòwymy biòwynykre. Tai tahe ibutumy aluukre judeu mahâdu bede ywina tetyhynmahãteki wahe. ²⁵ Aõ inyboho ka judeukõdu mahâdu. Ka bede ywinaõ rityhynykemy aõkõ tuu iny ratxirenyre. Kaa adeereny tuu rarybewãhãrele rityhynyrenykemy: —Ka aõma rÿsÿna ritxoo rÿsÿnamy iwahidÿÿnalemy irÿsÿòmy, tule iròdude ihãlubu iijeradÿÿòreri, uritere irÿsÿòmy, tule òta òta òraru widÿÿòmy. ²⁶ Tai tahe Paulo rarybere: —Hÿde, tii ariwinykre. Tahe Paulo rare Deuxu dohodÿÿna heto-ò kia hãbuõ-wana. Tahe ibutumy iny rieryre xiwenaõ riwinykre wahe, tamy dori raryberenyre.

²⁷ Tahe debòinatxi reurò txu-di riwinykremy. Idi ka debòinatxi reurò txu rexihudi tahe iòhòmy. Tahe Asia bede ludu judeu mahâduõ tuu robira. Tiiboho iny-ò rarybere Paulo rimykre. ²⁸ Sòwemy iny tamy wi rotyre Paulo òludumy. Tiiboho kiamy rirajuarenyre: —Haeli mahâdu, wylemy bodoike. Biwawiòhenanybenyke. Ka hãbu ratxireri iny bede wwinareny òludumy ritÿÿnymy rÿimyhÿre. Iny dee narybemyhÿde judeu

mahãdu bede ywina rityhynyõkemy, tule iny Deuxu dohodÿÿna hetomy, judeukõdu kawo-ò didyde tai tuu ribinadÿÿnyreri. ²⁹ Juhuu tahe ijõmy robire hãbuõmy hãwãhãkÿ-ki Paulo-wana ratxirerimy. Trofimo inire. Tii heka Efesu hãwã mahãduõ ityhydÿÿduõ rare, judeukõdu mahãdu aõkõ tii ihÿre. Tahe judeu mahãdu rõhõtinyre Paulo dohodÿÿnahetowo-ò Trofimo ridyramy. Tahe Paulo ridyõlere. ³⁰ Tahe sõwemy iny rakyarananyre tamy, aõma kia hãwã hãkÿludu mahãdu. Sõwemy iny rarybemy rÿimyhÿ, rajei-jeimy rÿimyhÿ. Paulo tahe retÿhirenyre dohodÿÿna hetowo-ribi, ijõtõbõna riratõbõnyre. ³¹ Tahe rirubunykeny ritelenyrene heka. Tahe soldado dinodu tyhy roholare aõma ibutumy Jerusalẽ hãwã-ki jei jei-di rÿireri. ³² Tai tahe soldado tawedu diteõnyde kia tai jei jei mahãdu rÿireriò. Tahe soldado robirenyrau, riixãwidinyrenyrene, Paulo òhõtedyÿ-ribi. ³³ Kia soldado wedu tyhy Paulo mynymy riteõnyre. Tahe ritaataarenyre womati reroti-di. Tahe rexitõenyre kia inydee mobo he ratxireri. Aõhebo he tii rotÿÿnyrerimy. ³⁴ Ijõ heka iwitxiramy rarybemyhÿre, ijõ tiilemy rarybere. Tai tahe soldado dinodu bede rieryõhyra timyrebomy, ibutumy iny rirajuareki. Tahe ridykemy riteõnyre. Tahe soldado heto-ò Paulo-di roiremyre. ³⁵ Ryõwõna-di rotuõrau tahe, hãwã mahãdu aõkõre he reburera. Soldado mahãdu Paulo taaxiõ tyre ritidimy idi rara iny rimyheny. ³⁶ Iny he rirajuamy rarybemyhÿre: —Bidybenyke, birubunyenkye wahe. Myhe soldado mahãdu hewomy rirahumyhÿre.

³⁷ Tahe rirõnykremy roirau tahe, Paulo soldado dinodu-ò rarybera: —Adee inihe wanyrÿ, ararybekemy watzireri. Tahe soldado dinodu ritÿÿraxinyre: —Kai aõbo kreku mahãdu rybe teeryte. ³⁸ Kai jiarÿ araeryre. Kai Egito mahãdu dinoduõ tate, ibutudÿÿdu wedu tate. Kai 4000 iny aõbina widÿÿdu tedyte bederahy-ò. ³⁹ Aõkõre, Paulo dirawyõnyde, tii aõkõ watzire. Jiarÿ Roma hãwã mahãdu tyhyre jiarÿ rare. Wahãwã, Tarso hãwã rare, hãwã riõre aõkõ Silisia bede-ki. Judeu mahãdu tule jiarÿ rare. Kaki iny mahãdu-ò ararybekemy watziwãhãre. ⁴⁰ Tahe soldado Paulo —ò rarybere: —Tahe marybeke. Tahe lamamy rÿire inydee rarybekemy. Paulo tebõ riteõsinyre riijohonadÿÿnykeny. Tai ibutumy iny riryrymy rÿirenyre. Judeu mahãdu rybe-di tamyreny rarybere.

22

¹ Kawese Paulo tamyreny rarybere: —Waseriõre, waluuboho, wabededyÿÿnanamy adee arelyykre. Wamy bohولاتyhyke.

² Judeu mahãdu rybe-ò roholareu tahe, rirytyhymy rorukurenre. Tii heka rarybere: —Jiarÿ judeu mahãdu jiarÿ rare. Raumynyre Tarso hãwã-ki. Kia Silisia bede-ki rare.

³ Kaki Jerusalẽ-ki ratyritinymy rarewãhã, Kamalie ninadu tyritina-ki. Ibutu Judeu mahãdu bede ywina bede reeryre Kamalie-wana. Ibutumy Moisesi bede ywina-di riwaerynanymyhÿre. Tii tahe reywinywãhãre, retyhynytyhywÿhÿre. Ibutumy Deuxu bede ywina ariwinykeny ixi-di rahõtinywãhãre iwese wiji iwidyÿÿmy tarutenyteri wesele wahe. ⁴ Jiarÿ ka ityhydÿÿdu mahãdu aõhõkÿmy rotÿÿnymyhÿremy reteõwãhãre ihyyle ijõ rubudÿÿmy reteõnywãhãre. Hãbu hãwy-wana rerõtenywãhãre rõtenawo-ò. ⁵ Waaõmydÿÿnanamy bierybenkyre-wana, tamy marybeke dohodÿÿna wedu-ò, matuari mahãdu-ò. Dohodÿÿna wedu tyriti rewyre Damasu hãwã dohodÿÿna

heto-ò. Tai tahe tyyriti-di risÿnyre ibutumy ityhydÿÿdu mahãdu aõhõkÿmy rotÿÿnykemy, tule womati reroti-di rataataakemy Jerusalê-ò kididykemy. 6-7 Iõhõmy txutyemy iijira-ò, Damasu hãwãry-ki watxiwãhã. Tahe loosõna itÿnyhÿkÿmy wadee dehemynde. Bedetxile resere. Tahe rybeò raholare: —Salu, Salu, aõherekiwexe aõbina binahakÿle wadee tadiwinymahãte. 8 Tahe jiarÿ rarybere. Mowexe wadee rarybereri, Wanyrÿ. Tii rarybere: —Jiarÿ Nazare ludu watxireri, Jesuisi. Kai aõbina binale wadee tadiwinymahãte. 9 Hãbu wawana rÿimyhÿ, aõ rieryõhyyre aõmybo wadee rarybemyhÿre tahe loosõnamy he robirenyre. 10 Tai tahe rarybere jiarÿ: —Aõwexe ariwinykre, Wanyrÿ. Rarybere: —Myike wahe, make Damasu hãwã-ò. Tai tahe inyõ adee kanarybeke aõbo biwinykemy. 11 Tai tahe rabiõmy räiwãhã kia loosõna ritÿrÿrÿhÿkÿreki. Tai wabiõwa ryy wadee ritÿnyre wadebò-ki riwamymy Damasu-ò arehemynykemy. 12 Tai tahe hãbuõ wadee rehemynyre, Ananiamy ninadu. Tii heka Deuxu tyhydÿÿduõ rare, bede ywina rityhynymyhÿre, ibutumy Judeia mahãdu, Damasu hãwã-ki heka tuure. 13 Tii tahe wadee rarybere: —Waseriõre, Salu, aruebimye ixityre bobikemy. Aõwesele tahe rabimy reare. Ananiamy rabire. 14 Tahe ixityre wadee narybede: —Inytyby Deuxu juhoo aratare, aõbo tamywimy bierykemy. Tule Jesuisimy bobikemy, Deuxu õbiti hãbu. Tule boholakemy aõbo tii adee kanarybekeò. 15 Tai tahe biwykre irybewihikÿ tÿmyra ibutu bede bede iny-ò. Belyyke timybo taholatemy, tabitemy. 16 Tai tahe rooreheõmykre. Wijile makre maratsebekre. Aõraru-ribi yrahakÿlemy mabekre, Wanyrÿnimy tetyhynye xiery. 17-18 Idi tahe Jerusalê-ò rehemynyre wahe, aõtxumy ixitõenymy rarewÿhÿ Deuxu dohodÿÿna heto-ki. Tai raholarerasina wese-ki aõma Deuxu wadee rarybererimy: —Wylemy bõhõnykre Jerusalê-ribi. Warybemy tamy marybekre, rityhynyrenyõtyhy. 19 Tahe Inynyrÿ-ò rarybere: —Ibutumy hãwã-ki aityhydÿÿdu mahãdu rehãtenyrene, rewotomonyre, rerõtedÿÿnyre. Ibutumy kaki kia rierymy roimyhÿre. 20 Arybe tÿnydÿÿdu rirubunyreu, moma Estevaõ, jiarÿ taile watxiwãhãre. Rewiõhenanywÿhÿ irubudÿÿdu mahãdu tyy reyrubunyrene aõma mana-di rihurenyre wahe. 21 Tahe Deuxu wadee rarybere: —Bõhõnykre wa Jerusalê-ribi. Irehetyhymy arateõkre judeukõdu mahãdu-ò. Kia Paulo tamyreny rarybere.

22 Tahe kia iny roholamy rÿimyhÿre kia Paulo iximy relyyreò. Tahe raykarananymy ryryre: —Bidyke karibi ahana-ò, birubunyke. Irumy rareõkre idi watxiwãhãrenyrene. 23 Tatyky riohowire, brybysi-di biu-txi rehure, ryrymyhÿrenyrene. 24 Soldado dinodu tahe riteõnyre iwo-ò ridyrenykemy awaru õhõtenahãkÿ-di tuu raõhõtekemy. Soldado dinodu rierykemy ratxireri aõherekibo iny tamy rakyarananyraki wahe. Tii rarybekre õsana tuu raõhõtekeki. Kia soldado dinodu rõhõtinyre. 25 Tahe Paulo ritaataarennyre. Imy rahudi tahe Paulo rarybere soldado dinodu-ò: —Jiarÿ Roma hãwã mahãduõ rare. Wamy maõhõtebenyõtyhy, aywisidÿÿna mahãdu wadee roholaõre tebutunyõteki. Kia riwadÿÿkõkemy roimy rare. Abede ywinarennyre adee rarybere kia widÿÿõmy. 26 Tai tahe kia soldado dinodu tadinodu-ò rare. Tahe tamy rarybere: —Kowa hãbu, Roma hãwã mahãduõ rare. Tai tahe aõbina bina tamy iwidÿÿõmy. 27 Kia roholareu, tii rara Paulo-ò tamy rÿÿraxikemy: —Inatyhybe Roma hãwã mahãduõ aõbo atxiteri. Paulo tahe narybede: —Kohe, jiarÿ, kia mahãduõ watxireri. 28 Tai tahe soldado dinodu narybede: —Jiarÿ tule watxireri. Nieru

sõwe-di reòwynyre tuu aronykremy. Tahe Paulo rirawyònyre: —Jiarÿ tiu kia watzireri. Waha dori Roma mahãduõ raremyhÿ. ²⁹ Tai he soldado mahãdu iribi röhònyre aõwesele tii Roma mahãdu ratxire riki. Soldado dinodu tule ruberure tii dori rataataamy riteònyreki.

³⁰ Txu biòwamy ritare ròtena-ribi röhònykemy. Judeu xiwewahidÿÿna dinodu inyò ributunyre ywisidÿÿdu mahãdu-wana. Tahe Paulo ridyre tamy. Tii dori rierykremy ratxireri aõherekibo judeu mahãdu Paulo deramy rÿireri.

23

¹ Paulo tamyreny retehere, dinodu mahãdu-ò wahe. Tahe rarybere: —Waseriòreboho, Deuxudile watzimy ramahãre. Tiiemy aõbina binamy aõkõ watzireri, tamy iluuna-di tyhy watziwãhãre. ² Anania hãbu-ò rarybere, iòhòmy Paulo-ribi rÿireriò: —Iry-ò bihetenybenyke. ³ Paulo tahe tamy narybede: —Kai wa aõ aõkõ tate. Hetotira ura wese tate, awo arayky isuisure. Waywisidÿÿdu wesemy talòmÿ atxiteri, tahe wahetedÿÿmy tarybeta. Kia bede ywina rarybera wesemy aõkõ tewisÿnyteri. ⁴ Tahe iòhòmy Paulo-ribi rÿireri, tamy rarybere: —Kia wesemy rybeòmÿ Deuxu xiwe wahidÿÿdu wedu-ò. ⁵ Tahe Paulo rarybere: —Aõkõre, reeryòhyre aõxiwe wedubo ratxireri. Tyyriti kiamy rarybemyhÿre: Tiu riki wedumy aòmÿ rybebinamy aõkõke. ⁶ Idi tahe Paulo rexierymy resere. Tahe ixidee röhòtinyre. Ka iny sõweyre fariseu mahãdu heka rare. Iyrejura tasÿ saduseu mahãdu rare. Tai tahe Paulo rryre: —Waseriòre mahãdu, jiarÿ fariseu mahãduõ rare. Waha, wylabieboho ibutumy fariseu roire. Rubu-ribi ixixana retyhynywãhãre. Tai tyhy tahe kia-ò, ywisidÿÿdu-ò wiji diwadyde. ⁷ Imy rahudi tahe fariseu mahãdu saduseu mahãdu-wana wiribi rihitxinyre. ⁸ Saduseu dori rubu-ribi ixixana rityhynyòhyymyhyÿreny, tule ÿju, tyytyby-wana rityhynyõre. Fariseu mahãdu tahe, kia ibutumy rityhynymyhyÿre. ⁹ Tai tahe sõwemy rajei jeimy rÿimyhÿ. Tahe fariseuõ rarybere Paulo òbitimy ratximyhÿ. Aõ teòsamy tai tuu arobirenyke kÿnyhe aõkõre. ÿjuõ òsana tamy rarybera ada tyytyby aõbo. ¹⁰ Tai ta tarurutyhymy rryreny. Tai tahe soldado dinodu ruberure aõma Paulo riykaykaketxi roholare. Tai rarybere tamy: —Iribi bitake, idi boibenyke ixiby soldado heto-ò.

¹¹ Rummy tahe Paulo weribi Inynyrÿ tamy narybede: —Brebuòmÿ aõ-di nohòtiòmÿke ixi-di. Iwese kaki Jerusalẽ hãwã-ki wamy tarybete wesele heka Roma hãwã-ki wamy marybekre.

¹²⁻¹³ Tahe biurasòtxu he judeu mahãduõ wi dotyde Paulo rubudÿÿmy. Iny inatxiwa ituemy hãbu kia wese raryberenyre: Rikiroxirenyòtyhy bemy rikiòrenyòtyhy. Paulo rurukeki xiery ta rikiroxirenykre. ¹⁴ Tahe xiwe wedu mahãdu-ò tiiboho roirenyre. Judeu matuari mahãdu-ò tule kia ibutumy relyyreny iwese Paulo rubudÿÿmy ratxireri wese. ¹⁵ Tule tamyreny rarybere: —Kaiboho ixityre marybebenyke soldado dinodu-ò manakremy Paulo-di ywisidÿÿdu-ò. Tamy dÿÿraximy idi ratxireri tiiboho röhòtinykre. Tai tahe ry kana-ò rearaki tahe ijoi rikirubunykre. Kia judeu mahãdu xiwe wedu-ò rarybere. ¹⁶ Tahe Paulo seriòre woludu, ilana rubudÿÿmy rarybereò roholare. Tahe ralore soldado heto-ò tahe tuu Pauloko relyykemy. Tahe relyre. ¹⁷ Kia roholamy rahudi ta Paulo rariòwyre soldado dinodu tamy kanalokremy. Kiamy rarybere:

—Ka weryry bidykre adinodutyhy-ò, aõma, ijyy-di ratxirerimy tamy relyykremy. ¹⁸ Tahe ridyre soldado dinodu tyhy-ò tahe rarybere: —Paulo kÿny ka weryry-di riwateònyreri aõmybo ako relyykremy. ¹⁹ Tahe dinodu weryry axiò iyre ribi rimyre, tahe iny-ribi rihenyre rarybekemy: —Aõbo wexe wako belyykre, weryry. Tahe rilyyre: ²⁰ —Wylana Paulo ridykremy judeu mahãdu adee rexitòenykremy ratxirenryre. Tiiboho adee raryberenykre: —Rikitÿÿraxinykre ijõ aõmydÿÿnana. ²¹ Uritere tamy boholaõkre, weryry rarybere, idyõmykre tamy. Hãwã mahãdu sõwere rexiwòmy rÿikre, iny inatxi wa itue hãbumy, wylana rubudÿÿmy. Tii uruõkeki, riroxiõtyhy, bemy riõõtyhy. Kiawese ka hãbu mahãdu rarybemy ramyhÿre. Ahana õsana inyõ rÿireri wylana ridykremy adee kedexitòenykremy. Wylana õludu tahe ryijàti-ki rexiwòmy rÿireri. ²² Tai soldado dinodutyhy weryry-ò rarybere: —Uritere inyõ ierysyõmykre wadee tuu telyyteri. ²³ Tahe inatxi soldado dinodu rarariòwyre, tahe tamy rarybere soldado dinodu tyhy: —Aõma, 200 soldado widotykre inataõ òra txu dòhòny-ribi, ijõ 70 soldado awarutyre-ki, ijõ 200 soldado tònori-di. ²⁴ Kia ibutu-wana Paulo bidybenykre awarutyre-ki Cesaria hãwã-ò. Biyrubunymy boibenyke Feli, kia bededinodu-ò. ²⁵ Tahe tyyriti riwinyre kia wese:

²⁶ —Jiarÿ Laujiu Lucio, warybe reritinyreri. Warybe wehityhyna rewahinyreri Feli-ò, Wanyrÿtyhy, bede dinodu-ò rewahinyre. ²⁷ Hãbuõ adee reteònyreri. Tii judeu mahãdu rimyre tahe rirubudÿÿmy riwisÿnyre. Tahe soldado reteònyre ritakremy rubu-ribi, tii Roma hãwã mahãdumy rareki. ²⁸ Redyra heka ywisidÿÿna mahãdu-ò. Aõherekibo rimyrenyremy arierykemy. ²⁹ Tabede ywina òrarukile teramy tamy reare, kia reerymy rawãhãre. Iny bede ywina òraru-ki aõ aõkõ tii riwinyre. Tai rurukemy aõkõ idi rewisÿnyre. ³⁰ Judeu mahãdu rarybemy ramyhÿre irubudÿÿmy. Kiamy raholareu tahe, adee reteònykemy resere. Tule irubudÿÿmy röhòtinyra mahãdu adee rarybekemy reteònyre. Tiiboho aõbo raremy rarybekre. My kie warybe rewahinyre.

³¹ Idi tahe soldado mahãdu Paulo ridyre, iwese idinodu riteònyre wese. Rudile ridyre Atxipatxi hãwã-ò. ³² Tahe biurasòtxumy tahe tatilemy rare mahãdu ròsere soldado heto-ò. Ijõ soldado awarutyre ludu Paulo iridyre Sesaria-ò. ³³ Tahe rehemynyre Cesaria hãwã-ki. Rare he bede dinodu-ò. Paulo tamy riwahinyre tyyriti-wana. ³⁴ Kia tyyriti-di tii rariareu tahe, tamy ritÿÿraxinyre: —Tiribibo tate Paulo. Tahe Paulo dirawyònyde: —Jiarÿ, Silisia hãwã mahãdu rare. ³⁵ Tahe bede dinodu narybede: —Kaa hãbu mahãdu wii kodotykreu, kedehemynykreu, aroholakre inihe arybe-ò. Tahe iyrubudÿÿ idi risÿnyre Herodi ywisidÿÿna heto-ò, Pretòriu ninadu-ò.

24

¹ Iruyre txu reare rexihudi tahe, Anania, xiwena wedu tyhy, judeu mahãdu matuari-wana rehemynyre, ywisidÿÿna mahãduõ-wana rehemynyre, moma, Tertuliu inire. Paulomy aõbinabinahãkÿ rybemy rareri bede dinodu-ò. ² Tahe Paulo didyde. Tertuliu rarybere Paulomy. Awiõmy rybe tahe röhònyre. Juhuu Feli-ò rarybere: —Kai Wanyrÿ tyhy, awihyymy heka atximahãte wadeereny. Tiiemy bede ywina inydee tewahinymahãte. Ibutumy iny bede hãwã hãwã-ki iny

tewiõhenanymahâte. ³ Tai tahe omy reâlåtymy he watxiwâhâre. Urihimiõle adee Paulo aõmydÏÏnanamy ararybekre. ⁴ Txioi inihe lâhâ, boholabeny. ⁵ Tiemy jei jehy ratximyhÏre Paulo òraru-ki. Tiemy judeu mahâdu, my heka rarybehyy ratximyhÏre. Tii Nazare hâwâ dohodÏÏna mahâduõ rare, kia weduõ rare. Tii Jesuisi rityhynre. ⁶⁻⁷ Aõkõre, iny Deuxu dohodÏÏna heto ribinadÏÏnyre, brebuna rÏirerimy ihÏre Paulo òraru-ki. Remyreny tahe, ywisidÏÏmy watxiwâhâre iny bede ywinareny rarybere wesemy. Tahe aõkõre, Lisiu soldado dinodu tyhy ritare iny-ribi wotõmona-di. ⁸ Tahe inydee rarybere: —Boibenykre Feli-õ. Tii adee roholakre. Kia tahe Lisiu rarybere. Tahe jiarÏ tule rarybere. Boibenyke Paulo dÏÏraximy kia inatyhy aõbo ada aõkõre aõbo. Tertuliu kia ibutomy rarybere. ⁹ Ijõ judeu mahâduõ rarybere: —Kia inatyhy ibutomy inatyhyle ratxireri, aõmybo Tertuliu raryberemy.

¹⁰⁻¹¹ Tahe bede dinodu Paulo-õ riteõsinyre rÏikemy, rarybekemy. Paulo tahe tamy rarybere: —WanyrÏ bede dinodu tyhy, sõwe beõra aõmydÏÏnana-di ywisidÏÏna-di atximahâte. JiarÏ kia reeryre. Tai rey-sawâhâre adee ararybekremy. Waõ inatxi reurõtsumy heka Jerusalê-õ adehemynde. Iny-õ bitÏÏraxinykeki, wylemy ka bierkye inatyhy raremy. JiarÏ Deuxu dohodÏÏna heto-õ rehemynyre Deuxu reâlækemy. ¹² Tiu heka jei jei rewinyõhywâhâre dohodÏÏnaõ-ki aõkõ, hâwây-ki aõkõ. ¹³ Aõmybo wamy rarybemy rÏireri heka, aõ inatyhy aõkõ. ¹⁴ Sohoji aõmydÏÏnanamy tahe akoreny arelyykre, inatyhy rare. Retyhynywâhâre heka aõbo Jesuisi rierynanymyhÏremy. Tiiboho watyhydÏÏna rininirenyre dohodÏÏna mahâdu iwitxira. Kia hâbu rityhynymyhÏre wesele jiarÏ tule Deuxu inytyby retyhynymyhÏre. Ibutomy bede ywina tyyriti-ki riritinymy rÏimyhÏremy retyhynywâhâre. ¹⁵ Iny, òrarudu mahâdu, ityhydÏÏdu mahâdu kedeixiakremy rubu-ribi. Kia retyhynywâhâre. ¹⁶ Tiu ibutomy õbiti widÏÏmy raruwâhâre. Deuxu-txi tule ibutu hâbu rue-ki. ¹⁷ Jerusalê-ribi rarewâhâu, tiwese beõra rewyre tahe ixyby dõõsede Jerusalê-õ aõkõ mahâdu wahidÏÏna wesemy ariwahinykremy xiwena wese Deuxu-õ. ¹⁸ Deuxu dohodÏÏna heto-ki watxiwâhâ, õbitimy räire, ibutu bede ywina reywinymy rawâhâre. Tahe waxiwenadi waõludu wamy robire. Iny sõwemy weroramy watxiwâhâ. Rybe jei jei rary-beõhyre. Tahe Asia bede judeu mahâdu tai rÏimyhÏ. Tiibohole rybe jei jei riwinymyhÏreny. ¹⁹ Wamy aõmydÏÏnana rarybekremy ijõdikeki, rokoholakre. Kaki aõkõ ratximyhÏreny. ²⁰ Aõbo waki teõsamy rahare ywisidÏÏna mahâdu-ko räireu, tamy rokoholakre. ²¹ Sohoji aõmydÏÏnanalemy rarybere teõsamy. Kiamy rarybere: —Retyhynyre rubu ixyby kedexiakre. Tai ywisidÏÏna mahâduko-ki watxiwâhâ.

²² Feli bede dinodu rierymy ratxireri aõmybo ityhydÏÏdu mahâdu rityhynyre. Tai rarybere judeu mahâdu-õ: —Lisiu, aõma, soldado dinodu tyhy rehemynyreu, bede rikerydÏÏnanykre. ²³ Tahe Paulo rõtena heto wese-õ ratximyhÏreki, riõõsedÏÏnyre. Ta rarybere he soldado dinoduõ-õ: —Ywimy idi ratximyhÏkemy. Tule rarybere: —Iõ ixinamy terina mahâdu iroramy kanakre. Ixinamy uriõnomy tamy kidiwahinykre awityhy roimyhÏkemy.

²⁴ Iribi nade Feli tahâwyw-wana Drusila. Ihâwyw heka judeu mahâduõ rare. Riteõnyre Paulo-õ tamy kanakremy, tamy kanarybekremy. Paulo rarybere tamy: —Jesuisi Kristu kia tyhydÏÏnamy. Tii õbiti-di iny rõhõtinky tulle ywisidÏÏna txumy Deuxu kanakremy ritÏnyre.

25 Tahe Feli ruberure. Makre, tamy rarybere, aõwaxiny tiubo wabededÿÿnana-di my kÿnyikreu, ixyby adee ararariõwykre. ²⁶ Tule Feli ijõ nieru Paulo-ribi ritakemy ratxireri, tai rarariõwyre ijõtxu ijõtxu tii-wana rarybekremy. ²⁷ Inatxi beõramy bede idi rÿire. Iwitxira bede dinodu ralore Feli derõwy. Porsiu Festu inire. Feli tahe judeu mahãdu tuure tamyreny aõõ riwinykemy ratxireri tahe Paulo ririre rõtenawo-ki.

25

¹ Cesaria hãwã-ki bede dinodu tÿmyraõ ronyre. Festu inire. Inataõ txu-di tahe iribi rõhõnyre Jerusalẽ-õ rakemy. ² Tahe xiwe dinoduõ, judeu mahãdu dinoduõ tamy rarybere Paulo aõmydÿÿnanamy. ³ Tamy rexitõenyre Paulo-di wylemy kanakremy. Kiamy heka rexinohõtidiÿÿnyre ryrowetya-ki rirubunyrenykremy. ⁴ Aõkõre, Paulo ratxirekre Sesaria-ki, Festu rarybere, jiarÿ tahe arõðsekre ele elemy kowa-õ. Kaiboho adinodu mahãdu wadi roikre kowa-õ. Rokoholarenkykremy ywisidÿÿna-õ. ⁵ Tule kaiboho aõrybedikeki, Paulomy, kowa-õ rarybekremy.

⁶ Iribi tahe debõwiõ txu õsÿny txu idi rÿidi tahe ixyby Festu dõðsede Cesaria-õ. Irootxu tahe Paulo ywisidÿÿna rõhõnyre. Tahe Paulo ridykemy riteõnyre ywisidÿÿna butuna-õ. ⁷ Tahe judeu ywisidÿÿna mahãdu heka sõwemy tuu aõbina binahakÿmy Paulomy rarybemyhÿre, Jerusalẽ-ribi rehemynyreu. Aõ inatyhymy aõkõ. ⁸ Paulo tahe rexitxiõnyre: — Jiarÿ kÿny kia-di aõkõ watxiwãhãre. Tii rarybere: —Tiu heka judeu mahãdu bede ywina ratyre aõna aõnamy ratÿÿkõre. Tiu heka Deuxu dohodÿÿna hetomy rewinyõwãhãre, tiu Roma dinodu bede ywina ratyre aõhe ratÿÿnyõwãhãre. ⁹ Idi tahe Festu rÿÿraxire Paulo-õ: —Kawexe textiywinymy atxiteri Jerusalẽ-õ makremy. Kowa ywisidÿÿna ariwinykemy adee roholakremy. Kiamy Festu rarybere aõwiwihikÿmy riwinykemy ratxireri judeu mahãdu dee. ¹⁰ Tahe Paulo rirawyõnyre: —Aõkõre, arakre he Iõlõ tyhyõhõkÿle arehemynykre. Tii wadee roholakre. — Jiarÿ dori ixiywinyhytamy arakre. Kai teeryte jiarÿ aõkõ tudÿÿduramy. ¹¹ Aõma aõbo waki binamy relera-wana heka arurukre. Aõkõkeki tahe aõbo awihykyle rewinyre-wana heka timy inihe warubudÿÿõmy. Iõlõ tyhyle wadee roholakemy he ixide rahõtinyreri. ¹² Festu tawiohedÿÿdu-õ rarybere. Idi ta dirawyõnyde: —Awire, iõlõ tyhy-õ atxiteri urenana kÿnyhe aõwaxiny makre.

¹³ Iribi tahe aõutxumy tahe iõlõ Agripa dehemynyde, Benise tariõrese-wana. Festu roramy rareri. ¹⁴ Tahe tii-wana rarybemyhÿre aõutxu, Festu-wana. Idi tahe Paulo aõmydÿÿnanamy iõlõ-õ rarybere: — Rõtenawoluduõ roireri rõtenawo-ki. Tai he Feli ririre jiarÿ iaõmydÿÿnana arierykremy. ¹⁵ Aõma Jerusalẽ-ki watxiwãhãu, dohodÿÿna wedu mahãduõ wadee heka rarybere: —Tii arirubunykremy heka wadee rityhenymyhyre. Judeu mahãdu matuariõ tule kia rarybere. ¹⁶ Tahe tamy jiarÿ rarybere: —Aõkõre, aõma Roma mahãdu kia bede ywina dori tuu aõkõ roimyhÿre. Juhu heka rakre ywisidÿÿna-õ tahe relyykre heka iximy, taõludu mahãduko-ki. ¹⁷ Kaõ juhu ditechemyndenydeu, tamy rarybere. Ijõ txu he reyruubunyre ywisidÿÿna-õ roholakremy tahe Paulo ridykemy aditeõnyde. ¹⁸ Tahe aõmybo tamy rarybere heka, iwese rahõtinyre wese aõkõ tii riwinyre. ¹⁹ Aõbo ityhynareki heka tuheka rÿire. Inyõ heka tii rarybemyhÿre Jesuisi rurulemy. Tahe Paulo rarybemyhÿre irulemy ihÿre. Tai kÿnyhe rimymy ramyhÿre. Rirõtenymyhyre. ²⁰ Tai tahe

tiiemy rahõtinyre: Timy taheka aõhe arotÏÏnykre ka aõmydÏÏnana-di. Paulo-ò retÏÏraxire aõma Jerusalê-ò aõbo rakemy ywisidÏÏna-ò. ²¹ Tahe Paulo rarybere: —Iòlòle rakremy aõbo. Tii wamy roholakeki, teòdu waòrysymy ariraokre. Tai tahe ròtena-ò ixybyle rerutyre. ²² Tahe iòlò Agripa rarybere: —JiarÏ aroholakre inihe kia hãbume. Tahe Festu dirawyònyde: —Biurasòmny tamy bodoholakre.

²³ Idi tahe itxu biòwamy dehemynde, iòlò, Benise-wana, ywisidÏÏna heto-ò. Ibutumy he iny ralore, soldado wedu mahãdu, iny ityhymy rÏira mahãdu, ibutumy ralaralore. Tai tahe Festu Paulo didyde. Tahe rarybere: ²⁴ —Iòlò Agripa, ibutumy ka wadee ijohonadu-wana, ka hãbu heka ibutumy iny he irubudÏÏmy he idi rÏireri, judeu mahãdu kaki tule Jerusalê mahãdu. ²⁵ JiarÏ rahõtinyreri aõ heka riwinyòhyre tai rurukre wahe. Tai iòlòtyhy-ò rakremy heka ratxireri. Ariteònykre nomy dori tii ratxireri. ²⁶ Aõbo tamy ariritinykre. Aõ heka waritidÏÏkõnare. Aõ dori riwinykõre. Tai redyreri adee iòlò Agripa. Tamy juhu boholakre. Iribi tahe wadee manarybekre aõbo ariritinykremy. ²⁷ Timy kÏny wateòdÏÏkõna uritere òhynaòhòkÏle Iòlòtyhy-ò ariteònyòtyhy.

26

¹ Tahe Agripa Paulo-ò rarybere: —Aõwaxiny belyykre aijyymy. Paulo he tebò riukore he rarybekremy.

² Wadeysamy he watxireri, Iòlò Agripa. JiarÏ dori iximy arelyykre ako. ³ Tule kai dori ibutu judeu bede ywina teeryte. Ibutu lahi rybe teeryte. Bodoholakre inihe wadee, ywina-di. ⁴ Tiiemy uladule aratyrytinityde aõma judeu òbitina-di. ⁵ Judeu mahãdu kia rieryre. Txu rexidelenyre juhu judeu mahãduy-ki, idi tahe Jerusalê-ki ratyrytinityre. JiarÏ fariseu mahãduò òbiti jiarÏ rare. ⁶ Kia rybe òraru-ki wiji ywisidÏÏna-ki räire. JiarÏ dori retyhynywãhãre aõbo Deuxu inytyby-ò rarybere. ⁷ JiarÏ Deuxu rybe òlòna reraòwãhãre. Tule judeu ijoi riraòmyhÏre, waòinatxi reurò ijoi mahãdu. Tiiboho Deuxumy realãmy raremyhÏ, rummy, txumy. Iòlò Agripa, kia raròsòna òraru-ki judeu mahãdu wadee aõbina binamy rarybemyhÏre. ⁸ Rubu-ribi ixixana jiarÏ retyhynymyhÏre. AraÏraxikre iòlò. Kia aõbohe wadeòsana raremy kaiboho tahòtintenytere. Deuxu heka ixiby iny kidiòkesedÏÏnykre taumy tuedeòna-ò. ⁹ JiarÏ heka juhuu awimy heka aõbina binahakÏ widÏÏ dee rahõtinyre, Jesu-isi Nazare hãwã ludu dee. ¹⁰ Sòwemy ityhydÏÏdu mahãdu reròtenyre ròtenawo-ò Jerusalê-ki. DohodÏÏna heto wedu rewawiòhenanyre tyyriti riwahinyreki. Kia irubudÏÏmy wi risÏnyrenyre, jiarÏ rarybere: —Awire heka birubunybenyke. ¹¹ JiarÏ heka ityhydÏÏdu mahãdu aõhòkÏmy rotÏÏnykemy wi resÏnyre bede bede-ki. AõbinabinahãkÏlemy ityhydÏÏdu rerybedÏÏnywãhãre. JiarÏ aõnime reburemy rawãhãre. ResÏbinanyre tahe tii rahenyre irehetyhytyhy-ò iwitxira hãwã-ò. ¹² Rare heka Damasuhãwã-ò ityhydÏÏdu òrysymy. JiarÏ tyyritidi rare, dohodÏÏna wedu ritina-di. Tule ibede ywina-di rare. ¹³ Tahe Damasuhòhòmny rareu, loosònaò diwatoosònyde, txu loosòna ratyre ihÏre. ¹⁴ JiarÏboho rejuxunyrenyre tahe raholare rybeò-ò judeu mahãdu rybe-di rarybereri: —Salu, Salu, aõhereki wexe aõbina binahakÏ tadiwinymahãte wadee wimy aõkò. Aõbina binahakÏle ixidee tadiwinymyhÏte. ¹⁵ JiarÏ rarybere: —Mowe, WanyrÏ Tate. Tahe dirawyònyde: —JiarÏ wa, Jesu-isi rare. Wadi aõbina bina tewisÏnyte. ¹⁶ Katahe myikre. Adee rehemynyreri, aratara ixidee,

wadeòdumy mabekremy. Warybeduò mabekre. Ibutumy wamy be-lymy mabekre aõhebo adee wiji rotÿÿnyreri. Iribi tasÿ ixityre adee ademnykre. Tule kia-di marybekre. ¹⁷ Ibutumy asÿ-wana arayrubun-nykre. Tai ta judeu mahãdu-ò arateònykremy watzireri, judeu mahãdu-ò tule. ¹⁸ Iwese iny ruetà-di rÿira wese tii ihÿre. Kai tamy bitÿnynykre Deuxu aõmydÿÿnana. Tai biruejuakre, rierykremy. Biòbitinykre tamyreny òrarudu roire aõma ixi-txi tõihti reakremy loosòna-ki rariakremy, Satanasi bedelorohokÿ-ki aõkõ, kia ryki aõkõ rariakremy. Deuxu uri bede ywina rimymyhÿkre ixidee. Ibutu bede bedemy rÿira waijoimnykre. Tyramy taòraru-ribi rÿira, ritamy rÿira, riwatyhynymy rÿira. ¹⁹⁻²⁰ Tai, Iòlò Agripa, iwese warasina-ki riwateònyre wese, retyhynyhyre. Juhuu Damasu hãwã-ki jiarÿ ròhãletere, iribi Jerusalè-ò, tule Judeia bede-ki, ibutu judeukõdu mahãdu-ò ròhãletere. Tamy rarybere taòraru ririkemy Deuxu dee kòdòòsekemy. Ixi-txi tõihti reakremy inatyhymy aõna aõna wiwihikÿ riwinykemy Deuxu dee. ²¹ Tai judeu mahãdu riwamyre Deuxu dohodÿÿna heto-ki, warubudÿÿmy ròhõtinyre. ²² Deuxu tahe wawìohedÿÿdu ratximyhÿre. Tai he rãire wiji ibutu-ò ararybekemy watxiwãhãre, aõma aõbo Deuxu rybedu mahãdu iwese Moisesi rarybere wese tamyreny rarybewãhãre kia ibutumy kanakremy. Kia sohojilemy rarybewãhãre. ²³ Juhutyhy rarybere: —Kristu, rurukremy iribi tahe kedexixakremy rybe loosòna kidiwykremy judeu mahãdu-ò, tule judeukõdu mahãdu-ò.

²⁴ Tahe Paulo iximy rarybereu, Festu ryryre: —Paulo, kai wa itxÿtere. Aõnityhymy tatyritinymahãte. Tai arayky tebinanyta. ²⁵ Tahe Paulo rirawyònyre: —Aõkõre wa, wanyrÿ Festu, bededinodu tyhy. Jiarÿ itxÿte aõkõre. Inatyhyrybemy rarybewãhãre. Warybe awi heka rare. ²⁶ Tule Iòlò Agripa rieryre ibutumy tuu tamy rarybere. Aõ wasina aõkõ rarybere. Iòlò Agripa. ²⁷ Aõbo Deuxu rybedu mahãdu riritinyre aõbo, kai tetyhynymahãte. Reeryre jiarÿ, kai tetyhynymahãte. ²⁸ Tahe Agripa riixãwididÿÿnyre rybe-ribi: —Kai, aõbo, Paulo, aõwesele ityhydÿÿdumy aronykemy wadi tahõtinyte, wadee tarybeteki. ²⁹ Paulo rirawyònyre: —Kohe, wadee awire, kai tulekemy. Ibutumy kaki wawesekemy adi rahõtinyre. Kai tule warybe sòwemy aõbo ada aõkõre aõbo Deuxu bityhynbenkemy watxiwãhãre tule waijohonana-wana. Aõna sohojidile taanamy aõkõ watzireri, wawomati reroti-di taanamy atxiteri.

³⁰ Idi tahe bede dinodu, iòlò, Benise, ibutumy he rÿire ròirenyre. ³¹ Widee reny wiwesele ròhõtinyreny. Ka hãbu timyhe rubudÿÿona he ròtena-ki irutysyõna he, tii dori aõhe rotÿÿnyòtyhy aõna aõnamy. ³² Tahe Agripa Festu-ò rarybere: —Rikiteònyrenyke idi watzireri, tahe tii inihe iòlòtyhyle rarybekemy ixidi ratxireri. Tai kÿnyhe, txiioinihe, aõkõre.

27

¹ Tahe rexiywinymy rexihurennyre Italia bede-ò, Roma hãwã-ò aroirenykremy hãwò-di. Tahe ròtenayrubudÿÿduò tii-wana rakre, irubudÿÿdu renymy. Julio inire. Tii iòlò yrubudÿÿdu mahãdu dinoduò rare. Ridyrennyre Paulo ròtena woludu mahãdu-wana. Jiarÿ, Luka tule ihemy rare. ² Tahe rerònyre yhywydyna lawò-ò. Adrÿmitxiludu tahe kia lawò rare. Tule hãbuò wawana rare. Aristarku inire. Tii Macedonia bede luduò rare. Tesalonía ihãwã rare. Tahe hãwò rexihynnyrennyre addikemy Asia bede-ò. Tahe ròirenyre. Ijòtxu biòwa Sidoma beàbeà-ò

rehemynyre. ³ Paulo taery mahãdu roramy rakemy ratximyhÿre. Tahe Julio Paulo-di itxeredu ririra. Tai tahe Julio awi heka rare Paulo dee. Julio Paulo riywiwinymy idi ratxirerimy ihÿre. Julio Paulo riteõnyre titxibo rakelemy. Paulo ery mahãdu aõna aõna tamy riwahinyre. ⁴⁻⁵ Tahe iribi røhõnyrenyre. Xibri bedebute roosibymy ralore yhy dori tiribi tiribi reamyhÿreki. Tahe iribi riõlõnyre. Tahe Silisia bede-ribi riõlõnyre, tule Panfilia bede-ribi ijõ bede-ò reronyre. Tahe Miha hãwã-ò ritehemynyre Lisia bede-ki. ⁶ Tai soldado dinodu hãwò nihikÿ rijjemyhÿu, ihe-ki roikemy, tahe ijõ-ki rahare Alexÿdria ludu-ò. Hãwò tahe rexiywinymyhÿre rakemy Italia bede-ò. Tahe wadeereny rarybere: —Borukubenyke yhywydyna lawòro-ò. Tahe ixityre roirenyre. ⁷ Sõwemy heka txuu wadireny rÿire. Urihimyòle rexihejiwãhãrenyre. Isirare heka Kinidu hãwã-ò dehemynysÿ. Ihãrele tahe retehemynyre Samona hãwã mynatyhyle rarõrenyre. Iribi Kreta bedebute roosibymy ralore yhydori tiribi tiribi reamyhÿreki. ⁸ Tahe ywimy suò iòlò iòlò adoiwãhãdenyde ihyy tahe retehemynyre Rywihikÿmy ninadu-ò. Kia heka Laseia hãwã-ribi iòhõre.

⁹ Sõwetyhymy txuu wadireny rÿire yhynihikÿ bina òraru-ki. Inarehe lisina txu-ribi røhõnyre. Tai tahe bededÿÿnana ibutumy roimyhÿre. Tai brebunamy bede roimyhÿre. ¹⁰ Paulo tahe tamyreny rarybere: —Wanyrÿboho, ka tÿina isiratyhykre inydeereny. Inynonanareny iòhãrure aõna aõna ibutumy inyribireny ituekre, hãwò rabohokre ada ijõ aõbo rikururenykre. ¹¹ Tahe soldado dinodu Paulo rybe rityhynyõhyre. Yhylawò wedu tõruludu-wana tii rityhynyre. ¹² Yhylawò wedu, tõruludu-wana iwitxiramy røhõtinyinymyhÿre, beòra tai riekõkemy beà dori ibinareki. Ijõ tule tahe roirenykemy ixide ihÿrenyre rehemynykemy Fenisia beà-ò. Kia heka Kreta bedebute beàõ rare. Biuweribitya-txi ròrõmyhÿre, tai awire kia beà, beòra bede riwykemy. ¹³ Ijõ rarybere: —Rikoirenyke, yhy dori rebonyreri, tamy rekehemynyrenykemy. Tahe womatisana riukore. Roirenyre yhy-di. Tahe iòhõmy Kreta bedebute rotÿÿnyra. ¹⁴ Aõwesele heka yhy nihikÿ dehemynyde bedebrò-ribi. Kia yhy nihikÿ iraro bedebrò ludu inire. ¹⁵ Ka yhy nihikÿ taruru-di riwyre hãwò nihikÿ. Juhu yhynonana weribi-ò riwisÿnyre. Idi iwo rexierere ixinamy riwyre yhyòkesena-ò. ¹⁶ Tahe rehemyhÿre Lauda bedebute-ò iroosibymy tahe ralore. Tai hãwò nihikÿwo-ki hãwòriore riwyre. ¹⁷ Idi tahe røhõtinyre hãwò nihikÿ rabòhòke-txi roholarenyre, tai tahe ritaarenyre iwetya-txi. Tahe ruberurenyre, Libiamy ninadu beòlau, tahe welòhòkÿ ritare iribi rexitarenykemy. ¹⁸ IjõtXu roirenyre yhynihikÿ tamy realemy iu, tai tahe aõna aõna-di rehure ibutemy rawetarikemy. ¹⁹ Tasÿ txuõ idireny reare. Idi rehurenyre aõmybo rekoakõmyhÿrenyredi rawetarityhykemy. ²⁰ Txu sõwemy rewyrenyre txumy, tainamy ribi renyõhyre. Yhynihikÿ reamyhÿ. Tai sõwemy ruberumy rÿimyhÿ rubu lau. ²¹ Sõwemy heka bededÿÿnana riwyre roxiõhy. Tahe Paulo iyreny-ki rÿire, tahe tamyreny rarybere: —Wanyrÿboho, warybe-ò taholaõhytyente Kreta-ribi røhõnyrenyre. Aratohonyrenyre iribi inyboho kodoikõkemy. Boholabenybe-wana ta inihe aõna itueõhyre. ²² Ihãrele tahe deysana-di adeereny ararybekre. Inyõ ruruõtyhy, hãwò nihikÿ sohojile rabohokre. ²³ Jiarÿ dori Deuxu deòdu rare. Kaurumy dori Deuxu ÿju wadee nade. ²⁴ Tahe rarybere: —Paulo, brebuõmy. Kai iòlòko-ò makre. Deuxu dori ruxetòena kidiwahinykre. Tiu heka

aruburenyõna aijoi-wana. ²⁵ Tahe wanyrÿboho, brebuõmyreny. Jiarÿ dori Deuxu retyhynre, iwese wadee rarybere wese, rarekre. ²⁶ Urile tahe inyboho kiditehemynydenykre bedebuteõ-õ. Kia tahe Paulo rarybere.

²⁷ Waõinaubiõwa rummy beronihikÿ tya-ki bede riijemy roiremyhÿ. Adria beronihikÿ-ki roirenyreu, tahe rutya-txi hãwõ nihikÿ aõna hydÿÿdu su iõhõmy roholarenre. ²⁸ Tahe beõ urihixina-di riurihire, wawiõ dera urihixinamy beõ riurihire. Idi iko-txi ixityre riurihire tai waiyre dera urihixinamy rimyre. ²⁹ Tahe rahõtinyreny manale tai roimyhÿremy. Tai tahe manatisana-di inaubiõwa lõru ludu-ribi rehurenre. Iribi rexitõenyre wylemy txuu kanatÿnykemy. ³⁰ Hãwõ aõna hydÿÿdu mahãdu hãwõ riõre riwesere bera-õ. Idi risÿnyre ijõ manatisana ritidikremy hãwõ jura-ribi. Urile tahe rahenykremy rõhõtinyre. ³¹ Paulo tahe rierymyhÿ tahe soldado wedu-õ rarybere: —Soldado mahãdu tule roholare: ³² —Hãwõ aõnahydÿÿdu mahãdu hãwõ nihikÿkÿro-ki rariõrenykeki, kaiboho atuerenyke. Tai tahe soldado hãwõ riõre reroti riãrore tahe resere bera-txi rahenyre. ³³ Txuu iõhõmy natÿnyde, tahe Paulo tamy rarybere: —Wiji waõ inaubiõwa txummy kaiboho teraõtenyte tabyretenyõhy. ³⁴ Ijõ birÿsÿbenyke, arurureny rexiõlõnykemy, kaibohoõ dori burubenyõtyhy. Aradeti sohojiõ tiu iõõtyhy. ³⁵ Rarybemy rahudi tahe, paõ sohoji Paulo rimyre. Ibutura-õ Deuxumy reãlare. Idi tahe paõ riorore, riyre. ³⁶ Ijõ reny reysarenre, taita tule riyrenre. ³⁷ Tahe 276 iny hãworõ-ki roirenyre. ³⁸ Tahe ibutumy iwo rihyrenre tahe maixõmo wesena-di rehurenre hãwõ nihikÿ rawetarinykemy. ³⁹ Bede ratÿnyreu, inyõ rieryõhyre titxiribibo nade. Tuu robirenre iworywo-ki ÿnyra tai roimyhÿremy tahe inyõ rieryõlemyhÿre. Widee raryberenyre: —Rikirõnyrenyke hãwõ-di iwo-txi. ⁴⁰⁻⁴¹ Tahe manatisana riukõrenyre tahe welõ riderenyra hãwojura-õ irarõsõna riesere. Tahe ritelenyre ralõkemy. Urile esetere tiõ tiõle hãwõ ridymyhÿ beõ õhõkÿle idi rehure rorokõõhõkÿle, rimyre taile õbõ hãwõlõru ribohonyre. ⁴² Soldado mahãdu rõhõtinyre rõtõna mahãdu rahenyketxi. Tai rirubunyky rõhõtinyre bede-õ robunyke lau. ⁴³ Soldado wedu tahe Paulo ritõenyre rubu lau, tai tahe riteõnyre rirubunyõhyre: —Tibo alobueryre, juhuu suõ rakemy, soldado wedu kia rarybere. ⁴⁴ Tibo alobueryõke tahe õwõru ãre hãwõ-ribi rimymy idi rakre. Kiamy heka ibutumy rethemynre su-õ, inyõ ru-ruõhyre.

28

¹ Tai tahe taisÿdu mahãdu-txi rekoare. Tii bedebutenimy inydee relyre. Malta heka inire. ² Biu riwasebenyrenyre yhyjutyty riwasarenre. Tai tahe tiiboho heõty riworonyrenyre wahetõnarenymy. Tiiboho riwawisinyrenyre awimy wadireny roiremyhÿ. ³ Paulo hee ributunre heõtyworonamy. Idi rehureu, hemylala he wo-ribi heõty lau rõhõnyre, tai ruruare Paulo debõ-ki. ⁴ Tusÿdu mahãdu tuu robire tahe rarybere: —Ka hãbu rubudÿÿdu õsÿny rare. Tii heka ruruõre bera-õ, ka tahe kidiõwynykre inyõ õsÿny rirubunyreki wahe, rurukre heka. ⁵ Paulo tahe hemylala tebõ-ribi riatyre heõtyru-txi. Ta aõhõkÿmy rotÿÿnyõhyre. ⁶ Tahe imahãdu idi rethemy rÿimyhÿ tarubulemy resekeõ, ada tebõ ratarinybohokeõ aõbo. Sõwemy riraõre, aõhebo rotÿÿnyke, tahe aõkõhyre. Tai tahe iwitxiramy rõhõtinyrenre: —Tii deuxuõle õsÿny ratxireri. Tiiboho raryberenyre kia.

7-8 Hetoõ tai iòhòmy rÿire, Publio iwedure. Tii heka ityhy rare iwedu rare kabedebute-ki, tii bedeòtiidÿÿna rare. Tai taheto-ò riwadyrenyire. Awihyyle wadireny raremyhÿ. Publio tyby tahe rubunamy rurumyhyÿ. Busu-di ratximyhÿ. Tai tahe Paulo iroramy rare. Tebò ityre ritidire, rexitòenyre, tahe riteytenyire. ⁹ Tai tahe ibutumy bedebute ludu webinadu Paulo dee wii rotyre. Ibutumy reyterenyre. ¹⁰ Tai tahe uriiòno inydeereny riwahinyre aõna aõna. Sõwemy rÿsÿna hãworo-ò rahyre inydeereny. Kia hãwò beòra bede kia beà-ki riwyre.

¹¹ Txuòkuro hãwò ni rare. Kia ni ihiju rare. Ideuxu ritxoo inatxi rare. Hãwò Alexÿdria hãwã ludu rare. Tahe rahònyrenyire. Inataõ ahãdumy bede wadireny rÿidi. ¹² Sirausa hãwã-ò retehemynyre. Tai tahe inataõ txumy wadireny rÿire. ¹³ Iribi tahe Rejio hãwãmy rekoarenyire. IjõtXu tahe Pozuli-ò reòlònyre. Inatxi txu-di retehemynyre yhy ibòò-ribi debonydeki. ¹⁴ Tai seriòreõ ratximyhÿ. Tiiboho rexitòenyrenyire tii-wana ratxikemy debòinatxi reurò txumy. Kiamy heka Roma hãwã-ò roirennyre. ¹⁵ Roma ityhydÿÿdu mahãdu roholare jiarÿboho retehemynyrenyire. Tai tahe doidenyde Apio hãwã ube-ò. Tule aõ-di ijohona Heto Inataõ hãwã-ò doidenyde. Paulo tiiboho robireu, Deuxu reàlàmyhÿ, reysamyhÿre.

¹⁶ Tahe Roma hãwã-ki Paulo ixideewimy rasÿnyre. Urile soldadoõ aõu aõu tii-wana ratximyhÿ.

¹⁷ Inataõ txumy bede idi rÿidi, Paulo ributumyire judeu mahãdu dinodu. Wii ributumyireu, tamyreny rarybere: —Wanyrÿboho, waseriòreboho, jiarÿ aõ rewinykòre waijoi Judeu mahãdu dee. Tule lahirybe õnosõna ratyre aõ rewinyòhyire. Ihãre judeu dinodu riwamyre. Tahe diwahinyde Roma dinodu mahãdu-ò. ¹⁸ Tiiboho heka riwatÿÿraxinyre ibutumy. aõ heka waki ibinamy rahaòhyire. Tai tahe riwateònyrenkemy ratxirennyre. ¹⁹ Waijoi tahe Judeu ijoi heka waòludureri. Tai tahe Iòlò-ò jiarÿ rarybere arakemy. Aõ dori waijoi dee waòraruòre. ²⁰ Tai heka arabutunynyre, warybe-ò boholabenykemy, wadi retehekemy womati reroti-di riwataataara. Judeu mahãdu raròsõna òraru-ki kawesemy watxireri. ²¹ Tahe judeu dinodu mahãdu rirawyònyre: —Aòkòre, inyò rehemynyòre Judeia bede-ribi. Ijyybinamy umy relyyòre. Inyseriòre mahãduõ kaò dehemynyòde. ²² Aroholarenkemy timybo tahòtinymahãte-ò. Ityhydÿÿdu mahãdumy dori ibutumy aõbinahakÿlemy rarybereri. Kia judeu mahãdu dinodu raryberenyre.

²³ Tahe riywinyre itxu Paulo rybe-ò ijohonamy. Idi tahe Paulo heto-ò sõwemy iny doidenyde tamy roholakemy. Tii Deuxu ijyy ritÿnynyre rudiu rexidelenyire, txioromy rexihure Moisesi Tyyriti ritÿnynyre tule ijò rybedu Tyyriti-di ritÿnynyre, iwese Jesuisi Iòlòtyhy kanatxikre wese kabede-ki. Kia Jesuisi aõmydÿÿnanamy ritÿnynyre. ²⁴ Ijò roholare aõmybo Paulo rarybereò, Jesuisi rityhynyrenyire. Ijò tahe aòkòre, rityhynyòre. ²⁵ Ijò teramy reare. Rÿire, ròhònykremy. Tahe Paulo tamyreny rarybere: —Deuxu Tyytybytyhy booreny dee rarybere Isaia tyyriti-ki. Awimy rare. Kawese roire:

²⁶⁻²⁷ —Makre tamy marybekre: —Boholabenyke, ta tiu aerysrenyòna. Betehekere arue-di, ihãre tahe aerysrenyòna. Iruereny, iraykireny, tòhòtirenny ritòbònymahãrennyre. Tai tiu tiiboho robirenyòtyhy, rieryrenyòtyhy, roholarennyòtyhy. Tai diwatyhynyòhyymyhÿde. Tai heka iòraru-ribi ariteytenyòkre.

28 Bierymy boibeke Deuxu tarasana judeukõdu mahãdu-ò rare. Tii-boho dori roholarenykre. 29 Paulo tarybe rahudi tahe, judeu mahãdu ròhònyrenenymy sòwemy widee rarybemyhÿrenyre.

30 Roma hãwã-ki Paulo rasÿnyre inatxi beòramy tahetohuòtenawo-ki. Ibutumy heka dÿÿraximy iheto-ò rehemynyrenyre, Paulo ridyre tamy rarybekremy. 31 Deuxu Iòlònany Paulo iruru-di relyhyymyhÿre. In-ynyrÿ Jesuisi Kristu aõna aõnany rierynanymyhÿre. Tiu inyõ aõhõkÿmy risÿnyõmyhÿre Paulo rybe xãwikemy.

Roma Paulo Ryberiti Roma mahãdu-ò

¹ Paulo jiarỹ rare, tyritiwiðỹdure wahe. Jiarỹ heka Jesuisi Kristu deòdu rare. Tii riwatare rybe tỹnydỹdumy ararekremy. Deuxu Rybewihikỹ wahidỹdumy ararekremy. ² Juhuu dori Deuxu rarybere Rybewihikỹ riwahinykemy. Deuxu rybedu mahãdu kia rybe riritinyre, Ritidỹnatyhy-ki. ³ Kiamy heka Deuxu Riòre rybe tyhydỹnamy rarybere, Davi riòre riòkòreõ wahe. ⁴ Deuxu Jesuisi Kristu rubu-ribi riixiadỹnyreu, tariòremy tahe riteòsinyre rurunatyhy-di. Jesuisi tahe inatyhymy Inynyrỹ ihỹre. ⁵ Tii ruxetòena inydeereny riwahinyre. Irybe òraru-ki, jiarỹboho aròrenyky watzireri. Ityhyna aritỹnyky judeukõdu mahãdu-ò, tai tiibohe rityhynyrenyky. ⁶ Kaibohe tule judeukõdu mahãdu atxitenyteri. Tahe Deuxu ityhydỹna mahãdu atxitenyteri, Jesuisi Kristu ijoimy rỹirakemy adeereny rarybereki. ⁷ Ibutumy adeereny warybe rewahinyre, Kia Deuxu taijoimy remyremy mahãdu wahe. Ruxetòena, ywina-wana adeereny-ò kanakemy watzireri, Deuxu inytyby-ribi tule Jesuisi Kristu iny wedu-ribi. Tii dori adeereny irybe riwahinyreki.

⁸ Umyreny Deuxu-ò reàlamahãre, atyhynaren-ò iny ibutumy roholamyhỹreki. ⁹ Deuxu-ò rexitòenymahãreu, anirenymy rarybehymy watxiwãhãre. Kia heka Deuxu rieryre, waworibityhy tahe jiarỹ Deuxu deòdumy rare. Iriòre Rybewihikỹ-di wahe. ¹⁰ Jiarỹ rexitòenyhy watxiwãhãre arorarenymy arakemy Deuxudeewikeki. ¹¹ Umyreny arobikemy watzireri, tai adeereny arelyyky aomydỹ wihikỹõ Deuxu Tyytybytyhy. Tule kaibohe wadee tuu belyybenykre. Tai tahe atyhynaren-ki ityhymy relekre. ¹² Jiarỹ arawiòhenanyky watzireri, tule kai biwawiòhenanyky watzireri. Tai rikexideysanytyhyky inatyhyna-ò. ¹³ Sòwemy heka arahyyky watxiwãhãre arorarenymy. Iribi nohòti losaomy tahe wadi rarurunymyhỹre aõbo, riwateònyõhyymyhỹre heka. Jiarỹ Deuxu dee waaõmysỹdỹna awikemy watzireri ayreny-ki. Tai kaibohe ako-ò boikemy wadee awire, iwese ijõ judeukõdu mahãduko-ò ararybekremy watzireri wese. ¹⁴⁻¹⁵ Tuheka ibutu iny-ò ararybekremy watzireri, hãwã wixira wixira mahãdu-ò, tule. Iny mahãdu-ò aõkõre mahãdu-ò tule. Tuu ariwinykre ibutumy iny-ò, iny bederyrenyõ mahãdu-ò tule. Adeereny tule Rybewihikỹmy arelyyky watzireri Roma hãwã ludu mahãdu-ò.

¹⁶ Jiarỹ dori Kristu Rybewihikỹ-ki araixỹruòtyhy. Irybe dori Deuxu ruru rare. Ibutumy iny rityhynykeki ritakemy ratxikre. Judeu mahãdu-ò juhuu nade tai tahe iuhe-ò judeukõdu mahãdu-ò. ¹⁷ Deuxu òbitina ratỹnynymy namyhỹde Rybewihikỹwo-ribi. Tyhyna-di ritelenyre tule tyhyna-di ihỹmyhỹre. Inyõ tyhyna-di òbitimy rỹikeki, tii ruruòtyhy, idi awimy rareki.

¹⁸ Deuxu yarana biu-ribi namyhỹde ibutu òraruna hudunamy. Iwidỹdu hudunamy. Bina widỹdu dori inatyhyna ribinanymyhỹre, raruinymyhỹre Deuxu rybe ribynymyhỹre? ¹⁹ Deuxu eryna ibutumy iny-ò riwahinyre. Deuxule tamy riwahinyre. Tai timybo Deuxu rarem y tahe tiibohe rierhyymyhỹre. Tai Deuxu aõhõkỹmy risỹnymyhỹreny.

²⁰ Juhuhukÿle heka Deuxu aõmydÿÿnanamy iny robimyhÿre idi tii tyhynamy tule rierymyhÿre itÿnyhÿkÿlemy, irurunahyy wahe. Aõu aõu kia ibutamy iny rierymyhÿre, Deuxu widÿÿnamy iny robireki wahe. Tai tiu iny ixitxiõdÿÿna. ²¹ Rieryrenyre tii Deuxumy raremy. Tahe rexiwowydynyõhyyre timybo iny Deuxu dee rexiwowydynymyhÿkemy wahe. Tamy àlanatyhy riwahinyõhyymyhÿre. Idi rõhõtinymyhÿrenyre Deuxu irayky rõhõtinymyhÿre wesemy idi rõhõtinymyhÿre. Irayky tahe reõsamy ratximahãre. ²² Tiibohole bedeerityhymy ixidi rõhõtinyrenyra. Tahe itxÿtele roire. ²³ Deuxu rubutere rityhynykenawi tahe tiiboho heka ritxoo deuxuõ ireije riwinymyhÿrenyre tatyhydÿÿnamy. Ibinamy heka mywese riwinymyhÿre, nawii wesemy, irõdu wesemy, irõdu bedemy riradu-wesemy. Rexiõkamy riramy riradu wesemy tahe rityhynymyhÿrenyre.

²⁴ Deuxu heka òraruna-ò riwahinyrenyre, itxÿtenareny òraru-ki. Iny òta òtadu mahãdu heka wiwanale aõõta ixÿruna riwinymyhÿrenyre. ²⁵ Deuxu inatyhyna dori tiiboho riwiurõnyra ruina-ò. Ritxoo dee rexitõenyrenyre, aõbo Deuxu riwinyre, kia. Deuxule iny reàlàkõmyta ratximyhÿrenyre.

²⁶ Deuxtutyhy tahe rityhynyõhyyre, Deuxu ibutu widÿÿdu tiu riteàlànymy rakonananyõtyhy. Kia òraru-ki òtaõtana nade. Hãwyy, hãbu-wana aõkõ roimyhÿre wideele heka aõhebo rotÿÿnymyhÿre. Kia heka òbiti aõkõ rare. ²⁷ Tule hãbu, hãwyy-wana aõkõ rõimyhÿre, wiwanale aõhebo rotÿÿnymyhÿre. Òbiti aõkõ heka kia rare. Riwyrenykre kia òraru òwydÿÿna, aõhõkÿmy dÿÿnana wahe. Iny sohoji sohoji taaõbina ixÿruna òraru-ki ixidee rimykre.

²⁸ Tõhõti heka Deuxu-txi reaõhyymyhÿre. Tai tahe timybo ixideewimy riwinyrenykemy roirenyre Deuxu-ribi. Tahe riwinyrenyre ibutamy aõbina binahakÿle. ²⁹ Aõimy aõko ratximyhÿre aõbina bina-di roiremyhÿ: òtaõtana-di, aõbina binahakÿ-di, aõikõkõ-di, rarekemy ixidee ririmyhÿre, teramy heka rÿira. Ihãru-di rÿira iny rubudÿÿmy dori rõhõtinymyhÿre, rarybehymy ratxirerimy ihÿre, ruidu nihikÿ ihÿre, ujõmo-di rÿira. ³⁰ Aõbinamy inmy rarybemyhÿre, Deuxu derare, ixiluulerenyre, rexityhynymyhÿre, òraru tÿmyra riwinyrenyre, tyby tadi-wana rityhynyõhyyre. ³¹ Irybe sohoji aõkõ heka rare. Iluunaõre, ibinatyhyre, inydee iruxetõeõre. ³² Deuxu rarybere: inyõ kia riwinykeki heka ruruke. Tiiboho kia rieryrenyre. Ihãre tahe aõhebo rotÿÿnyre. Kia sohojile aõkõ. Reysarenymyhÿre iny witzira iherenyki aõhe rutÿÿnykreki.

2

¹ Tutyhy-ki aõkõramy rybeõmy. Kai dori tutyhyle òraru tewinymahãõte. Inyõ rybemy ywisidÿÿna ijõmy rarybeke-wana ixilemy ywisidÿÿna-ò rexityhennyke. Tii dori kia ibutamy tule riwinymyhÿre ibinamy wahe. ² Inyõ kia aõbina binahakÿ riwinymyhÿkeki, Deuxu ywisidÿÿna-ò inatyhynalemy tamy kòdòhònykre. ³ Kai tuleke —kiamy biwinykeki, Deuxu ywisidÿÿna-ribi mahenyõtyhy. Kai dori ywisidÿÿdumy texideòsinyte ihãre tahe iòraru wesele tewinymahãte. ⁴ Deuxu ruxetõena sõwemy adi rexiruxetõenanymyhÿre. Kia-di bexirãhikemy adi ratxireri, tiemy ywimy aõna aõna bina riemyhÿre ratximyhÿre, awi heka adee rare. Kai aõbohe iribi õhõti rosakre kia heka arabedeõtidiÿÿnymyhÿre. Arabedewodÿÿnymyhÿre iòraru-ki. Kai aõbohe kia teeryõte? ⁵ Kai arybedÿÿsaeryõre rybe ijohona teeryõte õhõtiõre. Tai tahe Deuxu

yarana ixideele tebutunymahâte. IjõtXu Deuxu yarana txumykreu. Tai Deuxu ywisidÿÿdu òbiti rexitÿÿnynomy rÿikre. ⁶ Iny sohoji sohoji taaõna aõna myna aõmy rotÿÿnykre, aõhebo rotÿÿnymyhÿreki wahe. ⁷ Inyõ aõwidÿÿlemy ratximyhÿre. Tiiboho heka Deuxu wowydyna, Deuxu wohyna, Deuxu loosõna widÿÿmy rarutaamyhÿrenyre. Tule iny rarehykykrena-di rarutaamyhÿrenyre. Imyna Deuxu tamyreny riõkre. ⁸ Kia ixidile röhõtinyinmyhÿre mahâdu tahe, Deuxu woxibrunale, yaranale ritakre. Tiiboho dori inatyhyna rityhynyõhyymyhÿrenyre, aõ òbitile aõkõ riwinymyhÿrenyre. ⁹ Aõhõkÿmydÿÿnana, bedewona kanakre ibutumy aõbina bina widÿÿdu mahâdu-ò, judeu mahâdu-ò juhuu idi judeukõdu mahâdu-ò. ¹⁰ Wowydyna, àlana, ywina tahe kanakre aõwiihikÿ widÿÿdu mahâdu-ò judeu mahâdu-ò juhu delemy idi judeukõdu mahâdu-ò. ¹¹ Deuxu-ò heka ibutumy iny wiwese rare. ¹²⁻¹⁶ Tii heka aõhõkÿmy risÿnykre ibutumy iny òrarudu mahâdu. Moisesi bede ywina ihoõrehârele tii rurukre. Judeukõdu mahâdu heka Moisesi bede ywina rybe ijõkõre. Tahe bede ywina iny rierykeki, idile Deuxu iòaruna riywinykre. Inyõ Deuxu bede ywina rybe roholare tahe rityhynyõre, kia tahe Deuxu dee ibinatyhyre. Ibutumy kia iny rurukre, õtÿÿ iraykywokile aõbo ibinare, aõbo òbitire rierymyhÿreki. Deuxu bede ywina wesemy heka iraykywo-ki ratximyhÿre. Iraykywydyna rexinohõtinyinmyhÿre ada dexiòbitidÿÿnymyhÿde, Rybe wimy rarybemyhÿre Jesuisi Kristu heka hâbu aõmydÿÿna ritÿÿnykre imyna timy rarekremy. Deuxu dori iter-adÿÿdure.

¹⁷ Kaiboho, judeu mahâdu, texinohõtinytenyta ibutumy awiremy aDeuxureny-wana. Tii adeeremy bede ywina rybe riwahinyreki, tii abiòwatyhy rareki. ¹⁸ Kai heka aõbo Deuxu-ò awire teeryte. Aõbo ibinare, teeryte. Uladuule ibede ywina rybe teeryte, tai òbitityhyle adeeremy awire. ¹⁹ Kai Deuxu-ò nonana bitÿÿnykye iny ruetà mahâdu-ò dori, kia teerytyhytenyteki. Ixi-di tahõtinytenyteki. Iwese, kaiboho loosõna wesemy toitemahâ xixi-di tahõtinytenyte. ²⁰ Tule kia xixi-di tahõtinyinmahâte. Kai bede erydÿÿdukõdu mahâdu erydÿÿdumy atxiterimy ixidi tahõtinyinmahâte. Uladu erydÿÿdumy atxiterimy xixi-di tahõtinyinmahâte. Kai bede ywina rybe tyyritiõ dire. Kia adee ibutumy inatyhyna rare bedeerydÿÿna. ²¹ Kai iny erydÿÿdumy atximahâte. Timyrekibo kai textierynanyõmahâte. Kai wasimy aõkõ tõerydÿÿnanymyhÿte. Timyrekibo tawasinyamahâte. ²² Kai hâwyy òta aõkõ tetÿÿnynymahâte. Timyrekibo kai tuu tatÿÿnymahâte. Suritxoo dee àlana deramy iximy tarybemaahâte. Aõherekibo erydÿÿ-ribi aõmydÿÿnana tewinymahâte. ²³ Kai bede ywina rybe luumy iximy tarybemaahâte. Kai Deuxu-di textixiwenymyhÿte. Ihâre tahe bede ywina rybe tetyhynyõte. Kiawese Deuxu textirudÿÿnymyhÿte. ²⁴ Iwese juhuu riritinyre wese wiji roimyhÿre: —Aòraru-ki tahe bedemy iny rÿira Deuxumy aõna aõnabinamy rarybemyhÿre. ²⁵ Kai bede ywina rybe bityhynykeki, õtyky resynadike, awire judeu mahâdu dori rare. Tahe bede ywina rybe bityhynyõkeki, õtykyresyna adee aõ aõkõre. ²⁶⁻²⁷ Iwesetyhylemy iny rare tõtyky resynaõ mahâdu. Tiiboho bede ywina rybe rityhynykeki, tõtyky resyna-di mahâdu wesemy roirekre. Judeukõdu mahâdu heka bede ywina rybe rityhynykeki, kia adee ixÿruna rare. Kaiboho dori Deuxu bede ywina rybe tetyhynyõte õtyky resyna dire hârele. Bede ywina rybe dire hârele. ²⁸⁻²⁹ Inyõ judeu mahâdu wesemy ihÿre. Ihâre tahe judeu mahâdu inatyhy

aõkõ rare. Tõtyky resyna-di judeu mahãdu inatyhy aõkõ rÿira. Judeu mahãdu inatyhy tawokihyyle kia idi rÿira. Iwesele notyky resynadÿÿna kia rÿira. Inywokihyyle rare. Aõ bede ywina rybekile aõkõ tuu rÿire inyrayky wydynamile kiawesemy inyõ rÿira. Hãbu-ribi wowydynamy ritaõtyhy. Deuxu ribile ritake.

3

¹ Tibohe judeu mahãdu deewinare. Notyky resynale tamywina. Kia aõbo ibuturatyre awire judeu mahãdumy rareki? ² Inatyhy rare, sõwemy, Deuxu dori tamy juhu Ritidÿÿna riwahinyre. ³ Inyõ rityhynyõre-wana kia riwiurõnyõhyymyhÿre Deuxu heka õbiti rare. ⁴ Inatyhy urenanamy Deuxu raremyhÿ. Iny mahãdu tahe roidumy rÿiramyhÿ. Iwese ritina-ki roire wese Deuxumy rarybereri: —Kai arybe õbitina-di atximahãte urenana wahe. Inyõ araurihikeki, kai inatyhyna-di biòlòdÿÿnykre. ⁵ Inyboho õbiti aõkõ roire. Kia tahe Deuxu õbitina riteõsinyre. Timykibo Deuxu inydee aõhõkÿmydÿÿnana riwahinykre. Mobo heka kia õbitimy aõkõ rarybekre. Jiarÿ hãbu rayky-di wese rarybereri. ⁶ Kia õbiti rare. Kiaweseõkeki timybo Deuxu bede aõhõkÿmy dÿÿnana riwahinykre. ⁷⁻⁸ Kai tarybete: —Jiarÿ raruirra. Urile kia Deuxu inatyhyna reteõsinyre. Aõherekibo Deuxu aõhõkÿmy riwasinyre. Kiarybe iwitxira rybewesemy rare: —Ibinamy rakatximyhÿkeki, awihikÿ kia-ribi ròhònykre. Aõkõre, kiamy rybedu mahãdu aõhõkÿmy dÿÿnana ritamyhÿkre. Kia riki wamy rarybere, ruimy wahe.

⁹ Aõhe aõbohe, inyboho aõbo inywitxira-ribi awityhyrenyre. Aõkõre. Jiarÿ reteõsinmahãre ibutumy judeu mahãdu, judeukõdu mahãdu ibutumy òrarudu roire. ¹⁰ Kiamy Tyyriti-ki roire: —Tiu heka inyõ õbitiõre. ¹¹ Inyõ heka Deuxu rieryõhyymyhÿre. Timy heka riõryõhyymyhÿre. ¹² Ibutumy iny rexiõnomyhÿre Deuxu-ribi wahe. Aõmy aõkõ tiibohe rexiwinyrenyre. Iny riuheõhyymyhÿre aõbo awiré. Sohoji aõkõ aõhebo rotÿÿnyre aõbo awiré. ¹³ Ibòtòijò heka rubuwabede iramy roimyhÿre ròwese rare. Tiibohe iny itxenadÿÿdu rare. Irybe heka hemylalatyhju wese rare. ¹⁴ Aõbina binahakÿlemy heka inumy rarybemyhÿre. ¹⁵ Iti heka teyrewere rare hãlubu txiwimy iny rubudÿÿmy tule. ¹⁶ Titxibo ramyhÿre-wana heka aõbina binanale riwahinymyhÿre, aõhõkÿle rir-imeyhÿre. ¹⁷ Tiibohe dori ywimyno rieryõmyhÿrenyre. ¹⁸ Deuxu lau heka ruberuõtyhymyhÿrenyre, Deuxu rityhynyõtyhy.

¹⁹ Bede ywina rybe heka tatyhydÿÿna mahãdu-ò diõde. Kia tahe inyboho rieryrenyre. Tai heka iny rexitxiõnyõtyhy Deuxu-ò. Tai heka ibutu dee aõhõkÿmy dÿÿnana-ò riywinymy rÿikre. ²⁰ Bede ywina rybe-ribi iny ibutumy rieryre ibinamy ratxireri. Inyõ heka bede ywina rybe heka rityhynyõhyre. Tai tahe inyõ kia-di rexitaõtyhy iywina òraru-ki.

²¹ Wiji tahe Deuxu õbitina ratÿnynomy ihÿre bede ywina rybe-ribi lahiximy. Ihetxiu rybedu-di kia ritÿnynomy ihÿre bede ywina rybe ritina-di. ²² Deuxu riòbitidÿÿnyra. Ibutumy Jesuisi Kristu tyhydÿÿdu kanakre. Deuxu dee dori ibutumy bede bede ludu wiweselere. ²³ Ibutumy raòrarunymyhÿre. Deuxu õbitina tamy rauhenymyhÿre. ²⁴ Deuxu taruxetòena-di ibutumy riòbitidÿÿnyre Jesuisi Kristu tarasadureki. Tii iny-ribi iõwydimy aõ rexitõenyõhyre. ²⁵ Deuxu Jesuisi-di rubuna iny òraru riixãwididÿÿnyre iõwy tii riõwynara, iny kamy rityhynykemy. Kawese-ki Deuxu õbitina ritÿnyryra. Juhuu Deuxu iny

òraruna-ò reteheòmyhÿre aõnityhymy iywisidÿÿna direki. ²⁶ Tahe wiji inyòraru-ò retehemyhÿre riixãwididÿÿnykemy. Tai tahe tii òbitire tule Jesuisi Kristu tyhydÿÿdu òbitidÿÿdure. ²⁷ Mobo Deuxu-ò rarybekre jiarÿ awiremy? Aõkõre, inyò rarybeòtyhy. Bede ywina rybe tetyhynyòte. Deuxu iny òbiti widÿÿdure, ibede ywina ywidÿÿ aõkõre. Inatyhynadile awityhymy iny rare. ²⁸ Kiamy tahe raraykynyre iny ityhynadile riòbitidÿÿnyke bede ywina rybe ywidÿÿ aõbo? Aõkõre! ²⁹ Deuxu aõbo, judeu mahãdu Deuxu sohojile rare? Aõkõre, judeukõdu mahãdu-ò tule Deuxu ihÿre. ³⁰ Deuxu sohojile rare. Iny wiwanale riòbitidÿÿnykre judeu mahãdu judeukõdu mahãdu-wana. Ibutumy ityhyna òraru-ki riòbitidÿÿnyke.

³¹ Ityhyna aõbo bede ywina rybe riixãwididÿÿnyra? Aõkõre, bede ywina ihãre rÿire.

4

¹ Timybo ararybekre inytybyreny Abraõmy. ² Aõbo riwinyre aõkõ idi rexiòbitidÿÿnyre. Tai tahe rexityhynyke inyko-ò. Tahe Deuxuko-ò aõkõ. ³ Kamy heka Ritidÿÿna-ki roire: —Abraõ heka Deuxu rityhynyre taile tahe rexiòbitidÿÿnyre. Deuxu dee tii òbitityhy rare tii rityhynyrekile. ⁴ Iny aõmysÿdÿÿdu raòwymyhÿke iaõmysÿdÿÿna myna. Urimy aõkõ dori raòwymyhÿre taaõmysÿdÿÿnaòwyle dori ritamyhÿre. ⁵ Inyò rityhynymyhÿkeki, tii òbitina ritamyhÿre Deuxu-ribi. Deuxu dori òraru mahãdu òbitina widÿÿdu rare. Kia uriõno rare. ⁶ Davi heka juhoo riritinyre iwese teysatyhymy iny rarekremy wahe. Deuxu dori òbiti mahãdu dee riraykydÿÿnyre òbitimy roirekemy. Tii ixidee aõ riwinyòre. Davi kiawese riritinyre: ⁷ —Teysatyhymy iny rÿirakemy Deuxu iòraru riixãwididÿÿnyreu tòhòti-ribi iòraru rosakeu. ⁸ Teysatyhymy iny rÿirakemy iòraru-txi Inynyrÿ nohòti ijeraõmy ihÿkre. ⁹ Deysana aõbo judeu mahãdu sohojile riteysanymyhÿre ida judeukõdu mahãdu tule. Tulere! Inyboho dori rarybere: —Abraõ tyhynale tamy òbitina diwahinymyhÿde. ¹⁰ Tiubo tahe Abraõ òbitina ritare notyky resynako-ki ada ihewo-ki aõbo, ikoure. ¹¹ Juhoo dori rityhynyre idi ta notyky resyna tamy nade kia tyhyna Deuxu-ò riteòsinyreki. Tai tule òbitina Deuxu tamy riwahinyre. Kia butu tyhydÿÿdu tyby wese rare, Judeukõ mahãdu wahe. ¹² Notyky resynako-ki òbitina ritare. Tòtyky resyna-dì mahãdu tyby wesemy riki Abraõ ratximyhÿre. Tiile tòtyky resynakõ-ki Deuxu rityhynytyhymyhÿre. ¹³ Deuxu Abraõ-ò rarybere tii ibutu bede bede wedu wesemy ratximyhÿre iriòre iribi rimykemy. Tahe bede ywina rybe òraru-ki aõkõ tuu ihÿre, ityhyna òbitina òrarukile wahe. ¹⁴ Bede ywina rybe-ribi tybie tahe itarasadumy ratxikre, tai tahe inatyhyna aõ aõkõ rare. Aõbo Deuxu rarybere aõmy aõkõ rare. Tahe roirekre. ¹⁵ Bede ywina rybe dori Deuxu aõhòkÿmy dÿÿnana diòde iny ribedeerynykemy. Teysana aõkõ wahe. Bede ywina rybekõki, timyki iny aõ ityhynyõna. Bede ywina rybe ijòòre-wana òraruna ijòòre. ¹⁶ Tahe inatyhyna-di sohojile iny aõna aõna wiwihikÿ ritamyhÿke. Tai iruxetòena-ribi nade. Tahe aõmybo Deuxu rarybere ibutu riòreriòremy tuu rÿikre. Bede ywina rybe mahãdu tule bede ywina rybekõdu mahãdu-wana wiwana Deuxu rityhynyre. Abraõ riòre wesemy ibutumy tai inyboho roire. ¹⁷ Iwese Ritina-ki roire wese: —Jiarÿ aratare ibutu inytyby wesemy mabekemy. Ibutumy iny rityhynyre-wana, iwese Abraõ rityhynyre wese, iwese-ki Deuxu ritake. Deuxu tahe rubu mahãdu

riixixanymyhÿre rubu-ribi. Tii rarybekeu aõ aõkõ aõwesele tii aõ heka rare. Tii rarybere tule riwinyre. Abraõ heka Deuxu rybe rityhynyre. ¹⁸ Timy heka rariõrenykemy ixidee rõhõtinyõhyymyhÿre. Deuxu dori tamy rarybere: —Kai heka ariõkõreney sõwemy atximyhÿkre. Kai hãwã hãwã tybymy mabekre. ¹⁹ Abraõ tatyhyna ritxiõnyõhyyre. Timy heka 100 beõramy idi ratximyhÿre, ixãwire uladu-ribi ramatuarinyreki. Tule ihãwyy Sara iuladu herina-di kõremy rõhõtinyre. ²⁰ Timy heka ritxiõnyõhyyre Deuxu Rybe. Rityhynymyhÿre Deuxu deãlãna riwowydynyre. ²¹ Tii heka rierymyhÿre Deuxu irurudire irybe wesemy aõ rÿikemy. ²² Tai tahe Deuxu tamy õbitina tamy diwahinyde. ²³ Aõ iõraruki aõkõ kia ryberitina awimy raeryre, tamy sohojile aõkõ dori rarybere. ²⁴ Iny õraru-ki tule kia tuu roire. Iny tule inatyhyna-di õbitina ritakre. Inyboho dori rityhynymyhÿre, Inynyrÿ Jesuisi rubu-ribi ixixana widÿÿdu Deuxu raremy. ²⁵ Jesuisi iõludu-ò iwahidÿÿmy rara inyõrarureny-ki tai rurure. Tahe iny õbitina wahidÿÿna-ò diixixandyde rubu-ribi.

5

¹ Jesuisi tyhydÿÿ õraru-ki Deuxu inyboho rimyrenyre. Idi awimy rokoirekremy tii-wana, Jesuisi Kristu-wana wahe. ² Deuxu ruxetõenawo-ki inyboho rotamanymyhÿrenyre. Jesuisi Kristu tyhydÿÿna õraru-ki tamy rotamanymyhÿre. Deuxu loosõna worojuxanaõ-di rokoirekre. Tai inyboho reysamy ihÿre. ³ Inyboho bedewona-di hyy ihÿrenyre. Ihãrele tahe inyboho teysarenyre. Kia dori iny riwiohenynymyhÿre rarõsõna ijõdikemy ruru inydeereny riwahinykemy. ⁴ Inyboho rikiijerenyhyykeki, Deuxudeewimy rikiwinyrenyke. Deuxudeewina rikiwinyrenykeki, rarõsõna rikitarenykre. ⁵ Iny rarõsõna tarasana aõkõkeki, uritere rakabedewõõtyhy, Deuxuluuna dori inywo-ki ratxireri. Deuxu Tyytybytyhymy inydeereny wahidÿÿna rare. Tii dori inyworeny-ki Deuxuluuna ritidire. ⁶ Iruruõmy inyboho roiremyhÿre awimy riwinykemy. Tai tahe Kristu inydeereny, inyboho ibinare hãre rurure, Deuxudeewireu. ⁷ Isirare inyõ hãbu õbiti dee ruruke. Tahe hãbu wiwihikÿ dee õsana iny rurukre, kia heka irutaõre. ⁸ Deuxu tahe luunatyhy inydeereny diteõnyde. Iny õrarudurenyre hãre, Kristu inykireny rurure. Juhuu heka inyboho õrarudu roire. Ihãrele Deuxu taluuna nihikÿ inydeereny diteõsinyde. Tai heka Kristu inyõrarureny-ki rurure. ⁹ Irubuna õraru-ki heka Deuxuru-ò inyboho õbitimy ihÿrenyre. Irubuna tahe kia riwinyreki irumy inonana tahe iratyre rarekre inydeereny wahe. Deuxu ykarana-ribi Kristu dori iny ritamyhÿre. ¹⁰ Juhuu Deuxu õludu inyboho roire. Tahe wiji ibiõwamy inyboho roire, iriõre iny õrarureny-ki rurureki, wahe. Wiji tahe rybe õludu mahãdu-ribi wiutãdanamy rÿire. Ibutu kia heka Kristu õraru-ki sohojile ture. Tai iny teysamy roire Deuxu rityhynyreki. ¹¹ Inyboho heka iwitxira Deuxu-wana ratximyhÿrenyre. Tai tahe reysamy ratximyhÿre. Inyboho Deuxu biõwamy ratximyhÿrenyre. Jesuisi Kristu Inynyrÿ õraru-ki heka ture.

¹² Hãbu sohoji õraru-ki õraruna bede-ki ralore juhoo, Adaõ õraru-ki wahe. Taile tahe rubu nade bede-ki. Idi ibutumy iny raõrarunyre. Adaõ õraruna-txi resereu, rubu ibutumy iny-ò resere. ¹³⁻¹⁴ Juhoo Adaõ rurure. Iribi tahe ibutumy iny rurure. Moisesi tule rurure. Tahe bede ywina õraru-ki aõkõ tiiboho rurure. Bede ywina dori Adaõ rubu hewo-ò Deuxu riwahinyre Moisesi-ò. Deuxu heka iny õrarunamy aõkõ rõhõtinyre, tabede

ywina dori kiau riwahinyõre. Adaõ heka Deuxu rybe rityhynyõre, tai tahe rurure iwese Deuxu rarybere wese. Tule iòraruna òraru-ki ibutumy iny raòrarunymyhÿrenyere. Adaõ heka Jesuisi-ò rakewesenyakre. ¹⁵ Tiiboho wiwanale aõ kabede-ò aõ diwymyhÿdenyde. Adaõ heka rubu diwyde. Jesuisi heka runa diwyde. Adaõ heka sòwemy iny-ò rubu riwahinyre. Jesuisi tahe sòwetyhy-ò Deuxu ruxetòena riwahinyre, tarasana tamyreny riwahinyre. Òraruna sohoji-di heka Adaõ rubu riwahinyre ibutu iny-ò. Jesuisi tahe ibutumy iny-ò biu-ò hena riwahinykemy ratxireri iòraruna sòwere hàrele. Umytuedeõna wahidÿÿdu tii ratxireri. Kia awityhyre. ¹⁶⁻¹⁷ Inatyhymy Adaõ widÿÿna ibinare. Jesuisi widÿÿna heka awityhymy rare inydeereny. Inyboho dori Jesuisi-wana irumy ratxirenyre aõu aõu kowa bede wihikÿ-ki, Deuxu òraru-ki. ¹⁸ Aõhòkÿmy dÿÿnana heka Adaõ widÿÿna diwyde ibutumy iny-ò. Jesuisi tahe òbitina diwyde ibutumy inydeereny. ¹⁹ Adaõ heka Deuxu rybe rityhynyõre. Tai iny sòwemy òraruna-txi resere. Jesuisi tahe Deuxu rybe rityhynyre. Tai iny sòwemy heka òraruna-ribi ritare. ²⁰ Deuxu tabede ywina rybe riwahinyre. Tai tahe iny aõbina rierymyhÿre. Òraruna-di sòwemy ihÿreki, tai Deuxu ruxetòena sòwetyhymy ihÿre. ²¹ Juhuu òraruna ratximyhÿre iny umyreny-ki. Inydeereny rubule riwahinyrenyere. Wijile tahe Deuxu ruxetòena riwahinyre inyumyreny-ò, inyraykyreny-ò. Òbitina inydeereny riwahinyre Deuxuko-txi. Jesuisi Kristu Inynyrÿ òraru-ki heka, umytuedeõna inyboho ijõdire.

6

¹ Timykibo Deuxu inydireny rexiruxetòenykeu watxireri Deuxu ire inydireny raruxetòenykemy ire rexiiòrarunanymyhÿre hàrele. Timyki tuuõna. ² Aõkòhyyre. Inyboho heka òraruna dee rubumy ihÿrenyere. Timykibo iny ihyummy òraruna-txi rekeseke? Aõkòhyyre. ³ Jesuisi Kristuni-ki inyboho raratisebenyreu, Tule Jesuisi rubu-my ratisebe-ò rururennyre. Kia teerytenyete. ⁴ Tiu inyboho risebenyre Jesuisi òraru-ki, tii-wana inyboho rurure. Tai iru tÿmyra-di inyboho ihyre. Iwese Deuxu taruru-di Jesuisi riixixadÿÿnyre wese tule inyboho iru tymyra-di rokoireke. ⁵ Iwese tii rurure wese, inyboho tule rukurennykre òraruna dee. Iwese Kristu rexixadÿÿnyhe wese inyboho tule òraru-ribi ixãwira tii-wana rarehyykremy. ⁶ Iny umy tyby tule rurure Kristu itxeò-ki. Tai inyboho heka òraruna deòdumy aõkò ihÿrenyere. ⁷ Inyõ rurukreu, tii òraruna-ribi ixãwimy ihÿre. ⁸ Inyboho Kristu-wana rurukeki, tii Kristu-wana irumy ratxikre. ⁹ Kristu rexixare tii ixyby ruruõtyhy. Rubu ixyby tamy reaõtyhy. Kia tahe inyboho rieryrenyere. ¹⁰ Jesuisi rurureu, iny òraruna ixãwina rubulemy rurure. Wiji tahe irumy ihÿre Deuxudeehyy. ¹¹ Tule kai arumy atximahãte Deuxu dee iny aõbina bina-ò taruteki rubuwesemy arumy tahe Deuxu-ò. Inynyrÿreny Jesuisi Kristu tyhydÿÿki. Kiawesele mohòtinyke Deuxu dee, Jesuisi Kristu dee wahe.

¹² Kaiboho dori Jesuisi Kristu-wana atximahãtenyete. Òraruna-txi ixyby besekeõtyhy. Ixideewimy aõkò rikiwinyrenyke, aõ ibina wahe. ¹³ Aumyreny biwahinybenyke Deuxu-ò iwese iny iru tÿmyra-di ihÿrenyere. Tai tahe òbitile biwinybenyke, òraruna-txi beseõtyhy aõ iyja aõkò. ¹⁴ Òraruna rybe-ò ijohorenyõmy. Tii dori awedu aõkò rare. Deuxu ruxetòena-ò bexiweloromahãbenyke.

¹⁵ Aõbo tahe awityhyre. Ruxetõena òraru-ki aõbo rekexiòrarunymhÿke. Aõkõhyyre. ¹⁶ Òraruna rybe-ò heka bityhynybenykeki, òraruna deòdumy atxibenyke, rubu iòwy rare wahe. Deuxu rybe-ò tahe bityhynybenykeki, òbitimy boibenyke. Bexideòdunyenÿtyhyke òraruna bityhynybenykemy. ¹⁷ Wowydyna Deuxu-ò kanakemy watzireri. Juhuu kaiboho òraruna deòdumy ahâtenyte. Tahe wiji inatyhyna erydÿÿna tetyhynytyhytenyte. ¹⁸ Wiji tahe kaiboho òbitina deòdumy atxitenyte. Tahe Deuxu deòdumy wiji toite, tii ixideewimy timybo adirenykre. ¹⁹ Iwese juhUU òrarunawidÿÿna-ò textiwahinymahâte wese, wiji bexiwahinybenyke Deuxu-ò, òbitiwidÿÿna-ò wahe. Òbitimy rarybemahâre, itÿnytyhy kaiboho dori òhõtitymy toite aiximynatyhyrenyò òraru-ki. ²⁰ Òraruna deòdumy atxitenyteu, Deuxu tetyhynyòtenyte. ²¹ Kia aõmydÿÿnana wiji ixâruna adeereny rare. Aõbo tahe awimy juhUU tewinytenyte. Kia heka rubule riwahinymhÿre. ²² Òraruna-ribi ixinamy atxitenyte. Kaiboho Deuxu-ò ibutumy textiwahinyte. Tai umytuedeõna tetatenyte. ²³ Òraruna òwy heka rubu rare. Inyò òraruna riwinykeki, tii ruruke, kia òraruna òwy rare. Deuxu wahidÿÿna tahe umytuedeõna rare, Jesuisi Inynyrÿ rurureki wahe. Idi tiile-wana tukre.

7

¹ Waityhydÿÿdu seriòre, kaiboho bede ywinamy teerytenyte. Tai bieryke aõmybo ararybekre. Inyò irulemy rariakekile, bede ywina tamy aõ rare. ² Arawesenanykre. Hãwyy heka ihãbu-wana ihyyimy ihÿre bede ywina myna. Hãbu rurukeki, tahe ixinamy ihÿre ijõ-wana roikremy. Hãbu ruruõkeki tahe, ixinamy aõkõ ihÿre, ijõ-wana roikremy. ³ Inyò-wana roikeki, hãwyy wedenamy raninikre. Ihãbu rurukeki, tii ixinamy rarekre. Ijõ-wana roike. ⁴ Kia wese rare, waseriòreboho, ayreny-ki. Kaiboho bede ywina dee tarutenyte. Kaiboho dori ityhydÿÿdu mahãdu atximahâtenyte. Kaiboho Deuxu hõrõ mahãdu atximahâtenyte. Rubu-ribi ixixadu mahãdu atximahâtenyte, Deuxudeewina biwinybenykemy. ⁵ Juhuu ixideewile aõ tewinymhÿtenyte, rubu aõmydÿÿnana wahe. ⁶ Wijile tahe bede ywina-ribi ixinamy inyboho roimyhÿrenyre. Iwese ihetxiu tyriti bede ywina rityhynymy aõkõ ihÿreny, wiji Deuxu Tyytybytyhy aõmydÿÿnana inyboho rityhynyrenyre.

⁷ Timybo? Bede ywina aõbo ibinamy rare. Aõkõre. Ihoõkeki tahe òraruna jiarÿ arieryòtyhy. Bede ywina rarybere wasiõmy. Kiale reeryre aõbo wasimy rare, inyò aõ arimykemy watzireriu, kia òraruna wasiweselemy rare. ⁸ Timyki, jiarÿ òraruna waerysõna bede ywina tuu rarybekõkeki. Bede ywina dori aõbina binamy riwabedeerynyre. ⁹ Jiarÿ juhUU bede ywina reeryõre. Reeryre tahe aõmydÿÿnana binale wadee rarerenyre. ¹⁰ Deuxu heka bede ywina riwahinyre juhUU. Tamy ruru riwahinyre bede ywina wahe. ¹¹ Tahe bede ywina òraru-ki heka òraruna riwahinymy. Tai tahe õnosõna riwarubunyre. ¹² Kia bede ywina tahe awi rare, òbiti rare. Ònosõna awi rare. ¹³ Timybo rare. Òbitina aõbohe riwarubunyre. Aõkõre. Òraruna tiire. Tii tahe ibinatyhy rare. Bede ywina òraru-ki iny kia òraruna ibinatyhy reeryrenyre. ¹⁴ Bede ywina heka Deuxu Tyytybytyhy aõmydÿÿnana rare. Jiarÿ heka inyle rare, òraruna heka wawedu rare. ¹⁵ Aõbo warayky dee ibinarele, kiale rewinywãhãre. Aõbo awimy warayky dee rare, kia rewinyõhyyre.

Aõherekibo? Reeryõre. ¹⁶ Rexierymyhÿre aõbo rewinymyhÿre. Reerye kaa bede ywina awi rare. Tai heka rabedewomy watxiwãhãre. Jiarÿ dori bede ywina bede ywina riti reerymy watxiwãhãre. ¹⁷ Retxiõnomy watxiwãhãre. Waruruõhy heka watxiwãhãre. Aõwi ariwinykeõ. Òraru heka iõhõmy waribi ratximyhÿre waruru ratyre ratximyhÿre waribi. Tai heka òraru rewinyamahãre. ¹⁸ Waumy ehetsina tahe ibinatyhy rare. Aõbo awi rare heka ariwinykemy rewisÿnywãhãre ta heka rewinyõhywãhãre. Aõwi rewinyõhyymahãre! ¹⁹ Jiarÿ rarurunymahãre heka aõbina ariwinykõkemy. Tahe ihãrele heka rewinyamahãre. ²⁰ Reeryrehe aõhebo ratÿÿnymyhÿre. Jiarÿ ixiòrarudÿÿ waðraruna wadi raitxÿteitxÿtenymyhÿre. ²¹ Deuxudeewimy heka ariwinykemy watxiwãhãre. Tahe araðrarunyhyymahãre. ²² Waumytÿmyra rarurunytyhymahãre Deuxudeewi widÿÿna ariwinyke. Awityhy rare wadee. ²³ Ijõ tahe waumywo-ki, waraykywo-ki, ratximyhÿre, waumyehetsina waki ratximyhÿre. Wadi rarurunymyhÿre riwamymy ratximyhÿre. Aõbina widÿÿmy heka wadi rimymy ratximyhÿre. Reòlundunyõhyymyhÿre waraykymy heka rahaÿnanymyhÿre. Aõwesele heka tuu rahaÿnanymyhÿre, riòlundunyõmyhÿreki wahe. Raraykynymahãre warayky-ki, Deuxudeewimy watxikemy. Tule tahe reerymahãre òraruna deòduõ jiarÿ rare wahe. Waumytÿmyra tahe wadee rarybemyhÿre òbitimy aõmydÿÿnana ariwinykemy. Waumyehetsina tahe kialemy wadee rarybemyhÿre —òraru ariwinykelemy. ²⁴⁻²⁵ Tai heka urile warayky raleileinymyhÿ. Mobo riwatake waumyehetsina bina bina aõmydÿÿnana-ribi? Deuxudeewina-ki, Jesuisi Kristu Inynyrÿ heka iximynamy riwatakre. Tii riwateõnomy wadi rarekre. Wowydyna tamy ariwahinykre.

8

¹ Tai heka Jesuisi Kristu tyhydÿÿdu mahãdu rubutyhy-ò heka raõtyhy. Deuxu heka tii ritarenkye tii-wana rarehyyke. ² Deuxu-ò Tyytybytyhy dori warurutymyra-di riwarurudÿÿnytyhyre. Rubu-ribi dori Jesuisi Kristu riwatare ixinamy ararekemy. ³ Inyboho heka Deuxu Bede Ywina rieryrenyke, Moisesi tyyritina wahe. Tii heka iny òraruna-ribi iny ixinamy ririradÿÿnymyhÿre. Jesuisi Kristule, aõbo, òraruna ruru rahumyhÿre. Aõma rakahurenyõtyhy heka iny rururenydi aõma òraruna ixitawo-di. Rikityhynyrenyõtyhy heka aõma ixitawo-di aõbo bede ywina Tahe Deuxu tariõre diteõnyde iny umyrenywesemy wahe. Tiu heka iðrarunaõhyre. Tai heka rexiwahinyre iny òrarureny-ki. ⁴ Tai rikityhynyrenyke aõma Deuxu bede ywina. Iny nohõtireny rosake aõbo umy ehetsinareny inydeereny rarybemyhÿré. Ijohonarenyõmy ta, irybe-ò, Deuxu Tyytybytyhy rybeòle rokoholamyhÿreny. ⁵ Aõbo Deuxudeewimy biwinybenykeki, tai Deuxu Tyytybytyhy rybeòle heka iny roholamyhÿke. Ixideewimy widÿÿmy burubenykeki tahe, aõwaxina boholabenyke umyehetsina rybe-ò. ⁶ Deuxu Tyytybytyhy rybe-ò ijohona heka iny umytÿmyra-ò ridymyhÿre, umytuedeõna-ò, ywina-ò. Umy ehetsina rybe-ò iny rohola wana, tahe rubu-ò iny ridymyhÿre. ⁷ Umy ehetsina dori aõma rare, Deuxu òludu. Deuxudeewimy aõkõ heka riwinymy ihÿre tiu riwinyõtyhy. ⁸ Inyõ ibutumy òraruna ixideewimy riwinykeki, tiu heka Deuxudeewina riwinyõtyhy. ⁹⁻¹¹ Kaiboho tahe kiawesemy aõkõ heka toite. Deuxu Tyytybytyhy heka aworeny-ki rasÿnymyhÿre. Tai heka

umyt̃myraõ heka kaiboho ijõdirenre. Deuxu Tyytybytyhy heka kaiboho ijõdirenre. Inyõ Deuxu Tyytybytyhy ihoõkeki, tiu tii ityhyd̃ỹdu aõkõ rare. Aumythy heka rurukre aõrarunaõ direki wahe. Atytyby tahe iruhymy ratxikre, Kristu dori aõraruna riixãwidid̃ỹnyreki wahe, Deuxu araõbitid̃ỹnyre wahe.

¹² Tai waityhyd̃ỹdu seriõreboho. Umy ehextina rybe-ò uritere ijohonarenymy. ¹³ Irybe derad̃ỹna-ò beõbybenykeki, kaiboho heka burubenyke. Aõkõkeki arurenymy mariabenykre, Deuxu Tyytybytyhy-di wahe. ¹⁴ Ibutumy Deuxu Tyytybytyhy rybe-ò roholamyh̃re mahãdu, tiiboho tahe Deuxu riõre roire. ¹⁵ Deuxu rybemy bityhnybenyke. Deuxu Riõre wesemy tahe bityhnybenyke, õbitimy atxibenyke, deõdu wesemy aõkõ wahe, buberubenyõtyhy. Waha-my tahe marybemyh̃benykre heka. Deuxu Tyytybytyhydile wahe. ¹⁶ Ijioirenymy rakatxirenykre. Aõmybo Deuxu Tyytybytyhy-di inydeereny roimyh̃reki heka, tuu inatyhymy rakatximyh̃renykre inyboho iriõre roiremy wahe. ¹⁷ Ibutumy aõbo Jesuisi Kristu inydeereny riwahinymyh̃ke heka, tule inyhõrõ reny heka rare. Iwese tii wowydyna iribi rikitarenykeki, tii-wana heka aõhõk̃my rokot̃ỹnyrenykre.

¹⁸ Aõhõk̃my rokot̃ỹnyrenykre tahe aõnihik̃my aõkõ rare, urihimyoõle wahe. Inydeereny dori wowydynaõ kidiwahinykre, sõwetyhymy. ¹⁹ Ibutu bedede aõna aõna riraõmy roimyh̃re, aõma-õ, Deuxu Riõre mahãdu ibutumy rubu-ribi ixixana kiditỹnynykreu, reixamy ibutumy r̃yirakre idi biu-ò rirahukre wahe. ²⁰ Kiatxu tahe ibutumy bedede raaõbinanyke. Iwese Deuxu juhoo riwinyre-ribi resere iny õraruna õraru-ki. Deuxu dori tuu bedede riywinyre txioinyhe tahe, rarõsõna r̃yire, riwixiranyke. ²¹ Rekeysarenkykre heka Deuxu riõremy heka rakatxirenykre. Tii ibutumy bedede-ribi iny ritarenykre ibutumy õraruna-ribi, rubu-ribi. Ibutumy õraruna aõbina bina deõdu heka rexihukre. Deuxu ibutumy aõna aõna rit̃myranykre iwese tariõre it̃myrare wese. ²² Kaa wiji tahe ibutu aõna aõna aõhõk̃my rot̃ỹnyrỹra irõdu alõbõrõna, ibutumy heka uladu ijira dese wese heka riijemy aõna aõna r̃yira. Aõma, ixixanatxu dehemynkõlemy roimyh̃reki wahe. ²³ Tiibohole sohojile aõkõ, tule inyboho Deuxu Tyytybytyhyre hãre, kia delemy inydeereny rawahinyre hãre, aõhõk̃my rot̃ỹnyrỹrenyre idi tiu Deuxu tariõremy ris̃yrenykeny riraõmyh̃re. Kia tahe inyboho riraõmyh̃renyre. ²⁴ Inyboho dori tararõsõna-ki kawese awirenyre. Inyõ irarõsõna it̃nykeki, aõbo tahe riraõmyh̃ke. ²⁵ Tai tahe Deuxu rikityhnyrenyke rikiraõrenymy aõma, inydeereny tuu raryberé, rikitarenykré. Rikiyrymy rikiraõmy rokokomymh̃renykre.

²⁶ Iwesele tahe Deuxu Tyytybytyhy heka iny riwiõhenanyrenykre. Inyummy aõmyd̃ỹnanarenymy heka aõhebo rot̃ỹnyrỹre txuõ txuõlemy iny riwiõhenanymyh̃renykre. Inyboho riwiõhenanyrenykre aõma inyboho rierykõreki ixitõed̃ỹ. Deuxu Tyytybytyhy inydeereny dori rexitõenymyh̃re tii inyboho heka aõmy rybe inyboho rierykõmyh̃renyre inydee ris̃yrỹnyrỹ rarybemyh̃re tuu. ²⁷ Inytybyreny heka ibutumy inyraykyreny, inyworeny, rierymyh̃re. Tii heka rexitõenymyh̃re inydeereny iny õbitinarenymy-di, iny ywinarenymy-di iny riixitõed̃ỹnyrỹreny. ²⁸ Ibutumy aõbo inydeereny rabeded̃ỹnananymyh̃ré heka inydeereny awire. Deuxudeewina heka rikiwinyrenyke inydireny ratximyh̃re Deuxu dori inyluurenre. Tii dori iny ridyre tariõre wesemy. Tii dori

kiamy juhuu rōhōtinyre. ²⁹ Juhudihikỹle Deuxu rōhōtinyre mobo tamy rakemy. Tahe tiu rierymyhỹre mobo aōma inyboho tamy kanakré. Tiu heka rierymyhỹre timybo widi rarekré, tariōre wesemy idi rarekré. Iriōre heka sōwemy iseriōre relekre. Iriōre tahe juhuule ityhydỹdumy iuhe rỹire, iseriōre wesemy wahe. ³⁰ Tii heka inyboho rihitxinyrenyrene. Tii heka ryrymyhỹre tamy, kanakemy. Tii inyboho tamy ritehemynyrenu, heka inyboho tamy ritehemynyrenyrene. Iny òraruna-ribi inyboho rixāwididỹnyemy Deuxu, Jesuisi, Deuxu Tyytybytyhy ywina heka inydeereny riwahinyre.

³¹ Ywimy rakatxirenykemy heka inydeereny rōhōtinyemy ihỹre. Wowydyna heka inydeereny riwahinykre. Timybo rakaryberenykre. Awire heka ibutumy. Nihikỹre. Deuxu heka inyworeny-ki ratximyhỹre. Tii heka inydinodurenyre. Inyòludurenyōhyyre ratxirenyke, sohojiō. ³² Ibutumy inydeereny riwahinykre —inydeereny dori taRiōretyhy dori diwahinyde. Diwahinyde heka inydeereny rurukremy. Deuxu heka iny riixāwididỹnyrenyrene. ³³ Inyboho heka òbitimy ratximyhỹrenyrene tamy rakatxirenykemy. Tii dori iny riwinyrenyrene òbitimy. Inyō rarybeōtyhy iny òbitimy aōkō ihỹre. ³⁴ Inyō heka inymyreny rarybeōtyhy rukururenykremy. Jesuisi Kristu dori inydeereny rurure, iny òrarureny-ki. Tii ixityre rubu-ribi rexixare inydeereny. Katahe rononymhỹre Jesuisi heka rexitōenymy rononymhỹre inykireny. Deuxu-ò heka iny rixitōedỹnyremy inydireny rononymhỹre. ³⁵ Tiu heka rihitxinyōtyhy, aōma Jesuisi Kristu luureki wahe. Aōhōkỹmydỹnana dori rakatxireny. Tii heka iny rirubunyrenyke. Iny rama rirubunyrenyke inieruōmy. Bede brebuwo-ki rakatxirenyke. Inymyreny rarybemyhỹkre. iny rirubunyrenyke. Ta Deuxu inywanarenyhy ratximy ihỹre. Tiu heka Deuxu-ribi aō iny rihitxinyrenyōtyhy. ³⁶ Inyboho heka rubu riraōhyky ratximyhỹrenyrene, rexiywinhykyle. Kia rikiwinyrenyke aōma Deuxu luuna-di xiery —iwese budoeni tarubuna riraōmy rỹimyhỹre wese. Deuxu rybe inykoreny tuu relyymyhỹre. ³⁷ Taiki heka imahāduy-ribi rokotarenykre. Kia òlōna inyhōrōreny rare. Kristu dori inydeereny rurure. Aō heka iny rihitxinyrenyōtyhy Deuxuluuna-ribi. Rubu dori iny rihitxinyrenyōtyhy. Umy tiu iny-ribi rihitxinyōtyhy. Ȳju dori tiu iny rihitxinyōtyhy. Aōbinahakỹ heōty, rubu bina heōty dori tiu Deuxu luuna-ribi rihitxinyōtyhy. ³⁸ Aō heka iny rihitxinyōtyhy Deuxuluu-ribi. Biu wenonana dori, beheỹ ratyre, tiu Deuxu luuna-ribi iny rihitxinyōtyhy. Wiji aōna aōna itōmo rahudi aōna aōna, aōtxi aōna aōna tiu iluuna-ribi rihitxinyōtyhy. ³⁹ Kia ibutumy wadee inatyhy rare. Jesuisi heka Deuxu inydeereny ritỹmynymyhỹre ibutumy iluuna iny òrarureny-ki rurureu.

9

¹ Kaiboho wajoiireny, waityhydỹdu seriōre mahādu. Kristu hōrō jiarỹ rare, inytyhy rare. Deuxu Tyytybytyhy, Jesuisi Kristu-wanale rierymyhỹre kia inatyhy rare. ² Rabadewomy heka watxireri wajoi rityhinyōreki. Deuxu Tyytybytyhy kia rieryre. Txuō txuōlemy, ruō ruōlemy rabadewomy watxihāre. Txiole txiole aōmydỹnanamy adeereny ararybeke kaiboho tarasanaō boibekemy. ³ Deuxu riwatxuhoke Kristu-ribi wajoi derōwomy, iwiōhedỹykeki. Jiarỹ heka ihy arurukemy wajoi ityhydỹdukōdu mahādu wahe ixi-di tamyreny rahōtinyemy watxireri. Kia biu-ò hena ritarenykemy wahe. Tahe aōkōre heka. ⁴ Deuxu

heka tamyreny sōwemy diwahinyde. Ihārele tiiboho ijohona deramy rekoamahārenyre. Aōma, rihitxinyrenyre heka tajoiirenymy. Ridyrenyre heka bederahy-ò loosōna-ki biuwetykywo-ki. Tahe tamyreny rarybere tii iluurenymy. Tamyreny heka sōwemy aō kidiwahinykemy idirenny ratximyh̄yre. Tule tabede ywina rybe tamy diwahinyde. Tai tahe Deuxudeewina reeryrenyre. ⁵ Tamy heka Deuxu wowydynaō riwahinyrenykemy Deuxu teòduō kanake tii tamy rarybere. Tybyreny dori ilahiboho dori rityhynyrenyre, tii Deuxu sōwemy rityhynyrenyre. Kristu tahe tule judeu mahāduō ratximyh̄yre, waijoi wahe.

⁶ Deuxu rybe inatyhytyhy rare. Sōwemy iny judeu mahādu wese roire. Ibutumy tahe judeu mahādutyhy aōkō roire. ⁷ Ibutumy judeu Abraō riōre riōre r̄yira mahādu aōkō heka Deuxu riōremy rarekre. Deuxu heka Abraō-ò rarybere: —Ijai riōrele ariòkōre rarekremy ijō aōkō. Ibutumy Abraō riōre, Ijai riōre aōma ityhyd̄ȳdu aōkō roire. ⁸ Ijō iriōrekōna mahādu tahe ityhyd̄ȳdu heka roire. Kia Deuxu rybe rityhynymyh̄yrele heka ityhyd̄ȳdu mahādumy r̄yira —judeu mahādu tyhy wahe. ⁹ Juhuu tahe Abraō-ò Deuxu rarybere: —Ahāwyy Sara, iriōredikre ijō beōrau wahe. ¹⁰⁻¹¹ Iu tahe Ijai iriōre hāwyy-wana herinanyreu, Rebeka-wana roire tahe inatxi uladumy heka Rebeka tamy kidiwahinykremy riywinyra. Ijau juhutyhy iriōredelamy reakre riywinyra. Ijō tahe Ijaò ini rarekre. Kawese Deuxu rarybere uladu reakōule: —Jiar̄y heka Ijaōmy retamy rarybere Ijau aōkō. Jiar̄y aōna aōna sōwemy tamy adiwahinykre. Deuxu kiamy rarybere Ijau reakōule. Tiu aōwiihik̄y aōbina bina riwinyke aōkō. Myle roireri. Deuxu riteōsinyre ijō tarasanamy reake-ribi tahe ijōle tuu reare. Aō uladu tuu riwinyreriki aōkō Deuxudeewimy tuu riwinyre. ¹² Juhuutyhy Rebeka-ò rarybere: —Idela taseriōre deòdumy rarekre. ¹³ Iwese tyryiti-ki roire wese: —Ijaò iluure tahe Ijau aōkōre.

¹⁴ Aōmybo tahōtintyteri? Deuxu aōbo adee ibinare kia riwinyreki? Aōkōre heka. ¹⁵ Deuxu rarybere Moisesi-ò: —Jiar̄y heka awimy inyōdee ariwinykre, tahe tuu ariwinykre. Inyōdee ruxetōena ariwahinykeki, tamy ariwahinykre iixideewimy. ¹⁶ Deuxu ruxetōenale heka rare, iny aōmys̄ȳd̄ȳ sōwehek̄ȳmyreki aōkō inydee tarasana riwahinykre. ¹⁷ Kaheka iny rieryre Faraò (Egito bede iòlò) ijyy dori inydee kia riteōsinyre iwese Deuxu rare wese wahe reteherenyké. Deuxu kiamy rarybere Faraò dee: —Adee k̄ny ariwahinyre ruruō kai bonyke iòlòm̄y. Tai tahe ibutumy iny wani wiwihik̄y-ò roholakre. ¹⁸ Ibutumy Deuxu ixideewimy tuu riwinyry r̄yirakre. Ruxetōena riwahinyke tamywi tahe riwahinyra.

¹⁹ Inyō tahe wadee timy rarybeōtyhy: —Aōherekibo kawesemy Deuxu inyō aōhe ris̄nykre ada amobohe Deuxu aōwid̄ȳna deramy reakre. ²⁰⁻²¹ Tiu moō rarybeōtyhy Deuxumy ibinamy. Iu inyō butxi riwinykreu, aōma sudeō rimykreu, riwinykre heka butxiwihik̄yō tamywikeki. Ibi-naō riwinykeki tas̄y iwesele riwinyke ibinamy tuutyhymy. Bedenamy riwinyke noijaka tamy ridemyh̄ykemy. Ijō butxi tamy wikeki. ²² Iwesele heka Deuxu rare. Rebureke heka inyōdee raykarananyke. Ijō-ò tahe awike ta ruxetōena-di riwiōhenanyke iaōna aōna riijemy. ²³ Idi tahe rōkōhōtintyreny timybo Deuxu wina, Deuxu loosōna awiremy iruxetōena inydeereny riwahinyhyymyh̄yre. ²⁴ Judeukōdu mahādu Deuxu ritare. Judeu mahādu yribi sohoji aōkō. Inyboho. ²⁵ Osea tyryiti-ki rybeō kiamy tai roire Deuxu rarybere wahe: —Ijō mahādumy s̄y aronykre wariōremy. Tahe waijoi-ribi aōkō waijoiō mahādu aōkō waijoimy

arininikre idi aritakre. Tuumy ararekre. Tiu heka luuna juhuu inyõ rewahinyõhyre. ²⁶ Deuxu rarybere tiu: —Kaiboho juhuu wajioi aõkõ toite, tuuõmyta kowa-ki wariòrenenymy boibekre. ²⁷ Isaia tule rarybemyhÿre aõma judeu mahãdumy wahe. Sõwemy, sõwemy imahãduõ hãre tahe, ibutumy tarasanamy reakre. ²⁸ Deuxu ele elemy rotÿÿnykre timybo rarybere myna. Ijõ-ò ruxetòena riwahinykre ijõ-ò adehuna riwahinykre riixãwidinyrenykre. ²⁹ Ijõ Ritidÿÿna-ki Isaia rarybere: —Deuxu ibutu dinodu heka ruxetòena riwahinyõkeki, ibutumy judeu mahãdu riixãwididÿÿnykre iwese Sodoma hãwã Komora hãwã-wana riixãwidinyre wesemy wahe.

³⁰⁻³¹ Timybo rakaryberenykre kia aõmydÿÿnanamy? Kialemy: —Judeukõdu mahãdu-ò Deuxu tarasana riwahinyre tiu Deuxu riijeõhyymyhÿre hãrele. Judeu mahãdu heka rityhynykemy idi ratximyhÿre ibede ywidÿÿna-di tahe tiu heka ritaõhyymyhÿrenyre tarasana. ³² Bede ywina rybe riyrubunykehãre awikehãre tiu tarasana ritaõtyhy. Rityhynytyhykekile heka tuuke. Tai tahe ritaõre tarasana, rityhynytyhyõrenyre. Tai tahe iwere mana iny riatymyhÿre were rydÿÿnarenyre. ³³ Ijõti nihikÿ heka roimyhÿre. Tiu heka riõhõreõtyhy iweribi-ò. Deuxu rybe-ki kia wesemy roire: —Judeu mahãdury-ki mana nihikÿ wese retidimy doimyhÿde. Sõwemy heka iny rÿira tiu heka ityre-di rariaõtyhy biu-ò hena-ò dehemynydeki wahe. Kia iny rityhynymy Jesuisi Kristu rÿirale tahe ritakre tarasanaõ heka inatyhymy.

10

¹ Waityhydÿÿdu seriõre, rexitòenymy wãhãre heka Deuxu-ò ibutumy judeu mahãdu biu-ò henamy rÿikemy. Kiamy tuu rarumahãre. ² Reerymahãre tiiboho ibutumy rityhynymahãrenyremy Deuxu. Tiiboho ityhydÿÿnareny tahe õbitihyky aõkõre. ³ Tiiboho kiamy rõhõtinyinmahãrenyre aõma judeu mahãdu heka bede ywina rybe rityhynyrenykekile rexiõbitinykemy heka rõhõtinyinmahãrenyre Kristu-ò ta rexiwelòròkõlemy Kristu bede-ò rexihumyhÿre, tai Deuxu iny-di awimy rarekemy. ⁴ Bede ywina heka Deuxu aõmydÿÿna tarasana aõkõ heka rare. Kristu rityhynymahãrenyke. Kia weseleke heka tii rimyreny rexiõbitinyre. ⁵ Moisesi dori ròritidÿÿre tuu: —Inyõ tiu õraruna-txi reseõhy rarekeki, taile iny tarasanamy ratxike. ⁶ Kiamy heka ityhydÿÿna namyhÿde. Uritere inyõ Kristu biu-ribi kòdidykemy ixinohõtidiÿÿõna Kristu kidiwykredi uritere nohõtirenymy, isiratyhyre wahe. Tuu aõkõ iny õbitidÿÿna-ki rahamyhÿre. ⁷ Uritere Kristu ixixana-di mohõtinyinõmyke isiratyhyre dori kia-ribi õbitidÿÿna kiditakremy. ⁸ Tii heka inyboho ribedeerynanymyhÿre. Iõhõlemy heka iny-ribi ihÿre warybereny wahe. ⁹ Iny taykyrenyke rityhynymyhÿre inkile. Tai tahe rarybere inywitxira-ò aõma Kristu iny wedureny ihÿremy wahe. Inyworeny-ribi rikityhynymyhÿrenykeki. Aõma Kristu heka Deuxu riixixanyre rubu-ribi. ¹⁰ Taiki tahe biu-ò hena rakatarenykre. Aworibityhy rikityhynymahãke. Kiamy heka iny õbitimy rekelerenyke Deuxu dee wahe. Rarybeke iny-ò rityhynymy ratximyhÿremy tai tahe tuu relemy ratxike. ¹¹ Kiamy heka Ritina-ki roimyhÿre: —Inyõ rityhynytyhyhyyke heka teysamy ratxike. Tiu heka anabedewoõtyhy tatyhyna-ki. ¹² Judeu mahãdu dori judeukõdu mahãdu-wana wiwesele rare. Ibutumy heka sohojihyye iwedure, Inynyrÿ wahe. Ibutu heka inydee riwahinymyhÿre aõmybo iny

rexitòenymyhÿre wahe. ¹³ Iny rexitòeny-wana Inynyrÿni-di tarasanamy, tai iny-ò riwahinymyhÿre. ¹⁴ Teerykòte heka timybo idi ratximyhÿre rexitòenymy. Timybo bieryke inyò tuu relyyòhàre heka rityhinyke. Tamy heka roholaòtyhy inyò tuu relyyòkeki tiu ityhydÿÿòna. ¹⁵ Inyò heka raòtyhy, inyò biteònyòkeki wahe. Kíamy tahe Tyyriti rarybereri: —Kia Rybewihikÿmy rybedu heka awi heka rare, dehemynyna heka awire, deysana rybe dori diwymyhÿde. Deuxu rybena ywina wihikÿ heka diwymyhÿde. Tai tahe iny reysamy heka aõma Deuxu Rybewihikÿ tamy riwymyhÿreki wahe.

¹⁶ Ibutumy aõkò tahe rityhynymyhÿre. Iwese Isaia Deuxu rybedu rarybere wese: —Inynyrÿ, Rybewihikÿmy tamyreny heka rarybemyhÿreny. Ihàrele tahe rityhynyòhyymyhÿreny. ¹⁷ Ityhyna heka Rybewihikÿ-ò iny roholamyhÿreu, rityhydÿÿymyhÿre. Kristu ityhyna tamy kedehemynykre, rybe wihikÿ òraru-ki wahe. ¹⁸ Dÿÿraxinaò ariwinykre. Taholatenyòte aõbo Deuxu rybe-ò? Kohe, ibutumy heka roholamyhÿre. Tyyritina-ki roire: —Deuxu rybe tÿmyra wihikÿ ibutumy riteònymyhÿre hãwã hãwãmy. ¹⁹ Ijò arÿÿraxikre: —Judeu mahãdu aõbo kia rieryòmyhÿre? Moisesi tyyriti-ki roire: —Deuxu biu-ò hena judeukò mahãdu-ò ariwahinykre. Waijoi mahãdu ariwoxibronykemy. ²⁰ Isaia tahe idi tuu rarybere: —Iny wiwana mahãduò heka Deuxu riijemyhÿre. Tii rexitÿnynyrene taòrsydu mahãdu-ò. Itxi reare. ²¹ Isaia rarybere Judeu mahãdumy kia: —Ihàrele Deuxu iny ritobinyrerimy ihÿre iny, iny nohòtbinaki wahe.

11

¹ Kaiboho heka timybo tahòtinymahãtenyete Deuxumy? Tii aõbo taijoi-ribi nohòti rosaremy —judeu mahãdu-ribi? Aõkòre. Jiarÿle, Paulo, judeu mahãduò rare. Jiarÿ heka Abraò riokoreò rare. Benjami ijoio heka jiarÿ rare. ² Deuxu taijoi-ribe nohòti rosaòtyhy. Tii juhuu ritare. Elia juhuu Deuxu-ò taijoimy rarybere. Ryberiti-ki kia roire: ³ Tiiboho heka rybedu mahãdu rirubunyrene. Tule axiwena wahidÿÿna ribòhònyrene. Jiarÿ sohojile aluure Deuxu. Tule ròrubudÿÿmy wadi ratxirenyreri. ⁴ Timybo Deuxu heka Elia-ò dirawyònyde: —Aõkòre, kai ihewoludutyhy waluunadu aõkò tate. Waluunadu 7000 inymy rÿire aribihitximy wahe. Tule Bali suritxoo tiu rityhynyrenyòhyymyhÿre. ⁵ Katahe wijile iwesele rare. Iny ibutumy Deuxu hòrò mahãdu rÿire. Tii taruxetòenadile ritarenyrene. ⁶ Deuxu ruxetòena heka aõ iòwy-di aõkò riòwynymyhÿre Deuxu riwahinymyhÿre. Aõwihikÿ diwinymyhÿdenydeki aõkò heka tuu heka ratximyhÿrenyrene iòwydikeki tahe aõ ruxetòe aõkò rare. ⁷ Deuxu heka judeu mahãduò rihitxinyrene tarasanamy rekré. Ijò tahe iwety mahãdu wesemy ijò rÿira. Deuxu tamy tarasana-ò rryreri tiiboho roholaòre. ⁸ Tyyritina-ki rarybemyhÿre ròròmy ratximyhÿrenyremy. Deuxu heka riruberenyrene ihàre ta tòhòtirenny ratòbònyrenyrene. Taita rieryòhyrenyrene heka Deuxu Tyytybytyhymy rarybemyhÿrenyrenykeki wahe. Iwesele heka wijina roimyhÿre. ⁹ Ihetxiu Iòlò Davi iwesele rarybere: —Kia heka taworana bedehesina-ki, ramyrenykre, raborenykre, tabonahemy reserenykre idi aõhòkÿmy rotÿÿnykre. ¹⁰ Irue idymy releke tiu robiòkemy. Tiumy rarabunykre iaòbinabina-ki.

¹¹ Adeereny arÿÿraxikre kiamy: judeu mahãdu resereu ixãwire aõbo? Aõkòre. Urile tarasana nade judeukòdu mahãdu-ò tai. Judeu mahãdu ibinamy tai ròhòtinakemy. ¹² Judeu mahãdu òraruna òraru-ki heka sòwemy

iny-ò aõwiihikỹ nade, judeukõdu mahãdu-ò wahe. Tahe awityhymy rarekre ibutummy judeu mahãdu ralokremy. ¹³ Jiarỹ, Paulo wahe, rybe wahidỹỹdu heka jiarỹ rare. Judeukõdu mahãdu-ò tii heka jiarỹ rare. Uritere nohõti losarenyõmy kia waaõmysỹdỹỹna rare. Kia awi heka wadee rare. ¹⁴ Deuxu heka adeereny aõ nihikỹ adeereny riwinyre, kaiboho judeukõdu mahãdu rare. Judeu mahãdu robikre. Tai heka tiiboho biu-ò hena mahãdu-wana ratxikemy riwisỹnykre. Kia wese õsana ijõ tarasanamy rimyky. ¹⁵ Judeu mahãdu wiji rityhynyõreri. Tai Deuxu ijõ mahãdu-ò biu-ò hena riwahinyre, judeukõdu mahãdu-ò wahe. Iny sõwemy tai ritamy rỹimyhỹre õraruna-ribi. Iwese inyõ rubu-ribi riixixanyre wese kia rare iu judeu mahãdu ralõkreu wahe. ¹⁶ Juhuu paõ ere awimy Deuxu-ò biwahinykeki, ibutummy paõ ihõrõ rare. Òwõru rutysõmo Deuxu-ò biwahinykeki, ibutummy òwõru ihõrõ rare. ¹⁷ Òwõru ere judeu mahãdu wese rare. Tiiboho òwõru-ribi raõrõmy raremyhỹ. Kaiboho judeukõdu mahãdu terõwymy atximahãtenyete. Kia òwõruru wesemy òwõru-ò ralõmy atximahãtenyete, tai tahe arummy atximahãtenyete. ¹⁸ Ixityhymy nohõtirenyõmy. Kaiboho dori iratyre awimy aõkõ atximahãtenyete. Òwõru rutysõmo aramyre judeu mahãdu tyby wese wahe. Aõkõkeki, kai bedesekre òwõru desede wese. ¹⁹ Kaiboho õsana marybekenyke: Tiiboho òwõru-ribi ritamy raremyhỹ inyboho rikibynyrenyky. ²⁰ Inatyhy rare. Urile õhõti-ribi losarenyõmy tiiboho iribi ritamy raremyhỹ rityhynyõrenyeki. Tule kaiboho talõmy tatemyhỹ tetyhynymyhỹtenyeki. Tai ixiwededỹõrenyere urile bexityhynymy. ²¹ Judeu mahãdu heka òwõru rutyhy wese raremyhỹ. Ihãrele tahe Deuxu òwõru-ribi ritare. Timybo tahõtinytenyteri —Deuxu aratarenyõtyhy. Tule aratarenyke timykeki. ²² Deuxu dori ywimy rare ijõ-ò. Tule tii isirare ijõ-ò: —õraruna-txi besebenykeki, tii aratarenyke. ²³ Judeu mahãdu ixiby rityhynyrenykeki, ixiby Deuxu ritidikre iherina-ò. Deuxu irurudirare ixiby ritidikremy —isiraõre Deuxu-ò. ²⁴ Kaiboho heka òwõru bederahy ludu wesemy atxitenyete. Iwese òwõru ludu-ò tii aratidirenyre wese. Judeu mahãdu dori òwõru ludu wesele rare.

²⁵ Waityhydỹỹdu seriõre, inatyhynaõmy adeereny arelyykyre. Deuxu rieryre tiwesemybo judeukõdu mahãdu rityhynykre. Ikonana kaiboho bityhynybenykreu, judeu mahãdu ixybyle kanalokre. ²⁶ Tai tahe ibutummy judeu mahãdu ritakremy. Tyyritina-ki heka kiaweselemy roire: —Siaõ-ribi tarasaduõ kanakre. Ibutummy heka judeu mahãdu õraruna-ribi kòdòõsekre. ²⁷ Kia bedeu heka aritakre iõrarureny wahe iwese tuu rarybere wese juhuuhukỹle. ²⁸ Katahe rasõwemy roira aõma judeu mahãdu wahe. Tiiboho Rybewihikỹ õludu roire. Tamyreny heka awi aõkõ Rybewihikỹ. Kia heka adeereny awimy rõhõnyre. Tetatenyta dori Deuxu-ribi aõma iwahidỹỹna aõna aõnawidỹỹnamy. Deuxu juhuu taluunamy wala-biereny-ò rarybere. ²⁹ Deuxu heka tiu riwitxiranyõhyymyhỹre. Releke wana heka riwinymyhỹre tahõrõ mahãdu dee. ³⁰ Judeu mahãdu heka Deuxu rityhynyõmy roimyhỹre wahe. Tai heka Deuxu ruxetõena adeereny diwahinyde. ³¹ Katahe judeu mahãdu heka wiji roire ityhydỹỹmy aõkõ. Aõutxu tahe Deuxu ruxetõena ixybyle rimykyre rỹira. Deuxu heka iximymy iny riteõnyrerimy ihỹre. ³² Deuxu ibutummy õraruro-ò rityhere idi taruxetõena ritỹnykyre.

³³ Iny Deuxureny aõwi dinodu heka rare. Ibederytyhytyhy rare.

Inyò ibedeywidÿÿna rieryôhyymhÿre. ³⁴ Tiu rikieryrenyôtyhy irayky, tiu rikibedeeryrenyôtyhy. ³⁵ Inyò tiu Deuxu tadiwidÿÿdumy isÿnyôna. ³⁶ Ibutumy dori Deuxu-ribi hikÿle nade ixidee. Ibutumy iruru namyhÿde. Tai tahe ibutumy wowydyna tamy rikiwahinyrenykemy inyboho ratximyhÿreny.

12

¹ Tahe waityhydÿÿdu seriôreboho, aumyreny heka biwahinybenyke Deuxu-ò. Aramyrenykemy ôbitihyylemy. Kia wowydynatyhy Deuxu-ò. Tii dori ibutumy aôma inydeereny riwinyre. Kia ibutele rarekre tamy. Tii dori sôwemy riwinyre inydeereny. ² Uritere riraômy bede ludu mahâdu wesemy. Iwixiramy boibeke. Tai Deuxu dee awimy kia rarekre. Aumy tÿmyramy ibutumy biwinymahâke. Tai tahe Deuxu ribedeerynanykre aôbo awire.

³ Jiarÿ heka Deuxumy rybeduômy rare adeereny. Tai adeereny ararybekre bexiijebenyke. Ôbitimy marybemy aumy-ribi. Deuxu-ribi ityhyna adeereny diwahinydeki heka aôhe botÿÿnykemy mohôtinymahâbenyke. ⁴ Umy heka sôwemy txura txura roire, umy hitxi hitxinamy rÿire. Kristu ityhydÿÿdu mahâdu kia wese rare, Kristu woludu mahâdu wahe. ⁵ Tule Kristu mahâdu sôwemy aômÿsÿdÿÿna wixira rÿire. Sôwemy iny wiribi hitxi rÿire. Iwese umy sohoji wese Kristu wo mahâdu rÿire. Ibutumy wiribi hitximy raaômÿsÿdÿÿmy iwidÿÿmy rÿimyhÿke. Inyboho heka ibutumy iaômÿsÿdÿÿna Deuxu-ò rikiwinymyhÿrenyke. ⁶ Deuxu heka aôwidÿÿna widÿÿna wixira iny sohoji sohoji-ò riwahinymyhÿre. Kai heka tÿnydÿÿna abrysikeki, awimy bexityhynyke awimy biwinykemy. ⁷ Awimy wiôhedÿÿmy atximahâte wana, bôwiôhenanyke awimy. Rybedÿÿdumy atxiteri-wana awimy ôbitimy bibedeerydÿÿmy. ⁸ Deuxu rybemy rybedu atxiteri-wana marybeke inydee bexityhynymy. Deuxu sôwemy adee nieru riwahinyre-wana, bôwiôhenanyke inywixira. Inyidinodumy atxiteri-wana, ôbitimy maaômÿsÿdÿÿ ibutu dee. Kia dohodÿÿdukeki botohodÿÿkre inyô aô biwahinykeki awowi-di bowahike.

⁹ Wiribi ihitxidÿÿômy. Tuu luu-di tahe inywixira hitximy. Uritere rybeômy urirybele. Uritere rybe ôbitikômy rÿireô noômy. ¹⁰ Kaiboho ityhydÿÿdu seriôre atximahâtenyete. Tai wiluumy atxibenyke. Widee biwowydnybenyke, ixidee aôkô. ¹¹ Aômÿsÿdÿÿna-di boibenyke. Ibutumy Inynyrÿ-ò biwinybenyke eysareny-di. ¹² Beysamy atxibenyke ywina-di aôkôkÿmy dÿÿnana-ki. Bexitôenyhyymahâbenyke. ¹³ Aityhydÿÿdu seriôrey-ki inyô aô ihoôkeki, tamy biwahinyke ahôrô-ribi. Inyô ihetoôkeki, bidybenyke aheto-ò. ¹⁴ Inyô ibinamy adeereny riwinykeki, tahe ibinamy aôkô biôwinyke. Bexitôenyke Deuxu-ò tamy. ¹⁵ Inyô reysakeki, tii-wana beysake. Inyô rahinykeki, robukeki, tii-wana mahinyke, bobuke. ¹⁶ Ywimy ibutumy iny-wana boibebenyke. Ixityhy aôkô nohôtioômy. Kai dori ibutumy aôkô teeryte, tule aaômÿsÿdÿÿ bina awimy bimibenyke. ¹⁷ Inyô adeereny ibinamy riwinykeki, ibina-di aôkô biôwinybenyke aôma uritere ywihyylemy boike. ¹⁸ Wiwesehyyle ywimy rÿimyhÿre. ¹⁹ Inyô umy aôma rarybekeki, uritere ixioôwdÿÿmy nohôtioômy. Deuxu-wana birimy. Tii heka riôwinykre iaôhökÿmydÿÿnana-di. Kia tahe roire Tyyritina-ki. ²⁰ Aôma aôludu ramamy ruru wana, tamy rÿÿÿna biwahiny, bemy tii ruru wana, tamy bee biwahiny. Tai tahe tii raixÿrure

aõbo adee riwinyre lau. ²¹ Aõbinahakỹ rỹira-wana, uritere iijiradỹỹõmy. Ibutumy aõwiihikỹle aõ biwinymyhỹke. Tai tahe rexihuke aõbina bina.

13

¹ Bityhynyke bede dinodu. Deuxu dori risỹnyre bede dinodumy. Ibutumy dinodu heka Deuxule inydeereny riwahinyre. ² Inyõ bededinodu rityhynyõkeki, tii heka Deuxu rityhynyõmyhỹre. Iny õbitimy ratxikeki, tiu bede dinodu rimyõtyhy ròtena-ki aõhõkỹmy dỹỹnana rotỹỹnyõtyhy. ³ Inyõ õbitimy ratxikeki heka tiu bede dinodu lau ruberuõtyhy aõhe risỹnyõtyhy. Urile iny aõòtaòtalemy rotỹỹnyreu tahe, tiile ruberumyhỹre bede dinodu lau. ⁴ Bityhynybenyke ibutumy bede ywina aõbo dinodu mahãdu raryberé. Brebuõlemy botỹỹnybenyke. Deuxu diteõnyde heka bede dinodu iny riwiòhenanykemy. Kai aõhõkỹmy botỹỹnymyhỹke aõòtaòtamy tatỹỹnymahãte-wana. Bede dinodu dori tuu nade. ⁵ Ibutumy bede dinodu bityhynyke. Tii heka biwinybenyke Deuxu dee kia awire. Tai heka aõhõkỹmy botỹỹnybenyõtyhy. ⁶ Tule iõwy biòwynmahãbenyke. Ibutumy heka biòwynmahãbenyke aõma tuu dinodu rarybemahãre wesemy. Tai dori riòwynymyhỹre iaõmysỹdỹỹdu. Tii heka anawiòhenanymyhỹde. ⁷ Biòwynmahãbenyke aõbo õbitire, ibutumy wahe. Aõma dinodu iòwydỹỹmy rariòwymahãre-wana biòwynyke ibutumy awedu mahãdu wahe. Bityhynyke ibutumy.

⁸ Inydee tanadevenymahãte-wana, biòwynyke õbitihyylemy. Inywitzira luumy atximahãke ibutumy iny wahe. Tii dori Deuxu bedeywina-ki bede õtiidỹỹna xiery ratximyhỹre. ⁹ Ibutumy Deuxudeewire heka kaa rare. Aeryna luumy iwese ixiluure wese, tahe tamy ibinaõre. Kai rubudỹỹõmy aõbo, ada wasimy iribi texiwonyte ada ihãwyy-wana maòtakemy aõbo, texinohõtidiỹỹnyte. Uritere aõbina-di ixinohõtidiỹỹõmy aeryna-ò. Uritere aõbina widỹỹõmy. Aerynaluumy mabeke iwese kai ixiluure wese wahe. ¹⁰ Luuna inyõ-di rarekeki ibina inyõdee riwinyõtyhy rare. Ibutumy Deuxudeewina heka riwinymyhỹre. Tii sohojile heka bede ywina-ki awityhyre.

¹¹ Tule heka õbitimy matximahãke. Bededỹỹnana dori iòhõmy resera. Bede ityre reakremy namyhỹde. Bexixabenyke wa, Inynyrỹ heka iòhõmy ratximyhỹre inonana-ò. Iòhõtymy relera juhu rityhynyrenyri-ribi. ¹² Ruu heka ròhõnomy rare. Txuu tule iòhõmy wahe. Uritere aõbinahakỹ bedeluruhukỹ aõmydỹỹnana widỹỹõmy. Diabo ijesu bitake aõwiihikỹ widỹỹ wahe. ¹³ Òbitimy biwinymahãke iwese txu rojuxana iny ratximyhỹre wese. Tai ibutumy iny rarybemahãke kai iluumy atximahãtemy. Uritere abededỹỹnana huduõmy —itxỹteõmy, òtaõmy, adeburemy iji-raõmy, ihãruõmy. ¹⁴ Bexitõenymyhỹke Inynyrỹ Jesuisi Kristu-ò wahe anawiòhenanykemy. Tai tahe ibutumy õbitimy biwinymahãke. Uritere araky aõmydỹỹnabinabina nohõtĩõmy.

14

¹ Ijoiõ ityhydỹỹdu mahãduõ amahãdudỹỹmy rurukeki, ròtena ixinamy ralòke iityhyna ibuterehãre tii-wana aõna aõnany widee rybetyhymy rybeõmyke. Aribi hitximy raraykynyke hãre, bidyke. Ihãrele birõtenybenyke. ² Ityhyna irurukõmy ratximyhỹre hãre birõtenybenyke. Tii õsana kiamy raraykynymyhỹre: Iny rexìòwynyke iròdude riròmyhỹrenyremy ijõ

rõhõtinyke. Kai tahe òsana mohõtinyke kiamy. Tuu ibinaõre. Ityhynareny urihimiyòle rare. Brebunale sÿny roholamyhÿre. ³ Inyõ tahe ibutumy rirõmyhÿre. Awimy idi tahõtinyamahâte-wana, wiribi hitximy aõkõ. Uritere iõhõresedÿÿrenyõmy. Deuxu dori ridymyhÿre iwesemy iweselemy. ⁴ Deuxu deõdumy tii rare. Eõdumy aõkõ. Deuxu-ò tii rirawyõnyre aõhebo rotÿÿnymyhÿremy. Deuxu rarybeke aõbo òbitire, aõbo teõsare. Deuxu heka tii ritamadÿÿnymyhÿre. ⁵ Kiamy rakaraykywese-nanyrenykre. Txuõ aõworana bedehesi heka judeu mahãdu riywinymy roimyhÿre. Kia txuule Deuxu-ò reàlànanymyhÿre rexinohõtidiÿÿnymyhÿre. Tahe aõkõre. Ijõ ityhydÿÿdu mahãdu tahe aõkõre. Tii iwitxira rexinohõtinymyhÿre. Ibutu txuu tamy awire Deuxu àlana riwahinymyhÿre. Ixideewimy iny sohoji sohoji raraykywydynanymyhÿre. Ixitawimy Deuxu riwowydynyre. Ibutumy iny òbitimy ixidee raraykynyke. ⁶ Kaiboho atxu biywinymyhÿbenykeki, kia tahe awire. Xiwenade riròkeki, tii tule Deuxudeewire riwinyre. Inyõ aõkõ riwinyre. Tii tule awimy riwinymyhÿre Deuxudeewina wahe. ⁷ Ixideewimy rikiwinyrenyõtyhy inynyrÿ-ò dori inyboho roire. ⁸ Inynyrÿdeewimy rikiwinyrenyke. Ihõrõ rare, aruruhãrele, aõkõhãrele. ⁹ Jesuisi Kristu dori rubu-ribi rexixare tai butu wedumy. ¹⁰ Inyboho heka ihõrõ mahãdu roire. Tai uritere inyseriõre rybeõmy ixiradÿÿõmy. Inyboho dori sohoji sohoji Deuxuru-ò rexideòsinyrenykre. Iu tii ibutumy iny riywisinykre. ¹¹ Kiamy heka Ritidiÿÿna-ki roimyhÿre. Inynyrÿ heka rarybere: —Inatyhymy, Ibutumy warue-ò tatiowotimy resekre. Rarybekre heka wamy Jiarÿ Deuxu raremy. ¹² Iny sohoji sohoji iximy relyykre Deuxuko-ò.

¹³ Uritere inywitxira-ò ryberenyõmy tii ibinamy rare uritere aõwidÿÿõmy, iõraru-ki ixymydÿÿdu òraruna-txi resehemy. ¹⁴ Jiarÿ tahe kiamy rahõtinyre. Kia aõmydÿÿnana aõ aõkõ rare Deuxu-ò. Xiwena rÿsÿna rirÿsÿkeki aõ aõkõ rare. Uritere kia nohõtidu dee ibinare. Tiiboho riròðke. Xiwena rÿsÿnarÿsÿ òraru-ki aijoiõ bibedewonyhenylau irÿsÿõmykre. ¹⁵ Aityhydÿÿdu seriõreõ òbitiõmy ratxikeki tahe iru-ki arawidÿÿõmy atximahã. Tamy dorihe òbitimy aõkõ heka idi rõhõtinyke. Tii heka tule riwinykelemy ixidi rõhõtinyke. Timy aõki teõsamy rahaõhyymyhÿre aõma, xiwena rÿsÿna-ki. Kai aõki awimy aõma awityhy irÿsÿõmykre Deuxu Riõreõ dibinadÿÿnyke lau wahe, Kristu dori iõraru-ki rurure. ¹⁶ Kaki awimy òbitimy mahakeki. Biwinykeki inywitxiraru-ki atxikeki, kia tai uritere rieryõmy aki rahake. ¹⁷ Riroximyhÿrenyre, riõmyhÿrenyre —kia Deuxu Iòlõna dee aõ aõkõ rare. Aõmale tahe røkõhõtintyhyymyhÿreny: wiõhedÿÿna, ywina eysana. Deuxu Tyytybytyhy inydeereny wahidÿÿna wahe. ¹⁸ Kia wese iny rÿikeki heka Deuxu dee wina rare, inydee tule. ¹⁹ Wii rikiwiõhenanymyhÿrenyke ibutumy wiwesehyyle ywina-di. Tai iny tyhynareny rikikyhynanyrenykemy. ²⁰ Rÿsÿna òraru-ki aõhe wisÿdÿÿrenyõmy, butumy dori Deuxu riwinyre. Kia inyõ iõraru-ki aõwitxiramy rõhõtinykeki tahe ibinare. ²¹ Aõ dee rÿsÿ vÿi momo heka ibinare, tai tii rexiõrarunykeki aõraru-ki urile bexiijõnybenyke. ²² Kaa biwinykeki timybo Deuxu dee òbiti relemyhÿre, urile ibutu-ò tuu rybeõmy iny bedeõby, kia ira-ki aõ ibinakõre. ²³ Ijõ urihimiyõ tatyhynymy ratximyhÿre heka iximy riatyke. Adee tahe òbiti heka rare. Aõbo riwinyre heka òraruna rare. Tai iwidÿÿõmy.

15

¹⁻² Iny ixira-di heka rōkōhōtinymyhyrenyke ibutumy aōbo iny riwinymyhyredi. Idi rōkōhōtinymyhyrenyke inywitxira aōlaubo ruberumyhyré. Iny òbiti erykō mahādu-di. ³ Kristu dori kaki raremyhū ixideewimy aōkō tuu riwinymy raremyhū. Wiwana ritidỹdu wesemy riki riritinymyhyre: nade aōhōkỹmydỹnana-ò tai heka bede-ò nade. Riòludunyre heka aōbo iòludu aōbinabinahākỹ rarybere heka riwaòludunymy raremy. ⁴ Tuheka roimyhūre ihetxi Tyyritina-ki inywiòhedỹna reny. Iny heka ribedeerydymyhyrenyre ywina-di rakatxirenykemy rikiraòrenyke heka Deuxu aōmy bede dỹnana wahe. Rahykyu òraru rahykyu wahe rubu. ⁵ Tii heka wadee awire wii biwiòhenanyke. Deuxu anawiòhenanykemy adireny watzireri. Iwese Jesuisi Kristu riwinyre wese.

⁶⁻⁷ Iлуу ratxirenykemy irumy wiluumy matxibenykemy. Iny sohoji sohoji raraykynye Jesuisi Kristu rayky wese-di. Ityby Deuxu rayky wese-di rỹike òbitimy. Tai tahe inyboho ywinale rekealāmyhūre Deuxu-ò, tii Jesuisi Kristu tybyreki wahe. ⁸ Deuxu ihetxi mahādu òraru-ki Jesuisi Kristu heka judeu mahādu deòdurenymy ioxisỹnyre. ⁹ Iwese rybetyyritityhy rarybere wese: —Idi judeukōdu mahādu Deuxu riwowydynkemy. Tai adee ariwiunykre judeukōdu mahāduy-ki. Jesuisi Kristu heka nade inatyhy riteòsinykemy. Judeu mahādu riwiòhenanykemy Jesuisi Kristu nade. ¹⁰ Kiamy heka roire wiuna Ritidỹ-ki kia rarybere. Àlana adee ariwahinykre wiuna-ki judeukōdu mahāduy-ki ani-di arawiunykre. Ijō-ki tulekre: —Tuheka wiuna-ki raritidỹ roimyhūre judeukōdu mahādu beysake wa judeu mahādu-wana. ¹¹ Ijō-ki kiamy roire: —Àlana heka biwahinykemy Inyryrỹ-ò idi watzireri, kaiboho tule judeukōdu mahādu. ¹² Deuxu dee rybeduò, Isaia tuu rarybere: —Rexiriòkòremy heka irybe roimyhūre. Ijese riòkòre wahe. Tii judeukōdu mahādu iòlòmy ronykre. Tiile heka riraòmy roimyhūkre. ¹³ Jiarỹ rexitòenyryeri, Paulo, kaiboho, Deuxu heka arateysanyrenyke sōwemy ywina-di, tyhydỹna-di. Kiamy heka adireny heka watzireri, waseriòreboho. Jiarỹ heka rexitòenyhy watzimyhūre Deuxu arawiòhenanykemy adeeremy rexiterenymy watziwāhare. Deuxu Tyytybytyhy ruruna-di raròsòna-di adeeremy kidiwahinykemy watzireri.

¹⁴ Kaiboho òbitimy ahātenyete waityhydỹdu seriòreboho. Sōwemy aōna aōna witxira teerytenyete. Inywitxira bibedeerynybenyke dori teerytenyete. ¹⁵ Ihārele taheka atxireny wanohōti reare inatyhymy tai warybe rewahiny Deuxu riwatyhynymy kawese riwasỹnyreki. ¹⁶ Biwateònyke taheka judeukōdu mahādu-ò. Jesuisi Kristu dori riwatare tadeòdumy idi judeukō mahādu dikemy. Iu Deuxu rybe wihikỹmy rarybemyhūre, xiwena wahidỹdu wese rare. Kia tahe judeukōdu mahādu Deuxu-ò awike. ¹⁷ Tai tahe Jesuisi Kristu-wana rexibedesanymyhūre Deuxu-ki waaòmysỹdỹna òraru-ki. ¹⁸ Jesuisi Kristu Rybewihikỹ tỹmyra-di rareri. Rexitòenymy rare adeeremy. Tai kaiboho òbitimy teletenyete Deuxu Tyytybytyhy òraru-ki wahe. Wadeysamy heka watziwāhare. Jesuisi Kristu adeeremy riwinyreki wahe. Jiarỹ reerykòre iwitxira mahādu-di. Tahe aōna waaòmydỹnana reeryre. Tiu dori biwawiòhenanyke judeukōdu mahādu aritakemy. Deuxu mahādu judeukōdu rarekemy. Òbitimy ikorenny-ki raremyhū. ¹⁹ Rybe wihikỹmy rybe-di rarewāhā tamyreny. Aōna aōna wiiwihikỹ irurenny-ò rewinywāhare. Deuxu Tyytybytyhy-di Jerusalè

hãwã-ribi heka rybe-di rare. Iiri bede-ò wahe. Ibutumy bede bedemy rarybere. Jesuisi Rybewihikỹmy. Ibutumy waaõmysỹdỹỹna rewinyre, Deuxu wadee riwahinyre wahe. ²⁰ Ihãre tahe ararybekemy watzireri tiu iny roholakõmyhỹre mahãdu-ò. Ijõõ dohodỹỹna iny ritohodỹỹnymyhỹre. Tai ikomy ararybekemy ixidi watzireri. ²¹ Isaia dori kia Tyyriti roire: —Tiu iny tamy roholakõmyhỹre tamy ijohonaõmy rarybere. Tai rierymyhỹre. Tai tahe roholakre tahe rityhynyre.

²² Tai heka raraõlemy watziwãhãre —adeereny. ²³ Katahe kaki rexihumy waaõmysỹdỹỹ ratzireri. Katahe arorarenymy arake watzireri beòrakõle arakemy ixidi watzireri. ²⁴ Espanha bede-ò arakemy watzireri. Arakreu dori Roma-ò aroramy heka arakre. Iribi inyboho ibutumy rakatzimyhỹre tahe tako-ò biwaixidỹỹnybenyke. ²⁵ Ikoki taheka wahidỹỹõ ariwykre Jerusalẽ-ò. Jerusalẽ hãwã mahãdu dori aõhõkỹmy rotỹỹnymy rỹramyhỹ. ²⁶ Macedonia bede-ki Akaia bede-ki tamy nieruõ riwahinykremy ratzireri dohodỹỹna mahãduõ kia rama rahureri mahãdu wahe. ²⁷ Tiibohe riwiòhenanyre deysana-di. Kia òbiti rare. Iribi tahe Deuxu rybe aõmydỹỹnana, Judeu mahãdu-ribi nade. Tai tahe judeukõdu mahãdu, tule judeu mahãdu riwòhenanymyhỹke taaõwiwi-di. ²⁸ Kaa nieru-di arakreu, tahe aroramy arehemynyke. Iribi Espanha-ò arakre. ²⁹ Tuu awana watzikreu, tahe teysamy Inynrỹ-di rakatzikre.

³⁰ Bexitõenyke wadee waõmysỹdỹỹna sõwemy watzireri ariwinykremy. Deuxu Tyytybytyhy heka sõwemy wadee nade adeereny ariwahinykremy, luuna sõwemy adeereny ariwahinyke. ³¹ Tule ityhydỹỹdukõdu mahãdu Judeia wadee aõbinahãkỹ wadi ratximyhỹre. Wadi bexitõenybenyke jiarỹ iribi arahenyke. Tule kaa nieru rewyreri waribi teysamy rimyrenyke. ³² Tai tahe awanareny tahe wadeysamy arehemynyke Deuxudeewikeki. ³³ Deuxudeewikeki wii riki Deuxu wina adeereny watzireri. Kie.

16

¹⁻² Fibi hãwyy ityhydỹỹdu seriõreõ adee rakre. Tii heka Sekrea hãwã ludu dohodỹỹna mahãduõ rare. Tii heka dohodỹỹdu mahãdu riwiòhenanymyhỹre aõu aõu aityhydỹỹdu seriõre wesemy. Tii kaibohe biwiòhenanyke, tii dori sõwemy riwawìòhenanyre.

³ Birybedỹỹnyke Prisila Akila-wana. Tii wawìòhenadỹỹdurenny. ⁴ Tii wadee sõwemy riwinyre rubu lau ruberuõtyhy. Tai jiarỹ realãwãhãre tamy, tule tuu ibutuma Judeukõdu dohodỹỹna mahãdu. Itheto dohodỹỹna mahãduõ warybe wehityhyna biwahenyre. ⁵ Epenetu-ò biwehityhyny. Tii ibutumy ityhydỹỹdu-ribi juhuule rityhynyre Asia bede-ki. Tii wabiõwa rare. ⁶ Marie adeereny raaõmysỹdỹỹtyhyre. Biwehityhyna wanĩmy. ⁷ Adroniko, Junia wana biwehityhynanyke. Tiibohe judeu mahãduõ roire. Rõtenawo-ki wawana roiremyhỹ. Dohodỹỹna mahãdu rierityhyre. Deuxu deòdỹỹna mahãdu heka wakomy rityhynyre. ⁸ Ijõ waityhydỹỹdu biõwa Ampliato inire. Tamy kanarybekre tule. ⁹ Urbano, Estaki-wana tule Kristu dee wawìòhedỹỹdu tule rybe wehityhyna tamy biwahinyke. ¹⁰ Apele heka ityhydỹỹdu tyhy rare. Biwehityhynanyke. Aristabulo-wana heto woludu mahãdu biwehityhynanyke warybe tamy. ¹¹ Tule biwehityhynanyke Herodiaõ —wajioĩ tii rare judeu mahãduõ wahe. Kristu dee dori kia iny òbiti rare. Narciso heto ludu

ityhydÿÿduò heka tule biwehityhynanykre warybe tamy. ¹² Tule Trifena, Trifosa, Peside-wana raaòmysÿdÿÿmy Inynyrÿreny-ò biwehityhynanykre wary tamy. ¹³ Rufu tule Deuxu dee aòmysÿdÿÿdu rare ise tule. Tii dori nadi wesemy riwawisinanyre. ¹⁴ Asincrito, Flegonte, Hermes, Paroba, Hermas, tule biwehityhynanykre ityhydÿÿdu mahàdu. ¹⁵ Filologo, Julia-wana, Nereu taseriòre-wana, Olimpa, ityhydÿÿdu mahàdu tii-wana ratxireri ibutu-ò warybe wehityhyna. ¹⁶ Ibutumy aseriòre debò bimyke biwehityhynanybenykre ibutumy. Ibutumy Kristu tyydÿÿdu mahàdu-ò arawawehtyhynanykre. Tule kaki dohodÿÿna irybe wehityhynanyre adeeremy riwahinyreri.

¹⁷ Rybeò roire kaa rybe tyyriti ixiydynako-ki. Ijò aòhe dÿÿnana doimyhÿde kia hetowo hitxina-ki. Iwitxiramy heka taerydÿÿna mahàdu —iwese inydeeremy erydÿÿnamyhÿre wesemy aòkò kia lau tahe hexiebenyke. ¹⁸ Aò Jesuisi dee aòkò raaòmysÿdÿÿnyre. Ixidee tule heka raaòmysÿdÿÿmyhÿre aò ixidee ritarenykemy ròhòtinymyhÿreny. Tiiboho heka rarybewihikÿmyhÿreny, aòma, ruikedÿÿmy timy bede erykò tuu ratximyhÿreny. ¹⁹ Jiarÿ wadeysamy watzireri kaiboho òbitimy ibutumy toiteki. Araerywàhà jiarÿboho aòbo òbitire uritere aòbina widyyòmy. ²⁰ Deuxu ywisidÿÿna wahidyyna dori Satanasi riixàwididÿÿnyke. Jesuisi Kristu Inynyrÿ wiòhedÿÿna adeeremy riwahinykemy idi watzireri.

²¹ Tximòtxi dori wawiòhedÿÿdu rare. Lucio, Ijasò, Sosipatu, wajudeuijoi-wana tule adeeremy irybe wehityhyna riwahinyre. ²² Jiarÿ, heka Tercio, reritinyreri aòbo Paulo rarybere adeeremy. Jiarÿ adeeremy warybe wehityhyna rewahinyreri. ²³ Jiarÿ heka Kaio heto-ki watzireri, dohodÿÿna rabutunyreki watzireri. Kaio irybe wehityhyna adee riwahinyre. Tule Erasto hãwã nieru rubudÿÿdu rare. Tule Quarto inyeriòrereny rare. Ibutumy heka kaa irybe weityhyna adeeremy rewahinyreny. ²⁴ Inynyrÿ Jesuisi Kristu ruxetòena ibutumy adeeremy kanakemy idi watzireri. Kie.

²⁵ Deuxu irurutyhy-di rare. Tii heka adi riyrubunykyadi watzireri. Iwese rybeweityhyna rarybere wesemy, ruru adee riwahinykre. ²⁶ Kaheka Deuxu tarasana rare. Ibutumy iny mahàdu kaa tarasana rare. Katahe wiji ibutumy Deuxu rybemy rybena reamyhÿre. Iwese Deuxu rybedu mahàdu juhoo rarybere wesemy. Deuxu heka ibutu-ò tuu rarybere. Tai tahe ibutumy iny Deuxu Tyytybytyhy rierykre tule rityhinykre. ²⁷ Deuxu-ò àlàna biwahinykeki tii dori bedeeryna ratximyhÿre Jesuisi Kristu òraru-ki wowydyna tamy biwahinybenykre aòu aòu. Kie, Paulo.

1 Oritxi Mahãdu-ò 1 Oritxi Hãwã Dohodÿÿna Mahãdu-ò

¹ Paulo jiarÿ Deuxudeewimy deòdumy wãhãre, Jesuisi Kristu deòdÿÿna-ki wahe. Jiarÿ waityhydÿÿdu seriòre Sòteni-wana adee warybereny adiwahinyde. ² Oritxi hãwã dohodÿÿna mahãdu-ò heka watyyriti adiwahinyde, Jesuisi Kristu òbitidÿÿna mahãdu-ò, Deuxu hõrõ mahãdu-ò, hãwyy, hãbu-wana, ibutumy Jesuisi Kristu ityhydÿÿdu mahãdu-ò. Tii iny Iòlòrenymy heka ratximyhÿre. ³ Ruxetòena, ywina-wana adeeren kanakemyidi watzireri, Deuxu iny tyby-ribi, Jesuisi Kristu iny Iòlò-ribi.

⁴ Deuxumy reàlàmy watxiwãhãre, Jesuisi Kristu adeereny ruxetòena diwahinydeki. ⁵ Ibutumy dori iribi tòerymy ahãte arybena-di, erysydÿÿna-di. ⁶ Kristu dee rybena akireny roimyhÿre. ⁷ Iribi awahidÿÿna rauhenyòreri, kaiboho dori Kristu deòsidÿÿnamy teraòmahãte. ⁸ Jesuisi arawiòhenanyhy rareke bededÿÿnana konana-ò, tatxuu òbitimy ixiko-ò, rexilamadÿÿnykemy. ⁹ Deuxu òbitihyira. Tii aratobinyra Tariòre Jesuisi Kristu-wana rarekemy, iny Iòlòrenymy.

¹⁰ Jiarÿ adeereny rexitòenyneri Jesuisi Kristunimy iny Iòlòrenynimy wiwese wimy wimy bityhynymy marybebenykemy. Wade awiòre wiribi hitxi hitxidÿÿ. Wii bitotynytyhymy boibekemy adireny watxiwãhãre, araykyreny-ki, aerysynareny-ki. ¹¹ Kaiboho waseriòre mahãdu, wimy taujòmotenyteri. Lòe hetowoludu mahãdu kia wako relyyra. ¹² Inyò wadee rarybemyhÿre. Ijõ mahãdu heka Paulo rityhynymyhÿre ihõrõ mahãdu wahe, ijõ heka Apòlo rityhynymyhÿre ijõ tasÿ Pedro rityhynymyhÿre, ijõ tahe Kristu rityhynymyhÿre. ¹³ Aõherewe, Kristu be iny rihitxihitxinymyhÿre. Paulo be itxeò nihikÿ tyre-ki rurure adeereny. Pauloni-di be rasebere. ¹⁴ Inyò he ròratisebenyòre. Krispu, Kaiowanale tahe resebenyre. Tai tahe wabedesamy watzireri. ¹⁵ Kiamy ta heka inyò rarybeke lau reijònymahãre: —Jiarÿ Pauloni-di rexisebenyre. ¹⁶ Tefana hetowoludu mahãdu adiratisebenyde. Inyò reratisebenyeki wanohòti reaõhyre. ¹⁷ Kristu dori aõsebedÿÿmy aõkõ diwateònyde Rybewihikÿmy rybemy. Bede erydÿÿna nihikÿmy rybemy aõkõ diwateònyde, Jesuisi itxeò-ki lamana ariwòkemy aõkõ, kia inydeereny rurureki wahe.

¹⁸ Kristu itxeò rubumy ijyy heka ityhydÿÿdukõdu dee itxÿtena rare. Biu-ò hedu mahãdu dee tahe, Deuxu ruru kia rare. ¹⁹ Kiamy tahe iritidÿÿna roire: ierysydu mahãdu erysyna-di ariixãwidÿÿnyke. Bede erydu rayky-di adiijònykre. ²⁰ Titxibo tahe bede erydu rare. Tyyritimy erydu heka titxibo rare. Titxibo tahe wiji dÿÿraxidu rare. Kabede ludu bede erysyna heka Deuxu-ò itxÿtedÿÿna rare. ²¹ Bede bede ludu mahãdu ròhòtinyre bederytyhymy. Tai tahe Deuxu iximy rierynanyòhyre. Kia tahe Deuxudeewire. Iny rybewihikÿmy rybe heka iny witxira-ò itxÿtere. Kia-di tahe Deuxu iny ritareri iny rityhynyreki. ²² Judeu mahãdu aõwiwi rÿikemy aõbo raremy ratzireri. Judeukõdu mahãdu bede erysydÿÿna-di rarekemy riijemyhÿre. ²³ Kristu itxeò-ki lamanamy iny rarybemyhÿrenyre. Kia tahe Judeu mahãdu riojinyre, judeukõdu mahãdu dee itxÿtena kia rare. ²⁴ Tahe Deuxu rariròwysyna judeu tule judeukõ mahãdu-ò heka Kristu erydÿÿna tule rurure

ihedÿÿnarenymy. ²⁵ Deuxu itxÿtedÿÿnamy rybe hãbu bedeery ratyre rare. Deuxu iruruòkeki, tii hãbu ruru ratyre iruru rare.

²⁶ Waseriòre mahãdu arariròwysyna-di mohòtinybenybeke. Betehemy iny erysyna mahãdu-ribi sòweòre, Deuxu rariròwysyna mahãdu. Dinodu mahãdu sòweòre, iny Iòlòtyhy mahãdu-ribi sòweòre. ²⁷⁻²⁸ Deuxu heka aõna aõna itxÿtena ritare bedeeryhykÿ mahãdu riixÿrudÿÿnykremy. Aõna aõna ruruò Deuxu ritare aõna aõna ruru-di riixÿrudÿÿnykremy aõna aõna derare, aõ aõkò rare Deuxu ritare aõ-di aõ aõkò-ò riyjanykre. ²⁹ Tai dorihe inyò rexityhynkòkemy Deuxuko-txi. ³⁰ Kaiboho dori Jesuisi Kristu hõrò toite. Tii heka inydee ibutumy rare: erysynamy òbitinamy, tamanamy, tarasanamy rare biu-ò hena wahe. Deuxu kia ibutumy diwahinyde inydeereny. ³¹ Kia dori ritina rybe-ki roire: —Inyò rexiwowydynykeki, Deuxu-ki rexiwowydynyke.

2

¹ Waseriòreboho aõ hãbu bede erynihikÿ wese aõkò adeereny anade. Deuxu rybetyhydÿÿnanamy ararybekremy. Rybenihikÿmy heka rarybeòre. ² Tii sohojile reeryre akireny rarewãhãu, Kristu itxeò-ki lamanale wahe. ³ Akireny rarewãhãu waruruòmy rarewãhã, ixÿru brebu tahe riwamytatadÿÿnyre. ⁴ Wabedeerydÿÿna erytyhy rybesirahakÿ-di aõkò rarybereri iny rityhynkemy. Urile tahe Deuxu Tyytyby ruru-di rarybewãhãre. ⁵ Hãbu erytyhydÿÿna aõkò bityhynkemy adi wãhãre Deuxu ruruna tahe atyhynarenymy heka idi toite.

⁶ Ityhydÿÿdu umy-ò bede erydÿÿna-di rarybemahãre. Kabede aõmydÿÿnana bede ery aõkò rare. ⁷ Kia tahe Deuxu erydÿÿna tyhyre. Kia heka hãbu mahãdu lau riwòmyhÿre. Juhu inydeereny riywinyre. ⁸ Kia bede erydÿÿna inyò wiji Iòlòtyhy mahãdu rieryòre. Kia rierymyhÿkeki, Wanyrÿ wowydyna-ribi itxeò-ki ritamadÿÿnyòhyre inihe. ⁹ Iwese Ritidÿÿna roireri wese rare: —Rue lobixiòhyymyhÿre, nohòti heka roholaòhyymyhÿre, inywo rierýòhyymyhÿre, aõbo Deuxu riwinyre taluuna mahãdu dee, tamy riwahinykremy. ¹⁰ Deuxu Tyytybytyhymy kia inyboho riteòwarixinyreny. Ityytyby ibutumy rieryre. Deuxu raykywo-ribi aõ ritÿnynymyhÿre. ¹¹ Inyle heka iny ixirayky rierykre, kawese tule Deuxu tyytybydile aõna aõna rierykre. ¹² Bede aõmydÿÿnana aõkò inydeereny wahisidÿÿdu rare. Deuxu Tyytyby tahe inydeereny wahisidÿÿdure. ¹³ Kiadile Deuxu wahisidÿÿna iny reeryreny. Kia iny reerydÿÿnanamahãreny hãbu bede erydÿÿna-di aõkò, Deuxu Tyytyby rybe-di tahe reerydÿÿnanywãhãre. Kia iny retÿnynymahãre iny Deuxu Tyytybytyhy-di mahãdu-ò. ¹⁴ Iny Deuxu Tyytybytyhy-di rÿiòra mahãdu dee Deuxu Tyytybytyhy aõmydÿÿna dera. Tamy itxÿte rare. Rierykòre. Deuxu Tyytybytyhydile iny rierymyhÿre. ¹⁵ Iny heka Deuxu Tyytybytydikiki ibutumy rierymyhÿre. Inyò tahe tuu aõmy tuu irybeõna. ¹⁶ Ryberiti-ki roire: —Mobo tahe rieryre Wanyrÿ rayky, mobo tamy aõ ritÿnynykre inyò aõbo? Inyboho Kristu rayky ijòdire, iwesele raraykynymyhÿre.

3

¹ Waseriòreboho adeereny rarybeòhyre hãbu Deuxu Tyytybytyhy-di rÿira wesemy. Hãbu òrarudu wesemy rÿirawesemy adeereny ararybeke. Uladu wesemy Kristutyhydÿÿki rÿira wesemy adeereny rary-

bere. ² Huỹsy-di òedỹỹ araerynadỹỹnyrenyreu rỹsỹnatere wesemy aõkõ erydỹỹnasiramy aõkõ rybe. Kia rỹsỹna rỹsỹmy texiywinyõtenynte. Wiji tule texihumy aõkõ toitenynte. ³ Órarudu wesemy dori ahãtenynte. Ihãrumy, ijãmy atximyhỹtenynte. Tai tahe órarudu mahãdu wesemy ahãte ityhydỹỹdukõdu mahãdu wesemy ahãtenynte. ⁴ Inyõ rarybekeki: —Jiarỹ Apõlo erydỹỹnay-ki rare. Tiiboho ityhydỹỹdukõdu mahãdu wesemy ihỹreny. ⁵ Aõbohe Apõlo, aõbohe Paulo. Deuxu deõdu heka inyboho roire. Inyribireny tetyhynmy teerymahãtenynte. Iwese Deuxu iny sohoji sohoji-ò aõmydỹỹna riwahinyre wese, tai tetyhynyntyente. ⁶ Ta jiarỹle rybemy rarybere iny aõty ribòrònomyhỹre wese, Apõlo rybe ritỹnynyre iny alòbòrõna ribenymyhỹre wese rituunyre. Deuxule tahe idimyhỹre iwese alòbòrõna riumydỹỹnymyhỹre wese. ⁷ Tai tahe tòbòròdỹỹdu aõ aõkõ rare; ituudỹỹdu tule aõ aõkõ rare. Deuxule aõwedu wedu heka rare. Tiile ityhydỹỹdu widỹỹdu nihikỹ rarekre. ⁸ Tòbròdỹỹdu ituudỹỹdu-wana sohoji wesemy ihỹreny. Sohoji sohoji tauri wahisidỹỹ ritakremy, iwese sohoji sohoji raaõmysỹdỹỹmyhỹre wese. Wiwana dori Deuxu dee iny raaõmysỹdỹỹmyhỹre. ⁹ Inyboho heka Deuxu wiòhedỹỹdu mahãdu roire. Kaiboho tahe Deuxu oworu wese toite. Iwese tahe Deuxu heto wese kaiboho toite.

¹⁰ Heto widỹỹdu deyrewa wese reteleny. Ibutumy Deuxu ruxetõenamy kia rewinyre. Juhumana retidire idi tahe itira ityre reòdõnyra. Ywimy biwinybenykre. Awimy bitamadỹỹnykemy. ¹¹ Jesuisi Kristu juhumana wese heka rare, inyõ tiile tarasadu wahe ijõ manaõ teròwomy ritidiõtyhy. ¹² Ibutumy juhumanatyre-ki relereri. Ijõ womati tỹrỹrỹhỹkỹ, ijõ prata-di ijõ manatỹny-di, ijõ òwòru-di, ijõ òteti-di, ijõ horeru-di. ¹³ Kia txuu Kristu txu wahe riteòsinykre aõdibo sohoji sohoji raaõmysỹdỹỹmyhỹre heòty dori riurihixinanykre. Aõhebo iny rotỹỹnymyhỹreki. ¹⁴ Juhumanatyre-ki iny aõmydỹỹna rỹikeki, tii uri iwahisidỹỹnana ritakre. ¹⁵ Iny aõmydỹỹna rasõkeki tii ròðnodỹỹkre. Ihãre tahe tarasana ritakre heòtyroobymy wahe.

¹⁶ Kaiboho Deuxu heto wesemy toitemahã. Teeryõte aõbo. Deuxu Tyytybytyhy heka aworeny-ki rasỹnymyhỹre. ¹⁷ Inyõ Deuxu heto wesemy rahukeki, Deuxu tii rihukre, Deuxuheto dori rare. Kia tahe kaiboho toite Deuxu heto lytytyhy rare, ihòròtyhy wahe.

¹⁸ Ixi itxenadỹỹõmy, inyõ bedeerymy xixi-di ròhõtinkyeki, raitxỹteke tai tahe bedeery inatyhy-ki rareke. ¹⁹ Kabede bede eryna tahe Deuxu dee itxỹtena rare. Kia Ritidỹỹna-ki tahe roire: —Bede erynadu tyhy tabedeerydỹỹna-ki Deuxu-ò ròðnodỹỹre. ²⁰ Ijõ Ritidỹỹna-ki roire: —Wanyrỹ, bede erydu rayky rieryre. Kia raykywi aõ aõkõ rare, rybetyhy aõkõ. ²¹ Iny aõmydỹỹnana-di ixiwowydydỹỹõmy, ibutu dori ahòrõ rare. ²² Paulo, Apõlo, Pedro, bede, umy, rubu, aõmydỹỹna wijina, aõmydỹỹna bede kanakre, ibutumy ahòrõ rare. ²³ Kaiboho Kristu hõrõ toite. Kristu Deuxu hõrõ rare.

4

¹ Inyboho Deuxu deõdu roire, ibutumy idi mohõtinybenyke tii inkireny ihỹre. Inyboho dori Deuxu aõmydỹỹnana erykõdu tỹnydỹỹdu roire. ² Deuxu tỹnydỹỹdu òbitihyky rarekemy. ³ Wadi ròhõtinkyeki awimy aõbo ibinamy aõbo kia tahe wadee aõ aõkõ rare. Aõbo dohodỹỹ tỹnydỹỹdu mahãdu wadi rohõtinyke kia wadee aõkõhykre. Jiarỹ tahe xixi-di dehummy

rahõtinyõhymahãre. ⁴ Jiarÿ reeryõre inyõ aõbinamy wadee rexiwonyke warayky wadee õbiti rare. Tahe ihãrele õbitimy iko-ki rare. Wanyrÿ tahe wadi timy rõhõtinyke. ⁵ Kia tahe wiji idi timy nohõtĩõmy. Jesuisi nonanako-ki. Tii tahe kanakreu, ibutumy wasimy aõ rÿira ritÿnynykre, ibutumy iny raykymy rÿira ritÿnynykre. Kia txule ibutumy iny tabedeõby ritakre Deuxu-ribi.

⁶ Kia aõna aõna wawese riwawesenanyreri. Apòlo wese tule rewesenanyreri. Kaiboho dori bierybenykemy kia: ierysydÿÿrenyõmy aõbo iritidÿÿnawo-ki ihoõre. Kia wese keki, ijõ tÿnydÿÿdu ijõ ratyre ryiõtyhy. ⁷ Mobo iny wiribi iwitxiramy ihÿre. Aõbohe akire Deuxule aõwiwi adee riõre. Ibutumy iribi tetateki tahe aõherekibo axiwedere. ⁸ Kaiboho ibutumy aõ ijõdire. Tatyhytenyte, iòlò wesemy taditehemynyte iny arawiõhenanyrenyõre. Wadee awire kaiboho iòlõmy ahãtenyte. Tai jiarÿboho awana ariòlõnykre. ⁹ Kiamyre õsana. Deuxu dee heka inyboho deòdÿÿna mahãdu rurukrerke mahãdu roire ibutuko-txi, ÿjuko-txi, hãbukõ-txi. ¹⁰ Kristu òraru-ki itxÿtewesemy jiarÿboho roire. Kaiboho Kristu erydure riki. Jiarÿboho warurukõrenyre. Kaiboho orarudirenyre jiarÿboho inyõ waluurennyõre. Kaiboho tahe ibutu luuna toite. ¹¹ Ihãre tahe wiji ramamy, bemomomy, tykyõmy rekoamyhÿre. Tule sÿywisidÿÿna rÿiõre. Tule jiarÿboho wahãwã õbiti ihokõre. ¹² Ihãre inyboho naaõmysÿdÿÿmyhÿde iny debò-di irukemy. Inyõ inydeereny aõbinamy rarybekeki, awilemy inyboho rirawyònymyhyre. Inyõ aõsirahakÿle inydee riwinykeki, aõmy rybeõmyke. ¹³ Rybebinamy inyboho dee reakeki, ihãrele Deuxumy tamy rarybemyhÿre. Rÿnysityby wese inydireny tiiboho retehemyhÿre, iijese ijese wesemy.

¹⁴ Kia ròritidÿÿreri aixÿrudÿÿrenymy aõkõ, tahe wiõhedÿÿdumy retirÿreri binadÿÿna lau, iwese inytybyõ tariõre rierynanyre wese. ¹⁵ Tahe sõwemy Kristu-ki bede erydÿÿdu rÿire. Sõwemy aõkõ bobohomy rÿirenyre. Kristumy heka jiarÿ sohojile borenymy rare. Rybewihikÿ erysyna-di dori borenymy rãire. ¹⁶ Kia dori kaiboho wawesemy boibekemy adireny watxireri. ¹⁷ Tai Tximõtxi reteõnyre adeereny. Tii wariõre luu wesemy ratxire. Tii õbiti rare Wanyrÿ-õ. Tai watxi õhõtirenre reake iwese Jesuisi Kristury wese rariamyhÿreki, tule iwese reerynanyre wese ibutu dohodÿÿna hetowo-ki. ¹⁸ Inyõ ixiwowydymy ixidi rõhõtinyinmyhÿ iwese arura-ò araõreki. ¹⁹ Wanyrÿdeewikeki arakre wylemy arorarenny-ò. Tai arierykre ixiwowydymy nohõtidu irybe sohojile aõkõ arierykre, aõhebo rotÿÿnyre tule arierykre. ²⁰ Deuxu òlõna heka rybe sohojile aõkõ rare, rurutyhy heka rare. ²¹ Aõbo tahe awityhyre òhõte-di adehemyny aõbo, ada luuna-di ywina-di adehemyny aõbo?

5

¹ Dohodÿÿna mahãduy-ki òrartyhy-di riki toite kia tahe rare: hãbuõ heka tybyhãwyytyby-wana roire. Kia òraru tahe ityhydÿÿdukõdu mahãdu riòludunyõhymyhyre. ² Kia hyyle ixi-di aõ aõkõ tõhõtinyinmyhÿte. Aõherekibo bede teòtiinyõtenyte tahinyõmy idi textiõenyõhytenyte. Hãbu kia riwinyre, ityhydÿÿdu mahãduy-ribi biòlòdÿÿnyke. ³ Jiarÿ akyneny-ki watxiõrerihãre, tahe warybetytyby awanarenny ratxireri, iwese jiarÿ awana ratximyhÿre wesele. Tahe wadohodÿÿna ariwahinykre kahãbumy ibinamy riwinyremy. Tahe ityhydÿÿdu ributunyeu, ⁴ warybetytyby akireny rÿireu, Jesuisi Kristu ruru akireny rÿireu, kahãbu Satanasi-ò

biwahinybenyke. ⁵ Tai kahãbu umy Satanasi-ò biwahinybenyke ityutyby tahe rahenykre Wanyrÿ Jesuisi kia nonanatxu-u. ⁶ Arybe iximy wydy awi aõkõ rare. Taholaõtenyete aõbo kia rybe-ò; iuri ibutere paõ widÿÿna sõwemy rauridÿÿra uridÿÿna heka òraru wese heka rare. ⁷ Idi behubenyke iuri hitxina-di, tahe paõ iuriõmy rÿirekre wese boibekemy òbitimy, Kristu tule buddeni xiwedÿÿna wesemy inydeereny rurure, iny Pascoareny worana bedehesi dorihe rarÿÿnymy rare. ⁸ Tai tahe ixena roxina rikiwinyrenyke. Paõ iuri-di ryiõmy rakatximyhÿreny. Kia uri paõ òraruihetxina wese rare. Paõ tÿmyra, òbitire, inatyhyre, tii rikiyrenyke. Kia tahe rare òbiti widÿÿna wahe.

⁹ Adeereny watyriti rewahinyre òrarudu mahãdu roo-ki risiõmy, òtadu mahãdu-wana boiõkemy. ¹⁰ Ibutumy òrarudu mahãdu-ò aõkõ adeereny rarybere. Iny ibina mahãdu, wasidu mahãdu, Deuxutyhy luukõdu mahãdu. Kia-wana noõrenykeki, bede-ribi ihyye bexihitxinyke. ¹¹ Wiji watyriti kia wese rewahinyre. Ityhydÿÿduy-txi ròtedu òrarudu rarehyyekeki, kia roo-ki risiõmy tule iny ibina mahãdu, Deuxutyhy luukõdu, ujõmomy rybedu, wasidu, axaxa momodu, kia mahãdu-wana tahe byreõmy. ¹² Ityhydÿÿdukõdu mahãdu ywisidÿÿdu aõkõ jiarÿ rare. ¹³ Deuxu dohodÿÿdukõdu mahãdu hitxidÿÿdu rarekre. Deuxu Ryberiti-ki roire: —Òrarudu ay-ribi biòlòdÿÿnyke.

6

¹ Iny ityhydÿÿduõ widee raurenanykeki, aõbohe awire? Erysydu-ò rikidy aõbo ada ityhydÿÿdu mahãdu-ò rybeke aõbo? Uritere ityhydÿÿduõle marybekre. ² Ityhydÿÿdu mahãdu bede bede mahãdu ierysydÿÿkre. Kia teerytenyõta aõbo. Ityhydÿÿdu mahãdu bede bede mahãdu ierysydÿÿkeki, aõna aõna iyja tahe teeryõtenyete timy rasÿdÿÿnykemy. ³ Tahe inyboho ÿju aõmydÿÿnana rikieryrenykre. Kiakeki iratyre kabede aõmydÿÿnana rakieryrenyhyye. ⁴ Erysydÿÿnana ijõdikeki, aõherekibo erysydu ityhydÿÿdukõdu-ò radymyhÿre. Ityhydÿÿdule aõtxi awire. ⁵ Kia heka adeereny ixÿruna rare. Hãbu erysydu ityhydÿÿdu mahãduy-ki ratxiõre aõbo ierysydÿÿ-ki. ⁶ Erysydu ijõdihãre ta ityhydÿÿdu seriõre wii ridyke aõbo ityhydÿÿdukõdu erysydu-ò, kia awiõre. ⁷ Ityhydÿÿdu wii ridykeki, kia tahe iaõ bede eryõmy rare. Inyõ adeereny aõmy rotÿÿnykeki, urile tahe aõhõkÿmy rotÿÿnykre. Kia heka Inynyrÿ-ò òbitire. ⁸ Kaiboho ityhydÿÿdu hãre aõhõkÿmy wii tesÿnymahãtenyete. ⁹ Òrarudu mahãduõ-ò, Deuxu Iòlõna uri riwahiõtyhy. Kia teeryõtenyete, iny ywimynoduõ, Deuxutyhy luukõdu, wiriõrese-ò òtadu, hãbu hãwyw wese rexiwahinymyhÿre ijõ hãbu-ò. ¹⁰ wasidu, ixidee imynomy nohõtudu, axaxamomodu, jei jeimy rybedu, inywitxira aõmydÿÿnana wydydu, kia-ò Deuxu Iòlõna uri rawahiõtyhy. ¹¹ Kaiboho heka juhu kia wese toite. Wiji tahe iny Iòlõ Jesuisi Kristu, anasuhode, anaixãwidinyde anatade Deuxu Tyytybytyhy-di.

¹² Ibutumy ariwinyke ixidee wikeki ibutumy aõmydÿÿnana tahe iwidÿÿ awiõre. Ibutumy arotÿÿnyke ixidee wikeki, aõ aõkõ tahe waumy-di rarekemy raremyhÿ. ¹³ Rÿsÿnaheka weryri-ò ralõmyhÿ kia-ò heka ihÿmyhÿre. Kia heka Deuxu wiwanale rahukre ikonana-ò. Umy heka òraru-ò sohojile aõkõ rÿire. Deuxu umydikemy dorihe riwinyre. ¹⁴ Deuxu Inynyrÿ riixixanyre rubu-ribi. Tule iny kidiixixanykre taruru-di. ¹⁵ Iny umy heka Kristu rareasa rare. Kia aõbo teerytenyõte? Kabe Kristu rareasa aderana-wana rabutukre, aõkõrehe. ¹⁶ Inyõ hãbu aderana-wana

roikeyi, sohoji umyhyyle wiwana roireke. Kia teertyenyôte aõbo? Kia Tyyriti Iritina-ki roimyhÿre, hãbu hãwyy-wana sohoji umyhyyle wiwana roireke. ¹⁷ Moo Wanyrÿ-wana ributunykeki, sohoji Deuxu Tyytybyle rareke. ¹⁸ Òraru-ribi teòrehemý atximyhÿbenyke Ijõ òraru inyõ riwinykeki umywo-ribi nodu aõkõ rare. Òta òta òraru tahe inyõ riwinykeki, kia ixiumy òludu òraru-di reake. ¹⁹ Aumy Deuxu Tyytybytyhysÿ rare. Kia aõbo teertyôte? Deuxu rexiwahinyre awo-ki rasÿnyhyymy rarekremy. ²⁰ Kaiboho aumy wedu aõkõ atxitenyteri. Jesuisi Kristu adee rurureki. Tii òwynihikÿ-di anadyde, Kia tahe aumyreny-ki Deuxu-ò beàlàbenyke, òbitimý bexisÿnyke aumyreny-di.

7

¹ Atyyriti dÿÿraxi rerawyònyreri. Kia rare: hãbu hãwyy-ò aderexiòhyykeki, kia heka awire. ² Hãbu tahãwyydihyyle rareke, tule hãwyy tahãbudihyyle rareke òta òta òraru dori sòwerek. ³ Hãbu tahãwyy-ò umy wahisidÿÿna tamý riwahinyke. Hãwyy tahãbu-ò umy wahisidÿÿna riwahinyke. ⁴ Hãwyy taumywedu aõkõ rare, ihãbu iwedure. Tule hãbu taumywedu aõkõ rare. Ihãwyy iwedure. ⁵ Wiòmýsadÿÿõmy. Urile rexitòenykemy aòutxu-ò wii riòmýsanykre. Urile ixideewimý wiwana ratxike. Idi wiwana roikre Satanasi riixiranyheny bededÿÿnana riijereki. ⁶ Kia warybe bede ywina aõkõ rare. Urile wadohodÿÿna rare. Adee awikeki, tuu bityhynybenykemy. ⁷ Ibutumy hãbu wawese rÿirakeki, awire. Iny sohoji sohoji tahe, Deuxu bede ywisidÿÿna tamý riwahinyra ijõ wiribi lahitxi ihÿre.

⁸ Ixihy mahãdu-ò wytese mahãdu-ò wadohodÿÿna rewahinyre: wawese hyy rÿirakeki, awire. ⁹ Ixiwedukokeyi, tahe boikre, tii arasahyy mabekelau. ¹⁰⁻¹¹ Hãbu hãwyy my heridu-ò warybe rewahinyra, tahe warybe aõkõ rare, Wanyrÿ rybe. Kia rare: Hãwyy uritere tahãbu ririòhyyke. Hãwyyõ tahãbu-ribi rexihitxinykeki, ijõ-wana roiòke ada tahãbuwanale ixiby roikeyi. Tule hãbu uritere tahãwyy risiõmy. ¹² Ijõ-ò warybe rewahinyra Wanyrÿ rybemy aõkõ: Ityhydÿÿdu seriòre ihãwyy ityhydÿÿdukòdukeyi, uritere iatysyõmy hãwyy tii-wana rarekemy ratximyhÿreki. ¹³ Hãwyy ityhydÿÿdu ihãbu ityhydÿÿdukòdukeyi, tule uritere iatysyõmy tahãwyy-wana rarekemy ratximyhÿreki. ¹⁴ Hãwyy dori ta hãbu ityhydÿÿdukòdu riòbitinymyhÿre rityhydÿÿnymyhÿ tii-wana ratximyhÿreki. Hãwyy ityhydÿÿdukòdu iwesele ta hãbu risÿnyre. Aõkòkeki ariòre ityhydÿÿdukòdumy raremyhÿ. Ka tahe rityhynyreki. ¹⁵ Ityhydÿÿdukòdu resekeki ixinamy rake. Kia wesekeki, ityhydÿÿdu ritaamy aõkõ ihÿre. Kaiboho ywina-di boibekemy Deuxu ratximyhÿre. ¹⁶ Hãwyy, teertye ta hãbu rityhynykre aõbo, ada aõkõre aõbo? Aõkõ, teertyôte.

¹⁷ Iwese Deuxu iny sohoji sohoji rihitxihitxinyre wese, boibemahãke. Iwese atximahãtenyete wese Deuxu anatadenydeu kia wese boibek. Kiamy heka reerynanyamahãre ibutumy dohodÿÿna-ki. ¹⁸ Inyõ notyky resyna-di bityhynykeki, kaweselemy mabeke. Inyõ õtyky resyna-di aõkõ bityhynykeki, juhuu tatemahã wese mabeke, notyky resydÿÿõmy. ¹⁹ Notykyresy aõ aõkõ rare, ityky resykò tule aõ aõkõ rare. Deuxu bede ywina ywidÿÿna, kia heka aõ wihikÿ rare. ²⁰⁻²¹ Iwese Deuxu ibutumy iny ditade wese, juhu widÿÿnalemy mabeke. Deòdumy aõbo tetyhynyte, tahe tuhyymy mabeke. Awedudeewimý bexihukeki tahe, idi make

araakorore-ribi bohonykeki, tahe make. ²²⁻²³ Deòduò-ò Deuxu ritakemy rarybekeki, tahe rityhynykeki, tii raòkòrò-ribi rohonyra Deuxu rue-ò òkresyò mahàdu rityhynyrenykeki, tiiboho deòdu roire. Deuxu aradyra òwyyhykÿ-di tai tahe hàbu deòdumy aòkò boibeke. ²⁴ Ityhydÿÿdu seriòre, iwese atximahàte wese adee tarasanamy Deuxu rarybereu, kia wesele boibeke.

²⁵ Ijadòma-ò bede ywinamy Wanyrÿ Deuxu tarybe diwahinyòde. Ihàrele wadohodÿÿna adee ariwahinykre kialemy. Deuxu dori tatòdenamy riwaòbitinyre. ²⁶ Aòhebo kowa rotÿÿnyre, awi aòkò rare. Kia tahe aratohonykre: Iwese iny ratximyhÿre wesehyy, boibeke. Tii tahe wadee awire. ²⁷ Kai aòbo hãwyymy heridu tate. Tahe ixihitxidÿÿmy nohòtiòmy. Kai aòbo hãwyymy heridu aòkò tate. Tahe hãwyymy herimy nohòtiòmy. ²⁸ Tahe hãwyy-wana boikeki. Tii òraruna aòkò rare. Tule ijadòma roikeki tule òraruna aòkò rare. Ibutu iny heridu iaòmydÿÿ-ki aòhòkÿmy rotÿÿnyrenyke. Ilau jiarÿ adeereny rarybere inyò aòhòkÿmy rotÿÿnyheny. ²⁹ Bededÿÿnana he iòhòre. Tai tahe adee rarybere waseriòreboho, inyò heridu ixihyno wese ratxikemy. ³⁰ Iny bedewomy ratxirerí, ixibedewodÿÿ-ribi tòhòti rosake. Iny deysamy ratxirerí, deysa-ribi nohòti rosake. Inyò aò riwymyhÿré, ihokò wese rotÿÿnyke. ³¹ Kabede aòna aòna kai bierysynanykeki iwese ierysydÿÿòmy bisÿnyke. Kia aòna aòna ibutumy ituekre. Bededÿÿnanahe aòwesele rexihukre. ³² Ixiraòmy ahàbenyke, kiamy tahe adee watxiwãhãre. Inyò heridu aòkò Deuxu aòmydÿÿna riywinymyhÿke, iwese Deuxudeewimy ratximyhÿkemy. ³³ Iny heridu heka bede aòmydÿÿna riywinymyhÿre, iwese tahãwyydeewimy ratximyhÿkemy. ³⁴ Kiamy rihitxinyre. Hãwyy tule heridu aòkò Deuxu aòmydÿÿna riywinymyhÿre taumy Deuxu Tyytybytyhy òbitidÿÿmy. Hãwyy heridu tahe bede aòmydÿÿna-di ròhòtinymyhÿre tahãbudeewimy riywinykemy. ³⁵ Kia aratohodÿÿnyra adeerenywikremy. Kaiboho arataaòtyhy. Urile anawiòhenanymahàde Deuxu iòhòmyhÿreki. Iòkòramy ibutumy arahenyrenykeny watxiwãhãre.

³⁶ Ijadòma tibiedÿÿdu tatibiena-ò òbitimy aòkò risÿnymy rexinohòtinymyhÿre. Ijadòma tahãbumy herina bede-ò rehemynyre. Tahe tatibiedÿÿna-di inyò-wana roikemy idi ihÿre, ixinamy roike. Kia òraruna aòkò rare. ³⁷ Weryrybò heriòkemy raruronykeki, tii tahe awire. Tii dori irurudire iheridÿÿnyke heny. Tii ixiumy wedu rare. ³⁸ Tahe riheridÿÿnykeki, tii awire. Tule riheridÿÿnyòkeki, iratyretyhy awire.

³⁹ Hãwyy hàbu-wana rÿihyyke hàbu irumy. Rurukeu tahe hãwyy aòtxile roike. Urile Wanyrÿ Deuxudeewimy. ⁴⁰ Tahe wytesetyhymy ratxi-hyykeki, teysamy rÿikre. Tuheka jiarÿ rahòtynyeri. Deuxu Tyytybytyhy wawo-ki ratxirerimy idi rahòtynyeri.

8

¹ Katahe adeereny ararybekre: Suritxoo-ò rÿsÿna xiwedÿÿnamy. Iny-boho ibutumy bedeery roire. Bede ery iny aònityhymy rixinohòtynyre. Luuna tahe inywiòhedÿÿdure. ² Inyò aòerysydumy rexinohòtynykeki tii aòwihikÿ rieryòre. ³ Inyò tahe Deuxu luukeki, Deuxu tii rierymyhÿre. ⁴ Kaa rÿsÿna suritxoo-ò xiwemy rawahimyhÿre. Kia tahe aritÿnynykre. Inyboho rieryrenyre suritxoo aò aòkò rare. Sohojihyy heka Deuxu rare. ⁵ Iny deuxu aò òta òtalemy rininimyhÿre biu-ki, bede-ki. Iwese deuxu sòwemy ihÿre wese wedu sòwe rare. ⁶ Inydeereny Deuxu sohojile rare.

Inytybyreny. Tii ibutu aõna aõna riwinyre. Tamy inyboho roire. Tule inydeereny Wanyrÿ sohojile rare, Jesuisi Kristu. Tii ibutu widÿÿdure. Tii ratximyhÿre xiery inyboho ratximyhÿreny. Tamy inyboho roire.

⁷ Tahe ibutumy kia iny rieryõre. Iny sõwemy suritxoo iny reõwarimy rÿira. Tii riki ixiwenadumy riroxikeki, tai òraruna tuu relemyhÿre. ⁸ Rÿsÿna aõkõ riwatyhenyrenyra Deuxu-ò. Tai roxiheny rÿire. Rikirÿsÿrenyõkeki, rikiõnonyrenyõtyhy. Rikirÿsÿrenykeki, aõ rikitarenyõtyhy. ⁹⁻¹⁰ Bexiebenyke. Urile ityhydÿÿdu aokõdu ixihe-ki iatysyõmy, aurihixinahe-ki. Suritxoo hetowo-ki inyõ umy robikeki teroxiterimy, tii tule ijõ rÿsÿmy rexiwonyre, xiwe rÿsÿmy. ¹¹ Tai tahe aõraru-ki aseriõre atyhyna-ki òraruna-txi resekre. Tamy Kristu tarasamy rurure. ¹² Kiamy ityhydÿÿdu seriõre-ò taõrarunyteki, tule Kristu-ò textiõrarunyte. ¹³ Tai rÿsÿna òraru-ki ityhydÿÿ-ki waseriõre òraruna-txi resekeki, jiarÿ kia rÿsÿna ariroxiõtyhy, waseriõre òraru-ki.

9

¹ Jiarÿ adeereny rexihyummy watxiwãhãre. Jesuisi teodÿÿnamy jiarÿ watxiwãhãre. Jesusimy, Inynyrÿrenymy rabiõremy tahõtinyinmahãtenyte aõkõ, Jesusimy rabire. Waõraru-ki kaibohe ityhydÿÿdumy toite. Deuxu dee waõmysÿdÿÿ òraru-ki ayreny-ki. ² Inywitxiraõ-ò òsana Deuxu deodÿÿnakõmy watxiwãhãre. Adeereny tahe inatyhymy Deuxu teodÿÿnamy wãhãre kaibohe dori wateodÿÿna urihixinamy ahãtenyte Deuxu dee.

³ Kia tahe warawyodÿÿna rare iny witxiraõ-ò: ⁴⁻⁵ Jiarÿ ariroxi-ikeki, ariõkeki, tai aõkõhe awilere. Ityhydÿÿdu hãwyyõ-wana, wawana aridykekõ aõbo awileke. Kawese ibutumy Deuxu teodÿÿna mahãdu rotÿÿmyhÿre, tule Jesuisi seriõre, tule Pedro. ⁶ Jiarÿ, Banabewanahyyle raaõmysÿdÿÿwãhãre iny aõreny tarasanamy. Kia rikirirenykeki, awikeki, aõbo. ⁷ Inyõ aõbina-ò rakeki, ta aõ aõbo riõwynyke? Aõkõre. Inyõ oworumy uva bederaty ribrõnyke-wana, bederatyõ aõbo ritõleke. Inatyhymy inyõ teõte asi-ò riyrubunymyhykeki, ihowÿsymy aõbo riõmyhÿke? Kohe, riõmyhÿke. ⁸ Kabexe hãbu wese aõbo jiarÿ rarybereri? Tule tahe bede ywina tyyriti aõbo riritinymy rÿimyhÿre. ⁹ Moisesi bede ywina ritidÿÿna-ki rÿimyhÿre: —Broreniry itaaõmyhÿ maixõmo tyre rariamy risymyhÿreu. Deuxu aõbo broreni riwotõenymyhÿre. Aõkõre. ¹⁰ Tahe waõrareny-ki aõbo kia rarybere. Kohe. Inyõ ròbrõmyhÿreu, iyremy ritakemy rõhõtinyinmyhÿre. Tule inyõ riòrõmyhÿreu, ijõõ ix-idee ritakemy rõhõtinyinmyhÿre. ¹¹ Deuxu Tyytybytyhy aõmydÿÿnanamy adeereny anaerynanykeki, idi aõna aõna aribireny aritaleke, aõbo? Kia aõnityhyre aõbo? ¹² Iny witxira aõ aribi ritake-wana, jiarÿboho iratyre iu arõtarenkemy arotÿÿnyrenyke. Tahe tiu ròtaõhyre. Deuxu Rybewihikÿ tÿnydÿÿna ariokõrõõtyhy. Tai ibutumy aõ witxira witxira riòludunywãhãre. ¹³ Dohodÿÿna heto deõdu irysyna ritamyhÿre dohodÿÿna heto-ribi. Xiwe dinodu aõ rÿsÿna ritamyhÿre xiwena-ribi. ¹⁴ Kia wese Deuxu rarybere; inyõ Rybewihikÿ ritÿÿnykeki, ibutumy aõmy reamyhÿre ritamyhÿre, Rybewihikÿ aõmysÿdÿÿbro-ribi. ¹⁵ Tahe jiarÿ aõ aribi retaõhyre tule kia reritinyreri aõ aritakemy aõkõ aribireny. Warybe inyõ riõnonykemy aõkõ watxiwãhãre iko-ki tahe aruruke. ¹⁶ Jiarÿ Rybewihikÿ retÿÿnynmahãre, rexierymahãre dori aritÿÿnydÿÿke. Kia heka aõhõkÿ aõkõ waloosõnadikemy rare. Rybe aritÿÿnyõkeki,

heka aõbinyatyhyõ wadee kanake inyhe. ¹⁷ Ixidee wimy Rybe ar-itÿnynymyhÿkeki, tai ki aritakre. Ixideewimy aõkõ aritÿnynyke-wana, ihãrele tahe itÿnydyÿmy iwahisidyÿna wadee roire. ¹⁸ Kiake-wana, timybo wawahidyÿna ihÿre. Kia heka rare. Rybewihikÿ tÿnydyÿ-ò arexiõwynyõtyhy. Aõbo inatyhymy wahõrõre, retaõhywãhãre.

¹⁹ Jiarÿ inydeòdumy aõkõ rarehywãhã. Tahe iximy rexideòdunyre sõwemy iny òraru-ribi aritakemy. ²⁰ Judeu mahãdu-ò judeu wesemy jiarÿ rexisÿnyre, judeu mahãduõ dori òraru-ribi aritakemy idi watzireri. Moisesi bedede ywina yrubudÿÿdu mahãdu dee ixiwesemy rexisÿnyre iòraru-ribi dori aritakemy. Urile jiarÿ kia bedede ywiny rubudÿÿna aõkõ rare. ²¹ Bedede ywina aõkõ mahãdu dee ixiwesemy rexisÿnyre. Urile Deuxu bedede ywina ðire jiarÿ Kristu bedede ywina yrubudÿÿdu jiarÿ watziwãhãre. Kia iòraru-ribi aritakemy jiarÿ rexisÿnyre. ²² Irurukõdu mahãdu-ò waruru aõkõ wesemy rexisÿnyre, irurukõdu mahãduõ ritakemy. Ibutu iny deewesemy rexisÿnymy rarewãhã, aõtxile tiibohoõ aritakemy iòraruna-ribi. ²³ Ibutumy rewinyre, Rybewihikÿ dee iwihedÿÿdukemy ixidi-wãhãre.

²⁴ Ijarana rõhõnykeu ijaramy ijaranadu sohojile rõhõnyra. Tiile wahidyÿna ritake. Kaiboho maijarenybenyke tii bitakemy. ²⁵ Ibutumy ijaradu ixidi rorenymyhÿre aõikõkõmy rexierynanymyhÿre. Kia riwinymyhÿ wahidyÿna ritakemy. Kia wahidyÿna retybykre. Inydee wahidyÿna tahe retybyõtyhy. ²⁶ Jiarÿ kawesemy rajaranyre aõ aritakemy. Axio ðesumy resuwãhãre yhye rehetenyneri wese aõkõ. ²⁷ Waumy-di rõrenyhywãhãre. Wadeòdu wesemy waumy resÿnyre. Tai dori resÿnyre. Jiarÿ inyõ-ò Rybewiwihikÿ aritÿnynykeki, ywimy dehudu wesemy aõkõ arareke, adehuky-ribi riwata lau.

10

¹ Boholabenyke weseriõre ityhydÿÿdu mahãdu. Inybybyreny kia biuwetyky nonoe rawo-di roimyhÿ. Tule ahobesòhòkÿ rawo-di reurõrenyre. ² Moisesi, iwedu, ibutumy aho-di nonoe-di rexisebenyre. Tai iwedu inatyhymy rityhynyrenyre. ³ Deuxu Tytytyby rÿsÿna sohojile wiwese wesele ibutumy rirÿsÿre. ⁴⁻⁶ Deuxu Tytytybytyhy mona sohojile ihÿre. Bee manay-ribi nade. Mana tahe Kristuweselemy ihÿmyhÿre. Inynerÿ kiamy roiremyhÿu. Deuxudeewimy aõkõ riwinymyhÿre. Tai rurure bedero-ki. Kia tahe inydeereny bedeery urihixina erysydyÿnyamy ratxireri, inyboho-dori aõbina widÿÿna aõkõ rokohotinyrenykeny, iwese tiiboho riwinyre wese aõkõ. ⁷ Inyboho suritxoo tyhydÿÿdukõmy rokoireke iwese ijõ mahãdu tuu rerinanymyhÿre wese kòkremy. Ritina-ki roimyhÿre: —Tiiboho ronymyhÿre riroxikemy, riòkemy. Tahe ritamanyrenyre risinykremy. ⁸ Tule òta òtamy rokotÿÿnyrenyõke iwese tii riwinyre wese —tai 23.000 iny rurure sohojixu-u. ⁹ Deuxu urihixirenyõmyke, iwese tii riwinyre wese. Tai rururenyre hemylala jurutana-ki. ¹⁰ Iburaõmyke iwese tii ribuarenyre wese. Tai rubudÿÿdu rirubunyre, Rubu ÿju wahe. ¹¹ Kia tahe bedede ery urihixidyÿna erysyna inydeereny ratxireri. Riritinymyhÿre iny bedede erynarenymy. Bededÿÿnana konana-ò iòhõmy inyboho roire. ¹² Tahe inyõ õbitimy rÿimy rõhõtinykeki, tii rexijemy ratxike reseke lau. ¹³ Ixirana isirare inydee rehemynyõtyhy rikiòludunyõtyhy. Deuxu awi rare. Riattyõtyhy iòlududÿÿna-txi. Tii inydeereny ixirana-ribi ixitarasana riwahinyre. Iny rurureny wesele ixirana rare. Tai rikiòludunynenyke.

14 Waluuna mahādu, kaiboho suritxoo luuna-ribi bexiebeny.
 15 Adeereny rarybere, kaboho dori abederyrenyre kai bedeery-
 wesetyhymy toiteki. Mohōtinybenyke aōmybo rarybereridi.
 16 Deysanamonahyna aōbo ityhydŷŷdu mahādu wowydyna rare Kristu
 hālubu wesemy tuu riōreki? Iny paō riyreyrenyre, Kristu umy wesemy
 aōbo rare? Inydee aōbo wowydyna rare? 17 Inyboho sōwe roire. Urile
 tahe paō sohojihyy rare. Sohoji butunahyymy rare, paō sohojiribile yre
 yre rarŷsŷreu, inyboho sohojilemy roire. 18 judeu ijoi-ò betehebennyke.
 Kia xiwe rirŷsŷrenyrekiki, xiweribile ritamyhŷre. Kia aōbo òbitire. 19 Timybo
 jiarŷ rarybereri? Rŷsŷna aōbo xiwenamy diwahinydeki, kia aōbo aō rare
 ada ritxoo aō aōbo rare. 20 Kiamy aōbohe jiarŷ rarybereri? Aōkōre,
 tuu aōkō rarybereri. Urile, kia raxiwemyhŷre, diabo tyytyby-ò rare.
 Deuxu-ò aōkō raxiwemyhŷre. Kaiboho diabo tyytyby-ò tamy bexiijemy.
 Tii-wana uritere noōmy. 21 Wanyrŷ monamy biōkeki, tai diabo monamy
 tule biōōke. Wanyrŷ roxi-ki biroxiŷreki, tule tai diabo rŷsŷna rŷsŷōmykre.
 22 Deuxu aōbo iny kidihārudenkyre. Inyboho aōbohe ityhyrenyre iratyre?
 23 Aōwaxiny tuu botŷŷnyke. aōmydŷŷnana awire. Ihāre tahe
 awiōre. Aōmydŷŷnana ixidee wimy botŷŷnyke. Urile aōmydŷŷnana
 riwiōhenanayōhyre. 24 Uritere aōmydŷŷnana sohojidile nohōtiōmy;
 tule inywitxira aōmydŷŷna-txi ōhōti beake tai aōwihihŷmy tamy
 biwinykre. 25 Birōmyhŷke ibutumy aō rŷimyhŷre meriadu-ki, nohōtiōmy
 aōbo raremyhŷmy. 26 Ibutu bede aōmydŷŷna Wanyrŷ wahidŷŷna rare
 inydeereny. 27 Ityhydŷŷdukōdu mahāduō aratabinymy, kai makeki,
 biroxiŷke ibutumy aōbo adee kidekre. Dŷŷraxiōmy araykywydyna
 òraru-ki. 28 Tahe adee rarybekeki; kia ritxoo xiwe rare. Irŷsŷōmy, kia
 hābu raykywydyna òraru-ki tamy ibinare wahe. 29 Araykywydyna
 òraru-ki aōkō jiarŷ rarybere, tahe iwitxira òrariki. Ijō hābu witxira
 rayky-di aōkō aritōhōtinymyhŷke. Kia ōsana inyō rarybekre. 30 Deālānadile
 jiarŷ ariroxiwāhākeki, timybo inyō ibinamy wamy rarybeke. Deuxu-ò
 dori rexideylydŷŷnyra. 31-32 Tai tahe, biroxiŷbenyke-wana, biōbenykeki,
 aōmy botŷŷnykeki, ibutumy Deuxu wowydyna-ò botŷŷnyke. Inyō
 atyhyna-di iatysyōmy, judeu mahāduō-ò, judeukōdu mahādu-ò, tule
 Deuxu tyhydŷŷduō-ò. 33 Ibutu dee rarurunywāhāre tamywikemy.
 Waaōmydŷŷnana sohojile aōkō rahōtinywāhāre ibutu iny aōmydŷŷna
 dee rahōtinymahāre tarasadŷŷmy.

11

1 Iwese jiarŷ Kristu wesemy watximyhŷre wese kaiboho wawesele
 boibekre.

2 Ararybekre: —Kaiboho awirenyremy kaiboho dori iwese bede eryna
 araerynanyre wese ibutumy teyrubunymahātenyete. 3 Tahe ijōmy araery-
 nanykre. Kristu iratiwi ibutu hābu ratyre rare. Hābu tahe hāwyyrati
 ratyre rare. Tule Deuxu tahe Kristu ratiwi ratyre rare. 4 Hābu rex-
 itōdenyreu, ritŷnynykeu tarahety-di, Kristu rityhynyōre. 5 Hāwyyō tahe rex-
 itōdenykeu, ritŷnynykeki tarahety-di aōkō, tii tahābu rityhynyōre. Tii dori
 tarade rasymyhŷre wese ratximyhŷre. 6 Hāwyyō tarade rihetynyōkeki,
 tii tarade riorokre. Hāwyy tarasylau raixŷrukeki, tahe tara rihetynykre.
 7-9 Hābu tara rihetynyōmyhŷkre dohodŷŷna heto-ki. Bera-ò tyytyby we-
 semy Deuxu dee hābu rare. Deuxu dee hābu rare. Hāwyy tahe hābu dee-ki
 rare. Hābu heka hāwyy-ribi aōkō dori iwidyŷŷ rare. Hāwyy tahe hābu

umy-ribi iwidyÿ rare. Hãbu hãwyy dee aõkõ relere. Hãwyy tahe hãbu dee relere. ¹⁰ Tai tahe hãwyy tara riwõmyhÿke. Iu tahe hãbu rityhynymyhÿre ÿju òraru-ki. ¹¹ Deuxu ityhydÿÿduy-ki wiwesele wiweselemy ratximyhÿre. Hãbu hãwyy-di ratxikemy; hãwyy hãbu-di ratxikemy. ¹² Iwese hãwyy hãbu-ribi relereu wese, hãbu hãwyy-ribi reamy raumynymyhÿre. Deuxu ibutumy riwinyre. ¹³ Kaiboho mohotinybenyke: Hãwyy rexitõenyre, tarade rihetynyke, aõbo ada aõkõre aõbo? ¹⁴ Hãbu iraderehemy rÿira, tarati rityhynyõmyhÿre tuu rÿira. Kiamy bede riwaerynanyrenyreny. ¹⁵ Hãwyy tahe irade rehemy rÿira ixiruxeradÿÿmy rÿira, hety wese tamy iò rarekremy wahe. ¹⁶ Inyõ iwitxiramy rexinohtinykeki, tamy ararybekre, kia wese: Inyreny-ki kia bede ywina rare ibutumy dohodÿÿna heto-ki.

¹⁷ Aõwesebo botÿÿnykremy adee ararybekre. Wadee awiõre iwese ahãtenyete wese kaiboho tebutunyenyeu, kia arawiõhenanyõhyre urile tahe arabinanytyhyreny. ¹⁸ Juhuu ararybekre timybo raholaremy: kaiboho texihitxinytenyete dohodÿÿnaheto-ki, kia tahe retyhynyriõremy watzireri. ¹⁹ Wiribi bexihitxinybenykeki, tai iny õbiti rÿira bierybenykemy. ²⁰ Bicutunymyhÿbenykeu, Inynyrÿ roxina aõkõ terÿsÿmahãtenyete. ²¹ Ijõ detiteremy taroxina riwymyhÿre inywitxirako-ki. Ijõ aõ rimyõmyhÿreki rama risamyhÿre. Ijõ tahe sõwetyhymy riõmy raitxÿtemyhÿre. ²² Kai aõbo ahetoõre, tai biroximyhÿkemy, biõmahãkemy? Kia wese-ki Deuxu dohodÿÿna heto aõbo tetyhynyõhyamahãte. Iaõkõ rÿira mahãdu tule teixÿrudÿÿnymyhÿtenyete. Aõmybo ararybekre. Arawowydydÿÿnyrenyreny aõbo? Aõkõre. Tai arawowydydÿÿnyrenyõtyhy. ²³ Kia Inynyrÿ-ribi retare, tule aerynamy adeeremy rewahinyre. Kia wahisidÿÿnadyna txuu, Jesuisi Inynyrÿ orotxu rimyre. ²⁴ Rexitõenyredi, riõrõre, idi tahe rarybera:

—Kia heka waumy rare. Adeeremy wahidyÿÿmy watzireri. Kia biwinymyhÿkreu, watxi õhõtireny reakemy.

²⁵ Tule riymyhÿre rahudi, tahe bemona hyna rimyra, idi tahe rarybera: —Kia heka wadeewimy Deuxu, iny-wana ratximyhÿre. Wahãlubu òraru-ki kia riwinyre. Kia biõmahãbenykreu, aõu watxi õhõtireny reakemy.

²⁶ Tiubo paõ biymahãbenykreu, bemona hyna-ribi biõmahãbenykreu, warubu rybe tetÿnynytenyeteri idi addõsekreu. ²⁷ Tai inyõ õhõtioomy riykeki-wana, riõkeki-wana, tii Jesuisi umymy hãlubumy òraru-ki ratxireri. ²⁸ Sohoji sohoji taaõmydÿÿnana-di rohõtinykre, idi tahe riymyhÿre, riõmyhÿkre. ²⁹ Inyõ Jesuisi umy-di rõhõtinyõkeki, ixidee aõbinahakÿ kidiwinyke. ³⁰ Kia òraru-ki sõwemy binamy õhyyle toite, tule iny sõwemy rurumy rÿira. ³¹ Iny ixi-di rohõtinykeki, aõbinahakÿ rexierykemy, tahe iny rexiõbitinyke. Deuxu tai aõhõkÿmy rotÿÿnyõtyhy. ³² Inynyrÿreny inyboho riõbitinymyhÿre. Kiamy heka bede mahãdu-wana aõkõkeki, aõhõkÿmy rotÿÿnyrenykre. ³³ Kiamy, waseriõreboho, roximy bibutunykreu, ijõ wii biraõbenykre. ³⁴ Inyõ rama risamy rÿikeki, taheto-ki riroxike tai rihuõmy rÿimyhÿkre Deuxu ywisidÿÿna-ki. Adee areheminykreu, ijõ kia aõna aõnamy arõerynanyrenykre.

12

¹ Deuxu Tyytybytyhy bede eryna witxira witxiramy adeeremy ararybekre, araerynanyrenyreny. ² Ityhydÿÿdukõdumy toitemahãu, aõõ aradyrenyre suritxoo rybeõhõkÿ-ò. ³ Tai arabedeerynereri: Inyõ Deuxu

Tyytybymy rarybemyh̃ykeki, tii rarybeõtyhy: Jesuisi ibina rare. Tule inyõ uri rarybeõtyhy: Jesuisi Wanyr̃y rare. Tii Deuxu Tyytybytyhydile tuu rarybekre.

⁴ Deuxu Tyytyby bede eryna wixira wixira sõwemy r̃yire. Deuxu sohojile tahe iwahid̃ỹdu rare. ⁵ Aõmys̃d̃ỹwi-ribi lahixi rare, tahe Inynr̃y sohojile rare tamy rakaaõmys̃d̃ỹnyke. ⁶ Aõmyd̃ỹna wiribi lahixi rare, tahe Deuxu sohojile ibutud̃ỹdu rare. Tii iny-ò aõmys̃d̃ỹna wid̃ỹna riwahinyre. ⁷ Sohoji sohoji tabedeeryna wixira wixira Deuxu Tyytybytyhy-ribi ritamyh̃re ibutu iny wiõhed̃ỹmy. ⁸⁻⁹ Inyõ-ò bede eryhyk̃y wahid̃ỹmy ratxireri, Deuxu Tyytybytyhy iwahid̃ỹdure. Ijõ-ò tahe rybe bedeeryd̃ỹ wahid̃ỹmy ratxireri, iwahid̃ỹdu tiile rare. Ijõ-ò tahe ityhyd̃ỹtyhy-ki rarekemy. Deuxu Tyytybytyhy iwahid̃ỹdure. Ijõ-ò tahe, õhotibedumy rarekemy. Deuxu Tyytybytyhy ris̃nyre rare. ¹⁰ Ijõ-ò tahe, bedeõby wid̃ỹdumy rarekemy, ijõ-ò rybe-di t̃nyd̃ỹdumy, ijõ Tyytyby erydumy, ijõ rybewitxiramy rarybekemy, ijõ rybe wiurõd̃ỹdumy. ¹¹ Deuxu Tyytybytyhy sohojile tahe iwahid̃ỹdu rare. Tii sohoji sohoji-ò riwahinyh̃re ixideewimy.

¹² Iny умы sohojihyy rare. Urile iaõmyd̃ỹnana sõwere. Kia wese ityhd̃ỹdu r̃yira ityhyd̃ỹdu mah̃duy-ki, Kristu-ki iny sohojihyyre. ¹³ Sohoji sohoji mah̃du-ribi rabutura, ijõ judeu mah̃du-ribi, ijõ judeukõdu mah̃du-ribi, ijõ deõdu mah̃du-ribi, ijõ deõdukõdu mah̃du-ribi. Wiji tahe Deuxu Tyytybytyhy-di sohoji hõrõmy iny r̃yire. Idi tahe inyboho t̃ximy r̃yire. ¹⁴ Umy dori sohoji aõmyd̃ỹnana-di aõkõ rare, sõwere tahe. ¹⁵ Inywa rarybekeki kia rarybekre õsana: jiar̃y умы aõmyd̃ỹnana aõkõ watxireri, debò aõkõ dori rare. Kia rarybekeki, ih̃are ta умы aõmyd̃ỹnanaõlemy ratxireri. ¹⁶ Nohõti rarybekeki: rue aõkõ jiar̃y rare, tai dori умы aõmyd̃ỹna aõkõ rare, Kia rarybekeki, ih̃are ta умы aõmyd̃ỹnanale ratxireri. ¹⁷ Ibutumy умы ruelemy ratxikeki, timybo rokoholarenykre. Ibutumy nohõtilemy ratxikeki, timybo rue rareke timybo robirenykre. ¹⁸ Deuxu ibutumy aõ ritidire, titxibo ixideewimy rõhõtinyre. ¹⁹ Ibutumy aõmyd̃ỹnana wiweselehek̃ykeki, timybo raaõmys̃d̃ỹnyke? ²⁰ Inatyhymy aõmyd̃ỹnana sõwere. Umy tahe sohojilere. ²¹ Rue debò dee rarybeõtyhy: Kai aõ aõkõ tate. Tule ratiheka waò rybeõmy: Kaikõkeki wadee awike. ²² Kia k̃nyhe. Aõ aõmyd̃ỹnana inydeereny iruruõmy aõmy aõkõ r̃yire wese, tii aõwityhy r̃yire. ²³ Tule aõbo inydee aõmy aõkõ r̃yira tamyhe woreke r̃yimyh̃re iruxeramy aõkõ rare, iny woreke r̃yimyh̃re. ²⁴ Aõbo inyumy-ki iruxeramy rare, kia urid̃ỹõmy. Deuxu tahe умы aõmyd̃ỹnana ibutumy ributunyre. Tii aõ ibuturatyre rityhynyre. ²⁵ Kiawese alõreõmy умы-ki ibutumy умы aõmyd̃ỹnana wiwana raaõmys̃d̃ỹnymyh̃re wii riwiõhenanymyh̃re. ²⁶ Sohoji aõmyd̃ỹnana txubererekeki, iuhe rubererenyke. Ijõ teysakeki inyõ riwowydnykeki iuhe reysake. ²⁷ Boholabenyke, kaiboho Kristu умы mah̃duõ toite. Ityhyd̃ỹdu sohoji sohoji heka умы aõmyd̃ỹnanaõ wese rare. ²⁸ Deuxu ityhyd̃ỹdu mah̃duykile iny rihitxinyre. Juhuu Jesuisi teõd̃ỹdu mah̃du, ihewo-ribi Deuxu rybe t̃nyd̃ỹdu mah̃du, idi ieryd̃ỹdu, aõwiwihik̃y wid̃ỹdu, õhotibedu mah̃du, wiõhed̃ỹdu, dinoduweseõd̃ỹnadu, rybewitxira erysydumy. ²⁹ Ibutumy deõdu aõbo roire? Ibutumy t̃nyd̃ỹdu aõbo roire? Ibutumy eryd̃ỹdure aõbo? Ibutumy aõwiwihik̃y wid̃ỹdure aõbo? Aõkõre wii ihitxihitxire. ³⁰ Ibutumy ywisid̃ỹ rieriye aõbo? Ibutumy rybe wixira rybedu aõbo? Ibutumy rybewitxira wiurõd̃ỹdure

aõbo? Aõkõre. ³¹ Tahe, eryna wiwihikỹmy mynyny, atximyhỹbenyke. Tahe ariteòsynykre tibo ryy.

13

¹ Ibutumy iny rybe wixira wixira arierykeki, ýju rybe adrierykeki, kia tahe luuna-di aõkõkeki, jiarỹ aõwodỹýna widỹýna wesemy ararekre. ² Jiarỹ ibutumy Deuxu rybewahidỹý eryna ijõdikeki, ibutumy bedeery ijõdikeki, hãwãlò iherina-ribi aritake watyhydỹýna kiadikeki, tahe luuna-di aõkõkeki, aõ aõkõ watzireri. ³ Ibutumy waaõmydỹýna iny aõkõ mahãdu-ò ariwahinykeki. Waumy Kristu Rybewihikỹ dee òraru-ki wòsikemy ariwahinykeki, tahe luuna ijoõkeki, kia heka aõkõweseleke. ⁴ Inyõ luunadikeki, ywimy rarekre, awimy rarekre, ihãrukõmy rarekre, luunadikeki, ixityhydỹýdukõmy rarekre. ⁵ Inyõ luunadikeki ihỹkỹhỹkỹmy aõkõ rarekre. Ixisohojidile aõkõ rõhõtinykre. ⁶ Òbitiõna-di deysaõmy, inatyhyle kedeysakre. ⁷ Moõ iluunadireki ibutumy aõhebo rotỹýnykre, ibutumy rityhynykre, ibutumy riraõkre, ibutumy riòludunykre. ⁸ Luuna tiu itueòtyhy, tahe rybe tỹnydỹýna aõutxumy ituekre, rybewitxiramy rybe ituekre, bede eryna erysynamy tule ituekre. ⁹ Inyboho iyrelemy rieryrenyre. Tule iyrelemy ritỹnynyre. ¹⁰ Aõutxumy tahe kia iyre rexihukre, ibutumy kanaerykre, kia hãbu òbiti tyhy kedehemynykeu, Kristu wahe. ¹¹ Uladumy rarewãhãu uladu wesemy rarybere, uladu wesemy ixidi rarewãhã, uladu wesemy raykywydynanyra. Hãbumy relereu tahe, wauladumy nona rerire. ¹² Wiji tahe inyboho robirenyre, iwese itxerenatỹnykowese-ki, kiatxuu tahe, wiòsanamy rokobirenykre. Katahe iny rieryrenyre txuraõ, kiatxu tahe, iwese tii inyboho dierydenyde wese rikieryrenykre. ¹³ Tahe inataõ aõmydỹýna rỹire: ityhydỹýna, iraròsõna, luuna. Ijõ ratyire tahe luuna rare.

14

¹ Luuna-di boibeke ibutu ijõ ratyire. Tyytybytyhy erysyna biijebenyke. Iratyire biijebenyke Deuxu rybe tỹnydỹýna erydỹýna. ² Inyõheka rybe wixiramy rarybekeki, hãbu-ò aõkõ rarybereri. Deuxu-ò sohojile rarybere. Inyõ irybe rieryõre. Deuxu Tyytybytyhy rybe tii erydure. ³ Inyõ Deuxu rybemy rarybemyhỹreu, iny-ò rarybereri. Tai riwiòhenanymyhỹre, riòbitinymyhỹre, riteysanymyhỹre. ⁴ Inyõ rybe wixiramy rarybereu, tiilehyy rexwiòhenanymyhỹre. Inyõ tahe rybe ritỹnynyke wana, dohodỹýna mahãdu riwiòhenanyre. ⁵ Ibutumy rybe wixiramy rarybekeki, tii tahe wadee awire. Tahe ibutumy Deuxu Rybewihikỹmy rierynanykeki, kia iratyretyhy wadee awire. Deuxu rybe tỹnydỹýna tahe, rybe wixiramy rybedu ratyire rare. Wiuròsòdỹýdudile rybe wixiramy rarybeke dohodỹýdu mahãdu wiòhedỹýmy rarekemy. ⁶ Jiarỹ adeereny ararybekeki, rybewitxira-di. Tiwesebo arãwiòhenanyrenyke. Urile bede erytỹmyra-di, erynatyhyhyky-di, inatyhyeryna-di araerynanykeki, kia-di tahe arãwiòhenanykre. ⁷ Ka tahe wiudỹýna rare. Wyhyhykỹ jurònawesena ada rerotisõmo wiudỹýna kidiwiunyekeki, tahe awimy riwiunyoõke, timykibo iny rieryke aõbo riwiunyreri. ⁸ Tule juròna òbitimy ritxurònyõkeki, timykibo aõbinadu mahãdu rierykre aõbina-ò nomy rexiy-winykemy. ⁹ Kaiboho tule kiawesere. Inyõ arye rieryõkeki, tiwesebo rieryke aõmybo tarybetenyteri. Kiawese dori yhydeele tarybetenyteri wese. ¹⁰ Inatyhymy sõwemy rybe wixira rỹire bede-ki, ibutumy

tahe aõna aõnamy rybedu rarybere. ¹¹ Aõmybo rarybere arierykõkeki, rybedu dee jiarý iny wixira, rybewixiraõ tamy rare, tule tii wadee rare. ¹² Kaiboho Deuxu Tyytybytyhy eryna teijetenyteri. Tai dohodýýna mahãdu wiõhedýýmy marurunybenyke. ¹³ Inyõ rybe wixiramy rarybekeki, iõbitidýýnamy rexitõenyke. ¹⁴ Rybe wixiramy arexitõenykeki, watyytybyle rexitõenyteri waraykywydyna-ò ralõõtyhy. ¹⁵ Tai tahe aõhebo arotýýnykre? Watyytyby-di, warayky-di arexitõenykre. Idi watyytyby-di warayky-di arawiunykre. ¹⁶ Kai atyytybyle-di texitõenymyhýteu, timykibo inyõ rierykemy? Idi rarybeke aixitõedýýna rexihukeu. Tii dori arybe rieryõre. ¹⁷ Kai tahe inatyhymy awimy texitõenyte, tai tahe iny aõ rieryõhyre, idi riwiõhenanyõtyhy. ¹⁸ Deuxumy reälãwãhãre. Jiarý dori aratyreremy rybe wixiramy rarybemahãre. ¹⁹ Tahe dohodýýna mahãdu-ò iruyre rybe eremy ierysynamy ararybeke ada sõwemy rybe eremy iwixira rybemy anarybekeki. Juhule wadee awityhyre ijõ ratyre-ki iny kiawese inatyhymy reerynanyre.

²⁰ Waityhydýýdu seriõre uladu raykywesemy aõkõ bexi-raykynymyhýbenyke. Inyery bedeeryhyký wese maraykynybenyke. Aõibina erysynale uladu aõeryõ wesemy boibeke. ²¹ Bede Ywina tyriti-ki kia rýire: —Kia inydee, hãbu rybe wixira-di anarybekre. Ihãre ta warybe dee tiiboho roholarenyõkre. —Kiamy tahe Wanyrý rarybere. ²² Inatyhymy tahe iwixira rybe rybemy ityhydýýdu mahãdu dee deõsina aõkõ rare. Kia ityhydýýdukõdu mahãdu dee deõsina rare. Tule Deuxu rybe tñnydýýna ityhydýýdu mahãdu-ò rare. ²³ Dohodýýna mahãdu wii ributunykre, rybewixiramy rarybemyhýreki. Ityhydýýdukõdu mahãdu ralõkeki, iny ierykõdu ralõkeki, timybo tii rõhõtinky. taitxýtetenyterilemy idi rõhõtinky. ²⁴ Tahe ixityre ityhydýýdukõdu mahãdu ralõkeki, tahe Deuxu rybemy rarybereriõ, ralõkeu, tii rexierykre õrarudumy rare, ibutumy aõwõmy roholare tarayky riixixanyke. ²⁵ Aõbo tawo-ki riwõmy rýimyhýredi rexierymy ixi-di rõhõtinkyre. Tai resekre tatiowomy Deuxu deälãnamy reälãkremy. Tule rarybekre: —Inatyhymy Deuxu ayreny-ki ratxireri.

²⁶ Aõhebo dohodýýna-ki rokotýýnyrenykre waseriõreboho wii rikibutunrenykreu. Kia heka rare: Inyõ wiuõmy kanawiunykre, ijõ tasý Deuxu rybe bede erydýýna kedeerynanykre, ijõ itñnydýýnamy kanarybekre, ijõ rybewixiramy rybena kanarybekre, ijõ iwiurõsõdýýnamy kanarybekre. Aõhebo botýýnybenyke ityhydýýdu wiõhedýýnamy rarekemy. ²⁷ Inyõ rybewixiramy rybemy ratxire riki, inatxi inataõlemy rarybeke, wihewomy, tule iwiurõsõdýýdulemy rarybekre. ²⁸ Wiurõsõna ihoõkeki, rybeõlemy ronyke dohodýýna heto-ki. Ixiwanale Deuxu-di rõhõtinyre, rexitõenymy. ²⁹ Urile inatxi, inataõlemy rybe tñnydýýdumy rarybekre wana, ijohonadu mahãdu tahe irybe-di rõhõtinytyhyke timybo. ³⁰ Ijõhonadu-ò itñnydýýna rybemy ratxikeki, rybedu rexihudi rarybekre. ³¹ Ibutu dori Deuxu rybemy rarybekre, sohoji sohojimy. Tai ibutumy rierykre, reysakre. ³² Rybe tñnydýýdu mahãdu rayky, tiile rexierymyhýkre. ³³ Deuxu tahe wimy uriuridýýdu aõkõ rare; tii tahe õbitina widýýdu rare. Ibutu ijõ dohodýýna heto-ki kia wesemy rare.

³⁴ Hãwyy tahe dohodýýna-ki roholamy rýimyhýre rybeõhykymy tai aõwedumy aõkõ. Ywilemy rýirake iwese judeu bedeywidýýna roimyhýre wese. ³⁵ Týýraxinadikeki taheto-ki tahãbu-ò rýýraxike. Hãwyy dohodýýna-ki rarybemyhýre heka ixýruna rare. ³⁶ Timywese tahõtinytenyte.

Deuxu rybe aõbo aykyreny-ki rõhònyre ada kaiboho sohojile aõbo ijòdire.

³⁷ Inyõ rybe tñnydỹỹdumy ixì-di rõhòtinykeki ada Deuxu Tyytybytyhy-ò wiòhedỹỹnamy rarekeki. Tìmybo rarybekre. Kia waryberiti heka Deuxu bede ywidỹỹna rierykre. ³⁸ Inyõ kia rityhynyõkeki, tii wile ratyhyòdỹỹòkre.

³⁹ Iribi tahe waseriòre tñnydỹỹdumy boibekemy atxibenyke. Ixinamy rybewitxiramy iny rarybemhỹke. ⁴⁰ Ibutumy aõhebo botỹỹnybenykre. Òbitilemy, ywilemy.

15

¹ Aõtxi òhòtirenny araijaradỹỹnykre. Kia tahe rare. Rybewihikỹ iwese adeereny retỹnynnyre wese, tetyhynytenyete wese, tule tetyhynyhyyy ahàtenyete. ² Tai tahe tarasanawo-ki ahàtenyete rybe teeryhyyy ahàtenyete ki iwese retỹnydỹỹnyre wese. Aõkõkeki aròtenarenny aõtyhy aõkõ adeereny ihỹre. ³ Juhuutyhy adeereny retỹnynnyre iwese raholare wesemy. Kia rare: Kristu iny òrarurenny dee rurure. Kiamy heka ritidỹỹna roire. ⁴ Tule mana wabede-ò rahàluure. Inataõ txu idi rỹidi tahe, rubu-ribi rexixare, ritidỹỹna rarybere wese. ⁵ Rexideòsinyre Pedro dee, idi tahe waòinatxi mahàdu dee. ⁶ Idi tahe 500 iny ratyre tuu robire. Kia iny ityhydỹỹdu seriòre mahàdu ibutumy rexibutunymhỹre Jesusimyy robire. Ijò rurure kia butudỹỹnay-ribi, tahe ijò irulemy ihỹmyhỹre. ⁷ Iribi tahe Txiau tuu robire, idi tahe ierydu mahàdu ibutumy tuu robire. ⁸ Ihewo-ribi tahe jiarỹ tuu rabire. Iwese uladu ibededỹỹnanakõmy reare wese tuu rabire. ⁹⁻¹¹ Jiarỹ ierydu hewo ludu rare. Uritere erydumy wanidỹỹòmy watxiwàhàre, raixỹrure wahe. Jiarỹ dori juhuyu ityhydỹỹdu mahàdu aõhòkỹmydỹỹdu rare. Deuxu ruxetòenale dori aõmy watxiwàhàre. Iruxetòena aõnihikỹmy waki riwinyre. Jiarỹ dori ibaturatyre aõmysỹdỹỹna rewinyre. Tahe jiarỹ aõkõ wàhàre. Deuxu ruxetòenamy wahàre jiarỹ aõbo ada tiiboho aõbo adeereny relyyrennyre, idi kaiboho tetyhynyletenyete.

¹² Kristu rubumy roira-ribi rexixara, kiamy heka rarybemahàrennyre. Aõherekibo inyõ rarybereri rurumhỹre-ribi inyõ rexixaòkremy. ¹³ Inyõ tiu rubu-ribi rexixaòkeki, Kristu tahe rexixaòre tarubu-ribi. ¹⁴ Kristu rubu-ribi rexixaòre wana, jiarỹboho aõmy waryberenyõna idi aõ atyhydỹỹnaõna. ¹⁵ Kristu inatyhymy rexixaòkeki, inyboho Deuxumy ruimy rybedu mahàdumy roire. Kristu ixixana rybemy dori jiarỹboho rarybemhỹrennyre. Kiata bohe Deuxu, Kristu riixixanyòlere. ¹⁶ Rubumy roimhỹre mahàdu rexixaòkeki, taita Kristu rexixaòre. ¹⁷ Kristu rexixaòkeki, ainatyhynarenny aõ aõkõ rare. Aòrarudile ahàtenyete. ¹⁸ Tule, ityhydỹỹ-di rurure mahàdu, biu-ò ròiòtyhy. ¹⁹ Kabede-ki sohojile inyboho Kristu riraòmyhỹreki, inyboho bedewotyhytyhymy roire.

²⁰ Inatyhymy taheka Kristu rubumy roire-ribi rexixare. Tii juhuyu ludu rubu bede-ribi dòòsede mahàdumy roirekemy, tai iny tule rekexixarennyre. ²¹ Iwese hàbu sohojiò rubu diwyde wese, tule hàbu sohojiò rubu-ribi ixixana diwyde. ²² Iwese Adaõ-ki ibutumy iny rurukemy rỹimhỹkemy tule Kristu-ki ibutumy ixixana kiditakre. ²³ Kristu bededỹỹnana kedehemyhỹkreu, rubu-ribi ixyby ixixana kòdòhònykre. Kristu juhuyu rexixare, ihewomy tahe taeryna mahàdu kidiixixanykre. ²⁴ Tai tahe bede konanakre. Jesuisi ibutu wedu mahàdu, bede ònodu mahàdu, Iòlò mahàdu kanahukre. Tahe ibutumy tyby Deuxu-ò òlòna kidiòkre. ²⁵ Jesuisi tahe ibutu ratyre Iòlòmy ratxikemy rarehykre. Iòludu mahàdu

ibutumy iwarawo-ki r̄yikre. ²⁶ Iòludu konana heka, rubu rare. Tii tule riixāwidid̄ȳnykre. ²⁷ Ryberiti kiawese roire: —Deuxu tahe ibutumy iwarawo-ki ritidireri. Iximy ritidiōtyhy tii dori tidisidu rare. ²⁸ Rexihudi tahe tule iRiøre ritidikre. Tai tahe Deuxu ibutu iòlòm̄y rarekre.

²⁹ Rubumy r̄yira ixyby kedexixaōkeki aḏherekibo iny deròwy teratisebenyteri, rubumy roira mahādu hārehek̄yle wahe. ³⁰ Aḏherekibo berebunatyhyk̄y-txi inyboho iòhārumy ratximahārenyure txuō txuōlemy. ³¹ Ibututxu rubu reijemyh̄yure. Adeereny wawowydynatyhymy watzireri. Jesuisi Kristu Inynyr̄y òraru-ki. Tai heka kia lau rarybemahāre. ³² Hābu mahādu-ò Efesu hāwā-ki iròdu debure-ò aḏbina wese resumahāreki aḏtyhybo aritakre? Inatyhymy aḏbo? Rubu rexixaōkeki, rikiroxiryrenyke, rikiōrenyke, biurasòm̄y dori rukururenykre. Aḏ aḏkō inythyd̄ȳna. Kia riki ityhyd̄ȳdukōdu mahādu tuu rexirybenyure, abiòwa mahādukeki. ³³ Ixi itxenad̄ȳōmy: kia biòwa bina dori iny ixihemy riatymyh̄yure. ³⁴ Ywityhylemy boibeke, òbitilemy òrarurenyōmy, sòwemy iny Deuxu rieryōre. Kia heka iny ix̄yrud̄ȳnareny rare, tai rarybewāhāre.

³⁵ Tahe inyō kanarybemyh̄yure: —Timybo rubu kedexixakre. Aḏumywesemykre iumy? ³⁶ —Itx̄ȳte, juhū alòboròna rabròōkeki tiu txuhuōna. ³⁷ Telòho iny ribòrònyōtyhy, ityle iny ribòrònyke. Iwese maixōmoty ribòrònyke ada oworuty wese. ³⁸ Ibututy-ò Deuxu iraty umy riwahinymyh̄yure ixideewireki. Deuxu ixideewimy alòbòròna ritxuhud̄ȳnymyh̄yure timybo? ³⁹ Dee ibutumy wiwese wese aḏkō rare. Inyde, iròdude, nawiide, uturade ibutumy tahe wiribi hitxi hitxire. ⁴⁰ Biumy r̄yira mahādu tule lahitxire, aḏwitzira wixira bedemy r̄yira kia wowydynareny wiribi hitxire. Tii-wana wimy rahitxirananyre. ⁴¹ Txuu ahādu, taina, iloosònareny wiribi hitxire. Taina ijò taina-ribi iruxeratyhyre. ⁴² Tai tahe kia wese rubu-ribi ixixana r̄yimyh̄yure. Umy rubu su-ò rahālood̄ȳnymyh̄yure rarònyhe txu. Idi tahe irulemy kòdòhònykre, alòbòròna ruhunymyh̄yure wese tahe umy tuedeònaḏ. Bede luruhuk̄y-ki rahālood̄ȳnymyh̄yure, tahe loosònatyhy-ki kòdòhònykre. ⁴³ Iruruō-di umy heka rahālood̄ȳnymyh̄yure ibinare, tahe iruxeramy tarurutyhy-di kòdòhònykre. ⁴⁴ Iny umy wesemy rahālood̄ȳnymyh̄yure, tahe tyytyby wese kia umy-di kòdòhònykre, biuludu mahādu wahe. ⁴⁵ Kiamy heka ritid̄ȳna-ki roire. Iny umy riuhemyh̄yureki, tule tyytyby umy riuhemyh̄yuremy r̄yire: Juhū inyiru Deuxu riwinyre Adaḏ heka rare. ⁴⁶ Juhu tahe inyumyreny tayry-di riwinyre idi tahe ritytybynyre. ⁴⁷ Juhū ludu hābu suribi ije rare. Ihewo-ribi Hābu biu-ribi ih̄yure Kristu wahe. ⁴⁸ Juhū hābuwesemy ibutumy iny bede ludu ih̄yure juhū inythy wese wahe. Hābu biuludu wesemy ibutumy biu ludu mahādu ih̄yure. ⁴⁹ Tai tahe kabede hābu wesemy inyboho r̄yimyh̄yurenyre wesereki, tule biu ludu Hābu wesemy r̄yk̄yrenyke.

⁵⁰ Waityhyd̄ȳdu Kia heka rarybemahāhyreri, iwese inyboho ih̄ymyh̄yurenyre wesemy tiu Deuxu Òlòna-ò ralòōtyhy. Iny umy heka ruruhy umy rare, tai tahe Deuxu Òlòna ritaḏtyhy, kowa-ò dori iny umy ruruōtyhy. ⁵¹⁻⁵² Tahe aḏbo teeryōte adee arit̄ynnykre: Ibutumy iny ruruōkre. Ibutumy ityhyd̄ȳdu iny ruruōle iumy riwitzirat̄myranykre, aḏwesele reakre, iny tarue riberenymyh̄yure wese reakre, ikonana juròna ritxurònykre. Juròna ritxurònykre idi ibutumy ityhyd̄ȳdu

rubumy r̄yira riумыwixirat̄ymyranykre umyтуедеōna-di. Inyboho ityhyd̄ȳdu mahādu tulekre. ⁵³ Tahe rekexiwiurōnyrenyke, iny bede umy dori rurumȳre. Rakaumynykre umy wixira-di taita rukururenyōtyhy. ⁵⁴ Iny umy wixiradikre, tahe kia rybe rexihumy r̄yikre: Ryberitina rarybere: —Rubu ijesu rikitarenykre: ⁵⁵ —Aōherekibo rubu, aījesuna wawana tetaōta? Aōherekibo tiwamytxitxid̄ȳnyōte? ⁵⁶ Ōraru rubumytxitxid̄ȳdu rare. Bedeywid̄ȳ ōraru rurud̄ȳna rare. ⁵⁷ Deuxu umymy rekealāmyh̄ȳkre, tii dori ijesu inybohoreny ritakemy riwiōhenanymȳh̄ȳre. Jesuisi Kristu Inynyr̄-di diwiōhenanymȳh̄ȳde. ⁵⁸ Tahe weseriōre luu mahādu, bityhynyhybenyke, ywihyummy ahābenyke, Wanyr̄y aōmys̄d̄ȳna-ò hyy tiiemy ahābenyke. Aaōmys̄d̄ȳna Wanyr̄y dee, idi inydee awimy rarootinymȳh̄ȳre.

16

¹ Nierumy ararybekre. Kia bibutunykemy kowa tyhyd̄ȳdu mahādu-ò, Judeia mahādu wahe. Iwese Alaxia mahādu-ò rōerynanyre wese, kaiboho tule ijō dee bitabenyke. ² Semana juhu ludu txuu, iny sohoji sohoji tiwesebo tōtatenyete jura birarenymahābenyke rawahikremy. ³ Tai adehemynykreu kia nieru rexihumy r̄yikre myiōtyhy tahe ijō rarasamy. Tahe mobo kai tyryti-di biditakre, tii-wana nieru iny ariteōnykre Jerusalē-ò. ⁴ Tahe jiar̄y arakewana iny dee wikeki, tuu wawana kodoikre. ⁵ Macedonia bede-ò arakre rahudi arehemynykremy adeeremy watxireri. Macedonia-di delemy arakre. ⁶ Araroorehenykre ōsana biubede taile arahukre awanarenhyyle. Tai ele elemy biwat̄yid̄ȳnykre titxibo arakemy. ⁷ Deuxudeewikeki urihimyo aōkō akireny bede arieke beded̄ȳnana arahukre akireny. ⁸ Efesu hāwā-ki Pentecoste woranabedehesi konana-ò ariijekre. Idi tahe arakre. ⁹ Ijōtōbōnahak̄y wese irayhyky r̄yimȳh̄ȳre waaōmys̄d̄ȳȳ. Tai waaōmys̄d̄ȳna irutaōre, ihāre ta wamy ōludu sōwere. Namy sōwehyummy taheka ōludu r̄yire.

¹⁰ Tahe, Tximōtxi rakeki, iix̄yru lau bijemy tii dori Deuxu aōmys̄d̄ȳna diwinymȳh̄ȳde wawese. ¹¹ Inyō Tximōtxi-di aōmy aōkō ih̄ȳkeki heka wadee awiōre. Wade it̄yina-ò biwiōhenanybenyke ywina-di. Reraōmahāre dori ityhyd̄ȳdu seriōreboho wana kanakemy. ¹² Inyseriōre Apōlo-ò sōwemy rarybewāhāre arorarenymy rakemy ijō iny seriōreboho-wana. Tahe tii heka Deuxudeewimy aōkō idi rōhōtinymȳh̄ȳre. Idi tahe rakre ixideewimy tiu txumybo.

¹³ Aōu aōu bexiywinylemy borukubeke. Inatyhymy ōbitimy myibenyke, hābu rurutere wesemy bexirurud̄ȳnyke. ¹⁴ Aōhebo bot̄ȳnybenykemy ywina-di luuna-di bot̄ȳnymy boibemahāke.

¹⁵ Tefana, tas̄y mahādu-wana Akaia bede ludu-ki ityhyd̄ȳdumy juhuu rare. Kia teerytenyete. Tiiboho ityhyd̄ȳdu mahādu wiōhed̄ȳduhyummy ih̄ȳrenyete. ¹⁶ Tamy bohōlabenyke, ibutumy tamy wityhymy biwinybenyke. Tule kia wese wiōhed̄ȳdu biwiōhenanybenyke. ¹⁷ Tefana, Fortunatu, Akaio kaō ditehemynydenyete. Taita wadeysamy watxireri. Tiiboho riwawiōhenanyrenyete kaiboho kaki aōkō atximahātenyete. ¹⁸ Tiiboho wawo-ribi riwateysad̄ȳnyre, araykyreny ōs̄ny tule wahe. Kia mahādu heka ratyhyd̄ȳmyh̄ȳke.

¹⁹ Kaki Asia bede-ki ibutumy dohod̄ȳna mahādu tarybe wehityhyna adeeremy riwahinyreri. Akila, Prisila-wana taluuna Wanyr̄ynimy rybe

adee riwahinyrenyreri taheto-ki dohodỹnareny mahãdu tule wahe. ²⁰ Ibutu seriõre mahãdu rybe wehityhyna adeeremy riwahinyreri. Birybenybenykreu wii bimybenykre wiwetya-ki seriõrewesemy tamy luõsõna òbitityhyna-di buõbenykre.

²¹ Iroo tahe jiarỹ ariritinykre wadebò-di wahe. Jiarỹ Paulo warybe wehityhyna rewahinyre. ²² Inyõ Inynyrỹ luuõkeki, aõbinahakỹbo tamy kanake, kiamy rexirybenyre: 'Maranata' kia heka Jesuisi wymy kanake rare. ²³ Deuxu luuna adeeremy kanakemy idi watxiwãhãre. ²⁴ Ibutu-ò waluuna Jesuisi Kristumy. Kie.

2 Oritxi Mahãdu-ò 2 Oritxi Hãwã Dohodÿÿna Mahãdu-ò

¹ Jiarÿ, Paulo, Deuxu deòduõ watzireri Deuxudeewireki. Tahe katyyriti rewahinyrenyore Oritxi hãwã dohodÿÿna mahãdu-ò. Iny seriòereny Tximòtxi wawana ihÿre. Tule rewahinyrenyore ibutu ityhydÿÿdu mahãdu roholakemy Akaia bedeki. ² Ruxetòena, ywina-wana adeereny kanakemy idi watzireri Deuxu inytybyreny-ribi Jesuisi Kristu Inynyrÿ-ribi.

³⁻⁴ Deuxu heka Jesuisi Kristu tyby rare. Iny wiòhedÿÿdu ihÿre. Ruxetòena sòwemy inydeereny riwahinymyhÿre. Ibutumy aòmydÿÿna-di riwiòhenanymyhÿre. Tai tahe iny witzira rikiwiòhenanyrenykre Deuxu wiòhedÿÿna-di. ⁵ Iwese Kristu aòhòkÿmy dÿÿnana kaiboho teertyentye wese, Kristu wiòhedÿÿna bitamy bierybenyke. ⁶ Jiarÿboho aòhòkÿmy arotÿÿnyrenykreu, awiòhenadÿÿnyrenykreu tuukre. Tai tahe tarasana iribi bitake. Deuxu-ribi wiòhedÿÿna arimynyrenykeki, kia biu-ò hena iribi bimnye arawiòhenanyrenykreu. Tai tahe kaiboho arururenydikre aòhòkÿmy botÿÿnybenykreu. ⁷ Tahe wararòsòna sòwemy ihÿre akireny. Tiubo aòhòkÿmy dÿÿnanamy botÿÿnybenykreu tule wiòhedÿÿna bitabenyke iwese aritarenykre wese. ⁸ Waityhydÿÿdu seriòre, Asia bedeki jiarÿboho sòwemy aòhòkÿmy ratÿÿnyroiremahã. Wadeereny heka isiratyhyre ibede-ki. Tai heka raberumy roiremahã arururenyke lau. ⁹ Rahòtinyrenyore tai wakananareny sana. Kiamy heka wadeereny ditÿÿnynde bedeerynamy: ixi-di inyò nohòtiòmy, Deuxudihyyle wahe. Tii dori rubu-ribi ixixadu rare. ¹⁰ Inatyhymy tii riwatarenyore kia rebuna-ribi. Ibutu aòna aòna-ribi riwatarenykre ixityre. ¹¹ Kaiboho dori wadeereny Deuxu-ò texitòenytenyteri. Tahe ibutumy ixitòena-ò Deuxu kodoholakre tai riwiòhenanykre. Tahe ibutumyiny Deuxu riteàlananykre.

¹² Ibutumy jiarÿboho heka kia Deuxudeewimy rewinyimyhÿrenyore. Tai heka wadeysarenyore jiarÿboho. Awanareny heka tule rarybemahãrenyore: òbitinamy, Deuxu rurunamy. Iny raykywydyna-di aòkò wahe, Deuxu raykywydyna-di. ¹³⁻¹⁴ Idi mariakele, biritinykele, bierykele, kia reritinyrenyore adeereny. Wiji urihimyòle teerymy toite. Jesuisi txu tahe ibutumy bierybenyke. Jiarÿboho areysarenykre bierybenykeki wahe. Tule kaiboho beysabenykre.

¹⁵⁻¹⁶ Juhuu rahòtinyre kiawesemy: arakemy ixi-di rahòtinyre. Juhuu heka Macedonia hãwã bedeki arakemy ixi-di rahòtinyre. Iule tahe aroramy arakemy heka ixi-di watziwãhã. Òkeseu tasÿ tule, aroramy adehemynykre. Tai wiòhena inatximy bitake. Jiarÿ ayrenymy areakre, Judeia bedeki arakemy kaiboho biwawiòhenanybenykemy. ¹⁷⁻¹⁸ Reòsamy watzirerimy aòbohe wadi tahòtinytenyteri? Ixiòrarukile aòbohe tuuremy adee araÿraxikre? Tuu aòbo iximy rarybere kohe, myÿ, iule. Aòkòre, myÿ rarybere, iule wahe. Inatyhymy aòbohe rarybereri. Aòkòre rarybeòre. Jesuisi Kristu heka warybe rieryre. Kohe, myÿ, iule. ¹⁹ Tai heka raryberenyre: —Inatyhy rare. Myÿ wahe, Deuxudeewinamy. Sila Tximòtxi-wana kia Deuxu rybe-di adeereny ritÿÿnyrenyore, Jesuisi Kristu iriòremy, jiarÿ tule adeereny kia retÿÿnyrenyore. ²⁰ Inyboho ratximyhÿre

Jesuisi Kristu-ò. Kristu heka Deuxu widỹỹdu ratxireri. Inyумыreny ratx-
imyhỹre. Deuxu heka tuu iny riernanymyhỹrenyre, tii inatyhy. ²¹⁻²² Tii
heka iny ritamyhỹrenyre; rihitximyhỹrenyre; tahõrõ mahådumy riwinyre.
Inydeereny riwahinyre Deuxu Tyytybytyhy inyworeny-ò risỹnyre. Tai
heka inyboho rõhõtinyrenyre inydeereny ibutumy riwahinykremy.

²³ Deuxu heka warayky rieryre. Tai heka rarybemahãre, inatyhy
raõre Oritxi hãwã-ò. Tai heka adiride ixinamy. ²⁴ Araryberenyõtýhy
jiarỹboho aõbo bityhnybenykemy, marybebenykemy. Kaiboho dorihe
inatyhyna tetyhnytenyte. Urile tahe arawiõhenanyrenykre deysana-di
Deuxu Tyytybytyhy dee deysana-di.

2

¹ Tai wawo rerahõrera. Arakemy aõkõ abedeõtidiỹỹrenymy ixityre.
² Arabedeõtidiỹỹnyrenykeki tahe mobo riwateysanykre. Kaibohole toite.
³ Tai adeereny reritinyre. Anaõtýhy heka abedeõtidiỹỹrenymy. Kaiboho
dori deysana-di biwasỹnybenyke. Iu wadeysamy watxireriu, kaiboho
tule beysabenykre. Kia heka reerywiwire jiarỹ. ⁴ Adeereny reritinyre
bedewona-di ranywãhãu; warube rytynmahã. Bedeõtidiỹỹna-di
arasỹnyrenykemy aõkõ kỹny. Tahe timybo aluurenyremy kaiboho
bierybenykemy adeereny reritinyre.

⁵ Bedewonamy relyykeki, tiu inyõ wii ribedewonyreu, riwabede-
wonyõtýhy. Aõtxi arabedewonyrenyre. Waryberiti isirare aõkõ ihỹre.
⁶ Aõhõkỹmy dỹỹnanamy yla aõkõ rotỹỹnyre. Tai ixinamy rarekre
wiji. ⁷ Wiji tahe iwitxira aõmydỹỹnana biwinyke: biwiõhenanyke
iixãwididỹỹnadikemy. Tai tahe bedewona-di sõwetyhymy riatyõtýhy bede-
wona-ribi wahe. ⁸ Tii luunatyhy-di biernanybenyke.

⁹ Tai heka adeereny õnosõna rewahinyre. Tai juhuu waritidỹỹna
adeereny rewahinyre. Jiarỹ heka kaiboho rexiywinyumy aõbo
atxitenyteri ityhydỹỹna-ò. Kiamy adireny watxireri. ¹⁰ Kai
biixãwididỹỹnykeki heka, jiarỹ tule ariixãwididỹỹnyke. Kia adeereny
rikiwinyrenyke Kristu õraru-ki. ¹¹ Tahe Satanasi tiu iny riatoryenyõtýhy.
Inyboho rieryrenyre tii kia riwinykemy riwisỹnymyhỹre.

¹² Jiarỹ heka rõrenyre Troaji-ò Rybewihikỹ tỹnydỹỹmy Kristuni-di.
Tamy retehemynyre, isiraõlemy tai Rybewihikỹ dohodỹỹmy, Inynyrỹ
riwawiõhenanyre wahe. ¹³ Tahe wabedewomy watxiwãhã inyseriõre
Txitu-ki rahaõrekí. Tai tahe kia iny mahãdu reteõwarinyre arakremy
Macedonia hãwã-ò rare.

¹⁴ Tahe Deuxu deysana! Deuxu-wana watxiwãhãrenyre. Tahe kia ijesu
tai ritake. Kristu heka ridykre ijesu tarasadu mahãdu. Rokoirenykre
heka ihe-ki. ¹⁵ Iwese aderõna lỹnyrehekỹ ibutumy idi riãlãnymyhỹre
wese heka, kia wese inyboho roire. Ibutumy iny rierykemy heka
ityhydỹỹdu mahãdu rỹirerimy ihỹre. Lỹnyrena wihikỹ Kristu ritoonyre
wese Deuxu-ò inyboho roire. Iny lỹnyrena wese heka rare. Ityhydỹỹdu,
ityhydỹỹdukõdu mahãdu-ò ramyhỹre. ¹⁶ Kia rityhynyõmyhỹre mahãdu
tahe, tỹnyre rirubunyre. Rityhynymyhỹre mahãdu tahe tỹnyre iruwese-
lemy rare. Kia aõmysỹdỹỹna biwinybenyke. Isirare heka iaõmysỹdỹỹ.
¹⁷ Inyboho heka sõwemy inywese aõkõ iny roire. Iwese iny riwymyhỹre
aõõwyrìore idi ijohomy, kia wese karybe rare. Kia Deuxu deõdu mahãdu
heka iõwydimy aõkõ rybe riwymyhỹre. Tahe inyboho heka inatyhymy

rarybemyhÿrenyrene. Deuxu dori inydeereny rarybere òbitinamy. Riwa-teònyrenyrene òbitina-di araryberenykemy.

3

¹ Timyre heka tyyriti ritididÿÿnamy raruòhyymahãrenyrene jiarÿboho awirenyrenyrene. Tahe waribireny tule aribireny kia Ritidÿÿna ari-hurenyòtyhy. ² Kaiboho heka Kristu tyyriti wese aõma toite. Riritinymy heka roimyhÿre inywo-ki, inyrayky-ki. Idi riramy kaiboho burubenykeki, aõbo kaiboho tewinymahãte heka tamy betehebentyke. Tai tahe rierymy idi rariake ixideele. Idi rariake hãre tahe idi rex-ibedeerynyke. ³ Kaiboho heka Kristu tyyriti wese heka toite. Inydeereny iwahidÿÿmy heka tii rare. Kia tyyriti wixiramy rare. Aõ ritidÿÿna manamy aõkõ riwinyreri. Deuxu Tyytybytyhy-di tahe riwinyreri. Aõ manatyre-ki aõkõ ròritidÿÿreri inyraykyreny-ki, inywo-reny-ki ròritidÿÿmyhÿre. ⁴ Deuxu heka retyhynymahãre, Kristu òraru-ki wahe. Tai tahe tuu raryberenymahãre kiawesemy. ⁵ Jiarÿboho heka warururenyòhyre kaa aõmysÿdÿÿna widÿÿna-ò. Iny ruruna heka Deuxu-ribi sohõjile nade. Tii iny wiòhedÿÿdu, aõ iny rikiwinymyhÿrenyke-ò wahe. ⁶⁻⁸ Irybe tÿmyra dohodÿÿdumy heka inyboho roire. Ihetxiu bede ywina wesemy aõko heka ròritidÿÿre Deuxu Tyytybytyhy ihÿre. Ihetxiu bede ywina heka rubu diwyde. Deuxu Tyytybytyhy iruna riwahinyrene. Ihetxiu heka manatyre-ki ròritidÿÿre. Deuxu loosõna tule ròhõnyrene, riwahinyreure wahe. Moisesi òsÿny-ribi sõwemy loosõna ròhõnyrene. Idi tahe riixãwididÿÿnyrene. Tahe judeu mahãdu reteheòhyymyhÿre iòsÿny-ò, iòsÿny loosõnadireki. Deuxu Tyytybytyhy heka iratyrene awimyre rare, iny-ò dori Deuxu irutyhy riwahinyrene. Tahe bede ywina nade loosõna wiwihikÿ-di bede ywina tÿmyra tahe iratyrene awi rare. ⁹ Tii heka iny-di ixãwikemy ratxireri. ¹⁰ Tahe iratyrene rybe tÿmyra rare. Iny òraru-na-di ixãwikemy ratxireri. ¹¹ Kia urihimyo rÿire awi rare. Iratyrene tahe umytedeõna rare.

¹² Iny raròsõna sõwemy ratximyhÿrenyrene. Tai tahe inyboho ruberuòhyymyhÿrenyrene. ¹³ Moisesi wesemy aõkõ rakatximyhÿrenyrene. Imahãdu raykytxymy dori rÿirenyrene. ¹⁴⁻¹⁵ Imahãdutyxymy dori rÿirenyrene. Moisesi bedeywina-di rariakeki, irayky ritòbonyke. Kia rieryòrenyrene iraykyreny ratxynymyhÿrenyrenyrene. ¹⁶ Kristu rityhinyrene xiery, irayky raraymyhÿre. Iwese Moisesi òsÿnyntòbõna iòsÿny-ribi resere wese kia rare. ¹⁷ Kia Tyyriti-ki Inynyrÿreny heka Deuxu Tyytybytyhy rare. Tikibo Deuxu Tyytybytyhy rÿikeki kowa ibutumy iny ixinamy rÿike. ¹⁸ Tahe ibutumy inyboho heka Deuxu wowydyna iny òsÿnyÿreny-ki ijòdire. Iwese iny òsÿnyreny itxena-ki iny retehemyhÿ wese, Deuxu wowydyna ibutumy robimyhÿke iny òsÿnyreny-ki. Inynyrÿ he Deuxu Tyytybytyhy rare. Iribi tahe wowydyna nade. Kia wese inyboho heka Inynyrÿ wesemy relemyhÿrenyrene. Inihikÿmy delemyhÿdenyde. Tii dori iny wo-reny-ki raaòòtaòtamyhÿre.

4

¹ Deuxu taruxetòena-di heka kia aõmysÿdÿÿna inydeereny diwahinyde. Tai heka ikonanakòdumy idi rakatximyhÿrenyrene. ²⁻³ Ibutumy heka rikiwinymyhÿrenyrene aõbo òbiti rare. Aõbina binahakÿ widÿÿ-ò heka rekexijerenyke aõbo òbitirele heka rikiwinyrenyrene; rikiwiurònyrenyòtyhy heka

Deuxu rarybereriki, tuu. Deuxuruðhyyle rikiwinyrenyke. Inatyhyna loosòna-ki heka rakatxirenyke. Ibutumy heka rikiwinyrenyke ibutu itxerena òbitimy wahe. Inyboho ritÿnynymyhÿre Rybe tymyra wihikÿ. Inyò-ribi riwòmy roimyhÿkeki tahe kia rityhynyòmyhÿrele tuu ritidimy roike. ⁴ Kiakeki tahe Satanasi iitxeredÿÿ-ò riijònyreri loosònamy robike lau. Deuxu binadÿÿna rare. Ibinadÿÿdu wesemy ratxireri. Kaa loosòna-ò iny riitxeredÿÿnyhyymyhÿre aõma Rybewihikÿ tÿmyra-ò. Rarybemyhÿre dori Kristu heka Deuxu yrubule rare. ⁵ Iximy aõkò rarybemahärenyke. Inynyrÿ Jesuisi Kristulemy heka rarybemahärenyke. Inyboho heka deòdumy inyboho ratximyhÿrenyke adeereny. Jesuisi òraru-ki kia rewinyamahärenyke. ⁶ Juhuu Deuxu rarybere: —Bedeluru-ribi heka loosòna doosòmyhÿde. Tii heka loosòna-di inyraykyreny ritoosònanyhÿre. Tai heka iny Deuxu erysydÿÿna inyboho rieryrenyke. Kristu òsÿny-ki sohojile tuu rokobirenyke.

⁷ Kia heka aõna aõna wiwi inydeereny heka rare. Ihyna òwy riòre wesemy inyumyreny ratxireri, butxi weselemy wahe. Tai heka Deuxu sohojile irurudire, inyboho aõko irurudire. ⁸ Ihärele heka aõbo iny riwinyke rieryðhyymyhÿre timybo aõ iny riwinyke heka. ⁹ Aõhòkÿmy dÿÿnana heka inydeereny rehemynymyhÿre tai inyboho ikyhynamy riemyhÿrenyke. Inyboho heka bedewodihyy ratximyhÿrenyke, tahe tiemy iny raròsònarenydihyy inyboho ratximyhÿrenyke. ¹⁰ Inyboho heka itxi tõhòti reahyy inyboho ratximyhÿrenyke, Jesuisi rubuna-txi wahe. Kaki tahe iwese Jesuisi raremyhÿ wese heka rakatxirenyke. Tai iny witxira heka tuu robikre kiamy, Jesuisi rirudÿÿnanamy. ¹¹ Jesuisi òraru-ki heka brebunahakÿ-ki inyboho roire. Kia wese-ki heka iny Jesuisi runamy robikre inykireny. ¹² Kia-ki heka iny rubukonanareny inykireny rare. Tahe iruna akireny tule ratximyhÿre. ¹³ Kiamy heka Ritidÿÿna roire: —Jiarÿ retyhynyre. Taita rarybere: —Kia weselemy roire. Retyhynyrenyreri tai heka jiarÿboho tule raryberenyneri. ¹⁴ Jesuisi ixixadÿÿdu heka rare. Kaa tule inyboho tule riixixanyrenyke. Rikirònykre heka Deuxuko-txi. Kaiboho tule boibenyke wawanareny. ¹⁵ Jiarÿ wawanareny kia adeereny relere. Tamy Deuxu ruxetòena sòwetyhymy ramyhÿre-wana heka riwahinymyhÿre iratyre sòwetyhymy tamy dealàna riwahinymyhÿre. Kia heka Deuxu wowydyna-ò tuu ratximyhÿre. Bedewoõmy.

¹⁶ Iny bedewonaõhyyre heka. Iny umyreny retybynyre. Txuò txuòlemy heka ratÿmyranyke inywo-ki. Tiie heka aõbo rierynyre inatyhyy wahe. ¹⁷ Iny bededÿÿnanareny heka urihimyòle roimyhÿre. Iny wowydynarenyko-ki heka aõhòkÿmy dÿÿnana inyboho ritarenyke indireny retehemyhÿre. Retyhenyrenyke wowydyna-ò awityhyremy inyboho idi retehemyhÿre iny idi retehòmyhÿredi. ¹⁸ Aõbo iny tuu robimyhÿre bede bedemy tuu iny robimyhÿre ibutumy idi reamy. Aõbo iny tuu robiòmyhÿre heka tiu itueòtyhy. Kia-di tahe inyboho rõhòtinymyhÿre.

5

¹⁻² Inyumy tÿmyrahakÿ heka inydeereny kidiwahinykre Deuxu, iwitxira biu bede-ki wahe. Aõ hàbu wahisidÿÿna-ki aõkò Deuxu-di wahisidÿÿna-ki heka tuukre kia umy tÿmyra wahe. Tiu heka itueòtyhy. Rakabedeworenykre heka bede-ki iny telesòreny-ki rasÿnyreki inywo-ki wahe. ³ Inyboho heka biubede-ki inysÿreny inyumytÿmyra-ki

rõkõhõtinyinmyhÿrenyke. Kaa iny umyreny wahe. Rabadewomyhÿrenyke. Umy tÿmyraõ heka rikitarenykemy inyboho ratximyhÿreny. ⁴ Aõherékibo inyboho wiji rabadeworenre? Inyboho heka Deuxu bedewihikÿ-ò arõirenykekõ aõbo? Inyreny rikitarenykemy aõkõ wiji. Kaki aõhõkÿmy dÿÿnana riwawobededÿÿnyra. Kia aõbo umy tÿmyra tyre tahe rikirutyrenyke ijõ wahe. Ijõ rikitarenykre umyuedeõnaõ. Tiu itueõtyhy. Kia riwinyre inydeereny kia wahe. ⁵ Deuxu dori tuu rarybereri inydee riwahinykremy. Tatytybytyhy dori diwahinyde diteòsinyde. ⁶ Kia iwese juhoo rarybere wese heka tuu rotÿÿnykre. Tai heka inyboho teysamy ratximyhÿrenyke. Kabede-ki inyboho ratximyhÿre heka inyumyreny ratximyhÿre heka aõ Inynyrÿ-wana aõkõ ratximyhÿre. ⁷ Tiu heka rokobirenyõtyhy rikityhynyrenykekile ka idi rakatxirenykre. Inyboho rieryreny timybo rarekre wahe. ⁸ Jiarÿ wadee awire kabede-ribi arexitate Deuxu-wana arasÿnyke wahe. ⁹ Aõma tamydeewimy heka tuu iny riwinyke wahe iny-wana rasÿnyke. Kaki iny ratximyhÿre tahe aõbo awire heka tamy awire. ¹⁰ Inydireny rethemyhÿre. Aõbo inyboho riwinyrenyriwinyrenyke. Aõbina bina rikiwinyrenyke heka aõhõkÿmy dÿÿnana inydeereny riwahinykre. Aõwihikÿ riki rikiwinyrenykre wana tasÿ. Aõbo awityhy inydereny kidiwahinykre.

¹¹ Inynyrÿ heka inyboho rityhynymyhÿre. Tai inyboho iny witxira-ò tuu sõwemy relymyhÿrenyke. Ibutumy heka Deuxu iny rierymyhÿrenyke. Kaiboho heka tule tiwaerymahãtenyke. ¹² Kia heka reraõmy watximyhÿrenyke biwaerybenyke. Ararybeõtyhy heka adeereny jiarÿ awiremy. Tahe wadee ka awire kaiboho waluurenyke. Hãbu iumyle awimy rÿirerimy ihÿremy idi rõhõtinyinmyhÿre. Tii heka õbiti aõkõ rare. Kia biwyõnybenykemy adireny watxireri. ¹³ Juhoo iny rieryremy itelesõ. Inymyreny rarybekeki itxÿtemy inyboho roirem. Rakaryberenyke heka aõbo inyboho dori Deuxu dee. Aõmysÿdÿÿrenymyhÿreki inydireny rõhõtinyinmyhÿre. Inymyreny rarybekeki inyboho awilerenyremy. Iõrarureny-ki tuu rakatxirenyke. ¹⁴ Kristu luuna heka kiamy iny riraykydÿÿnymyhÿre. Tii heka rurure iny ibutudee. Tii rurureu, ibutumy inyderõwrenymy rurure. ¹⁵ Rurure heka aõma iny ixidee sohojile irumy rareke lau. Kia tako-ò rakreu tamy heka irumy rakre. Tamy dori rurure tai rexixare rubu-ribi. ¹⁶ Rakaraykynyrenyke timybo hãbu awiré, ibinaré. Kaimy heka rakaraykynyrenyke. Aõ iwese iny witxira raraykynymyhÿre wese aõkõ raraykynyrenyke. Aõma inyboho aõbo Jesuisi Kristu-di raraykynymyhÿre heka. Ixityre aõbo tuukre. ¹⁷ Tii heka umy tÿmyra tuedeõna-di ratximyhÿre iwitxira ratximyhÿre. Juhu iaõmydÿÿnana iribi ixãwira. Tahe wiji raraykywydynanyre iwitxiramy. Ibutumy iaõna aõna ihetxiu heka rawitxiranyre, awi-ò. ¹⁸ Deuxu heka ibutumy kia riwinyre tamy. Inyboho heka iõludu roire, juhoo wahe. Wiji tahe iliinamy ijoi ratximyhÿre. Iny witxira heka iliinamy rarekemy idi watxiwãhãre. ¹⁹ Wiji tahe timybo Kristu rarybekremy heka adeereny rarybereri. Aõma Deuxu kia liinamy rarekemy wahe. Ixinamy Deuxu. Ka Deuxu aõ anaumywitxiranydenyke. Kia Kristu õraru-ki tuu ratximyhÿre.

²⁰ Jiarÿboho Deuxu deõdu roire. Tai Kristu derõwmy adeereny rarybereri: Iluuna ixidee ixby bimybenyke. Wii biwowixinybenyke. ²¹ Deuxu heka iny õraruna ritidire Kristu tyre-ò. Kristu inyõrarunareny riwiyre. Wiji tahe Deuxu õbitina inydeereny riwahinyrenyke.

6

¹ Jiarÿboho tahe raaõmysÿdÿÿnyrenyke Deuxu dee. Deuxu ruxetðena dori tetatenyete, tai idi mohõtinybenyke, õhõtireny-ribi losaõmykemy. ² Boholabenyke aõmybo Deuxu rarybereriò. Jiarÿ heka aluurenyre iurenana tahe ka arybe-ò raholareri. Arawiðhenarenyre iu wadee textiðenyteu, wadee taryteu. Boholake wiji heka bitabenyke Deuxu ruxetðena. Wiji heka biu-ò hena txumy bede rÿire. ³ Inyõ iny aõmysÿdÿÿnarenymy ibinamy rarybekeki, uritere ijõ iny bedeworenyõmy, jiarÿboho òraru-ki. ⁴⁻⁵ Jiarÿboho dori Deuxu deòdutyhy roire. Tai rikiteòsinyrenyke ibutumy aõbo inyboho dori Deuxu deòdu roire. Tai riteòsinyke ibutumy aõbo iny riwinymyhÿke. Aõna aõna rikiteòsinyrenyke. Òhòte wakireny rÿimyhÿre. Ròtenawo-ò ralòmyhÿrenyre. Bedeweweky-ki aõhòkÿmy ratÿÿnymyhÿre. Sòwemy heka reòludunyre aõnana bina binahakÿ reòludunyre. Aõ òta òta reòludunyre. Sòwemy heka raaõmysÿdÿÿnynihikÿrenyre. Sòwemy heka aõmysÿdÿÿnadikre; tÿikõ bede reijerenyre; byreõmy bede reijerenyre; ⁶ òbitimy heka rewinyrenyre. Aõma, ywiny-di ròwidÿÿrenyre bedeeryna-di. Ka roirewãhã iny iwitxira rewiohenanyre. Ibutumy kia rewiohenanymy roirewãhã. Deuxu Tytybytyhy heka wawanahyy roiremyhÿ. Luuna heka inydee reteòsinyrenyre Inatyhyna rybe heka retÿÿnynmahãrenyre. Sòwe heka ritÿÿnynymy, jiarÿboho Deuxu deòdu roire wahe. ⁷ Òbitina dori wadebònareneny wese rare Satanasi itxemy. Jiarÿboho heka remymahãrenyre aritarenykemy. Tule iny rexiijemyhÿre òbitina-di. ⁸ Ijõ heka waluurenyre inyõ tasÿ aõbina binahakÿle wadee riwinymyhÿre. Ijõ heka Rybewihikÿmy wadee raryberemyhÿre. Ijõ tasÿ rybe binamy wamyre, raujõmo. Inatyhyna rarybemyhÿre. Tai wamy ruidu riwaninimyhÿrenyre. ⁹ Ibutumy heka iny riwayreny. Tahe rieryõhyemy heka inatyhy rare. Watxiwãhãrenyre rubu wese ihãre tahe warumy watxiwãhãrenyre. Tiibohe heka rubu wesemy inydireny ratximyhÿrenyre. Aõhòkÿmy ratÿÿnyrenyre hãre raruõhyylemy watximyhÿrenyre. ¹⁰ Aõna aõna heka bedewonihikÿmy ròhònyre. Tiiemy wadeysahyy watxiwãhãrenyre. Jiarÿboho heka urimynodule watxiwãhãrenyre. Ibutumy inyboho rityhydÿÿnyrenyre. Aõhomy aõkõ inyboho ratximyhyreny tahe ibutumy inydire roimyhÿrenyre.

¹¹⁻¹² Tahe kaibohe ityhydÿÿdu seriòre mahãdu Oritxi hãwã-ki. Jiarÿboho heka kaa òbiti-my aõna aõnamy rarybemyhÿre. Kaibohe heka ijohona derarenyre aõmybo rarybemyhÿrenyreò. Jiarÿboho heka aluurenyre. ¹³ Kai wariòre wesemy adee rarybereri. Umy iwese jiarÿ aluure wese, kai waluurenyre.

¹⁴ Boholabenyke warybereny-ò ityhydÿÿdukõdu mahãdu-wana aõmysÿdÿÿrenyõke. Timybo òbitinaõ heka aõbinaõ-wana raaõmysÿdÿÿke. Timybo heka loosõna bedeluru-wana ratxike? Aõkõre! Tiu wiwana rauriòtyhy. ¹⁵ Satanasi heka Kristu-wana raaõmysÿdÿÿnanyõtyhy. Itydyÿÿdu mahãdu wiwesehyyle raraykynykemy rÿira. Ityhydÿÿdukõdu mahãdu-wana tahe wiraykyweseke aõkõre. ¹⁶ Deuxu aõmysÿdÿÿna heka iwitxi rare, suritxoo aõmydÿÿnana-ribi, wahe. Kaibohe heka Deuxu dohodÿÿna ijoimy toite Deuxu oworeny-ki ratximyhÿre. Deuxule heka kawesemy rarybere: —Jiarÿ heka wasÿ ariwinykre ayreny-ki. Jiarÿ iDeuxumy aronykre tiibohe waijoimy. Rorokurenkre. Tai tahe Inynyrÿ rarybere wiribi bihitxinyke. Inybina-ribi bexihitxinybenyke.

17 Bexiebenyke òbitikòre-ribi wahe. Uritere tamy adi rexihumy, ixierya aramyrenykre ixidee wariòre wese.

18 Warurutyhymy adee rarybere. Boomy heka adireny ararekre, jiarÿle wahe. Deuxu rurutere rare Jiarÿ.

7

1-2 Deuxu ibutumy tuu rarybere: —Kai ityhydÿÿdu waseriòre mahãdu. Tai tahe rikexiòbitinyke ibutu aõmydÿÿnana-ribi. Iny umyreny-ki roko-birenyke inyumyrenyy-ki. Òbitimy heka rakatxirenyke iko-ò, Deuxuko-ò. Aõma waluumy heka atximahãbenykemy rahòtynywãhãrenyre. Iny-ò aõ bina bina rewinyòhywãhãrenyre. ³ Tuhe kaa rarybere tahe ixityre anarybekre. Aluurenyre jiarÿboho ibutuhyye ratximyhÿre iny rummy ratximyhÿre hãre tasÿ rukururenykre tulekre. ⁴ Wadee heka awire ibutumy kaiboho ratximyhÿrenyre. Kai aõwitxira witxira wadeereny rÿira umy retyhynyreki. Isirare heka wadee kia ratximyhÿhãrele Wadeysatyhymy heka watxiwãhãre, wiòhedÿÿtyhy òraru-ki, ijyy òraru-ki.

⁵ Jiarÿboho rethemynyre Macedonia bede. Taita tule elehynaòhyyre wadereny. Ibutumy heka aõna aõna, òta òta witxira witxira; bede bede ihyy my aõkòre rÿire tai. Aõma bedewonihikÿ heka watelesòreny-ò ralore. ⁶⁻⁷ Deuxu riwawiòhenanyrenyre; Txitu diteònyde wadeereny. Tii rybereny heka awiremy kaiboho. Tai tahe reysarenyre jiarÿboho. Kaiboho tabedewomy atxitenyteri waòraru-ki. Katahe wadeysa nihikÿmy watxireri. ⁸ Adeereny warybetyyriti rewahinyreki tabedewomy atxitenyte. Tai tahe reysamy watxireri. Ihãrele heka tyyriti adeereny arawahinykre. Kaiboho heka tabedewotenyte iribi tahe aõmydÿÿna kaiboho tewitxiranytenyte teòbitinytenyte ibutumy. ⁹ Tai tahe jiarÿ reysamy watxireri. Aõbinare dori rewinykòre arawiòhenanyrenyre heka. ¹⁰⁻¹¹ Deuxu heka iny ribedeòtiidÿÿnymyhÿre iny ywimy riraykydÿÿnykemy. Kia kidiwymyhÿke inydee tarasana wahe. Tii heka awire. Ijò bededeòtiidÿÿ tahe bede ludu bede òtiidÿÿ. Kia tahe rubu diwymyhÿde. Kaiboho heka tabedeòtiidÿÿnymyhÿtenyte. Deuxu heka kia riwinyre awiòhedÿÿnamy aõma kaiboho awirenyre. Aõ witxira witxira sòwemy akireny rÿireri, aõ òta òtareny. Kiadile tahe aõma òbitihyy my òhò ayreny-ribi kaiboho heka taykarananytenyte. Kaiboho heka waluudumy teletenyte. Kaiboho biwinybenykemy aõbo òbitimy ratximyhÿre iwidyÿÿmy tarotenyte. Ibutumy heka òbitihyy my rarekemy idi tetehetenyte. ¹² Tai kia tyyriti adeereny rewahinyre. Aõ kia rewinyre heka aõ iny iòrarudikekile aõkòre rewinyre. Idi aretehekemy heka. Kaiboho waluurenytyhyre aõbo òraru-ki wahe. ¹³ Tai heka wadeysamy watxiwãhãre. Aõ inyboho sohojile aõkòre teysa ratximyhÿrenyre. Txitu tule teysamy ihÿmyhÿre, kaiboho tawiòhenanyteki ¹⁴ Tu heka rarybere adeereny kaiboho dori awimy tai tahatenyta awityhy. Adeereny heka inatyhyhy rarybemahãrenyre, inatyhynamy. Tule mobo rarybere Txixu-ò. Ka tahe inatyhy rarybemy ratximyhÿre. ¹⁵ Tai heka Txitu kia luuna heka aõnityhymy akireny rare. Itxi heka tòhòti akireny aõma Deuxu tetyhynmahãte-txi. Kaiboho tedytenyteki. Ihãrele urihimyo ruberumy ratximyhÿ. ¹⁶ Reerymahãre jiarÿ kaiboho òbitimy boibekre. Tai wadeysamy watxireri.

8

¹ Deuxu ruxetòdena-ki heka sòwemy riwinyre Macedonia dohodÿÿna

mahāduy-ki wahe. Jiar̄y tuu arelyykemy idi watzireri waseriòreboho. ² Sōwemy heka iaōna aōnareny iaōōtaòtarenyre tiiboho. Aōhōk̄my rot̄ȳnyreri tiiboho. Ihārele ka deysamy heka relereny. Reysareny heka. Tiiboho heka iaōkōreny. Aōhohomy aōkō heka roiremyh̄y. Kiahārele heka sōwemy riwahinyre tamahādu wiòhed̄ȳmy. ³⁻⁵ Riwahinyre heka sōwemy ixideewimy. Sōwemy riwahinykelemy wadee rarybere. Tiiboho heka sōwemy wiòhed̄ȳmy rurumy roiremyh̄y. Tai inyboho ribedeòtiinyre sōwerek. Kia judea bede, dohod̄ȳna mahādu, kia wiòhed̄ȳmy. Juhu heka tiiboho rexiwahinyreny Inynyr̄yreny-ò. Tule Deuxu deewina inydee riwahinyre. Iny wiòhed̄ȳnarenymy rexiwahinyre. ⁶ Tai tahe jiar̄y rarybereri Txitu-ò: —Kai biwiòhenanykemy iaōmyd̄ȳnareny-ò. ⁷ Kaiboho heka sōwemy tetyhynyteri. Kaiboho heka Deuxumy awimy tarybemyh̄ytenyete. Kaiboho heka teerytenyete Deuxu aōmyd̄ȳnana. Kiaboho heka waluureny waluuurenymy boibeke wawiòhed̄ȳduren. Biwawiòhenanybenyke. Tai heka sōwemy bexiòlòd̄ȳnybenyke adireny watzireri. ⁸ Aō bede ywinaō heka adeereny rewahinyōhyreri. Arierykemy heka idi watzireri timybo aluuna ratximyh̄yremy. Tii riteòsiny heka timybo ijō dowiòhed̄ȳmyh̄ydem. Tai tahe iwese tii rot̄ȳnyre wese kaiboho tule bot̄ȳnykre. ⁹ Deuxu ruxetòena teerytenyete, Jesuisi Kristu ruxetòena wahe. Tii heka ityhy rare. Tii rikōd̄ȳnyre heka aōrarureny-ki. ¹⁰ Taihyky tetyhynytenyete Deuxu aōmyd̄ȳnana-di. Kiamy heka raraykynyre. Arawiòhenanykemy heka adireny rahōtinyre kanau bedeu. Tewiòhenanytenyete inatyhymy. Tai tahe bikonananybenyke kia kanau bedeu tewinytenyete heka bikonananybenyke. ¹¹ Aōma ireiōno, uriōno biwahinybenykeki, Deuxu heka rimyke. Kia-di rōhōtinyke. ¹² Kia uriōnomy idi teywinynty atxiteri-di rōhōtinyke. Tamy wahid̄ȳmy aōkōhyykeki tahe Deuxu aōma raraykynyōtyhy. ¹³⁻¹⁴ Jiar̄y heka isiramy adee ariwinyōtyhy aō. Kaiboho heka sōwemy kaa wiji toite, Tai tawowi-di inyō rōōkeki, taaōnasōwe myna Deuxu-ò riwahinykre. Iaōkōkeki tai ibinamy Deuxu rahaōtyhy. Tai biwiòhenanybenyke heka ihoōmy r̄yira mahādu. Jiar̄y heka aō retōnyreri aōkō rare, biwahinybenyke. Kai ihoōmy atxikeki tahe, tule inwitxira anawiòhenanykre. Taita wiwanale wiwesehyyle rōhōnykre. ¹⁵ Kiamy heka Tyyriti-ki Ritid̄ȳna roire: —Hābuō heka sōwemy ributunyre. Tahe aōhe rauhenyōhyre tamy kia ibutuna-ribi wahe. Ijō tahe ibutelemy ributunyre hābuō wahe. Tiile heka aō tamy rasiranyōhyre.

¹⁶ Txitu awiòhed̄ȳrenymy rurumyh̄yre iwese awiòhed̄ȳrenymy rurumyh̄are wesele wahe. Deuxumy realāre tai, Deuxu dori tuu rot̄ȳnyre. ¹⁷ Taita ixinamy arorarenymy rehemynykremy. ¹⁸ Riwiòhenanyrenyri iwitxira seriòreō. Ibutumy dohod̄ȳna mahādu-ribi tii rityhynymyh̄yre aōma Rybewihik̄y-di rit̄ynynymyh̄yre awimy. ¹⁹ Dohod̄ȳna mahādu ri-hitxinyre wawana kanakemy. Ibutumy Inynyr̄y loosōna heka tuu ratximyh̄yre. Tule riteòsinyh̄yre ibutumy iny rikiwiòhenanymyh̄yrenkemy. Tai heka inyseriòreny reteònyrenyri ityhyd̄ȳdu mahādu. ²⁰ Tai inyō kia nierumy inyō rarybeōtyhy. ²¹ Òbityhylemy rikiwinyrenyke ibuturu-ò. ²² Ijō tii-wana rake. Reurihirenyre heka tii wiòhed̄ȳmy rakeò, tai heka tii wiòhed̄ȳmy ratxireri. ²³ Txitu heka waliina rare; wawana raaōmys̄d̄ȳnymyh̄yre heka rare. Jiar̄yboho heka awiòhed̄ȳrenymy rarumahāreny. Ijō seriòrenyō nade dohod̄ȳna-ò wiòhed̄ȳmy. Tai kaiboho wowodyna tamy biwahinybenyke. ²⁴ Tai tahe dohod̄ȳna mahādu

kaki rierykre. Tai rityhynyrenykre aõmybo umyreny rarybere. Tule wiluummy atxiteri.

9

¹ Reerywãhãre jiarỹ wiðhedỹmy tarumahãtenyete Judeia bedeki. Tahe kiamy aõ aõkõ ariritinykre. ² Reerywãhãre timybo akireny rare. Jiarỹboho heka awimy raryberenyre umyreny Macedonia hãwã mahãdu-ò. Myheka rarybere: —Akaia bede seriðre mahãdu wiðhedỹmy rexiywinymy ratximahãrenyete kau beðrau. Tai tiiboho rexideysananyrenyete. ³ Tai heka kaa seriðre mahãdu reteðnyteri. Tai heka awikre biwiðhenanybenykre dori. Kiamy iwese rarybereri heka inatyhy rare. ⁴ Araixỹrukre heka jiarỹ aõma bexiywinybenyðlemy wiðhedỹna-ò atxibenykre-wana. Tule kaiboho maixỹrubenyke. ⁵ Tai heka inyseriðreney reteðnyete akorenymy. Tahe iu arehemynykreu, bexiywinybenyke. Biwahinybenyke wiðhedỹmy atxitenyteri ixideewimy. Aõ jiarỹ adeereny rexiðenyteri aõkõ wiðhedỹmy.

⁶ Kia hãbu ibutemy ròbòròmhyhẽre heka ibutelemy tamy aõna aõna ruhunykre. Kia hãbu sówemy ribrònymhyhẽre tahe tamy sỹ sówemy aõna aõna ruhunymhyhẽre tamy riwahinykre bederaty aõmydỹnana. ⁷ Tai heka iny sohoji sohoji ixideewimy tiwesebo riwahinymhyhẽre. Riwahinyðke tahe aõ tuu rurukõteri urenana tuu ratxike. Deuxu dee riwahinymhyhẽre mahãdu deysana-di riwahinymhyhẽre kia iny mahãdu Deuxu tuure. ⁸ Deuxu heka riwahinymhyhẽre sówemy aõmybo tarumahãte kia inydeereny iratyre. Ibutumy aõmybo tarumahãte heka tule iny witxira biwiðhenanybenyke. ⁹ Kiamy Ritidỹna-ki roire: —Tii tawowi-di iaõkõ mahãdu-ò. Ròwahimhyhẽre. Kia tahe iinydee wobrona tiemy rosaõmy rarekre. Deuxu heka riwahinymhyhẽre tibo alòbòròdu-ò. ¹⁰ Inydee riwahinymhyhẽre pað iny rirỹsỹke. Tahe tule sohoji sohoji òwòrutymy rurumhyhẽre heka tamy riwahinymhyhẽre. Kia ribòrònymhyhẽre tahe Deuxule ritxuhudỹmyhẽre. Tahe sówemy bitakre Deuxu-ribi. ¹¹ Kia rimymhyhẽre mahãdu tahe Deuxumy realãmhyhẽre. Kia tewinymahãte heka Deuxudeewimy tewiðhenanymahãte. Deuxu heka sówemy rimymhyhẽre ealànareny iòraru-ki. ¹² Kaiboho heka Deuxu mahãdu teriwiðhenanytenyete. Kia sohojile aõkõ. Tule aðraru-ki tiiboho Deuxu-ò wowydyna sówemy riwahinyrenyete. ¹³ Kaiboho Rybewihikỹ tỹmyra tetyhynytenyteri, Kia ibutumy rierymyhẽre kaiboho dori uriðno tewiðhenanytenyete, tai iny wowydyna Deuxu-ò riwahinykre. ¹⁴ Adeerexitòenykre aluumy heka relekre Deuxu adeeruxetòena riwahinyreki. ¹⁵ Deuxu-ò wowydyna iny-ribi kanakemy heka idi watzireri. Wahidỹna wihikỹ dori Deuxu inydeereny riwawahinyre.

10

¹ Jiarỹ Paulo heka aõmybo adeereny arexiðenykre. Aõherekibo tamy tarabemahãtenyete awanareny watxiwãhãu urihimyoðe watyhyna watzirerimymy wamy tarybemahãtenyete. Jiarỹ heka awana rybetere-di rarybeõmahãre awanareny watzireri wana. Tiu rareu, taheka ròritidỹre rybetere-di wahe. ² Ròhòtinywãhãre. Rexitòenyteri. Awi heka rare. Ywina-di iny risỹnymhyhẽre. Inyð wamyreny ibinamy rarybekeki tahe tule ararybeke heka. ³ Inatyhymy kabede-ki inyboho rasỹnymhyhẽrenyete. Rakaaõbinanykeki, inyumyreny aõbinana wesemy rare. Tebònadirenyete.

4 Tebònadirenyre. Aõ kabledemy iny rÿira kia debòna wese aõkõ kÿny. Deuxu debòna heka rÿira irurule heka rare. ⁵ Inyõ aõbinamy Deuxumy rarybemyhÿkeki, tai tahe kia wadebònareny remymy resewãhãreny kia iããwididÿÿnamy wahe. Ibutumy Deuxu òludumy ratximyhÿre heka remywãhãreny Deuxu rierykemy Kristu rityhynykemy wahe. Kaiboho heka ibutumy tetyhynymahãtenynte. ⁶ Kaiboho biatybenykeki, tahe, rexihuhymy rÿimyhÿre aõhõkÿmy dÿÿnana-ò. ⁷ Kaiboho heka tete-hemahãtenynte aõna aõna-ò ahana-ribi wesele wahe. Inyõraraykynykeki ratximyhÿreny ixinamy tuu raraykynyke. Jiarÿboho heka tule Kristu mahãdu hõrõ iny ratxirenryeri. ⁸⁻⁹ Deuxu heka ruruõ wadee diwahinyde arawiõhenanykemy tai raixruõmyhÿre. Tai heka abrebudÿÿrenymy aõbo kariti rewinyre. Urile tahe aumydÿÿreny adireny rewisÿnywãhãre aõ bede arãatyremy aõkõ. ¹⁰⁻¹¹ Ityriti rybetere heka ribrebudÿÿ tahe re-hemynyreu heka tii aõkõ rybetere-di rarybemyhÿre. Awityhymy aõkõ rarybemyhÿre riritinyreu. Iwese ròritidÿÿre wesemy aõkõ rarybere. Iu adehemynykreu tahe, iwese ròritidÿÿre wesele heka anarybekre. ¹² Iny tai ratximyhÿre heka sówemy ixidi rõhõtinyinmyhÿre tii awiremy. Kia tahe watzimyhÿreny kia raryberenyõtyhy. Tii dori raitxÿtemy ratximyhÿ. ¹³ Aõmy iximy rarybemyhÿre dori tii awimy iximy rarybemyhÿre heka urile tuu raraykynymyhÿ. Timybo Deuxu inydee raryberere rikiraõmyhÿke. Kiawesele inydeereny awire. ¹⁴ Iaõmysÿdÿÿna heka timybo rikiwinyrenykele iny riijemyhÿreny. Juhu heka Rybe tÿmyra wihikÿ heka adeereny adiwykemy idi watziwãhãre. Rewyreny heka juhuru Rybe tÿmyra wihikÿ adeereny rewyre. Tai heka tuu raryberenyõhymahãreny timybo iny witxira aõmysÿdÿÿna riwinyreny. ¹⁵ Kaiboho heka aityhydÿÿnareny raumynykre. Tii heka wadeereny awire. Jiarÿboho heka aõmysÿdÿÿna wihikÿ sówemy ariwinyreny watzirenryeri ayreny-ki, Deuxudeewireki. ¹⁶ Idi tahe aròirenykre rybe-di aritÿnynyrenykre iõbede-ò, Rybe tÿmyra wihikÿ-di wahe. Aõmy ararybeõtyhy aõmysÿdÿÿnareny iwitxira rewinyremy. Kiamy heka Ritidÿÿna-ki roire: ¹⁷ —Urile tuu rybe rÿike Inynyrÿ timybo riwinyrelemy. ¹⁸ Iny ixidi rõhõtinyinmyhÿre tii awireny. Tahe awi aõkõ rare Deuxu-ò. Deuxu tahe awimy tai rahamyhÿre tii idile rõhõtinyinmyhÿreki.

11

¹ Jiarÿ òsana urihimyo raitxÿtemahãreny kaiboho wawana tòiterimyi ixi-di atxitenyteri. Ihãrele taheka urihimyo reòludunymahãre. Jiarÿ heka okorenyre iwese Deuxu ratximyhÿre wesele. ² Ywimy atximahãbeny adireny watzireri. Kaiboho iwese ijadõma hãbumy roikre wese toite. Hãbu heka Kristu rare. ³ Jiarÿboho raberuwãhãreny kaiboho Kristu-wana atximahãbenyke lau wahe. Iwese Eva hemylala riitxenanyre wese wahe. ⁴ Inyõ kanakeki rõhãletedÿÿmy Jesuisi witxiramy. Tahe kaiboho bityhynybenykekile jiarÿ heka raberumahãre. ⁵ Iõ dori ritÿnynymyhÿre iwese inyboho ritÿnynymyhÿreny wese aõkõ iwitxiramy. ⁶ Kaiboho heka tahõtinyinmahãtenynte tÿnydÿÿdu wihikÿmy inykeny ratximyhÿre. Tahe awiremy idi tahõtinyinmahãtenynte. Tai iwesele inyboho roire awi heka roire. ⁷ Tahe iwese tii awityhymy rarybemyhÿre wesemy aõkõ inyboho rarybemyhÿreny. Tahe iny rierymyhÿreny inraykyreny-ki. Sówemy heka tuu adeereny rarybemahãreny. Iu jiarÿ rybe ritÿnynymy

akireny rarewâhâu, kiau heka adeerëny rexitòenyòhyyre iòwydÿÿmy. Iy-jamy heka ixidee reijenynrenyrene kaiboho bexiòlònybenykemy. Teòsare òsana iwese rewinyrene wese. ⁸ Ijò dohodÿÿna mahâduò heka riwaòwynyrene adeerëny aritÿnynnyrenykemy. Iwese iribi rawasinyrene wesemy heka rahòtynyrene. ⁹ Iu akireny rybe-di tÿnydÿÿmy rarewâhâu tiu rexitòenyòhyyre adeerëny biwawiðhenanykemy. Macedonia hâwâ-ribi dori ityhydÿÿdu, mahâdu seriðreò aòmybo raruwâhâre wadee diwyde. Tiu heka aò aribireny aritaòtyhy. Tuu rarehy wese heka wiji rarekre. ¹⁰ Kristu inatyhynamy wadee rarybereri kia wese tule ararybekre ibutumy Akaia hâwâ hâwâ-ki. ¹¹ Jiarÿ heka aluunihikÿrenyrene. Taile heka tuu rarybewâhâre Deuxule rieryrene. ¹² Kia rybe tÿnydÿÿdu heka iwese rewinywâhârenyrene wesele ròwidÿÿmyhÿre. Kia heka rewinywâhârenyrene heka kia rarybereri heka aò wiribi lahitxi aòkòmy rarybereri. ¹³ Kahâbu heka inatyhy Deuxu deòdÿÿna aòkò ratximyhÿre. Ruile heka iaòmysÿdÿÿna-ki ròhònymyhÿre. Rexitÿnynykemy Kristu deòdÿÿna mahâdu-ò. ¹⁴ Tahe aòkòre heka Satanasi tule rexiwixiranymyhÿre. Ýju wesemy tii rexideòsinymyhÿre. Kia hâbu teòdu rare. Tai heka irehemy iribi rexiijaranyrene òbiti deòdu mahâdu ratxireriki wahe. ¹⁵ Urile tuu iny idi ròhòtynykelemy heka tuu ratxirerimy ihÿre. Tahe aòkòre. Ikonanau tahe aòhòkÿmy dÿÿnana ritarenkyrene aòbo riwinymyhÿre òraru-ki.

¹⁶ Ixityre tuu ararybekre. Inyò raykykòmy jiarÿ itxÿte raremy. Ararybekre heka waaòmydÿÿnanarenemy. ¹⁷ Teramy ijirarenyòmyke aòmybo ararybekre. Deuxu dori tuu arybedÿÿ-ò riwaijònymy, tai heka rarybere itxÿte wesele watximahâremy. ¹⁸ Kai boho heka taholamahâtenyete itxÿte mahâdu-ò. Katahe bodoholabedenyrene aòmybo ararybekre. ¹⁹ Inyò kedehemynykeki kaa biwinybenyrene. Tahe tewinymahâtenyete aòna aònamy aòkò wahe. ²⁰ Inyò araitxenanyrenykeki uritere aòmydÿÿrenyòmy tamy. Jiarÿ heka ariwinyòtyhy tuu, wadee awiðre. ²¹ Ijò rarybemyhÿre inyò. Tule jiarÿ ararybekre. Itxÿte wesemy ratximyhÿremy. ²² Tii heka Hebreu mahâdumy tii rexininire. Jiarÿ tule kia tuu rare. Ijaò mahâdumy heka tiiboho rexininirenyrene. Jiarÿ tule. Abraò riokoremy rarybemyhÿre. Jiarÿ tuleri. ²³ Kristu deòdumy heka tii rexininimyhÿre. Rarybewâhâre itxÿte wesemy. Jiarÿ heka iratyre deòduwimy watxiwâhâre. Jiarÿ raaòmysÿdÿÿ nihikÿre. Ròtenawo-ò riwarutyrenyrene iratyre. Ri-wahatenyrenyrene iratyre. Arurure inihe iratyre. ²⁴ Judeu mahâdu heka 39 hetenamy wamy raòhòtere iruyre sòwemy wahe. ²⁵ Roma mahâdu tasÿ inataòmy riwahatenyrene. Sohoji ta mana-di watyrene ri-hure. Ijòtxu heka hâwoninihikÿ heka riorore. Aòutxu heka bera-ki raire ruu ibutumy txuu tule ibutumy rehure. ²⁶ Ibutumy reamy rarewâhâ aòma wasidu bede aòmydÿÿnanamy bera-ki tule arurure inihe. Judeu mahâdu warubudÿÿmy wadi riwisÿnyrene. Tule judeukòdu mahâdu tulere. Hâwâhâkÿ-ki rebunatyhymy watxiwâhâ, bede rahy-ki tule, ahohokÿ-ki tule. Waliinaò inatyhy aòkò tai ihÿmyhÿ. Tai heka riwaitxenanyrenyrene. ²⁷ Aòmysÿdÿÿ nihikÿ tai. Tÿikòhyky heka bede reijemy rarewâhâ. Rama riwasare; bemy rarowâhâre. Timy heka tÿinatykyò ihoòhykyre sòwemy wahe. ²⁸ Tai tahe rahòtynyrene ibutu dohodÿÿna mahâdu-di. ²⁹ Urihimyòle taruru-di ratxireri wana jiarÿ tule iheki waruruhomy aòkò relemahâre. ³⁰ Inyò raòrarunymyhÿre wana jiarÿ rabadewowâhâre iòraru-ki. Jiarÿ rexideòsinywâhâre waaòkòre urity-

hywähäre. ³¹ Deuxu Jesuisi Kristu tyby dori riwaerymyhÿre aõu aõu heka iny rakanihikÿnykre. ³² Iu Damasu hãwã-ki rarewãhãu, Iòlò Areta bede dinodu heka riwamymy riwateõnyre. riwamykemy hãwãhakÿry ijò-ò. ³³ Weriri nihikÿwomy riwawòmmy riwatidire, Walina mahãdu. Tahe heto raro-ribi riwaatyre hãwã ahana-ò. Tai tahe rahenyre iribi.

12

¹ Jiarÿ heka ararybekemy watzireri. Aõ aõkõ rarehãrele heka ararybekemy watzireri. Wiòhedÿÿna aõkõ heka rare. Wanyrÿ wadee riwahinyre aõna aõnamy heka rabire rasina wese jiarÿ sohojile wahe. Kiamy heka arelyykre wiji. ²⁻³ Tahe 14 beõramy heka Deuxu ityhydÿÿduõ ridyre biu-ò tasÿ-ò wahe. Deuxule rierymyhÿre inatyhy aõbo rare ada aõkõre aõbo. ⁴ Kahãbu Deuxu-ribi heka rybeõkemy roholare. Tahe rarybeõtyhy. ⁵ Iximy tahe ararybeõkre kia wadeysarehãre. Waaõhõkÿmy dÿÿnanadile areysakre. ⁶ Urile ararybekre timybo releremy. Taile tahe iny tuu rarybekre. Tuheka rabire sõwemy aõwiihikÿmy. Jiarÿ awiremy iny wamy raraykynyheny. ⁷ Tahe Satanasi aõbinana witxirahakÿbo wadee riwahinyre. Ixidi arõhõtinyõkre. Jiarÿ aõwiihikÿ jiarÿ raremy wahe. Araraykynyõkemy. ⁸ Inataõmy heka Inynyrÿ-ò rexitõenyre kiamy waribi ritakemy. ⁹ Tii wadee rarybere: —Waruxetõenale heka adee awire. Aõbo kai taaõkõteu heka waruru adee rewahinyre. —Tai tahe jiarÿ reysare, waaõkõreu wahe. ¹⁰ Tahe awire, waõkõna, warurukõna, ibutumy wadee awire. Kristu òraru-ki heka tuure. Tiubo ibinamy wamy riwinykreu warurukõkreu, warurudikre.

¹¹ Rarybere heka hãbu itxÿte wesele heka rarybereri. Kaiboho iõrarureny-ki heka kia wesemy rarybereri. Inatyhymy heka jiarÿ kia rybe tÿnydÿÿdu mahãdu bina ratyre watxiwãhãre. Ayreny-ki rarewãhãu heka teeryntenye. ¹² Aõna aõna wiihikÿ, deytana wihikÿ, bedeõtidiÿÿna ayreny-ki rewinyre kia Kristu deòdumy watximyhÿreki wahe. ¹³ Rybe tÿnydÿÿ òwyõ heka aribireny retaõhyre.

¹⁴ Ihewoludu txu tahe aroramy arakemy ixidi watzireri. Inataõmy reywinyra aroramy arakremy wahe. Aribi nieruõ aritaõtyhy. Urile arawiõhenanyrenykremy adireny watzireri. Uladu riki heka tyby riyrubunyõtyhy. Tyby tahe uladu riyrubunymyhÿre. ¹⁵ Ibutumy idi watzireri heka arahukre arawiõhenanyrenykremy. Adeereny wylemy arihukre. Jiarÿ heka aluurenyre. Kaiboho aõbo tule waluurenykre? ¹⁶ Waõraru-ki heka adee isiraõkre heka. Ihãrele tahe inybina wamy rarybemyhÿre: —Tii itxenadÿÿdu rare. ¹⁷ Wamahãdu tule aribireny ritaõtyhy ijò. ¹⁸ Txitu reteõnyrajìõ ityhydÿÿdu seriðreõ-wana. Tii aõbo aõ aribireny ritare? Aõkõre. Txitu wawesele heka tii rare.

¹⁹ Taõmysÿdÿÿna heka awiòhedÿÿnarenymy rare. Aõ wadi jiarÿ awiremy nohõtirenymy tuheka rarybereri adeereny. Deuxu, Kristudeewinamy heka tuu adeereny rarybereri heka. Deuxu kotxi heka adeereny rarybereri awiòhedÿÿrenymy. ²⁰ Raberumahãre heka arehemynykreu, iwitxiramy atxibenybeke lau. Tule wadi iwitxiramy betehebonyke ixiwenserenny aõkõ. Ihãru, adebure. Aõkemy watzireri. Iny aõbina binamy wimy rarybemyhÿre. Iny ixidile rõhõtinerimy ihÿre mahãdu. Kia arohlakeki tahe wadee awiõre. Riyrubunymyhÿre. Riyrubunyõhyymyhÿre. ²¹ Raberuwãhãre heka arahinykre heka akotxireny iõhãru òraru-ki.

Aõna aõna wixira wixira òta òtamy rõhõtínymyhÿre, raraykynymyhÿre. Sõwemy heka riwinyre ta ixi-txi tõhõti reaõhymyhÿre kia riwinyretxi.

13

¹ Tahe ikonana txu roraludu heka jiarÿ rare. Inyõ aõbina binamy wimy rarybemyhÿreki waribi ihitxihitximy heka tuu rarybemyhÿre. Iny rimymyhÿre heka tuu robimyhÿre; tuu rarybemyhÿre. Wiweselemy heka tuu rarybekre. ² Iny iõrarudimy rÿikre-wana, ibutumy heka aõhõkÿmy rotÿÿnykre arehemynykreu. ³ Aõmy Kristu rybemy heka rarybekre. Tai bierybenykre. Aõmy warurudÿÿdure heka bierybenykre Kristu wahe. ⁴ Kristu heka itxeò-ki rurure irururenyõ wahe. Jiarÿ warurunarenykõ òraru-ki. Tahe Deuxu ratximyhÿre, iruruna-di. Tii-wana heka inyboho heka ratximyhÿrenyire iruruõmy. Tai awanarenyle watzireri, tahe tii-wana Deuxu ruruna-wana watzireri. ⁵ Ixi-di heka betehemyke. Bexiurhibenyke tyhyna-di atxitenyterimy. Jesuisi Kristu awo-ki ratxireri. ⁶ Kia terytenytemy, inatyhy. Tahe jiarÿboho inatyhymy aõna aõna riijereny. Kia aõbo teeryteny. ⁷ Jiarÿboho rexitõenyrenywãhãreny. Òraruna widÿÿrenyõmykemy. Kaiboho aõwiwi biwinybenyke. Kia õbitimy watzimyhÿrenyeki aõkõ, kiemy õbitimy boibenykemy. ⁸ Aõbo heka inatyhyna wiõhedÿÿnale rikiwinyrenyke. ⁹ Kaiboho arurudimy atxitenyteri-wana heka, jiarÿboho warurudimy watziwãhãreny, kia wadeereny awi rare. Rexitõenymahãreny kaiboho õbitimy matxibenybekemy, ywimy ahãbenyke. ¹⁰ Tai heka adeereny ratyritinyreri kiamy. Aribireny irehemy watziwãhãre taheka arawiõhenanyrenyke. Arehemynykreu tahe timy heka aõhõkÿmydÿÿnanamy arõhõtínýtyhy, kia waaõmysÿdÿÿna rare. Inynyrÿ dori iny wiõhedÿÿnarenymy nade. Iny aõhõkÿmy dÿÿnanamy aõkõ.

¹¹ Arakre tahe waseriõreboho. Idi biwisÿnybenyke ibutumy õbitimy biwinybenyke. Warybe-ò heka boholabenyke. Wiwese weselemy maraykywydynanybenyke wiribihitximy aõkõ. Ywina-di matximahãbenyke. Deuxuluuna heka tule akireny ratxikre. ¹² Wii birybenymyhÿbenyke ityhydÿÿdu seriõre mahãduõ tai wiluumy atximahãbenyke. ¹³ Ibutumy Deuxu ijoi mahãdu heka adee rybe riwehityhynyreri. ¹⁴ Jesuisi Kristu Inynyrÿ ruxetõena heka akirenykemy watzireri. Deuxu luuna aki rÿikre. Deuxu Tyytybytyhy awana rÿikre.

Alatxia Paulo Tyyriti, Alatxia Mahãdu-ò

¹ Jiarỹ Paulo, rybeõmy nodu rare. Inyõ riwateõnyõhyyre. Jesuisi Kristule, Deuxu inytyby, Kristu ixixadỹỹdu-wana riwateõnyre. ² Jiarỹ ityhydỹỹdu seriõre-wana. Kaa watyyritireny rewahinyreri Alatxia bedeludu mahãdu-ò, ibutummy dohodỹỹna mahãdu-ò, ityhydỹỹdu mahãdu-ò wahe. ³ Ruxetõena ywina-wana adeeremy kanakemy idi watzireri Jesuisi Kristu-ribi, Deuxu inytybyreny-ribi. ⁴ Jesuisi rexiwahinyre iny òrarureny-ribi iny ritarenykemy. Wiji bede aõmydỹỹnabina-ribi iny ritarenykemy. Kia dori Deuxu-ò inytybydeewimy rare. ⁵ Tamy àlana aõu aõu kanawahimyhỹke.

⁶⁻⁷ Jiarỹ bede reõtinyra, rybe witziraõ elelemy tetyhynmahãteki. Rybewihikỹ witzira ihoõre. Juhuu Kristu taruxetõena-di bedebina-ribi aratarenyre. Inyõ adee rare. Idi Deuxu Rybewihikỹ riwitziranykemy. Tai tahe atyhydỹỹna ribinadỹỹnyra. Tai tahe kiamy adee rarybera. ⁸ Inyõ aõbo, jiarỹ aõbo, ada biuludu ýju aõbo, adee Rybewihikỹ witziraõ rarybekeki, Deuxu kyarana tamy kedesekeki idi watzireri. Rybewihikỹ-ò juhu waribi taholatenyte. Kia sohojile inatyhyre. ⁹ Iwese rarybere wese ixityre ararybekre. Inyõ Rybewihikỹ riwitziranykeki, aõmybo juhuu taholateny-ribi, Deuxu kyanamy resekre. ¹⁰ Deuxudeewimy taheka watzireri hãbudeewimy aõkõ. Jiarỹ hãbudeewimy aratximyhỹkeki Kristu deòdu aõkõ jiarỹ rare.

¹¹ Aõmybo rarybemyhỹre hãbu-ribi rare. Kia Rybewihikỹ tyhy rare. Kia bierybenyke. ¹² Kia tihãbuõ-ribi adoholaõhyymahãde. Hãburybe-ki aõkõ reeryre Jesuisi Kristule dori kia riwaerynanyre. ¹³ Kaiboho taholatenyte, iwese jiarỹ judeu mahãduy-ki raremahãu Iu Deuxu ityhydỹỹdu mahãdu aõbinamy rewinydỹỹnanymyhỹre. Idi ariixãwididỹỹnykemy rarewãhã. ¹⁴ Wamahãduy-ki sõwemy iratyre raremahã judeu mahãdu bede ywina ywidỹỹ-ki. Idi retyhynyhyymahãre wahona mahãdu ratyre, byrena erỹdỹỹna-ki. ¹⁵ Iribi tahe Deuxu riwamyre taruxetõena-ki. Ratohouãnyõlemy rareò juhu riwahitxinyre. ¹⁶ Wadee Deuxu tariõre riteõsinykremy ratximyhỹ judeukõdu mahãdu-ò tuu ararybekemy wadi ratximyhỹ. Iu inyõ dee aõmy rarybeõhyyre Jerusalẽ hãwã-ò raõhyyre. ¹⁷ Rõtỹhydỹỹõmy raremahãu. Deuxu deòdỹỹna mahãdule rỹiramyhỹ. Ihãrele tahe tamy rybemy raõra. Iribi tahe rahõnyra Arabia-ò. Idi tahe ixityrele adòõsede Damasu-ò.

¹⁸ Inataõ beòramy heka kowa-ki reijere. Idi tahe rare Jerusalẽ-ò Pedrororamy. Tahe bede reijere waiyre txummy tai. ¹⁹ Ijõmy heka rabiõhyyre deòdỹỹna mahãduõmy. Txiaulemy heka rabire, Kristu seriõremy. ²⁰ Ka heka watyyriti inatyhy rare. Deuxuko-txi inatyhy rare. ²¹ Idi Siria bedeõ-ò rare, tule Silisia bede-ò. ²² Judeia bede-ki Kristu dohodỹỹdu mahãdu wamy lobixidu aõkõ rỹira. ²³ Uritỹỹna roholamyhỹre: —Kia juhu inyhudurenymy inydireny raremyhỹ, wiji tahe tyhyna-di dobedeerydỹỹnanymyhỹde. Juhu tahe tii tyhyna rahukemy riwisỹnyre. ²⁴ Kia ibutu òraru-ki tahe Deuxu-ò deàlãmymhỹde wamy, Paulo wahe.

2

¹ Waðinaubiòwa reurò beòra-di rexihureu, ixyby Jerusalê-ò ròòsere. Banabe, Txitu-wana redyre. ² Rawãhãre heka rasi wese-ki aòmybo rabireki. Retýnnyre iny-ò iwese inywitxira-ò rarybemyhýre. Dohodýýdu mahãdu ratyre retare tamy rihitxinyre rarybekemy. Tuu arierykemy watzireri ywimy watxiwãhãremy. ³ Txitu wawana ihýre, tii judeukòdu mahãduõ hãrele tahe itòtyky resymy rarybeòhyyreny. Tiiboho waki ibinamy rahaòhyyreny. ⁴ Idile rôhòtinymyhýre ityhydýýdukòdu mahãdu. Tiiboho nalòdenyde waixãwididýýnarený-ò retehekremy, iny Kristu-ki ijòdiwãhãre-ò. Tiiboho ixiwesemy iny-di risýnykemy ratxirenyreri. Tiiboho ityhydýýdu wesemy rexisýnymyhýre. ⁵ Tamy jiarýboho raholarenýòhymahãre inatyhymy Rybewihiký aribireny ritaòhyykemy. ⁶⁻⁹ Dohodýýdu mahãdu ratyre mahãdu heka Joaò, Txiau, Pedro-wana rare. Tiiboho ibutu erysyna ratyre rýiraki, kia aõ aõkò wadee rare. Tiiboho aõ týmyra riwabedeerynyòre. Deuxu-ò tahe ibutummy iny wiwesehy rare. Deuxu riwateònyreny judeukòdu mahãdu-ò Rybewihiký wahisidýýmy. Kia Joaòboho wiwesehyylemy widi rôhòtinýre riwawehitynanyra jiarý Banabe-wana. Tai tahe iwese Pedro judeukòdu mahãdu-ò rare. Tiiboho tahe ritýýnynymyhýke judeu mahãduòle wahe. ¹⁰ Urile riwatyhenyry iny aõkòdu mahãdu ariwiòhenanymahãkemy. Kia juhuu ariwinykemy watxiwãhãre.

¹¹⁻¹² Atxiòkia-ò Pedro rehemyhýreu jiarý tuu rarybere timybo ibinamy riwinymy ihýremy rexiitxenanyymyhýreki. Hãbuò Txiau-ribi rehemynyòrau, tii judeokòdu mahãdu-wana riroxire. Irahudi tahe dehemnydenydeu, riroxiòhyylyemy rexitare. Judeu mahãdu rybe lau ruberure. ¹³ Ijò judeu iwesele rotýýnyre. Ihewoludu Banabe tulere. ¹⁴ Tuu rabireu, òbitimy aõkò Rybewihiký inatyhy wesemy aõkò rotýýnymy raremyhý tahe rarybere ibuturu-ò, Pedro-ò. Kai judeu mabekeki, tahe judeokòdu mahãdu wesemy tanabededýýnanamy ahãte. Uritere judeukò mahãdu judeu mahãdu wesemy isýdýýòmy. ¹⁵ Jiarýboho tahe judeu mahãdumy reamahãreny. Judeukò mahãdumy aõkò watxiwãhãreny. ¹⁶ Iny bede ywidýýna aõkò iny ritamy roire. Kia Kristu iny rityhynymyhýrele iny ritamy roire. Bede ywina ywityhydýýna iny ritaòtyhy. ¹⁷ Iny Kristu-ki tarasana ritamy ratxikeki, tahe òrarudu tyhymy ronykeki, Kristu aõbo òraruna widýýna rare? Aõkòre. ¹⁸ Jiarý bede ywiny ywidýýna-ò aròòsekeki, òrarudumy ararekre. Kia jiarý idi ariatymy rýimyhýre ixityre ariwinykeki òrarudumy arareke. ¹⁹ Jiarý bede ywina rarumy rãire wese, Kristu-ò warumy ararekremy. Kristu-wana jiarý raitxeòkirubudýýnanymahãre. ²⁰ Jiarý ixidee warumy aõkò wahãre. Kristu tahe wawo-ki riwarudýýnanymy ihýre. Warumy watzireriwana Deuxu iriòretyhydýýna òrarukile warumy wãhãre. Tii waluumy ratximyhýre. Tahe wadee rexiwahinyra. ²¹ Deuxu ruxetòedýýna aribynykemy aõkò watzireri. Bede ywina tyhydýýna òraru-ki ywityhydýýna tahe inyò ritakemy ratxireri. Kia-di inatyhymy inyò rexitakeki tahe, Kristu uriòle rurure.

3

¹ Alaxia mahãdu timybo tahòtinyteri kaiboho òhòtibede-di rierykòreny. Kia-di òsana tahòtinyre. Moòwòru ijeranamy ahãtenyete. Jesuisi Kristu itxeò-ki rururedi taholatentytyhta. Òhòti-ribi aõbo

kia rosare. ² Kiale arierykemy watzireri timybo tahõtinytenyteri: Deuxu Tyytybytyhy temytenyta bede ywina widyŷnyama aõbo ada inatyhyna tyhydŷnyama aõbo. ³ Juhu urile tetyhynytenyte idi ixiumykile tadxityhynomy ahätenyte, bede ywina ywisidyŷna wahe. ⁴ Kaiboho òbitimy tahõtinyòtenyte. Kia aõbo aõhòkŷmy tatŷnytenyte uriòhyyòle? ⁵⁻⁶ Aõkõre, uriòkele aõkõre òsana tahõtinyteri. Deuxu Tatytybytyhy adeereny diwahinyde. Kia aõbo riwinyre bede ywina ywisidyŷna kaiboho tamahätenyteki? Aõkõre, tetyhynymahätenyteki kia riwinyre. Deuxu aõna aõna wiwihikŷ akoreny-ki riwinyre. Kia sohojile iny ritake. Abraõ Deuxu rityhinyre. Tai tahe tamy òbitimy rare Deuxu-ò, iòraru iribi riixãwididyŷnyraki. ⁷ Tai ibutumy rityhynymyhŷre mahãdu Abraõ riòremy rŷira. ⁸ Tyyriti-ki roimyhŷre kia: —Deuxu heka judeu mahãdu sohojile aõkõ riòbitinykre. Ibutumy iny riòbitinykre ityhydŷny erysydyŷna òraru-ki. Rybewihikŷ erysyna Abraõ-ò juhuhu dehemynyde. Kia wese Tyyriti doide: —Aòraru-ki ibutumy iny-ò deysana kanakre. ⁹ Tahe ityhydŷnyde mahãdu Abraõ wesemy teysare. Abraõ dori ityhydŷnyde rare. ¹⁰ Inyò bede ywina rityhynyòkeki, Deuxu txuhòbina kedeake. Jesuisi-ò tyhynale iny kiditakre. Kia Tyyritidyŷna dori roire: —Inyò ibutumy bede ywina riywinyòkeki, tamy Deuxu txuhòbina kedealeke. ¹¹ Òbiti mahãdu rityhynomy ronykre. Kia riki Ritidyŷna roire. Tahe bede ywina heka inyboho aõkõ riòbitidyŷnyre. ¹² Bede ywina heka iwitxi rare ityhyna-ribi. Tahe inyò bede ywina rityhynomy ratxikeki, tii ibutumy rityhynomy rarehyyke. ¹³ Inyboho Deuxu bede ywina rikiywinyrenyòkeki, Deuxu txuhòbina inydeereny kedeakre. Kristu tahe kia-ribi iny ritare. Tule inyòwòruna òraru-ki rexilamadŷnyre inydee iòwydyŷna-ki. Beteheke Tyyritidyŷna roire: —Inyò òwòru itxeò-ki ritamadŷnykeki, tamy txuhòbina kedealekre. ¹⁴ Deuxu narybede heka Tatytybytyhy iny-ò riwahinykemy. Wiji tahe inyò rityhynykeki, Deuxu Tyytybytyhy ritakre. Tai Abraõ deysana inydeereny rehemynyre Jesuisi Kristu òraru-ki.

¹⁵ Waseriòreboho, jiarŷ hãbu wesemy ararybekre. Iny inatxi jurasadŷna ritina riwinykeki, inireny ritidikeki, inyò riwitxiranyòtyhy. Tai ijò witzira riritinyòtyhy. ¹⁶ Boholabenyke, Deuxu juhuhu Abraõ dee narybede: —Abraõ riòre hewoluduò Kristumy. Abraõ riòre sòwe dee rarybeòre. Sohojideele rarybere. Tahe tariòre-ò Kristumy rarybere. ¹⁷ Tuheka rarybereri: —Deuxu juradŷny wese juhuhu rarybere, 430 beòra bede rŷire idi tahe bede ywina nade. Kia Deuxu juradŷny riixãwidinyòtyhy. ¹⁸ Tarasany bede ywinawidyŷna òraru-ki kidiwahinykeki, wahisidyŷna aõkõ heka rare. Tai Deuxu heka Abraõ-ò jurasadŷna riwahinyre. Iòwydimy aõkõ juhuhu dori rarybere tii kidiwahinykemy. ¹⁹ Aõherekibo heka nade? Kia nade òraru-ki Kristu nadeule kŷny juhu ludu wese aõkõ roire. Kristu heka Deuxu deòdyŷna rare. Iwese Deuxu rarybere wese riwahinyre. Tii Abraõ riòre riòre-ribihyy reare. ŷjummy bede ywina nade. Iny itya ludu debò-ki rehemynyra. Moisesi iwahidyŷnydure. ²⁰ Boholake, Moisesi sohojile aõkõ itya ludu ratxireri bede ywina riwahinyreu. Deuxu tahe sohojile rare irybe riwahinyreu. ²¹ Bede ywina aõbo Deuxu jurasadŷny riixãwidinyke? Aõkõre. Bede ywina umy ituedeòna riwahinykeki, òbitidyŷna inatyhymy bede ywina nade. Tahe aõkõre. ²² Deuxu Tyyriti rarybere: ibutumy iny òraru-ò di ratxireri. Kristu iny rityhynykeki, Deuxu jurasadŷny tamy

riwahinyke.

²³ Ityhydÿÿna rehemynymynykoki bede ywina iny rityhynymyhÿre ròtenawo-ki inyboho roire wese. Kia-ò iny riraòhyymy rÿimyhÿre inatyhydÿÿna kedehemynykemy. ²⁴ Uladu bedeerydÿÿdu wese bede ywina rare inydeereny. Kristu rehemynykoù, inyboho bede ywina rityhynrenyere. Tai Kristu-ò inyboho òbitimy ronykremy ityhydÿÿna òraru-ki. ²⁵ Ityhydÿÿna-ò iny rehemynyreu, uladu bede erydÿÿdu-ribi ixãwimyhÿre. ²⁶ Kristu-ki ibutumy Deuxu riòre atximahãtenyete ityhydÿÿna-ki. ²⁷ Ibutu dori Kristu-ò taratisebenyete, Kristu wesemy tatÿÿnyete. ²⁸ Kristu tÿnydÿÿna-ki wiribi hitximy aòkò boibe, judeukòdu mahãdu, iny-wana, deòdu deòdu aòkò-wana, ijoj hãwyy-wana ibutumy wiwese wesele Kristu-ki rÿike. ²⁹ Kristu-ki mabekeki, Abraò riòre riòrelemy mabekre. Jurasadÿÿna rareasadÿÿdumy atximahãtenyete.

4

¹ Ijyyò arelyykre —rareasadÿÿduò deòdu wesemy raremyhÿ tii uladumy rareu, ibutu wedu rare hãre wahe. ² Urule tyby rarybere raumynykòdule, tii tatibiedÿÿdu rybe rityhynymyhÿre. ³ Kia wese iny rare. Uladu wesemy bede aòmydÿÿnana rityhynymyhÿre juhUU. ⁴⁻⁵ Iribi tahe bededÿÿnana he rehemynyra. Deuxu tahe Tariòre diteònyde ijadòma ririòredÿÿnykremy. Bede ywina tyhynakremy reare. Tii nade bede ywina tyhydÿÿdu mahãdu tarasamy kia tyhyna-ribi ritakemy tariòre wesemy ritibienykemy. ⁶ Deuxu Riòre wesemy iny ihÿreki iny-ki ratximyhÿreki, Tatytybytyhy inywo-ò risÿnyre. Tai inywo-ribi rarybemyhÿre: —Waha, Waha. ⁷ Wiji tahe deòdu wese aòkò atxiteri, Deuxu riòretyhy wese atxiteri. Tule Deuxu rareasadÿÿduòle tate.

⁸ JuhUU Deuxu teeryòtenyete. Kaiboho deuxu witxira wese tetyhynytenyete —deuxu inatyhy aòkò tetyhynytenyete. ⁹ Ka tahe Deuxu teerymy ahãtenyete tetyhynymahãte. Deuxu anaerynymyhÿdenyde. Ixyby bede aòmydÿÿnana-ò òòsedÿÿòmy, arawiòhenyòreki. Deòdumy aòkò ixyby rÿimy boibeke. ¹⁰ Txu yrubudÿÿòmy, ahãdu yrubudÿÿòmy, beòra yrubudÿÿòmy. ¹¹ Inatyhymy ada aòkòre aòbo waaòmÿsÿdÿÿna adeereny reònonyra?

¹² Wawesehyymy boibeke. Jiarÿ dori tatemahã wese raremahã, waseriòreboho. Kaiboho wadee aòbina tewinyòmahãtenyete. ¹³ Kia teeryte. Jiarÿ juhUU adeereny Deuxu rybemy rarybereu, jiarÿ iu wabinawãhãu. ¹⁴ Wabinana heka isirare adeereny, ihãre tahe waderaòre tahe wadi arukirenyra, iwese ÿju Deuxu-ribi jiarÿ anade wese kaiboho tiwamytenyete, iwese taheka Jesuisi Kristule jiarÿ rare wese wadi tewisÿnytenyete. ¹⁵ Titxibo rare eysanareny juhUU adi toite wahe. Kaiboho aruereny wii tesÿnymy toitemyhÿ kaiboho wakyyrenyereki. ¹⁶ Jiarÿ aòbohe aòludumy relera, inatyhy rybe adeereny rarybereki? Aòkòhyyre. ¹⁷ Hãbuò arãitxenanyimyhÿrenyere. Aluu wese heka ratxirerimy ihÿre. Aòlònamy dori rarunyreri. Tiiboho wabiòwana-ribi atarasamy adi ihÿrenyere. ¹⁸ Aòwihikÿ erysymy marurunyke. Tii tahe awire, awanale watxireriki aòkò. ¹⁹ Wariòre wese, adeereny aòhòkÿmy ratÿÿnyre, hãwyy reamyhÿre mytxitxi wese jiarÿ rare adeereny Kristu awo-ki rexilamadÿÿnyhyykemy. ²⁰ Awanareny ararekemy watxireri. Tai tahe warybe witxira-di kia anarybekemy watxireri. Aòhebo adeereny heka arasÿnyre arawiòhenanykemy watxiwãhãre. Timybo reerykòre dori.

²¹ Inyõ bede ywina tyhydÿÿdumy ratxikeki, wadee manarybeke ki-amy: aõmybo bede ywina raryberamy teeryteri? ²² Kia Tyyritidÿÿna-ki roire Abraõ riõre inatxire. Juhuu ludu teõdu-ribi, Haari-ribi, reare tabireludu-ribi. Ijõ, Sara-ribi, ihãwyytyhy-ribi reara, deõdu-ribi aõkõ. ²³ Deõdu riõre ibutu dee wese nade. Abraõ hãwyy riõre aõkõre Deuxu rybawahisidÿÿna xiery reare. ²⁴ Kia ijyy-di rawesenanyreri. Inatxi hãwyy inatxi jurasadÿÿna wese heka rare. ²⁵ Ijõ Haari inire, deõduni. Iriõre deõdumy rarekemy reare. Sinai Hãwãlò wese tii rare. Kowa tyre-ki bede ywina inydee riwahinyre. Jerusalẽ wesemy roimyhÿre kia mahãdu deõdumy dori rÿira, tariõre-wana. ²⁶ Jerusalẽ tyhydÿÿna mahãdu, biu ludu tahe deõdu wese aõkõ rare, ixinamy inyboho roire. Abraõ hãwyytyhy riõre wese inyboho roire. ²⁷ Tyyritidÿÿnaõ dori roire: —Hãwyy ariõreõ beysakre. Birajuakre ariõrekõhãrele beysamy ariõredikire heka. Hãwyy risina riõre sõwetyhyre, hãwyy ihãbu-di ratyre. ²⁸ Waseriõreboho, kaibocho rybe ywisidÿÿna riõre wesemy ahãtenyete, Ijai wesemy. ²⁹ Iwese ibutu ludu wesemy reareõ aõbina riwidÿÿnananyhÿre. Deuxu Tyytybytyhymy reareõ. Wiji, tahe kia weselemyhÿre. ³⁰ Tyyritidÿÿ rarybera: —Biteõnyke deõdu tariõre-wana. Rareasadÿÿdu ibutumy rimykre. Hãwyy deõdu aõ aõkõ rimykre tariõre-wana. ³¹ Waseriõreboho, deõdu riõre wese aõkõ inyboho roire. Hãwyytyhy riõre tahe iny roire.

5

¹ Kristu inyboho ritare ixinamy inyweduduõlemy roirekemy. Kawese rokoirekemy. Deõdu wese ixiby rukunyrenyõkre.

² Jiarÿ, Paulo, adeereny rarybereri: inyõ notykyresyna-ò ròõsekeki, Kristu riwiõhenanyõhyymyhyre. ³ Ixityre ararybeke. Inyõ rinotykyresynanykeki, bede ywina ibutumy tii riyrubunyhyke. ⁴ Inyõ bede ywina rexiõbitinyemy ratxikeki, Kristu-ribi rexihitxidÿÿnymyhyre, ruxetõena tyhyna-ribi rexitare. ⁵ Deuxu riwaõbitinyrenyere Tatytybytyhy òraru-ki kia retyhynyrenyere. Kia reraõrenyere. ⁶ Jesuisi Kristu-ò notyky resyna aõ aõkõ rare. Notyky resynakõ tule aõ aõkõ rare. Inatyhynamy luunamy aõ rare. ⁷ Juhuu awimy tuu tatyynmahãte, inatyhyna-ki ijera wihikÿmy teamyhyte, moõ inatyhyna-ribi anaixãwididÿÿnyde. ⁸ Deuxu aõkõ atarasadu juhuu ixãwididÿÿnyde. ⁹ Inyõ paõ riwinykeu, ibutenode ritxi-wikeki ibutumy ratarinyke. Inyõ ibinamy urihimyõ arabedeerynykeki sõwemy ribinadÿÿnyke. ¹⁰ Jiarÿ Wanyrÿ retyhynyre, kaibocho wawesemy mohõtinybenykeny adireny watzireri. ¹¹ Waseriõreboho jiarÿ waõludu dire. Kia tahe riteõsinyre notyky resynamy rarybeõre ijõ wamy raryberẽhãre. Kia ararybekeki sõwemy wahemy kanakre. Itxeõ tÿnydÿÿna rybe rityhynykre. ¹² Kowa mahãdu õte rexihukemy idi watzireri. Adeereny aõbina diwinymyhydenyde.

¹³ Kaibocho Deuxu arateõnyrenyere, urile òraruõmy boibeke kaibocho bede ywina-ribi ixinamy boibeke. Wii biwiõhenanymyhybenyke, wilu-urenykeny. ¹⁴ Bede ywina ibutumy rexibutumy rybe-ki kia tahe rare: —Inyluuke ixiluure wese. ¹⁵ Wiwana bõrenybenykeki, kaibocho widi buruakeki, bexihãrubeny ibutumy wii mahubenyheny.

¹⁶ Tai jiarÿ rarybera, Deuxu Tyytybytyhy deewimy boibekemy deõbiredÿÿna iwidÿÿõmy boibeke. ¹⁷ Deõbiredÿÿna dori Deuxu Tyytybytyhy òluduna-ki ramyhyre. Wimy òludurenyre. Tai aõbo adeereny awire iwidÿÿ adeereny isirare. ¹⁸ Tahe, Deuxu

Tyytybytyhy arateòsinyrenykeki, bede ywina ywidỹna aõkõ bityhynyke. ¹⁹ Deòbiredỹna aõna aõnamy d̃ỹnana-ki kia roire: aderanadino, aõbinade, raykyõmy, òta òta, ²⁰ suritxoomy àlàd̃ỹna, òwòruna wii, òludud̃ỹna, aõbinaluu, ihãru, kyara, wobiredỹna, wiribihitxina, ²¹ ibutu aõmyd̃ỹna ixixiburedỹ, axaxaluu, r̃ys̃naluu byrehek̃y, tule ijõ aõna aõnà sòwemy kawesere. Inyõ kia aõna aõnawid̃ỹ rierekeki, Deuxu òlòna rareasad̃ỹdu aõkõ roikre. Tuu rarybere juhuule. ²² Ka heka Deuxu Tyytybytyhy aõmyd̃ỹnanamy rybena roire: iwahid̃ỹna kia r̃yire, tii dori inywomy r̃yira. Wiluuna, deysana, ywina, ruxetòena, wina, òbitid̃ỹnana, ²³ ibutu-ò awina, ixidee inytyhyna, ixirydỹna, tai bede ywina ihoõhyre kia-ò. ²⁴ Kristu hõrõ mahãdu kia itxeò-ki ritidirenyre: deòbiredỹna, aõmyd̃ỹnana bina-ribi, deòsana aõmyd̃ỹnana-ribi

²⁵ Inyboho Deuxu Tyytybytyhy-di rokoirekeki Deuxu Tyytybytyhyry-ki rakariarenkyre ²⁶ Ixi deàlànararòsò luukemy aõkõ rakatximyh̃renyke. Tai tahe ixixiburedỹna-di aõkõ, rakatxirenyke. Wiòbiredỹna-di rakatxirenyõke.

6

¹ Waseriòreboho. Inyõ òraruna-txi resekeki, kaiboho ywina-di biòbitinybenyke. Bexihãrumahãbenyke kia òraruna-txi ixeeõmy boibekõkemy. Kaiboho dori, Deuxu mahãdu toite wahe. ² Wiiitxykywydywesemy wii biwiòhenanybenyke ibutu aõmyd̃ỹnana-ki. Iwesekeki, Kristu bede ywina tetyhynmahãtenyte. ³ Inyõ ixidee aõlemy ròhõtinykeki, tahe tii aõhy aõkõ rare, tii rexiiixenanymyh̃re. ⁴ Ixinamy iny sohoji sohoji taaõmyd̃ỹna-ò retehemyh̃ke, aõhebo rot̃ỹnymyh̃remy wahe. Idi tahe ixi aõmyd̃ỹnale-di kedexityhynymyh̃kre, tabireludu aõmyd̃ỹna-di aõkõ. ⁵ Iny sohoji sohoji dori taitxyky riwmyh̃ke.

⁶ Inyõ Deuxurybe erydỹna ijòdikewana tabedeerydỹna mahãdu-ò ibutumy erysyna wiwihik̃yle-di rirareamahãke. Tule bedeery mahãdu heka tohod̃ỹna mahãdu-ò aõna aõna wihik̃y riwahinymyh̃re. ⁷ Ixiixenad̃ỹõmy. Inyõ heka Deuxu itxenad̃ỹõmy alòbòròna-ò iny ribòrònykeki, tiile tahe raumynyhyymyh̃re. ⁸ Inyõ òraruna ribòrònykeki, rubule taumy-ki ritake. Inyõ Deuxu Tyytybytyhy deewimy tuu rot̃ỹnykeki umytyedeòna ritake. ⁹ Aõwihik̃y wid̃ỹhy boibeke. Kia-ki elemy ruburenyõmy. Aõwihik̃y wid̃ỹhy boibekeki, adeereny aõwihik̃y wahid̃ỹna wese kanake. ¹⁰ Ibutumy inydeereny aõwihik̃y wid̃ỹ-ki inyboho abeded̃ỹnanawikeki ibutumy iny rikiwiòhenanyrenymy, r̃yk̃yirenyke, ityhyd̃ỹdu mahãduõ bexiywinyhy ahãbenykemy iwiòhed̃ỹ-ò.

¹¹ Tuhe, jiar̃yle ariritinykre, Paulo wahe. Betehebeny inihe ritid̃ỹna nihik̃y reritinyra wadebò-di. ¹² Inyõ ayreny-ki wohyna ixidee rimykemy ratxireri, kia adeereny òtyky resynamy adi ratxirerihyymyh̃re. Kristu itxeòmy tiiboho rit̃ỹnyrenykeu aõhõk̃my rot̃ỹnyõmykemy ròhõtinyh̃re. ¹³ Notyky resyna mahãdu bede ywina rityhynyõre. Tiile rexityhynymyh̃re. Kaiboho irybe-ò boholakemy atxiteri. ¹⁴ Jiar̃y arexiwowydynanyõhyymahãkre, Wanyr̃y Jesuisi Kristu itxeò-di areysakre, biu-ò hena òraru-ki wahe. Bede aõmyd̃ỹnana waki r̃ymyh̃re, itxeò-ki retamad̃ỹnyra waribi ixãwira. ¹⁵ Notyky resynad̃ỹ aõ aõkõ rare. Notyky resynad̃ỹkõ tule aõ aõkõ rare. Urile biu-ò hena-di boibekele tahe aõ rare. ¹⁶ Kia bede ywina bityhynybenymy boibekeki,

Deuxu-ribi ywina, ruxetòena, adeereny kanakemy idi watzireri. Tule Deuxu mahãdu ibutu-ò, judeu mahãdu wese dori ratxireri.

¹⁷ Karibi tako-ò tahe inyõ waixiradỹỹõmy ararekre. Beydỹỹna dori waumy-ki roimyhỹre, Jesuisi rybe rybemy rybedu òraru-ki.

¹⁸ Waseriòreboho, Jesuisi Kristu ruxetòena akireny rỹikemy watzireri. Kie.

Efesu Paulo Tyyriti, Efesu Hãwã-ò

¹ Paulo, Jesuisi Kristu deòdỹỹna jiarỹ rare. Deuxudeewimy tahe kia rare. Efesu hãwã ityhydỹỹdu mahãdu —ò kalemy warybe rewahinyreri. Kaiboho ywimynodu mahãdumy toimahãte. ² Ruxetòena adeereny kidi- atykemy Deuxu-ribi idi watzireri tule Jesuisi Kristu Inynyrỹ-ribi.

³ Deuxu, Inynyrỹ tybyreny, inyboho tuu reàlàmyhỹreny. Tii dori inydeereny wihikỹ inywo ywinamy diwahinyde Jesuisi òraru-ki biuk- ihikỹle wahe. ⁴ Deuxu inyyreny-ribi rihitxinymy ritare. Inyboho heka tuu roire. Ihetxiu heka inyho aòkõu tii rihitxinymy ritakremy rỹimyhỹre, inyboho wahe. Kristu-ki iny rihitxinymy rỹire. Iny òbitimy rỹirakemy rihitxinyre, ywimy nodumy wahe. Kiamy heka rokoirekre Kristuko-txi luuna-di. ⁵ Ihetxiu tamywimy Deuxu rihitxinymy ritare, inyboho wahe. Iriòereny wesemy rokoirekemy. ⁶ Kiamy heka Deuxu riwinyre àlàna, wohyna-wana tamy rikiwahinyrenyemy tii dori iny- luureki wahe. Kristu hãlubu òrarukile biu-ò henareny iny nade. Iny òrarureny riòwynyre taruxetòena wihikỹ òraru-ki. ⁷⁻¹⁰ Ruxetòena sòwemy inydeereny diwahinyde tii dori ibutumy aõna aõna erydu rare. Deuxu dee wina rybe wòte wese rare. Tahe inydeereny kiditynynykemy idi ratxireri. Tamywimy tahe inydeereny riteòsinyre. Iwese tii rõhõtinyre wese. Bededỹỹnana rexihukreu. Kristu-ki ibutumy aõna aõna biu-ki bede-ki rỹikremy ihỹre. Kiamy tahe Deuxu rõhõtinyre. ¹¹⁻¹² Kristu òraru-ki Deuxu juhoo iny mahãduy-ribi inyboho rihitxinynyreny. Tii di- wahinyde inydeereny uriònojura jurana. Tii dori ixideewilemy ibutumy aõhebo rotỹỹnynmyhỹre Deuxu kia hitxidỹỹna mahãdu ixidile wowydyna mahãduò rỹirakemy rỹimyhỹre. Inyboho juhoo rityhynynyreny Kristu-ò. ¹³ Kaiboho kiaò toimahãte. Juhoo rybe inatyhy-ò taholatenyeteu, tety- hynynmyhỹtenyete tarasa Rybewihikỹ-ò wahe. Tai tahe Deuxu Tyytyby- tyhy-di ratidỹỹna wesemy iny dee ritidimyhỹre. Deuxu Tyytybytyhy dori tii kidiwahinykemy rarybere, ihetxiu wahe. ¹⁴ Uriòno jura jurana Deuxu Tyytybytyhy rare inydeereny. Deuxu tahõrõ mahãdu ritakreu, tuu reàlàrenykre tuu, inyboho dori kia mahãduò roire.

¹⁵ Tahe jiarỹ, Paulo, tule umy raholamahãre Jesuisi Kristu atyhydỹỹna-ò, tule aluuna ityhydỹỹdu-ò. Tai tahe Deuxu-ò àlàna-di araxitòedỹỹnyrenymahãre. Wanohõti aribireny rosaõhyymyhỹre. ¹⁶⁻¹⁷ Deuxu tahe Jesuisi Kristu biu loosòna tyby rare. Tii araykyreny-ò bedeeryna kidiwahinykemy watzireri, awolyrana kidiwahinykemy watzireri. ¹⁸ Tai tahe araykyrawoni ritỹnynykemy watzireri. Tai kaiboho bierybenykre Deuxu iryna. Tule ityhyna biu loosòna-di bierybenyky watzireri. ¹⁹ Deuxu taruruna sòwemy diwahinynmyhỹde ityhydỹỹdu mahãdu-ò. Iruruna tahe aõni rare inydeereny uriòno jura jurana. Kia tule bierybenyky watzireri. ²⁰⁻²¹ Kia irurumy inyboho tuu robirenyre, Kristu rubu-ribi rexixixanyreu, taruruna weribi ronykemy disỹnydeu, biukihikỹle wahe. Kristu tahe ibutu ruruna wixira wixira ratyre rare, ibutu wedu ratyre, ibutu dinodu ratyre, ibutu deòdỹỹdu ratyre. Ibutuni ratyre tii rare. Wijinani ratyre, tule kanakremy ihỹreni ratyre rare. ²² Deuxu tahe ibutu aõna aõna

witxira witxira Kristuwarawo-ò ritidire tai tii ibutuwedukremy. Tii ibuturati wesemy rare. Kia tii ihÿre dohodÿÿdu mahãdu-ò, iwedu wahe. ²³ Dohodÿÿdu mahãdu tahe Kristumy wese rare. Kristu dori ibutu aõna aõna ritÿxinymyhÿre.

2

¹ Juhuu kaiboho rubumy tãimahãte òraruna òraru-ki. ² Juhuu kaiboho bedeaõmydÿÿnana bedeki toitemahã juhuru Satanasi deòdÿÿna tetihynymy toitemahã. Tii bedeyhy ruruna dinodu rare. Ityhydÿÿdukòdu mahãdu wiji dori rityhynymy rÿira, itxiòdÿÿdu mahãdu wahe. ³ Ityhydÿÿdukòdu mahãduy-ki juhuru tule inyboho roiremahã —ibutumy ixideerenywymy inyboho riwinyreny; inyraykyreny wydyna-deewymy tule inyboho riwinyreny. Ehehewidÿÿdu inyboho roiremyhÿ, tuu ratybienymy rarehy dori tuu rare. Iwese ijõ roiremyhÿ wese. ⁴ Deuxu tahe sòwetyhymy ruxetòena diwahinymyhÿde, inlyurenyreki. ⁵⁻⁶ Deuxu inyboho rurudÿÿnyre Kristu-wana rubu-ribi riixixanyreny. Kristusÿ-ki biu-ki tii inyboho risÿnyre tai rokonyrenykemy. Iruxetòena òrarukile abiu-ò henareny dire. ⁷ Iruxetòena kiditeòsinykre bededÿÿnana robehemy roireki wahe. Iwese sòwehyymy iruxetòena diwahinyde wesemy. ⁸ Tarasana Deuxu ruxetòenaribile nade aityhydÿÿnareny òraru-ki tuu rare. Iny-ribi aõkõ nade. Deuxu wahidÿÿna rare. ⁹ Iny-ribi rarybekre inyò ixityhydÿÿmy tahe aõkõre Deuxu ruxetòenakile tuu rare. ¹⁰ Tii tahe ibutumy iny riwinyreny. Òbiti aõmydÿÿnana widÿÿdukemy iny riwinyre Jesuisi Kristu òraru-ki. Deuxule juhuru ròhòtynyre òbiti widÿÿdumy aõbo rokoirekemy.

¹¹ Tahe kaiboho uritere nohòti losaõmy kaiboho judeukòdu mahãdu toite juhuru mahã. Kiamy judeu mahãdu arãninimyhÿreny, notykyresykòdu mahãdu wahe. Tii dori notyky resydu mahãdu roire, iyresynadireki wahe. ¹² Juhuru tahe aruta wesele toite Kristu-ki aõkõ. Judeu mahãdu-ribi rihitxinymy nyimyhÿde. Deuxu rybe ywisidÿÿna ludu aõkõ toite. Araròsõna renyòhyre. Adeuxurenyòhyre bedebemy. ¹³ Juhu irehemy Deuxu-ribi toite mahã. Tahe wiji Jesuisi Kristu hãlubu òraru-ki araòhòdÿÿnymy toite. ¹⁴ Jesuisi Kristu tahe iny ywidÿÿna rare. Kyarana tahe òtity wese itya-ki rÿimyhÿre judeu mahãdu aribi kia rihitxinymy. Tahe kia òtity ritxiwire tahe sohoji mahãdulemy riwinyre. ¹⁵ Tahe Kristu rurureu tahe ixãwire kia bedeywina. Tahe inatxi wimy òludu mahãdu sohoji iny tÿmyrahyyemy riwinyre. Tahe ywina ròhònyre wiwana ributunyra tahe Deuxu taluuna tamy riwahinyra. ¹⁶ Jesuisi taitxeò-ki rurureki, ywina rieryreny. Tahe kyarana-ribi riixãwididÿÿnyre. ¹⁷ Jesuisi tahe ywinamy rarybere iòhò ludu kaiboho wahe tule irehe ludu, judeukòdu mahãdu wahe. ¹⁸ Tahe kaiboho jiarÿboho-wana sohoji Deuxu Tyytybytyhy òrarukile Deuxu-ò rekexitòenyrenyke. ¹⁹ Kawese tahe kaiboho ityhydÿÿdu mahãdu-ò talote. Iny-ribi lahitxi aõkõ toite, Deuxusÿ mahãduòle heka toite. ²⁰ Deuxu rybedu, tadeòdu-wana hetoò wesemy kaiboho boibekre. Jesuisi Kristule iko ludu mana wese rare. ²¹ Jesuisi Kristu òraru-ki wiwesehyyle heto awimy rÿire. Tai Inynyrÿ hetotyhy relemy rexihumyhÿre. ²² Kaiboho tule matybienybenykre Deuxu Tyytybytyhy hetoò wese wahe.

3

¹ Tai jiarỹ, Paulo, rotena-ki nodu wesemy rare Jesuisi Kristu òraru-ki. Judeukòdu mahàdu dee kiamy heka watziwāhāre, adeeremy wahe. ² Deuxu ruxetòena wadee riwahinyre. Kaiboho aõbo tuu taholatenyõmahāte. ³ Deuxu dori tawòtena diteòsinyde wadee. ⁴⁻⁵ Jiarỹ kiamy juhuu reritinyriòrere katyyritikile wahe. Idi mariabenykeu bierybenykemy idi watzireri, timybo Kristu wòtena rybe reeryremy wahe. Kristu wòtena tahe ihetxiu ibutu inyõ riteòsinyõhyre. Wiji tahe riteòsinymy ihỹre Deuxu Tyytybytyhyle tahe deòdu-ò, rybedu-ò ritỹnynymy ihỹre. ⁶⁻⁷ Kiamy heka rare: kaiboho, judeukòdu mahàdu, wii ributunyre inyboho-wana judeu mahàdu wahe. Uriõnowi jurawi juramy idi rokoirekre, sohoji mahādulemy wahe. Kristu Rybewihikỹ òraru-ki ityhydỹỹdu mahàdu-ò rirõnyrenyre. Kia rybe-di rybedumy diwateònyde, ruxetòena wahidỹỹnaõ wadee nade Deuxu ruruna sõwe-ribi. Ityhydỹỹdu mahāduduy-ribi jiarỹ aõ aõkõmy watziwāhāre retyhynytyhymy aõkõ watziwāhāre. ⁸ Ihārele Rybewihikỹ rybedumy ararekre Kristu aõmydỹỹnana heka iny raykywydyna ratyre awimy ihỹre. Kiamy judeukòdu mahàdu-ò arelyykemy riwahitxinyre. ⁹ Ibutu inyõ rybe wòtena aritỹnyykemy watziwāhāre juhuu Deuxu Jesuisi-wana ibutumy aõna aõna riwinyre kiau rybewòtena riwõmy roimyhỹre Deuxu-ki. ¹⁰ Wijina tahe riteòsinykemy ihỹre dohodỹỹna-ki. Tai tahe ibutumy biu-ribi rurunadu, bedeerydỹỹdu rierykemy timykibo Deuxu bede erysyna-di raremyhỹ ibutumy aõna aõna erysyna-di. ¹¹ Iwese Deuxu ibutumy aõhebo rotỹỹnykemy ratximyhỹre wese iny rierykre, Inynyrỹ Jesuisi Kristu òrarakile wahe. ¹² Tai tahe iny rexideòsinymyhỹre brebuõlemy Deuxu ixitòenadỹỹna-di Kristu dori inyboho rityhynymyhỹre. ¹³ Tai kaiboho ixijjodỹỹrenyõmy ahāke, jiarỹ aõhõkỹmy ratỹỹnyreki kia dori awowydyna rare, waaõhõkỹmy dỹỹnana wahe.

¹⁴ Tai tahe umyreny Deuxu-ò rexitòenyre Inynyrỹ Jesuisi Kristu tyhy-ò wahe. Ibutu sỹ mahàdu tyby Deuxu rare. ¹⁵ Ruruna adeeremy kidiwahinykemy idi watzireri, tawowydyna sõwe-ribi wahe. ¹⁶ Deuxu Tyytybytyhy rurutyhy araykywo-ò kidiwahinykemy watzireri. ¹⁷ Tai Kristu aworeny-ki kanasỹnymyhỹkemy rahõtynmahāre atyhyna direki kaiboho heka wiluutyhymy boibekemy watzireri. ¹⁸ Tai ibutu ityhydỹỹdu mahàdu-wana Kristu luuna bierybenyke. Inyõ Kristu luuna awire rieryõtyhy. Ihārele tahe bierybenyke iwese rare wesemy. ¹⁹ Tai Deuxu-di bexilỹxinykemy idi watzireri.

²⁰ Deuxu iruruna dire. Tai iny ixitòena ratyre inydeeremy kidiwahinykemy idi ihỹre. Iny irurudireki wahe. ²¹ Dohodỹỹdu mahàdu wowodyna riwahinykemy tamy watzireri, aõu aõu wahe. Bededỹỹnana konana-ò wahe. Kie.

4

¹ Inynyrỹ deòdu arixidu jiarỹ rare. Arexitòenykre inihe adeeremy. Yrubuna-di aõhebo botỹỹnybenykemy adireny watzireri. Tai tahe Deuxudeawimy boibekre. ²⁻³ Tii dori juhuu adeeremy irydu rare õbitimy boibekemy xiwedeõmy boibeke, ele eleõmy; wii biwiõhenanymy; luuna-di marurunymy boibeke. Ixi wesehyylemy boibekemy. Tai tahe

Deuxu Tyytybytyhy aratorabutenyrenykre ywimy nodu dori kia di-wiòhenanymyhÿde. ⁴ Sohoji mahådule rare, sohoji Deuxu Tyytybytyhydile. Umy sohoji wese, itytyby sohojilemy wese rare. Kaiboho tule araròsònareny sohojile rare, kaiboho ityhydÿÿdumy terònyteki wahe. ⁵ Inynyrÿ sohojile rare inytyhynareny sohojile rare. Tule iny ratisebena sohojile rare. ⁶ Deuxu tule sohojilere, ibutu tybymy rare ibutu ratyre rare. Ibutuy-ki tii rare. Tule ibutu rawo-ki ratxireri. Ibutumy aòhebo rotÿÿnykemy iny-di riwisÿnyreri tawowina-di. ⁷ Kristu tahe iny sòwemy rareki sohoji ruxetòena sòwemy sohoji-ò riwahinyre. ⁸ Kiamy heka ritina-ki roire: —Iu Jesuisi raòwònyreu biu-ò ròtena ludu mahådu ridyre idi wahidÿÿna inydeereny diwahinyde. ⁹ Betehebenyke rybeweereò-ò raòwònyremy. Aòmybohe kia rarybereri. Tahe juhoo dori surawo-txi robehere kiakékile tahe idi raòwònyke. ¹⁰ Kia robeherele taheka raòwònyre biuratyremy ibutu aòna aòna-di rexilÿxinykemy. ¹¹ Inyò-ò deòdÿÿna mahådumy rarekemy diwahinyde aòwihikÿ widÿÿ wahidÿÿna wahe. Ijò-ò Deuxu rybedumy mahådu rarekemy diwahinyde. Ijò-ò Rybewihikÿmy rybedu mahådumy rarekemy diwahinyde. Ijò ityhydÿÿdu mahådu yrubudÿÿdu mahådumy rarekemy. Ijò bedeerydÿÿdumy mahådu rarekemy. ¹² Ibutumy kia mahådu ityhydÿÿdu riwiòhenanymy idi ratxireri. Tai ityhydÿÿdu iaòmysÿdÿÿna riwinykre. Kristu umy wesemy ritibiedÿÿnykemy. Ibutu dee diwahinyde. ¹³ Ikonanau tahe ibutumy wiwese wesemy ròkòhòtinyrenyke, iny tyhynareny wahe. Deuxu Riòre rikierityhyrenykeny, iny òbitimy rokoireke, Kristu òbiti wesemy rokoireke. ¹⁴ Tohouå wesemy aòkò rokoireke inytyhynareny-ki. Uritere wixiradÿÿrenyòmy ibutu bedeeryna wixira wixira-di. Iwese yhy tiò tiò aò riwymyhÿre wese kia bedeerydÿÿdu rare. Iwixira tyhydÿÿna-ò kia ityhydÿÿdu mahådu ridykemy ratximyhÿre. Ijò inatyhy rybe weselemy rarybere. Tahe aòkòre. Kia-ò ijohonarenyòmy. ¹⁵ Tahe luuna-di inatyhymy marybebenyke. Kristu aòmydÿÿnana-di bexilÿxinybenykeny idi maumynybenyke. Tii dori iny wedureny rare. ¹⁶ Ityhydÿÿdu mahådu heka Kristu umy wese rare. Ityhydÿÿdu sohoji sohoji wijura jura weselemy rÿira. Kristu ibutumy riwiòhenanymyhÿre iwese umy hona umy wese. Umyjura kia ibutumy iaòmysÿdÿÿ dire. Wiweselemy tahe raaòmysÿdÿÿnykeki tai tahe umy awimy rariamyhÿke. Ijò widerakeki tahe, Kristu umy raumynyòtyhy.

¹⁷ Katahe Inynyrÿnimy adeereny kiamy rarybemyhÿre. Ityhydÿÿdukòdu mahådu wesemy aòkò boibenybeke. ¹⁸ Iraykyreny bedeluru-ki ihÿreny. Ieheherenyre, rieryòreny. Tai tahe Deuxu biu-ò hena umytedeòna rieryòreny. ¹⁹ Ixåruna ihoòhyre. Urile ibutumy òraruna-txi rexiwahinyreny. ²⁰ Kia Jesuisimy aòkò teertyentye inyribireny wahe. ²¹⁻²² Jesuisi inatyhyna teertyentyteki, ibutumy aòbina bina ixi-ribi bihitxinyke. ²³ Ibutumy awo arayky-wana bexitÿmyranyke. ²⁴ Deuxu umy tÿmyra wesena-di bexityhynybenyke. Kia heka òbiti rare; inatyhy rare.

²⁵ Tai tahe ruirenyòmy wahe. Inatyhymy iny wixira-ò marybemahåbeny. Wiwese hyylemy widi raxatximyhÿrenyke. ²⁶ Makyarananymahå-wana tahe urile òraru-txi ixeòmy. Ixi-di txu iròtedÿÿòmy awobinana-di ²⁷ Tule Satanasi deradÿÿna-ò nokòmy. ²⁸ Inyò juhoo wasidureki, ixityre tii wasiòmy. Tii wiji raaòmysÿdÿÿkre aòna aòna wiwihikÿ tebò-di riwinykemy wahe. Tai tahe iaòdikre

iny aòkòmy r̄yira riwiòhenanyke. ²⁹ Kai uritere rybebinaò ary-ribi iòlòd̄ȳòmy Rybewiwihik̄ȳlemy marybemahã. Kia rybe-di ijohodu riwiòhenanymyh̄rele kynyhetuukre. ³⁰ Bibedeòtiid̄ȳòmy Deuxu Tyytybytyhy. Tii dori arayrubunymyh̄re tarasanatxu-ò. ³¹ Òbina rybemy widi nokòmy, wimy ujòmoòmy, adebure ijã ijàòmy, aòbinamy inymy ijyyòmy, rybebina-di iny iheted̄ȳòmy. ³² Tahe ibutu dee ywimy boibekre, awimy wahe ainytyhymy iny-di boibekre. Aòbinamy iny adee rarybe-wana tahe iribi bexinohòtilosanymy biixãwidid̄ȳnymy Deuxu dori inyòraru riixãwidid̄ȳnyreki wahe.

5

¹ Deuxu inytybytyhyreny rare. Tai tahe iwese uladu tyby wesemy rot̄ȳnymyh̄re wese, kaiboho Deuxu wesemy matximahãbenyke Deuxu riòre luunadu wesemy matximahãbenyke. Wiluurenyke, Kristu dori aluurenyre. ² Tule rexiwahinyre xiwe wesemy iny ritarenykemy. Tai tahe Deuxu dee kia l̄nyrena wiwihik̄ȳ wese rare.

³ Tahe òta òtarenyòmy. Ibutumy aòna aòna bina bina wid̄ȳrenyòmy. Kaiboho dori ityhyd̄ȳdu mahãdu toite. ⁴ Rybebinamy uriteretere rybeòmy. Ixideòsid̄ȳòmy. Kia wid̄ȳna tahe ibinare. Tahe aòwihik̄ȳò biwinyke, Deuxu deàlànamy. ⁵ Òta òtadu tahe Deuxu òlòna wahid̄ȳna ritaòtyhy, iny binaò aòkò, inywobire aòkò. Kia Deuxu tyhy biukòdu mahãdu rare. Bierybenyke kia. ⁶ Itxenad̄ȳ rybe-ò ijohonarenyòmy. Ityhyd̄ȳdukòdu mahãdu Deuxu rybe riywinyòmyh̄re. Tai tahe Deuxu reburemyh̄re tamyreny. ⁷ Tiiboho-wana ratxiòhymyh̄renyre iaòmyd̄ȳnana binareki. ⁸ H̄ȳnau kaiboho bedeluru-ki toitemahã. Tahe wiji Inynyr̄ȳ loosòna-ki toite. Loosònad̄ȳdu riòre weselemy boibeke. ⁹ Aòbo loosòna-ribi nade tahe awire, òbitire, inatyhyre. ¹⁰ Tai aòbo Inynyr̄ȳdewi kia riteòsinyre. ¹¹⁻¹² Iwese bedelurubina wid̄ȳdu aòhebo rot̄ȳnyre wese uritere iwid̄ȳrenyòmy tahe teòsaremy tamy marybebennyke. Aòbo tiiboho wasimy aòhebo rot̄ȳnymyh̄re ix̄yruna adee rare tuu maryhemahãkeki. ¹³ Ibutumy aòna aòna loosòna rit̄ȳnynyre. Tai tahe iny aòmyd̄ȳnana loosòna rit̄ȳnyneki, iny rierykre it̄ȳnd̄ȳna dori loosòna rare. ¹⁴ Tyyritiò kia wesemy r̄yire: —Inyò ròròmy r̄yikeki, rexixake rubuy-ribi r̄yike. Kristu tahe araloosònanykre.

¹⁵ Aòhebo bot̄ȳnybenykeò bexiijebenyke. Itx̄yte wid̄ȳdu mahãdu wesemy aòkò ahabenyke, bedeerydu mahãdu wesemy ahãbenyke. ¹⁶ Iònod̄ȳòmy abeded̄ȳnana. Wiji txu beded̄ȳnana tahe ibinatyhymy rare. ¹⁷ Tai tahe itx̄yteòmy ahãke. Bierybenyke aòbo Deuxu dee wire. ¹⁸ V̄i mona-di axaxa rubud̄ȳna wesemy aòkò matxibenyke. Kia tahe aònityhyre, tumodu wahe. Tahe Deuxu Tyytybytyhy heka atykymy ralòmy boibeke. ¹⁹ Mawinymy bexirybenyke awo-ki. Bexirybenybenyke Inynyr̄ȳ-ò awi-ribi bitxienymy mawiunyke. Rybewiumy marybeke. ²⁰ Deuxu inytybyreny-ò ibutumy beàlãmahãbenyke Jesuisi Kristu Inynyr̄ȳni òraru-ki tahe bexitòenyke. ²¹ Kaiboho ibutumy widee bexiwinyhymy ahãbenyke.

²²⁻²⁴ Iwese dohod̄ȳna mahãdu Kristu rybe rityhynymyh̄re wese, h̄awyy tahãbu rybe riywinyke, ibutu aòmyd̄ȳnana-ki wahe. Hãbu dori tahãwyy dinodu wese rare. ²⁵ Ibutumy hãbu tahãwyy luukemy. Kristu dori dohod̄ȳna mahãdu luureki ture. Tamy tii rexiwahinyre rurukemy. ²⁶ Tai tahe kia òbitid̄ȳnany rurure. Iwese bee aò rasuhòmyh̄re wese,

tarybe risuhòmyhÿre. ²⁷ Iòraru-ki tahe Jesuisi dohodÿÿna mahâdu wiwi-hikÿõ ixidee rimykre. Òbiti mahâdulemy rarekre, aõbina binaõ heka tai rÿiõhyymyhyÿre. Awi mahâdu widÿÿdumy rarekre. ²⁸ Kiamy heka hâbu tahâwyy-di rÿirake. Iwese hâbu taumy luure wese tahâwyy luumy rÿirake. Iny tahâwyy luukeki, kia-di ixiluuke. ²⁹ Iny taumyderamy rÿiõhyymyhyÿre. Tahe aõkõre tule rexiõwenymyhyÿre rexiwese nanymyhyÿre. Iwese Kristu dohodÿÿna mahâdu riwisinanymyhyÿre wese. ³⁰ Inyboho dori Kristu mahâduõ roire. ³¹ Kiamy heka Ritina roire: —Tai heka hâbuõ tybyboho heto ririmyhyÿre tahâwyy-wana wii ributunymy roirekemy. Inatxi umy ribi sohoji umyhyymy rõhònymyhyÿre. ³² Kia aõmydÿÿnana heka ierysysir-are. Tahe Kristu tohodÿÿna mahâdu-wana rarybereri. ³³ Ihârele tahe hâbu tahâwyy luumy rÿira iwese ixiluumy rÿira wese. Tule hâwyy tahâbu rityhynyke.

6

¹ Uladu mahâdu tybyboho rybe rityhynymyhyÿre Inynyrÿ òraru-ki. Kia tahe òbiti rare. ² Boo adi-wana bityhynybenyke. Kia tahe bede ywina rybe juhuu rare. Tule Deuxu raròsõna kia bede ywina rybe-wana rare. ³ Kia biywinybenykeki, awimy mabeke, abededÿÿnana irehemy mabeke kabede-ki. ⁴ Uladu tyby, uladuse, ariòrereny adeburehyymy idi iwisÿdÿÿrenyõmy. Tahe aõki reòsakeki tii riòbitinykemy tamy mary-bebenyke. Inynyrÿ deòsidÿÿna-di tamy marybebenyke.

⁵ Deòdu mahâdu kabede-ki awedureny bityhynybenyke. Awo-ribi tyhy tamywimy biwinybenyke. Bexiijemy ywimy biwinymy. Iwese Kristu dee tewinymahâte wesemy. ⁶ Aõ tabiteriki aõkõ biywinyke. Iwese Kristu deòdu wesemy mabeke. Deuxu dee wina awo-ribi biwinyke. ⁷ Deysana-di ibutumy òbitimy bisÿdÿÿnyke. ⁸ Ibutumy deòdu ada deòdukõdu Inynyrÿ-ribi aõna aõna rimyke. Tamy aõwiihikÿ riwinykeki. ⁹ Tahe wedu mahâdu, kaiboho eòdu mahâdu-ò kia weselemy mabeke. Bredudÿÿ rybe-di eòdureny-ò rybeõmy. Awedu dori eòdureny wedu tule biu-ki ratximyhyÿre. Tamy dori ibutumy wiwese wesele rare.

¹⁰ Ibutu-ò tahe ikonanamy ararybekre. Inynyrÿ ruruna-di bexirurudÿÿnyke. Iruru tahe aõni rare. Tahe ixidee bimyke. ¹¹ Bexityynyke aõbinanatyy-di, debõna aõmydÿÿnana bimyke. Tai tahe Diabo rybemy nodu biòludunyke. ¹² Iny ijesunareny dori moo iny-wana aõkõ rare. Iwitxira Satanasi ruruna-di rare. Dinodu ruru-di rare, kabede luruhukÿ wedu-di wahe. Tyytybybina ruru-di rare, biukihikÿle. ¹³ Tai tahe ibutumy Deuxu debõna aõna aõna bimyke. Idi txubina-ki biòlòdÿÿnyke. Aijesu bitakeu tahe, òraru rÿike. ¹⁴ Inatyhyna-di awereysana birarutxynyke. Òbitina-di abreti bitòbònyke. ¹⁵ Bexiywinyke ywina Rybewihikÿ rybena-ò. Tii heka adikre. ¹⁶ Ityhyna tahe awyhyitxenamy ihÿre, idi eorutà bitÿtenyke. Idi tahe Satanasi heòty wyhy biturinyke. ¹⁷ Tarasana tahe arataana wese rare. Deuxu Tyytybytyhy mayrehe heka Deuxu rybe rare. ¹⁸ Deuxu Tyytybytyhy-ki ibutumy ixitòedÿÿhyymy atximahâbenyke. Kia-di tahe biriranymy, boibeke. Ityhydÿÿdu mahâdu ibutumy bexitòenyhyymy boibeke. ¹⁹ Tule wadee, bexitòenybenyke. Deuxu wadee rybe kidiwahinykemy wahe. Tai brebukòlemy Rybewihikÿ aritÿnynykre, ierysy siramy wahe. ²⁰ Jiarÿ Rybewihikÿ deòsidÿÿdu rare wawomati rerotidire hârele wahe. Kristumy arelyykemy watzireri. Tii heka wawidÿÿnare.

21-22 Txitxiò tahe ityhydỹỹdu seriòreõ rare, waluunaduõ rare. Inynyrỹ rybe-di òbiti aõmysỹdỹỹdu rare. Tai tahe tii adeereny reteònyre waaõmydỹỹnana adee ritỹnynykemy. Awo riteysadỹỹnykremy.

23 Ywina ibutumy ityhydỹỹdu mahãdu seriòreõ kanakemy watzireri. Luuna tyhyna-wana kanakemy Deuxu, inytyby-ribi, Jesuisi Kristu, Inynyrỹ-ribi wahe. 24 Ruxetòena kanakemy watzireri Jesuisi inatyhymy luunadu mahãdu-ò wahe. Tii Kristu rare, Inynyrỹreny wahe.

Filiposi

Paulo Tyyriti, Filiposi Hãwã-ò

¹ Paulo, Tximòtxi-wana Jesuisi Kristu deòduren y roire. Ka tyyriti tahe rewahinyreny reri Filiposi hãwã-ki ityhydÿÿdu mahãdu-ò. Ityhydÿÿdu yrubudÿÿdu mahãdu-ò tule rewahinyreny ra dohodÿÿna wiòhedÿÿna mahãdu-wana. ² Ruxetòena, ywina-wana Deuxu-ribi adeereny kanakemy watzireri tule Jesuisi Kristu Inynyrÿreny-ribi.

³ Rexitòenyreu, tiu aribireny wanohòti rosaòhyymyhÿre. Deuxumy reàlàwãhãre umyreny. ⁴⁻⁵ Wadeysamy watziwãhãre Rybe tymyra wihikÿ tewiòhenanymahãteny teki, juhuu, wiji tule ahãteny te. ⁶ Deuxu iaòmysÿdÿÿna wihikÿ inyworeny-ki rexideleny re. Tahe Jesuisi Kristu bededÿÿnana txuu heka rexihumy kia rÿikre. Kia tahe reerytyhyre. ⁷ Kaiboho wawana Deuxu ruxetòena luuna-wana widee inyboho ribÿtÿnyre. Ròtena-ki rarewãhãu, tule ròtenaribiòlòmy rarewãhã. Tule Rybewihikÿ retÿnynymy rarewãhã kiamy heka rahòtinymahãre, wawo-ki adireny rahòtinymahãre. ⁸ Sòwemy arawehityynanyreri. Deuxule kia rierymyhÿre. Jesuisi Kristu ruxetòena uludumy iny widi roire. ⁹ Kia ixitòedÿÿna tule Deuxu-ò rewahinyre umyreny. Alu-unareny sòwemy rÿikemy rexitòenyre. Tule araykywydynareny riixidordÿÿnymyhyke. ¹⁰ Tibo awityhymy rÿira kaiboho biijebenykemy rexitòenymahãre. Tule inatyhywidÿÿdumy rarekremy tamy rexitòenymahãre òbitihyulemy rarekemy Jesuisi Kristu bededÿÿnanatxu-ò. ¹¹ Òbitidÿÿna bederaty wesele rare. Kaiboho oworu taraty-di rÿimyhÿre wese tÿxihikÿÿlemy òbitidÿÿna-di matxibenykemy rexitòenymahãre.

¹² Jiarÿ ròtena-ki ràireu, kia tahe Rybewihikÿmy rybe riwiòhenanyra. ¹³ Kowa dori ibutumy yrubudÿÿdu mahãdu roholare, dinodu heto itxeredu mahãdu wahe. Tai tahe bierybenykemy tuu rarybere. ¹⁴ Jesuisi Kristu òraru-ki tahe ròtena-ki ràimy rarewãhã. Ibutumy iny tahe kia rieryre, iòraru-ki. Waròtena òraru-ki tahe ityhydÿÿdu mahãdu Inynyrÿ aòmydÿÿnadile ròhòtinnyre, tule Deuxu rybe rarybemyhÿre ruberuòhyulemy ixitòedÿÿna-di. ¹⁵ Ijò heka ixityhydÿÿmy Rybewihikÿmy rarybemyhÿre. Ijò tahe inatyhymy Rybewihikÿmy rarybemyhÿre. ¹⁶⁻¹⁷ Rierymyhÿre waròtena Rybewihikÿ òraru-ki rare. Ixityhydÿÿna mahãdu tahe inatyhy òbiti aòkò rare. Aòhòkÿmy adotÿÿnykemy wadi ihÿre Rybewihikÿ-di. ¹⁸ Aòhebohe arotÿÿnykre? Arabedewomy aòbo ada areysakre aòbo. Areysahyymy ararekre. Kristu rybe dori rarybemy rarehyymy iny inatyhynadiremy ada aòkòremy. ¹⁹ Jiarÿ areysatyhykre ròtenawo-ribi dori aròhònykre. Aixitòedÿÿna, Jesuisi Kristu Tyytybytyhy riwawiòhenanykreki. Kia tahe reeryre. ²⁰ Deuxu aòmydÿÿnana ariwiòhenanykemy watzireri waumy-di. Jiarÿ arurukeki ada aòkòkeki aòbo. Jiarÿ araxÿruòtyhykemy watzireri aòhebo arotÿÿnykreki. ²¹ Kristu dee warumy ararekre. Tahe arurukeki kia tule wadee awire. ²² Tahe ararekeki Kristu dee araaòmysÿdÿÿmy arareke iny-ò Rybewihikÿmy ararybemy. Tibo awityhyre reerykòre. ²³ Tahe ixityre aròhòtiwydynanykeki kiamy heka rahòtinnyreri. Arakre Kristuòhyule heka Kristu-ò arakele awire. Tii heka awityhyre. ²⁴⁻²⁵ Atòenarenkykle

tahe warumy ararekre. Tai tahe kabede-ki ararikre aityhydÿÿna-di beysakemy maumynykemy. Tai tahe kaki ararekre. ²⁶ Iu ayreny-ki aralokreu, Deuxumy bealàbenykemy watzireri, ayreny-ki ixityre watzireriki wahe.

²⁷ Biyrybenykemy adireny watzireri iwese Kristu tyhydÿÿdu mahādu rÿira weseekemy adireny watzireri. Ayreny-ò arakeki aōbo ada araōkeki aōbo ijyy wihikÿ-ò adoholamyhÿkemy watzireri. Kaiboho wiwana wanale inatyhyna rybe-di tarybemahātenyete. ²⁸ Uritere brebuōmy aōludu lau Rybewihikÿ òludu lau wahe. Tamyreny tahe kia rubu bina bede urihixina rare. Tahe adeereny biu-ò hena rare. Kia Deuxu-ribi nade. ²⁹ Aō Kristu tetyhynytemy sohojile aōkō tahe tamy aōhōkÿmy tatÿÿnytenyete tule. ³⁰ Inyboho dori ibutumy wiwana aōhōkÿmy rotÿÿnykre. Jiarÿ sōwemy aōhōkÿmy adotÿÿnymahāde. Kia-ò tahe taholatenyete wamy.

2

¹⁻³ Kaa aōbohe rÿire wiōhedÿÿna luuna-wana Kristu-ki, biōwana aōbo Deuxu Tyytybytyhy-ki. Kohe, kia ibutumy Jesuisi Kristu kilehekÿ rÿire. Ibutumy tahe wiluumy boibeke, wiwesehyyle mohōtinybenyke, wii bitōrabutenybenyke. Tai tahe areysakre aōrarureny-ki. ⁴ Iximy xiwederenyōmy. Tahe wiribi lahiximy boibeke, aōkōmy ixi-di marāykynybenyke. Iny sohoji sohoji aōna aōnadirenyremy ixi-di nohōtirennyōmy. Tahe hitxihiximy bōwidÿÿke iny sohoji sohoji iny witxira aōmydÿÿnana yrubudÿÿmy marākywydynanyke. ⁵ Iwese Jesuisi Kristu inywitxira aōmydÿÿnana-di rōhōtinymyhÿre wesele, kaiboho mohōtinybenyke. ⁶ Jesuisi Kristu juhuhyy raremyhÿ, Deuxule rarehāre. Deuxururu tahe rinyōhyre. ⁷ Tahe iribi ritare kaō idi kodobehekemy deōdu weselemy. Tahe inyummyō rinyre kaki inylemy rarekemy. ⁸ Tamy tahe ibinatyhymy nade itxeō-ki rurukemy wahe. Ibutu aōbo kaki riwinyke heka, riwinyre. Tai tahe ibutu ratyre Deuxu Jesuisi risÿnyre. Ibutuni ratyre ini rare. ⁹⁻¹¹ Kiani-ò tahe ibutumy tatiowomy resekemy rÿire, biu mahādu, bedeludu mahādu, suwomy rÿira mahādu. Tahe ibutu rybe witxira witxiramy iny rarybemyhÿre: —Jesuisi Kristu ibutu wedu rare. Deuxu inytybymy ibutumy reālāmyhÿre. Kiamy waseriōre waluuduboho. Awana watzireriki tule iwitxira bede-ki aratzikre hārele. Deuxukihyyle atximahābenyke. Warybe bityhynyke.

¹² Aityhydÿÿna-di òraru-ribi bexitabenyke, bexiebenyke òraru-txi ix-elau. ¹³ Deuxu heka adeewina riwahinymyhÿre òbiti widÿÿna. Tiile riwiōhenanymyhÿre òbitina widÿÿna. ¹⁴ Uritere rybe binamy rybeōmy. Adeburemy iny iijeōmy. ¹⁵⁻¹⁶ Tai tahe inyō rybe binamy umy rarybeōtyhy. Òbitityhymy boibeke kaiboho dori Deuxu riōremy toite. Kristu kodobehekere, aōrarureny-ki areysakre. Retare dori aōmydÿÿnana wihikÿō ayreny-ki. ¹⁷ Arurukewana ayreny-ki rybe wihikÿmy rybe òraru-ki, taile areysakre. Deuxu-ò dori rexiwahinyre xiwena wesemy arurukremy wahe. ¹⁸ Kaiboho tahe wadi beysahyymy boibekre ixideewimy tahe adeereny arurukremy wāhāre.

¹⁹ Aōwesele Tximōtxi ayreny-ò ariteōnykemy idi watziwāhāre. Jesuisi Inynyrÿ dee wikeki. Tai tahe arierykre timybo kaiboho toite wahe. Tai heka areysakre. ²⁰ Tximōtxi tahe arawiōhenanyrenykre iny witxira witxira ratyre wahe. ²¹ Ijō dori ixidile rōhōtinymyhÿre Jesuisi Kristu aōmydÿÿnana-di aōkō. ²² Tximōtxi tahe teertytenyete

iwese riwawiòhenanyre wese Rybewihikỹmy rybe-ki. Iwese tyby iriòre riwiòhenanymyhỹre wese Tximòtxi riwawiòhenanyre. ²³ Aõbo wadee ròhònyke arierykreu, tai wylemy ayreny-ò aditeònykremy idi watzireri. ²⁴ Jiarỹ òsana tule wylemy Deuxu riwateònykemy wadi ratxireri ayreny-ò. ²⁵⁻²⁶ Ijõ hãbuõ iteòdỹỹmy raruwãhãre ayreny-ò, Epafroditu wahe. Tii wawana noduõ rare. Kaiboho juhuu wadee teteònytenyete wawiòhedỹỹdumy rarekemy. Tii heka awehityyrenymy rurumyhỹre. Tai tahe reòkesedỹỹnyreri kaiboho iwebinaduna-ò taho-latenyete. Tai heka òkesemy riwisỹnyre. ²⁷ Inatyhy rare rurure inihe. Tahe Deuxu riruxetòenyreki riteytenyete. Jiarỹ tule Deuxu wadi raruxetòere. Tai rabadewoõhyyre aõwixira wixiramy ratỹỹnymahãreki. ²⁸ Tahe aõwesele ariteònykemy watzireri. Kaiboho beysabenykre kia araerymahãrenyete. Jiarỹ tahe urihimy-ò arexielehinykre wanohõti yrena-ribi. ²⁹ Tii kedehemynykreu, tahe bididybedenykre biwowydynybenykre. Rexiòhãrunymy rare Kristu òraru-ki riwawiòhenanykremy. ³⁰ Tahe tii inihe heka rurure iòraru-ki. Arokoreny-ki tii riwawiòhenanyre.

3

¹ Ikonanamy tahe ararybekre: —Beysabenyke, Inynyrỹ deysanamy. Jiarỹ heka riwaixiranyòhymyhỹre heka tuu rybe. Awire tahe bohohlabenykeki. ² Bexiijebenyke iny ijòròsa wesena-lau tii iixỹruterere aõbinawidỹỹdu mahãdu tahe tii rare. Bexiijebenyke notykyresydu mahãdu lau. ³ Inyboho dori notyky resydu mahãdu òbiti rare. Deuxu Tyytybytyhy deewimy nodu roire. Jesuisi Kristu dee winale inydeereny awire. Inyboho dori aõwiiwikỹwidỹỹ-ò rikityhynyrenyòke. ⁴ Jiarỹ, Paulo ariòludunyleke aõbo ixi-wana ariwinyke. Jiarỹ ijõ hãbu ratyre waaõmydỹỹnana diremy arexityhinyke. Jiarỹ dori judeu mahãdu ijoi tyhy-ki tybie rare noty resyna ijoi tyhy rare. Debò inataõ reurotxu-di reareu. ⁵ Bejami mahãduõ jiarỹ rare. Judeu mahãdu tyhy wãhãboho roire. Iriòremy jiarỹ rare. Fariseuõ jiarỹ rare. ⁶ Tai tahe bede ywina rybe retyhinyre. Jiarỹ heka iijaramy raeleemy reamãhãre ityhydỹỹdu mahãdu aõhòkỹmy arisỹnykre-ò. ⁷ Wabede ywinareny òbitimy rare sana raholamahãre, ibutuny retyhynymy rarewãhã. Ibutumy wahe aõmydỹỹnana reatyra Kristu luuna òraru-ki. ⁸ Inatyhymy Kristu wabiu-ò hedu reeryreu, ibutu aõmydỹỹnana-ribi wanohõti rosare. Ibutumy retxiwire iòraru-ki, kia ibutumy aõ aõkõ rare, Kristu wabiu-ò hedule arimykre wabiu-ò hedukremy rare. ⁹ Waòbitina tahe aõ wawidỹỹna aõkõ rare. Jesuisi retyhinyre urenana tahe tii riwaòbitinyre. ¹⁰ Kristu arierykemy idi watxiwãhãre. Rubu-ribi ixixana arierykremy, aõhòkỹmy arotỹỹnykre iòrarukile, iwese tii rurure wesemy wahe jiarỹ heka arexiy-winykremy watzireri. ¹¹ Tai rubu-ribi ixixana mahãdu-wana arexiakre. ¹² Jiarỹ òbitityhy aõkõ rare ada ibutumy òbitina wadee riwahinyõre. Jesuisi riwamyre aõmysỹdỹỹnaõ ariwinykemy. Tai tahe wako-ò rawãhãre araòbitinykemy watzireri. Tamy tahe araaõmysỹdỹỹnykemy watxiwãhãre. ¹³ Òbitityhy aõkõ jiarỹ rare. Kia sohojile tahe ariwinykre. ¹⁴ Tahe arehemynykremy watzireri titxibo Kristu diwateònyde. Kowa bede wihikỹkile uriòno aritakre. ¹⁵ Tahe ityhydỹỹdu iumy kia-di mohòtinybenyke. Inyõ aõ rieryòkeki Deuxu tamy kia ritỹnynykre. ¹⁶ Uritere biijebenyke inatyhyna bityhynybenyky wiwese weselemy ròkõhòtinyrenyke.

¹⁷ Ityhydÿÿdu seriòre, iwese rewinomy rarewâhâ wese biwinomy boibeke. Tule ijò-ò betehebenyke wawese dori riwinomyhÿre. ¹⁸ Sòwemy dori iny òbiti aòkò rÿira, Kristu òludumy wahe, itxèò aòmydÿÿnana òludu wahe. ¹⁹ Kia iny tahe Deuxu rahukre. Rÿsÿnale ta ideuxure. Tiiboho tahe aòbina binaòle awirenyre. Bede aòmydÿÿnanadile ròhòtynyre. ²⁰ Iny bedereny tahe biu-ki roimyhÿre. Kowa-ribi reraòrenyneri iny tarasadu dehemyryna-ki. Inynyrÿ Jesuisi Kristu wahe. ²¹ Tii inyumyreny riwitxi-ranykre. Tii taumywesele iny ritxienyke, taumy wihikÿtyhy wesemy. Tii ruru dire. Tahe ibutu aòna aòna wedumy ronykre irurudireki.

4

¹ Waluunadu, waseriòreboho, kaiboho wadeysana warataana wesemy toite. Ywihyylemy boibekre, waluunaduboho.

² Warybe rewahinyre inatxi hâwyy-ò Eòdia, Sintxiki-wana. Kialemy wahe Inynyrÿ tyhydÿÿna-di wiwesehyylemy maraykynyke. ³ Adeë tule wawiòhedÿÿdu tyhy waryhe rewahinyre. Kai biwiòhenanykre hâwyy Rybewihikÿ wiòhedÿÿdu mahâdu wahe. Tule Lemetxi riwawiòhenanyre ijò-wana wahe. Ibutumy inireny heka Tyyritina rubuonanakòdu-ki rÿire.

⁴ Inynyrÿ-wana beysahybenyke. Tahe ixityremy ararybekre. Beysabenyke. ⁵ Ywina-di bisÿnyke ibutu iny-ò. Inynyrÿ dehemyryna dori iòhòmy ihÿre. ⁶ Ibutumy aòmydÿÿnana heka biyrydÿÿnybenyke. Ibutumy bexitòenyke Deuxu-ò, àlàna-wana bexitòenyke. ⁷ Deuxu ywina awo-ò bitidikre arayky ibutumy riyrubunyke. Deuxu ywina dori inyraykyreny rieryòtyhy timyrekibo awityhyre.

⁸ Ikonanau tahe ibutumy aòmybo ararybekre maraykynybenyke ibutu inatyhyna, ibutu aòeryhykÿ, ibutu òbiti, ibutu tiihyyle, ibutu iluuna, ibutu tyhyna awimy tahe roirekeki àlàna-wana rÿikeki, tahe kia-di ibutumy maraykynybenyke. ⁹ Araerynanyreny, kaiboho teeryteny, rarybereò tahe taholatenyta. Timybo watzireri wese kaiboho wamy tabitenyta. Tai iwesemy boibeke, ibutumy wahe. Deuxu heka ywina rare. Tii umywanarenyle rarekre.

¹⁰ Jiarÿ heka reysare Wanyrÿ dee. Kaiboho heka ixityre watxi òhòtirenny reare. Tiu waribi òhòtirenny rosaòhyre urile kaiboho wawiòhedÿÿmy taruteny tahe isirare. ¹¹ Kaa tuu rarybereri heka aòmy raruòhyreri. ¹² Jiarÿ dori reeryre aòbo wamy rÿira idi reysamy watxiwâhâre. Ibutumy waki rÿimyhÿre-wana tule awilemy rahòtinymahâre. ¹³ Reeryre dori awimyno tule ramamy rubu reeryre. Xiwersyna wese reeryre tule aòhòkÿmydÿÿ reeryre rama jubreré. Kia tahe reeryre. Ibutu ariwinyke Kristu dori ruru wadee riwahinyre. ¹⁴ Tule umy arelàkemy watzireri tiwawiòhenanyteki. ¹⁵ Filiposi hâwâ dohodÿÿna mahâdu, kaiboho sohojile nieruò wadee tewahinyteny, juhuu Macedonia hâwâ-ribi rareu wahe. ¹⁶ Tesalonia hâwâ-ò wadee nieru tewahinymahâteny, inatxi nonanamy taditeònyteny. Tahe riwamyre wadee rasiranymy idi rewyré. ¹⁷ Aò rexitòenyneri aòkò nierumy. Sohojile aòmydÿÿnanamy aribi aritakemy watzireri. Deuxu aòmydÿÿnanale aritakemy rarumahâre. Umyreny Deuxu wehityhynamy arobikemy. ¹⁸ Remyre awahidÿÿna. Epafroditu aribi riwahahinyre. Tai tahe sòwemy waki rÿireri. Iwese lÿnyrena sòwemy watxi reamyhyre wese awahidÿÿna wadee rare. Iwese Deuxu-ò xiwenaò awire wese wadee ihÿre. ¹⁹ Aòhere inyDeuxureny ihewoludu atyhyna loosòna

adeereny kadiwahinykre, Jesuisi Kristu òraru-ki. Aõbo adeereny rasiranyreri. ²⁰ Deuxu kidiwahinykemy adeereny watzireri. Kia tahe inyDeuxureny-ò loosòna kidiwahinykemy watzireri tiemy heka rarehyykre. Kie.

²¹ Iny sohoji sohojimy warybe-di biwehityynanykre Jesuisi Kristu òraru-ki. Kaki ityhydỹỹdu mahãdu tarybe wehityyna adeereny diwahinyde. ²² Ibutumy ityhydỹỹdu arãrybeweityhynanyre. Iòlò heto ityhydỹỹdu mahãdu yribihyyle adeereny diwahinyde.

²³ Inynyrỹ Jesuisi Kristu ruxetòena adeereny kanakemy watzireri.

Òlòsò Paulo Tyyriti, Òlòsò Hãwã-ò

¹ Paulo, Jesuisi Kristu deòdu Deuxudeewimyy rare kia tyyriti re-wahinyre. Tule Tximòtxi inyseriòre rybe weityhyrna riwahinyre, ibutumy ityhydỹỹdu seriòre-ò Òlòsò hãwã-ki. ² Wiòhedỹỹna, ywina, Deuxu inytyby-ribi adeereny kanakemy watzireri.

³ Jesuisi Kristu-ò àlàna rewahinyhyymahãre, tule Deuxu Inynyrỹ tyby-ò. Adeereny dori rexitòenyhyymahãre. ⁴ Kaiboho Jesuisi Kristu tetyhynmahãtenyete. Tule kowa ityhydỹỹdu mahãdu wiluurenre. ⁵ Rybewihikỹ inatyhyò juhoo taholatenyete. Idi tahe araròsòna tetatenyete. Tai tahe biu-ribi kia ibutumy kanakre. ⁶ Iwese Rybewihikỹ bede bedelemy rariamyhỹre wese adeereny tule dehemynyde. Rybewihikỹ aòwihikỹ adireny riwahinyre. Iwese òwòru taraty riwahinyhyỹre wese, kaiboho inywitzira-ò aòwihikỹbo tewahinytenyete. ⁷ Epafa jiarỹ wiwana Deuxu deòdurenre. Kia iribi tadoholamahãte. Tii Kristu rybemy rybedu òbiti rare. ⁸ Tule wadee relyre Deuxu Tyytybytyhyòraru-ki wiluuna-di ahãtenyete.

⁹ Kia inyboho roholarenre, adeereny rexitòenyhyyy watziwãhãrenre. Rexitòenyhyỹ Deuxu dee wityhymy kaiboho bedierybedenyke. Deuxu Tyytybyerynatyhy-di boibekemy, bedeerydỹỹna-di. ¹⁰ Deuxudeewihyymy kaiboho atximahãtenyete maratynyke wesemy aòwihikỹmybo. Biubỹtỹnymy boibeke Deuxumy bierybenythykre. ¹¹ Ibutumy ruruna-di boibeke Deuxu ruruna wityhy-di texihymy tadonymahãte ibutumy aòhòkỹmy bodotỹỹnykre deysana-di. ¹² Deuxu inytybyreny-ò àlàna biwahinybenyke. Tii iny riywidỹỹnyrenyra inyjura juramy ritakemy. Kia jura jura ityhydỹỹdu mahãdu hõrò rare Deuxu loosònawo-ki ratximyhyỹrenyeki. ¹³ Tii bedeluru òlòna-ribi diwatade tahe diwadyde taRiòre luuna òlòna-ò. ¹⁴ Kristu heka iny ritare. Tii iny òrarunareny riòwynre. Ibutumy òraruna riixãwidinare. ¹⁵ Jesuisi heka Deuxu lobixidỹỹna rare. Deuxu tahe alobixina aòkò rare. Ibutumy widỹỹna-ribi tii juhoo ràire. ¹⁶ Tii tahe ibutumy bededỹỹnana widỹỹdure. Ibutumy biu-ki bede-ki lobixina lobixiòna-wana riwinyre. Iòlòna wedu tyhydỹỹna ruruna. Dinodu widỹỹna. Ibutumy tii riwinyre ixidee. ¹⁷ Tii ibutu aòna aòna-ribi juhoo rỹire. Ibutumy aòna aòna taruru rimireri tai. ¹⁸ Iwese umyriti umy wedu rare kia wese Jesuisi ityhydỹỹdu mahãdu riti rare. Tii juhuna rare. Iwedu rare. Tii rubu-ribi ixixana juhoo ludu rare ibuturatyre dori Deuxu risỹnyre juhuuludumy ratxikemy. ¹⁹ Jesuisi-ki ibutu wiwihikỹ rarekemy. Kia tahe Deuxu dee wire. ²⁰ Deuxu ywina diwahinyde Jesuisi hãlubu-di itxeò-ki. Jesuisi hãlubu xiery ibutumy Deuxu riwaaxidỹỹnyre biu-ki bede-ki. ²¹ Kaiboho Deuxu ery aòkò juhoo toite. Iòludu toite, arayky-ki aòbinahakỹ widỹỹ tadexinohòtintytenyete. ²² Jesuisi umy-di Deuxu arainytyhydỹỹnyre Jesuisi rurureki. Tai Deuxu tako-ò akanatamadỹỹnykre taòbitidỹỹnyteki aòraru lyrana-di, aòraru tuedena-di inyò umy ibinamy rarybeòthy. ²³ Urile tyhydỹỹna-ki boibebynyhyke araròsòna-ribi ixihitxidỹỹòmy. Araròsòna dori Rybewihikỹ-ribi nodu rare. Tii-ò tahe taholatenyete. Ibutumy

iny biurawoludu-ò Rybewihikỹlemy narybede. Iribi jiarỹ, Paulo, Rybe wihikỹmy rybedu ròhònyre.

²⁴ Wijile reysamy watzireri adee aòhòkỹmy ratỹnyreriki, aò aòhòkỹmy dỹnyanabo Kristu-ò rauhenyre. Tai jiarỹ aòhòkỹmy aròtỹnykre waumy-ki hyymy. Kristu-ò rỹira mahàdu dee kiamy ratỹnyre, dòhòdỹna mahàdu dee. ²⁵ Iribi jiarỹ Rybe wihikỹmy rybedu ròhònyre. Kiamy Deuxu dee wimy diwateònyde tarybemy rybedumy. ²⁶ Tii ihetxiu rybe inatyhy ibutu lau rexiwore. Wiji tahe rexitỹnynyre ityhydỹydu mahàdu dee. ²⁷ Kia-ò Deuxu rexitỹnynykemy ratzireri iwese aòwihikỹ, taloosòna ratzireri, ibutu iny witzira dee. Kristu inywo-ki, kia tahe iny iraròsòna rare. ²⁸ Kia Rybewihikỹmy relymahàrenyre ibutumy iny-ki reerydỹnyanmahàre bederysyna-di. Kia wesele ibutumy ityhydỹydu mahàdu òbiti Kristu-ò ariteòsinykre. ²⁹ Kiaòle tahe rexirurudỹnyhyymahàre, Kristu rurudile waki rỹimyhỹre.

2

¹⁻² Warayky-ribi ijesu nihikỹmy resumahàre awo umyreny rahòtieremahàre reysakemy Òlòsò hāwā-ki. Laodisia mahàdu tule wamy robiòmyhỹre mahàdu tule wiluutyhyrenykemy kaiboho ibutumy Deuxu bederysynatyhy bierybenykemy adireny watzireri. Kristu-ki tahe bede erysynatyhy-di atxiteri idi watzireri. ³ Kristuwo-ki ibutumy bederydỹna bede erysynatyhy ityhyna wesemy riyrubunymy rỹire. ⁴ Kawese rarybera inyò arāitxenanyòmyhỹkemy rybe rayky-ribi ije-di. ⁵ Waumy awanareny ratxiòreri, watyytyby tahe awanareny ratzireri, riwadeysanyreri, aòwityhy òbiti-di riwaerynanyreri Kristu-ki aityhydỹna-di riwaerynanyre.

⁶ Iwese Jesusi Kristu heka Inynyrỹhyny tetyetynte wese. Tai tii-wana mabehybenyke. ⁷ Iwese oworu irarutìò rimymyhỹre wese myike. Anaerynadỹnyamahàde wese maumynyke àlàdỹnyamy.

⁸ Bexihàrubenyke, inyò anaitxenadỹnyke lau. Tarayky-ribi ije rybe-di lahirybe-di anaitxenanykemy ihỹre rybe uritere ije ije-di. Kia rybe iny aòmydỹnana-ki rỹire bede tyytyby aòmydỹnana-ki. Kia Kristu aòmydỹnana aòkòhyymy rỹirake. ⁹ Kristu umy-ki tahe ibutumy Deuxu ixitỹnydỹna rỹire. ¹⁰ Tule Kristu-ki kaiboho tyhynamy toite, textihutenyete. Tii heka ibutumy hàbu rurudỹna ratyre rare, iòlòdỹna ratyre rare. ¹¹ Iwese uladunotyky riòròre wese Kristu aòraru urarina aribi diorode. Notyy resyna inatyhy aòkò rare. Kristu iwesenalemy riwinyre. ¹² Taratisebenytenyete, Kristu rubu wesemy tewesenatenyete delede. Tule beribi tadòhònytenyete irubu-ribi ixixanamy tewesenanytenyete. Deuxu tyhydỹna-di rubu-ribi texixatenyete. ¹³ Kaiboho aòraruna-ki tòimyhỹteu rubu wesemy notyynaresy aòkò-di toimyhỹteu, adeereny runa Deuxu diwahinyde, aòrarureny diixāwidinyde. ¹⁴ Kristu iny òraruna widỹnareny-ribi tòhòti rosara. Kia tyyritina-di riixāwididỹnyre taitxeò-ò rare. ¹⁵ Rurudỹna mahàdu ruru dinodu mahàdu ruru ritara, ibutumy iitxerenanymy ibutu-ò riteòsinyre. Kristu taitxeò-ki irurureny ritara.

¹⁶ Kaiboho tahe uritere iny rybemy deòbyrenkòmy roxina bemomo, ada ahàdu herinawo ixenamy, ada sabado bededỹnyanamy. ¹⁷ Kaiboho dori aò kanakre wesemy rare. Kristu tahe ibre tuu rare. Kia aòmydỹnana aò aòkò. ¹⁸ Inyò adeereny rarybekeki: bexitxiònyke ýju biteàlànykemy,

rasina-ki ierysomy mohõtinykemy. Tamy ijohonarenyõmy urile erydÿdÿdumy rohõtinyra. Tii tahe Kristu rityhynyõhyymhÿre. ¹⁹ Inyummy wese inyboho ihÿrenyre. Kristu tahe umy ratiwesere. Umybutule-ribi ibutummy iukÿna wiwana reare. Ibutummy õhõna tusina-wana umy rabutumyhyÿre. Deuxu umywna-di umy raumymyhyÿre.

²⁰⁻²² Kai Kristu-wana taruta-wana bede aõmydÿÿnana-ribi, aõherekibo wiji bede aõmydÿÿnana-wana arumy ahâte. Aõherekibo bede ywina wixira wixira tetyhynomy ahâte: imyny wedeydÿÿõmy. Tamy ade rexiõmy, roxina urihixiõmy. Kia wese hãbu bede ywina tetyhynymahãtenyte. Kia aõmydÿÿdÿÿkeki, rexihuke. ²³ Bede erydÿÿna wese ratxireri. Kia dori ixideele rexityhydÿÿnyre iyrubu wesemy rawesenanyreri, taummy ixidee aõhõkÿmy rexisynyre. Ibutummy kia tahe riwiõhenanyõhyymhÿre umy òraluna lau.

3

¹ Kaiboho Kristu-wana texixatenyteri wana, biu ludu aõmydÿÿnana-di mohõtinybenyke, tai Kristu Deuxu ruruna weribi rasÿnomy rononymhÿreki. ² Biu ludu aõmydÿÿnana-di mohõtinybenyke, kabede ludu aõmydÿÿnana-di aõkõ. ³ Rubu wesemy dori ahãtenyte, aummy tuedeõna runa Kristu-wana rare —Deuxu-ki riyrubunomy ratximyhyÿre. ⁴ Kristu rehemynyre, tule tii-wana rakatxirenyke.

⁵ Tai õhõti bitosanyke bede ludu aõmydÿÿnana aki rÿire: uri uri rÿira mahãduhemy ijara, õbitiõna, deõsana hemy nodu, iõbi retÿnyre õbiti-di aõkõ rare. Inyõ rÿire-di õtena kia ritxoo àlàdÿÿna wese rare. ⁶ Kia aõna aõna Deuxuwo binana rare, kia-ò Deuxu ykarana kanakre kia òrarudu mahãdu-ò. ⁷ Kaiboho kia tewinytenyte aõrarunareny òrarudumy toiteu. ⁸ Wiji tahe ibutummy kia aõmydÿÿnana aribi rexihukemy idi watzireri —wobinana, ujõmo, rybe ije ije. ⁹ Iny wixira-ò ruiõmy, araybidinatyby dori aribi dexihude, iwidÿÿnabina-di. ¹⁰ Araybidina tÿmyra-di tahe texiumy-dÿÿnyte tii araijõnyre bedeerysynahakÿ-di, Kristu raybidina wesemy araybidina rarekre õbitimy araijõnykre. ¹¹ Kowa-ki wii rikininiyrenyõkre: judeu mahãdumy, judeukõdu mahãdumy, notyky resydumy, bedeeryõ mahãdumy, txiebese wese mahãdumy, deõdu mahãdumy, deõdu aõkõ mahãdumy ibutummy Kristu dee wiwese weselemy rÿire. Kristule tahe ibutummy ihÿre inydeereny. Tii ibutu inywo-di ratximyhyÿre.

¹² Kaiboho Deuxu ijesemy anadymyhyÿde tahõrõ luunana mahãdukremy. Tai ruxetõena-di boibekre ixãwidina-di, inytyhyna-di, ywina-di. ¹³ Wii riwiõhenanomy rÿike. Wii riixãwididÿÿnymy rÿike. Inyõ adee aõmy rotyynykeki ixirawomy biijeranyke. Iwese Inynyrÿ araixãwidinyre wese iny biixãwidinyke. ¹⁴ Ibuturatyre wiluurenkykemy kiadile kaiboho wiwana ibutummy boibeke iweselemy mohotinybenykemy. ¹⁵ Kristu ywina heka umyy-ki itxeredumy rarekre. Kristu hõrõ mahãdu sohojilemy mabeke. Tai tahe àlana tamy biwahinybenyke. ¹⁶ Kristu rybe-di awo-ki mabehyummy mabekre idi watzireri. Wii bierynadÿÿnymy bitohonymahãbenykemy bede ersyna-di. Deuxu-ò àlana biwahinymahãke wiurybe-di, wiu-di Deuxu Tyytybytyhy wina-di. Mawinyke àlana-di aworeny-ribi. ¹⁷ Ibutummy tuu marybekremy, ibutummy tuu botÿÿnykremy Wanyrÿni-ò, tuu botÿÿnykre Jesuisi Kristuni-ò. Inytyby dee àlana biwahinykre, Deuxu-ò wahe.

18 Hāwyy! Kai ahābu bityhynyke, Deuxu erysydǎǎna-di. 19 Hābu! Kai ahāwyy luuke, idi tudòrenyòmy. 20 Uladu! Borybe, adirybe-wana bityhynyke. Kia tahe Inynyrǎdeewire. 21 Uladuse, uladutyby! Kai ariòre ikyaradǎǎòmy, bede wona-di aǎkǎ ratxikemy. 22 Deòdu mahādu! Kai kabede-ki awedurybe-di ibutummy bityhynyke aǎ idi retehererikile aǎkǎ, awedudeewi sohojilemy aǎkǎ, awo-ribi tyhy Inynyrǎdeewimy tuu botǎǎnyke. 23 Aǎbo botǎǎnymahāke ibutu Deuxudeewimy botǎǎnyke. Hābudeewimy aǎkǎ. 24 Deuxu-ribi aǎwydǎǎna kanakre. Kristu-ò dori taaǎmysǎǎǎnymahāte. Adeereny rahetoǎ riyrubunummy roimyhǎre. 25 Inyǎ tahe aǎbina riwinymyhǎkeki, ihewomy aǎbinale ritake. Deuxu dori ibutu dee wiwese weselemy idi rotǎǎnymahāre.

4

1 Wedu mahādu, kai eòdureny dee òbitimy idi ahābenyke. Kai tahe tule awedu dire biu-ki. Kia nohòti losaǎmy.

2 Bexitòenyhyymahābenyke. Betehehybenyke. Bealàhyymahābenyke. 3 Inydeereny kia bedexitòenykre. Deuxu rybe wihikǎ-ò iny dee hāwā wixira-ò kidiraynykre, Kristu inatyhynamy arelyyrenykre. Iòraru-ki womati reroti nihikǎ-di watxiwāhāre. 4 Kia ritynynykre idi watxiwāhāre. Waaǎmysǎǎǎna kiemy dori ihǎre. 5 Biu ludu be-deerydǎǎna-di boibeke ityhydǎǎdukòdu mahāduy-ki. Aǎwihikǎrybe bexitǎnynykeki, turybelemy idi beake. 6 Arybe aǎwi weselemy biyrubunyke, iwese rǎsǎna juwyr-wana raurinymyhǎrewi wesemy. Tai arawyòna ijòdikre tǎǎraxina-ò.

7 Txitxiò ibutummy waaǎmydǎǎnana adeereny relyykre. Tii waityhydǎǎdu seriòre waluumy rare. Tii rybedu òbiti iny-wana ratxireri. 8 Adeereny reteònyreri waaǎmydǎǎnanareny erydǎǎnamy awo deysadǎǎmy. 9 Onesimo heka tii-wana ariteònykre. Tii tule òbiti ityhydǎǎdu seriòre ratxireri. Ahāwāreny yluduǎ rare. Tiiboho kedelyydenykre ibutummy timybo wāhāremy.

10 Aristarku wawana ròtenawo-ki wāhāre. Tarybe adeereny di-wahinyde. Marku adeereny tarybe tule diwahinyde. Tii Banabe exi rare. Markummy, warybe teeryte, adeereny rybe rewahinyre wahe. Tii adeereny kedehemynykeki, bidiwiòhenanyke. 11 Josue-Justu ibutummy eryna rare. Jesuisi inityhy rare. Kai boho sohojile tahe judeu mahādu-ribi iny-wana raaǎmysǎǎǎreri Deuxu òlòna òraru-ki. Tiiboho riwawiòhenanyhyymyhǎreny. 12 Epafa tule aeryrenyǎ rare tarybe adeereny diòde. Tii adeereny rexitòenytyhyhyymyhǎre kaibo ho Deuxudeewimy boibehykyemy. 13 Jiarǎ reeryre tii adeereny tòemy ratximyhǎre, tule Laodisia mahādu dee tule Ieryopoli mahādu dee. 14 Luka, tarybe diwahinyde. Tii ityhydǎǎ òhotibedu rare. Dema tule tarybe diòde. 15 Warybe wehityhyna biòke Laodisia ityhydǎǎdu seriòre. Nynfa-ò tule wehityhyna biwahinyke dohodǎǎna mahādu taheto-ki rǎreriwana. 16 Watyriti-di dohodǎǎnaheto-ki rariakreu, idi tule Laodisia mahādu-ò biòkre tako-ò rariakemy. Tule watyriti kowa-ò rewahinyre, wimyke amahāduko-ò rariarenkyemy. 17 Arikipu-ò warybemy marybeke. Tii aǎmysǎǎǎnaǎ ritare Deuxu-ribi. Kia-di tii ratxihykyemyidi watxireri.

18 Kia tyyriti wadebò ritidǎǎna tyhy rare. Womati reroti-di rataataamy nadoimyhǎderibi òhòtirenny lusarennyòmy. Deuxu wohyna adee kanakemy idi watxiwāhāre. Paulo.

1 Tesalonia Mahãdu-ò Juhuu Tyyriti Tesalonia Dohodỹna Mahãdu-ò

¹ Jiarỹboho, Paulo, Sila, Tximòtxi-wana heka Tesalonia hãwã ityhydỹdu mahãdu-ò tyyriti ariwinyreny Deuxu ijoimy kaiboho toiteki. Deuxu wohyna, Deuxu ruxetòena heka Waha-ribi, Jesuisi Kristu Iòlò-ribi akirenykemy he wadee awire.

² Aõu aõu Deuxu deàlànamy adeereny rexitòenymahãre. ³ Atyhyna tiu inynohòti-ribi rosaõtyhy. Aluunareki dori Deuxu dee taaõmysỹdỹmahãte, Jesuisi Kristu iny Iòlò dehemynyna teraòteri. ⁴ Kaiboho, Deuxu luuna mahãdu, Deuxu iyreny araijere. ⁵ Rybewihikỹ adee retỹnynymahãre. Kia heka rybe sohojile aõkò rare. Tii ruruna rare Deuxu Tyytybytyhymy. Erynatyhy teeryte. Iwese iny ako-txi ratỹnyreny wese, kaiboho teerytenyta. Aluureki dori kawesemy ratỹnyreny. Tai tahe iwese inyboho ratỹnyre wese tule kaiboho tatỹnytenyete. Tule Inynyrỹ-wesemy tatỹnytenyete. ⁶ Aõhòkỹmydỹnana hãrele heka kaiboho rybe-ò taholatenyete. Tii aradeysarennyre, aõhòkỹmy dỹnana-ki hãrele. Eysanareny dori Deuxu Tyytybytyhyribile namyhỹde. ⁷ Kaiboho tahe ityhydỹdu mahãdu wihikỹ toite. Ibutumy ityhydỹdu mahãdu heka awesereny roirekemy ratxirennyre Macedonia bedeki, Akaia hãwãdỹna-ki tule. ⁸ Aeryna ibutumy hãwã hãwã rieryra Deuxu tetyhynnyteki, Macedonia bedeki tahe tule Grecia bedeki. Tahe kia-ò icyby bohohabenykekò dori rare. ⁹ Iny arora-ribi dehemynydeu inyko relyymyhỹre. Kaiboho asurixoo deuxu-di tehutenyete tahe inatyhy Deuxu tetyhynnytenyete, Deuxu iru wahe. ¹⁰ Iriòre biu-ribi kanakremy teraõmahãtenyete. Kia heka Deuxu rubu-ribi riixixanyré rare. Jesuisi sohojile heka Deuxu debure-ribi riwatarennyre. Deuxu dori òruna òruna-ki sòwemy rakaranynihikỹmyhỹre. Tule kia umy inydee relyymyhỹrenyete.

2

¹ Kaiboho teerytenyete arora-ò roirenyre, jiarỹboho Deuxu aõmysỹdỹna sòwemy rewinyrenyete. ² Jiarỹboho aõhòkỹmy ratỹnyrenyete Filiposi hãwã-ki. Tai tahe adee rehemynyre Tesalonia hãwã-ò wahe. Deuxu taruru diwahinyde. Tai heka jiarỹboho adeereny roirenyre Deuxu ijyywihikỹmy arelyrennykemy. Sòwemy inydeereny òbinadu rỹre. ³ Iny rybe-di tỹnydỹnareny inatyhymy rare. Inyboho òbitimy ròhòtinyrenyete. Jiarỹboho anaitxenanyrenyòtyhy. ⁴ Iwese Deuxu inydeereny riwateõnyre wese kialemy heka rarybeke. Aõbo inysòwehekỹ deewimy aõkò raryberenyre, tahe Deuxudeewimy. Tiile rieryre aõbo inywo-ki ratximyhỹ. ⁵⁻⁶ Tii rieryre iwese inyboho adeereny rarybemahãrenyete wese. Nieru tarasakemy aõkò inyboho watxirennyre rui-di raryberenyremy rybewihikỹ adee rewahinyòhyymy. Awowydyna, arybe wiwihikỹ heka inydee aõkòhyymy idi watxirennyre. Ijò iny-ribi tule aõkò kia rybe idi watxirennyre. ⁷ Jiarỹ tiu ararybeõmahãrenyete idi anierurenny aritakemy. Kia ariwinyrennyeki tahe, tule awire. Inyboho dori Jesuisi Kristu deòdỹna inyboho ratxirennyre. Tahe iu jiarỹ ayrenny-ki raremahãu, aluurennyre. Iwese hãwyyò tariòre riyrubunnyre wese adireny watximahãre. ⁸ Deuxu Rybewihikỹ sohojile

aõkõ adeereny ariwahinykemy aõkõ, tule wabededÿÿnana tule adeereny ariwahinykemy watzireri, aruruke adeereny, jiarÿboho sõwetyhymy aluurenireki wahe. ⁹ Sõwetyhymy jiarÿboho raaõmysÿdÿÿnymahãre ayreny-ki raremahãu, tai tahe õwyõ aõkõ teõwynamahãtenyete. Rummy raaõmysÿdÿÿmahãreny, txummy tule. Tai ixiaõmysÿdÿÿnadile inyboho rÿimahãreny. ¹⁰ Jiarÿboho ayreny-ki õbitimy roiremahã. Aõhe inatyhy, waityhydÿÿdu seriõreboho. Kia teerytenyete. Deuxu tule riwaerye. ¹¹ Iwese tybyõ tariõre riywinyre wese, jiarÿ araywinyra, wariõre wesemy. ¹² Arãwiõhenanykemy adi watzireri arateysadÿÿkemy. Warybe dohodÿÿna-õ boholabenyke. Tai tahe kaiboho Deuxudeewina-ki atxibenyke. Tule tii-wana masÿnybenyke taõlõna-ki, toosõna-ki.

¹³ Tai tahe àlana sõwemy Deuxu-õ rewahinyreny. Ayreny-ki raremahãu, Deuxu rybe tÿnydÿÿmy, kaiboho tetyhynytyhymahãtenyete. Deuxurybele taholatenyete. Tii heka inatyhy kia rare, Deuxu ijyytyhy wahe. Waityhydÿÿdu seriõre, Deuxu ayreny-ki ratximyhÿre. ¹⁴ Waseriõreboho, iwese Judeia ityhydÿÿdu mahãdu heka aõhõkÿmy rotÿÿnyre wese, kaiboho iwesele aõhõkÿmy tatÿÿnytenyete. Kaiboho aõwitxira witxira aõbina bina teõludunymahãte aõhõkÿmy dÿÿnana-ki. Abede ludu mahãdu tuu riwinyre. Iwese Judeia mahãdu heka judeu mahãdu debõ-ki aõhõkÿmy rotÿÿnyre wese, kaiboho tule aõhõkÿmy tatÿÿnytenyete. ¹⁵ Judeu mahãdu heka juhuru Deuxu rybedu mahãdu rirubunyreny. Jesuisi tule rirubunyre. Inyboho tule ribinadÿÿnykemy ratxireri. Deuxummy dòdu tiiboho roire. Ibutummy inummy òludu ratxireri. ¹⁶ Tiiboho iny ribinadÿÿnykemy ratximyhÿre, iny dori rybe tÿnydÿÿdumy inyboho ratxireri judeukõdu mahãdu-õ. Kia-di heka ijõ õraruna tiiboho ributunyre. Deuxu tahe wiji tiiboho ribinadÿÿnykre. Ityreny-õ Deuxu kyarana bededÿÿnana kedeseke.

¹⁷⁻¹⁸ Waityhydÿÿdu seriõre, aribi irehemy watzireriu, awehityhyna sõwemy wadi ratxireri. Sõwemy adi aretehekemy watzireri ixityrele. Tiubo aroramy arake, Satanasi riwabinadÿÿnyra. Tahe aõkõre. Araõke. ¹⁹⁻²⁰ Kaiboho dori iny rarõsonatyhy, inydeysana, iny biu-õ hena Inynyrÿ Jesuisi õraru-ki atxitenyete. Tii dori kanake. Kaiboho ixityhydÿÿnaõ heka toimahãte.

3

¹ Ikonanau tahe reõludunyrenyõtyhy. Tai tahe ixisohojile Atena hãwã-ki rÿikremy watzireri. ² Tai Tximõtxi adee reteõnyre, inyseriõre wahe. Tii heka wawanareny Deuxu aõmysÿdÿÿna-ki riwiõhenanyre Kristu Rybewihikÿ tÿnydÿÿmy. Adeereny dori reteõnyre aityhydÿÿna wiõhedÿÿmy. ³ Tai tahe bede jei jei õraru-ki, kaiboho ahewo-õ booseõtyhy. Kia ibutummy Deuxudeewina inydeereny rare. ⁴ Iu ayreny-ki rarewãhãu, kiamy rarybewãhãre aõma adeereny aõhõkÿmy dÿÿnana kanake. Kiale tahe inatyhymy nade. ⁵ Tai tahe Tximõtxi reteõnyre, omy arierykemy timybo aityhydÿÿna-ki tatÿÿnytenyete. Satanasi õsana waaõmysÿdÿÿna ayreny-ki ribinadÿÿnyre. Aõkõre, tii Deuxu aõmydÿÿnana ribinadÿÿnyõtyhy. ⁶ Tximõtxi heka Tesalonia hãwã-ribi ròðsera. Ijyy Wiwihikÿ tahe raholara. Aityhydÿÿna aluuna wana raumynyre. Tule tii relyyre iwese kaiboho awehityhyna dire inyluure wese. Wadeysamy watzireri, waseriõreboho, aõraru-ki. ⁷ Waaõhõkÿmy dÿÿnana hãrele heka wadeysamy watzireri, aityhydÿÿna awireki wahe. ⁸ Kaiboho awimy matxibenykeki, awimy

jiarĩ watximahãre, warumy watximahãre. ⁹ Aòraru-ki tahe Deuxu-ò àlàna rewahinyre. Deuxu-ki tahe wadeysamy watxireri. ¹⁰ Rummy txu-wana adeereny arexitòenykre arora-ò arake, aityhydỹỹna wiòhedỹỹmy wahe.

¹¹ Deuxu Inytyby, Jesuisi Kristu Inynyrỹ-wana riwawiòhenanykemy idi watxireri arora-ò arake. ¹² Wiluumy ibutumy ityhydỹỹdu mahãdu luumy idi watxireri. Iwese aluure wese wiluuke. ¹³ Tii inydeereny ruruna riwahinykemy idi watxireri. Òbitimy tahe rakatxirenyke Deuxuko-ò, Inytybyko-ò. Inynyrỹ Jesuisi kedehemynykreu, tamahãdu-wana, tai iny imahãdule rakatxirenykre.

4

¹ Waityhydỹỹdu seriòre, timybo òbitimy ahãbenykemy rebedeerynyre Deuxudeewina wahe. Iratyre tahe arexitòenykre Inynyrỹ Jesuisi òraru-ki, òbitityhymy boibenybekemy. Kia tahe teerytenyete. ² Jesuisi bede erydỹỹna heka adeereny rewahinyrenyrene. Kia teerytenyete. ³⁻⁴ Kia tahe rare. Òbitityhymy ahãbenyke, òta òtarenyõmy. Iny sohoji sohoji òbitimy ahãwyy-wana matxibenyke. ⁵ Iwese ityhydỹỹdukõdu mahãdu riwinyre wese aõkõ idi ahãke. Tii dori Deuxu rierykõrenyrene. ⁶ Tuleke kia aõmydỹỹnana-ki iny sohoji sohoji aityhydỹỹdu seriòre ibinadỹỹõmykemy. Iwese rarybere wese ixityre ararybekre. Inyõ kia aõmydỹỹnana riwinykeki, debure bededỹỹnana tii ralòke. ⁷ Òta òta aõmydỹỹnana aõkõ Deuxudeewire, òbitina aõmydỹỹnana tamywire. ⁸ Inyõ kia bede erydỹỹna rityhynyõkeki, Deuxule heka tii rityhynyõre, hãbu bede erydỹỹna aõkõ. Deuxule Tatytybytyhy inydee riwahinyre.

⁹ Kaiboho aityhydỹỹdu seriòre mahãdu luurenyre. Tai ixyby kia adeereny ariritinyõtyhy. Deuxu dori araerynanyrenyrene timybo wiluumy boibekemy. ¹⁰ Kia luuna-di tahe ibutumy Macedonia hãwã hãwã mahãdu luumy. Ihãrele tahe waseriòrebobo iratyre wiluumy. ¹¹⁻¹² Ywina-di wi-ò wi-ò boibeke. Aaõmysỹdỹỹna-di iximynamy boibeke. Tai ibutumy ityhydỹỹdukõdu mahãdu umyreny robikreu anatyhynyrenyrene. Tai tahe ijõ iny aõmydỹỹnana ixi-di nokõmy. Ixisohojilemyta ixi-di maaõmysỹdỹỹnyke.

¹³ Waseriòrebobo araerynanykre rubu mahãdu aõmydỹỹnany. Tai ijõ inywese mahinybenyõke, bobubenyõke. Tii dori raròsòna-di aõkõ ratxirenyre ¹⁴ Kristu heka rubumy roire ribile rexixare. Kia tahe retyhynyrenyrene. Kiawesele tii-wana heka Deuxu taityhydỹỹdu mahãdu kididyke, rityhynymy rurure mahãdu tule. ¹⁵ Inynyrỹ riwabedeerynyrenyrene kiamy: inyboho irumy ratxikeki kiatxuu juhuumy timy inorenykõna. Rubu mahãdu tuukre. ¹⁶ Tahe ýju wedu juhuu rarybekre. Deuxu juròna-di ritxurònykre. Idi Inynyrỹ kodobehekre biu-ribi. Juhuu ibutumy ityhydỹỹdu rubumy rỹira riumynykre, riumywitziratỹmyranykre, riixixanyrenyrene. ¹⁷ Tahe ibutumy inyboho irumy rỹira mahãdu heka Inynyrỹ-wana ributumynyrenyrene biu-ki. Tai tiwanahyy roirenyre ¹⁸ Kia rybe-di wii beysabenyke.

5

¹ Ityhydỹỹdu seriòre, tiubo kia ibutumy aõhebo rotỹỹnykre. Kiamy adeereny ariritinyõtyhy. ² Rummy wasidu wesemy kia txu kanakre.

Kia teerytenyte. Ibededÿÿnana iny rieryötyhy. ³ Inyö rarybekeki: — Ibutumy awire. Ibutumy ywina-di ratxireri. Kiatxuu kedexihukre. Inyö rahenyötyhy. Iwese häwyy txuberere wese, uladu ijera iöhöreu kia rare. ⁴ Kaiboho, waseriöreboho, tetyhynytenyte tai kiatxu adeereny bede òtiidÿÿ aökö rarekre. Kaiboho dori kia teerytenyte, wasidu wese my kanakemy wahe. ⁵ Inyboho ibutumy txuu mahädu atxitenyte, loosöna mahädu wahe. Bedeluruhukÿ mahädu aökö inyboho ratxireri. ⁶ Tai tahe rökörönyötyhy. Bexixabenyke. Ijö iny wese aökö atxibenyke. Betehebenyke. ⁷ Rummy ibutumy iny rörömyhÿre. Tule kiau ibutumy riömyhÿre, axaxaluudu mahädu wahe. ⁸ Inyboho tahe iximy rekexiöbitidÿÿnyke ywina-di. Ityhyna, luuna-wana heka iny örarunareny itxena wesenamy rikitidikre. Tarasana tahe inyratiywina wesena rare, tarasana rarösöna wahe. ⁹ Debure bededÿÿnana-ò aökö inyboho ralöötyhy. Deuxu aöhökÿmy dÿÿnana kia Deuxudeewina aökö rare inydeereny. Biu-ò hena-ò tahe inyboho ralörenykre Jesuisi Kristu Inynyrÿ öraru-ki. ¹⁰ Tii dori inydeereny rurure. Tai tahe tii-wana rarehyymy rÿikre irummy ada rubumy iny ratxirehäre.

¹¹⁻¹³ Kiarybe-di widee beysadÿÿnymahäbenyke. Deuxu rybe tÿnydÿÿdu mahädu biwiöhenanybenyke, bityhynybenyke. Kia tahe wadee awire. Tii dori awiöhedÿÿdu ratxireri Inynyrÿ öraru-ki. Ibutumy widee öbitimy atxibenyke, tii Deuxu deödu rareki. ¹⁴ Tule adeereny ijö dohodÿÿnaö aratohodÿÿnykre. Iehehe mahädu biöbitinybenyke. Ityhyna kyhynakö mahädu bikyhynanybenyke. Ibutumy widi atximyhÿbenyke. ¹⁵ Inyö aöbinamy adee rakeki, ixiwöydÿÿömy. Ywina-di tamy bisÿnyke. ¹⁶ Beysahyybenyke. ¹⁷ Ixitöedÿÿhyymy boibehyybenyke. ¹⁸ Ibutumy beälamahäbenyke. Kaiboho dori Kristu ijoi atxitenyte. Kia adeereny Deuxudeewinare. ¹⁹ Deuxu Tyytybytyhy-ò boholake, awo-ki arayky-ki tii ratxire. ²⁰ Deuxu dee rybedu mahädu awire irybe awire. Ibinamy aökö tai marybebenyötyhy. ²¹ Ibutumy biurihibenyke. Aöbo awirele tahe idi bimyyke. ²² Ibutumy öraruna-ribi irehemy atximahäbenyke.

²³ Deuxu heka ywina rare. Tii araöbitidÿÿnytyhyke. Adeereny rexitöenyre. Araykywydyna, öhötiwydyna, aumy-wana ibutumy raywidÿÿmy ratxike idi watxireri. Jesuisi dori elelemy kodobehekre. ²⁴ Tii kia ibutumy juhoo rarybere wese, tii adeereny riwinyhykyre.

²⁵ Waityhydÿÿdu seriöre, inydeereny bexitöenybenyke.

²⁶ Deuxu deysana ölusö-di wii birybebenyke. ²⁷ Wadee boholake Inynyrÿ öraru-ki. Kia watyyriti heka ibutumy ityhydÿÿdu seriöre roholakemy watxireri. Idi mariake.

²⁸ Jesuisi Kristu Inynyrÿ ruxetöena heka adeereny ratximyhÿkemy idi watxireri. Kie.

2 Tesalonia Mahãdu-ò 2 Paulo Ryberiti Tesalonia Hãwã-ò

¹ Paulo, Sila, Tximòtxiboho-wana tyyriti rewahinyrenyire Tesalonia dohodÿÿna mahãdu-ò. Deuxu Inyityby, Jesuisi Kristu Inynyrÿ ijoi toiteò. ² Wiòhedÿÿna, ywina-wana adeereny kanakemy watzireri Deuxu Inyitybyreny-ribi, Jesuisi Kristu Inynyrÿreny-ribi.

³ Inyseriòrereny, Deuxu-ò adee reàlamahãrenyire. Kia tahe awi rare. Kaiboho aõu aõu texityhydÿÿnytyhymy atximahãtenyteki, ityhydÿÿdu seriòre wiluuna-di iluutyhymy teletenyteri. ⁴ Tai heka ijò Deuxu dohodÿÿna heto-ki aõwiihikÿmy umy rarybemahãre. Kaiboho dori aõwitxira witzira aõbina bina teòludunymyhÿtenyete, aõhòkÿmy dÿÿnana-ki ixiwesehyymy toitemahã ire tetyhynytyhymahãtenyete. ⁵ Kiawesele Deuxu aõna aõna òbitimy riwinymyhÿre. Kaiboho Deuxu teywinytenyteri Iòlòna-ò malòbenykremy, aõhòkÿmy tatÿÿnytenyteriki wahe. ⁶ Deuxu, tiiboho aõbina bina-di riòwynyrenykre, aõhòkÿmy dÿÿnana dori adeereny riwahinyreki. Kia tii òbitimy ròhòtynyete. ⁷ Biu-ribi Inynyrÿ Jesuisi tarunareny ÿju-di kodobehekrey, aõhòkÿmy dÿÿnana-ribi elehyena adeereny, tule inydeereny Deuxu kidiwahinykre. ⁸ Heòtyloona-di tii kanakre riòwynykremy Deuxu rieryòmy rÿira mahãdu dee, tule Inynyrÿ Jesuisi Rybewihikÿ riywinyòmy rÿira mahãdu dee. ⁹ Kia mahãdu aõu aõu aõhòkÿmy rotÿÿnykre Inynyrÿ òsÿnÿ-ribi iteòdÿÿna-ki taruruloosòna-ribi. ¹⁰ Tii kanakre tahe ibutumy ijoi mahãdu tamy làhàna riwahinykremy. Ribedeòtiidÿÿnyrenykre ibutumy taijoi dee aõmydÿÿnana riwinyreki. Tetyhynymahãtenyete, Deuxu rybe dori jiarÿboho adeereny rewahinyamahãreki. ¹¹ Kaiboho iwese Deuxudeewimy rarekemy boibeke. Tai tahe adeereny rexitòehyymahãrenyire. Deuxu ruruna-di atyhydÿÿna-di sòwemy aõwiihikÿ riwinykemy idi watzimahãre. ¹² Tai tahe ibutumy Inynyrÿ Jesuisi Kristu nimy sòwemy beàlamyhÿkemy. Tii loosòna adeereny riwahinykemy watzireri. Kia Deuxu dee, Inynyrÿ Jesuisi dee awi rare. Wiòhedÿÿna iribi bitabenyke.

2

¹ Waseriòreboho, Inynyrÿ Kristu òkesenamy iximy iny ritakemy adeereny warybe ariwahinykre. Inyò rarybekeki Inynyrÿ òkesena txummy rehemynymy rÿire, kia rybe-di iòtiidÿÿòmy. ² Inyò rarasinykeki, Deuxu-ribi ijyy ritakeki, urile ityhydÿÿrenyòmy. Inyò waribi tyyriti itarasamy rarybekeki, ityhydÿÿrenyòmy. ³ Inyò aitenadÿÿòmy boibeke. Ityhydÿÿdu atysyna nihikÿ juhuhu kanakre, idi tahe kia txu kanakre. Juhuhu hàbu ibinatyhy kedexideòsinykre. Heòtybedeluduò tii rare. ⁴ Tii ibutu Deuxummy òludunadu rarekre Deuxummy iny rininire mahãdu wahe. Ibutumy àlàna aõmydÿÿnana riatykre. Deuxu dohodÿÿna hetowo-ò ralore tahe Deuxu weselemy ronykre. Iximy rarybekre tii Deuxu raremy. ⁵ Tuu heka adeereny rarybere, akireny raremahãu, òhòtirenny aõbo itxi rearenÿòra? ⁶ Ibededÿÿnana raòbitikre xiery, kanakre. Deuxu ruru dori rimymyhÿre. Kia tule teerytenyete. ⁷ Iaòbinahakÿ aõmydÿÿnana inyy-ki ratzireri. Tii tyhy wiji kanaòkre. Imynydu iribi rexitare xiery, tahe tii kanakre. ⁸ Taile tahe hàbu ibinatyhy kedexideòsinykre. Inynyrÿ Jesuisi

kanakreu, tii tuu kidirubunykre taryeledile. ⁹ Juhuu tahe kia hãbu Satanasi deòdu tahe iruru-di kedehemynykre. Aõna aõna wiwihikỹ widỹmy ròitxenadỹreri. ¹⁰ Inyõ sõwemy riitxenanykremy bedeòbydỹ wesemy. Ityhydỹdukõdu mahãdu tii riitxenanytyhykre. Tiiboho dori inatyhyna rybe rityhynyõmyhỹre, tuuõmyhỹre, tai rexirutaõrenyre. ¹¹⁻¹² Deuxu dori rilawere tuu rityhynyrenykremy ibinare hãrele. Kia ruina rityhynyrenykre, tai Deuxu rihitxidỹnykre inatyhyna rityhynyõreki, taõrarudỹna luureki.

¹³ Deuxu tahe juhuutyhylemy aratarenyre, waseriõreboho. Biu-ò hena adeereny riwahinyremy inatyhyna tetyhynytenyteki. Deuxu Tyytybytyhy aralyradỹnyrenyre. Tai, Inynyrỹ luuna mahãdu, Deuxu mahãdurenymy belebenykemy atximahãtenyte. ¹⁴ Deuxu adeereny Rybewihikỹ diteònyde. Inyboho tahe ijyydumy roire. Iny òraruren-ki tahe Inynyrỹ Jesuisi Kristu loosõna bitabenykremy idi toite. ¹⁵ Kia ibutumy, waseriõreboho, itxi õhõtireny reake. Aõmybo araerynanymahãre kowa-ki raremahãu, tule watyriti-di rebedeerydỹnymahãrenyre, idi mohõtinytyhybenyke, õbitimy idi boibeke.

¹⁶⁻¹⁷ Inynyrỹ Jesuisi Kristu Deuxu Inyatyby, luuna luuna, wiðhedỹna, rarõsõna sõwemy inydeereny diwahinyde. Inyboho aõhyymy aõkõ roire. Iribireny raybidina adeereny kanakemy watzireri. Tule umy kanawiðhenanykemy watzireri ibutumy aõhe botynyke, marybemahãbenyke.

3

¹ Watyriti-di konanamy tahe adeereny ararybekre. Waseriõreboho, inydeereny bexitðenyke. Inynyrỹ rybemy araryberenykemy, iny-witxira-ko arelyyrenykemy, tule Inynyrỹ rybe-di iwese rybe ayreny-ki aõwiwihikỹmy raremyhỹ wese. ² Tule bexitðenyke kia iny iehehe-ribi arexitarenykemy. Ibutu iny dori inatyhyna rityhynyõreri. ³⁻⁴ Tahe Inynyrỹ õbiti rare tii arawiðhenanykre. Tii ararurudỹnykre kia reeryre. Satanasi-ribi arayrubunyrenykre. Tahe, aõmybo reerynadỹnyre wese kaiboho aõhebo tatỹnytenyterimy heka adireny watzimahãre tule kia wesehyyle rakatxirenyke. ⁵ Inynyrỹ-ribi Deuxu luuna, Kristu itxõmotxina bede erynahakỹ adeereny kanakemy watzimahãre.

⁶ Kia Jesuisi Kristu Inynyrỹ bede ywina wese rare adeereny ararybekremy. Waseriõreboho hexiweresynyke iny deoruxere-ribi, ibutumy iny waerysydỹna roholaõre mahãdu-ribi, tii ityhydỹdu mahãdu hãrele. ⁷ Ayreny-ki roiremahãu, raaõmysỹdỹhyymy roiremyhỹ. Tai kaiboho teerytenyte iwese mabekemy. ⁸ Tiu iny witxira rỹsõna rerỹsõrenyõhyre, iðwyõmy. Txuu ruwana raaõmysỹdỹre waaõna aõna õwydỹmy. Tai tahe adeereny isiramy aõkõ ayreny-ki jiarỹ raremyhỹ. ⁹ Inyõ-ribi rỹsõnaõ arirỹsõmahãkeki, kia tahe ibinamy aõkõ rare, jiarỹ Deuxu rybemy rybedu-ki wahe. Tahe aõkõre urile rexideòsinykemy rerỹsõmahãrenyre. Iwese aõmysỹdỹna awirewesele umy reerynanyrenyre. ¹⁰ Tai rarewãhãu kia bede ywina rewahinyre: —Iny raaõmysỹdỹõmyhỹre riroxiõtyhy. ¹¹ Jiarỹ raholawãhãre iny deoruxeretyhy-ò ayreny-ki ratximyhỹrenyre, tiiboho aõmysỹdỹ derarenyre, urile rajõmomyhỹrenyre. ¹² Jesuisi Kristu Inynyrỹni-di tamyreny ararybekre rayruburenykemy, raaõmysỹdỹrenykemy ixideereny. ¹³ Tahe adeereny, waseriõreboho, ararybekre. Aõwiwihikỹ

widỹỹ-ò ixirarenyõmy. ¹⁴ Inyõ ka waryberiti riywinyõkeki, mobo tii rare bierybenyke tahe kie-ribi irehemy biijeke, tai tii raixỹrukemy. ¹⁵ Urile tii aòludumy aõkõ ratxireri. Aseriõre wesemy tamy marybeke. Bijjemy idi ahãke.

¹⁶ Inynyrỹ ywina wedu rare. Tii adeeremy ywina ibutumy aõmydỹỹnana-ki kidiwahinykemy idi watzireri. Inynyrỹ awanareny ratxikemy idi watzireri.

¹⁷ Kia konana warybewehityyna jiarỹle ariritinykre wadebò-di. Ibutumy waryberiti-ki rỹire wese kawesele wani retidire. Paulo. ¹⁸ Jesuisi Kristu Inynyrỹ wiòhena ibutumy adeeremy ratximyhỹkemy idi watzireri.

1 Tximòtxi-ò Paulo Juhuu Tyyriti Tximòtxi-ò

¹ Jiarỹ Paulo watiwãhãre. Jesuisi Kristu deòdỹna watiwãhãre. Deuxu iny tarasadumy riwateònyre, tule Jesuisi Kristu Inynyrỹ riwateònyre. Tii tahe inyararòsònareny rare. ² Katyyriti adee rewahinyreri Tximòtxi. Kai inatyhymy wariòre wesemy atximyhỹte ityhydỹdu mahãduy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watzireri.

³ Jiarỹ Macedonia-ribi rareu, adee warybe rewahinyre kai Efesu hãwã-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyyriti witziramy ròerydỹnanayre riki. ⁴ Ihetxiu ijyymy heka rusake kiawesemy heka kai tamyneny marybekre. Talahi talabie òraruòraru-di he ròhòtynyòhymyhỹkre. Kia aõna aõna tahe rybenatyhytyhyre. Kia aõna aõna iny lahi òraru rybena-di ixinohòtidỹõmy. Kia ityhydỹnadile kanakre. ⁵ Kia wiluuna tahe inywolyrahakỹwo-ribi ròhònymyhỹre, iny raykylyrahakỹ wo-ribi, iny ityhydỹnatyhy-ribi. ⁶ Kia aõna aõna wihikỹ-ribi iny rexixãwididỹnyre. Tai tahe aõmybo rarybemyhỹre heka rieryòhymyhỹre. Aõtyhymy aõkò wídee rarybemyhỹreny. ⁷ Bede ywina tyyriti ersydỹdu wesekemy rexinohòtinymyhỹre, tahe rieryòhymyhỹre aõmybo raremy. Aõmy rierynanyhỹreny tahe timybo ihỹremy rieryòlemyhỹreny. ⁸ Katahe inyboho rieryreny. Inyò bede ywina tyyriti òbitimy rityhynykeki, Bede ywina tyyriti heka awi rare. ⁹ Inywihikỹ-ò heka tiu bede ywina tyyriti riwahinyòhymyhỹre. Inybina binaòle iwahidỹna rare, iny òrarudu-ò, iny ityhydỹdukdòdu mahãdu-ò, iny aleerydu-ò, iny tadi tyby-wana rirubunymyhỹre mahãdu-ò. ¹⁰⁻¹¹ Kia iny-ò bede ywina tyyriti rỹimyhỹre. Ibutumy bina bina widỹdu-ò. Bede ywina tyyriti rỹimyhỹre ka mahãdu-ò: inydỹwe mahãdu dee, taòtaòta witziramy òtadu mahãdu-ò, inywasidỹdu-ò, ruidu mahãdu-ò. Deuxu ijy tỹmyra wihikỹ dee wiòkeki, tii aõna aõna riwinykeki, tamy. Deuxu bede ywina tyyriti roimyhỹre. Deuxu bedeerydỹna òbiti aõkòreki, Deuxu wihihikỹ loosonadewimy aõkòreki kia ersydỹnadu jiarỹ rare.

¹² Jesuisi Kristu, iny wedu waruruixiòlòdỹdu rare. Jiarỹ tamy wawimy raremyhỹ. Tai tarybe-di wiòhedỹdumy riwatare. Kia-ò Jesuisi Kristu heka jiarỹ rewowydyny. ¹³ Juhuu jiarỹ tuu rarybere. Ityhydỹdu mahãdu-ò wadeburemy rarewỹhỹ. Tule Jesuisi-ò wedeburemy rarewỹhỹ. Tahe wadee raruxetòenyreny. Tahe ibutumy kia reerykòlemy rewiny my raremyhỹ, retyhynyòlemy rewiny my raremyhỹki. ¹⁴ Inywedu sòwemy wadee raruxetòere. Tii riwasỹny ixiluwehikỹkemy, rikityhynymyhỹreny kemy. ¹⁵ Jesuisi Kristu kabede-ò dobehede òrarudu ritakemy. Ka rybe heka inatyhy rybe heka rare. Jiarỹ heka òrarudutyhy nihikỹ rare. ¹⁶ Iurenany tahe tii riwaruxetòenyre. Tiu heka waki rexiraòre. Tii riwateòsinyre juhUU ityhydỹdu wesemy. Ityhydỹdu mahãdu-ò itxerenamy, iwese tii mahãdu kidityhynykemy. Tai umy tuedekòdu mahãdu-ò ralòkemy. ¹⁷ Bealãmahãbenyke Deuxu-ò. Tii heka bededỹnana tuedeòdu hukỹ Iòlò rare. Tii lobixina aõkò rare. Tii sohojile rare. Bealãmahãbenyke aõu aõu, wowodyna tamy biwahinyke. Kie.

¹⁸ Ka inatyhymy rybemy adee ararybekre Tximòtxi —kai dori wariòre wesemy tate. Kia rybe heka ihetxinarybe wesele rare. Deuxu aratareu, kia biyrubunywihikÿke. Besuke arurutyhymy aõbo òbitimy ratximyhÿre wihikÿ-ò. ¹⁹ Aõhewe òhòtiwydynawimy mabekre. Bityhynymy mabekre. Inyõ heka idi rõhòtinyrenyõra, tai reserenyra ityhydÿÿ-ribi. ²⁰ Ijõ Imineu inire, Alexÿdre ijõre. Jiarÿ rewahinyre Satanasi-ò, Satanasi bedeburana tamyreny riwahinykre. Tiiboho rybebinamy tii Deuxu-ò rarybeõtyhy.

2

¹ Delemy kamy ararybeke: Àlana sówemy idi rawahinyke, ibutumy iny-ki bexitòtenykre. ² Iòlò dee, ibutumy dinodu dee tule bexitòenykre. Tamyreny biixitòedÿÿnanamy Deuxu-ò, tule Deuxumy beòbykemy, tai ibutumy iny iworana bedehesimy rÿikre. Deuxumy iny rõkòhòtinyrenykemy idi òbitimy tamy rokoirekemy. ³ Kia wese awire Deuxu dee. ⁴ Deuxudeewimy ibutumy iny ritakemy raerykemy tibo inatyhy raremy. ⁵ Deuxu sohojile rare iny-ki rybedu tule sohojile rare, Deuxu-ò iny mahãdu tii sohojile kia riwinyre. Tii hãbutyhyhykÿ rare. Tai tahe tii tiò tiò rare, Deuxu, iny mahãdu-wana widee ributunykemy, Jesuisi Kristu wahe. ⁶ Jesuisi rexiwahinyre ibutumy iny òraruna òwydÿÿmy. Tii heka riòwynyrene sohojihyylemy. Kia heka tiehyymy deòsidÿÿmy rarekemy. Tiu iny mahãdu rahenykemy Deuxu rexinohòtinyre. ⁷ Jiarÿ heka imynynamy riwamyre kia rybe-di arelyykre. Tule jiarÿ rybe-di dohodÿÿdukremy riwamyre iny wixira bedeerydÿÿmy judeukòdu mahãdu wahe. Kia raerykemy tibo inatyhy raremy. Kia dori inatyhy rare.

⁸ Ibutumy dohodÿÿna hetowo-ki ibutumy rexitòenyre rexityhynymy. Ujõmomomy rõhòtinymy aõkò. ⁹ Hãwyy uritere ixidi nohòtityhõmy ixiãmydÿÿnadÿÿmy urile ywilemy ixidi rõhòtinykemy. Hãwyy ityhydÿÿdu ixiwydÿÿna tahe tyywihikÿ aõkò, iradesihodÿÿtyhy aõkò, de-orutylududike aõkò. ¹⁰ Urile tahe iyrubukemy Deuxu-di rõhòtinyke tamy aõwihikÿ riwinykre. ¹¹ Hãwyy ityhydÿÿdu mahãdu rõeryrenykre yrubu-ki. ¹² Jiarÿle heka hãwyy ariwahinyõtyhy hãbumy hÿÿnakemy, hãbu erydÿÿdukemy tule tuu areònyke aõkòre, hãwyy heka urile iyrubumy rÿike. ¹³ Adaõ heka Deuxu juhule riwinyre idi Eva riwinyre. ¹⁴ Tule tahe Satanasi Eva juhoo riitxenanyre, Adaõ aõkò tai raòrarunyre. ¹⁵ Hãwyy uladu reakeule rexitake. Idi rõtyhydÿÿmy. Inyluumy idi rexityhynykreki.

3

¹ Kia rybe inatyhy rybe rare: —Inyõ dohodÿÿdu dinodumy rarekeki. Kia heka rexiburemyhÿre aõwihikÿmy ratximyhÿre. ² Tahe rybe-di dohodÿÿ aõmysÿdÿÿdumy ralòkeki, tii heka òbitimy rareke, tahãwyy sohojidile, rexityhynymy rarekemy, iny inatyhy, iny aòraru rarekemy, erynadÿÿdutyhymy rarekemy. ³ Tii heka iaxaxa luuõre aõbina luumy aõkò rare tule iyrubure. Tahe tule iaõmy nohòtidu aõkòre. ⁴ Tii heka taijoimy reònymyhÿre, tariòre rierynanywihikÿmyhÿre ixirybe rityhynykemy. ⁵ Inyõ tahe taijoi reònyõkeki, Deuxu aõmydÿÿna-di òbitimy raaõmysÿdÿÿõtyhy. ⁶ Tii ityhydÿÿdu tÿmyra aõkòmy rarekemy. Raxiwedenymy rarekeki tahe urile Satanasi alòsena-txi tii reseke. ⁷ Ihãrele tahe ityhydÿÿdu mahãdu aõkò rare ihÿre, awimy tuu rarybemyhÿre. Tuu heka raujõmorenyõtyhy tule tii Satanasi ireitidisi-txi reseõtyhy.

⁸ Tule dohodÿÿdu wiòhedÿÿdu mahâdu, kiawesele rarekemy. Tii tule òbitimy rarekemy irybe òkese òkese aòkò, iaxaxaluu aòkò rare, tule aòna aòna sòwemy nohòtidu aòkò rare. ⁹ Iny inatyhydÿÿnareny òbitimy tuu rotohodÿÿnanymyhÿrenyke, tarayky òbiti-di. ¹⁰ Tule kia wesele raurihikre. Iribi òbitimy ròhònykeki, tai dohodÿÿdu wiòhedÿÿdu mahâdu-ò ralokre. ¹¹ Ihâwyy tule òbitimy rarekre. Ujòmodumy aòkò rarekre, iyrubukemy, urileta rexityhynymy rarekemy. ¹² Tule dohodÿÿdu wiòhedÿÿdu mahâduò ihâwyy sohojidilemy rarekre. Tariòre, taijoi-wana reònymyhÿkre. ¹³ Kia mahâduò Deuxu aòmÿsÿdÿÿna òbitimy riwinymyhÿreki, inatyhymy tii iny rityhynykre. Tai Deuxu aòmÿdÿÿna tii riòbitinykre ibutumy inydee.

¹⁴⁻¹⁵ Aroramy jiarÿ wylemy arakemy watxireri. Aòkòkeki urile warybe ritina adee rewahinyreri. Kia warybe-di bierynanybenyke aòhebo ityhydÿÿdu mahâdu warybe-di rotÿÿnykemy. Ityhydÿÿdu mahâdu Deuxu ijoioò rare. Inatyhy rybe yrubudÿÿdu rare. ¹⁶ Iny tyhydÿÿnareny awi tyhytyhy rare. Kia wese rare: —Jesuisi heka hàbu wese nade. Tii Deuxu Tyytyby-di òbitimy rityhynyreu, ÿjurenny tuu robirenyre. Taaòmÿdÿÿnanarenymy ibutu bede bedemy relyrenyke. Sòwemy iny rityhynyrenyke. Roosere biu botorahakÿ-ò.

4

¹ Deuxu Tyytyby rarybera: —Ihewoladu bededÿÿnana txuu hàbu tyytybybina rybe-ò roholakre. Tai iny tyhydÿÿnanareny ririkre. ²⁻³ Tahe ruina rybe rityhynyre, hàbu aòmÿ nohòti erykò rybe-ò. Kia heka hàbu raerynadÿÿmyhÿre uritere hàwyy heriòmykremy, ijò rÿsÿna aòtxi irÿsÿòkremy. Kia rÿsÿna iny rirÿsÿke Deuxu riwahinyre. Juhuu àlana Deuxu-ò rawahikre. ⁴ Kia heka ibutumy Deuxu riwinyre awire. Aò aòkò heka awiòre. Deukumy beòbyke, kia tahe ibutumy awike. ⁵ Ixitòedÿÿna Deuxu rybe kia ibutumy awimy risÿnykre.

⁶ Kai heka ityhydÿÿdu mahâdu bierynanykeki, kai heka Jesuisi Kristu aòmÿsÿdÿÿdu mahâduwiihikÿò tate. Kia inytyhydÿÿnareny erydumy mabekre. ⁷ Kai ihetxiu nohòtiwidÿÿna ijyy bityhynyòtyhy. Marurunymy mabeke Deuxu aòmÿsÿdÿÿnana-ò. ⁸ Aumyruru urihimÿny idi mohòtynykre, atyytybywi-di tahe kia idi sòwemy mohòtynykre kai kabede-ki adeewikre tule tiu bede-ki awikre. ⁹ Kia rybe heka òbiti rare. Ibutumy iny rityhynyke. ¹⁰ Inyboho raaòmÿsÿdÿÿnymyhÿre inatyhymy. Deuxu dori iny rityhynyre. Tii ibutumy iny tarasadu ratximyhÿre, ityhydÿÿdule tarasadure. ¹¹ Kia warybemy bierynanybenyke. ¹² Iny aratyhynyòkeki kai matuari aòkò tateki, tai ityhydÿÿdu wihikÿ mabekremy bexityhynyke. Tai tahe arybe-ò aratyhynykre aityhydÿÿna, aluuna, òbitina òraru-ki wahe. ¹³ Adehemynykre kotyre, Deuxu rybe-di mariakre dohodÿÿna heto-ki, idi belyykemy mabekemy tule bierynanykemy. ¹⁴ Uritere nohòti lusaòmÿ kai erydÿÿdu wihikÿ tatemyhÿ. Dohodÿÿna matuari mahâdu debòtidina-di arateònyrenyreu, wahisidÿÿna weseò tetate rybe-di tÿnydÿÿna òraru-ki. ¹⁵ Kia aòmÿdÿÿnanamy mohòtynywityhymyhÿ. Ixidile bexiywinytyhymyhÿke bede erydÿÿnana-di tule bexiywinytyhymyhÿke. ¹⁶ Tai kai òraru-ribi bexitake tule aijohonana-di òraru-ribi bitakre.

5

¹ Matuari ityhydÿÿdu mahâdu-ò ywimy aõki tamy marybemyhÿke, bowese idi atximahâke Weryrybò mahâdu, aseriõre wesemy bitohodÿÿnyke. ² Senadu mahâdu adi wesele bierynanykre. Ijadõma mahâdu aseriõre wesere ibutumy òbitilemy biywinykre. ³ Inatyhytyhy wytese mahâdu kai bityhynykre iòsÿnÿ biywinykre. ⁴ Iriòredikeki, iriòkòredikeki, juhoo iriõre bierynanyke imahâdule òbitimy biwiòhenanyke idi watrixiri. Kia dori Deuxu dee awire. ⁵ Wytese mahâdu ixisohojilemy rasÿnymyhÿre iriòrekõkeki, Deuxu-ribi aõna aõna riraòmyhÿre. Deuxu dee sõwemy rexitòenymyhÿkemy. ⁶ Kia tahe wyteseõ òraruna luukeki kia tahe irulemy ratximyhÿre hâre rubu rare. ⁷ Tximõtxi, kia bede ywina tahe rewahinyreri urile wytese mahâdu òwe òweòmykremy bibedeerynanykre. ⁸ Inyõ juhoo tasÿreny dee idi aõna aõna taijoi dee kanawyðkeki, tii ityhydÿÿdukõdu mahâdu ratyre rabinare. Tii ityhydÿÿdu mahâdu wese aõkõ dotÿÿnymyhÿde. ⁹ Wytese tÿmyrani tyyriti-ki iritidÿÿõmykre 60 ibeòraðkeki. Tule tii sohojihyule roire hâbumy. ¹⁰ Tule tii aõna aõna wihikÿ riwinymyhÿre, tariõre ritybienyke, taroraludu-ò awimy raremyhÿ, ityhydÿÿdu mahâduwa risuhòmy raremyhÿ, aõhòkÿtyhytyhymy rotÿÿnymy rare mahâdu riwiòhenanymy raremyhÿ. Aõu aõu heka iny wixira riwiòhenanymy raremyhÿ taworana bedehesi-di. ¹¹ Wytese tÿmyrani heka tyyriti-ki iritidÿÿõmykre. Hâbumy herimy rõhõtínymyhÿre wana, tai Kristu-ribi tõhõti rosamyhÿre. ¹² Tarybe ywidÿÿna riywinyòlemyhÿre, tai iurenana tahe tuudÿÿdumy Deuxu-ò ratximyhÿre. ¹³ Hetomy rawerywerynymyhÿre kia urenana urile rajõmomomihÿre aõna aõnalemy. Aõ heka riwinyòlemyhÿre. Kia ratyre bina tahe tuu rybenanamy aõkõ rybebinamy rarybemyhÿre. ¹⁴ Kia heka wadee awire wytese tÿmyra hâbumy roikre, rariòrerenyke, tule taheto riywinykemy. Kia wese iòludu inydeereny aõna aõnabinamy rarybeðhÿkÿkre. ¹⁵ Wyteseõ dori Satanasi hemy roire. ¹⁶ Wyteseõ ityhydÿÿdusÿ-ki rarekeki, tii heka riwiòhenadÿÿrÿikre. Kiawese dohodÿÿdu mahâdu nieru tamy ritakre. Kia nieru rayrubunykre. Tahe rawahikre ixisohojile ratximyhÿre-ò.

¹⁷ Matuari ityhydÿÿdu mahâdu iny rityhytyhynykre. Dohodÿÿna mahâdu aõmydÿÿnana òbitimy retehemy ratximyhÿkeki, ratyhytyhynykre. Inatyhytyhywityhymy kowa òbitimy relynymyhÿre tule rybe wihikÿ rierynanyamahâre kia heka raòwywikre. ¹⁸ Tai tahe raritidÿÿmy roimyhÿre: — Broreni maixõmotyre iwysydÿÿmy rariamyhÿu, iry ratòbònyòtyhy ibyre lau. Tule ròritidÿÿmy roimyhÿre:

—Mobo raaðmysÿdÿÿmyhÿre, tii heka iny riòwinyomyhÿre.

¹⁹ Matuari mahâduò iny tuu rajõmokeki, tuu arityhinyòtyhyke. Tuu lobixidu inatxi ada inataðekile, aratyhydÿÿkre. ²⁰ Tii inatyhymy òraruna-txi resereu, kai tamy marybeke iòrarumy ibutumy inyko-txi. Iurenana tahe ijõ iny ruberumy rÿimyhÿkremy. ²¹ Adee ararybekre. Deuxu, ÿjurenny, Jesuisi Kristu-wana ibutumy warybe-ò roholareri. Kai warybe biywinykre. Myheka wiratyre widi rõhõtínnyòtyhy. Tiiemy wiwese weselekemy rÿikemy. ²² Uritere rybe-di tÿnydÿÿdu tÿmyra juhu biurihike idi tahe debòtidina-dí biteònyke rybe tÿnydÿÿmy. Kawese aõkõkeki heka hâbu òrarunamy tuudÿÿdukremy òsana mabekre. Aõmydÿÿnana tiemy òbitimy biywinyomyhÿ. ²³ Bee sohojilemy aõkõ biõkre urihimomymy wÿmy biõkre. Kai dori awo ibinareriki tiemy tuu abinareri. ²⁴ Ijõ òraru aõwesele iny kanatÿnykre, bedeluura aõwesele kòdòhònykre. Ijõ òraru taheka idile

kanatŷnykre. ²⁵ Ruxetòenawihikŷ iwesele rare. Ele tii raeryòtyhy idi tahe iny rierymyhŷre.

6

¹ Ibutumy wetxuò tawedu rityhynykre. Tawedu rityhynyòkeki heka Deuxu nibinarybemy iny rarybekre. Tule ityhydŷŷdu eryna binamy rarybekre. ² Weduò ityhydŷŷdukeki, kia heka ire ratyhydŷŷmyhŷke tule aõnityhymy tamy aõmysŷdŷŷkre. Tii dori ityhydŷŷdu seriòre wese rare. Kia dori taaõmysŷdŷŷnyteri ityhydŷŷdu widee. Kaiboho ixideerenyle wiluukemy. Kia tule bierydŷŷnykre.

³ Inyò erydŷŷna witxira ròerynanykeki kia òbitimy aõkò Jesuisi Kristu Rybewihikŷ wese aõkò ratxikeki, ⁴ kia hãbu ixiwede rare, aõ rieryòlere. Kia hãbu urile dŷŷraxidŷŷ luure. Kia dŷŷraxidŷŷ-ribi ibutumy rybe jei jei ròhònymyhyre. Iribi tahe tule rexinaanymyhyre, raujòmomyhyre, rexiwodohonanymyhyre. ⁵ Raruimyyhyre. Kia ibutumy rotŷŷnyrerí, hãbu tòhòtina òwedwere. Inatyhyna-ribi kia hãbu tòhòti rosare. Ityhydŷŷdureki tii ròtakemy ixidi ratximyyhyre. Kiamy heka ròhòtynymyhyre. ⁶ Inatyhymy ibutumy heka tai iny aõtyhydŷŷdu-ki taaò-di teysakreki. ⁷ Aõ kabede-ò iny ixihemy kabede-ribi rikiwyòtyhyrenykre. ⁸ Iny tydyrenykeki, iny rŷsŷnadirenykeki, urile reysarenykre. ⁹ Tahe inyò ityhymy ixidikeki, tii òraruna-txi resekre. Kia heka iny rexiburemy, rexibinanymyhyre, tule rexiraykyitxŷtenymyhyre. ¹⁰ Inyò nieru luukeki, tii aõ òta òta òraruna-txi resekre. Kia-di heka iny sòwemy ityhydŷŷdu mahãdu-ribi ròhònyra aõhòkŷmy rotŷŷnyrenyre.

¹¹ Kai Deuxu ijoi tate. Ibutumy kia-ribi bexiemy mabekre. Uritere ityhymy ix-di nohòtiòmy tahe awimy mabekremy mohòtynykre. Deuxu wiwese, ityhydŷŷdutyhy wese, Deuxuluu wesemy. Tiiemy heka òbitimy atximahãke, ywimy ainytyhymy atximahãke. ¹² Aõu aõu òbitimy atximyyhkemy marurunyke, umy tuedekõnahakŷ bitakemy, kai tule inatyhy rybemy tarybete inysòweko-ò, Deuxu dori adee rarybere juhUU. ¹³ Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi. ¹⁴ Kaheka warybe rare: Kai heka bede ywina bityhynyke aõ bede ywina tyryti òraru-ki aõhe botŷŷnyòtyhy. Biraòke InywedU Jesuisi Kristu dehemyynyna txuu. ¹⁵ Tiutzukremybo Deuxule kedexitŷnynykre, tii deysana wedu rare. Tii sohojile heka Iòlòmy rare. Ibutumy IòlòwedU rare. Ibutu wedu wedumy rare. ¹⁶ Tii sohojile heka tiu ruruòhyy rarekre. Tii irehetyhymy loosònawo-ki rasŷnymyhyre. Tiimyy heka inyò tuu robiòtyhyre. Inyò tiu iòhòmy tamy rehemynyòtyhy. Tamy rikiwoveysanyrenykre. Tiòhe aõu aõu taruru-di ratximyyhŷ.

¹⁷ Kai marybekre iaòdi mahãdu-ò uritere ta aõna aõna-di rexiwowydynyòtyhy, iaõna aõna dori rŷiòhyykre. Tahe Deuxule rityhynykre. Tii dori ibutumy aõna aõna wiwihikŷ inydeereny riwahinyre. ¹⁸ Tii aõna aõna wihikŷ inydeereny riwahinymyhyre. Iaòdi mahãdu uritere aõwihikŷ-di ijò-ò rawiòhedŷŷnykre. Aõu aõu ròwirareamyhŷke iny-ò. ¹⁹ Kia wese tiiboho ributunrenykre. Aõna aõna wihikŷ biu-ki awimy idi rarekre. Tule umy tuedekõnahakŷ tiiboho ritarenykre.

²⁰ Kai Tximòtxi, aõbo adee rawahidŷŷre, kia biyrubunykre. Rybe òwe òwe-ribi irehemy mabekre. Aõbo heka raninireri bedeerydŷŷ kia heka

inatyhy aõkõ rare. ²¹ Inyõ kia aõ erydumy ixi-di nohõti-ki, rexitara ityhydÿÿdu mahãdu-ribi. Deuxu deysanamy adee ratximyhÿkemy idi watzireri.

2 Tximòtxi-ò Paulo Inatxina Tyyriti Tximòtxi-ò

¹ Paulo jiarỹ rare. Jesuisi Kristu deòdu jiarỹ rare. Kia jiarỹ rare Deuxudeewireki wahe. Jesuisi Kristu juhuhu rarybere, umy tỹmyra tuedeõna inydeereny kidiwahinykremy. Tii kia wedu rare. ² Kai Tximòtxi, wariõre waluunadu wesemy atximahâte. Kia tyyriti adee ariwahinykre. Wiõhedỹyna, ruxetõena, ywina, Deuxu Inytyby-ribi, Jesuisi Kristu Inynyrỹ-ribi adee kedehemynykemy watzireri.

³ Deuxumy reàlãreri iwese wahabohomy reàlãre wese. Wanohõti Deuxu-ò ywile jiarỹ rare. Aõu aõu adee, Tximòtxi, rexitõenymahãre. Txuõ txuõlemy, ruwana Deuxu-ò rexitõenymahãre. ⁴ Iu rareu, arube-ribi wanohõti rosaõhyymyhỹre. Arora-ò arakemy watzimahãre, wadeysatyhymy ararekemy. ⁵ Atyhydỹyna-ribi wanohõti rosaõtyhy. Alahi, Lòide, juhuhu rityhynymyhỹre. Idi adi, Eunisi, tule rityhynymyhỹre. Kai tule wiji tetyhynymyhỹte inihe. ⁶ Kia dorihe itxi õhõti reijaranyreri. Wadebò tahe aratityre retidireu, arayky-ò Deuxu aõ riwahinyre awahisidỹyna wesekremy. Wiji kia arayky woludu rõrõra wana biixixanyke. Kia dori Deuxu wahisidỹyna rare. ⁷ Deuxu-wana iny ruberuõtyhy. Tii dori inydee ruru riwahinyra, luuna riwahinyra, tule bedeerydỹyna riwahinyra. ⁸ Tule Deuxu rybemy rybe-ki ixỹruõlemy. Deuxu rybemy rybe-ki wamy maixỹruõtyhy. Deuxu rybemy rybe-ki tahe, rõtenuwo-ò riwatidire. Kia tahe awire. Deuxu rybe wityhydỹyna-ò aõhõkỹmy rokotỹnykre. Deuxu dori inydee ruru riwahinymyhỹre. ⁹ Tii heka iny ritarenyre biu-ò hena riwahinyre wahe. Tai taaõmysỹdỹyna inydee diwahinyde. Iny awirerimy rareki aõkõ inydee diwahinyde. Taruxetõenale-ki inydee diwahinyde ixideewireki. Juhu bedeu Jesuisi Kristu òraru-ki ruxetõena inydee diwahinyde. ¹⁰ Kia ruxetõena wijile rehemyra inydee. Jesuisi Kristu inyтарасadu kia diwyde. Tii rubunale riixãwididỹynyre. Biu-ò hena Rybewihikỹmy kia ritỹnynymy diwyde. ¹¹ Riwatare tarybemy rybedumy. Rybedumy riwateõnyre, tule bedeerydỹỹdukemy riwateõnyre. ¹² Tai judeukõdu mahãdu òraru-ki aõhõkỹmy ratỹynmahãre. Ihãrele tahe raixỹruõlemahãre. Rexieryre dori tii rityhynymahãre. Reeryre dori tii ruru dire waaõmydỹynana tamy retidire iyrubudỹỹmy kiatxu-ò. ¹³ Waõbiti rybe biywinyke juhuhu kia wamy taholate, ityhydỹyna-di. Biywinyke luuna-wana. Jesuisi-ki tahe luuna tyhy rare. ¹⁴ Timybo Deuxu adee diwahinyde, biyrubunye. Deuxu Tyytybytyhy dori inywo-ki ratzireri.

¹⁵ Ibutumy kabede ludu Asia ludu riwarira. Fikelu ijõnire. Erimojini tahe ijõre. Kia tahe kai teeryte. ¹⁶ Inynyrỹ ruxetõena kidiwahinykemy watzireri Onisiru sỹmahãdu-ò. Tii dori aõu aõu riwawiõhenanyre areysakemy. Tiu riixỹrudỹỹnyõtyhyre wawomati reroti-di jiarỹ ranyreriki. ¹⁷ Tai tahe Roma hãwãhãkỹ-ò ritehemynyreu, riwaijehyyre; idi tawa-ki rahare. ¹⁸ Iny Iolò ruxetõena tamy kidiwahinykemy watzireri kia txuu. Efesu hãwã-ki dori Onisiru riwawiõhenanytyhyre. Kia teeryte waratyremy.

2

¹ Kai tahe wariõre wese tate. Jesuisi Kristu lähàna-ribi ruruna bitake. ² Aõbo wary-ribi taholatemy iny sõweko-ò relyyreu, kia ijõ iny òbiti-ò tuu belyykre. Iny rexihumy rarekoòle tuu belyykre. Idi tahe tii-boho inywitxira ribedeerynyrenykre. ³ Waaõhõkõmydõõnana wawana tuu botõõnykre. Jesuisi Kristu soldadowihikõ-wesemy kai mabeke. ⁴ Soldadoõ tadinodu aõmydõõnanale rityhynymyhõre. Tii ixideewimy rarutaaõtyhy. ⁵ Ijesudu ijesu ritake òbitimy resukekile. ⁶ Oworuwidõõdule juhuu suribi bederaty ritamyhõ. ⁷ Aõmybo wiji raryberadi mohotinyke, raweseranyreki. Inyiòlò ibutumy araerynanykre. ⁸ Jesuisi Kristu rubu-ribi ixixadu-txi õhõti reake. Ihetxiu Davi Jesuisi labiemy raremyhõ, iwese inyrybewihikõ rarybere wese. ⁹ Rybe wihikõmy relyyreki dori womati reroti-di rataamy aõhõkõmy ratõõnyreri, aõbina widõõdu wesemy. Deuxu rybe tahe, inyõ ritaaõtyhy. ¹⁰ Ibutumy reòludunymahãre ityhydõõdu mahãdu dee, Deuxuhõrõ dee. Kiaboho Jesuisi Kristu tarasanamy ritakemy idi watxireri. Tarasana, lähàna aõu aõu ritakemy idi watxireri. ¹¹ Rybe inatyhy rare. Jesuisi Kristu-wana iny rurukeki, irumy tii-wana aroireke. ¹² Inyboho rikityhynyhyrenykeki, tii-wana riòlõnyrenyke. Inyboho Jesuisi rikixiõnyrenykeki. Tii tule iny ritxiõnykre. ¹³ Iny rikityhynyõrenykeki, ihãrele tii ityhyhymy rarekre. Tii rexitxiõnyõtyhy.

¹⁴ Iny nohõti kia-txi reakemy biwisõnyke. Tamy marybeke ujõmohyyõmy rarekemy. Ujõmo tahe wiõhedõõna aõkõ rare. Ujõmo-ò ijohonadu urile ujõmodumy relekre. ¹⁵ Kai tahe marurunyke Deuxudeewimy belekemy. Kai Deuxu deòdu tate. Kia rybe inatyhy-di òbitimy maraykynyke, idi tahe, bierynanyke. Tahe bexiixõrudõõnyõtyhy. ¹⁶ Rybe õweõwemy rybedu-ribi irehemy bexieke, rybebina-ribi tule. Kia rybedu urile raõrarunynihikõmyhõke. ¹⁷ Kia erydõõna reurõmyhõre yjy wese. Imineu, Filetu-wana kia wese rierydõõnanyre. Kia rybe inatyhy-ribi rexihitxinyre. ¹⁸ Tii rarybemyhõre: —Iny ixixana dorihe rera. Kia rybe-di ityhydõõduõ wimy uriurile rityhynreri. ¹⁹ Deuxu hõrõ tahe inatyhymy rõirakre. Kia tahe urihihina rare:

—Deuxu tahõrõ mahãdu rierymyhõre.

Ijõ tahe:

Inynyrõ ijoimy iximy rybedu, õraruna heka riatykre.

²⁰ Ityhy mahãdu hetonihikõwo-ki womati tõrõrõhõkõhõna, pratahyna so-hojile aõkõ rõire. Owõruhyna, suhyna tule rõire. Hynaõ tahe rõsõnawihikõ hyna rare. Ijõ tahe rõnysi-di dehuna rare. ²¹ Kia hyna wese iny rõira. Ijõ rõnysihyna wese rõikeki, idi rexisuhokeki, rõsõnalyralyra wesemy reurõke. Tawedu-ò awimy rõike, tawedudeewimy. Tai tahe aõ wihikõhynamy rexiywinymy rõire. Kai tahe iwesele mabeke. ²² Kai ijoitõmyra tate, amahãdu õraruna-ribi bexiekemy; ixi-ribi aõ-di rõhõtynreri, kia-ribi mahenyke. Òbitina, ityhyna, luuna, ywina-wana biheludun-nyke. Deuxu-ò rexitõenyke òbiti mahãdu-wana. ²³ Erysydõõna itxõtemy wiribi rybeõmyke. Kiaribile ujõmo rõhõnomyhõre. ²⁴ Deuxu deòdu raujõmonyõtyhy. Tii tahe iny ibutu dee ywimy risõnomyhõre, erydõõnamy rexihumy ihõmyhõre. ²⁵ Ywina-di riòbitynreri iny ixixiõdõõna mahãdu. Tii heka riraõreri Deuxu worahõresena tamy riwahinykemy. Idi tahe inatyhymy rierykemy. ²⁶ Tule itxõte-ribi rõõsekemy, Satanasi reroti-ribi

rexitakemy. Tai tahe Satanasi rimyrau tahe ritaataara teewimy riwinykemy.

3

¹⁻² Bededÿÿnana konanamy bededÿÿnana sirahakÿ kÿnyikre. Kia tahe bieryke. Iny ixideewimy riwinykemy ixidi ratxikre. Nieru tarasalemy ixidi rexinohòtidÿÿnymyhÿke. Rybetyhyhykÿlemy iximy rarybekemy ratxikre. Ixidee awihikÿlemy ròhòtynykemy ratxikre. Rybebinalemy rarybemyhÿkre. Tyby ise-wana riywinyòhyymyhÿkre. Inyò-ò aomy reàlàòhyymyhÿkre. Òbitiry rityhynyòhyymyhÿkre. ³ Iny-ò tuuna ihoòhyyre. Inyò ibiòwamy rareòtyhy. Aòbina binalemy inymy relyymyhÿkre. Rxiy-winyòhyymyhÿkre. Reburehekÿ rariamyhÿkre. Òbitimyno ibinahyymy rarekre. ⁴ Iny deòsadÿÿdumy rarekre. Ixiluunadumy rarekre. Ywimy aòkò rarekre. Iwisÿdÿÿna luuhyymy rarekre. Deuxu tahe tuuòkre. ⁵ Òbitimy risÿnymyhÿre wese tahe òbitiruru ritxiònymyhÿke. Kai, Tximòtxi, kia iny-ribi irehemy mabeke. ⁶ Kia hàbu tahe hetoò-ò ralòmhyÿre. Hãwyy uri uri rÿira xiwedeò-ò òrarulÿxina-di ralòmhyÿre. Kia tawisÿdÿÿna-di rierynanymyhÿre tarybewiuidile, tahe hãwyy rityhynymyhÿre. ⁷ Kia hãwyy aòu aòu ròerykemy ixidi ròhòtynyymyhÿre, urile tahe inatyhyna tiu rieryòtyhy. ⁸ Iwese ihetxiu Ijãni, Ijãbri-wana Moisesi òludumy rÿire wese. Wiji tule kia hàbu inatyhyna òludumy rare. Irayky rawerynyre. Ityhydÿÿna-di deòsanamy rÿimyhÿre. ⁹ Tiu tako-ò raòtyhy, iitxÿtereriki, kia iruina òraruna ibutumy iny rierykre, iwese Ijãni, Ijãbri òraruna ibutumy iny raeryre wese. ¹⁰ Kai, tahe waerydÿÿna-ò taholahyymahãte. Iwese raremahã wese tiwaheludunymahãte. Watyhyna teerymahãte, wadeybina, waywina, waluuna, waixiòlòdÿÿna. ¹¹ Aòu aòu inybinahakÿ wadi riwisÿnyneri, tule aòhòkÿmy ratÿÿnyneri. Kia ibutumy teerymahãte. Kia wade rotÿÿnymy rÿire Atxiòkia hãwã-ki, Ionio hãwã-ki, tule Listra hãwã-ki. Aòwitxira witxiramy aòhòkÿmy ratÿÿnymahãre. Wanyrÿ tahe ibutu-ribi riwatare. ¹² Inyò òbitimy ratxikeki Jesuisi Kristu-ò, tii aòhòkÿmy rotÿÿnykre iòraru-ki. ¹³ Hàbu bina bina rabinahykymy rarekre, tule hàbu inatyhy aòkò rabinahykymy rarekre. Inyò tiiboho riitxenanykre, tule tiiboho inyò kidiitxenanykre. ¹⁴ Kai tahe aòbo teeryte, kia-di mohòtinkyre aòbo tetyhynymahãte-di. Tahe tiribibo teeryte, òhòtikile idi mabeke. ¹⁵ Uladuribile teeryte Deuxu Tyyriti. Kiadile bierykre Jesuisi Kristu tarasadÿÿna idi bimykre. Kia adee kanake bityhynykekile kÿnyhe. ¹⁶ Ibutumy Tyyritityhy Deuxu elewesenamy nade. Bedeersyna urenana heka rare. Òrarudu òbitidÿÿna heka rare, ibutumy riòbitinkykemy. Tule aòbo awihikÿmy raremy rierynanykre. ¹⁷ Deuxu deòdu dori òbitile rÿirakemy. Aòwiihikÿ widÿÿna aòbo dori rexihulemy rÿirakemy.

4

¹ Deuxu, Jesuisi Kristu kiaru-ki arãteònykre. Jesuisi Kristu dori rubu mahãdu iru mahãdu-wana wiribi rihitxinykre, tii taòlòna kaò kidiwykre. ² Belyyke Deuxu rybemy, inydee awikeki, tule inydee awiòkeki. Ywina-di iny biòbitinkyke. Iny biwiòhenanyke. ³ Bededÿÿnanabina kanakre. Kia txuu erydÿÿdu òbiti-ò roholaòhyyre. Erydÿÿdu ributumykre tamydeewimy. Iwese iny tòhòti nohòtijuty-ò rotÿÿnymyhÿre wese tamy wimy aòna aònaòle roholamyhÿkre. ⁴ Inatyhyerydÿÿna-ò roholaòhyymyhÿre. Urile ihetxiu ijyyòle roholakemy ixidi ihÿre. ⁵ Kai tahe

wimymy maraykynyke. Ibutumy aõhõkõmy botõõnyke. Deuxu Rybewihikõmy belyyke kia tahe aõmysõdõõnare Deuxu adee riwahinyre. Idi hyylemy mabekre. ⁶ Iny riwahinyke xiwena wesemy rubu-ò. Waixitudedõõnana heka rehemynyre. ⁷ Ijesu wihikõwesemy tahe rexiijesudõõnyre wese. Rekonananyra heka waumy ijera. Retyhynyhyra tahe ityhyna. ⁸ Òbitiwidõõna raheto wese wadee rexihumy roire. Wanyrõ, ywisidõõdu òbiti, riwahinykre kiatxuu. Jiarõ sohojiòle aõkõ. Tahe tule iraròsòdu mahãdu-ò. Jesuisi dehemynyna luumy kia mahãdu roimyhõre. Tamy tule rataanaõ raheto wese riwahinykremy.

⁹ Wylemy inihe waroramy manake. ¹⁰ Dema riwarira Tesalonia hãwã-ò rara. Tii bede aõmydõõnana luure. Kalatxia bede-ò Kresetxi rara. Dalimasia bede-ò Txitu rara. ¹¹ Luka-wanale watzireri. Tahe kai Marku bididykre, wawiòhedõõdu wihikõmy rarekemy. ¹² Txitxiò heka Efesu-ò reteõnyre. ¹³ Kai tahe manakreu warahana bidiwykre. Troaji hãwã-ki Karpu heto-ki tahe warahana rerire. Watyryiti tule bidiwyke tyyriti welõte tule nohõti losaõtyhymy. ¹⁴ Alexõdre womati loresedõõdure warybe dibinanymyhõde. Wanyrõ iõwydõõna tamy kidilidikre riwabinanyreki. ¹⁵ Kai bexiekre kowa-ribi, inyrybe dori rityhynyõhyymyhõre. ¹⁶ Juhuu dinodu-ò rewyõnyreu inyõ riwawiòhenanyõhyyre. Ibutumy rirahure waribi. Aõbo wabinamy riwinyre-ribi Deuxu tõhõti rosamy watzireri. ¹⁷ Wanyrõ tahe, riwawiòhenanyra Deuxu rybemy rybe-ki. Iny witxira dori, judeukõdu mahãdu roholamyhõre. Leaõry-ò, wadi rehukõra. ¹⁸ Wanyrõ tule riwatakre ibutumy aõmydõõnana bina bina-ribi. Kowa bede wihikõ-ò riwadykre. Tuu rekealàkre aõu aõu bededõõnana roobymy. Kie.

¹⁹ Warybe wehityyna Prisila-ò, Akila-ò biõkre tule Onisiru sõ mahãdu-ò. ²⁰ Erasto, Oritxi hãwã-ki rarire. Trofimo, Miletu hãwã-ki binamy resere. Taile heka rarira ibinamyhõreki. ²¹ Wylemy manake inihe beòrako-ki. Ubulu tarybewehityyna adee riwahinyre. Tu Prudente, Lino, Laujia ijõre. Tule ibutumy ityhydõõduseriòre rybe wehityyna adee riwahinyre.

²² Wanyrõ awana ratxikemy watxiwãhãre. Tule làhãna umy-wana ratxikemy watximãhãre. Kie. Paulo

Txitu-ò Paulo Tyyriti Txitu-ò

¹ Jiarÿ Paulo rare. Deuxu deòdu rare. Jesuisi Kristu riwamyre inatyhyna aritÿnynkemy. Kia tyhydÿÿna, Deuxu tarasana mahädu hõrõ rare. Kia ityhydÿÿna dee inyõ rierykeki, rityhynykeki, Deuxu deewimy tii rarekre. ² Umytuedeõnahakÿ iny riraõmyhÿre. Deuxu dori tuu rarybere ihetxi bedeu. Deuxu heka tiu raruiõtyhy. ³ Ibededÿÿnana õbiti dehemynde, Deuxu aõmydÿÿnana rarybekemy rotÿÿnyre. Kia aõmysÿdÿÿna wadee Deuxu riwahinyre, iny tarasadurenymy rybe-ò. ⁴ Txitu-ò kia warybe rewahinyra. Kai iny-wana Deuxu tetyhynyteri, kia dori inatyhymy wariõre wesemy tate. Deuxu, iny tyby-ribi, Jesuisi Kristu, iny tarasadu-ribi, Deuxudeysana-di, ywina-wana adee kanakemy watzireri.

⁵ Inyaõmydÿÿnana biõbitinykemy dori adee adiride. Kreta bede-ribi rõhõnyreu, dori waaõmysÿdÿÿna rehuõre. Kia-ki dori kowa-di anaride. Ibutumy hãwã hãwã-ki ityhydÿÿdu mahäduy-ribi kai matuari mahäduõ bimyyke. Iwese jiarÿ rarybere wese kai bimyyke. ⁶ Matuari õbiti bimyykre. Matuari ihãwyy sohojiõ rÿira bimyyke. Inyõ ityhydÿÿdumy riõrenadule bimyyke. Iriõre iõraruluukeki, iehehekeki, kia hãbu bimyyõke. ⁷ Ityhydÿÿdu mahädu yrubudÿÿdu õbitilemy dori ihÿkemy. Inyõ-ki heka ibinamy mahakeki, imynyõmy. Tii dori, Deuxu dee raaõmysÿdÿÿkre. Ixidile nohõtidu mynyõmy. Hãbukyara rybebyby, mynyõmy, vii luudu aõkõ, hãbu aõbinaluudu aõkõ, hãbu ityhymy nohõtidu aõkõre. Kia mynyõmy. ⁸ Iny inatyhyle, õbiti luunadule, taroraludu-ò awire mahädu, iny aõwityhy luunadule, ixiwedule, Deuxu rybe tyhydÿÿdu, kiale bimyykre. ⁹ Deuxu rybe-di kia hãbu õbitimy rõhõtinkyre, õbitityhylemy rierynanykemy. Inyõ ierysydÿÿna rityhynyõkeki, erydÿÿdu irayky riywinykre tai ihewo-ribi rieryke, rityhynykemy. Tule iny iwitxira erydÿÿna-di rarybemyhÿreki, tii riõbitidÿÿnyke.

¹⁰ Iny sõwemy inatyhymy rityhynyõreri. Tii dori aõna aõnalemy rarybemyhÿre, ityhydÿÿdu mahädu riitxenanymyhÿkemy. Kia mahädu-ribi, judeu mahädu ibutu ratyre kia aõna aõnamy rotÿÿnymyhÿre. ¹¹ Inyõ kowa mahädury riyrykemy tamy rarybeke. Iny sõwemy heka riitxenanymyhÿre. Õbitimy aõkõ heka iny rierynanymyhÿre. Nieruõle heka iny rierynadÿÿnymyhÿre. ¹² Kowa mahäduõ, ierydÿÿduõ rarybera:
—Inyboho, Kreta bedeludu mahädu, ibutumy ruidu roire. Irõdu brebuna wese iny roire. Inyboho heka teoruxere roire. Byrelemy inyboho rõhõtinymyhÿrenyre.

¹³⁻¹⁴ Aõmybo kahãbu rarybera heka inatyhy rare. Urenana tahe arurumy rityhynykemy. Judeu mahädu ihetxiu ijyy-ribi tõhõtireny rosakemy kai marybeke. Hãbu mahädu bede ywina rityhynyõkemy. Kia hãbu dori inatyhyna aõkõ rityhynyre. ¹⁵ Õbiti mahädu dee ibutu õbitire. Ityhydÿÿdukõdu mahädu-ò aõ aõkõ õbitire. Tõhõtinareny dori aõbina binalemy rõhõtinymyhÿre. Aõu tii rexieryre aõbinahakÿ riwinykemy. Deuxu-ribi tõhõti rosare. ¹⁶ Tiibohe rarybemyhÿrenyre: —Deuxu inyboho reeryrenyre. Tiibohe tahe Deuxu erydu wesemy aõkõ aõna aõnamy rotÿÿnymyhÿrenyre. Tiibohe iny riojinyrenyre rybemy reõbyõlemyhÿrenyre. Aõwiwihikÿ widÿÿ rieryõrenyre.

2

¹ Kai, Txitu, aõernawihikỹdibo bierynanymyhỹke. ² Matuari mahādu kai bierynanyke hābu ixiwedu mahādulemy roirelemy, ywimy nohōti wydynadu mahādu roirekemy, òbitilemy rityhynykemy, ibutu òbiti luukemy, iixiraterekemy. ³ Senadu mahādu tule bierynanyke iyubumy rỹikemy iujōmōomy rỹikemy, tule vīi luuōmykemy. Aõernawihikỹdibo bierynanybenykemy. ⁴ Hāwyy tỹmyra hābumy heridu tỹmyra tahābu luukemy, tariōre luukemy, kia senadu mahādu rierynanykre. ⁵ Tuu iyubumy rỹikemy, òbitimy raraykynomy rỹikemy, taheto riywinomy rỹikemy, awimyy rỹikemy, tahābu rybe riywinomy rỹikemy. Kia wesekeki, Deuxu rybemy inyō ibinamy rarybeōtyhy. ⁶ Weryrybō mahādu tule bierynanyke iyubumy rỹikemy. ⁷ Kai, Txitu, aōna aōna wiwihikỹmy botỹỹnykre, tai tahe ityhydỹỹdu mahādu awesele aōna aōnamy rotỹỹnykre. Kai bierynanykeu, òbitilemy inatyhymy bierynanykre. ⁸ Arybe òbitityhydile bierynanykre. Tai tahe aōludu raixỹrukre aōmy dori umy rarybeōtyhy. ⁹ Kai bierynanyke urideōdu mahādu tawedu rityhynykemy. Tamy awimyy raaōmysỹdỹỹnykemy. Tamy heka rōrawyōdỹỹōtyhykemy. ¹⁰ Rawasinyke aōkōre, ibutumy òbitilemy riwinykemy. Kiawesekeki, ibutumy Deuxu inyтарasadu deewimyy riwinykemy. ¹¹ Deuxu taerydỹỹna-di taluuna ibutumy iny-ò rexideōsinyre. Taluuna tahe inyтарasana-ò rehemynomy raremyhỹ. ¹² Kia heka iny tuu robikeu, awimyy erydỹỹna rahake. Riwaerynanymyhỹ aōbina bina widỹỹmy tule òbitina-di yrubudỹỹna-di iny rariakemy kabede-ki. ¹³ Tule iny riraōmyhỹrenykemy iny Deuxu wihikỹ iny тарasadu Jesuisi Kristu loosōnatyhywo-ki kedehemynykre. ¹⁴ Iny òwomy dexiwahinyde iny òraru òwydỹỹrenomy. Kiawese heka iny riwyre idi riratisebenyre iny ijoi lyrahakỹ ixidee rimyre. Kia ijoi iluure.

¹⁵ Kai, Txitu kia aōna aōna inyko belyyke. Tai Deuxudeewimyy riwinykemy urenana rakatxirenykemy. Iny bierynanykre. Iny biòbitinykre. Iny ibutumy rityhynykemy matxibenyke.

3

¹ Kai ityhydỹỹdu mahādu ixi bitōhōtijeranyke ibutumy hāwā dinodu, bedē dinodu rityhynykemy, tabede ywina rityhynykemy. Tule aōmysỹdỹỹnana wihikỹ riywinykemy. ² Modēe heka ibinamy rarybeōtyhy, raaōbinanyōtyhy ywimyy rarekemy, moheka iehemy riywinyōmyhỹre. ³ Inyboho heka tule iehēhe roiremyhỹ, iitxỹtemy roiremyhỹ, òraruluunamy iny riitxenanymy roiremyhỹ, òtaluumy roiremyhỹ. Aōbina bina luumy iny witxira aōna aōna-di wii risỹnomy roiremyhỹ, wideramy roiremyhỹ. ⁴ Tahe Deuxu iny тарasadu luuna, ruxetōena-wana inydeereny dehemynydeu, tii kia-ribi iny ritarenyre. ⁵ Kia aōna aōna wihikỹ iny riwinyrenyrekī aōki, iny Deuxu ritarenyre, taluuna-di tahe iny ritarenyre, Jesuisi òraru-ki xiery heka Deuxu riwatỹmyranyre Tatytybytyhy-di. Umytỹmyra riwahinyrenyre, riwasuhōrenyra. ⁶ Tatytyby inydeē riwahinyre Jesuisi Kristu iny biu-ò hedureki. ⁷ Kiawese iny riwaòbitinyrenyre taluuna-di. Katahe inyboho umytuedeōna ijōdire. ⁸ Kia heka inatyhy rare. Ka aōna aōna bierynanytyhyke, tahe wadee awikre. Kia wese Deuxu ityhydỹỹdu mahādu aōwihikỹlemy rōhōtinymyhỹke tule rewinymyhỹkemy. Kia heka awire. Kia iny riwiòhenanymyhỹre. ⁹ Yraxina itxỹte kai rỹỹraxidỹỹōmy, iwyōdỹỹōmy, rybe jei jei-ribi irehemy mabekre, tule lahi òraru rybe-ribi. Kia rybe aō aōkō rare. Awi aōkō rare, iny

riwiòhenanyõtyhy. ¹⁰ Hãbuõ rybe òwe òwe-di ityhydỹỹdu rierynanykeki, aruru rybemy tamy marybeke. Kai inatxi rybemy marybekeki, tii rexiòbitinyõkeki, tahe uritere aõna aõnamy tamydỹỹõmy. Tii õrarudu dori ratximyhỹre. Hãbu òbiti aõkõ. ¹¹ Tiile rieryre tuudỹỹdumy ratximyhỹre.

¹² Jiarỹ, Txitxiò, Atema-wana aòrysmy ariteònykreu. Niòpòli hãwã-ò wadee manakre. Kowa arasỹnykre ibutumy biu bedeu. ¹³ Zena, bedewina erydỹỹdu, Apòlo-wana kai itỹinareny-ò biteònylebenyke aõmybo tamy biwahinymyhỹke. ¹⁴ Bierynanyke iny aõmysỹdỹỹ wihikỹkemy rotỹỹnymyhỹkemy. Kia wese aõbo rauhenyreri tamyreny ijõdikre. Tai riwiòhenanykre.

¹⁵ Ibutumy kaki jiarỹ-wana iny rybe weityhyna adee rewahinyrenyreri. Warybe biwahinyke ibutumy inyluudu ityhydỹỹdu mahãdu-ò ibutumy adeereny Deuxu deysanamykre. Kie.

Filemo-ò Paulo Tyyriti Filemo-ò

¹⁻² Jiarỹ Paulo rare. Jesuisi Kristu òraru-ki ròtena-ki wāhāre. Tximòtxi iny seriòre wese jiarỹ-wana adee Filemo-ò rybe rewahinyrenyire. Kai inyluunareny, iny wiòhenadỹỹdu tate. Tule Afia-ò, rewahinyreri, tii iny wyòrenyò rare. Tule Arikipu-ò, rewahinyreri iny rybe tỹnydỹỹdu-ki ijoioò rare. Tule ityhydỹỹdu mahādu-ò rewahinyreri, aheto dohodỹỹna ijoio-ò wahe. ³ Ruxetòena ywina-wana Deuxu iny tyby-ribi, Jesuisi Kristu iny iòlò ribi adeereny kanakemy watzireri.

⁴ Deuxu-ò rexitòenyreu, atxi, Filemo, wanohòti reamyhỹre. Tai umy rarybera. ⁵ Kai dori Jesuisi tetyhynyte, inyiòlò luummy, ityhydỹỹdu mahādu luummy atximahāte. Kia-ò raholamyhỹre. ⁶ Tule rexitòenymahāreui kiamy jiarỹ rarybemahāre. Kai iny witzira-ò Deuxu aõmydỹỹnanamy belyykeu, Kristudeewimy bierynanyke. Kia inydeereny rexitòenyire Deuxu-ò. ⁷ Jiarỹ wadeysatyhyreri, kai dori aluuna iny witzira dee ratximyhỹre. Kia heka deysana nihikỹ ityhydỹỹdu mahādu-ò rare, tii riwawowesenyomyhỹre.

⁸ Jiarỹ timy atxikemy adee ararybekeki, tule ke heka arateranyke. Jiarỹ dori aityhydỹỹdu seriòre rare. ⁹ Tahe aluudỹỹna òraru-ki tahe adee arexitòenykre. Jiarỹ Paulo rare. Ròtenawo-ki jiarỹ roire Jesuisi Kristuluu òraru-ki. ¹⁰ Wariòre wese dee rexitòenyre. Onesimo wariòre wesemy redyreri Kristu tyhydỹỹna-ò waribi umy wese kaki ròtenawo-ki rare. ¹¹ Tiu heka adee riwahinyõmyhỹre tii dori juhū awiòhedỹỹdutyhy aõkõ rare. Wijile tahe iny diwiòhenanomyhỹde adee wadee tule. ¹² Tii adee reteònyreri. Ixyby araòkesedỹỹnyreri. Kai ixi-ki bimye wawesemy, wadee dori tii awityhy rare. ¹³ Jiarỹ dori ixideele remyõre wawiòhedỹỹdu kaki ròtenawo-ki Rybewihikỹ dohodỹỹ òraru-ki. Kia òsỹny adee awire. ¹⁴ Urule aõkõmy marybekeki tii arimyõthy. Kai aõ wadee bidiwahinykeki, kai ixi sohojile inihe biwahinykre. Waixitòena-ki aõkõ. ¹⁵ Onesimo heka aribi irehemy rexijere ijõ bededỹỹnana witzirau, tahe wijile tiemy abrysimykre. ¹⁶ Juhū wesemy aõkõ ihỹre deòdumy wahe, wiji aseriòre wesemy heka rare. Tii heka waluutyhy rare, adee tulekemy ityhydỹỹdu wese wiluukemy wadee awire. ¹⁷ Kai wabiòwakeki, tii birybenyke iwese tiwarybenomyhỹte wese. ¹⁸ Aõ adee rasiranyreki, jiarỹ ariwyònykre teròwumy. Jiarỹ iximyna kaa retyyritinyre: Jiarỹ Paulo ariòwynykre. ¹⁹ Kai waòraru-ki ityhydỹỹdumy atximahāte. Kia tahe adee tuu ararybeòtyhy.

²⁰⁻²¹ Warybe mynamy ta kai bòwidỹỹkre Kristu òraru-ki, tai ta biwadeysanykre. Jiarỹ warybe rewahinyreri, araeryre, waixitòedỹỹna ratyre biwinykre. ²² Ijõmy adee arexitòenykre: wasỹ waherina aheto-ki biwinykre. Deuxu-ò bexitòenykreki, tai jiarỹ aõhe-wana adeereny aròðekre.

²³ Epafa wabiòwa ròtenawo-ribi adee riwehityhynanyreri (jiarỹboho kaki watximyhỹrenyire Jesuisi Kristu Rybe òraru-ki), ²⁴ tule Marku, Aris-tarku, Dema, Luka-wana rexiwehityhynanyreri. Kia ibutumy heka Deuxu-ò aõmysỹdỹỹdumy roire.

²⁵ Jesuisi Kristu làhàna awo-ki ratximyhỹre.

Hebreu-ò Tyyriti judeu ityhydÿÿdu mahãdu-ò

¹ Juhuu Deuxu inytybyreny-ò rarybemy raremyhÿ. Deuxu rybe-ò ijohonadu-di tamy rarybere. Tule sôwemy aõna aõna witxira witxira rarybere tamy. ² Tahe ikonana wiji txuu inydeereny tariõre diteõnykemy rarybera. Tii rarybere tybyderõwomy. Iriõre tahe ibutumy aõna aõna wedu rare. Deuxu iriõre kia rarekemy rarybere. Tii tule juhUU bede widÿÿdu rare. ³ Tii Deuxu loosõna tÿnydÿÿdumy ratxireri. Deuxu wesehyymy ihÿmyhÿre. Iriõre, taryberuru-di, ibutumy aõna aõna rimymy roimyhÿre. Iny òrarunareny riixãwididÿÿnymy rahudi, biu-ki Iòlò Deuxu ruruna weribi ronyre. ⁴ Iriõre ranire niwihikÿmy. Tii dori ÿjuratyre awityhyre. ⁵ Tiu heka ÿjuõ-ò rarybeõhyymyhÿre: —Kai wariõre tate. Bohymy wiji wãhãre. Ijõ ritidÿÿmy rÿire, kawesemy: —Jiarÿ tybymy ararekre. Tii wariõremy rarekre. (Kia tahe ÿju-ò tii rarybeõhyymyhÿre.) ⁶ Iriõredela kabede-ki reareu ixityre ijõmy rarybere: —Ibutumy Deuxu ÿju tuu reàlakemy. ⁷ ÿjumy tahe kawesemy Deuxu rarybere: —Jiarÿ ÿjuboho tahe yhy ele elewesemy retxienyre, wadeòduboho heòtyloosòwesemy retxienyre. ⁸ Tahe tariõremy kawese rarybere: —Wariõre, Deuxulemy atxiteri. Kai ibutumy inyiòlòhyymy rare. Aruru tuedeõna debõna dire. Wiwesemy nonana-di ibutu-ò atximahãte, òbitimy. ⁹ Òbitinaluumy kai atximahãte òraruna deramy tahe atximahãte. Tai tahe Deuxu, aDeuxu amahãdu ratyre awimy teleta adee riwahinyre deysana. ¹⁰ Ijõmy Deuxu rarybere tariõremy: —Kai Wanyrÿ juhUU bede widÿÿdu tate. Bede ibutumy tewinyte. Tule biuludu aõmydÿÿnana tewinyte. ¹¹ Kia bede aõmydÿÿnana luðu ibutumy rexihukemy. Kai tahe tiu atuedeõna. Iwese uwòhi retybyre wese, kia aõna aõna retybyke. ¹² Tule wesirahana rawerasemy roimyhÿre wese ibutu tyy retybymyhÿre, rawitxiradÿÿmyhÿre. Kai tahe ixiwesehyy ahãte. Abede dÿÿnana tahe tiu itueõtyhy. ¹³ ÿjuõ-ò Deuxu tiu rarybeõmyhÿre: —Bodonyke waruruna weribi. Aòludu mahãdu ako-txi resemyhÿkemy. Eòdumy rarekemy. Kiamy tahe tariõre-ò rarybere. ¹⁴ Ibutumy ÿju mahãdu Deuxu deòdu rare tyytyby wesemy rare. Deuxu diteõnyde ityhydÿÿdu mahãdu wiòhedÿÿmy tule ibutumy biu-ò hedu mahãdu wiòhedÿÿmy.

2

¹ Tai tahe, waseriõreboho, ityhyna rybe-ò rokoholarenyreki, tamy tahe rikimyrenykre rikityhynyrenykre. Tai tahe iribi tiu ròkòirenyõtyhy. ² Ibutumy ÿju rybe inatyhymy raremyhÿ. Ibutu òrarudu rimyre aõhòkÿmydÿÿnana-ò irybe riywinyõreki. ³ Kia inatyhy rare. Tarasana rybe wityhy-ò rokoholarenyõreki, timybo inyboho rikiòlònyrenyke. Kia rybe wityhy Wanyrÿ Jesusile juhUU inydeereny relyyre. Idi tahe, ijohonadu mahãdu tuu rarybere tule. ⁴ Deuxu irybe myna rotÿÿnyre, ròbedeòbydÿÿnyre tai ròbedeòtiidÿÿnyrenymy tai Deuxu ruru ritÿÿnyre. Tule Deuxu Tatytybytyhy iaòwidÿÿnamy ixideewimy inymy riubÿtÿnyre. ⁵ ÿju-dee aòkõ bede riwahinyre-kia iòlòmymy rarekemy. Jesusi-ò kia riwahinyre. ⁶ Juhuu inyõ rybe txiòdÿÿnamy rarybere: —Ritina-ki kia rybe roimyhÿre: —Aõbo heka hãbu tyhy riõre rare? Tii aõ aòkõ rare.

7 Ijò bededÿñanaõ Deuxu riõre ÿju-ribi tyhymy aõkõ ihÿre. 8 Tahe wiji wowydyna tamy rawahire iwese iòlò dee iny riwahinyre wese, tamy rawahire. Tule ibutu wedumy rarekemy. Iny ruereny dee ibutu ihõrõ aõkõ õsana rare. Ibutu rurudu wese aõkõ iny ruereny-ki rÿire. 9 Tahe inyboho Jesusimy robirenyre. Tiile tuu ihÿre. Urihimyò bede aõmydÿñana bedeu ÿju-ribi tyhymy aõkõ Deuxu tii relere aõhõkÿmy dÿñana rimykre. Tahe rurure. Rubu riurihire inyderòwryrenymy. Tai tahe rataana raheto wesena Deuxu tamy riwahinyre deàlana-wana. 10 Deuxu riwinyre ibutu aõna aõna ixidee. Tii kõkeki, bede ihoõhyymy roike. Tii ityhydÿÿdu mahãdu ridymyhÿre taloosõnasy-ò, taijoimy. Tai tahe Jesuisi aõhõkÿmy rotÿÿnyre Deuxudeewireki. Tarasana wydydumy heka wityhymy Deuxu delede aõhõkÿmy rotÿÿnyreki, tai awityhymy ròhònykemy tarasadudikemy. 11 Òbiti widÿÿdu tahe òbitina mahãdu-wana wimahãdu wese roire. Wiwanale sohoji tybyribile doidenyde. Tai tahe raixÿruõlemy Jesuisi seriõremy rininire. 12 Ritina-ki rarybere: —Ani aritÿnynykre waseriõreboho-ò. Dohodÿÿna heto-ki àlanawiu-di adee ariwiunykre. 13 Ijò Ritidÿÿna-ki rarybere: Tii arityhynyhyykre. Ijò: Kakile wahe watzireri, tule roire wariõre Deuxu diwawahinyde. 14 Iwese ibutumy inyumu wiwesele roire wese, tule Jesuisi umyò rimyre, inyumu wesele, tai inywesemy rurukremy. Tai tahe rubu dinodumy rahaananyre, Diabo wahe. 15 Kia rubu mahãdu lau ruberumyhÿre mahãdu, ibrebu iribi ritare. Kia mahãdu dori rububrebu deòduhyymy ihÿrenyde. 16 ÿju aõkõ ritakemy namyhÿde, Abraõ riõre riõre ritakemy namyhÿde. Tahe wiji tule ihÿre. 17 Iseriõre wese hyymy roirekemy ihÿrenyde. Tii dori Deuxu Xiwena widÿÿdumy rarekemy inydeereny tai ruxetõena wahidÿÿdu òbiti tii ihÿre. Ibutumy iny òraru òwydÿÿnamy rÿimyhÿkemy. 18 Ibutumy ixiradÿÿna mahãdu tii riwiòhenanymymyhÿre, ibutumy ixirana-di aõhõkÿmy rotÿÿnymyhÿreki.

3

1 Tai tahe, waityhydÿÿdu seriõreboho, bohولاتyhyke Jesuisi rybe-ò: —Kaiboho dori tule bimybennykemy biu bede aõmysÿdÿÿna. Jesuisi iny ityhydÿÿna Xiwena wahidÿÿdu wedu tyhy rare tule inatyhyna deòdÿÿna tyhy tii rare. 2 Deuxu tii riwinyre Xiwena wahidÿÿdu wedumy. Tai tahe tii òbitimy riywinyre Moisesi riywinyre wese Deuxu sÿmahãduy-ki raaõmysÿdÿÿnymyhÿreu. 3 Jesuisi-ò tahe sòwemy wowydyna rawahikremy. Moisesi wowydyna ratyre rawowydynanykemy. Hetowidÿÿdu iny riwowydynymyhÿre, hetoratyremy. 4 Ibutuheto iwidÿÿdu dire. Ibutu widyydu tahe Deuxu rare. 5 Moisesi Deuxu heto-ki òbitimy rybe riywinymyhÿre teòdu aõmysÿdÿÿnanamy. Tai tahe teòsidÿÿna ririre ijesenareki. Deuxu rybe tÿnydÿÿdu tahe Moisesi rare. 6 Kristu tahe Deuxu sÿmahãdu wedu rare Deuxu riõre rareki. Inyboho Inynyrÿreny-ò ròkòtyhydÿÿrenykeki tuu rokoirekre. Tai iny brebutererenymy iny raròsònarenymy inatyhymy rakatzimyhÿrenykeki tahe Deuxu ijoì inyboho roire. 7 Kiawesemy tahe Deuxu Tyytybytyhymy narybede: —Wiji tahe tamy bohobabenyke aworeny iòlududÿÿrenyõmy. 8 Judeu mahãdu wesemy aõkõ boibeke, tybyboho wesemy aõkõ wahe boibeke. Tiiboho dori tamy raujòmomyhÿre bedero-ki Deuxu riurihirenyre. 9 Deuxu rarybere: —Aõbede wiwihikÿ rewinyre hàre, alabiereny riwaitxenanyrenyde tamyreny watzireri iny inatxiwaitue

beòramy aõbedewiwihikỹ riraòmyhỹre. ¹⁰ Tahe Deuxu rarybere: —Waky reamy tamy wãhãre. Tiu heka wawana ratxiõhyymyhỹre ryòbiti tamy retỹnynyre hãrele. Tawo-ki teòsahyymy ratximyhỹre. ¹¹ Deuxu rarybere: Waky reatyhymy tai tahe ixidee resere, inatyhymy rarybere: —Tiu tiiboho elehyna bede-ò ralòõtyhy. ¹² Bexiijebenymy waseriðreboho uritere awo-ò ròtedỹõomy raykyitxỹtena. Kia òraru-ki aDeuxutyhy-ribi irehemy bexilòhòrarienyheny aDeuxu tyhy dori irumy ratximyhỹre. Tii inatyhy rare. ¹³ Txuõ txuõlemy wii biòbitinybenyke. Òraru dori itxenadỹõdu nihikỹ rare. Tai tahe wiji kiamy botỹõnybenyke. ¹⁴ Deuxu rikityhynyrenyhyymy rakatxirenyke. Irybe rikiywinyrenykemy rakatxirenyke iwese juhu rityhynyrenyra wese. Kia wesekeki, Kristu leinamy rakatximyhỹrenyke. ¹⁵ Kiawesemy tahe Deuxu Tytybytyhymy narybede: —Wiji tahe tamy boholabenyke aworeny iòlududỹõrenyõmy. Iwese ihetxiu mahãdu riwinyre wese aõkõ boibe benyke. ¹⁶ Timahãdubohe roholare Deuxu rybe-ò iribi tahe wimy raòludure. Kowa Egito bede-ribi doimyhỹde mahãdu roire. Moisesi tamahãdu-wana doimyhỹde. ¹⁷ Mobohe Deuxu kyaradỹõdure 40 wyra sõwe. Kia mahãdule bederahykile rexihure raòrarunyreki. ¹⁸ Moòbo Deuxu rarybere taelehyna bede-ò ralòõtyhymy? Rybe ywisidỹõdukòdu mahãdu-ò rarybere. ¹⁹ Inyboho tuu rieryrenyre. Rirònyrenyõremy rityhynyõrenyreki.

4

¹ Deuxu juhoo rarybere: —Inyõ taelehynabede-ò ralokremy. Inatyhymy heka aõmybo rarybere rỹire. Inyõ òsana kaibohoõ tamy rehemynyõtyhy rityhynyõmyhỹrenyreki. Tai tahe bexityhynymyhỹbenyke kia-ò. ² Inydeereny tahe Rybewihikỹ tỹmyra ròhònymy roimyhỹre, iwese Moisesi mahãdu-ò ròhònyre wese. Tamyreny tahe awityhymy aõkõ tamy ròhòtinymyhỹre rityhynyõhyymyhỹreki. ³ Deuxu tyhydỹõdu mahãdu ralòke taelehyna bede-ò. Deuxu dori rarybere: —Jiarỹ inatyhymy anarybede. Iny rityhynymyhỹrele tamy ralokre. Deuxu kiamy rarybere: —Taelehynabede tamy rewinyre xiery juhoo bededỹõnana rewinyroireu. ⁴ Inyboho rierymyhỹrenyre tii riraòmyhỹremy Ritidỹõna roireki: —Deuxu taelehyna-ki ele rihinyre debòinatxitxu bededỹõnanamy. Taaõmysỹdỹõna ibutumy rahure aõbo riwinykemy idi raremyhỹriwinyre. ⁵ Ijõ rybe tule kia-wana roire: —Tiu ralòõtyhy waelehyna bede-ò. ⁶ Tuu heka Deuxu rarybere inatyhy raremy. Ijõ mahãduõ ralòmyhỹre Ijõ mahãduõ ralòrenyke. Moisesi mahãdu tahe ralòõre Deuxu rybe riywinyõreki. ⁷ Wiji bededỹõnanamy heka Deuxu rarybereri. Kia rybe rare iwese Davi rarybere wese: —Wiji tamy boholabenykeu, aworeny iòlududỹõrenyõmy. ⁸ Josue ridyre Moisesi mahãdu Suwitxiraõ-ò. Kasu tahe kabede aõkõ rare Deuxu elehyna bede. Deuxu idihyy tuu rarybemy ihỹre. Wijina ròtena bededỹõnanamy Deuxu rarybemyhỹre. ⁹ Tai tahe Deuxu mahãdu dee elehynasu bede roimyhỹre. Deuxu elehynatxu wese heka rare, iwese Deuxu debò inatxitxu-di rexielehynyre wese. ¹⁰ Iwese Deuxu raelehynanyre wese raelehynanyre inyboho taaõmysỹdỹõna-ribi, inyboho rukururenkyre. ¹¹ Awityhymy rokoireke tamy rikirònyrenykemy tule. Rekeixijerenyke. Deuxu rybe rikiywinyõrenykeki iwese judeu mahãdu wese rikirònyrenyõtyhy. ¹² Ibutumy Deuxu inydeereny rarybere iruru dire. Iwese mayrehe wiòtxuremy rỹrira wese Deuxu rybe rare. Inyrayky wydyna riòròmyhỹre, õhòti

wydyna-wana. Mayrehe rayky riraynomyhÿre aõmybo inyrayky Deuxu ibutummy rierykemy. ¹³ Ibutummy Deuxu rierymyhÿre inyraykyreny. Iny Deuxureny irummy ihÿre. Ibutummy aõna aõna tummy itÿnyhÿkÿle rare. Aõ heka iwasi aõkõ tummy rare. Ikonanau ilau ibutummy aõhebo iny rotÿÿnymyhyÿreny re rikitÿnyrenykre.

¹⁴ Jesuisi Deuxu riõre iny xiwenadÿÿdu tyhy rare. Tii rare biu-ò iny wiõhedÿÿmy. Tai tii rikityhynyrenyhyymyhyÿke. ¹⁵ Tii iny aõkõnareny rierymyhÿre; ixiradÿÿna rierymyhÿre tai iny riruxetõenyre. Tii kabede-ki tiu heka raõrarunyõhyre, ixiradÿÿna hãrele. ¹⁶ Tai tahe rekexiterenymy rekexitõenyrenyke iny iõlõreny rynana-ò. Tai tahe ruxetõena sõwemy inydeereny kidiwahinykre. Bedeõbyna kidiõkre tuu rokorurenkykre.

5

¹ Hãbuõ Deuxu rimyre xiwena widÿÿdu mahãdu wedummy rarekemy. Tii ibutu iny derõwummy Deuxu-ò rybedummy raremyhÿ. Tii iny uriõnosõna Deuxu-ò riwahinyre. Tule õraruna brõ-ki xiwena tummy riwahinyre. ² Tii dori hãbu rare tamahãdurenny-ò dori ywina-di ixi-ki ratxireri iõrarurenny rierymyhÿreki. Imahãduõ ibedeeryõre ijõ tahe reõsamyhÿre tiiemy aõna aõna bina riwinyhyymyhyÿre. ³ Tai tahe xiwena riwahinyhyymyhyÿre tamahãdu õraru-ki tule ixiõraru-ki. ⁴ Inyõ ixideewummy aõkõ xiwenaw-idÿÿdumy raremyhÿ Deuxudewi xiery tahe tuu rareke. Deuxu tummy rarybemyhÿrekile tahe tuu rÿike. Iwese Araõ-ò Deuxu rarybere tuu rarekemy. ⁵ Tahe Kristu tule reximyõhyre xiwena widÿÿdu wedummy rarekemy Deuxu tuu rimummy rarybere: —Kai wariõre tate wijile kai in-ihe anataru. ⁶ Ijõ ritina-ki ijõ rÿire: —Kai xiwena wahidÿÿdu atximahãte urenana. Xideki xiwena wahidÿÿdu wesemy atximahãte. ⁷ Jesuisi kaki raremyhÿu hãbu wesemy iruberetynymy rexitõenymy realãmyhÿre. Rahinymy riajuamy Deuxu-ò rarybere. Tii heka Deuxu rityhynyre tai tummy roholare. ⁸ Deuxu riõre heka tii rarehãrele tahe aõhõkÿmy rotÿÿnymyhyÿre. Tai tahe rõeryre rybe ywidÿÿmy. ⁹ Tii heka raõbitinytyhyre. Tai tarasana widÿÿdu rÿimiyhÿre iywidÿÿdu ityhydÿÿdu mahãdu dee. ¹⁰ Deuxu dori tii rimyre xiwena wahidÿÿdu wedu rÿirakremy Xideki wesemy.

¹¹ Sõwemy tuu adee ararybekemy watzireri. Urile adee isirare ierysyna, teeryõhymy taholamahãte. ¹² Kaiboho ihetxiu tetyhynytenyete. Tahe inyõ bibedeerynybenyke. Ihãre tahe teerynanyõhyymahãte. Ihyummy texiõkesedÿÿnyta tai tahe inyõ anaerynanykemy adi ratxireri timybo ityhydÿÿdu-ki tatemahãmy. Juhuu erydÿÿna wahe. ¹³ Tohouã howÿtõdu weselemy atximahãtenyete, ityhydÿÿdu aõmydÿÿnana teerythyõmahãtenyeki, rybeerysydu õbiti aõkõ atximahãtenyeki. Kaiboho taumynyõmahãtenyete iwese ityhydÿÿdu mahãdu rÿirawesekemy. ¹⁴ Deuxu erysynatyhy inyummy rÿsÿna wesemy roire. Aõbinahakÿ aõwihikÿ erysyduõle kia rÿsÿna roire, tiiboho dori rierymyhÿre aõbo awire aõbo ibinare, tuu rotÿÿnyreny re aõbo awireki.

6

¹ Tikiemy juhuu Kristu rybetyhynamy araerynanymahãre. Rekexitõmonyrenyke. Iwitzira erysyna rikieriynenykemy. Tai tahe rakaumynyrenyke ityhydÿÿdu tyhymy ityhydÿÿdu raturdÿÿna-di. Inyõ rarybemyhÿre. Iny raõbitinymy ratxike xiery iny ratakemy ihÿre. Kia aõmydÿÿnana reerydÿÿnanyõkre tahe. Iny rityhynomyhÿkekile iny ratake.

² Ratisenbenamy heka anaerynanyòkre, tule debòlidisinamy, tule rubu-ribi ixixanamy, tule bede konana ritxuakre txumy ibutumy heka tuu ararybeòkre. Tii heka juhuu erydÿÿna rare. Kaiboho dori teeryntenye. ³ Wanyrÿ dee wikeki tahe iwitxira erysyna heka ariwiuronykre. ⁴⁻⁶ Inyò biu-ribi loosòna wāhidÿÿna riurihimy ritakeki. Deuxu Tyytybytyhy aòmydÿÿnamy ijò ritake wana, Deuxu rybe riurihike wana, kowa bede wihikÿ ruru rieryke wana. Tii ibutukeki tahe Deuxu-ribi tahewo-ò dòòsede inatyhyna ririre. Isiratyhyhyre ixityre ròte taòraruna Deuxu-ò relyyòtyhy. Tii dori Deuxu riòre ixityre itxeònihikÿ-ki ritidire, inyru-ò ritidire ibinamy rarybemyhÿre. ⁷ Biu heka suò risebenymyhÿre. Òwòruty iribi ritxuhudÿÿnymyhÿre tòbòròdÿÿdu-ò. Aòratybo raratynykeki tahe Deuxu bedeòbydÿÿna kia rare. ⁸ Tahe edeweweju kidiwahinykeki, awiòre heka inydee kia sumy ibinamy rarybere. Urile roomyhÿre. Kia suu tahe iny ityhyna ririre mahādu wese rare.

⁹ Kiawese jiarÿ urile rarybereri. Ihārele tuu aòkò umyreny rahòtinyreri. Inatyhymy rahotinyreri kaiboho aò òbiti tewinymahātenytemy. Iwese tarasana mahādu wesekey kaiboho ahātenye. ¹⁰ Deuxu dori òbitityhy rare. Kaiboho tamy taaòmysÿdÿÿnihikÿmahātenye tai aribireny tòhòti rosaòtyhy. Iwese Deuxu-ò aluunareny teteòsinyta wese ityhydÿÿdu seriòre tewiòhenanytenyteki ihāre tadiwiòhenanymahāte. ¹¹ Wiluu hyymy boibeke bede dÿÿnana konana-ò. Tuu raruhymahāre. Tule iny raròsònareny-di mohòtinybenyke. ¹² Tai tahe ityhydÿÿdu aòmydÿÿna irisirenyòmy boibeke. Òbiti widÿÿdu iele ele aòkò rare. Rityhynyreri Deuxu wahisidÿÿna ritakremy iwese Deuxu rarybereki. Kaiboho òbiti widÿÿdu mahādu wesemy ahābenyke.

¹³ Deuxu Abraò-ò rarybereu, inatyhymy ixideele rarybere. Inyò dori Deuxu ratyremy ratxiòmyhÿre. ¹⁴ Kawesemy rarybere. Deuxu tiemy ixirybe riwinyhyymyhÿre Inatyhymy anabedeòbynykre, idi anaix-ijuradÿÿnykremy tai ariokoreò rasòwekremy. ¹⁵ Tahe Abraò riraòmyhÿre, raeleleòmy. Idi Deuxu tarybe myna rotÿÿnyre. ¹⁶ Inatyhymy aòmy inyò rexirybenykreu aòmy rarybekre. Kai tahe aò ijyy riixāwididÿÿnymyhÿre. ¹⁷ Deuxu tule ixidee rexirybedÿÿnyre inatyhy rybe-di. Tai rybe tarasadu mahādu rierymyhÿre Deuxu rawitxiranyòtyhy. ¹⁸ Inatxi aòmydÿÿnana iny rieryreny. Deuxu rarybere-wana tiu raruiòtyhy. Tai tahe inyboho inyaròsònareny rimymyhÿre. Iny ixiwòtena-ò ralòmyhÿre tarasana-ò ralòmyhÿre wese. ¹⁹ Inywo-ki inyrayky wiòhedÿÿdu ijòdire hāwòjura rimymyhÿre wese iny roire Jesuisi kolodu wesemy inydeereny ralòmyhÿre wesirahana webòrò-ribi, Deuxusÿ wahe. ²⁰ Jesuisi juhuu ralore tai. Tai tahe Jesuisi Xiwena wahidÿÿdu wedu rÿihykyem y Jesuisi tahe Xideki axi weseò xiwena wahidÿÿdure.

7

¹ Xideki tahe Salē hāwā iòlò rare. Deuxu Tyhydÿÿdu Xiwe wedu rare. Abraò heka aòbina ritara. Xideki ròhònyre itxi reakemy, tahe ribedeòbyrybedÿÿnyre. ² Tai Abraò tamy riwahinyre ibutu aòbina aòmydÿÿna-ribi, debòwiò-ribi sohoji riwahinyre, Xidekini tahe òbiti Iòlò rare iwitxira rybe-ki. Salē hāwā Iòlò tahe ywina nodu rare iwitxira rybe-ki. ³ Tybyòre, iseòre, isÿòre. Tii heka itxu ròhònyòhyre tule bedekonanaòhyre. Tii heka Deuxu riòre weselemy ihÿre. Tii Xiwena wahidÿÿdu urenana ratxihyymyhÿre.

⁴ Kaiboho mohòtinybenyke timybo tii aõnityhymy raremyhÿdi. Abraõ inytybyreny tamy diwahinyde: debòwiò aõmydÿÿna-ribi sohoji tamy riõre. Iòlò taòludu aõbina aõbina aõmydÿÿna-ribi tamy riõre. ⁵ Xiwena wahidÿÿdu mahãdu Levi sÿriõre mahãdu-ribi doidenyde. Tamy bede ywina riywinymy riteònyre debòwiò-ribi sohojina ritakemy iny-ribi. Tai-joityhy-ribi. Tiiboho dori Abraõ sÿjioiluduò tule roire. ⁶ Xideki tahe Levi sÿjioiludu aõkõ rare. Ihãrele tahe Abraõ tamy debòwiò-ribi sohojina riwahinyre. Xideki tahe bedeòby rybe-di heka Abraõ rirybedÿÿnyre. Abraõ juhuhu ityhydÿÿdu rare Deuxu dori tamy ityhyna rybe riwahinyre. Xideki tahe ityhytyhy rare. Aõhe inatyhy? ⁷ Bedeòbymy rybedÿÿdu aõnityhy rare. Moòbo rarybemyhÿre ratyre aõnityhy rare. Ibutumy kia rierymyhyÿre. ⁸ Levi xiwedÿÿdu mahãdu hãbumy ituerenyde. Xideki tahe ruruòhyy ihÿre. Kia ritina-ki roimyhÿre. ⁹ Levi debòwiò-ribi sohojina tarasadu rare. Ihãrele tahe Abraõ teròwmy debòwiò-ribi sohojina riwahinyre. ¹⁰ Levi dori natibienyòde, ihãre Abraõ-ki ratximyhÿ iu witxi Xideki-wana witxi reareu.

¹¹ Bede ywina rybe xiwedÿÿdu mahãdu-wana iny rataòtyhy. Tai tahe iwitxira xiwe wahidÿÿdu inyboho riijemãhãrenyde. Araõ ijoji ribi aõkõ nade, Xideki nade wese tahe Kristu nade. ¹² Xiwena aõmydÿÿnana rawitxirakeki, tule rybe bede ywina rawitxirake. ¹³⁻¹⁴ Inynyrÿ tahe Levi xiwewahidÿÿdu mahãdu-ribi aõkõ nade. Tii Juda mahãdu-ribi nade. Tiiboho heka tiu xiwewahidÿÿdu mahãdu-ki riwiòhedÿÿòhyyemyhÿre. Moisesi dori tamy kia aõmysÿdÿÿna riwahinyõre. ¹⁵ Kristu iwitxira xiwewahidÿÿduò ròhònyre Xideki wesemy raremyhÿ. Tuu heka teerytenyte. ¹⁶ Tii heka bede ywina rarybere wesemy aõkõ nade. Tahe iwitxi rare. Tii umy witxira tuedeòna-di nade. Kia ruru òraru-ki nade. ¹⁷ Rybe riti-ki rÿire, Kristumy rarybereu: Kai xiwewahidÿÿdu mahãduò tate Xideki wesenamy ahãte. ¹⁸ Aõmydÿÿna tyby rawitxiradÿÿre awimy aõkõ dori rare. Irurudimy aõkõre dori rÿire tarasana wiòhedÿÿmy aõkõ. ¹⁹ Kia iny riòbitidÿÿnyre aõkõ. Wiji tahe raròsòna wihikÿ ròhònyre inydeereny Kristu dori Deuxu-ò inatyhymy iny ridymyhÿre. ²⁰⁻²¹ Deuxu rexirybedÿÿnyre inatyhymy Kristu xiwena wahidÿÿdumy rarekemy. Tahe iwitxira xiwenadÿÿdumy aõkõ kiawese narybede. Kristu-ò tahe Deuxu rarybere: —Deuxu rexirybedÿÿnyre. Tiu rawitxiranyòtyhy arybe. Kai xiwena wahidÿÿdu atximahãte urenana. ²² Tai tahe Jesuisi riòludunyre wijina aõmydÿÿnana tÿmyra. ²³ Xiwedu sòwekemy idi ròhòtinymyhÿre, ijò rurumyhÿreki. Ijò tahe teròwmy ralòmyhÿre. ²⁴ Jesuisi tahe xiwena wahidÿÿdu mahãdu-ribi ròhònyòtyhy. Kristu tahe aõu aõu ratxihiymy rarekre. Tai ixiwe òlòdÿÿnamy aõu aõu iweselemy rarekre. Ijò-ò tiu raòtyhy. ²⁵ Tai tahe moò Deuxu-ò Kristu-di kanakeki, tii tahe Jesuisi ritalekemy ratximyhÿre. Tii dori Deuxu-ò inydeereny rexitòenyhymyhÿre.

²⁶ Tii dori iny deròwmy rarehymy rareke Deuxu sÿdee. Jesuisi biu-ki rononymhÿre Deuxu-wana. Sÿwihikÿ worana bedehesina-ki rononymhÿre urenana. Tai tahe tii xiwenadÿÿdu wedumy inyboho rurumyhÿrenyde. Tii òbiti rare, tyrare, iòraruna-ki aõkõ, òrarudu mahãdu-ribi hitximy. ²⁷ Xiwena wedu txuò txuòlemy xiwena diwinymyhÿde juhuhu taòraru hetydÿÿnamy riwinymyhÿre idi tahe ibutumy inyòraru hetydÿÿnamy riwinyre. Jesuisi kia Xiwena wedu wesemy aõkõ ihÿre. Tii xiwena wahidÿÿdu mahãdu-ribi lahixi rare. Sohojihyy dori xiwenamy rexi-

wahinyre rubu-ò ikonana xiwena wahe. Tii txuõ txuõlemy aõ rubu xiwe wesemy riwahinyõre, iwese iwitxira xiwedỹỹdu riwahinyre wese. Juhuu taõraruna õraru-ki raxiwenyire idi iny õraruna õraru-ki raxiwenyire. ²⁸ Bede ywina hãbule ritidire xiwena wedukremy. Hãbu tahe iruruõre idi tahe sohoji rybeõtyhy bede ywina hewomy nade. Kia tahe Deuxu riõrele tuu risỹnyre, tii õbitityhyreki.

8

¹⁻² Kiamy heka jiarỹ rarybere. Kia awese iny xiwena wedu ijõdire. Iõlò tarynana-ki ronymyhỹre. Jesuisi tahe Deuxu ruruna-ribi ronyre. Iheto-di itxeredu tahe Jesuisi rare. Deuxusỹle iyubudỹỹdu rare. Kia hãbu aõkõ riwinyre Deuxule riwinyre. ³ Kristu iheto raroowo-ki Deuxu deewina riwinymyhỹre. ⁴ Kristu kabede-ki ratxikeki tii xiwena wahidỹỹduõmy aõkõ ratximyhỹke. Kabede ludu dori bede ywina rybe riritinymyhỹre wesemy riwinymyhỹre. ⁵ Tiiboho biu aõmydỹỹnana wesemy urihimyoõlemy aõna aõnamy rotyynymyhỹrenyire. (Deuxu Moisesi-õ riteõsinyre aõwesemybo tealãna heto-ki raremyhỹ. Tai tahe Moisesi riwinykemy timybo riteõsinyre wesemy hãwãlò ratyy-ki riteõsinyre.) ⁶ Kristu tahe iwitxira aõmysỹdỹỹna iaõmysỹdỹỹnare. Bede õtiidỹỹna urenana heka Kristu aõmydỹỹnana ròimyhỹre bede ywina widỹỹdu aõmydỹỹnana ratyremy ihỹre. Kristu tahe bede ywidỹỹna tỹmyra riwinyre Deuxu iny-wana heka widee rilorore. Deuxule rarybere tahe juhuu-ribi awityhyre irybe. ⁷ Juhuu bede ywidỹỹna awi aõkõ rare. Awikeki tahe ijõ tỹmyraõ rõhõnyõtyhy. ⁸ Deuxu dori ihetxina-ki tamy awimy aõkõ ihỹre. Kawesemy dori rarybere: —Txuõ kanakreu tahe, bede ywidỹỹna tỹmyra aritobinykremy Juda sỹmahãdu-wana judeu sỹmahãdu-wana. ⁹ Bede ywidỹỹna tỹmyra ihetxina-ribi iwitxira rarekere. Ihetxina retobinyre tybyreny-õ. Iu Egito-ribi retareu, retobinyre. Tiiboho bede ywidỹỹna tỹmyra-õ rieryõre. Tai riywinyõre bede ywidỹỹna. ¹⁰ Kiawese bede ywidỹỹna tỹmyra rarekre, Wanyrỹ Deuxu rarybere: —Wabede ywina iraykywydyna-di ariritinykre iwo-õ aritidikre wabede ywina. Jiarỹ iDeuxumy ararekre, tule tiiboho wasỹ ijoimy roirekre. ¹¹ Kia txuõ rahukredi tahe ibutumy riwaerykre tasõmo-wana, tanihikỹ-wana. Tiu wii rierynanyõtyhy Wanyrỹ Deuxumy. ¹² Ruxetõena tamy ariwahinykre taõrarutedenamy. Iõrarureny ibutumy wanohõti iribi rosakre. ¹³ Bede ywidỹỹna tỹmyramy Deuxu rarybereu, ihetxina retybyra raseruserun-ya. Taita awiõra heka.

9

¹ Juhuu bede ywidỹỹna-ki bede rybe ritina rỹimyhỹre Deuxu-õ dealãna timybo rawahinykemy. Tule rỹimy raremyhỹ tykyheto bederahy-ki. ² Iwo-ki inatxi rareamy rỹimyhỹre. Juhuu irareasana-ki Deuxu iõhõnasỹ heka inire iwo-ki tahe adỹỹ loosõna rỹimyhỹre. Tule tii paõ brebuna deõtena õwõrubesetyre-ki rỹimyhỹre. ³ Tyky ijõtõbõna hewo ludu rareasa tahe Deuxu sỹle inire. Òkõsy nihikỹ rihitxinyre ijõ-ribi. Tule tahe õwõruwodỹỹõ rỹire womati tỹrỹrỹhỹkỹle ihetyre. Iwo-ki tahe xiwena deõtena. Tai riwosinymyhỹre tỹnyre reakemy. ⁴ Òwõrudỹỹrawo-ki tahe womati tỹrỹrỹhỹkỹ butxi riõre ibõbese-di rỹire, iro-ki ihina rỹire mana ta irybereny-ki inire. Tule Araõ hoju rỹimyhỹre tai ruhunymy raremyhỹ. Tule bede ywidỹỹna riti mana tyre-ki tai roimyhỹre.

⁵ Tule iratyy tyre-ki r̄yimyh̄y ỹju ritxoo inatximy. Teubrorodile tahe riwòmyh̄yre. Òwòru wod̄ȳy ratòbòna tikibo Deuxu iny òraruna ri-ixāwid̄ȳynymyh̄yre wahe. Tahe tuu r̄ybeònyrenykre kia aòmyd̄ȳynana tai r̄yiremy. ⁶ Kia ibutumy rexihureu xiwena wahid̄ȳydu mahādu ralòmyh̄yre juhūu rareasanawo-ki taaòmys̄ȳd̄ȳy na tyhy widyomy. ⁷ Ihewoludu rareasana-ò iwedule ralòmyh̄yre. Beòra beded̄ȳynana sohojimy sohojile tamy ralòmyh̄yre. Iròdu riwomyh̄yre ihālubu ritxiwikemy xiwenamy. Taòraru-ò iny witxira òraru-ò tule. Inyòraru-ki tii mahādu aòna aònamy rot̄ȳnyrenykre rexieryrenyòhyylemy, kiabro-ki. ⁸ Deuxu Tytybytyhy kia ijyy-di iny ribedeernymyh̄yre. Juhūu tyky heto r̄yireu, inybohoò heka Deuxu iòlònas̄ȳ-ò ralòomyh̄yre. ⁹ Kia heka wijina bedeernare. Juhūu dori xiwena witxira witxira wahid̄ȳy na witxira witxira uriòno rare. Kia urile iwahid̄ȳydu iwo irayky-wana riòbitinyòhyyre. ¹⁰ Juhūu ludu aòmyd̄ȳynana bede ywinale rare. Rawitxirakekile tahe ròhònyke. Tii tahe r̄ys̄ȳna bede ywinamy rare, monatyhy bede ywinamy, aòna aòna surona bede ywinamy. Iny kia bede ywina ibutumy rityhynkemy r̄yimyh̄yre.

¹¹ Kristu dehemynydeu, iu tahe rawitxirad̄ȳy. Kristu Xiwena wahid̄ȳydu ratximyh̄yre. Tai tahe ibutumy rawitxirad̄ȳy roimyh̄yre. Tii ralòmyh̄yre tyheto t̄myra-ò. It̄myra tahe biu-ki rare. Kabede-ki aòkò ih̄yre; hābu iwid̄ȳydu aòkò rare. ¹² Kristu ralore Deuxu Tytyby s̄ynawo-ò tahālubu òrarukile ralore. Sohojihyyle ralore iny tarasanareny inydeereny riwahinykemy. Iròdu hālubu-di aòkò ralore, broreni riòre-di aòkò, budoeni hālubu aòkò wahe tahālubudile. Tai iny tarasanareny rimyh̄yre. ¹³⁻¹⁴ Juhūu budòe broreni Oriòre hālubu-di raxiwenanyrenykre. Broreni bryby riub̄ȳt̄nyre iny tyre-ki iaòsusu-ribi rahòkemy. Juhūu xiwena iny taòraru-ribi risuhòkeki, iratyre tyhy Kristu hālubu iny risuhòke. Tai iny raykybina bina ritamyh̄yre tule inywo aò aòkò rare, ritamyh̄yre. Idi tahe iny Deuxu irumy ratximyh̄yre dee wimyri kiwinyrenykre. Tii òbitimy ih̄yre iny dee rurureki. ¹⁵ Kristu tahe bede ywid̄ȳy na t̄myra wedu rare. Tai tahe ibutumy bede ywid̄ȳy na t̄myra mahādu namyh̄yde ibutumy aòmybo rarybere ritakemy. Tii dori rurure iny òrarureny dire-ki ihetxiu bede ywina aòmyd̄ȳynana r̄yimyh̄yre, tii rubu-ò rexiwahinyre. Tai inyboho òraruna-ribi rexitarenyre. ¹⁶ Inyò rurumyh̄yre-wana tii iny dee ritinaò ririmyh̄yre kia ritina rarybere: —Moòbo taaòna aòna riwahinymy ririkre. Iny rururemyh̄yre xiery tahe, ritina awi rare. ¹⁷ Kia ritina aò aòkò rare iwid̄ȳydu tyhy irumy ratxikeki, rubumy roimyh̄yrele ritina aò rare. ¹⁸ Tai tahe juhūu bede ywid̄ȳy na ijò hālubu txiwixina dire. ¹⁹ Moisesi Deuxu bede ywina wahid̄ȳy rahudi, tii bede ywina tyre ritxiwire, iny ratytre riub̄ȳt̄nyre budoeni hālubu-di broreni riòre hālubu-di bewana riurinymy riub̄ȳt̄nyre. Tule budòe siratykysò-di riub̄ȳt̄nyre. ²⁰ Iu tahe tuu rarybere: —Kia bede ywid̄ȳy na t̄myra hālubu rare. Deuxu wadee rarybere kaiboho bityhynkemy. ²¹ Tule tykyheto-ki hālubu riub̄ȳt̄nyre dealàna aòmyd̄ȳynana-ki ²² Bede ywina rybe dit̄nynde ibutumy hālubu-di risebenyre, hālubu txiwixina ihoòkeki òraruna rexihuòtyhy.

²³ Kabede aòmyd̄ȳynana biu aòmyd̄ȳynana wesele rare. Tai tahe Kristu tahālubu-di kia ibutumy risuhore. Tai iratyre tyhymy ih̄yre. ²⁴ Kristu heka templo hābu wid̄ȳy na-ò ralòre. Kia tahe inatyhy heto aòkò rare. Biu-ò Kristu ralore Deuxuko-ki kia tahe is̄ȳtyhy rare. ²⁵⁻²⁶ Tii sohojihyyle heka rare iny òrarureny riixāwid̄ȳynkemy rubu-ò rexi-

wahinyre. Xiwena wedu wesemy aõkõ ralòre. Kia xiwena wedu aõu aõu beòralemu hãlubu-di rara xiwemyhÿre. Kristu tahe sohoji hyyle rubu-ò rexiwahinyre. ²⁷⁻²⁸ Iny rumumyhyre sohojihyylemy idi tahe Deuxu ywisiðÿna hitxinatxu kanakre ibutu iny. Kristu rurure sohojile sòwemy iny òraru ixityre riatykemy. Inyõ tamy retehemy riraðmyhÿre wana, tamy ixityre kanakre òraru ixãwididÿÿnamy iny tarasanarenymy.

10

¹ Juhu bede ywina rybe urihimyoìe iny ribedeerynyre Kristu aõmydÿÿnamy. Bede ywina itÿnytyhymy aõkõ iny dee roire aõmybo Kristu inydeereny riwinykre. Ubòròrna wesemy inydeereny dobehede bede ywina. Tai tahe tiu iny riòbitinyõtyhy xiwena-di reamyhÿre beòra ihyymy aõkõ. ² Aõkõkeki beòra beòrau idi reaõtyhy. Aõkõkeki sohojihyylemy xiwena riwinykre. Sohoji bede dÿÿnanadile iòrarureny rexihuke. Tahe aõkõre beòra ihyymy aõkõ xiwena-di reamyhÿre. ³ Tai tiemy òraru-di hyy heka ròhòtinumyhyre. ⁴ Broreni hãlubu, budoeni hãlubu òraru rahuõtyhy. ⁵ Tai Kristu kabede-ò dehemynde, rarybere: —Deuxu, broreni hãlubu budde hãlubu adee awimy aõkõ ihÿre. Tai tahe waumy teywiny my ahãte axiwenamy aroikremy. ⁶ Kai heka awimy tai tahaõhyte iròdu hãlubu xiwena-ki òraru tuedenamy. ⁷ Tahe jiarÿ rarybere: —Betehe inihe waumy rubu-ò rewahinyraò iwese ritidÿÿna rybe roimyhÿre wesemy, adeewina ibutumy arityhinykre wahe. ⁸ Tai Kristu juhoo rarybere: —Deuxu, broreni hãlubu budde hãlubu adee awimy aõkõ ihÿre. Tai tahe waumy teywiny my ahãte axiwenamy aroikremy. Kai heka awimy tai tahaõhyte iròdu hãlubu xiwena-ki òraru tuedenamy. Kia rarybere bedeywina rybe hãrele. ⁹ Tahe ixityre rarybere: —Deuxu kakile watxireri adeewimy ariwinykemy. Juhoo bitake xiwena ihewoludu ritidikemy, Kristu xiwena wahe. ¹⁰ Kristu rurure iny òraru-ki. Ixiwena sohojilemy rÿire tuhy ramyhÿre Deuxu deewina wahe. Kabede ywidÿÿna tahe itÿmyra ihÿre. Tai tahe iny riòbitidÿÿny hyy rarekre. ¹¹ Xiwedÿÿdu txuõ txuõlemy rixiwenanymyhÿre. Tii tahe tiu iny òraru ritaõtyhy. ¹² Jesuisi tahe sohojihyylemy òraru xiwena riwinyre. Iny òraranareny riixãwidiny my rahudi Deuxu rurunawe-ribi ronyre, riwowydiny myhÿreki. ¹³ Tahe Kristu riraðmy ronumyhÿre. Taòludu ruru iribi ritakemy tawarawo-ò Deuxu ritidikemy. ¹⁴ Jesuisi dori sohoji xiwehyy-di, iny riòbitidÿÿnyhyymyhÿre. ¹⁵ Deuxu Tytybytyhy tule kiamy rarybere. Kiawese ritidÿÿna roire: ¹⁶ —Kiawese bede ywidÿÿna tÿmyra rarekre. Wanyrÿ Deuxu ijomy rarybere: —Wabede ywina irayky wydyna-ki ariritinykre, aritidikre wabedeywina iwo-ò wahe. ¹⁷ —Idi ixityre rarybere: Ruxetòena tamy ariwahinykre iòrartuedenamy. Iòrarureny ibutumy wanohòti-ribi rosakre. ¹⁸ Òraru wanohòti-ribi rosareu, idi rehureu, tiu xiwena rÿiõtyhy tuu rahukemy.

¹⁹ Katahe, waseriòre, rekexiuwaresemy rikirònyrenykre Deuxusÿ-ò. Tamy rekexitòenyreny kemy Jesuisi hãlubu dejuxuna òraru-ki sohojile rikirònyrenykre. ²⁰ Jesuisi dori rytÿmyra riraynyre Deuxu-ò wesirahana yra-di ralòkemy. (Iwese xiwedÿÿdu wedu ralòmyhÿre wese, inyboho wiji ralorenyke.) ²¹ Tule iny xiwe wahidÿÿdu nihikÿ ijòdirenny Deuxu heto-ki. ²² Tai rikitehemyrenykre inyraykytyhy ywinakemy inatyhyny hymy òbitinatyhymy nohòtimy, rati betyhy ixãwina-di sebena-di inyumyreny. ²³ Inatyhyna rikiyrubunynyrenykre inyararòsònareny wahe.

Aõbo Deuxu inydeereny riwahinykemy rikiraðrenyke. Tii dori inatyhy rare. ²⁴ Tule widi røkõhõtinyrenyke wiluurenymy rakatxirenykemy wiwiòhedÿÿmy rakatxirenyke. ²⁵ Uritere ixihitxidÿÿõmy tamy beahyy rakatximahãrenyke. Ijõ dori dohodÿÿna-ò noderamy reamyhÿre kia awi aõkõ rare. Inyõ ryribi rexidõrarienyhÿkeki, tamy rakarybemyhÿrenyke kòdòðsekemy icyby. Inynyrÿtxu dori iòhòmny resera. Tai tahe sòwemy ròkòteòsidÿÿnymyhÿke.

²⁶ Iribi inyboho inatyhyna ibutumy rieryrenymy rahudi, tahe kia hãrele heka òraruna-di rariamyhÿkeki, òraruna xiwena roiòmnyhÿre inydeereny iny òraruna tarasana wahe. ²⁷ Kia-ribi tule brebu rÿimyhÿre Deuxu ywisidÿÿnatxu lau. Deuxu heòty ratyradÿÿdu lau ruberumyhÿre. Kia Deuxu òludu rahukemy rÿimyhÿre. ²⁸ Ruxetòena-di aõkõ inyõ rurure Moisesi bede ywina riywinyòreki. Itxeredu inatxi ada inatað-di aõbo raryberenykemy. Tai rirubunyre. ²⁹ Kia-di dori mohõtinybenyke. Inyõ Jesuisi rybe-di risinykeki, iratyremy ibinatyhymy rarekre tamy. Tii sòwetyhymy aõhòkÿmy rotÿÿnykre ibutu ratyre. Inyõ Deuxu Tyytybytyhy ruxetòena aõ aõkòmny idi røkõtinyre ibinamy tuu rarybemyhÿre. Jesuisi hãluba aõ aõkòmny idi røkõtinyre ibinamy tuu rarybemyhÿre. ³⁰ Deuxu kia rarybere: —Txiohe iny òwydÿÿdu jiarÿ rare. Inymy jiarÿle arexiòwynykre. Inyboho rierymyhÿrenyke kiamy rarybemyhÿre. Tii kiawese rare. Tule ijòmny rarybere: —Inynyrÿle tajoi-di ywisidÿÿna-di riywisidÿÿnykre. ³¹ Deuxu irumy rare. Tii brebuna-di tyhy rareke. Iu iny tamy ibinakeki, tii dori idi rehuke.

³² Juhuu Kristumy teerytenyete, awimy heka ahãtenyete. Kia-ribi òhòti losarenyòmny. Kristu òraru-ki aõhòkÿmy tatÿÿnytenyete. Ihãrele tahe Kristu-wana hyy toitemahã. ³³ Inyõ umyreny robireu, tai akireny rutzuenyre, tule akireny òhòte itamadÿÿnyre. Ityhydÿÿdu seriòre mahãdu inyõ aõhòkÿmy risÿnyre, kaiboho tewotòenytenyete. ³⁴ Inyõ ròtenawo-ò ridykeki tai tewotòenymahãtenyete. Inyõ ahòrò-di rawasinyre, urile teysate. Ahòrò dori iratyre sòwemy rÿimyhÿre biubede-ki. Tai aõna aõna tiu rabinaòtyhy. Kia teerymahãtenyete. ³⁵ Uritere araròsòna-ribi awo xierysyòmny. Kai dori uriòno nihikÿ bitakre. ³⁶ Ywinihikÿ-di heka rokoireke Deuxudeewimy rikiwinyrenyke. Tai aõwihikÿmybo Deuxu rarybere, rikitarenyke. ³⁷ Ritinamy tahe rÿire: —Txioke inihe. Urihimyò biraòke. Kia kanakre inatyhymy. Tii raroorehenyòtyhy.

³⁸ Waityhydÿÿdu mahãdu òbiti iruhyymy rÿirake, riwatyhynyreki. Inyõ tahe ròðsekeki tamy wadeysaòtyhy.

³⁹ Inyboho heka tahewo-ò òkòsedu aõkõ roire. Ityhydÿÿdu dori roire, iruhyymy nodu, biu-ò hena mahãdu wahe.

11

¹ Aõbohe ityhyna rare. Aõna aõnaò iny inatyhymy riraòmnyhÿre, kia tahe ityhyna rare. Inatyhymy dori kanakre iny rierymyhÿre, iny tuu robiòlemy. ² Ihetxina mahãdu Deuxudeewimy tuu ihÿre, rityhynymyhÿreki. ³ Juhuu Deuxu aõna aõna bede bedemy riwinyre. Iny inatyhy hynale kia rierymahãrenyke. Deuxu lobixiòna-di ibutumy aõna aõna riwinyre. Idi tahe lobixinamy ròhònnyre iny itxerenarenymy. Deuxu rarybere. Tai tahe aõna aõna ritxienyre. ⁴ Taityhydÿÿna òraru-ki Abeli Xiweò riwahinyre Deuxu-ò. Kaì xiwedÿÿna ratyre tamy riwahinyre. Abeli rityhynrekile riwahinyre, tai tahe Deuxu reysare, òbitimy rareki. Tai

ixiwedÿÿna Deuxu riwÿre. Abeli tahe rurure. Ihãrele, iwese tii ityhyna-di raremyhÿ wese rokoireke. ⁵ Enoi tatyhydÿÿna òraru-ki tii ruruòhÿyre. Enoi Deuxudeewimy riwinyre tuu Deuxu juhuu rarybere. Aòwesele iòmÿ reare. Deuxu ridymy reare. ⁶ Inyò ityhynaòkeki, tii Deuxudeewimy aò iwidÿÿòna. Inyò Deuxudee iòhòmÿ ratxikeki, tii rityhynymy hÿke inatyhymy Deuxu-wana ihÿre. Deuxu dori tamy rexideòsinykemy ratxireri. ⁷ Noe tule ityhyna dire. Tii hãwò nihikÿtyhy riwinyre. Aòhebo rotÿÿnykremy robiòhÿyre. Ihãrele tahe Deuxu rybe rityhynyre. Tai tahe tasÿ mahãdu ritare rubu-ribi. Bedeludu mahãdu tahe rurure. Noe tahe Deuxu riòbitidÿÿnyre, ityhyna òraru-ki. ⁸ Abraò tule Deuxu rityhynyre. Deuxu ijò bede-ò diteònydeu, Abraò irybe riywinyre, rare taijoi-wana. Deuxu tamy rarybere suò tamy rihitxinykemy isÿmy. Tai Abraò rexitare, rare ihãwã bede ierykòna-ò. ⁹ Ityhyna-di rasÿnyre kia bede-ki. Tyky heto-ki rahetonymy hÿre iwese ijò bedeludu witxira mahãdu rahetonymy hÿre wese. Ibede rarehãrele tahe ihòròmÿ aòkò ròhòtimyre idi tuu aòkò rexinohòtimyre. Tariòre Ijai, Ijaò-wana rasÿnyre. Tamy tule Deuxu rarybere iwese tyby-ò narybede wesemy. ¹⁰ Abraò tahe hãwãò riraòmÿ hÿre. Deuxu widÿÿna hãwã biu ludu-ki. Kia hãwã Deuxu nohòti-ribi nyide. Kia hãwã dori tii rabinamy rejuxunyòtyhy ihetotira kyhyna direki. ¹¹ Sara ityhyna dire. Tai ruru dire uladusemy ronykemy ibeòra sòwere hãrele. Tii tahe rityhynyre tuu raryberemy. ¹² Sara iòhòmÿ irubu roire rasenadunyreki. Ihãrele tahe sòwemy rariòreriòrenyre. Iwese taina rudera wese, ÿnyra sòwewese.

¹³ Kia heka ibutumy rityhynymy hÿre. Idi tahe ituerenyre aò heka rimyòre Deuxu rybe lidisinaò. Ireheribile tuu robirenyre; reysarenyre. Tiiboho rarybemy hÿrenyre kabede ludu mahãdu aòkò raremy, isÿreny mahãdu aòkò raremy. ¹⁴ Tii heka rarunymy hÿre sÿwihikÿmy tai raerymy hÿre tuu rarybereki. ¹⁵ Tamy wikeki riòkeserenyra inihe tahe aòkòre, noderare. ¹⁶ Wiji tahe tii sÿwihikÿmy biu-ki rarunymy hÿre. Tii dori ijò ratyre rare. Deuxu isÿ wihikÿ riwinyre tai tahe inyò iDeuxunymy rarybekeki, tai Deuxu tii raixÿruòtyhy.

¹⁷ Deuxu Abraò urihixina-di reareu riwahinyre Ijai xiwenamy. Tariòre sohoji riywinymy rÿire xiwenamy rurukremy. Tii Deuxu rybena-ki iriòre rarehãre. ¹⁸ Deuxu dori juhuu rarybere: —Ariòre Ijai ariokoretybymy rarekre. ¹⁹ Abraò rieryre Deuxu iruru dire rubu-ribi riixixadÿÿnyke, tii Deuxu rityhynyreki. Abraò dori ròhòtimyre rawasenanyre. Ijai juhuu rubu-ribi ixixa wesemy reare, raumynyre. ²⁰ Iribi tahe Ijai tyhyna-di rarybere Ijaò dee, Ijau dee aòbo kabede-ò kanakremy aòwihikÿ wahe. ²¹ Iribi tahe tule Ijaò rarybere Jyje riòre dee, tariokoreboho-ò. Ityhyna-di rarybere. Ijaò iòhòmÿ rubu-ò ihÿre, òwòru-ò reximymy rariamy hÿre. Tahe òwòru-di rexilamadÿÿnymy rÿire rexitòenykemy Deuxu-ò, riwowodynyremy wahe. ²² Iribi tahe tule Jyje iòhòmÿ rubu-ò ihÿre. Tule ityhyna-di rarybere judeu ijoi Egito bede-ribi kòdòhònykemy. Tule tahe tarybe ririre titxibo itityby rÿikremy. ²³ Iribi tahe Moisesi reareu, tybyboho iseboho riwòrenyre inataò ahãdumy tatyhynareny-di ihÿrenyreki. Moisesi itohouã ruxerare. Iòlò rubudÿÿ bede ywina rybemy rarybere. Moisesi tyby-wana kia bede ywina rybe lau ruberuòhÿyre. ²⁴ Moisesi raumynyre, Faraò riorerioremy noderare tii tatyhydÿÿna òraru-ki. ²⁵ Tii heka tamywire Deuxu erydu mahãdu-wana aòhòkÿmy rotÿÿnykre. Urihimyò òrarumy reòwarike derare heka rare. ²⁶ Moisesi, Egito bede-ki

aõna aõna wiwihikÿ rÿiramyhÿ derare. Iny tamy aõmy rarybehinamyhÿre. Tahe ibinamy rõhõtinyõmyhÿre. Kristu dori riraõmyhÿre, biu-ki uriõno idi rõhõtinyomyhÿre. ²⁷ Moisesi Egito bede-ribi rõhõnyre, ityhyna direki wahe. Ruberuõhyyomyhÿre heka tii iòlò deburehekÿ lau. Iwese Deuxumu lobixiõnadu iko-txi robire wesemy, rõhõnyre. Tii tahewo-ò ròðseõhyyre. ²⁸ Moisesi heka Deuxu rityhynyre. Tai tahe pascoa worana bedehesi riywinykemy beõra beõramy rarybere. Hãlubu ijõ-ò ritxiwire. Tai ÿju heka iny riõre delareny rirubunyõre. Egito riõre delareny rurure tai. ²⁹ Iwese surubu tyre-di reurore wesele judeu mahãdu Ahobesò rawo-di reurore beõlemy. Iu Egito mahãdu reurõkemy rareu, urile bee idi raratòbõre. Kia riwinyrenyire ityhydÿÿnadireki. ³⁰ Ijeriò hãwã mana òtity nihikÿ resere judeu mahãdu rityhynyreki. Debò inatxi reurò txuomy hãwã rora-ki rariare tahe resere. ³¹ Raabe heka hãwyy uriuri ixidinodu rare, wedena wahe. Tahe Deuxu tyhydÿÿdukõdu mahãdu rexihureu, Raabe ruruõre tatyhydÿÿna-ki. Bede-di itxeredu riwòreki.

³² Timybohe ijõmy ararybekre? Wasirare heka ibutumy tuu ararybekre, sõwerekì. Kideõ ijo, Barake, Sansaõ, Ijete, Davi, Samueli, tule Deuxu rybemy rybedu mahãdu sõwere. ³³ Kaheka ibutumy riwinyre tyhyna-di. Ijõ iòlòhãwã-di rahÿÿnanyre. Òbitina riwinyrenyire. Ritarenyre aõmybo Deuxu rarybere. Leaõry dori rirarytxinyre. ³⁴ Rirõnyre heõtywo-txi ihãrele ruruõrenyire. Mayrehe rubudÿÿna-ribi rexitarenyre. Bina-ribi ixyby rarurunyrenyire. Ijõ aõbina-ki irurudityhymy ratximyhÿre. Tai sõwemy aõbinadu iribi rahenyre. ³⁵ Tasÿõ rubu-ribi riixixanyre hãwyyõ rityhynyreki. Ijõ mahãduõ aõhõkÿmy dÿÿnana-ki tamy reare. Ixitarasamy rõhõtinyõhyyre aõhõkÿmy dÿÿnana-ribi. Tii dori umyuedeõna wihikÿ-di rubu-ribi rexixakredi rõhõtinyomyhÿre. ³⁶ Ijõ ityhydÿÿduõ idi rybe jei jeina-ki ratximyhÿre. Tule tai òhõte rÿire reruti òhõte-di. Tule ijõ womati reroti-di rataataare, ihyymy idi rehure ròtenawo-ò. ³⁷ Ijõ mana-di riwere. Ijõ sehòtxi-di riwetyaòròre, wiere riatyre. Ijõ mayrehe-di rirubunyre. Ijõ ityhydÿÿdu-ò budoenity-di watxinityy-di idi rexityynyre, rama risarenyre, aõhõkÿmy risÿnymy inyõ tõtxi ririõhyyre. Ijõ heka aõbinalemy tamy reare. ³⁸ Kia ityhydÿÿdu mahãduõ ibutu iny ratyre Deuxu dee wire. Kabedeludu ityhydÿÿdukõdu mahãdu wese aõkõ tiiboho roire. Hãwãlòm, bederahymy, hãloom, kia ibutumy bede-di rariamyhÿre iwese iny isÿkõmy rÿire wese. ³⁹ Ibutumy iribi rakaraykynyrenyke tiiboho dori inatyhynarenydireki. Tahe urile Deuxu rybe wahisidÿÿna ritaõmyhÿrenyire. ⁴⁰ Deuxu dori iny-ò riraõmyhÿre Kristu dehemyynyna wahe. Ihewo-ribi tahe kia inydeereny riwahinykre, wivanahyye. Tai tahe idi awityhymy iny ibutumy rõhõnykremy.

12

¹ Sõwere inydireny itxeredu. Iny robirenylemy rÿirerimy ihÿre. Tai tahe tako-ò rekekoamyhÿrenykre. Deuxu dori inydeereny riwahinyre. Òraru iutxiere inykireny rÿire. Tai tahe rikiatyrenyke òraru ibutumy inyboho dori rimymyhÿrenyire. ² Jesuisi-ò sohojile reketehemynyke. Tii dori inatyhydÿÿna deledÿÿdu rare tule inatyhydÿÿna konanadÿÿdu rare. Jesuisi deysana kanakredile rõhõtinyomyhÿrenyire. Tai tahe rahõtinyomyhÿre. Tai tahe aõhõkÿmy rotÿÿnyre, itxeò nihikÿ-ki rurure. Tai tahe ixÿru

tamy reaõhyy rurureu. Wiji tii ronymhÿre Deuxu ryna ruruw-eribi-ki. ³ Jesuisi dee hãbu binahakÿ aõbinamy reare. Tahe rawobinarybenyõhyyre. Tai tahe idi røkõhõtinyrenyke iwese rakatxirenykemy. Uritere bede worenymy bede õtiidÿÿrenyõmy. ⁴ Boholabenyke, òraru ijesu òraru-ki inyõ aribireny ruruõhyymy ihÿre. ⁵ Deuxu tariõre dee rybe wesele adeereny rarybemyhÿre. Kia-ribi aõbohe õhõtireny rosara. Kia wese Deuxu rarybera: —Wariõre, araõbitidÿÿnyreu, uritere adebureõmy, alisina aõkõ dori rare. Deõsana rybemy adee ararybekeki, uritere bedewoõmy. ⁶ Deuxu dori aluurekile araõbitidÿÿnykre. Deuxu tariõre wesemy inyõ rimykeki, aõhøkÿmy risÿnymy hÿre iõbitidÿÿmy. ⁷ Tybydiõ aõbohe uri tariõre-di uri aõbohe tyby idi rÿira tariõre riõbitinyõmy? Aõkõre. ⁸ Ibutumy iny õbitidÿÿmy Deuxu rurumy hÿre. Inyõ õbitidÿÿnadiõkeki tii iriõre inatyhy wesemy aõkõ rare. ⁹ Tule inytybyreny inydeereny retehemyhÿre inyboho riõbitidÿÿnymy hÿreny. Tai tahe iny riywinymy hÿreny. Deuxu tahe inytybyreny rare. Inytybyreny ratyre tahe tuu rikiywinynyrenyke, tahe irumy rokoireke iurenana. ¹⁰ Iny tybyreny urihimyo bededÿÿnana-di riõbitidÿÿnyre iwese tamywimy rõhõtinyre wese. Deuxu tahe iny riõbitidÿÿnyre rekexiywinynyrenyke. Iwese õbitimy tii raremyhÿ wese rokoirekemy. ¹¹ Inyõ õbitidÿÿnamy deramy reakeki, tii deysamy aõkõ rareke. Òbitidÿÿna bedewona-di rare. Rexihuredi, tahe wiðhedÿÿnamy reamyhÿre modeebo reamyhÿreò, irumy ywina-di rarehyye. ¹²⁻¹³ Kai bedewokeki, aumy-di, arayky-di iruruõra, ihãrele tahe birurudÿÿnymy bimyeke. Ati tule iruruõre ihãrele tahe, myike õbitimy. Betehe, biywinymy ryõbiti-di mariake. Tai tahe ijõ iny reyterenykre, raõwenyõtyhy.

¹⁴ Ainytyhymy inydee ibutumy ahãbenyke tule bexiõbitidÿÿnymy ahãbenyke. Iny õbitimy rÿiõkeki, tiu Deuxumy robiõtyhy. ¹⁵ Inyõ tahewo-õ Deuxu ruxetõena-ribi rõõseke lau kaiboho bexiebenyke. Tule amahãdurenny-ki alõbõrdnahyre wesemy inyõ ihÿke lau kaiboho bexiebenyke. Kiakeki, sõwemy iny rahyrenyke òraruna uri wesemy. ¹⁶ Tule bexiebenyke inyõ òta òta òraru-txi reseke lau ada Deuxu tõhõti ribi rosake lau. Ijau tahe Deuxu-di rõhõtinyõre. Tyby rurukreu aõ tarasana-di tii rohonyre byrena sohoji õwylemy tahelÿÿna-õ rohonyre. ¹⁷ Iribi tahe õhõtireny losarenyõmy. Tii dori rõhõtinyre taaõwi-di ixby imynymy reare. Tahe aõkõhyre rahinyrehãrele. Rabedewomy ronyre Ijau dori rÿsÿna derõwymy taaõwi riwahinyre taexi-ò. Inyboho tahe rekexiywinymahãrenyke itxÿte lau.

¹⁸ Deuxu tabede ywina rybe heka judeu mahãdu-ò riwahinyreu, ti-boho Sinai hãwãlò heõtyko-txi rÿire. Sõwemy heõty bedeluru yhynihikÿ tai reare. Tiibohe rubuerurennyre. Kaiboho tiu breburenymy ahãbenyke iwesereny. ¹⁹ Txurõnaõ rurõnyre nihikÿmy. Tule rybeõ rarybere. Iny ibinamy tai rõhõtinyre. Tai tahe riixãwidinykemy Deuxu dee rarybere. ²⁰ Irõduõ hãwãlò-di tawa ritidikeki, iny mana-di tamy rehuke irubudÿÿmy Deuxu rybemy namy. ²¹ Tai tahe iny tahewo-õ rexihejire brebumy. Moisesi tule, rexiõhãruny re tuu robireu. Ramytatamy brebumy. ²²⁻²³ Kaiboho dori iwitxira hãwãlò-ò tetehemynyta, Siaõ hãwãlò-ò, Deuxu hãwã-ò. Kia biu-ki Jerusalẽ rare. Sõwetyhymy tai ÿju mahãdu rÿire bede hesina-ò. Ibutu butuna rare. Deuxu riõre sohojile butuna-ò tehemynte, dohodÿÿna mahãdu wahe. Ibutumy ityiriti-ki ini roimyhÿre tamy rehemynty. Deuxu-ò tehemynte ibutumy erydumy

ratximyhÿreò. Inyhÿkÿna mahãdu òbitimy rÿira mahãdu-ò tehemyntyta. ²⁴ Tule Jesuisi-ò tehemyntyte. Tii iny lobitÿmyradÿÿdu rare. Ihãlubu-ò tehemyntyte. Abeli hãlubu ratyre awimy ihÿre. Jesuisi hãlubu dori inydee aòwihikÿ rare iny òrarureny òraru-ki dori ritxiwire iny riòbitidÿÿnykremy. ²⁵ Boholabenyke Deuxu rarybemyhÿreu, boholabenyke. Kia Deuxu roholaòmyhÿre mahãdu, rexihumyhÿre kabede-ki. Tii biu-ribi narybedeò, rokoholaòrenykeki, tule inyboho rekexihurenyke. Inydeereny aònityhykre. ²⁶ Iu rarybereu, bedede ramyatatyhyre. Tahe tii rarybere: —Sohojimy ixityre bedede biумы arimytatadÿÿnykre. ²⁷ Kiamy heka rarybereri. Aòbo relemy, urile ixãwikre aòbo ixãwidikònalemy rÿirakre. ²⁸ Tai tahe Deuxumy rikiàlàrenyke. Inyboho dori Iòlònasÿò rokoirenykre kia rÿihyummy rarekre. Iwese Deuxudeewire wese rikiàlàrenyke ityhyna-di òhãruna-di. ²⁹ Deuxu ykarana dori heòty riworonumyhÿre wese rare.

13

¹ Ityhydÿÿdu seriòre wiluummy ahãbenyke. ² Aòtxile aroraluduò bimihyummy ahãbenyke. Inyò kawese risÿnykeu, ÿju dori riwiòhenanyre, rieryòhyyre mobo rare. ³ Ròtenawo-ki rÿire mahãdu-ribi nohòti losarenyòmy. Iwese kai tii-wana atximahã wesele, aòhòkÿmy botÿÿnykre. Aòbinahakÿlemy tamy reamyhyre mahãdu-ribi nohòtilosaòmy. Iwese inyò adeereny aòbinahakÿ riwinyumyhÿre weselemy idi mohòtinybenyke. ⁴ Ibutumy bityhinybenyke ahãwyyumy herina, hãbu tahãwyy-wana sohojile roike. Deuxu dori aòhòkÿmy risÿnykre òta òtana nodu tule òbitimy raòdònyòre mahãdu ixi-di ròtemy aòkò boibeki. ⁵ Aònihikÿ nieru tarasamy ixinohòtidÿÿrenyòmy. Aòbo akireny rÿiredile, beysabenyke. Deuxu dori rarybere: —Tiu kaiboho wanohòti aribi rosaòtyhy. Tiu heka araatyrenyòtyhy. ⁶ Tai tahe rikityhynummy rakaryberenyke: Inynyrÿ iny wiòhedÿÿdurenyre. Tai tahe tiu rukuberurenyòtyhy. Inyò wadee aòbina riwinyòtyhy.

⁷ Aerydÿÿdureny-ribi nohòti losarenyòmy, tii adeereny Deuxu rybe rotohodÿÿmyhÿreki. Aòbo iruna konana-ò riwinyumyhÿredi, mohòtinybenyke. Iwese inatyhyna-di rÿimyhÿre wese kaiboho inatyhyna-di atximahãbenyke. ⁸ Kanau, wiji, Jesuisi Kristu wiwesele ratxireri. Tiiemy iwesele rarehykre. ⁹ Deuxu ruxetòena ixinamy arayky rirurudÿÿnykre. Roxina bedede ywina wiòhena aòkò ratxireri. Kia heka moo tiu riwiòhenanyòhyyre. ¹⁰ Inyboho ixiwena wixiradirenyre. Iribi tyby hetowo xiwena widÿÿdu mahãdu riroxiòtyhy. ¹¹ Iròduò didyde tykyhetoworanora-ki hãlubu ritxiwikemy. Xiwena widÿÿdu mahãdu wedu tuu ritxiwire òraruna tuedenamy. Uritere iròdu umy hãwã òtity webò-ribi riwòsinyre. ¹² Tai tahe Jesuisi tule hãwãhãkÿ ijò webò-ribi aòhòkÿmy rotÿÿnyre, iu tahãlubu ritxiwireu inydeereny tòemy, iny riòbitidÿÿnykemy. ¹³ Rokoirenyke tahe tamy hãwã webò-ribi rikimirenykemy iixÿrunayreò. ¹⁴ Inatyhummy inydeereny tiemy hãwã kabede-ki ihoòre. Tahe inyboho riraòmyhÿrenyre biu-ki ijòdikre. ¹⁵ Jesuisi òraru-ki tahe Deuxu rikiwowydinyrenyke. Kia iny xiwena wahidÿÿreny rare tamy. Tii iny rityhinyrenumyhÿre, tai tuu rekeàlàrenyke. ¹⁶ Tiu rikiwinyrenyke aòwiwidÿÿ. Tii Deuxudeewire. Tule wii rikiwiòhenanyrenyke. ¹⁷ Aerydÿÿna mahãdu biwinybenyke. Bityhinybenyke. Tiiboho dori aijesedureny ratximyhÿrenyke. Tii idi

Deuxu-ò rirawyònymyhÿre. Kaiboho bityhynybenykeki, tii teysamy raaõmysÿdÿÿkre. Aõkõkeki bedewomy ratxikre. Tai arawiòhenanyõtyhy.

¹⁸ Wakireny bexitòenyhyymahãbenyke. Jiarÿboho wodeysanale-di rahõtinymahãre, òbitina widÿÿdu-di rahõtinymahãreki. ¹⁹ Tule Deuxu-ò bexitòenyhyyke jiarÿ ele elemy adeeremy aròserenykemy.

²⁰ Inynyryÿ Jesuisi Kristu heka Deuxu rubu-ribi riixixadÿÿnyre. Tii iny-di itxeredureny nihikÿ rare. Budoeni-di itxeredu weselemy inydireny retehemyhÿre. Tii tahãlubu ritxiwire iny-wana bede ywina iixihudunakõna riwinykemy. ²¹ Deuxu adeeremy ibutumy riwahinyke tamy wimy kaiboho biwinybenykemy. Kia heka wadeewire. Jesuisi Kristu-ò wowydyna ibutumy rarehyykemy watzimahãre. Kie.

²² Waseriòreboho, kia watyriti nihiÿmy aõkõ rewinyre. Tai tahe ywinamy idi bohola benyke rybe wiòhedÿÿna rybe tahe rare. ²³ Iny seriòreremy Tximòtxi heka ròtena-ribi riteònyrenyrye. Ele elemy kanakeki, rakre wawana arorarenymy. ²⁴ Wawehityyna rybe ibutu dohodÿÿna mahãdu-ò biwahinykre, aerydÿÿdu mahãdu-ò tule. Italia bede ludu mahãdu irybe wehityhyna adeeremy diwahinyde.

²⁵ Deuxu ruxetòena akireny ratxikemy watzimahãre.

Txiau Txiau Ryberiti

¹ Jiarÿ Txiau rare. Deuxu Jesuisi Kristu Inynyrÿ-wana deòdu rare. Ròritidÿÿreri Deuxu mahädu inatyhy-ò. Ubÿtÿÿmy iny rÿira mahädu-ò. Warybe weityhyna adeereny rewahinyreri.

² Waityhydÿÿdu aõna aõnasira seriòre, araurihixinanykeki adeereny kanamyhÿkeki, beysamahäbenyke. ³ Kia-di tahe ityhydÿÿdu tyhymy beleke. ⁴ Aurihixina ixinamy rexiòlònyke atyhykemy. Ixinamy kanake araurihikemy. Tai tahe raòbitidÿÿnykre adee aõ rasiranyòtyhy.

⁵ Inyò bedeery ihoõkeki, rexitòenykre Deuxu dee, tii dori ibutu dee riwahinymyhÿre. Inyò lau dori ritòenyòhyymyhÿre. ⁶ Urile tii iseòdÿÿòmy bexityhynymy tamy bexitòenykre. Riseònykeki yhy òbò-di tiò rehumyhÿre wese rare. ⁷⁻⁸ Kia häbu iòreki, awimy aõkò aõhebo rotÿÿnymyhÿre ywiòreki, tii Deuxu-ribi aõ ritaòtyhy, irybe inatxire.

⁹ Iny aõ ijòkòmy rÿimyhÿre, teysamy rÿirake, aõ ijòdikreki Kristu dori rityhynyre. Kia iaòdimy ityhymy rÿira, tule teysamy rÿike ityhydÿÿdumy. Rÿiraki aõ ijòòkre häre. ¹⁰ Ityhyna heka iny-ribi wylemy ituemyhÿre kie iwese noijese ramoròmyhÿre wese. Tahe ityhydÿÿdu mahädu dee kia aõ aõkò rare. ¹¹ Txutòteetyhy ròhònymyhÿre dori àlòbòròna rimoròdÿÿnymyhÿre. Tahe noijese rejuxunymyhÿre. Tahe iruxerana rixäwidinymyhÿre. Kia wesele häbu ityhymy rÿire rexihumyhÿre. Aõhebo rotÿÿnymyhÿre wetyatxile.

¹² Urihixina inyòdee kanakeu, tahe ijesu binaò wesemy ritakeki. Tai tahe tii reysakre. Tii tahe umytuedeòna heka Deuxu-ribi ritakre. Deuxu dori kia wahidÿÿnamy rarybere taluunadu mahädu dee. ¹³ Inyò aõbina bina ixirana-di rexirakeki. Tii rarybeòtyhyke Deuxu riixiranymyhÿremy. Inyò dori Deuxu tiu riurihiòtyhy. Tule Deuxu riixiranyòtyhy aõbina bina widÿÿ-di. Ixiradÿÿdu aõkò tii rare. ¹⁴ Kiawese iny ixiribile rexirake, aõ-di sòwemy ròhòtinykeki, tii arabònyre, araitxenanyre. ¹⁵ Kia urari-ribi tahe òraruna ròhònymyhÿre. Iribi tahe òraruwidÿÿna-ribi rubu rÿimyhÿre. ¹⁶ Ixixenadÿÿòmy waluuna mahädu, waseriòre mahädu. ¹⁷ Wahidÿÿna ibutumy bedeerydÿÿnatyhy Deuxu biu-ribi diwahinyde kia ibutumy loosònatyby-ribi naderi. Tiu heka rawitxiraòtyhy, tii aõu aõu iweselere. ¹⁸ Tii iny ixityre riwinymyhÿre ritÿÿmyranymyhÿre tatyhyna rybe-di. Tai ibutumy iwidÿÿna-ribi inyboho juhuurenyre, awirenyre.

¹⁹⁻²⁰ Idi mohòtinybenyke waluu waseriòre mahädu. Ibutumy bexiwinymahäbenyke iny-ò boholumyhÿbenyke, tahe aõwimy aõkò marybeke lau, wymy adebureòmy. Häbu debure-ribi Deuxu òbitina rahenyòtyhy. ²¹ Abinamy aõhebo tutÿÿnymyhÿte ixi-ribi bitake idi biatyke. Tahe Deuxu rybe-ò boholake, kia dori iruruna dire atyytyby kanatakemy. ²² Kaiboho bede ywina widÿÿdumy, bede ywina tyhydÿÿdumy boibeke. Aõ ijohonadu mahädulemy aõkò boibeke. Kiawesekeki bexiixenanyke. ²³⁻²⁴ Inyò ijohonadule ronykeki, rybemynamy nodu aõkò rare. Tii häbu itxerena-di itxerenadu wese rare. Itxerena-di ixidee retehereu, rexierybe iwese raremy. Tahe rexitareu, aõwesele ixi-ribi tòhòti rosare timybo tii rare wahe. ²⁵ Inyò tahe bede ywina òbiti-ò retehemyhÿreki, rityhynymyhÿreki tii tahe teysamy ratxikremy ibutumy aõhebo rotÿÿnykremy. Tii dori

ijohonamy nohōti losadu aōkō rare. Bede ywina rybe widȳydu rare, ityhyd̄ȳna wahe. ²⁶ Inyō bede ywina rybe widȳyduōmy rōhōtinykeki, tahe tōrōtō riyrubunyōhyymyh̄ȳkeki, tabedeywidȳȳna aō aōkō rare. Tii tawokile rexiitxenanymyh̄ȳre. ²⁷ Iny Deuxu, Inytyby-ō kia bede ywina widȳȳna òbiti rare. Uladuwyte, wytese-wana riwiōhenanykemy. Tule aōbina bina aōmyd̄ȳnana widȳȳōmy.

2

¹ Waseriōre mahādu, kaiboho Inynyr̄y Jesuisi Kristu, tetyhynytenyte loosōna wedu tii rare. Tai iny wiribi lahitxiōmy, wiweseweselemy iny-di atximahābenyke. ² Kie inyō tahe dohod̄ȳnawo-ō kanalōkeki, womati debo t̄yr̄r̄y-di tywihik̄y-di kanalōkeki, tahe tule iny aōkōdu mahāduō kanalōkeki. ³ Kai tywihik̄y dinodu-ō marybekeki: Kaō bodonyke ry-nawihik̄y-ō. Tahe marybekeki iaōkō-ō: Kiakile myike lamalemy ada bede-txi aōbo bonyke. ⁴ Kia wese wiribi hitxid̄ȳ-ki tat̄ȳnymyh̄ȳtenyte, araykyreny rabinamy kia wese tumahāre. ⁵ Boholake, waseriōreboho, kaiboho juhuu iny aōkō mahādu wese toite. Iribi ityhy ityhyd̄ȳdukōdu mahādu iaōrarumy roirekemy, kaiboho Deuxu weselemy tadeletenyte atyhyna òraru-ki. Aratamyh̄ȳreny inatyhyna-di ityhyd̄ȳduy boibekemy, tule kaiboho kowa biu-ō hena bitabenykre. Deuxu dori rarybere: —Waluudu mahādu tuu aris̄nykre. ⁶ Kiawese, kaiboho urimynodu derarenyre aōhebo tat̄ȳnyteri. Ityhy mahādu tahe ararut̄ȳk̄nymyh̄ȳre tule aradyrenymyh̄ȳre soldadu dohod̄ȳna heto-ō. ⁷ Tiiboho tule Kristunimy aōbinamy rarybemyh̄ȳrenyre. Kaiboho ini-di texininimyh̄ȳtenyte. ⁸ Kia bede ywina rybe-ki roire: iwese ixiluure wese, aerykōdu mahādu luuke, wery mahādu wahe, abireludu wahe. Kia bede ywina biywinykeki, awimy bot̄ȳnymy mabeke. ⁹ Tahe iny wiribi lahitxinykeki, taōrarunyteri, teywinyōteri. Bede ywina aōkō atximahāte. ¹⁰ Inyō tahe bede ywina rybe ibutumy riywinykeki, tahe sohoji aōmyd̄ȳna riywinyōreki, tai tahe bede ywina rybe ywid̄ȳdu aōkō ratxireri. ¹¹ Deuxu tarybe ririre. Kia rarybera: —Òta òta widȳȳōmy. Tule rarybera: —Rubud̄ȳōmy. Tai òta òta biwinyōkeki tahe inyō terubunyteki, kai bede ywina rybe yrubud̄ȳdu aōkō atxiteri. Òrarudumy tate. ¹² Iwese iny bede ywina rybe-di t̄myra ahābenyke. Deuxu dori bede ywina-di arararutx̄nyrenykre. Taita òbitimy bot̄ȳnybenyke, marybebenyke. ¹³ Inyō riwotōenyōmyh̄ȳkeki, tule tamy riwotōenyōleke tawiribihitxinatxu-u. Wotōed̄ȳna wiribihitxina ratyre rare.

¹⁴ Waseriōre mahādu, inyō rarybekeki: —Jiar̄y watyhyna ijōdire. Tahe iaōmyd̄ȳna wihik̄y-di aōkō rare. Kia tahe aō aōkōhyky heka rare tamy. Ityhynale kahābu ritakekō aōbo. Tahe reruinyreri. ¹⁵⁻¹⁶ Inyseriōreō tyy, r̄ys̄na ihoōke-wana. Tahe inyō tamy rarybekeki, ywina-di bōhōnyke, aheto-ki biroxikemy. Tahe aō riwahinyōra tyy, r̄ys̄na-wana. Aōbohe irybe rare. Aōkōhykyre irybe. ¹⁷ Kiawese taheka kia hābu inatyhyna rare, iaōywid̄ȳna ihoōkeki kia ityhyna ihoōke wese rare. ¹⁸ Inyō rarybeke-wana: —Kai atyhyna dire. Jiar̄y waōwid̄ȳna ijōdire. Biteōsinyke wadee atyhyna sohojile tamyreny wina-di aōkō. Tahe jiar̄y tamyreny waywina-di adee ariteōsinykre kia òraru-ki bobike jiar̄y Kristumy retyhynyrimy. Watyhyna iny idiōre waōwid̄ȳna ijōdre-wana. ¹⁹ Kai bityhnyke Deuxu sohojile raremy. Kia tahe awire urile diabo tyytybybina tule Deuxu rityhnyre. Tai ilau ruberumyh̄ȳre. ²⁰ Inatyhyna iaōmy

widÿÿnana ihoôkeki, aô aôkô wese rare. Kia tetyhynyôlemahâte aôbo, hâbu itxÿtere. ²¹ Inylabiereny Abraô tariôre-di Ijai rixiwenykemy idi ratximyhÿu, kia-ki Deuxu riôbitinyre. ²² Tabimahâte aôbo. Abraô tatyhyna iwidÿÿna-wana aôna aôna riwinyre. Ityhyna riwiôhenanyre. ²³ Tahe iwese ritidÿÿnamy roire wesemy tuu rotÿÿnyre aômybo heka rarybera Abraômy: —Boholake, Abraô heka Deuxu rityhynyre. Tai Deuxu tii riôbitidÿÿnanyre. Tule, Deuxu tabiôwamy rininire. ²⁴ Betehebeny ini. Inyô iôbitidÿÿmy ronyke-wana inatyhyna sohojidile aôkô tii ihÿke, tahe iwidÿÿna-di tule wahe. ²⁵ Ijôre tahe: Raabe, aderanamy raremyhÿ. Iribi tii Deuxu rybedeôdu mahâdu riyrubunyra rubu lau, tahe riteônyre rywasi wixira-di. Kia widÿÿna Deuxu Raabe riôbitidÿÿnyre. ²⁶ Iwese umy tyytyby-di aôkô rubumy rÿimyhÿre wese, tule inatyhyna sohojile aô aôkô rare tamywina-di aôkôreki heka rubu wese rare.

3

¹ Uritere, waseriôreboho, bedeerydÿÿdu mahâdumy aôkô ixi-di norenkômyke. Ibede ônana hitxina txuu dorihe aônihikÿkre bede erydÿÿdu mahâdu dee. ² Inyboho ibutumy sôwemy ôraruna-txi aôu aôu resemyhÿreny. Inyô tarybe-ki raôrarunyôkeki, tii iny ôbiti rare. ³ Iwese awaru iny riraômyhÿre wese taumy ibutumy riraômyhÿre. Awaruru-ki jurarôsôna rirutymyhÿreu, tii irarôsôna-di rare. Tai tahe awaru iny riywinymyhÿre iumy ibutumy iny riraômyhÿre. ⁴ Betehebenyke iny heôty lawô nihikÿ-ô irarôsôna iyjatyhyre tahe irarôsôdÿÿdu idile riraômyhÿre titxibo inonana-ô yhy nihikÿ iwetxi kedeakreki, ihârele irarôsôna riraômyhÿre. ⁵⁻⁶ Iwesele iny dôrôtô rare. Iyjatyhyre ihârele aônihikÿmy rarybemyhÿre. Betehebenyke iny heôty helÿÿresi iyjare, ihârele ôtiranihikÿ ritoonymyhÿre. Dôrôtô tahe heôty wese rare. Sôwemy heka ôraru riwinymyhÿre. Dôrôtô bede aômydÿÿnanabina dinodu wese rare, inyumy susudÿÿdu dôrôtô rare. Sôna bede tôtee-ribi diabo mahâdu-ribi heka nade. ⁷ Ibutumy irôdu brebuna, nawii wixira wixira, irôdu beraludu, utura, riinytyhydÿÿnymyhÿre. Iny mahâdu iratyre irurudÿÿna dire. ⁸ Inydôrôtô inyô tahe riinytyhydÿÿnyôtyhy. Ibinatyhy rare. Rubudÿÿna uri-di ratxireri. ⁹ Inydôrôtô-di Deuxu inytybymy iny reâlâmyhÿre tule idi inymy raujômomyhÿre. Deuxu ixiwesemy iny riwinyre, ihârele iny wimy raujômomyhÿre. ¹⁰ Inyô tary-di Deuxu rirowôwydynmahâre tule idi ujômomy reamyhÿre. Waseriôreboho, kiamy aôkô idi boibeke. ¹¹ Beijirana-ribi ibree ihÿre-wana wiule heka rôhônÿôtyhy. ¹² Ôwôru inatxi wiribi lahixire. Ijô aôbo wiraty-di raratynyke aôkôre? (Figueira azetonamy raratynyôtyhy) Videira figomy raratynyôtyhy. Juwyrabe hâloo-ribi bebreke rôhônÿôtyhy.

¹³ Inyô bederykeki ibedeerynadikeki, tii ywimy ratximyhÿke. Ibutumy ôbitimy ratxirerimy aô riwinymyhÿremy rexityhynymy ixidi rôhôtinyôtyhy tyhymy rabekemy. ¹⁴ Kaiboho awo-ki ixiburena ijôdikeki, inywixira hârosu ijôdikeki tai tii deysamy atxiôke tai tuu marybeôke. Kai ruiwidÿÿômy. ¹⁵ Kia bedeeryna biu-ribi aôkô nade, bederibile, iny hârosu diaboribile nade. ¹⁶ Inywixira hârosu ijôdike-wana, tai jei jeina rare. Ibutumy aôbina bina. ¹⁷ Bedeerydÿÿna biu ludu juhule ôbiti rare, idi ywina rare, rutaôna rare, wityhyna rare, ruxetôena rare. Awihyymy nodu widÿÿna rare. ¹⁸ Ôbitina aôu aôu kanakre ywinawidÿÿdu-ô. Iwese aloborodu rehumyhÿre wese, tiiboho ywinamy rekoamyhÿreny.

4

¹ Aõherekibo ayreny-ki jei jei rỹimyhỹre. Awo-ribi namyhỹde arayky-wydyna ribi. ² Kai sõwemy aõdikemy tahõtinyinmahâte aõhebo aõkõ tetate. Tahe teribunymahâte. Inywixira aõmydỹyna-di õbire, tahe aõkõre. Tai aõbina tetelenymyhỹte ijei jei-di. Aõ ijõõre textitõenyõma hâteki. ³ Textitõenyteki, tetaõmahãtenynte. Teõsamy dori textitõenymahãtenynte. Ix-idee sohoji dehunalemy tahõtínamahãtenynte aumydeewimy behukelemy. ⁴ Bede aõmydỹynana luudu mahãdu heka Deuxu õludumy ihỹre. Kia aõbo teeryõtenynte, õbitiõna, mahãdu. Inyõ bede aõmydỹynana bina biõwamy ratxikeki, Deuxu õludumy rare. ⁵ Aõ aõkõ aõbohe rybe riti kawese roire: Aõhe rare. Deuxu taTyytybytyhy inywo-ki heka Deuxu risỹdỹynymyhỹre. Tai tahe iny-di riijetyhymy ratximyhỹre. Aõbo heka kia rare? ⁶ Tii tahe iny rirurteredỹynymyhỹre. Kawesemy ritina rarybere: —Ixiwedu mahãdu heka Deuxu ixi-ribi rirehedỹynymyhỹre. Tahe ruxetõena sõwemy ixiwedekõ mahãdu-õ riwahinymyhỹre. ⁷ Deuxudeewi biwinymahãke. Diabo ixi-ribi birehedỹynykeki, tahe tii aribi rahenyke. ⁸ Deuxu-õ bexiõhõdỹynykeki. Deuxu adee rexiõhõdỹynkre. Õrarudu mahãdu, ebõmy bexilyraranyke aõraru-ribi bexitake, rybe inatxi mahãdu, araykyworeny biõbitinybenyke. ⁹ Mabedewoke, bobuke, mahinyke aõraruna õraru-ki. Ajuedena-ribi arube rytynyke, eysa-ribi mabedewomy atxikemy. ¹⁰ Ayrubumy Inynyrỹko-txi boibekeki, tii arata-madỹynyke; tii ixideewimy riwinykemy.

¹¹ Waseriõreboho, uritere aõmy wimy ryberenyõmy. Inyõ taityhydỹyduseriõremy tuu ibinamy rarybekeki, iaõna aõna riaõkõkeki tii bede ywina ibinamy rarybereri. Bede ywina rybe riaõkõdỹynyereri. Inyõ bede ywina rybe riaõkõnykeki, tii bede ywina ywidỹydu aõkõ rare. Tii bede ywina rybe hitxidỹydu rare. ¹² Deuxu sohojile dori bede ywina hitxidỹydu rare. Bede ywina dohodỹyna dinodu tii rare. Tii itarasadỹydu rare ihãre irubudỹydu rare. Mobohe kai atxiteri; abireludu hitxidỹydu aõbo texinohõtidiỹynyteri? Aõkõre.

¹³ Boholabenyke, tuu tarybetenyteri: wijile aõbo ada biurasõmy aõbo rokoirenykre hãwãõ-õ. Tai bededỹynana sohojimy rikierenykre. Tai nieru tarasamy rakaõmysỹdỹyrenyke. ¹⁴ Txiohe rare. Kaiboho dori teeryõlemahãtenynte aõhebo bede rotỹynyke. Timybo mabekre? Iwese biuwetyy yja aõwesele rexihymyhỹre wese heka timybo mabekre? Kiawesemy aõkõ marybeke. ¹⁵ Kamy heka marybeke: —Inynyrỹdeewikeki iny rummy rokoireke, tai tahe kia ada kowa aõbo rikiwinyrenyke. ¹⁶ Iwese wiji ratximyhỹre wese. Biurasou aõnihikỹ widỹydu marybekeki, kia tahe awi aõkõ rare. ¹⁷ Inyõ aõwiwidỹy rierykeki, tahe riwinyõmyhỹ-wana kia rexiõrarunanymyhỹre.

5

¹ Boholabenyke warybe-õ ityhy mahãdu. Mahinybenyke, bobubenyke aõhõkỹmy botỹynbenykreki. ² Aõmydỹynana wiwihikỹ rabinamy rỹire. Atyywytyhy isibrey tysini rirõre. ³ Aorotỹrỹrỹreny awomatiurareny raruxinyra tabededỹynana riõnonyrerimy. Anieru susudỹyna awobiredỹynamy kiditynnykre. Iwese dee heõty risõmyhỹre wese, kia sudỹy anasõmyhỹkre. Aõna aõna sõwemy ixidee tebutunymahâte kia atxukonana-õ. ⁴ Abaderõwysydỹydu õwydỹydu aõkõ dori kai tahe. Kai ixideele tebutunymahâte iribireny tawasinymahâte. Tiiboho rahinymy

rirajuamyhÿreny tahe kia wysydÿÿdu mahâdu hina-ò Deuxu roholare. Tii ruru mahâdu wedu rare. ⁵ Kaiboho abeòrareny teònonytenyteri isikile. Ixideehyyle texideysadÿÿnymyhÿte. Ibutumy aòbo adeereny wiwi ixidee temyteny, iwese rubutxudÿÿnatxu broreni riòwenymyhÿre wese. Kai ahâte. Deuxu akanarubunykre. ⁶ Òbiti mahâdu teteònymahâte terubunymahâte. Tii tiu adee rexiòwnyòtyhy.

⁷ Ixieleledÿÿòmy tahe waseriòreboho. Inynyrÿ kanakreu. Betehe inihe. Òworudu heka taaòwi riraòmyhÿre biu bedeu. ⁸ Kia wese kaiboho tule eleelemy aòkò hiraòmyhÿke aworeny-ki heximymyhÿbenyke, Inynyrÿ nonana dori iòhòrehe. ⁹ Waseriòreboho uritere wimy ibinamy ryberenyòmy Deuxu dori arahitxinyreny. Ihitxidÿÿdu nonana tahe iòhòre ijòkiwesele riijemy rÿimyhÿre. ¹⁰⁻¹¹ Waseriòreboho ihetxiu Deuxu rybemy rybedu mahâdu iyrubumy rÿiramyhÿ. Iwese tiiboho rÿiramyhÿwese boibeke aòhòkÿmy dÿÿnana-ki rare. Kia aòhò kÿmydÿÿnana-ki òbitimy rotÿÿnymyhÿre. Iwese Jòò iyrubumy raremyhÿre taholamahâteny. Tule iwese ionanau Deuxu riwiòhenanyre wesemy teeryteny. Inynyrÿ dori ruxetòenatyhy-di rare làhànatyhy-di.

¹² Ibutu ratyre waseriòreboho inatyhymy sohojilemy marybeke ijò rybemy rybeòmyke Deuxu arybe ritxiònyòtyhy. Aòna aònamydÿÿnanaribike aòkò iximyhÿyle marybeke. Kohemy marybekeu kohelemy marybeke. Aòkòmy marybekeu, aòkòlemy marybeke. Kawese-ki inyò aratxiònyòkre.

¹³ Inyò aòbo ayreny-ki aòhòkÿmy rotÿÿnyreri. Tahe tai bexitòenykre. Inyò aòbo ayreny-ki teysamy ratxireri. Àlanawi-di tii wana mawiunykre. ¹⁴ Inyò aòbo ayreny-ki webinadumy roireri wana. Tahe dohodÿÿna rybedu mahâdu-ò tamy bididybedenyke tamy rexitòenyrenykemy. Adÿÿ ityre ritxiwikemy Inynyrÿni òraru-ki. ¹⁵ Ixitòedÿÿna tyhynale webinadu riteytenykre. Inynyrÿle ritamahÿÿnykre. Tii òraru-ò raòrarunymyhÿke-wana Deuxu iòraru riixâwidinyke. ¹⁶ Iny wiò wiòmy aòna aònarenymy belyybenyke. Wiò wiòmy wii biixitòedÿÿnybenyke, ibutu-ribi beytebenykemy. Inyòbiti ixitòedÿÿna irurudire, aòna aòna sòwemy riwinymyhÿke. ¹⁷ Eliasi heka inywesereny rare. Tii rexitòenyhyymyhÿre biu ròaòtyhykremy bede-ò. Tahe inataò beòra-di biu ròaòhyyre. ¹⁸ Tahe ixityre rexitòenyre. Tai biu ròare. Tahe oworu-ki ixityre aòwi ruhunyre.

¹⁹⁻²⁰ Waseriòreboho, inyò ay-ki inatyhyna-ribi ròhònykeki. Inywitxira tuu rarybekeki, teòsary-ribi ridykeki, tahe ityytyby ritara, rubu konana ixâwina lau sòwemy araru-di riixâwidinyre. Kie.

1 Pedro 1 Pedro Tyyriti

¹ Jiarÿ, Pedro warybe ritina rewahinyreri ubÿtÿ deòdÿÿna jiarÿ rare. Ibutumy judeu mahâdu-ò rewahinyreri Ponto-ò, Alatxia-ò, Apadosia-ò, Asia-ò, Bitinia-ò. ² Kaiboho heka iitxe itxemy toite Deuxu Inytybyreny-ò, Deuxu Tyytybytyhy araòbitinyrenyra, Jesuisi Kristu bityhynybenykemy tule tahãlubu-di arasebenyrenykemy. Wiòhedÿÿna sòwemy ywina-wana adeereny kanakemy watxireri.

³ Ibutumy àlàna Deuxu Inynyrÿ tyby-ò rikiwahinyrenyke. Tii dori sòwemy ruxetòena inydeereny diwahinyde. Tai inyboho ixityre reamyhÿrenyre ratybienyrenykemy Deuxu sÿ mahâdu wo-ki. Inyboho wijile iraròsonareny dire, Kristu rubu-ribi rexixareki. ⁴ Tii wiòhedÿÿna wiwihikÿ inydeereny ririre. Biu bedekile riyrubunumy roire. Tiu rasunyòtyhy, retybyòtyhy, iruxerahakÿlemy lyrahakÿlemy roire. ⁵ Deuxu tarurusòwe-di arayrubunyrenyke kia wiòhedÿÿna bitabenykemy tetyhynyteki. Tarasana heka kia rare. Ikonanatxu Deuxu bedexiteòsinykre. ⁶ Tai tahe beysabenyke. Bededÿÿnana tòbò reakreu, mabedewobenykre òsana aòmydÿÿnana sira òraru-ki. ⁷ Tii tahe kawese-ki atyhydÿÿnareny ityhymy ròhònykre. Atyhydÿÿnareny womati tÿrÿrÿhÿkÿ òwy ratyre iòwy dire. Tiu rabinaòtyhy. Heòtyru-ribi womati tÿrÿrÿhÿkÿ ròhònyre wese atyhynareny kòdòhònykre àlàna, wowydyna, luuna Jesuisi Kristu-ò, tii kedehemyntykre. ⁸ Kaiboho tuu tabitenyòte ihãrele tuure. Tetyhynytenyteri, tai tahe tÿxihikÿlemy deysatyhy-di ahãtenyete. ⁹ Tai atarasadÿÿna-di teteheteri, tetyhynytenyteki. ¹⁰ Juhuu Deuxu rybedu mahâdu ritÿÿraxinyra kia tarasanamy. Tule wiòhenadÿÿmy rarybere adeereny kanakemy. ¹¹⁻¹² Idi tahe dierydenyde ibededÿÿnanau kanaòkre urile ihewo-ribi kanakremy. Katahe adeereny reare Deuxu Tyytybytyhy nade òraru-ki. ÿju mahâdu dori tamywimy tuu rieryrenykemy ihÿrenyre. Jesuisi Kristu aòhòkÿmy dÿÿnanamy tule toosònadÿÿnamy rarybemyhÿrenyre, tiubedemybo kia kanakemy riijemyhÿrenyre.

¹³ Arayky-ki birarutxynybenyke wereysana rara rotÿÿnymyhÿre wese. Òbitimy maraykynybenyke wiòhedÿÿna-di bidimybedenykre-ki Kristu kedehemyntykre. ¹⁴ Wijile kaiboho ywimy nodu riòre wesemy boibeke. Iwese juhu aykaraòtamy tatÿÿnymy tatemahã wese noòmy, abedeerykòmy tatemahãu. ¹⁵ Iweseòmy. Uritere adee rybedu òbitimy raremyhÿwesemy kaiboho ibutumy tuu botÿÿnybenyke kia-ki òbitimy boibeke. ¹⁶ Raritinymy dori rÿire: —Òbitityhymy boibeke, jiarÿ dori òbitityhymy raremahã. ¹⁷ Deuxu iny wiribi rihitxihitxinyre aòbina bina widÿÿ òraru-ki. Deuxu wiwese wesele iny luure tuu rarawetyynyòhyymyhÿre. Iwese bodee textitòenmahãte wese tamy bedeerykò rira wese boibeke. ¹⁸⁻¹⁹ Kia teerymahãtenyete tuu ararybekre. Ixinamy rexihumyhÿredi aòkò iwese womati tÿrÿrÿhÿkÿ iurahakÿ-di aòkò atarasanareny riòwynyre. Tahe Kristu hãlubu-di aòhebo ibina botÿÿnybenyke-ribi textitatenyta aòwidÿÿnabo booreny-ribi teerytenyaki. Kristu tahe budoeni òbiti lyrahakÿ wesemy rare. ²⁰ Tii juhu bededÿÿnanau taumy rubu-ò riwahinykremy rexieriyyymy raremyhÿ, wijile kaò nade rurukremy aluunareny òraru-ki. ²¹ Tule Deuxu tety-

hynymahätenyete Kristu òraru-ki, Deuxu rubu-ribi riixixadÿÿnyre tahe tama loosòna riwahinyre, tai araròsònareny aityhydÿÿna Deuxu-ki roimyhÿre.

²² Kaiboho atytyby tesurònanytenyete inatyhyna dori teywinytenyeta. Tai tahe wiluuluutyhymy rakatxirenyke. Wiluummy wesenadÿÿrenyòmy atximahätenyete. ²³ Wiji umydÿÿna juhu wese aòkò iny bòtòdÿÿna raumy-dÿÿre wiji tahe Deuxu Rybe aumydÿÿnamy ihÿre. Kia tahe ituerenyòtyhy. Umytuedeòna diwahinyde. ²⁴ Iwese ryberiti rarybere wese:

—Ibutu iny asi wese rare. Inyloosòna asi noijesa wese rare. Asi ramoenymyhÿreu tøjesa rejuxunymyhÿre.

²⁵ Deuxu Rybe tahe aòu aòuhyy rÿira. Rexihuòtyhy rÿira. Kia rybemy tahe adeeremy rarybemyhÿre, Rybewihikÿ wahe.

2

¹ Ibutumy idi behuke ixi-ribi, aòbinatyhyna-di, rui-di, inywitxira aòmydÿÿna xibure-di aò ikòkòmy ujòmo-di ibutumy. ² Tahe iwese tohouã howÿsy luure wese rybe-ò bexiborenanyke. Atytyby howÿsyna wese rare. Idi maumynykemy tarasana inatyhy-ò. ³ Wanyrÿ dori wihikÿ rare. Kia teerytenyete. ⁴ Tamy bodoibedenyke. Tii dori manairuhykÿ wese rare. Heto tira widÿÿdu kia mana-dí rehura. Tahe Deuxu dee kia ixitarasanamy rare. Awimy heka tai rahare. ⁵ Kaiboho tule mana iruhukÿ wesemy tòmahâte heto òbiti wesemy aijòreny-di kanaijedÿÿnydenykemy. Xiwena wedu mahãdu òbitimy boibeke, Deuxu dee wina xiwedÿÿna òbiti biwinybenykemy Jesuisi Kristu wowydynamy. ⁶ Kawese dori Ryberitina-ki rÿire: —Betehebenny inihe Siaò bede-ki iny mana heto tiramy iwidÿÿ wesemy ritidire. Tii aòwihikÿtyhy wadee rare. Kia iny rityhynymyhÿkeki, tiu raixÿruòtyhy bede òtiidÿÿ ribedewonyòtyhy. ⁷ Kaiboho ityhydÿÿdu mahãdu, adeeremy tii aòwihikÿ rare. Ityhydÿÿdukòdu mahãdu dee tahe kawese tii rare: —Hetotirawidÿÿdu kia mana-di rehura. Kia mana tahe wiji juhuludu mana ritidimy roire. ⁸ Tule ijò kiamy rare: —Mana idireny kedesedenykre. Kia mana awi aòkò tamyreny rare. Reserenykre rybe ritxiònymyhÿrenykeki Deuxu heka rierymyhÿre reserenykre. ⁹ Kaiboho tahe iny iitxese itxesemy aratarenyete, xiwena wedu mahãdu òbiti boibebebenykemy, inyijoi òbiti boibeke, Deuxu hòrò mahãdule, iruxeranamy marybebenykemy adee dori bededorohokÿ-ribi anadydenyde taloosòna wiwihikÿ-ò. ¹⁰ Kaiboho juhoo inyijoi aòkò toitemahã tahe wiji Deuxu taijoiny aratara. Juhoo ruxetòena tuu inyò riwahinyòhyre adeeremy, wiji tahe tii riwahinyra adeeremy.

¹¹ Waluuna mahãdu adeeremy ararybekre. Kaiboho iwitxira bedeludu mahãdu wese atximahätenyete. Uritere òtaòtarenyòmy atytyby òludu dori kia rare. Atytyby aòbina dÿÿnana adeeremy diwahinyde. ¹² Ahotiludu mahãduy-ki òbitimy boibeke. Tai omy ibinamy rarybekeki, tiiboho aumytuedeònamy robimyhÿkemy tahe Deuxumy kidoosòndÿÿnadenykre Deuxu hitxidÿÿna txuu.

¹³⁻¹⁴ Bede dinodu bede ywina rybe biywinyamahãbenyke Wanyrÿ òraru-ki Iòlòrybe, aòbo kai deòdu rybewydydu aòbo ibutumy birarenybennyke. Iòlò deòdu mynyduhykÿ doidenyde aòbinahakÿ widÿÿdu aòhòkÿmy risÿnymy rimymy risÿdÿÿnykemy ritamadÿÿnykemy tule

aõwiihikỹ widỹydu ritealådỹnykremy. ¹⁵ Aõwi wihikỹ widỹy-na-di kai-boho hãbu bina biyrydỹnybenyke. Kia Deuxudeewi rare. ¹⁶ Kaiboho hãbu ixihyyludumy ahãtenyete urile aõbina bina widỹyõmy boibeke. Deuxu deõduweselemy boibeke. ¹⁷ Iny ibutumy iõsana biywinyke. Ity-hydỹydu seriõre luumy boibeke. Deuxu biwowydynybenyke. Iõlõ bede dinodu biwowydynybenyke.

¹⁸ Deõdu mahãdu, awedu bityhynybenyke awedu wiwihikỹle-ò sohojile aõkõ ibina bina-wana dori bityhybenyke uritere bedeõtidiỹmy rỹiõmy. ¹⁹ Aõbina riwinyõhyymyhỹre deõdu tawedu-ò. Tahe wedu teõdu-ò aõhõkỹmy risỹnyre. Deõdu riõludunymyhỹre aõmy rarybeõhyymyhỹre, Deuxu rityhynymyhỹreki. Kia wese tahe Deuxudeewina rare. ²⁰ Iny raõrarunymyhỹkeki, tai tahe õhõtenamy inyboho ratximyhỹrenykeki, aõloosõna widỹy-na bohe kia rare. Inyboho riõludunymyhỹreki. Aõwiihikỹ widỹy-na-di inyboho ywina-di õhõtenamy riõludunymyhỹrenykeki, kia Deuxudeewina rare. ²¹ Kaiboho biõludunymyhỹbenykemy tai iitxemy aratarenyra. Kristu tule dori õrarureny-ki aõhõkỹmy rotỹyenyre. Iwese timybo tii riwinyre wese kaiboho biwinybenyke. ²² Kristu dori tiu raõrarunyõtyhy, tule aõbinahakỹmy rarybeõtyhy, raruiõtyhy. ²³ Tamy adebure irãmy rryreuwobinamy aõkõ dirawyõnyde. Rihetenyreu, aõma aõkõ dirawyõnyde. Urile tii rexiwahinyre Deuxu dee. Deuxu dori õbitina-di rihitxidỹnyre. ²⁴ Inyõrarureny dori riwyre itxeõ nihikỹ tyre-ki. Tai tahe õraruna dee rakarurunyrenyke, tahe õbiti widỹy-na-ò rakatximyhỹrenyke. Kristu wotõmomy iny riteytenymyhỹre. ²⁵ Iwese budoeni reõsamyhỹre wese kaiboho toite. Wijile tahe kaiboho tõõsemy atxitenyete aitxeredu-ò atytyby wiõhedỹydu-ò.

3

¹⁻² Hãwyyreny, ahãbureny rybe bityhynybenyke. Tai inyõ ihãbu ity-hydỹydu aõkõkeki, tii kidityhynykre tahãwyyhe-ki, aõrybebo aõkõ roho-lareki ihe-ki robireki. ³⁻⁴ Hãwyy ruxerana heka ixidee itidisirenyõmy atximahãbenyke aõ taumy-ki ritidimyhỹre aõkõ hãwyy ruxerana rare. Aõ iwo-ribi teysare, Deuxu Tyytybytyhy widỹy-na inytyhyna tii tahe hãwyy ruxerana rare. Rade sihodỹytyhy ibutu ratyre aõkõ rare. Womati tỹrỹrỹ noho tule aõkõre, tyy wiwihikỹ-di rariamyhỹre tule aõkõre. Kia tahe Deuxu dee aõwiihikỹtyhy aõkõ rare. ⁵ Tule ihetxiu hãwyy õbiti tuu rotỹyenyre, tahãbu riywinyre, Deuxu rityhynyre. ⁶ Sara, Abraõ riõrese, tahãbu riywinyre. Itxi õhõtireny beake tawedumy tamy rarybere. Ki-aboho hãwyyreny iriõre riõre atximahãtenyete. Tai aõwiihikỹ widỹy-namy botỹynybenyke. Bededỹynana jei jei lau brebuõmy.

⁷ Hãbu mahãdu, kaiboho tule asỹreny-ki abedeeryna biyrubunybennyke. Ahãwyyreny biywinybenyke hõraõmy idi ahãbenyke, tiiboho dori itxõmotxirenyre iruruõrenyre. Iõsỹny bityhynybenyke. Wiwana Deuxu ruxetõena tarasadỹydu atximahãtenyete. Tai aixitõedỹynamy õbitimy hex-itõenybenyke.

⁸ Tahe kaiboho ibutumy widi mohõtynybenyke wiwesewesele. Ityhydỹydu seriõre dee tõena luuna-wana biwahinyke. Ruxetõena-di boibeke iny-ò ixityhydỹy aõkõ. ⁹ Inyõ aõbinamy adee rakeki, ixioõwydỹyõmy. Inyõ rybe-ki aõbinamy adee rakeki, irawyõdỹyõmy. Wityhymy tamy marybeke. Kia-õ tahe Deuxu aõwiihikỹ adee riwahinykre, tai ijõtxu Deuxu wityhynamy adee riwahinykre. ¹⁰ Tai

inyõ tabededỹnanaluummy ratxike-wana, tatxuu teysamy ratxikeki, tahe dõrõtõ rexitaake rybe bina lau iry riyryke wobina rybe lau. ¹¹ Aõbina bina-ribi bihenybenyke aõwiihikỹlemy botỹỹnymahãbenyke. Ywina biijemahãbenyke ywina-di ahãbenyke. ¹² Deuxurue tahe õbiti mahãdu-di retehemyhỹre. Tanohõti tahe ixitõena-ò riijohonanymy ronymyhỹre. Aõbina widỹỹnadu-ò tamyreny rayaranymy idi retehemyhỹre.

¹³ Kai aõwiihikỹ widỹỹlemy tiu matxibekeki aõhe iny adee rotỹỹnyõtyhy. ¹⁴ Kai õbitiwidỹỹ õraru-ki aõhebo bõtỹỹnykeki, deysamy atximahãke. Breburenyõmy iwese ilaureny ixiohãrudỹỹrenyõmy. ¹⁵ Urile Kristu awedurenywesemy bisỹnybenyke aworeny-ribi. Inyõ adeeremy aratỹỹraxinyke-wana aõherekibo Kristu tetyhynymyhỹtemy, kai bexiywinyhyy tamy ixidee rybena bydỹỹna biywinyhyymy idi ahãke. Arawyõdỹỹna ywina-di tamy marybeke iõsỹny bityhynymy arayky õbiti-di marybemahãke. ¹⁶ Tai tahe biixỹrudỹỹnyke umy ibinamy rarybekeki, tai dori õbitilemy Kristuko-txi tariamahãte. ¹⁷ Tahe Deuxu dee wikeki, aõwiihikỹwidỹỹ õraru-ki inyõ aõhõkỹmy rotỹỹnykeki, kia tahe Deuxu dee awi rare. Aõbinahakỹwidỹỹ õraru-ki aõhõkỹmy rotỹỹnykeki, kia tahe Deuxu dee awi rare. ¹⁸ Kristu tahe sohojihyyle rurure iny õraruna õraru-ki. Õbitiwidỹỹdu tahe rurure õbitiwidỹỹdu aõkõ õraru-ki, kaiboho ruruweselemy atximahãtenyete. Deuxu Tyytybytyhy direki kaiboho iruweselemy atximahãtenyete. ¹⁹ Kristu Tyytyby rara rotenawo-ò, tyytyby-õ ritỹnynymy rarybeke. ²⁰ Noe hãwu nihikỹ riwinyreu, Deuxu riraõmy raremyhỹu urile hãbu mahãdu rityhynyõmyhỹre. Debõ inataõ reurõ inymy rohonyre rubu-ribi bera-ò rabõrõrõre. ²¹ Wiji, kia sebedỹỹna ijyy wese heka rare. Tahe aõsebedỹỹna aõkõ iny tarasanare. Sebedỹỹna-ki Kristu rubu-ribi ixixana inyboho riteõsinyreri iny Deuxu-ò retehemyhỹre tarasana ritakemy. Bee tahe hãlubu surõdu aõkõ rare. Rexitõenymyhỹreki inywo rityranymyhỹre risuhõnymyhỹre. ²² Kristu tahe wijile biu bede ronyre Deuxu rurunawe-ribi tii jỹuboho, dinoduboho, rurunaduboho wedu Kristu rare.

4

¹ Tahe Kristu taumy-wana aõhõkõmy rotỹỹnyre. Tai tahe iwe-semy mohõtinybenyke. Inyõ dori aõhõkỹmy rotỹỹnyre. Tai tahe õraruna-ribi ixixãwididỹỹmy rõhõtinyreri. ² Tai kabede-ki iny bed-edỹỹnanareny uhe hãbu õta õtawidỹỹ nohõtina wesemy aõkõ rakatx-imyhỹrenyke. Deuxu deewina widỹỹna-ò rakatximyhỹrenyke. ³ Juhuu kaiboho sõwemy taõrarunyenye, iwese ityhydỹỹdukõdu mahãdu wiji rỹira wese. ⁴ Aõraru-ò biõwa mahãdu wiji bederiõtiinyre kai tii-wana taõrarunykõmahãteki iwese tiiboho naõrarunymyhỹdenyde wese. Tai adee ibinamy rarybemyhỹrenyre. ⁵ Tule tiiboho ywisidỹỹdu Deuxu-ò ri-rawyõnykre. Idi dori õbiti ywisidỹỹna-di rihitxidỹỹnykre iru mahãdu, rubumahãdu wana. ⁶ Tai tahe inyõ ituekre mahãdu-ò Rybewihikỹmy rarybemyhỹre iumy dori rihitxidỹỹnykre ibutu hãbu wesemy. Tahe ityytyby Deuxumy irumy rarekre.

⁷ Boholabeny inye, bededỹỹnana konana iõhõra. Tai tahe inatyhymy mohõtinyke Deuxu-ò õbitimy bexitõenykemy. ⁸ Ibutu ratyre wiluuty-hymy atximahãbenyke. Kaiboho dori aluunadirenykeki wiõraruna-di itxerekõmy ahãbenyke. Inyõ dori iluunadikeki, wiõraruna-di itxerekõmy ihỹke. ⁹ Iny wixira dee awimy rỹira, roraludu isỹõmy rỹira aheto-ò

bisÿdÿÿnyke. Bitÿhidÿÿnyke roraludu luumy atximahã. ¹⁰ Wii bi-wiòhenanymy ahãbeny iwese bede teerytenyete wese biwiòhenanybenyke. Deuxu wiòhedÿÿdu wiitxura wahidÿÿdu wiwihikÿmy boibeke. ¹¹ Inyõ rarybeke, Deuxu rybedile kana rybeke. Inyõ reòbykeu. Deuxu ruudile kededòbyke. Tai tahe Deuxule loosòna kia-ribi kanatake Jesuisi Kristu òraru-ki ibutumy aõna aõna-di. Aõu aõu ibutumy ruruna, loosòna Jesuisi Kristu hõrõ rare. Kie.

¹² Waluuna mahãdu, ixibedeòtiidÿÿõmy bede aõmydÿÿnana sira adee kanakreu. Kia tahe aõ bredudÿÿna aõkõ rare aõhebo adee kodotÿÿnykeki. ¹³ Tÿxihikÿlemy deysa-di atximahãke kia aõhõkÿmy dÿÿnana dori Kristu aõhõkÿmy dÿÿnana-ò biòwa atximahãte. Idi tahe tule kedey sake Kristu loosòna òraru-ki. ¹⁴ Inyõ adee ibinamy Kristuni òraru-ki rarybekeki beysake. Kiau Deuxu Tyytyby heka loosòna sòwe-di atyre-ki kanakre. ¹⁵ Kaibohoõ rubudÿÿrenyõmy, wasirenyõmy, aõna aõna bina widÿÿõmy, inywitxira aõwysyna-txi ròte. Kiake-wana iòwydÿÿnany aõhõkÿmy botÿÿnybenyke. Tii dori wadee awiõre. ¹⁶ Inyõ tahe aõhõkÿmy rotÿÿnykeki, ityhydÿÿdumy rare òraru-ki tai ixryuõmy mabeke. Urile Kristunimy riwowydnykemy idi rare. Bededÿÿnanahe rehemynymy roire ityhydÿÿdu mahãdu-di rihitxidÿÿnanymy riteranykemy. ¹⁷ Tahe inydee ywisidÿÿna ritelenykeki, timybohe Deuxu Rybewihikÿ ityhydÿÿdukõdu mahãdu-ò kòdòhònykre. ¹⁸ Ryberiti-ki roimyhÿre kia: —Òbiti mahãdu dee tarasana isirakeki, timybohe òrarudu mahãdu ròhònyke. ¹⁹ Tahe inyõ Deuxudeewi òraru-ki aõhõkÿmy rotÿÿnykeki, Tatytyby Deuxu-ò rawahike tahe aõwihikÿ widÿÿmy rareke. Deuxu dori aõu aõu iny widÿÿdureny rare; iny wiòhedÿÿdureny rare.

5

¹ Ityhydÿÿdu-ò itxeredu mahãdu-ò aritohonykre ararybekre. Jiarÿ tule itxeredu-ò rare. Kristu aõhõkÿmy rotÿÿnyreu, jiarÿ tuu rabire. Taloosòna kiditeòsinykre jiarÿ awana watxire tewebromy rik-itarenymy. ²⁻³ Biwisinanyke aityhydÿÿdu butuna iwese itxeredu budoeni-di retehemyhÿre wese idi beteheke. Ixideewimy kia biwinyke. Inywitxira deewimy aõkõ. Aõ nieru tarasa sohojilemy aõkõ, ityhydÿÿdu wiòhedÿÿmy. Aõ ityhydÿÿdu wedu wesemy aõkõ bisÿnybenyke, urile bexideòsinyke iwese ityhydÿÿdu òbiti rÿira wesemy. ⁴ Tahe itxeredu mahãdu wedutyhy kedehemyneke, tii adee kidiwahinykre loosòna araheto. Tii tiu toosò ixãwiòtyhy. ⁵ Itxeredu mahãdu tÿmyra bierybenyke itxeredu mahãdu matuari-ribi widee ixiwedeõmy ahãbenyke. Ixiwede mahãdumy dori Deuxu rawetyynymyhÿre. Ixiwede aõkõ mahãdu-ò tahe ruxetòna riwahinyke.

⁶ Ywimy ahãke Deuxuru-ò iximy xiwedeõmy. Tii dori bede òbiti kanakeu akanaloosònykre. ⁷ Aõmydÿÿna witxira witxira biwahinybenyke Deuxu-ò tii dori arawisinaymyhÿrenyke. Anawiòhenanykre. ⁸ Bexihãrubenyke aòludureny Satanasi-ò. Òbitimy mohòtinybenyke. Tii dori leaò reburemyhÿre wese rare. Tii rariarerimy ihÿre tibo riròkemy. ⁹ Atyhynatyhy-di idi bexiumynyke. Aityhydÿÿdu seriòre-dori awana aõhõkÿmy rotÿÿnyeri kia ixiradÿÿduhukÿle-wana. ¹⁰⁻¹¹ Iny Deuxu ruxetòenatyhy rÿire. Kaiboho urihimyo aõhõkÿmy botÿÿnybenyke

akanawiòhenanykre, akanarurudỹỹnykre, akanaòbitidỹỹnykre, anaijohonadỹỹnykre. Ibutumy ruruna ihõrõmy aõu aõu rarekehyyemy idi watzimahãre.

¹² Kia waryberatiyla Sila-wana adeereny riritinyre. Tii iny seriòereny òbityhy rare. Jiarỹ rarybereri kia Deuxu wiòhedỹỹna inatyhy rare. Kaiboho idi tyhy mohõtinybenyke. ¹³ Kowa hãwyy Babilonia hãwã ludu tule tarybe weityhyna adee diwahinyde. Tii tule itarasana mahãdu-ò. Tule wariòre Marku arãrybeweityhynanyreny. ¹⁴ Widee buòbenyke narybewehityhynanyde. Ywina adeereny kanakemy watzireri Kristu tetyhynmahãtenyteki.

2 Pedro 2 Pedro Tyyriti

¹ Jiarỹ, Simaõ Pedro, Jesuisi Kristu deõdu rare. Jesuisi Kristu rybemy rybedu rare. Warybe ritina rewahinyre ityhydỹỹdu mahãdu-ò, Deuxu ywisidỹỹna mahãdu-ò, Jesuisi Kristu inyтарасadu òbitina òraru-ki, inatyhyna inyboho ijõdirenyreki. ² Ruxetõena wiõhedỹỹna-wana adeeremy kanakemy watzireri Deuxu erydỹỹna-ki, Inynyrỹ Jesuisi erydỹỹna-ki. ³ Tahe Deuxu rurutyhy-ribi inydeereny aõna aõna sõwemy riwahinyrỹre òbitimy inyboho rokoirekemy iny bededỹỹnanareny-ki. Tii inyboho ridyrenyre taloosõna òbitiwo-ò, tii inyboho rieryrenythyreki. ⁴ Tai inydeereny tuu rarybere, sõwemy aõna aõna kanakremy awityhymy inydeereny kia rybe rare. ⁵ Kia rybe bityhynybenykeki, bede aõmydỹỹnana bina-ribi bexitabenyke, òta òta widỹỹna-ribi bexiebenyke. Tule Deuxu rayky wesena-di urihimyo boibeke. ⁶ Tai tahe ibutumy aruru-di maruronyke aityhydỹỹna-ò òbiti widỹỹna bibutunyeke, kia-ò bedeerydỹỹna bibutunyeke, kia-ò ixiwedudỹỹna bibutunyeke, kia-ò widỹỹnahyyna, kia-ò òbitimy nonana. ⁷ Kia-ò ityhydỹỹdu seriõre luuna, kia-ò wiluuna bibutunyeke. ⁸ Kia aõna aõna dori awo-ki ratximyhỹkeki, rexiòlõnykeki, arawiwõhenanykre Jesuisi Kristu Inynyrỹ bierybenykemy. Tai ityhydỹỹdu wihikỹmy boibekemy. Iny witxira biwiõhenanybenyke. ⁹ Kia aõna aõna inywo-ki ratxiõmyhỹkeki, tii heka iruetãlemy ihỹre. Aõbo iõhõmy ratxirerilemy robimyhỹre. Juhu òraruna iribi risuhoremy idi tõhõti rosare. ¹⁰ Tai waseriõrebobo marurunyenyeke atyhymy boibekemy, aityhydỹỹna tyyhydỹỹmy boibekemy. Tai tiu òraruna-txi aixeõna. ¹¹ Kia wesekeki tahe deysana-di birõnybenykre Jesuisi Kristu inyтарасadu òlõna bede-ò.

¹² Kia aõna aõna teerytenyte. Inatyhyna tetyhynyhyy atximahãtenyte. Ihãrele tahe itxi arõhõtijiradỹỹnyhyrenyke. ¹³ Tule warumy mahãreu, awimy idi rahõtinyinmahãre kia inatyhyna-di akanaixixadỹỹnydenykremy. ¹⁴ Waumy dori kaki ele elelemy aririkre reeryre. Inynyrỹ Jesuisi Kristu dori kia wadee diteõsinyde. ¹⁵ Aõu aõu tahe ararunutyhymy ararekre kaiboho kia ibutumy õhõti-ribi rosaõtyhykemy. Tule warubuhewo-ribi kia-di mohõtinyhyy boibeke. ¹⁶ Tahe adeeremy Jesuisi Kristu tehemyrynany rarybereu, aõ uritere tere ijyymy aõkõ heka relyreri hãbu ijyyna-ribi aõkõ ijyutyhymy. Inyboho dori iny iòlõreny loosõnatyhymy robimyhỹreny. ¹⁷ Tii dori Deuxu inytyby-ribi loosõna wowydyna-wana ritare. Tuu Deuxu loosõnawo-ribi narybede: Kai heka Wariõre waluu tate. Jiarỹ reysamy watzireri adee. ¹⁸ Kia rybe-ò jiarỹboho raholareny tii-wana hãwãlõ ratyy tyre-ki roiremyhỹu. ¹⁹ Iwese juhu rybemy rybedu mahãdu rarybere wese, kiamy heka wiji inydeereny ritỹnynymy roimyhỹre. Kaiboho tule kia-ò boholamahãbenyke bityhynymahãbenyke. Iwese iny loosõna-di bedeluru-ki, retehemyhỹre wese. Idi tahe Kristu kòdõhõnykre, iwese tainahakỹ rõhõnyre wese. Tahe aworeny-ki kanasỹnykremy ratxikre. ²⁰ Kia heka juhoo bierykre: Tyyrityrybeõ tiu ixiwandale ritỹnydỹỹnyõtyhy. ²¹ Deuxu rybe dori hãbudeewimy aõkõ heka nade juhu Deuxu Tyytybytyhy hãbu dee rybe ritỹnyre aõmybo rarybekemy.

2

1 Iwese juhuu inyy-ki rybedu inatyhyõna rarybere wese, tule ayreny-ki rybedu inatyhyõna kidierydÿÿnykremy. Tiiboho kedeerynanykre aõbinabinahäkÿmy. Tiiboho kidiitxenanydenykre. Tule Inynyrÿ kidiseõnykre. Tai tahe aõwesele rexihukre. 2 Sõwemy iny iõta õta erydÿÿnyra rityhynykre. Tai iny witxira inatyhyõna ery dee ibinamy rarybekre. 3 Kia rybedu inatyhyõna adyna-di ratxihyymy roireke tai adeereny raruimyhÿke. Anieru tarasanareny-õ. 4 Iatysyna heka iõhõmy namahãde tule idi dehuna inatyhymy kòdòhònykremy ihÿre. Ýju mahãdu raõrarunyreu Deuxu tõtxi ririõlemy reare tahe idi rehulemy reare bedebina heõtÿ-õ. 5 Iu bee-di Deuxu suu ritÿmynyreu, õrarudu mahãdu ituere Deuxu tõtxi ririõre. Noe, õbitina rybedule, ritare debò inatxi reurò iny-wana. 6 Sodoma hãwã Omora hãwã-wana aõwesele Deuxu ritoonyre, raõrarunyreki. Brybmy relere. Tai heka iny ribedeerynymyhÿre õraru lau. 7 Kia hãwã-rybi heka Lòijoi sohojile ritare. Lòò õbiti rare. Tii heka terare õrarudu mahãdureki. Tõtxi ririõhyyre. 8 Imahãdu-ki Lòò rasÿnyreu, txuõ txuõlemy iwo rabadewotyhyymyhÿre, aõbinawidÿÿmybo robire idi roholareki. 9 Tahe õbiti widÿÿdu urihixina-rybi Inynyrÿ ridykemy rierymyhÿre. Tule ibinamy widÿÿdu mahãdu aõhòkÿmy dÿÿnana riraõmyhÿre. Ywisidÿÿnatxu kedehemynykreò. 10 Ibutu ratyre urari õta õta widÿÿdu mahãdu aõhòkÿmy rotÿÿnykre. Tiiboho Deuxu ruru riseõnyrenymyhÿre. Ixi-di xiwededu wesemy rÿirenyre, ixiluudu wesemy rÿirenyre. 11 Aõbinahakÿlemy biuludu mahãdumy rarybemyhÿreny. Tahe ýju mahãdu iruruna ratyre-di hãre tamy ibinamy rarybeõmyhÿre, Deuxuko-txi. 12 Tahe kia iykaraluu mahãdu iròdu deborehekÿ wesemy ratximyhÿre. Iròdu debore tahe bedehuduna widÿÿmy rare ada ròtenawo-õ rakelemy. Kia hãbu mahãdu aõmybo ròeryõhyymyhÿre dee ibinamy rarybemyhÿ. 13 Tiiboho ixi-di dehuna-di ixi dee kedexiixãwinykre. Tiiboho õraru luumyhÿre txumy dori raõrarunyrenymyhÿre. Awanareny dori riroximahãre, aõbinahakÿtyhy wesemy ayreny-ki ratximyhÿ iõrarunarenymy rybe luureki. 14 Tiiemy iru hãwydyhy retehemy ihÿre tamy õta õtalemy rõhõtinyinmyhÿre. Kia hãbu hãwydÿÿweduna rierymyhÿre. Hãwy urihimy tÿÿwekeki kia hãbu idyna rybe-di rierymyhÿre hãwy-di aõbo tai riurariny my taõbirenareny rihydÿÿnymyhÿre aõbo tai riurariny my idi ratximyhÿre. Tiiboho tuedena nihikÿ-di ituerenykre. 15 Òbitiry ririmyhÿreny. Reòsamyhÿreny. Balaaõry dori riheludunymyhÿreny Balaaõ, Beoro riõre õraruòwydÿÿnamy ritakemy ratxireri iõraru luureki. 16 Aõbinahakÿ riwinyreki rexiòwinyre. Kiamyre heka. Jumenta wesena rybeteremy tamy rarybere inyrybe wesemy iitxÿtena-rybi riixãwidinykemy. 17 Tiiboho bedidehuna wese roire bee ihoõreki. Yhy biuwetyy tiò ridymyhÿre wese kia hãbu mahãdu roire. Tamy bede luruhukÿ bede riyrubunymy rÿire. 18 Tiiemy taõrarumy rarybehymy raremyhÿ inyõ aõta õta rybe-di ridykemy. Inyõ deòsary-rybi rõhònykeki, tii ridylemyhÿre ixbyyle õraruna-õ. 19 Tamyreny rarybemyhÿre ixideewimy boibekemy. Urile irybedureny õrarunawidÿÿna deòdumy ihÿreny. 20 Iwese inyõ ijesuna-rybi riatymyhÿkeki, iatysydÿÿdu deòdumy rarekre wesemy. Kiawesele tahe õraruna rare. Inyõ bede aõmydÿÿnana õraru-rybi rõhònykeki, tahe ixbyyle rõõsekeki, teleu raremyhÿ ratyre ikonana ratÿÿnykre. Inynyrÿ Jesuisi Kristu dori

tii rierymyhÿre juhuu tahe idi rexideyresanyre kia aõmydÿÿnana òraru-ò. ²¹ Tiibohe ryòbiti rierymyhÿreny. Tahe bede ywina òbiti-ribi rixiòlòdÿÿnyre. Rierÿòhyykeki tamy wimy tuu raremyhÿ, rytÿmyra erisy-ribi rohonyrenyeki. ²² Tiibohe kia rybedÿÿna hitxina wesemy ihÿreny: —Ijòrsa tahylòina-ò ròsere. Tule ijò rybedÿÿna wesemy: —Ixÿni bedi risuhòkeki, tii tasu burena-di ixbyle rexisunyke.

3

¹ Kia, waluuna mahãdu warybe ritidÿÿna juhuludu aõkò rare ihe-woludu rare. Warybe riti wiwanadile anohòti ijiradÿÿmy watxireri anohòti riraixixanykemy. ² Deuxu rybemy rybedu òbitimy rarybe-myhÿre òhòti-ribi rosaõkre, tule Inynyrÿ iny tarasadu bede ywina nohòti losaõmy iwese tarybe deòdu adeereny riernanyre wese. ³ Ibutu ratyre, kia-ribi nohòti losaõmy. Ikonana txuu hãbu binahakÿ rybe binatyhy-di kòdòidenykre. Kia hãbu òta òta widÿÿlemy ròhòtinymyhÿre. ⁴ Kiamy hãbu rarybekre. Tiubo Jesuisi Kristu nonana kanakre. Juhu inyty-byreny ituereu wiji bededÿÿnanau tiu naõhymyhÿde. Ibutumy heka juhu bede ixi wese hyylemy bede roimyhÿre. ⁵ Iribi tòhòtirenny rosare ixideewimy Deuxu irybedile biu bede-wana riwinyre. Beribi riwinyre, bedi riwinyre. Iribi tahe bedi bede rahure. ⁶ Bedi juhuu bede ibutumy rexihura. ⁷ Tule wiji irybedile bede rÿimyhÿre. Tahe ixbyle kanahukre. Heòty-di kanahukre. Kia txuu ibutumy inybinahakÿ ituekre kia-ribi ixideewilemy kia hãbu tòhòti rosare.

⁸ Tahe aõsohojibo, waseriòreboho, nohòti-ribi loosarenyõmy. Kia heka rare: Inynyrÿ dee. Txusohoji 1000 beòra wese heka rare. Tule 1000 beòra txusohoji wese rare. Tamy bededÿÿnana aõ aõkò rare. ⁹ Inynyrÿ tarybewesele aõna aõnamy kodotÿÿnykre. Aõ raroorehenymyhÿre aõkò rare urile tahe hãbu riraòhyyimy rÿimyhÿre hãbu taòraru-txi tòhòti reakemy. Ibutumy tarasana-ki rÿikemy dori idi ratxireri. ¹⁰ Wasidu namyhÿde wasimy Inynyrÿ txuu kòdòhònykre. Biuwetyy, bede-wana rexihukre. Ibutu suludu heka ramyijy heòty adÿÿwesemy ritxienykre. ¹¹ Òbitimy rakatxirennyke. Kia ibutumy ròhònyreki. ¹²⁻¹³ Inybohe heka riraòmyhÿrenny biuwetyy tÿmyra sutÿmyra-wana. Inynyrÿ dori rarybere kia kidiwahinykemy.

¹⁴ Tai heka waseriòre waluuboho, òbitimy atximahãbenyke kia-ò dori teraòmahãteny. Tii kanakreu umyreny robikre ywimy, òbitimy, inyò heka umyreny ibinamy rarybeòtyhy. ¹⁵ Rexiroorehenymyhÿre ibutumy iny tarasanarenny. Tule inyseriòre Paulo adeereny ròritidÿÿre ibede eryna Deuxu tamy riwahinyre. ¹⁶ Kiamy tule aõna aõnamy tii ròritidÿÿre. Tahe iritina-ki aõbo isiratyhyre ierykònatyhy roire òbiti mahãdu aõkò kia rybe-di aõwitxiramybo riernanymyhÿre. Iwese ijò Ryberiti-di riwinyre wese. Tai heka tiibohe ituereny. ¹⁷ Kaibohe tahe waityhy-dÿÿdu seriòre bexihãrubenyke ilau teòsana-di aradyrenny. Tai kaibohe beòsabenyke. ¹⁸ Inynyrÿ Jesuisi Kristu wiòhedÿÿna-di ibedeerydÿÿna-di maumynybenyke. Wowydina ibutumy tamy kanakemy idi wãhãre wiji tyhymy rareke. Kie.

1 Juaõ

1 Joaõ Tyriti

¹ Jiarỹboho akoreny retỹnyneri, Jesuisimy. Tii Rybe rininirenyra. Tii juhubeu raremyhỹ. Jiarỹboho rabirenyra, tarybemy aholarenyra, tany reteherenyre, aõbo riwinyreò, tule tany iny rerimyhỹre. Tii inydeereny umytỹmyra riwahinyneri. ² Umytỹmyra tuedeõna Deuxu inytyby-ribi rehemynyra. Kia umytỹmyra tuedeõna Jesuisi-di rare. Jiarỹboho tuu rabirenyre. Tii rexideõsinyre inyrenyko-ò. Kia tahe adeereny relyreri iwese raremyhỹ wese. ³ Aõõbo iny roholare wese, tuu rabire wese, kia tahe tuu relyreri inyboho wiluurenkemy winohõtiewesele røkõhtinyrenkemy. Inyboho rahõtinyneri iwese Deuxu inytybyreny, Jesuisi Kristu Deuxu Riðre-wana wiwese røkõtinyre wese. ⁴ Kia tahe waryberiti adee rewahinyneri adeysamy rakatximahãrenkemy.

⁵ Kiamy tahe Jesuisi inydeereny relyreri: —Deuxu txuloosõna wese ratximyhỹre. Deuxu-ò bedeluru aõmydỹnana rehemynyõtyhy kiamy adeereny relyreri. ⁶ Inyõ rarybekeki: —Jiarỹ Deuxu-wana winohõtiewesele rahõtinyrahãre. Kia iny bedeluru aõmydỹna-di ratxireriki, kia iny raruimyhỹre. ⁷ Tahe inyboho loosõna waõmydỹna riwinyimyhỹrenykeki iwese, Deuxu loosõnawo-ki ratximyhỹre wese, tai inyboho wiwesele røkõtinyimyhỹke. Tahe Jesuisi, Deuxu Riðre hãlubu ibutumy iny òraru-ribi iny risuhòmymhỹke. ⁸ Inyõ rarybekeki: —Jiarỹ raòrarunyõhywãhãre, kia rybe-di tii ixidee riitxenanyimyhỹre. Tii raruire rityhynyõre. ⁹ Iny taòrarurenymy relyrenykeki, Deuxu tiemy õbiti rare, tii iny òrarureny iny-ribi riixãwididỹnykre. Aõbo iny iwo-ki isuisumy ihỹre tii rityranyke. ¹⁰ Inyõ òrarudikemy aõkõ raryberenykeki, inyboho Deuxu ruidumy rarybemahãreny. Kia iny Deuxu rybe rieryõhyimyhỹre.

2

¹ Kaiboho wariðre wese atximahãtenyete. Adeereny waryberiti rewahinyneri, kaiboho òrarurenyõmykemy. Iny òraruna-txi resekeki, iny wiõhedỹdurenny dire. Tii Jesuisi Kristu rare. Òbiti rare òraru iyydumy rarekemy Waha Deuxuko iny wiõhedỹmy. ² Tii dori itxeònihikỹ-ki rurura iny òraruòwydỹ-ki. Inysohojile òraru aõkõ rurura tahe ibutumy iny òraruòwydỹ-ki. ³ Tiwesebo inyõ rexierykre Jesuisi rieryrenkemy rityhynymhỹkeki karybe bede ywina wese rierykre tii rexierykre Jesuisi rityhinyneri wana. ⁴ Inyõ rarybekeki: —Jiarỹ Jesuisi reeryre. Irybe bede ywina riywinyõkeki, iny ruidu rare. Inatyhyna rityhynyõre. ⁵ Inyõ Jesuisi bede ywina riywinykeki, inatyhymy tawo-ki Deuxuluu rare. Kiawese heka iny rierykre Jesuisi mahãduwo-ki ratxireri-wana. ⁶ Inyõ rarybekeki: —Jiarỹ Jesuisi mahãduwo-ki watzireri. Tany kia wese rỹikeki. Aõmybo Jesuisi rotỹnyre wese, tii tule rotỹnyke. ⁷ Ityhydỹduseriðre, adee bede ywina tỹmyra aõkõ rewahinyneri. Bede ywina tyby kia rare. Kia juhuu teertytenyete. Inyboho wiluurenkemy, kia bede ywina tyby rare, juhuu taholatenyete. ⁸ Kia rybe bede ywina itỹmyra rare. Jiarỹ adee rewahinyneri. Kristu dee inatyhy rare tule adee inatyhy rare. Bedeluru røkõtinyra, loosõna inatyhy bede-ò ralòmymhỹre. ⁹ Inyõ rarybekeki: —Jiarỹ loosõnawo-ki watzireri. Kia iny taityhydỹdu seriðre

luuōkeki, bedeluru-ki ratximyhÿre. ¹⁰ Inyō taityhydÿÿdu seriōre luukeki, kia sohojile loosōnawo-ki ratxireri. Aō aōkō tii riatydyÿnyra. ¹¹ Inyō taityhydÿÿdu seriōre rexihitxinykeki, bedeluru-ki rariamyhÿre. Titxibo rake rieryōhyymyhÿre. Bedeluru dori ruetāna rare.

¹² Adeereny warybe rewahinyreri wariōre wese aōraru dori, tii ri-ixāwididyÿnyre Jesuisi ōraru-ki. ¹³ Iumy mahādu-ō warybe riti rewahinyre adiwahinyde, kaiboho dori tuu teerytenyete. Tii hykyle dori juhūu raremyhÿ. Ijoityhy-ō waryberiti rewahinyre, Satanasimy tahaÿnanytenyete. ¹⁴ Wariōre, inytyby Deuxu teerytenyete. Iumy mahādu, adeereny aratyyritinykre, kaiboho dori tuu teerytenyete. Tii hykyle dori juhūu raremyhÿ. Ijoityhy, adeereny aratyyritinykre, Deuxu rybe dori ōhōtirenny-ki ratxireri, arurudireny dori. Satanasimy tahaÿnanytenyete. ¹⁵ Bede aōmydyÿnana luurenykōmy boibeke. Inyō bede aōmydyÿnana luukeki, Deuxu inytyby luuna rieryōke. ¹⁶ Kia bede aōmydyÿna rare: ōraruluuna, aōmy robira-wana tuure, aōna aōnamy ixityhydÿÿna. Kia Deuxu-ribi aōkō nade. Kia bede aōmydyÿna-ribi nade. Kia bede aōmydyÿna-ribi nade. ¹⁷ Kabede ixāwikre taaōmydyÿna ōta ōta-wana. Deuxudeewimy widÿÿdu tiu ixāwiōtyhy. Tii awimy rÿirakre.

¹⁸ Wariōre wese. Ikonana bededyÿnana iōhōmy roire. Adeereny narybede Kristu ōludu kanakemy. Betehe inihe, Kristu ōludu sōwemy dehemynyde. Kiawese inyboho rieryrenyere ikonana bededyÿnana iōhōmy roire. ¹⁹ Kia Kristu-ō ōludu iny mahādu wotyā-ribi rōhōnyrenyra. Tii ityhydÿÿdutyhymy aōkō ratximyhÿre. Ityhydÿÿdu mahādu tiu rōhōnyōtyhy. Rōhōnyrenyreu, ibutumy rieryre, kia iny mahādu aōkō ratximyhÿre. ²⁰ Kaiboho aōmydyÿnana ibutumy teerytenyete Deuxu Tytybytyhy direki. ²¹ Kia rybe adee aratyyritinyke, kaiboho dori Deuxu rybe inatyhyna teerytenyete. Tiu rui Deuxu inatyhyna-ribi rōhōnyōhyymyhÿre. Kia tahe teerytenyete. ²² Moheka ruidu rare. Inyō rityhynyōkeki Jesuisi Deuxu deōdyÿna raremy, tii tahe ruidu rare. Inyō Kristu Deuxu-wana ritxiōnykeki, tii Kristu ōludu rare. ²³ Inyō Deuxu Riōre ritxiōnykeki, tii Deuxu-wana aōkō ratxieri. Inyō rarybekeki: —Deuxu Riōre retyhynyre, tii Deuxu-wana ratxireri. ²⁴ Juhūu aōōbo roholare taholamy toitemyhÿ idi mohōtinybenyke. Idi mohōtynmahābenykeki, Deuxu, Iriōre-wana aōu sōu matxibenyke. ²⁵ Jesuisi Kristule juhūu inydeereny narybede, umy ituedeōna inydeereny kidiwahinykemy. ²⁶ Kia waritina jiarÿ wiji rehura. Aitxenadyÿdu lau adee reritinyra. ²⁷ Abedeerydyÿna Kristu tatytyby adeereny riwahinyre. Tii tahe awanale ratxireri. Aerydyÿdu aōkō adeereny rauhenyrenyeri. Tii tahe inatyhy bedeerydyÿna ibutumy araerynanyeri. Rui aōkō rare. Iwese tii araerynanyreri wese, ibutumy biyrubunmahābenyke. Kia tahe Kristu-ki hykyle bexiemyhÿbenyke. ²⁸ Wiji, wariōre wese aōu aōu boibekemy Deuxu mahāduy-ki. Tai Jesuisi kaō kedehemynykeu, buberuōtyhy ada maixÿruōtyhy ilau. ²⁹ Deuxu ōbitityhyhy ratximyhÿre. Kia teerytenyete. Inyō ōbitimy rarekeki, Deuxu riōremy rareke. Kia tule teerytenyete.

3

¹ Boholake, inytyby Deuxu taluuna nihikÿ inydeereny riwahinyre. Inyboho dori tii rininirenyre Deuxu Riōremy. Inatyhymy inyboho Deuxu Riōremy roire. Kia tahe ityhydÿÿdukōdu mahādu rieryōre. Tiiboho dori Deuxu inytyby rieryōhyymyhÿre. ² Waluuna mahādu, inyboho Deuxu

Riõremy roire. Rierykõrenykre timybo iny rokoirekremy. Kia inyboho rieryrenyre: Jesuisi kodobehekreu, inyumu taumy wese risõnykre. Inyboho dori kodobidenykre iwese rarybemyhõ wese. ³ Inyõ Jesuisi wese rarekemy ratxikeki, iwese Jesuisi õbitimy raremyhõ wese tii rareke. ⁴ Inyõ Deuxu bede ywina rybe rityhynykeki, tii rexiõrarunyeke. Kia heka õraruna rare. ⁵ Jesuisi dobehede õraru tarasadumy rarekemy. Kia teerytenyte. Jesuisi inatyhymy raõrarunyhõny raremyhõ. ⁶ Inyõ Jesuisirykihy rarialeke, tii õraruõmy rareõtyhy. Inyõ õrarumy rarehyykeki, tii Deuxu rieryõhymy rareke tuu robiõhymy rareke. ⁷ Wariõre wese, itxenadõyõdu lau bexiyrubunyeke iny aõmydõyõnana õbitimy riwinykeki, iny õbitilemy rareke, iwese Jesuisi õbitimy raremyhõ wese. ⁸ Inyõ õrarunadityhy raretyhykeki, tii Diabo mahãdu-di rareke, Diabo heka õrarauna-ki hyy nodure. Tai kaõ Deuxu riõre nade Diabo aõmydõyõnana ixãwikemy. ⁹ Inyõ Deuxusõ riõrekeki tii õraruna-txi reseõlemy ratximyhõre Deuxu dori iwo ritymyranyre. Tii reseõhyky rareke. Deuxusõ dori rare. ¹⁰ Kia wese iny rieryrenykre inyboho iriõre Deuxu riõremy roire ada Diabo riõremy aõbo, inyõ Deuxu deewimy riwinyõkeki, tii Deuxu Riõre aõkõ rare. Inyõ taityhydõyõdu seriõre luuõkeki, tule Deuxu Riõre aõkõ rare. ¹¹ Kia bede ywina rybe juhuu taholamy tatemyhõ ihãre tadoholahãte. Kia heka rare: iny wiluukemy. ¹² Iwese Kai taserõre rirubunyre wese aõkõ rikiwinykre. Tii dori Satanasi mahãdu rare. Aõherekibo tasewriõre rirubunyre. Iaõmydõyõna Deuxu dee awiõre Iserõre aõmydõyõna Deuxu dee õbitire tai tahe rirubunyre.

¹³ Wasiõreboho, ityhydõyõdukõdu mahãdu eramy ratximyhõ. Kia-di bedeõtiidõyõmyke. ¹⁴ Inyõ ityhydõyõdu seriõre luukeki, tii rubumy rõire wese mahãdu-ribi rõhõnyre. Kia reerymyhõrenyre. Tahe umytuedõna-ki rahara. Inyõ luuõkeki, tii rubumy rõirawese mahãdu-ki ihõmyhõke. ¹⁵ Inyõ taseriõre derakeki, tii rubudõyõdu wese rare. Boholake, kia teerytenyte. Rubudõyõdu umytuedeõna-ki rahaõtyhy. ¹⁶ Kiawese luuna rikierenyre dori Kristu rubu-õ rexiwahinyre inydeereny tõemy. Tai tahe inyõ taseriõre dee rurukeki iluuna sõwereki. Tii tahe awire. ¹⁷ Inyõ ityhydõyõdu seriõre aõhokõmy rotõnykeki, rama rahukeki, tuu rebike aõ ijõdikeki, tahe iny riwiõhenanyõkeki, tii Deuxu luuna-di aõkõ ratximyhõre. ¹⁸ Wariõre wese, luuna urile tuu rybena aõkõ rare. Aõhebo rotõnykemy ihõre. Kia tahe aluuna inatyhymy biteõsinyke. ¹⁹⁻²⁰ Kiawese iny reeryrenyre inatyhyna mahãduwo-ki ratximyhõre. Jiarõ arahõtinykeki. Jiarõ aõkobo ityhydõyõdumy watximahãre. Deuxu warayky riwiõhenanymy ratxireri. Deuxu warayky ratyre raraykywydynanymyhõre. Tii ibutumy aõ rieryre. ²¹ Waluuna mahãdu, ruberuõhymyhõre tahe iny ityhydõyõdu mahãdu-ki ratximyhõre wana rieryreki Deuxu iny rityhynyre. ²² Tahe aõmy iny rexitõenykeki tii inydee kidiwahinyke. Iny dori ibede ywina rybe rityhynymyhõre. Deuxu deewimy iny riwinymyhõre. ²³ Kia heka Deuxu bede ywina rare. Jesuisi Kristu, iriõrenimy rikityhynykemy. Tule iny wiluuna wiluukemy. Iwese tabede ywina rybe diwahinyde wese rarekemy. ²⁴ Inyõ Deuxu bede ywina rybe rityhynykeki, Deuxu-wana rareke. Tii-wana ratxikemy. Kia wese heka iny rieryrenyre Deuxu-wana iny ratxireri. Deuxu Tatytybytyhy dori inydee riwahinyre.

4

¹ Waluuna mahãdu, ibutumy rybe bityhynybenyõke inihe ityhy-

dŷyrenyŏmy. Tai biurihike iny rybe Deuxu-ribi inatyhy aŏbo ada aŏkŏre aŏbo. Sŏwemy rybedu mahādu rŏhŏnymyhŷre. Tahe inatyhymy Deuxu rybemy rybedu aŏkŏ rare. ² Kiamy Deuxumy rybedu mahādu inatyhymy bierykre, inyŏ rarybekeki: Jesuisi Kristu hābu wesemy nade, tii inatyhy Deuxu mahaduŏ ihŷre. ³ Inyŏ kiamy rarybeŏkeki, tii Deuxu mahādu aŏkŏ ratximyhŷre. Kia Kristu ŏluduŏ rare. Tamy taholamahāte kanakreŏ, tahe, kia ratximyhŷre. ⁴ Wariŏre wese, kaiboho Deuxu mahādumy toite. Rybedu inatyhy aŏkŏ rare, kia ruru tetatenyte. Deuxu dori aworeny-ki ratximyhŷre Deuxururu, Diabo ruru ratyre rare. ⁵ Inatyhymy rybedu aŏkŏ aŏmydŷyŏnana binamy relyymyhŷre. Tii dori ka bede aŏmydŷyŏnana bina mahādu rare. Tahe ityhydŷyŏdukŏdu mahādu tamy roholamyhŷre. ⁶ Inyboho Deuxu mahādu roire. Inyŏ Deuxu rierykeki, inydeereny roholamyhŷre. Inyŏ Deuxu rieryŏkeki, inydeereny roholaŏtyhy. Kiamy rikierymyhŷrenyke inatyhyna mahādu inatyhyna aŏkŏ mahādu.

⁷ Waluuna mahādu, wiluumy rakatximyhŷreny. Luuna dori Deuxu-ribi nade. Inyŏ luukeki, Deuxu-ribi tibie rare. Iny Deuxu rierye. ⁸ Inyŏ luuŏkeki Deuxu rieryŏre. Deuxu dori luuna rare. ⁹ Kiawese inyboho rieryreny Deuxu inyluuremy ratxire. Deuxu Tariŏre sohojile diteŏnyde bede-ŏ inyboho Iriŏre-ki umy tŷmyra-ki rahakemy. ¹⁰ Kia heka luuna rare. Juhuu Deuxu iny tuu aŏkŏ rare. Tii tahe inyluure. Tule tariŏre diteŏnyde inyŏraru ŏwy ŏwydŷyŏnanykremy. ¹¹ Waluuna mahādu, Deuxu inyluurentyhyreki, tai tahe inyboho wiluumy rokoireke. ¹² Tiu Deuxumy inyŏ robiŏhykyre. Inyboho wiluumy rŷikeki, Deuxu inywo-ki ratxike. Tai tahe inatyhymy Deuxu luuna inywo-ki ratximyhŷre. ¹³ Deuxu iny-ŏ Tatytyby riwahinyre. Kiamy tahe inyboho rieryreny tamahādu-ki ratximyhŷre. Tule rierymyhŷreny tii iny-wana ratximyhŷreny. ¹⁴ Deuxu Riŏremy inyboho robirenyra Tulobixidumy inyboho roire. Tuu adeereny relyyteri. Deuxu Tariŏre diteŏnyde iny tarasadumy rarekemy. ¹⁵ Inyŏ rityhynykeki idi rarybekeki: Jesuisi Deuxu Riŏre rare, tii Deuxu-di tawo-ki ratxireri. Tii Deuxu-wana ratxireri. ¹⁶ Inyboho rieryreny Deuxu inyluurenyre. Kia iny rityhynyreny. Duexu heka luuna rare. Inyŏ luuna-ki ratxihyykeki Deuxu tii-wana ratxihyyke. Tii Deuxu-wana ratxihyymyhŷke. ¹⁷ Inyluunary Deuxu-ŏ rauhenyŏreri. Tai tahe Deuxu wiribi ritxuakre kia txuu inyboho kiatxulau ruberuŏtyhy. Iwese tii ratximyhŷre wese inyboho kabede-ki ratximyhŷreny. ¹⁸ Inyŏ luuna-di ratxityhykeki, tii ruberuŏtyhy. Luunatyhy brebuna-di rehumyhŷre. Aŏhŏkŷmydŷyŏnana brebuna kidiwahinyleke. Inyŏ brebuna-di ratxikeki, tamy aŏhŷkŷmy dŷyŏnana kanakre. ¹⁹ Juhuu Deuxu inyluurenyre, tai tahe inyboho iluurenyre. ²⁰ Inyŏ rarybekeki: —Jiarŷ Deuxuluure. Tai tahe tii ityhydŷyŏdu seriŏre luuŏkeki, tii ruidu rare. Inyŏ taityhydŷyŏduseriŏre luuŏkeki, timykibo Deuxu luumy rarekemy iximy rŏhŏtinyke Deuxu dori tiu tuu robiŏhyymyhŷre, taseriŏremy tahe robihyky ihŷre. ²¹ Kia bede ywina rybe heka Kristu inydeereny riwahinyre: Iny Deuxuluumy ratxikeki, tule tii taityhydŷyŏdu seriŏre luumy ratxike.

5

¹ Jesuisi inatyhymy Kristu rare, Deuxu deŏdŷyŏna rare, inyŏ rityhynykeki, tii inatyhymy Deuxusŷ mahāduwo-ki ratximyhŷre. Inyŏ Deuxu luukeki, tule iriŏre luukre. ² Inyboho Deuxuluukeki tarybe ywina rikiywinykeki, tai Deuxu tibiedŷyŏna mahādu luumy rikierenyre. ³ Deuxu

rybe ywina rikityhynykre, irybe ywina dori isiraõre. Tai inyboho Deuxu luuna riteòsinykre. ⁴ Deuxusỹ mahãdu bedede aõmydỹỹnana bina bina ruru ritamyhỹre iny Deuxu rityhynyrekeriki, kia bedede bina bina ruru ritareriki. ⁵ Mo tahe kia ijesu tarasadure. Inyõ Jesuisi Deuxu Riõre raremy rityhynykeki, tii bedebina bina ijesu tarasadu rare. ⁶ Jesuisi Kristu nade. Inyõ tii riratisebenyre idi rare rurukremy tahãlubu ritxiwikremy. Rexiratisebenykemy sohojile aõkõ nade, tule tahãlubu ritxiwikemy nade. Kiamy heka Deuxu Tyytyby tuu rarybere. Deuxu Tyytybytyhy tahe inatyhymy rare. ⁷ Inataõ aõmydỹỹnanamy inydeereny rarybere: Deuxu Tyytybytyhy ijõre, Jesuisi ixirati sebedỹỹna ijõre, Jesuisi rubudỹỹna ijõre. ⁸ Kia inataõ aõmydỹỹnanamy wiwese wiweselemy rarybereri. ⁹ Hãbu rybe iny rityhynymyhỹre. Deuxu rybe hãbu rybe ratyre rikityhynymy rakatximyhỹrenykre. Kiamy Deuxu Tariõremy rarybereri. ¹⁰ Inyõ Deuxu Riõre rityhynykeki, aõbo inatyhy ixidee rieryre. Inyõ rityhynyõkeki, tii Deuxu-di ruidumy rõhõtinyre. Tii dori rityhynyõre tĩmybo Deuxu tariõremy rarybere. ¹¹ Kia rybe rare: Deuxu inydeereny umyuedeõna riwahinyre. Tii tiu umy ituedeõna iriõre-ki inyboho rakaharenyke. ¹² Inyõ Deuxu Riõredikeki, tii umytỹmyra tuedeõna-ki rahake. Inyõ Deuxu Riõre-di aõkõkeki, tii umytỹmyra tuedeõna-ki tahasaõna.

¹³ Kia aõna aõna adeereny retyritinyre kaiboho umyuedeõna-di atxitenyteri bierybenykemy. Deuxu Riõre tetyhynytenyete. ¹⁴ Inyboho Deuxudeewimy rexitõenymyhỹrenyre, Deuxu iny-õ roholamymyhỹre. Kia tahe inatyhymy rybena rare. ¹⁵ Inyboho rierykeki tii inydeereny roholamymyhỹre, tai rierymymyhỹrenyre tii inydeereny riwahinyke aõmybo iny tamy rexitõenyre. ¹⁶ Iny ityhydỹỹdu seriõre rubu-õ aõkõ õraruna-txi resekeki, tamy Deuxu-õ rexitõenyrenyke, Deuxu kia riwiõhenanykemy ixyby Deuxu-õ ròðsekemy. Tii rubu-õ õraruna-txi resekeki, jiarỹ adee ararybeõkre tamy bexitõenykemy. ¹⁷ Ibutumy õbiti aõkõkeki, õraruna rare. Òraruõ rubudỹỹnahyky kidiwahinyõkre.

¹⁸ Inyõ Deuxu-ribi tybiekeki, õranahyy-ki rareõtyhy. Kia inyboho reeryrenyre. Deuxu Riõre ryrubunymyhỹre. Diabo iribi ròtaõtyhy. ¹⁹ Deухuhõrõ inyboho roire. Kia inyboho rieryrenyre. Kabede bina mahãdu taaõmydỹỹna-wana Diabo hõrõ rare. ²⁰ Tule inyboho rieryrenyre: Deuxu Riõre inatyhymy kaõ nade. Tii rierynanyre mobo Deuxu inatyhy raremy. Deuxu-wana inyboho ratximymyhỹrenyre, inyboho-dori Jesuisi Kristu Deuxu Riõre-wana ratximymyhỹrenyre. Kia heka inatyhymy Deuxu rare. Kia inatyhymy umyuedeõnamy rare. ²¹ Wariõre wese, bexihãruke ibutu bededõraruna lau.

2 Juaõ

2 Juaõ Ryberiti

¹ Jiarỹ dohodỹỹna matuari mahãduõ warybe rare. Watyriti re-wahinyreri Deuxu ywisidỹỹna hãwyyõ-ò, iriòre-ò. Jiarỹ ibutumy inatyhyerydu mahãdu-wana tiiboho inyluutyhyrenyre. ² Inatyhyna dori inyworeny-ki ratxireri. Ratxityhyhyemy ratxike. ³ Kia dori inatyhy inydeereny tate luuna-di. Deuxu deysana, ruxetòena, ywina adeereny kanakemy watzimahãre Deuxu Waha-ribi, Jesuisi Kristu, Iriòre-ribi.

⁴ Ariòre mahãduy-ribi inatyhymy ijõ ityhydỹỹdumy ralore. Kia reeryreu, jiarỹ wadeysatthyre ariòre Deuxu bede ywina rityhynyrreri. ⁵ Adee arexitòenykre hãwyy. Bede ywina rybe tỹmyra re-wahinyreri wese aõkõ rare. Juhuu-ribi teeryte. Urile bede ywina hetxina õhõti rejjeradỹỹnyreri. Kia heka rare: iny wiluukemy rakatzimyhỹrenykemy. ⁶ Bede ywina rybe rikityhynyhyykeki, kia heka inatyhy luuna rare. Kia bede ywina juhUU Deuxu-ribi taholate. Tuu txuõ txuõlemy biwinyke. ⁷ Sõwemy hãbu itxenadỹỹdu tyhy kabede-ò dòhònyde. Tiiboho Jesuisi hãbuwesemy nade rityhynyõlemyhỹre. Kia itxenadỹỹdutyhy tule Kristu òludutyhymy roire. ⁸ Tamyreny bexiebeny, inyaõmydỹỹnana aõmysỹdỹỹnatyhy-di ritaremy iõkõkemy, Deuxu wahidỹỹnaòwy ibutumy ritakemy. ⁹ Inyõ Kristu erydỹỹnana-ribi ròhònykeki tule iwitxira erysyna rierynanykeki, tii heka Deuxu hòrõ aõkõ rare. Inyõ Kristu erydỹỹnana-ribi ròhònyõkeki, tii Deuxu dire iriòre dire. ¹⁰ Tai tahe itxenadỹỹdu Kristu erydỹỹnana erydỹỹdu aõkõ aheto-ò rehemynykeki, uritere iròtedỹỹõmy, irybedỹỹõmy. ¹¹ Inyõ rirybenykeki, iaõmydỹỹnanabina-ò riwiòhenanyreri.

¹² Jiarỹ warybe sõwemy adibutunywãhãde. Urile tyyriti-di arir-itinyõkre. Arorarenymy dori arakemy watzireri. Kiamy rybe sõwemy ròhònykre inysõwemy reysakemy. ¹³ Aseriòre Deuxu ywisidỹỹna mahãdu senadu, kia riòre tarybe wehityhyna adee riwahinyreri. Kie.

3 JuaŌ

3 JuaŌ Ryberiti

¹ Jiarŷ, dohodŷŷna matuari mahāduŌ rare. WabiŌwa-Ō, Kaio-Ō watyyriti rewahinyreri. Inatyhymy aluumy watzimahāre.

² Waliina, juhuutyhy Deuxu-Ō arāixitŌedŷŷnyra aaŌmydŷŷna tule aumy wihikŷhykymy mabekemy, iwese atyytyby awire wesele ratxireri.

³ InyseriŌre wese aribi rehemynyrenyreu, wako relyyrenyre umy iwese kai Ōbitimy tate wese tule inatyhyna-ki tateri wese. Tai wawo reysamy watzimahāre. ⁴ Jiarŷ raholamahāreu wariŌre wese Deuxu inatyhyna rityhynyrreriki, kia ibutu ratyre wawo riteysadŷŷnytyhyre.

⁵ Kai tahe, Kaio, kowa inyseriŌre tule iwitxira ludu seriŌre teeryŌteki, tewiŌhenanyteu aŌmydŷŷnana wihikŷ tewinymahāte. ⁶ Inyboho wirotyra-wana, kia hābu iny seriŌre aluunamy rarybera. Ibedetŷinana-Ō biwiŌhenanykeki, aŌwihikŷ biwinymahāke. Tuhyykeki Deuxu deewimy atximahāke. Tii dori iny-wana Deuxu inatyhyna-Ō raaŌmysŷdŷŷnykre.

⁷ Kia dori kianimy rŌhŌnyre. ItyhydŷŷdukŌdu mahādu-ribi aŌ ritaŌhykyre.

⁸ Kia wese tahe tuu rikiwiŌhenanymyhŷke. Tai tahe Deuxu aŌmydŷŷnana tŷnydŷŷna riwiŌhenanymyhŷre.

⁹ Ratyyritinymahāre kowa ityhydŷŷdu mahādu-Ō. InyŌ tahe warybe-Ō roholaŌmyhŷre. Tii boho dori juhuludukemy ratxireri. DiŌtesi inire.

¹⁰ AŌu arehemynykreu, ararybekre aŌmybo tii rotŷŷnyre tule aŌbinamybo rarybere inmy. AŌ tiihykyle aŌkŌ, iny ityhydŷŷdu seriŌre hāwāwitxira ludu ixidee tarora-Ō rimyŌtyhy. InyŌ kia seriŌreŌ rimykeki, tii ri-ixāwidinyre idy-ribi tii seriŌredyna-Ō dohodŷŷdu mahādu-ribi hitximy riteŌnyre. ¹¹ Waleina, kai Kaio, Ōrarudu mahādu aŌhebo rotŷŷnyre wese aŌ kai tate. Iny wihikŷ wese kai tate. InyŌ aŌwihikŷ riwinykeki, Deuxu hŌrŌ tii rare. AŌkŌkeki Deuxu rieryŌre. ¹² Ibutumy Dimitiu dee inatyhyna-di aŌwihikŷmy rarybere. Inyboho tule. Kaile teeryte inyboho inatyhy rarybere.

¹³ SŌwemy rybe adee ariwahinykemy watzireri. Tahe aŌkŌre tyriti ritina-ki. ¹⁴ Eleelemy arakemy dori watzireri aroramy tai tahe widee rakarybekre. ¹⁵ Deuxu awo-ki riyrykemy idi watzireri. AbiŌwaboho kaki awehityhy risareri. WabiŌwaboho sohoji sohoji kowa-Ō warybe wehityhyna biwahinykre.

Judas Judas Tyyriti

¹ Jiarỹ Juda rare. Jesuisi Kristu deòdu jiarỹ rare, Txiau exi wahe. Deuxu heka aluudu rare. Tii arayrubunymyhỹre òraruna-txi reseke lau. Tai òbitimy ahābenyke Kristu nonana-ò. Watyyriti adee rewahinyre. ² Ruxetòena adee kanakemy watzireri Deuxu-ribi. Ywina sòwemy aworeny-ki atxibenykemy adireny watzireri. Wiluuna sòwemy akireny ihỹke, Deuxu-ribi.

³ Jiarỹ kaiboho ibutumy aluurenyre. Deuxu ibutumy inyboho ritarenyre. Kia ibutumy ariritinykemy idi rahòtinyra. Inyboho heka ibutumy Deuxu sỹ mahādu roire. Iwese iny rityhynymyhỹre wese tii iny ritỹnynymyhỹre. Iribi tahe iny mahāduò adee nade iny inytyhyna riwitziradỹnykemy adireny ratxireri. Iny heka inatyhyna biyrubunyenyeke òbitimy rarehyyke. ⁴ Kia òbitikò mahādu ayreny-ò ralòra. Tiiboho Deuxu rityhynyòre. Deuxu inydeereny awi heka rare òraru-ribi iny ritarenyreki. Kia òbitikò mahādu tahe kia wese rarybere: —Òraru-di atxikeki, kia aò aòkò rare. Deuxu dori iny òraru-ribi ritare. Jesuisi iny wedu rare, iny Iòlò wahe. Tiiboho tule rarybere: —Deuxu bityhynybenyòke. Deuxu ihetxiu rieryre kia wese tiiboho rarybekemy. Tai tahe tii ritỹnynymy ihỹre tiiboho bedehèotybina-ò riteònyke.

⁵ Deuxu inatyhymy riteònykre ritỹnynyraki. Iwese tii ihetxiu iny-di rehure wese, tii wiji iny rehukre. Judeu mahādu heka Deuxu ritare Egito bede-ribi. Idi tahe imahāduò rityhynyòre. Tai tahe imahādu rahurenyre. Kia teerytenyte. Itxi òhòtirenny reakre. ⁶ Ýju mahāduò tule juhūu Deuxu deòdumy ihỹre. Idi tahe taaòmysỹdỹña ririre. Tai Deuxu ròtena bedeò-ò riteònyre. Bedelorohekỹ ihỹre. Kabederawo-ki roire. Tiu heka iribi riòlòdỹnyòtyhy. Deuxu bededỹñana riywinymy roimyhỹre aòhòkỹmy isỹdỹñana-ò. Tai tahe ýju wesemy kia òbitikò mahādu rỹike, Deuxu itỹnydỹñdumy rỹikre. ⁷ Ijò ijyy teeryte. Inatxi hāwā ihetxiu ibinatyhy rare: Sodoma, Omora-wana. Ijò hāwā tule ibinatyhy rare. Kia hāwā yludu mahādu ibutumy heka òta òtanale riwinymyhỹre. Hābuò dori wiwana rexìòrarunymyhỹre, hāwyy tule wiwana wahe. Tai tahe Deuxu ihāwā rahure. Biu-ribi heòty diteònyde. Idi Deuxu dibedeerynyde òraruna derare tii. Tiiemy aòhòkỹmy dỹñana riwahinyre. ⁸ Kia tule òbitikò mahādu-ò riwahinyre. Tiiboho dori ibinamy riwinymyhỹre. Aòbinalemy raraykynymyhỹreny, taumyreny risurisunymyhỹreny òraruna-di. Deuxu rityhynyòre tule ýju ruruna-di risinymyhỹreny. ⁹ Tiiboho Mieli wesemy aòkò riwinyre Mieli heka Deuxu ýju dinoduò rare. Tii Satanasi-wana wiribi òtumy rarybemhỹreny, Moisesi umy òraru-ki. Mieli heka ritirỹmyhỹre iumy ridyke lau. Iu Mieli Satanasi-ò rarybereu urihimyò rityhynymy rarybere, ixinohòtidile ritehiòtyhy. Urile rarybere: —Deuxule aratehikre. ¹⁰ Kia òbitikò erydu mahādu aòbina riwinymyhỹreny. Aòbinalemy tyytyby bede aòmydỹñanamy rarybere kia rieryòmahā hārele. Kabede aòmydỹñanale rierymyhỹre iwese ibutu iròdu mahādu rierymyhỹre wese. Tiiboho heka iròdu aòna aòna nohòtijuranadile aòna aònamy

rotŷŷnomyhŷre. Tai rexihurenyre. ¹¹ Deuxu heka kia mahādu kid-itŷnynyke, Kaĩ reòsamy raremyhŷ dori reòsareki. Aòbo Kaĩ ixi-di riwinykemy ròhòtinomyhŷré heka riwinyomyhŷre. Kia mahādu tule Balaaò wesemy riwinyomyhŷre. Balaaò nieru ròsomy ritakemy ixidi ihŷmyhŷ. Tai tahe Deuxudeewimy riwinyòre. Tule kia mahādu Kore wesemy riwinyomyhŷre. Deuxu òludumy rexisŷnyre. Tai rexihurenykre iwese Kore mahādu rexihure wesemy.

¹² Kaiboho wiluuna roxina-ò tebutunyteu, kia mahādu tule ayreny-ò ralòra. Aworana bedehesi tiiboho ribinadŷŷnomyhŷre òbitimyno rieryòreki. Urile rexihydynomyhŷre, inywitxira-txi tòhòti reaòhyomyhŷre. Iwese yhy debure wese tiiboho roire. Urile yhy biu ridyòtyhy. Ròàòtyhy. Sòwemy taheka relemyhŷre, ihārele aòhomy aòkò namyhŷde. Òwòru bederaty wahidŷŷdu wese tiiboho roire. Iratydikemy ratxireriu, ihārele aòkòlere. Òwòru rubu wese roire tiiboho. Raòròmyhŷre, rurumyhŷre. Kia wese heka kia mahādu rare. ¹³ Kia òbitikò erydu mahādu tiu ele risaòhyomyhŷre. Ahohokŷ aòwetari òbòhòkŷ idi rehumyhŷre wesemy tiiboho inyrenyore. Iwese òbòbexi-di ròhònymyhŷre wese. Iòraruna òraru-ki aòbina bina iribi ròhònymyhŷre. Tiiboho dori Deuxu inatyhyna ririrenyre. Iwese taina resemyhŷre wese tiiboho iribi resemyhŷrenyore. Deuxu kia mahādu-di ritŷnynomy riteònyke bede luruhukŷ-ò. Iribi ròhònyòtyhy. ¹⁴ Enoi heka Adaò dee yreò rare. Adaò juhuu hābu rare. Debòinatxi riòreky-ribi Enoi rare. Enoi Adaò riòre roko rare. Ihetxiu Enoi rarybere wijinabòdu mahādumy. Iwese òbitikò erydu mahādumy roirekre. Enoi rarybere Kristu nonanamy: —Tii kanakre tamahādu sòwe-wana. ¹⁵ Idi ibutumy iny ritŷnynykemy. Inyò tii taaòhòkŷmyna aòhòkŷmy rotŷŷnykre òraruna òraru-ki. Ibutumy òrarudu mahādu rehukremy Deuxu-my ralahatxinanomyhŷreki. ¹⁶ Tiiboho rexi-rahemyhŷre, tiu reysaòhyomyhŷre, aòdibo tamywimy rabinadŷŷmyhŷreki ratxikelemy. Rarybenihikŷmyhŷre. Riwiòhenanomyhŷre aò ritamyhŷre xiery.

¹⁷ Waluuna mahādu, òhòtirenny reake aòmybo Wanyrŷ Jesuisi Kristu teòdŷŷna mahādu juhuu raryberé. ¹⁸ Tiiboho adeereny rarybere: —Bedeŷŷnana roomy tahe ijesu kòdòhònykre, ixidee wilemy tuu rotŷŷnomyhŷre. ¹⁹ Kia hābu iny wiribihitximy risŷnykemy, bede aòmydŷŷnana luudu mahādu. Deuxu Tyytybytyhy-di aòkò ratximyhŷre. ²⁰ Kaiboho waluuna mahādu aityhydŷŷna-di arurumy bitŷnynyke, Deuxu Tyytybytyhy-na-di bexitòenyberihy. Deuxu luunay-ki iximy boibeke. ²¹ Wanyrŷ Jesuisi Kristu ruxetòena biraòbenyke. Tii heka umytedeòna kidiwahinykre. ²² Biwiòhenanomyhŷre ka ritxiònymy rŷira mahādu. ²³ Kia mahādu iworonawe-ribi wese bitake. Ijò-ò ywina-di brebuna-di bisŷnykemy taòraruna deramy bekowabenyke. Iòraruna aòna aòna-ò akyneny reake.

²⁴ Òraruna lau taruru-di Deuxu arayrubunomy ratximyhŷre. Tii arateòsinykre yramy, tako-ò wowydyna-wana. ²⁵ Wowydyna, àlàdŷŷna, ruruna, Iòlòtyhydŷŷna, iny Deuxu sohoji-ò kanakemy watxireri tule Inynyrŷ Jesuisi Kristu iny tarasadu-ò. Kata juhuuna-ribi, wiji aòu aòu-ò rahykykre. Kie.

Apocalipse Deuxu heka Joaõ-ò bede ritÿnynyre

¹ Katyyriti-ki tahe bede aõmydÿÿnana roire. Kia heka Deuxu Jesuisi-ò ritÿnynyre. Idi Kristu Joaõ-ò ritÿnynyre. Aõhebo ele elemy rotÿÿnykre heka inyeerenny riteòsinyreri, teòdu mahãdu wahe. Ýjuõ heka Kristu riteònyre Joaõ-ò ibutumy relyykemy, ritÿnynykemy. ² Iribi tahe Joaõ ibutumy relyyre. Kaki heka riritinyre. Kia heka ijyy rare. Jesuisi Kristu inatyhyna rare. ³ Inyõ katyyriti-di rariakeki, eysamy ratxireri. Inyõ kiamy roholakeki, eysamy ratxireri. Inyõ kia rityhynykeki, eysamy ratxireri. Bededÿÿnana dori iòhòmy ratxireri. Kia ibutumy rotÿÿnyke.

⁴ Jiarÿ heka, Joaõ wahe, dohodÿÿna mahãdu-ò watyyriti rewahinyreri. Debò inatxi reurò mahãdu Asia bedeki watyyriti rewahinyreri. Ruxetòena, ywina-wana adeerenny kanakemy idi watzireri. Deuxu-ribi dori ratxireri, ihetxiu rare, tule tiemy rarekre. Tii dori ruxetòena adee riwahinykre, tule irynana tyytyby riwahinyke, debò inatxi reurò mahãdu wahe. ⁵ Jesuisi Kristu tule adee kia riwahinykre. Tii tahe inatyhyna ijyydu rare. Tii juhuru rubu-ribi ixixadu rare. Tii ibutu iòlò dinodu heka tii rare. Tii inyluure. Inyòraru iny-ribi tii riwatarenyre tahãlubu òraru-ki. ⁶ Tii Xiwe wahidÿÿdu mahãduò ixidee riwinyre, inyboho wahe. Ibutumy ityhydÿÿdu heka xiwe wahidÿÿdu mahãdu wese rare, iòlò mahãdu wese wahe. Deuxu rekeàlàmyhÿke. Ibutumy wowydyna, ruru-wana heka Jesuisi Kristu-ò rawahidÿÿmy rarekre ihyy hyymy. Kie ⁷ Beteheke, tii biuwetykywo-ki naderi. Ibutumy iny tuu robikre. Irubudÿÿdu tule tuu robikre. Ibutumy iny rahinykre, robukre iòraru-ki. Inatyhy rare. Kie.

⁸ Jiarÿ AA rare YY rare. Juhuru ludu rare, tule ikonana ludu rare. Deuxu jiarÿ rare ibutu ruru wahòrò rare. Aõu aõu jiarÿ watzixiwãhãre.

⁹ Jiarÿ Joaõ rare, aityhydÿÿdu seriòre wahe. Jiarÿ tule awese aõhebo ratÿÿnyre. Jesuisi Iòlòna òraru-ki. Patmos bedebute-ki jiarÿ ratxire, ròtena wese heka tai ratxire. Jesuisi inatyhyna dori retÿnynyre. ¹⁰ Nobiuatxuõ heka jiarÿ aõma Deuxu Tyytybytyhy wadee dobehede. Iu tahe rybeò-ò raholare, juròna wodÿÿ wese heka rare. ¹¹ Tahe wadee rarybere: —Biritinyke aõma ibutumy aõbo kai bobikre. Ibutumy dohodÿÿna mahãdu-ò kia tyyriti biwahinyke. Ka tyyriti tahe biteònyke heka debò inatxi reurò hãwã-ò: Efesu hãwã-ò, Esmirna hãwã-ò, Pergamo hãwã-ò, Txiatira hãwã-ò, Sardesi hãwã-ò, Filadelfia hãwã-ò, Laodisia hãwã-ò. ¹² Retehera wahewo-ò mobo wadee rarybereò. Tahe debò inatxi reurò loosòna mynynalemy rabira, womati tÿrÿrÿÿle wahe. ¹³ Itya-ki tahe hãbuò wese rare. Ityky urarehe heka ratxire. Iwereysana heka womati tÿrÿrÿÿ heka rare wyò wòtena-ki roire. ¹⁴ Irade iurahakÿ ratximyhÿre. Iruue heka heòty wese rare. ¹⁵ Iwa tahe bronze womati wese rare. Irybe wodÿÿ heka bee ijiranahakÿ wese heka rare. ¹⁶ Iruruwe-ribi debò-ki heka taina debò inatxi reurò sòwe rimyre. Irybe mayrehe wiòtxu wese iry-ribi ròhònymyhÿre. Iòsÿny tahe txu tòtee wese heka rare, itÿnytyhyre. ¹⁷ Kia ibutumy rabireu, jiarÿ resera bedeki rubu wesemy. Tii ruruwe-ribi debò watyre-ki ritidire, rarybere: —Buberuòtyhy! Jiarÿ juhuludu rare, ihewoludu rare. ¹⁸ Jiarÿ rurure, iribi tahe rexixare rubu-ribi, aõu aõu tahe jiarÿ watzireri. Tiu aruruòtyhy. Rububede

dinodu heka jiarÿ watzireri, ityre waruru rare. ¹⁹ Biritinyke ibutumy tuu tabita wiji. Tule aõbo idi kanakemy biritinyke. ²⁰ Adee aritÿnynyke aõbo kia ibutumy rare. Debò inatxi reurò taina heka wadebò-ki rare. Kia taina heka dohodÿÿna mahädu ÿju wese rare. Loosòna mynyna heka dohodÿÿna mahädu wese rare.

2

¹ Kia heka biritinyke Efesu dohodÿÿna ÿju-ò: —Kaa heka inyõ rybe rare. Tii taina debò inatxi reurò rimymy idi rÿimyhÿ iruruwe-ribi debò wahe. Tii loosòna mynyna yky-ki rariareri. Kia womati tÿrÿrÿhÿkÿ-di relere wahe. ² Aaõmysÿdÿÿna wiwihikÿ reeryre, awoxierysytere tule. Hãbu bina tiu aitxerenaõna toite. Inyõ Deuxu deòdumy iximy uritere rybedu, teurihitenyte. Kia iruirybe teerytenyte. ³ Kaiboho tawoxieryterenytenyte. Tule aõhòkÿmy tatÿÿnytenyte waòraru-ki, wijile tule wahe. ⁴ Kiaremy tahe sohojile wadee ibinare. Iwese juhuu waluu wesemy aõkò wiji ahätenyte. ⁵ Kaiboho heka atyhyna-ribi ahewo-ò taddòsetenyte. Kiaremy ta idi bexinohòtinymy bexirãhibenyke. Iwese juhuu atximahäte wese, ixityre boibekemy. Kiamy aõkòkeki, aloosòna mynyna ay-ribi aritakre. ⁶ Kiaremy ta akireny sohojile awire wadee. Kaiboho heka Nikolaita mahädu iaõaõna widÿÿ derarenyre wawesemy. ⁷ Iny rybeõ ijohona mahädu bohohabenyke Deuxu Tyytybytyhy rybe-ò timybo Ityhydÿÿdu mahädu-ò rarybemyhÿre: —Inyõ òraruna ijesu ritakeki, tamy jiarÿ umyuedeõna ariwahinykre. Kia tahe Deuxu bederaty ritokre, Deuxu oworu-ki rÿimyhÿre wahe. Kia bederaty inyru wahidÿÿdu rare.

⁸ Kia heka biritinyke Esmirna dohodÿÿna ÿju-ò: —Kia heka Juhuuludu rybe rare, Ihewoludu rybe rare. Tii rururibile rexixare. ⁹ Aõhòkÿmy dÿÿnana reerymyhÿre. Uriterenodu wesemy toite. Ihãre tahe aõna aõnawiwihãrõreny rare. Aòludu mahädu umy rarybereri ibinamy. Tiiboho Satanasi mahädu roire. Judeu mahädu aõkò roire tiiboho tuu raryberehãre. ¹⁰ Buberuòtyhy kaiboho! Aõhòkÿmy dÿÿnanaõ kanakre debò wiò txumy wahe. Tahe buberuòtyhyke. Ròtenawo-ki boibenykre. Burubenyke hãrele heka òbitimy biwatyhynybenyke. Iribi tahe irudÿÿna rataana adee ariwahinykre. ¹¹ Kaiboho nohòti-di mahädu, bohohake timybo Deuxu Tyytybytyhy heka ityhydÿÿdu mahädu-ò rarybemyhÿre.

¹² Kia heka biritinyke Pergamo dohodÿÿna ÿju-ò: —Kia inyõ rybe rare. Tii mayrehe wiòtxuree dire:

¹³ —Jiarÿ reeryre asÿ, ahãwã wahe. Kaiboho Satanasisÿ-ki tasÿnyteri, irynana rarerihãre wahe. Tahe Kaiboho aityhydÿÿna teriòtenyte. Tai tiiboho warybedu Antipasi òbiti rirubunyrehãrele.

¹⁴ Ihãre tahe akireny sohojile wadee ibinare. Ayreny-ki inyõ Balaaõ erydÿÿna rityhynyre. Tii ihetxiu Balake òraruna-txi aatysydÿÿmy ribedeerydÿÿnyre resedÿÿkemy. Tii Israeli mahädu-ò rarybere:

—Xiwena aõma ide tahe biròbenyke tule òta tahe urihimyo tahe ibinare.

¹⁵ Tule ayreny-ki tahe Niolaita tohodÿÿna ijõreny rityhynyre, timybo rexiòrarunanykemy. Kia ibinare wadee. ¹⁶ Tai marybeke tiiboho rexi-rahikemy idi iribi rexixãwidÿÿnykemy. Tukòkeki, anakre warymayrehe wiòtxuree-di iòludumy areakre wou-ki. ¹⁷ Iny nohòti-di mahädu, bohohake Deuxu Tyytybytyhy rybe-ò timybo Ityhydÿÿdu mahädu-ò rarybemyhÿre: —Inyõ òraruna ijesu ritakeki, tamy biu-ribi rÿsÿna rÿikre. Manauratyre-ki heka nii tÿmyra raritimy roire. Õmo nii rieryõre. Tunidukrele rieryre.

¹⁸ Kia heka biritinyke Txiatira dohodŷŷna ŷju-ò: —Kaa heka Deuxu Riòre Rybe rare. Iruè heka heòty wese rare. Iwa bronze womati wese rare. ¹⁹ Aaòmysŷdŷŷna reeryeri, luuna, ywina, tyhydŷŷna, juhuu ratyre wiji aaòmysŷdŷŷna. ²⁰ Kiaremy tahe sohojile wadee ibinare: Kaiboho heka Jezabel teijemahātenyete. Kia hāwyy dori Deuxumy rybedu ixi-di rare. Ihāre tahe òtaòtamy, xiwe rŷsŷmy rotohodŷŷmyhŷre, ritxoo hōrō wahe. ²¹ Jiarŷ tule txiò reijere òtaòta-ribi ixāwikemy. Tahe tuuòhyyre. ²² Idi herina-ò arilidikre ihābu mahādu-wana. Tai aòhòkŷmy rotŷŷnyrenykre. Tiiboho kia rexirāhīnyòrenykeki, tuu ele elemy ariwinykre. ²³ Iriòre bina arirubunykre. Tai ibutumy aòwidŷŷnamyna ityhydŷŷdu mahādu riwaerykremy. Jiarŷ heka inywo erydu dori rare. Kiaremyta iny sohoji sohoji ariòwynykre. ²⁴ Ayreny-ki tahe inyò rŷire. Tiiboho bedeeryna bina rityhynyrenyòre. Tiiboho bedeeryna bina rieryòhyyre. Txioinihe, bede ywina sira aòkò adeereny ariwahinykre. ²⁵ Iwese kaiboho tetyhynyte wese wiji bityhynybenyhyke. Ele ele dori arehemynykre. ²⁶⁻²⁸ Kaiboho heka òraruna ijesu bitakeki, adeereny ruru ariwahinykre. Kaiboho ihyymy wadeewimy biwinybenykeki, bede bede dinodu mahādumy boibebebenyke, iwese ruru Waha-ribi remyra wese wahe. Tamywikeki womati òhòte-di bede bede mahādu rihukre, iwese butxi ribòhònyre wese wahe. Tule adeereny ariwahinykre aòma biurasò taina wahe. ²⁹ Iny nohòti-di mahādu, boholake Deuxu Tyytybytyhy rybe-ò, timybo tii ityhydŷŷdu mahādu-ò rarybemyhŷre.

3

¹ Kia heka biritinyke Sardesi dohodŷŷna ŷju-ò: —Deuxu Tyytybytyhy debò inatxi reurò dinodu, taina debò inatxi reurò dinodu kia rybe rare: —Aòhebo tatŷŷnymahātenyete reerymyhŷre. Arumy anireny ratŷnymyhyre ihāre tahe tarumy ahātenyete. ² Bexirawahatebenyke ainatyhydŷŷna-ki, urikò-ribi kiemy ixāwiheny. Deuxuko-ki awityhymy aòkò ixi-di texiemyhŷtenyete. Kia reerymyhŷre aòmysŷdŷŷnareny tewinymahāte. ³ Inatyhyna juhu taholatenytedi, bexinohòtinybenyke. Idi bityhynybenyke aònanabina-ribi bexirāhīke. Tukòkreki wasidu wese ierykòmy adeereny anakre. ⁴ Ihāre tahe Sardesi hāwā-ki inyò reximymy òbitimy rarekremy ihŷre. Tiiboho wahe-ki tyky lyra urahakŷ-di kanariarenykre kiemy dori òbitimy reximynyrenykre. ⁵ Mobo ròtarenykre, tyurahakŷ-di rexityynyrenykre. Inireny Rutyyriti-ribi aritaòtyhy. Idi Wahakò-ò wahòròrenymy aritŷnykre tule iŷjuko-ki. ⁶ Kaiboho nohòti-di mahādu, boholake timybo Deuxu Tyytybytyhy heka, ityhydŷŷdu mahādu-ò rarybemyhŷre.

⁷ Kia heka Filadelfia dohodŷŷna ŷju-ò biritinyke: —Kaheka inatyhymy Deuxu deòdŷŷna rybe rare, òbitimy nodu wahe. Tii Davi ijò rayna dinodu rare. Tii ijò riraynykeki tiu inyò riratòbònyòtyhy. Tii riratòbònykeki tiu iny riraynyòtyhy. ⁸ Aòhebo tatŷŷnymahātenyete reeryre. Akyhynakòmy atximahātenytemy rieryre warybe dori tetyhynymyhytenyete. Tai ijò adeereny reraynyra. Tii inyò riratòbònyòtyhy. ⁹ Bodoholabenykre. Satanasi mahādu heka Judeumy rexininimyhŷre tukòdu hārele. Idi adidydenykre akoreny-ò tatiowotimy kedeseke. Iu aluurenymy riwaeryrenykre. ¹⁰ Aòhòkŷmy dŷŷnana kanake ibutumy iny urihidŷŷmy. Kaiboho warybe tetyhynyta, ywina-di tetyhynyta. Tai ilau arayrubunrenyke. ¹¹ Ele elemy dori adehemynykre. Ahòròreny biyrubun-

yke inyõ aribi rawasinyheny arudÿÿna rataana wahe. ¹² Oraruna ijesu inyõ ritakeki. Tii ixbyby rubumy ruruõkre. Tii Deuxu heto-ki rasÿnyihyykre. Deuxuni ityre raritinykre tule Kristuni tÿmyra wahe. Jerusalëni tÿmyra tule ityre raritidyÿmy rÿykre, biu-ribi dobehede wahe. ¹³ —Iny nohõti-di mahãdu, boholake Deuxu Tyytybytyhy rybe-ò timybo ityhydÿÿdu mahãdu-ò rarybemyhÿre.

¹⁴ Laodisia hãwã dohodÿÿna mahãdu ÿju-ò heka biritinyke: —Kie rybe kaa rare. Tii inatyhyna inatyhy rybe rare. Tii Deuxu-wana bede relereu, ratximyhÿ. ¹⁵ Aõhebo tatÿÿnymyhÿtenyete ibutumy reeryre. Ainatyhyna-ki inatyhymy aõkõ, txiõlemy aõkõ toite tule. ¹⁶ Tai tahe iðraru-ki ixi-ribi aratarenykremy rexinohõtinyre. ¹⁷ Kaiboho tarybetenyte: —Waaõwiwi-di roire. Awityhymy watxirenryeri. Wadeereny aõ rasiranyõhyreri. Idi urile texibõnytenyeri. Kaiboho dori abina, iaõkõ mahãdu, adehekÿ, aruety toite. ¹⁸ Kia aratohonykre: —Waribi womati tÿrÿrÿhÿkÿ aworibityhy biõbranykre, aityhynamy wiwihikÿ. Tasÿse tyyurahakÿ tule, ade wõtenamy. Tasÿse rueluahina tule, arue ywinamy. ¹⁹ Waluuna mahãdu òhõte-di aribedeerynymyhÿre warybemy tule. Tahe eryrewemy aõsusu-ribi bexitabenykre wadee. ²⁰ Bodoholabenyke. Ijõ-ki rarymy watxireri. Inyõ roholakeki ihetowo-ò aralokre. Tai tii-wana ariroxikre. ²¹ Òraruna ijesu inyõ ritakeki, tii wawana waryna-txi ronykre iwese jiarÿ waha-wana nadonymyhÿde wese. Rõtare dori wawouna-ki. ²² Iny nohõti-di mahãdu, boholake Deuxu Tyytybytyhy rybe-ò, timybo tii ityhydÿÿdu mahãdu-ò rarybemyhÿre.

4

¹ Iribi tahe biu-ki ijõmy rabira rasina wese. Rybeõ raholare, jurõnajurõ wesemy. Iwese wadee rarybere wese. Kiamy narybede: —Mana òwõnyke, aõhebo itxõmo rahudi rotÿÿnykre ini ariteòsinykre. ² Iule tahe Deuxu Tyytybytyhy riwamyre. Iu, inyõ ryanamy rabira biu-ki. ³ Iòsÿny heka roosõnymyhÿre womatiwihikÿ rÿsÿ wese, Jaspe wesena, Sadonio wese. Uwajiõ wixira tÿre heka rare iryna rirurawonyre. ⁴ Tahe 24 ryna iryna rirurawonyre. Ityre tahe 24my wedu mahãdu ronyre tyyurahakÿ-di. Irati-ki womati tÿrÿrÿhÿkÿ-di rarataanany. ⁵ Biudela, biumyta, irynana-ribi dohonyde. Heõtyloo heka debo inatxi reurõmy sõwe iko-ki rÿire. Kia heka Deuxu Tyytybytyhy tuu sõwedu rare. ⁶ Tule iko-ki mana aho roire iuramy raurananyre. Irurawona-ki wiõwiõ-ki aõni inaubiõwa rãire, irue sõwe ihewo-ki, iko-ki. ⁷ Aõni delena heka hãlõehékÿ wese rare. Ijõ heka karõtihakÿ wese rare. Ijõ tahe hãbu õsÿny wese rare. Ikonanareny tahe nawihikÿ dowõmy nade wese rare. ⁸ Ibutumy tiiboho debò sohoji reurõmy tesõwereny. Ta tiiboho tetya wirawyõ rawyõ irue dire. Tahe tiiboho rexielehynyõhyylemy txumy rumy rawiunymyhÿ: —Òbitityhy tate, Òbitityhy tate, Òbitityhy tate Inynyrÿ Deuxu rurutere. Kai tate, tule kai mabekre. ⁹ Kia heka inaubiõwa boho rawiunyre: —Wowydyna, àlàna-wana ryanana-ki rÿdu-ò, iki kiemy nodu-ò wahe. ¹⁰ Iu tahe 24 wedu mahãdu heka tatiowotimy taõsÿny sutxi ritidimy riwowydynymyhÿreny resemy iko-ò. Tamy tarataana-dí rehemy raryberenyre. ¹¹ —Wadinodureny, waDeuxureny adee sohojile heka wowydyna, loosõna, àlàna rawahike. Ibutumy dori aõna aõna tewinyte. Adeewimy rÿimyhÿre idi rarianymhÿrenyre.

5

¹ Ryna-ki r̄ydu ruruna debò-ki heka tyyriti werywery wesemy rabira. Tyyriti tahe wirawyò rawyò-ki iriti dire, tii debò inatxi reurò iratòbòna sòwe. ² Ÿju ruru ruruhuk̄y-my ryrymy d̄ȳraxi-di: —Mobo ityhykre tyyriti ratòbòna aresyd̄ȳdukre irayd̄ȳ-ki tule. ³ Tai tahe inyò ijòhyyre: —Biu-ki, bede-ki, surawo-ki ijòhyyre. ⁴ Inyò ityhyòre irayd̄ȳ-ki tamy itxere-ki. Iòraru-ki ta urile jiar̄y rahinymyh̄yre. ⁵ Iule tahe matuariò wadee narybede: —Hiòmyke, betehe ta inihe Juda mahādu hā̀dehek̄y-ò, Iòlò Davi iriòre riòre wahe. Tii dori tyyriti ratòbòna riorokre idi riraynykre, tii sohojile dori wou-ribi ròtare. ⁶ Kiamy tahe rabira, Budoeni Riòre wahe. Tii rynana ubey-ki r̄j̄imyh̄y. Aõni inaubiòwa ijòre. Tii boho-wana tahe matuari mahādu r̄j̄ire. Budoeni rurure wesemy r̄j̄ire. Iò tahe debò inatxi reurò rare. Irue tahe tule. Kia rare Deuxu Tyytybyò rare, tii bede bedemy nodu mahādu. ⁷ Budoeni riòre tahe rynana-ki r̄ydu ruru debò-ribi ditade, aõma tyyriti wahe. ⁸ Iule ta aõni inaubiòwa, 24 matuari boho-wana tatiowotimy rejujure buddeni riòreko-ò. Tii sohoji sohoji wiuna-di, womati t̄ȳr̄ȳh̄ȳk̄y hyna-di ratximyh̄yreny. Sohoji sohojiro-ki tahe òwòrusò wydysil̄ȳnywi-di wese rare. Kia Deuxu tyhyd̄ȳdu mahādu ixitòed̄ȳna violāo wese tule ratximyh̄yreny. ⁹ Tii boho wiut̄ȳmyramy rawiunymyh̄yreny kamy wahe:

—Kai atyhy Tate Tyyriti rayd̄ȳ-ò, iratòbòna eresydu tule. Arubumy heka Deuxu-ò Ix̄j̄ju ix̄j̄ju teòbranyte. Irybe wixira wixira, ibede wixira wixira iix̄j̄juna tule.

¹⁰ Iòlòmy tewasynyteny Deuxu dee tule xiwena wahid̄ȳny mahādu wahe. Idi hā̀wā hā̀wā ariwedunyrenykremy. ¹¹ Ÿju sòwetyhymy rabira rynana werora-ki, aõniboho matuariboho tule. Miliaõ hõk̄ymy rasòwerenyre. ¹² Tii boho rirajuahak̄ymy rawiunymyh̄yreny: —Wowydyna, ruruna, deysana, à̀lana, loosòna tamy sohojile rawahinyrenyke buddeni riòre-ò. Tii dori rurure ityhymy ¹³ Tai tahe ibutumy biu iròdu iròdu, suityre iròdu, bera iròdu iròdu ibutumy aõna tule rawiunymyh̄yreny rynana-ki r̄ydu-ò. Budoeni riòre-ò tule kia rawiunymyh̄yre. Rarehykyle, rarehykyle heka rarekre. Kie. ¹⁴ Aõni inaubiòwa rirawyònyre: —Kie, Matuari 24 tahe reserenyre iko, kiemy noduko-ò.

6

¹ Tahe Budoeni riòre heka tyyriti ratòbònaõ riòròre. Kiamy rabire. Tule aõni inaubiòwa mahādu-ò narybede rybenihik̄ymy biummyta wod̄ȳ wese. Mana ini itxeremy. ² Tai retehere awaru urahak̄ymy rabire. Tair̄ydu iwaxiwahate dire. Tamy irud̄ȳna rataana riwahinyreny. Tahe rare wou ròtakremy.

³ Tahe ijò ratòbòna riorore. Ijò aõni tahe narybede inatxina wahe: —Mana ini itxeremy. ⁴ Idi awaru sòhòk̄y ròhònyre. Inyò ityre r̄ydu-ò ruruna riwahinyre, wou ritelenykemy bede bedemy. Tai hā̀bu mahādu wii rahukremy. Tule inyò mayrehe ityre r̄ydu-ò riwahinyre.

⁵ Tahe inataõna ratòbòna riraynyre. Ixyby inataõna aõni rybe-ò raholare: —Mana ini itxeremy. Tai retehere. Awaru lybomy rabire, ityre r̄ydu urihina-di tebò-ki. ⁶ Tahe aõniy-ribi rybeò-ò raholare: —Womati nieru sohoji-di heka urihina sohojile heka trigo rawykre, txusohoji

aõmysÿdÿÿna òwy wahe. Tule inataõ urihina sevada rawykre, txusohoji aõmysÿdÿÿna òwy. Uritere ta uva-ò, adÿÿ-ò aõhe isÿdÿÿõmykre.

⁷ Tahe inaubiòwana ratòbòna riraynyre, Budoeni riòre wahe. Ixyby inataõna aõni rybe-ò raholare: —Mana ini itxeremy. ⁸ Tai retehere. Awaru bisamadòbòlÿre wesemy rabire. Ityre-ki rÿdu heka Rubu inire, heòty bede rubunana iheludumy. Inyõ ityre rÿdu-ò ruru riwahinyre. Tai ròhònyre iny rirubunykremy. Inaubiòwa iny-ribi heka, sohoji rirubunykremy. Wou-ki, rama desemy, rubutyhy-di, iròdu debure-di heka iny rurure.

⁹ Tahe iruyrena ratòbòna riraynyre. Tahe Xiwena wahedÿÿna rawo-ki iny mahàdu rabire Deuxu rybe òraru-ki, tatyhydÿÿna òraru-ki rururenyre mahàdu wahe. ¹⁰ Tiiboho rirajuamyhÿre: —Deuxu In-ynyrÿhÿkÿ, kai tyhy tate, òbiti tule. Tiu waxi waòwryeny bilidikre, warubudÿÿdureny-ò? ¹¹ Tahe iximynamynamy tyyurahakÿ-di rexi-tyynyrenyrene. Tahe tamyreny rarybere urihimyo rexielehynyrenykre. Ijoiireny iwesereny rurukreu riraòrenykyre. Isòwereny rexihureu wahe.

¹² Tahe debò sohoji reuròna ratòbòna riraynyre. Kiata idi suu ramy-tytare inihikÿmy. Txuu urile rurunyrene, ahàdu isòmy relere, halubusò wese. ¹³ Taina tahe sutxi dejujude iwese bederaty yhydebore ritxi-wimyhÿre wese. ¹⁴ Biu titxibo ikòre, iwese tyyriti rarasemyhÿre wese. Ibutumy hãwãlò bedebute tule taherina-ribi ratare. ¹⁵ Iu tahe ibutumy iny rexiwore hãloohokÿwo-ò, manahakÿ hewo-ò tule. Tii roire Iòlò mahàdu, bededinodu mahàdu, soldado dinodu mahàdu, ityhy mahàdu irurutere mahàdu, ibutumy ijò mahàdu rexiwore. ¹⁶ Tahe taixiwotena-ribi rirajuamyhÿrenyrene: —Waxireny mana heka bedesede rynana-ki rÿdu lau rekexiwòrenykyre. Budoeni riòre debure lau tule. ¹⁷ Deburena txu, kyarana txu heka reare tamy, mobo riijekre.

7

¹ Idi tahe inaubiòwa ÿjumy heka tuu rabire. Tiiboho heka inaubiòwa bedehitxihitxi bedemy rÿire. Tahe rimyrenyrene yhyhykÿ tebò-ki heka rimyrenyrene. Tiu heka òwòru radeõ raykÿhyky roire. Bede-ki aõkò, aho-ki aõkò rebònyra? ²⁻³ Tule ijòmy rabire ÿjuõmy ibryra-ribi rarerimy. Deuxu irumy nonadu hãletena nihikÿ widÿÿna heka diwumy idi nade. Iribi tahe inaubiòwa ÿju-ò tii rryrene: —Txiokre inihe. Iwotòmodÿÿõmyke wa suu, bee, òwòru. (Kia ÿju mahàdu dori, bede, bero, wotòmodÿÿdu mahàdu ihÿre.) Biraòriòreke heka Deuxu hãletena deòdu òru-ò aritidikre. ⁴⁻⁸ Tiwesebo kia ritidÿÿna rimymy idi rare. Tahe raholare heka jiarÿ tiweserebo. Ta 144.000 iny ibutumy. Israeli ijoi waòinatxi reurò kia ijoimy heka ixidee rimyre. Sohoji sohoji ijoi-ribi 12.000 inumy heka rimyre: Juda ijoi-ribi, Gade ijoi-ribi, Asser ijoi-ribi, Naftali ijoi-ribi, Manases ijoi-ribi, Simeaõ ijoi-ribi, Levi ijoi-ribi, Issacar ijoi-ribi, Zebulò ijoi-ribi, Jyje ijoi-ribi, Benjami ijoi-ribi, Kia ibutu ijoi-ribi heka 12000 inumy rimyre.

⁹ Iribi tahe sòwemy inumy rabire. Timy heka idi wariramahàduòkre. Ibutu 12.000 hãwã hãwã-ribi wirotyre. Bede ibutu rybe witxira witxira rybedu ibutu ijoi witxira wahe. Tai tahe Budoeniube-ò tiiboho rotamanyrenyrene. Budoeniko-txi ryanako-txi wirotyre. Ibutumy tiiboho ityyurahakÿlemy roiremy. Horeni iru-di heka roiremyhÿ. ¹⁰ Tahe rryrenyrene —irariemy rryrenyrene: —Biu-ò hena waDeuxu-ribi nade rynana nihikÿ-ki ronyreri. Tule Budoeni-ribi nade. ¹¹⁻¹² Tahe ÿju

ibutumy heka widotyde ryanawerora-ò, tule matuari mahādu tule iwo-ki. Inaubiòwa aōni ibutumy reserenyre rynana nihikỹko-txi resere taòsana sutxi ritidimy Deuxu kia wowydynamy relere. Kie, myheka rarybere: —Wowydyna, Bedeerydỹyna, dealàna, loosòna, aruru, aixiòlòdỹyna. Ibutumy heka kia kanakre inyDeuxu-ò. Rarehykyle, rarehykyle heka rarekre. Kie. ¹³ Tahe wawiò inaubiòwa matuari mahāduò wadee rỹraxyre: —Kai aōbo teerymahāte kia tykyurahakỹ-di ratxirenyreriò, tule tiribibo ròireri? ¹⁴ Tahe rarybere: —Aòkõre wanyrỹ, reerykõre. Bedelyyke wako. Tahe wako tuu delyyde. Kia heka dòhònyde heka aòhòkymy dỹynana-ribi dòhònyde rare. Ityky rityranyre heka Budoeni riòre hālubu-di. ¹⁵ Taiki heka rynana nihikỹko-ki ratxirenyreri Deuxuko-ki. Kaheka ruu, txuu-wana heka rāāhimy ratximyhỹrenyre taheto bededỹynana-ki. Kia rynana-ki rỹdu tahe riyrubunyrencyre. ¹⁶ Tiu rama rirubudỹrenyõmy heka bemomo boho. Tiu txutòteehekỹ-wana wirisỹnyõtyhy ybòtò boho-wana, txutye boho-wana. ¹⁷ Budoeni riòre dori rynana nihikỹko-ki ratximyhỹre. Tii heka aryỹna adee riwahinyhỹkre. Tii heka adi itxeredukre heka aradykre heka Umyituedeõna ube-ò. Deuxu irube rirubudỹnykre.

8

¹ Budoeni riòre debò inatxi reurò hāletenamy ribòhònyreu, aõdee biu-ki roholaòhyyre heka byy, myle roire: aòwodỹy wodỹyhomy aòkõ. Wadee meia hora txumy bedemy bede rewyre. ² Debò inatxi reurò ýjummy tuu rabire Deuxuko-ki nyidemy. Tahe inyò tamy riòremy idi retehere debò inatxi reurò ajurònamy.

³⁻⁴ Tahe iwitxira ýju nade. Tii womati tỹrỹrỹhỹkỹ atara nihikỹ. Tahe xiwenatyre orarade rỹny wihikỹ ritoonyre. Inyò riwahinyre ýju-dee sòwemy. Riurinykemy Deuxu ijoì ixitòedỹyna-wana xiwenatyre-ò risòkemy aderòna rỹnyrehekỹ heka womati tỹrỹrỹ xiwenatyre-ki ritxiwire Deuxu ryanako-txi. Ýju iribi tahe kia ibutumy raòwònyre Deuxu-ò. ⁵ Tahe heòty-di heka ýju atara ritỹxinyra idi heòty-di rehure biu-ribi bede-ò. Tai tahe biumytxi ramytxynihikỹnyre heka suu biu tawe ri-hetenyre rybe wese wodỹy ramytatare.

⁶ Tahe debò inatxi reurò ýjummy heka rexiywinymy rỹire ajuròna-di jurònykremy.

⁷ Juhu ýju heka rurònyre. Iribi tahe bedejutytyhykỹ heòty hālubu-wana raurinymy bede-ò rejuxunyre. Bedejura tahe roomyhỹ asirade, bedero-wana inataò-ribi, sohoji roomyhỹ.

⁸⁻⁹ Iribi ihewoludu txuròna-di rurònyre. Tahe berahakỹ-ò resere hāwālò nihikỹ wesemy. Tai ibutumy heòtylawò txuramy ituere. Iyre bee tahe hālubuhukỹlemy relere. Iyre utura tahe ituere.

¹⁰ Tahe ihewoluduhe txuròna-di rurònyre. Iribi tahe tainahakỹò berohokỹyre-txi resere berayre-txi tule. ¹¹ Tainahakỹ heka ihyre inire. Tahe sòwemy iny ituere ihyre bee riurinyreki.

¹² Tahe ihewotyhy tyaludu txuròna-di rurònyre. Tahe aòwesele txutyemy txuu roosòohyyre. Tahe ahādu tawekremy turutyhy inihe relere taina tule. Tahe bederurunytyhyre heka.

¹³ Tahe idi retehemy jiarỹ rāiwāhā. Tahe tuu rabire nawii nihikỹò ruòmy ratxireriò. Tii iryru-di heka rarybemyhỹ: —Bede heka rabinakre. Bede heka rabinakre. Suludu bede iny-ò rryrymyhỹ: —Txioinihe sòwemy

aõbina binahakỹ rexiõtỹmyranykre. Tahe hewotyhyludu ýju txurõna-di kudurõnykreu heka bede rabinatyhykre.

9

¹ Ijõ ýju tajurõna rurõnyre. Tii heka iruyre hewoludu rare. Tahe ijõ inymy rabire. Biu-ribi suò taina resere wese tii resere. Tamy ijõ raynaõ diwahinyde, hãloo nihikỹ ratòbõna rayna wahe. Hãloo nihikỹ heka irehehekỹ rare. ² Tahe riraynyre. Wàdasi iribi tahe dòhõnyde. Iwese tahe bede rurunyre wawerorareny-di. Txuu, ibutumy rurunyre wàdasi lybyhykỹ òraru-ki. ³ Tahe seihikỹlyby wese heka wàdày-ribi dòhõnyde tahe desede suò. Seihe heka itytibòròhòkỹ wese heka ihe rare. ⁴ Asi rubudỹõomykre bederaradeõ tule, òwòru tule. Inyõ Deuxu kia ritidỹýna iòru-ki rỹiòkeki, tahe tule tamy ijira rỹikre. ⁵ Iny rubudỹýmy aõkõre. Tahe iny aõhòkỹmy rotỹýnykemyre heka iruyre ahådumy. Aõhòkỹmy rotỹýnymyhỹre kia ihe juberereri riijererimy ihỹre. ⁶ Kia txuu tahe ixirubudỹýmy reamyhỹre. Tahe aõkõre heka timyhe ixirubudỹýkõmy tamyhe rubu dehemyNyõhymyhỹde. Tukemy heka riwisỹnymyhỹre. Tahe aõkõre rubu iribi rahenymyhỹre. ⁷ Seihikỹ heka awaru wese rare. Iwese awaru rexiywinymy wou-ki ralòkremy rỹimyhỹre wese heka rare. Irati-ki rỹire womati tỹrỹýhỹkỹle irataana wahe. Iòsana heka iny òsana wese rare. ⁸ Irade irehehekỹre hãwyy radehekỹ wesele. Txuu tahe leaõ juhukỹ wesele rare. ⁹ Wyhy itxena ibreti-ki roimyhỹre. Womatile ibreti rare. Bede heka urile rawodỹýnyhỹkỹmyhỹre. Iwese tewe awaru-di nodu sòwe iwodỹý rare. Iwese aõbina-ò raijaramyhỹre wodỹý wese wahe. ¹⁰ Seihikỹ heka bòròhywe nihikỹ wese heka rare. Tahe iruru-di rare. Iny riwotõmonymyhỹkemy iruyre ahådumyhỹmy. Iherona ramytxytxyre iruyre ahådumyhỹmy. ¹¹ Iiòlò heka hãloo rahejihikỹ wedu heka rare. Ini heka hebreu rybe, Abadu rare. Grego rybe heka, Apoliò heka rare. Iny rybe heka iny hàdu hàduhukỹ rare.

¹² Juhuu bedebinahakỹ ituera ròhõnyra. Katahe ijõ iwitxira kòdòhõnykre inatximyhỹmy wahe.

¹³ Ijõ ýju tajurõna-di rurõnyre. Tii heka debò sohoji hewoludu rare. Raholare heka rybeò-ò. Womati xiwenaò-ribi ròhõnyre. Xiwena-ò heka inaubiòwa sòwe. Kia womati tỹrỹrỹ xiwena heka Deuxu ryanako rỹire. ¹⁴ Kia ýju-ò heka rarybere ijurõna dinodu wahe: —Inaubiòwa ýju besedỹýnyke ixinamy ròhõnyke. Tii heka Bero nihikỹ ròtena-ki, bero Eufratesi-ki. ¹⁵ Tii heka ròtena-ki ratximyhỹre kia bededỹýnanau, kia txuu, kia ahãduu kia beòrau. Iribi tahe riòlòdỹýnyrenyde. Iribi tahe ihewoludu iny ibutumy rahure. Iyreyre inataõ hãwã jurajuramy heka rahure. Inataõ jura-ribi sohoji sohoji rirubunyre. ¹⁶ Tahe jiarỹ raholare tiweserebo aõbinadumy rỹire. Iny 200.000.000 inymy rỹire. ¹⁷ Tahe aõbinadumy rabira awaru tyre ronyreri. Awaru tyre ludu tahe iwyhy itxena dire. Ibutumy wako-ki rỹire. Ibutumy rabire. Womatihikỹle, heòtyhykỹwesele heka rare. Ijõ heka tỹreura rare safira wese. Ijõ tahe tỹre raramadòbò wesele. Awaru rati heka leaõ ratihiikỹ wesele rare. Heòtyle iry-ribi ròhõnyreri wàdasi enxofre-wana wahe. ¹⁸ Kia heòty heka inataõ jura-ribi sohoji jura iny rahure. ¹⁹ Tule awaru nohewòru heka iruru dire. Iryribile tahe iheòty ròhõnyre. Taile iruru rare. Hemylala rati wese dire ruròmy heka inatxi demylala juwesele. ²⁰ Iny ituere sýtbybmy tahe rarònyre. Deuxu deàlana dee heka reòbyõhyre. Diabo mahãdu luulemy

ratximyhÿrenyre. Aõma rityhynyrenyre womati tÿrÿrÿhÿkÿ ritxoo, õwõru ritxoo suritxoo, mana ritxoo. Kia ritxoo heka aõki robiõhyymyhÿre, aõ roholaõhyymyhÿre. Rariaõhyymyhÿre. ²¹ Iõraru-ribi roxirãhiõtyhy iribi tahe rahõtinyrenyre aõ õtaõtamy, rubudÿÿnamy, wasinamy, õwõrumy. Kiale rõhõtinymyhÿrenyre.

10

¹ Tahe iwitxira ÿjuhukÿ rabira biu-ribi suõ robehererimy. Biuwetykywesehekÿle iweroramy rÿireri. Tahe owaji wese iratikile roireri. Iõsÿny tahe txuwewehekÿle, iwaube tasÿ heõtyhykÿwesele roosõmy. ² Tii heka tyritinadile debõ ritÿtenymy ratximyhÿ. Tahe itÿte heka deboube-ki roimyhÿre. Tahe tawaube ruruludu heka betye ritidimy idi rÿire. Tawahyweludu tasÿ ityti-õ ridemy idi rÿire. ³ Tii ryryre heka tarurumy. Leaõ irãhãkÿwesele ryryre. Iu tii rarybereu, debõ inatxi reurõmy heka ramytxynymy dirawyõnyde. ⁴ Tahe riritinyre heka aõmybo timykira raryberenyre wahe. Tahe rybeõ-õ raholare: —Kia widÿÿõmy. Kia rybe hewa ierysyna aõkõ rare ixinamy tahe tuu roike. Biritinyõke aõmybo ramytxyna rarybere? ⁵ Tahe ÿju suki ratxireri, beki ratxireri ruru ludu debõ biu-õ riteõsinyre: ⁶ —Deuxu-ribi heka tuu raryberé, warybemy inatyhymy. Deuxu heka tiemy rarehyyle rare. Ibutumy heka riwinyre biu-ki rÿira bede-ki rÿira-wana. Tai heka warybe inatyhymy rare. Ararybekre heka raroorehenyõtyhy kaki. ⁷ Debõ inatxi reurõna ÿju tajurõna ritxurõnykreu heka, Deuxu ibutumy relemy rÿikre iwese rarybere wese. ⁸ Iribi tahe rybe biu-ribi wadee nade. Wadee rarybere: —Biõryke hewa tyritina ÿjudebõ-ki naderí suki bera-ki kia rÿireri. ⁹ Tai tahe tamy rehemynyreri iõhõmy tyriti tamy rexitõenyre. Tahe wadee rarybere: —Biwyke. Birÿsÿke. Juhuu tahe bidi wesemy ary-õ bidekre. Birÿsÿkreu tahe ibutumy rahyrenykre awo-ki. ¹⁰ Iribi rewyrã rerÿsÿra. Iwese tii juhuu raryberã wese rare. Ibreere juhuu. Iribi rerÿsÿreu tahe, wawe rubererenyre. ¹¹ Tahe wadee rarybere: —Kai heka dohodÿÿmy makre ixityre ibutumy inywitxiramy heka botohodÿÿkre. Ibutumy inywitxira witxira-my botoho. Ibutumy rybewitxira witxira botohomy. Ibutumy iõlõmy botohodÿÿkre.

11

¹ Iribi tahe inyõ wadee diwahinyde urihixinaõ. Wadee rarybere: —Biurihikesÿ titxibo Deuxusÿ rÿimyhÿré. Iwo tule xiwena wahidÿÿna biurihike. Idi mariake tiwesebo iny iwo-ki rÿirémy. ² Tahe ahana-ki iube idi riraõmyke. Tii dori ityhydÿÿdukõdu mahãdu dee wahisidÿÿna rare. Tiibohe dori 42 ahãdumy idi rariakre. ³ Jiarÿ dori inatxi rybedu idi watxiwãhãre. Tamy ruru ariwahinykre. Tii heka saumytkyle rariakre. Tii heka rybe ritÿnynykre beõra inataõ weeremy. ⁴ Rybedu inatxi heka bederaty õwõru inatxi wese rare. Tahe tule inatxi loosõna mynydu wese heka rare. Kia Deuxuko-txi rÿire wese heka rare. ⁵ Inyõ idi ibinamy riwisÿnykeki, tahe ixirubudÿÿmy rorukumyhÿre. Heõty iryribihikÿle rõhõnyke heka iny rirubunyke. ⁶ Tii heka irurudire biu dejuxu lau riekemy. Tahe tiu biu reseõtyhy heka inataõ beõra weeremy wahe tii Deuxu rybemy rarybereriu wahe. Ihãre tahe tii rexirãhõreke bero nihikÿmy aho nihikÿmy hãlubumy rexirãhõreke. Ihãre tahe ibutudee bina riwahinyke, rubuna riwahinyke tiibohe awimy tai raharenykeki.

7 Kia heka inataõ beõra weere rikonananykeu, rybe t̃nyd̃ỹdu inatxi rikonananykeu, hãloo rehe nihik̃wo-ribi aõni kòdòhònykreu, tahe aõbina nihik̃-ki heka iu r̃yikre. Tahe inatxi rybedu rirubunykre. 8 Iumy rubu tahe hãwãry-ki roikre, tibo inyr̃ rirubunyrele. Rawesenanyre, kia hãwã arininikre Sòdòma ada Egito wese. 9 Inataõ txuu weere riwydi hãwã ube-ki iumy rubu roikre. Inyõ heka tiu rituunyõtyhy. Ibutu iny hãwã hãwã-ribi ibutu rybe wixira-ribi heka tamy itxeremy rehemynykre. 10 Ibutumy heka iny teysamy r̃yikre urile iny widee aõna aõnamy riwahinymyh̃kre. Tiiemy inyõ raaõmys̃d̃ỹõtyhy kiatrixuu. Tai heka tahõti heka itxi reakre kia inatxi rybedu rurure tahõti itxi reakre. Lisini heka r̃yikre, worana bedehesi. 11 Kia txu inataõ txuweere-di, iumyreny iruna kòdòsekre tamy Deuxu-ribi. Tiiboho lamamy rotamanykre. Iny rarokonykre heka ruberu nihik̃my r̃yikre heka. 12 Inatxi rybedu-ò heka rybetereõ biu-ribi nade: —Kaiboho bòdòibedenyke kaõ. Tahe biuwetyky raòwònyrenykre kia iòludu mahãdu idi retehemy r̃yireri yrubule. 13 Kiaule tahe bede ramytatakre. Debò wiò heto jura jura-ribi heka sohoji resere. Tahe 7000 inmy rurure. Tahe iny rarokonykre tahe iuhe ruberu nihik̃my r̃yikre. Tahe wowydyna riwahinykre Deuxu biu-ki ratximyh̃reõ.

14 Inatxina bede d̃ỹnana bina tahe ròhònyre. Tahe ijõ kanakre.

15 Debò inatxi reurò ÿjummy heka juròna rurònyre. Tahe sòwemyhe iny rarybemy r̃yimyh̃, ryrymy r̃yimyh̃: —Kia bede d̃ỹnana, iòlòna, inynyr̃ hõrõ rare. Kristu hõrõ rare. Aõu aõu tii ibutu ibutu iòlòmny ronykre.

16 Wawiò inaubiòwa matuari tahe, rynana-ki ronyrenyri Deuxuko-txi. Tahe Deuxuko-txi resereny. Wowydyna tamy riwahinyreny:

17 —Kai Deuxu, tuu tate ihyymy, ibutururu ratyre aruru rare. Aru-ruteremy bonykre bede dinodumy. Umy reàlàmy kia-ò.

18 Iny heka ibutumy alau ruberumyh̃re ibutumy òludumy r̃yire, adee deburemy r̃yimyh̃re. Rubu hitxid̃ỹna heka bede reamy heka roire. Èdurenyle heka riòwynykre, aijoi riòwynykre, rybedu mahãdu wahe. Ibutumy ani rityhynymy r̃yira, nihik̃ iyja-wana, kia bede huduhuk̃ rare. Ibeded̃ỹnana reamy heka roire.

19 Biuwetyy riraynyre Deuxu heto. Ibutumy heka lobid̃ỹna tyyriti hyna iwo-ò iny robimy r̃yire. Iu tahe biumytxi, biudelaa ibutu yhynihik̃, ibutumy bede ramytatamy r̃yire, berahak̃ tule resere.

12

1 Iribi tahe ròhònyre warasina-ki aõbo. Aõhebo bede rit̃ỹnykremy, biuwetyy-ribi hãwyyõmy rabire. Txuu wese tahe itykyra. Tii lamamy r̃yire ahãdu tyre. Tarati tyre-ki tahe tainahak̃ rataana idi r̃yire, waòinatxi taina wahe. 2 Tii heka bòtòmny ih̃myh̃. Ryrymy heka txubrere rijjemy tabeded̃ỹnana-ò resera uladu reakremy. 3 Iribi tahe aõna aõna biu-ki rexis̃nymy, aõni hemylalasò nihik̃ wese wahe. Irati tahe debò inatxi reurò sòwe iratimy. Debòwiò sòwe heka iòmny. Irataana heka iratimyna myna r̃yimyh̃re. 4 Tii tahe t̃hewòru-di taina ributunymy ridyre. Bede tyre-ki idi rehure, taina jurãõ. Tii hãwyyko-txi r̃yire. Uladu reakreule tahe uladu riròkremy. 5 Tahe tohouã reare, hãbumy heka reare. Tii iòlòmny heka ronykre, ibutu bede bede iòlòteremy wahe. Ihãre tahe Deuxu ridyre. Raòwònyre heka Deuxu rynana-ò. 6 Hãwyy tahe rahenyre bederahy-ò. Tii 1260 txumy heka tii bederahy-ki bede riekremy. Deuxule heka tii riywinyre.

⁷ Biu-ki heka aõbina nihikỹ rỹire. Mieli, ýju dinodu heka, taijoi-wana raaõbinanyre aõni-wana taijoi-wana. ⁸ Aõni tahe resera taijoi-wana. Rõtara. Biu-ribi rõhõnykemy tahe idi ratxireri. ⁹ Riteõnyre biu-ribi, aõni nihikỹ heka rõhõnyra. Tii heka hemylala nihikỹ wese rare. Satanasi inire, Diabo wahe. Itxenadýýdu heka rare ibutumy iny. Suki resera, taijoi-wana. ¹⁰ Raholare tahe biu-ribi rybeõ-ò: —Deuxu tarasana heka rehemynyre. Tii taruru riteõsinyre iòlòtyhy raremy. Kristu taruru riteõsinyre. Aõbina bina rybedu tahe Deuxu-ò rarybehyyemy ratxireri, txu-wana, ruwana. Tii tahe rõhõnyra biu-ribi. ¹¹ Waityhydýýdu seriõre mahãdu heka rõtara Budoeni hãlubu-di, inatyhyna hãletena-wana. Rurukemy ratxireri tiiboho tamydeewikeki. ¹² Beysabenyke biu mahãdu. Koityhyxe tahe ahohokỹ, bede-wana. Diabo dori adee rehemynyre. Tii reburere, ibededýýnana dori iòhòmy reare.

¹³ Iu hemylala aõni heka bedekile ratxirerimy rieryreu, tahe hãwyy tohouã-wana kia-ò aõhõkỹmy rotýýnykemy risýnykemy idi ratxireri. ¹⁴ Tahe hãwyy heka nawiihikỹ-ribi idei rihuõtera, tahe idi ruõra bederahy-ò, tasý-ò. ¹⁵ Hemylala aõni tahe bee sõwemy tary-ribi rarybexinyre hãwyy ribòròbòrdýýkemy. ¹⁶ Tahe aõkõre. Suu tary riraynyre tahe ibutumy bee riõre. ¹⁷ Hemylala aõni tahe reburemy reare hãwyy dee. Ibutumy hãwyy ijoi mahãdu rirubunyke idi ratxireri. Kia mahãdu tahe Deuxu bede ywina rityhynyre, iwese Jesuisi tuu ritýnynyre wese. ¹⁸ Tai hemylala aõni ýnyrakile rỹire.

13

¹ Iribi tahe aõniny rabire berawo-ribi rõhõnyre warasina-ki. Tii heka debò inatxi reurò iratimy tahe debò wiò iòmý ijõdire. Rataanaõ tahe sohoji sohoji iò-ki rỹire. Irati-ki tahe nibinamy heka rỹire. ² Tii heka hãlòe wesetyhyny rare. Iwa heka ursowa wesele heka rare. Iry heka hãlòery wese rare. Aõni heka tamy ruru sõwemy riwahinyre, irynana wahe. ³ Iribi heka rabire iratiõ, sohoji heka wotõmonahakỹ dire. Tahe reytereri. Ibutumy iny riõtiinyre. Aõni riheludunyre. ⁴ Aõni hemylala heka taruru riwahinyre aõni-ò. Tai tahe ibutmy iny heka aõni riwowydynyre. Iny rarybere: —Mobo heka aõni wese rare? Mobo ijesedukre? ⁵ Aõni heka aõbina bina rarybere. Inyõ ribyrenyõtyhy. Ahãdu 42 tii heka kiawesemy rýikre. ⁶ Tii Deuxu dee heka aõbinamy rarybere, Deususý dee, ibutumy biuludu mahãdu tule rybebina-di ribinabinadýýnyre. ⁷ Inyõ tamy ruru sõwemy riwahinyre Deuxu ijoi mahãdu-wana raaõbinadýýkemy. Tuu rahaýnanykemy heka ibutumy iny wixira wixira, ibutumy rybe wixira mahãdu, ibutumy bede bede mahãdu. ⁸ Ibutumy iny ityhydýýdukõdu mahãdu tamy wowydyna riwahinyke. Budoeni Riõre ijoi mahãdu tahe aõkõre, kia dori ini rýirenyre tyryiti-ki. Juhu bededýýnana inireny iwo-ki roire. ⁹ Tahe inyõ roholakeki heka, boholake. ¹⁰ Inyõ ridyke. Riròtenyke ròtenawo-ki. Ijõ tahe rirubunyke. Deuxu ijoi mahãdu tahe rexityhynykre idi òbitimy roirenyrekremy. Kie.

¹¹ Tahe ijõ aõniny rabira. Tii ròtuòreri bede-ribi. Iò heka inatxire. Budoeni wese heka rare. Ihãre tahe aõni wesele rarybere. ¹² Tii juhu aõni wese rare, iruru. Rarybere: —Juhuludu aõni biwowydynyke. Kia ratiwotomona-di. ¹³ Budoeni aõni heka aõna aõna wiwihikỹmy riwinyre. Tii heòty biu-ribi resekemy tii rotýýnyre. Ibutumy iny tuu robire. ¹⁴ Tii ibutumy iny riitxenanyre kia aõna aõna wiwihikỹ òraruki. Iny

ibutu-ò rarybere: —Suritxooõ nihikỹ biwinyke aõni dee. Tii mayrehe-di rawotõmore hãrele ruruõre. ¹⁵ Tahe ihewoludu aõni heka rabunyra suritxoo-ò tahe irumy rỹire. Idi suritxoo rarybere. Inyõ tamy wowodyna riwahinykeki, tii tahe rirubunyre. ¹⁶ Tii rarybera ibutumy iny-ò: —Kaiboho waritina bitidike aõru-txi, eboreny-txi, ruruweludu wahe. ¹⁷ Aõkõkeki tahe aõhoho aõkõ riwyke. Iny kia ritina ijõdiõkeki aõhoho aõkõ rohonykre. ¹⁸ Kai erydỹna sõwekekile, aõhebo tatỹnytemy kaiboho bierybenykre. Kai erydỹnadikeki, aõni heka rieryke. Ini heka iritina rarõsõna wese rare 666 ihỹre.

14

¹ Idi tahe budoenimy rabire lamamy nyidemy Jerusalẽ hãwã-ki. Aõma Siaõ hãwãlõkile rỹiremy. Tii-wana heka rỹire 144.000 kia inymy heka tii-wana rỹire. Ibutumy tiiboho heka tybynimy, inymy heka ibutumy iõru-ki raritinymy rỹire ibutu òru-ki. Tahe tuu rabire rasinaõmy. ² Biuwodỹ nihikỹmy raholare, tule biuwodỹhỹkỹ ada benihikỹ lesetere wese iwodỹ rare. Tahe sõwemy iny rawiunymy rare violaõ-wana, kia wodỹ wesehekỹle wahe. ³ Kia heka wiu tỹmyra riryrymy ròirenyre kia iny tỹmyra rirahura mahãdu. Kia Deuxu rynana nihikỹko-txi heka rotỹmnyrenyry. Kia inaubiõwa aõnityhy heka waitue inaubiõwa matuarimy tahe ijõmy rỹire. Tahe 144.000 kia inyle heka rawiunykeki, awimy rỹike. Tii dori aõma tarasadumy ratximyhỹrenyre. ⁴ Tiiboho heka tyra roire, tiiboho heka òbiti roire iwese ijadõma ratxirerimy ihỹre wese òtadu mahãdu aõkõhyre. Tahe budoeni riõrehe my heka rare titxibo tii rare hemy. Tii dori wydynamy rare. Kia hãbuy-ribi. Bede ywisidỹna juradỹna kia dinodumy heka rare. Deuxu heka Budoeni Riõre-wana wahidỹnamy heka roiremy. ⁵ Tiiboho heka raryberenyõtyhy tiiboho ruidu roiremy. Òbiti heka tiiboho roire. Tiiboho heka rahitxirenyre Deuxu dee.

⁶ Tasỹ ijõmy rabire ýjuõmy aõma biuwetyky kiako-txi raramy ruòmý rabirerimy. Tii heka Rybewihikỹ tỹmyra rimymy idi rara aõ inywitxira-ò ritỹnnykremy. Ibutu bede bede inywitxira-ò ritỹnnykremy. Ibutu rybe-di ritỹnnykremy, Rybewihikỹ tỹmyra wahe. ⁷ Kiamy heka ryryre: —Deuxu bityhnyke. Marybebennyke tii awi raremy nihikỹ raremy. Bededỹnana rehemynymy roire ihitxidỹdu bede-ò. Bityhnybenyke tii dori bede ibutumy riwinyre bee, biu ibutumy riwinyre.

⁸ Tahe ýjuõ heka ihewomy ruòmý ratximyhỹre. Babilonia hãwã nihikỹ rexihura. Ibutu iny dori òraruna-txi resera. Kia hãwã mahãdu dori ibutumy iòrarudỹnyra.

⁹ Iribi tasỹ iwitxira ýjusỹ tamy nade iheto-ò. Tii tahe ryrymy nade: —Inyõ aõnimy ada iritxoomy rityhnykeki, iribi riwykeki iwotõmona iõru-ribi tebõ-ribi riwykeki iritidỹna, tii tahe Deuxu ykarana heka iribi riwykre. ¹⁰⁻¹¹ Tiiboho heka aõhõkỹmy rotỹnyrenykre ýjuko-txi. Budoeni Riõreko-txi aõhõkỹmy rotỹnyrenykre. Heõty kia bede dỹnana tyhy tiemy raõwõnyhy rarakre. Tiiboho dori tiemy aõnityhy nihikỹle, iritxoo-wana rityhnyhỹrenykeki, tiiboho heka iritidỹnale ixi-ki riwymyhỹrenyre. ¹² Tai tahe ibutumy iDeuxuhe ywina-di heka iwitxira iny ronykemy heka ratximyhỹre. Ibutu aõ òta ibina bina biòludunbenykeny, tiiboho dori aijoi òbitihy boibekemy ikonana-ò. Jesuisi bityhnykemy.

¹³ Iribi tas̄y ixityre ijō rybe-ò raholare watyire-ki. Rarybere: —Kiahe biritinyke: Aō roorehemy aōkō heka dehemy nymy deade. Kia Jesuisi-ò rurure heka uriōno heka tamy dehemy nymy deade. Iribi tahe tule rarybere: atyityby reysamy ratxireri. Myle. Tahe rexielehynymy heka rorukumyh̄renyire aōhōk̄ymy d̄ȳnana-ribi. Tii dori aōwiihik̄yle riwinyrerimy ih̄yre. Reeryre heka.

¹⁴ Idi tahe iwitxiramy aōmybo rabire wiribi hitxiramy. Nonoe wetyky urahak̄yle wese heka rare. Inyō ityire-ki rononymh̄y. Hābuō wesehek̄ylemy heka rare. Irataanadihik̄ylemy rononymy heka tarati-ki heka idi rononymh̄y. Womati t̄yr̄r̄yh̄k̄yle wesehek̄yle irataana rare. Tahe ijō heka itieresyna-ō-di heka tebōkihik̄yle heka r̄yire. ¹⁵ Ijō heka Deusus̄y-ribi nade, ȳjuō. Tamyhe ryr̄re: —Bexit̄myranyke, itieresyna-di tas̄y bexit̄myranykre. Beded̄ȳnana rehemynymy roire adee aō biōrōrōkemy. ¹⁶ Tahe kia nonoe wetyky tyre-ki ronyreri tahe rexidelenyire riōrōrihe. Riwyrehe ibutumyhe aōna aōna riwyre tahe ributunyre.

¹⁷ Kia ijō Deusus̄y-ki ratxireri tas̄y tule debōnadimy ratximyh̄y kia tiersynadile ratxireri. ¹⁸⁻¹⁹ Kia ȳju aōma heōty kia loo-di ratxireri tahe dyryde heka tiersynadile tamy rehemynykemy. Tiersynadile biorobeke idi atxibeke. Ibutumyhe bede bede kia biorobeke. Ceifale dori biorobeke. Rubumy dori r̄yire hitxid̄ȳna-ō. Iribi tahe reare. Tiō tiō idi reamy tahyna-ò rabutumy reare kia Deuxu ykarana-ò. ²⁰ Tai tahe bederatyhe risorunyrenyire hāwā-ribi hitximy. Sōwemy hālubu rōhōnyre. Kia urihixina heka sohoji metro weere heka rare. Irehere heka bero wese 300 quilometros irehemy. Awaruloymy heka rabeheōmy roire ibero.

15

¹ Ijō aōna aōnamy rabire biu-ki ihewo-ribi riteōsinyreri. Debō inatxi reurōmy ȳjumy heka rimyra kaa aōmys̄d̄ȳna. Kidiwydenykre heka debō inatxi reurō aōhōk̄ymy d̄ȳnanamy. Idi tahe Deuxu ykaranamy rexikonanamyhe roikre.

² Iribi tahe bero nihik̄ymy rabire wako-txi aōma heōty wese, womati t̄yr̄r̄y wese. Sōwemy heka inymy rabire kia sutyre-ki nyidemy bero iōhōmy. Ibutumy heka aōni debure deburehek̄y kia rubu-ribi ritamy nyide. Iu heka aōni tai roiōhykyre heka, aritid̄ȳna roiōhykyre heka. Tahe aōma aōniny rahānanyrenymy ratximyh̄yire iritxoomy tule violaō oworuwod̄k̄yhe tai r̄yire, Deuxu rawiunyrenyreri riryryreri. ³ Moisesi Inynyr̄y deōdu wiu riryryreri. Tule Budoeni Riōre wiu riryryrenyreri. Kiamy heka rare: —Oi Deuxu, Kai heka aruru-di tate. Aōni tewinymahāte. Ibutu tarasana tewinymahāte. Ibutu heka ary ōbiti rare. Awi heka rare. Kai heka ibutu iōlō tate. ⁴ Iōlōhyky tanamahāte. Tiiemy heka rityhynymy hyky hyky tanamahāte Inynyr̄ybohomy. Wowydyna heka adee riwahinymahāke. Kai sohojile heka ōbitityhymy atximahāte. Ibutu bede bede ludu heka anatyhynykremy kedeade kedeakre. Ibutumy aōbo tewinyte. Ibutumy bede ōbitid̄ȳnymahāte heka rieryre.

⁵ Kia bedeō heka Deuxu hetomy roimyh̄yire ierykōnamy roimyh̄yire. Iwōte ierykōna. Tii heka riranyrenyire heka kia bede. ⁶ Kia debō inatxi reurō kia ȳjuhe rōhōnyre Deuxu heto-ribi. Diwydehe debō inatxi reurō aōhōk̄ymy d̄ȳnana. Aōma itykyrenyire, linho urahak̄y itykyrenyire. Irawo-di ibreti wereysanamy tahe womati t̄yr̄r̄yh̄k̄y reare. ⁷ Sohoji

aõniõ aõma Deuxu ykarana hyna sohoji sohoji-ò tamy diwahinyde. ⁸Deuxu hetowo heka aõma wàdàhàkÿlemy reare. Loosõna dori iruru dori sõwemy rÿimyhÿ. Tai heka urile roosòhòkÿmy ratÿrÿrÿhÿkÿmy. Inyõ heka iròteõna. Debò inatxi reurò ÿjumy. Kia ritxiwimy rexihudile tahe iny ralòke.

16

¹Deuxu hetowo-ribi ijõmy raholare rybetereõ-ò. Rarybereri ÿju mahãdu-ò: Boibenyke hewa abede-ò. Debò inatxi reurò hyna bitxi-wibenyke kia Deuxu ykarana hynamy. Tahe ÿjumy dòhònymy deade tahyna-di ditxiwide bede-ò.

²Iribi tahe rexidelenymy reare aõma juhoo ÿju ihyna ritxiwire bede-ò. ÿju binahakÿmy ròhònyre ibutu inymyhe robÿtÿmy reare. Kia aõma aõni kia ritina iòru-ki rÿirele kÿnyhe tuu rÿximy. Tule suritxoo rity-hynymyhÿrele kia mahãdule heka yjy yjy ròhònyre.

³Tahe ihewoludu heka tahyna-di dòhònymy deade. Betyre ritxiwire. Bee hãlubu hukÿlemy reare. Ibutumy bera-ki raremyhÿre ituere.

⁴Juhu ludu hewoludu tahe ritxiwire berohokÿ tyre heka ritxiwire. Bee ibutumy bewydysyna rihòrònyre. Ibutumy hãlubu hukÿlemy relere.

⁵Tahe ÿju rybe raholare aõhebo bera-ki rotÿÿnyrerìò: —Kai Deuxu, Kai awi Tate. Kai òbiti Tate. Tuhy ahãte ihãre tahe tuhy ahãte. ⁶Rybe tÿnydÿÿdu mahãdu heka ituere, rurure. Deuxu ijoi hãlubu ritxiwire suò. Katahe rubudÿÿdu kaihe iòwydÿÿdukre. Hãlubu tetxiwiteriki tule iòwydÿÿdukre. ⁷Tahe raholare ijõ ÿju rarybereri-ò, Xiwena-ribi heka ròhònymy: —Kia InyDeuxu heka ibutumy ruru dire. Ibutumy tewinyte òbitimy awimy.

⁸Tahe ihewotyhy konana ludu tahe ritxiwire hyna txutyre-ki. Tahe txuu ratòteenyre itòtee nihikÿmy relere. Sõwemy heka iny risòre bedetòtee.

⁹Tai tahe rirajuamyhÿre Deuxu nibinahakÿmy rirajuarerimy ihÿre Deuxu dori diteònyde heka bededÿÿnana binahakÿ. Tahe inyõ heka tõihti rawitxiranyõhyre iraykywydyna. Kiamy ixiwesehyy ròhòtinyrenyde. Kia iny heka aõhe rotÿÿnyõhyre wowydyna loosõnabo.

¹⁰Iwitxira ÿju tahe aõma ritxiwire tahyna aõni ryna tyre. Kia heka aõni beludu rare. Tarynana tyre ronymyhÿ. Tahe ibutu irynanareny torohokÿlemy reare. Ibutu iòlòna torohokÿlemy reare. Tahe tòròtò-ki ruruare taaõhÿkÿhÿkÿnareny-di. ¹¹Tiiboho heka Deuxu nibinahakÿmy ryryre webinadumy roireki taaõhÿkÿhÿkÿnareny-di. Timy heka rexi-nohòtilosanyõhymyhÿre aõbina binahakÿ riwinymy roiremyhÿ-ribi.

¹²Tahe iwitxira ÿju tahyna ditxiwide. Eufratesi berohokÿ tyre ritxi-wire. Tahe ibutumy heka ruÿre. Oriente iòlò mahãdu dee tahe ryy kia riraynyre. ¹³Tuu rabire heka inataõ tyytyby binahakÿ. Rexitykynyre òrò tykyhykÿ wese rexitykynyre. Aõni heka hemylala aõni inire tahe iry-ribi rexiòlòdÿÿnyrenyde. Tule aõnibina witxirary-ribi, tule aõni rybedubina-ribi. ¹⁴Iribi heka aõni bina tyytyby kia tyytyby ibutumy heka bede dinodu iòlò ributunyre. Raaõbinanykemy heka dirahude Deuxu kia mahãdu-ò. Deuxu ihitxidÿÿnatxumy rÿikemy heka anade tii dori ibutu ratyre aõna aõna-ki. ¹⁵Kristu rarybere: —Tahe boholabenyke. Aõwesele heka anakre. Wasidu wesemy heka adehemynymy adeakre. Ibutumy iny wararòsòdu mahãdu teysamy rÿikre. Atyky heka biy-winymahãbenyke tai timyki maixÿrubenyõtyhy adehemynykreu. ¹⁶Kristu

rarybere: —Ibutumy heka widotyde aõbinakedu Mikidu hãwã-ki wahe. Hebreu rybe-ki tahe Armagedom inire.

¹⁷ Tai tahe ikonanatyhy ýju tahyna ritxiwire yhykile. Tahe raholare biumytxihiký raholare Deuxusý-ki. Deuxu rynana-ribi dõhõnyde: —Ibutumyhe rakananamy roire. ¹⁸ Tahe biumytxihikýle ibutumy rawodýnyre. Tule biu relaanyra. Biu ramytataõmyhýre idi tahe ramytatare. Tii heka lahityhy rare. ¹⁹ Tai tahe Babilonia hãwã rabõhõre inataõ jura juramyhýmy. Ibutumy hãwã nihiký-ribi hetohoký rejuxunyre. Tai tahe kia Babilonia kia òraru-txi tahe Deuxu tõhõti reare. Tai tahe aõhõkýmy risýnymyhý ibutumy aõbede binahaký tamy riwahinyre. ²⁰ Bedebute ibutumy rexiwore. Iribi tahe hãwãlò tytyhykýlemy reare bedero wesehekýle. ²¹ Idi inytyre resemyhýre bera ere erewesele resererimy ihýre. Ijõ iutxie tahe 40 quilo bede heka iutxie rare. Kia tahe iny sumy rýire nibinahakýmy Deuxumy rarybemy.

17

¹ Tahe ýju monahyna-ki wadee rybemy nade: —Adee aritýnynykre aõbo Hãwã Bero sõwe aõhebo rotýnykre heka. Kia hãwã adee ariteõsinykre timybo rare. Wedena wese aõhõkýmy rotýnykremy. Deuxu heka aõhõkýmy dýnyana riwahinyke kia hãwã-ò. ² Bede iòlò dinodu tamyhe iòraruna tamy rexiòrarunyre. Tule iny bedemy rýira mahãdu ralòre tamy òtaõtamy. ³ Tai ta kia ýju tamy riwadyre bederahy-ò. Deuxu Tyytyby wadee dobehede? (Riwatyytamy watyytyby heka ridyre). Tai tahe tuu rabire heka hãwyymy aõma iròdutyre-ki ronyrerimy. Iròdu heka isòhòkýlemy roire. Debò inatxi reurò irati rýire, tahe iò debò ituemy sõwe. Iritina heka aõkõre rarýnymyhýre. Deuxudee heka aõbina binahakýlemy tai iritidýna rýimyhýre. ⁴ Hãwy heka isòhòký ityky rare, iwihiký rare. Ityky tyre heka womati týtýhýký roire. Mana rýsý wiwihiký, woumana-wana. Bemona debò-ki idi rare. Iwo-ki tahe bemonawo-ki tahe aõna bina nibina tai roire. ⁵ Tai tasý iòru-ki tule rýire iniõ. Aõbo rare tahe iny rieryõtyhy. Babilonia Nihiký rare. Ibutu wedenase tii rare. Ibutu inybinase tii rare. Kia luunadu ibutumy bede bede-ki. ⁶ Iribi tahe rabire hãwy ixityre. Tii iny hãlubu riõre. Ityhydýdu mahãdu hãlubu-di rexiòdewàrinymy heka rare. Tiiboho rurure, õbitimy Jesusimy rityhynyreki wahe. Kia hãwyymy tahe rabireu, rexiòtiidýnyre. ⁷ Tai tahe ýju wadee rarybera: —Aõherekibo bede teõtiniymy týtite. Adee arelyykre aõbo rare —kia hãwy iròdu-wana, aritýnynykre tiiboho aõbo raré. ⁸ Iròdu tuu tabita, irumy rare tahe rurukre ele elemy. Tii hãlooreheheký-ribi kòdòhõnykre. Iribi tahe rexihukre. Tii rurure idi ixiby dòõsede. Bede iny mahãdu bede riòtiinykre idi heka iròdu debure binamy robirenykreu, bede riòtiinykre idi. Tiiboho dori ini ihoõre iru tyyritiwo-ki. Tai tahe iròdu deburebina lau ruberure. Iròdu dori ihetxiu irumy rare tahe wiji aõkõre. Idi tii irumy kanankre ixybyle. ⁹ Kia ibutumy adee aritýnynykre: Debò inataõ rati tahe iròdule rare. Kia hãwy ityre ronyre kia hãwãlò wesere. Iròdu rati tule iòlò mahãduõ rare, debò inatxi reurò sõwe. ¹⁰ Iruyre iòlòõ tahe reserenyre. Sohoji iòlò tahe ratximyhýre. Ihewotyhy ikonanaludu tahe, kanakre wijina. Tai ibededýnyana iòhòlere. ¹¹ Iòlò debòinataõ ludu tahe iròdu rare —kia irumy juhuu rare tahe wiji rurumy rare wahe —tii juhuu iòlò mahãduõ rare. Tii tule ituekre. ¹² Debò itue õmy tuu tabitamy wahe tule iòlò mahãdu rare. Tiiboho kanakre iòlòwesemy. Iròdu-wana

tiiboho hāwā wedumy ronyrenykre iròdu aōni-wana sohoji horamy. Tii tyytyby bina rare. ¹³ Tyyritiō riwinykre idi tahe ibutumy ruruna iròdu bina-ò riwahinykre. ¹⁴ Raaōbinanyrenykremy heka Budoeni Riòre-wana. Tahe Budoeni Riòre aōbina-ki haŷnadukre. Tahe ŷju wadee rarybere: — Tii dori butu iòlò, ibutu iòlòna ratximyhŷre. Ibutu inynyrŷ ratximyhŷre. Ijoi heka kia ywimy tii-wana roire itarasaō-ki. Kia rityhynykremy rŷirerimy ihŷre. ¹⁵ Tahe kia ahohokŷ, berohokŷ tai kia hāwyy ronymyhŷré. Tiiboho iny rare ibutu rybe-ribi, bede-ribi wahe. ¹⁶ Debòwiò òmy tuu tabita iròdu-wana heka hāwyy derarenyre. Tii irurawonykre. Tii heka heòty-ò risòmy, riròrenykre wiò wiò. Ityky iribi ritara idi. ¹⁷ Ibutumy inywese rare. Bede bede iny ibutumy rybe òta òta rarybemyhŷre. Tahe Deuxu heka riwahinyre aōbo ixideewimy riwinykre. Tai tahe aōwaxiny aō tamywi heka riwinykre. Tai tahe ibutumy iròdu sòhòkŷ taru riwahinykre, Deuxu Rybemyna bede rŷidi. ¹⁸ Hāwāhākŷ nihikŷ tabite heka wedena wesemy roire. Kia Hāwāhākŷ heka ibutu wedu iòlò rare.

18

¹ Tai tahe ijōmy rabire ŷjummy rabire biu-ribi ròhònyreri. Tii sōwemy iruru rare. Tii sōwemy iloosòna rare. Ibutumy bede ritoosònyre. ²⁻³ Ta ryyre tarurumy tii ryyre: —Babilonia nihikŷ resera! Resera! Katahe aōma wedumy, bede bede iòlò heka tii-wana òta riwinyre. Ibutu iny-ò tamona riwahinyre iòtaòta boho boho. Nawii wixira wixira ibinahakŷ tai rasŷnymyhŷre, tyytybybina-wana. Ijohodu mahādu idi nieru sōwemy ributumy. Idi rexityhynyre.

⁴ Iribi tahe raholare ixityre rybeō biu-ribi rarerí. Manake hewa, Bòdòhònyke wa kia hāwyy-ribi. Kai heka wajoi toite. Tii-wana bexiòrarunybenykemy aōkō! Bexiòrarunybenykeki tii-wana, tai tii-wana aōhòkŷmy botŷŷnykre. ⁵ Tii heka iòraru sōwe nihikŷmy ratximyhŷre. Deuxu heka aōhòkŷmy dŷŷnana tamy riywinymy ratximyhŷre iòraru-ki. ⁶ Biwinymyhŷre heka iwese tii riwinymyhŷre wese. Aō ibinamy ibinatyhymy tamy relekre. ⁷ Aō ibinamy ròhònyke inatxi bededŷŷnanamy tamy ròhònykre. Ibutumy aōbo tamywimy idi raremyhŷ heka riwinymyhŷ ixideewimy. Katahe iwese aōhòkŷmy rotŷŷnykre tahe rabadewokre. Hāwyy tahe ixidee rarybere: —Jikarŷ ikòlò rare. Wytese anok jikarŷ rare. Tiku heka rabadewokòtyhy anohòkŷmy ratykŷnykòtyhy. ⁸ Tai taheka aōwesele heka tamy bedetiidŷŷdu kedehemynymy bedeakre: rubu, aōdese, rama uritereribile tamy kedehemynykre. Heòty ibutumy ritoonykre. Deuxu urihixina-di dehudu ratximyhŷre. Tii ruru-di ratximyhŷre. ⁹ Kia bede dinodu mahādu rahinykre itòdenamy. Tii-wana dori òta òta riwinyrenya. Tiiboho robikre wadà iribi ròhònyreriò wahe. ¹⁰ Irehemy iribi rŷire. Ruberureri iaōhòkŷmy dŷŷnana lau. Tahe raryberenyre: —Babilonia hāwā, kai hāwā nihikŷ rare. Tahe wiji ituera atximahāte. Kobelàhàxe. ¹¹ Ibutumy aōna-ribi ijohodu rahinykre itòdenamy. Inyō dorihe iaō tamy riwydyōmy tamy ijohonamy aōkō. ¹² Juhuu heka raaōbradŷŷmy aōma iny mahādu ratyre. Womati tŷrŷrŷ riòbranyōre. Tule woumana riwyrerimy ihŷre juhuu. Tykysìwihikŷ wixira wixira heka riwyrerimy ihŷre. Tule òwòrulŷnyre, iròdu nohōmy riwinyrerimy ihŷre. Bede ritxoo ibutumy aōna iðwyhykŷre. Womati òta òta wiwihikŷ riwyrerimy ihŷre. ¹³ Aōma rŷŷna uri wiwihikŷ tule aderòna wiwihikŷ, tule vŷi riwyre, paō widŷŷna, adŷŷ-wana riwyrerimy ihŷre. Tule maixòmo, broreni, budoeni, awaru,

tewe, ityti heòty, tule iny deòdu iòwydimy. ¹⁴ Tahe ijohodu mahādu rarybere hāwā-ò: —Ibutumy aōna aōna wiwihikỹ ituera, kia kaiboho riwyrerimy ihỹre. Tiu ixityre aōna aōna riwyòtyhy, ixāwira. ¹⁵ Tahe aōna-di ijohodu mahādu rabadewokre, rahinykre tiiboho dori iòraru-ki raityhynyrenyre. Irehe-ribi retehere. Ruberunyre. Ryryreri: ¹⁶ —Kobelàhàxe hāwā wihikỹ. Ibutumy atyksò ituera, awomati wiwihikỹ ituera, woumana, manawiwihikỹ ibutumy ixāwire. ¹⁷ Sohoji òraule ibutumy iaōna aōna ixāwira. Ibutumy hāwòhòkỹ dinodu urile, iwiòhenadỹỹdu mahādu tule suludu mahādu retehereri irehe-ribi. Tii dori nieru ritamyhỹre iaōna-di. ¹⁸ Iu hāwā wādāsiny robirenyreu tahe, ryryre: —Kia hāwā wihikỹ rare. Ijò hāwā iwese ihoòhyyre. ¹⁹ Tahe brybysi ityreneny rehurerimy ihỹre. Rahinyreri, ryryreri: —Bobrekỹ, bobrekỹ hāwā wihikỹ. Aōwesele heka ixāwira. Ibutumy ityhy mahādu, iaōna rexihura. ²⁰ Tahe kaiboho beysabenyke biu ludu mahādu. Hāwā nihikỹ dori ituera. Deuxu hòrò mahādu, Deuxu deòdỹỹna mahādu, Deuxu dee rybedu mahādu ibutumy beysabenyke. Deuxu dori iaòhòkỹmy dỹỹnana tamy riwahinyre aòrauru-ki.

²¹ Tahe ýju nihikỹ heka manaò rimyre, mana nihikỹò, iwese maixòmosyna mana wese wahe. Idi rehure ahobero-ki rehure. Tahe ryryre: Kiawese heka Babilonia hāwā-di arehukemy watxireri waruru-di. Ixāwikre. ²² Tahe wiu wodỹỹ kia hāwā-ki roholaòtyhyke, harpa wodỹỹ aòkò, flauta wodỹỹ aòkò, juròna wodỹỹ aòkò. Aaòmysỹdỹỹdu aòkò kia hāwā-ki raaòmysỹdỹỹòtyhy. Mai rỹỹna, manasyna iny heka iwodỹỹ roholaòtyhy. ²³ Loosòna ay-ki ritoosònyòtyhy. Herina mahādu rybe ay-ki iny roholaòtyhy. Iaōna ijohodu mahādu ibutu hāwā-ribi ityhy rare. Tule ibutumy iny riitxenanyre aòtaòta-di, bede bede iny wahe. ²⁴ Babilonia hāwā heka aòhòkỹmy dỹỹnana rotỹỹnyre. Deuxu rybedu mahādu hālubu dori kai tetata tule Deuxu hòrò mahādu. Rirubunyre mahādu wahe.

19

¹ Iribi tahe ijoi nihikỹmy roholare. Ryrymy heka rỹimyhỹ sòwemy iny rỹimyhỹ biu-ki. Deuxu deysanamy heka ryryreri: —Wowydyna Inynyrỹ-ò. Tarasana dori inyDeuxu-ribi rare. Wowydyna, ruruna ibutumy ihòròle rare. Aòbo tii riwinyré, òbiti rare. ² Aòhòkỹmy dỹỹnana òbiti rare. Aòhòkỹmy rotỹỹnyre heka kia aderana-ki heka rare. Tii aòhòkỹmy dỹỹnana ritare. Bede iny heka riòrarudỹỹnyre. Tahe Deuxu riòwynyre teòdu rubudỹỹna heka riòwynyre. ³ Ixityre ijoi ryrynyre, rawiunyre: —Wowydyna Inynyrỹ-ò. Wādà raòwònyreri tai rawòsi-ribi. Ihyemy raòwònykre, hāwā nihikỹ-ribi wahe. ⁴ Tahe ibutumy rejuxunyre Deuxu luukemy. Wawiò inaubiòwa matuari rare. Tule inaubiòwa aòni rare. Deuxu tahe rynana nihikỹ-ki ronyre. Tamy rirajuare: —Kia, Kia, wowydyna deysana Deuxu-ò. ⁵ Iribi heka ròhònyre Deuxu rynana nihikỹ-ribi heka rybeunimy ròhònyre: —Biwowydynybenyke Deuxu-ò ibutumy deòdu mahādu, ibutumy iny rityhynymyhỹre mahādu, iyja ta nihikỹ-wana. ⁶ Tahe ixityre ijoi-ò roholare. Ryrymy rỹimyhỹre. Tahe benihikỹlesetere wese heka iwodỹỹ rỹireri, biumytxi wesehekỹle heka iwodỹỹ rỹireri: —Wowydyna Inynyrỹ-ò biwahinyke. Tii iruru dire. Tii heka iòlò rare. ⁷ Ibutumy iny rekeysarenye. Tamy wowydyna rikiwahinyrenykre. Tii dori inihikỹre. Iòhòra dori kia Budoeni Riòre

kia hāwyyemy herina kia bededŷŷnana-ò. Worana bedehesi kŷnyikre. Ihāwyy heka rexiywinymy ratxireri. ⁸ Tyyurahakŷle-di rexiyyinykre. Awityhymy ity doimyhŷde wahe. Deuxu dee awihikŷ widŷŷna wese heka kia ratxireri. ⁹ Kiamy heka ŷju wadee rarybere: —Kia biritinyke. Ibutumy lobidŷŷna mahādu reysamy ratxireri. ŷju wadee rarybere ijò: —Kia heka Deuxule tuu rarybere. Inatyhy rare! ¹⁰ Tahe jiarŷ resere ŷjuko-txi ariwowydinykemy. Tahe tii wadee rarybere: —Kia widŷŷomyke hewa. Jiarŷ tule Deuxu deòdule heka jiarŷ rare, awesele wahe. Aityhydŷŷdu seriòre tule awesele rare. Rarybemyhŷre dori Jesuisi tyhydŷŷnamy. Deuxule biwowydinyke! Ibutumy Jesuisi relyyre heka tuu rybedu mahādu ritŷnynyre.

¹¹ Iribi tahe tuu rabire awaruurahakŷò biuwetyky-ki. Inyò ityre-ki ronymyhŷ. Ini heka Òbiti rare, Inatyhy rare. Tii heka aòbinanymyhŷle rare. ¹² Irue heka heòty wesele rare. Irati heka sòwemy raheto rŷire. Iò-ribi heka nii roire, ini wahe. Urile inyò rieryòtyhy mobo ini rare, tyyriti wixira dori tiile heka rierye. ¹³ Ihety heka hālubuhukŷle-di ityre rare. Deuxu Rybe heka inire, hābu wahe. ¹⁴ Sòwemy iny heka awarutyre-ki rŷire, biu-ribi dòidenyde Deuxu Rybe hewomy, soldado wese wahe. Iny ibutumy ityura-di rexiyyinyre, ityatyhy wahe. ¹⁵ Tii heka mayrehe rabuhukŷle iry-ribi ròhònyrerimy ihŷre. Idi tii heka iny rirubunykemy ibutu bede bede-ò. Iribi tahe tii ròhònyre iòlòtyhy tii rare. Aòhòkŷmy dŷŷnana tamy riwahinyre, ibinatyhymy heka riwahinyre, Deuxu iwona, Deuxu ruruwedu wahe. ¹⁶ Ihety-ki heka iti-ki rŷire iniò: Iòlò iòlò wedu tii rare, ibutu wedu wahe.

¹⁷ Iribi tahe ŷjumy rabire, txu-ki rŷire. Nawii ibutu-ò ryrymyhŷ: —Bòdòibedenyke heka, Deuxu worana bedehesina-ò bòdòike rŷŷna birŷŷbenykemy. ¹⁸ Aòmade biròbenyke, iòlòde, soldadu wedude, iawarude, ibutumy inyde biròbenyke, ixihy mahādu, deòdu mahādu, nihikŷ iyja-wana.

¹⁹ Iribi heka tuu rabire aòni binahakŷ, iòlò mahādu, tasoldado mahādu wana. Wii ributunyre aòbinamy. Awaru tyre-ki ronyrerimy kia mahādu-wana tiiboho raaòbinanykremy. ²⁰ Tahe aòni bina rimyrenyre, rybedu bina-wana. Teròwmy tii aòna aòna wixirawi riwinyre. Iribi ridyrenyre heka heòtyaho-txi idi rehurenkykremy, enxofre-di riworonyre wahe. ²¹ Ibutumy isoldado heka ituemy rŷimyhŷre rurumy. Mayrehe-di rurumyhŷre, kia awaru ura tyre-ki ratxireri kia ryribi ròhònyreri kia-di rurure. Tahe rararesa deadeade ide riròkremy.

20

¹ Iribi tahe ŷju nademy biu-ribi. Irayna heka debò-ki idi rŷire. Hāloonihikŷ rayna wahe. Tule womati rerotihikŷle iruty-ki roire. ² Kia aòni rimyre, Diabo wahe, Satanasi wahe. Inyò tule hemylala raninire. Tahe 1000 beòra riekre ritaataare womati reroti-di. ³ Idi heka rehure hāloo nihikŷ-ò tahe riratòbònyre, rirarytxynyre. Tai tahe tii riitxenanyòtyhy bede bede iny. Kia 1000 beòramy bede reakreule, tahe rexi-humy iròtena. Urihimyò bededŷŷnana bede riijekre, ixihyyle tai ixbyyle ròbòdŷŷkre.

⁴ Iribi tahe rynana sòwemy rabire. Iny ityre ronyreri mahādu ywisiðŷŷdu mahādu heka rare. Iribi heka tuu rabire Jesuisi dee rurure

mahādu. Inatyhyna rybe t̄nyd̄ȳȳ òraru-ki heka rurure. Aõni rityhynyõre, iritxoo rityhynyõre, iritina òraru iòru-ki ritidiõt̄yhy, deboreny-ki ritidiõt̄yhy. Rubu-ribi tiiboho rexixarenyre. Kristu-wana ratxireri 1000 beòramy. ⁵ Kia heka juhuludu ixixana heka rare. Ijõ rubu mahādu heka wiji rexixaõkre. Tahe 1000 beòramy reareu, tahe rexixarenykre. ⁶ Juhuludu ixixana mahādu heka reysatyhymy rarekre. Ixyby rubunamy heka ruruõkre, inatxina rubunamy wahe. Deuxu dee, Kristu dee heka tiiboho Xiwena wahid̄ȳȳd̄umy roirekre. Tii-wana 1000 beòramy riwyrenykre, iòlò mahādu wesemy heka ratxirenykre.

⁷ Kia 1000 beòra reareu heka Satanasi ixihyymy ròhònykre bede-ki. ⁸ Tii itxenad̄ȳȳd̄umy ròhònykre ibutu iny riitxenanykremy. Kia Kòke bede, tule Makòke bede rare. Satanasi heka sòwemy iny ributunykre raaòbinanykremy. Tiiboho sòwemy ih̄yre ÿnyra sòwe wese. ⁹ Tiiboho tahe ibutu bede-ò rariarenykre ityhyd̄ȳȳdu hāwā rirurawonyrenykre kia Deuxu hāwā Deuxudeewi wahe. Idi heòty biu-ribi isòrenymy desede. Idi wewòsimy rururenyre, Deuxu iny mahādu òludu wahe. ¹⁰ Tahe diabo iitxenad̄ȳȳd̄ureny heka Deuxu rehure heòty aho-ò. Tai aõnibina, ruimy rybedu-wana juhu delemy tamy reserenykre. Tai txumy rummy aò rot̄ȳnyrenyhyykre.

¹¹ Iribi tahe rynanaurahòk̄my rabire ityre r̄ydu-wana. Suu biu-wana iribi rexitare, titxibo iòrenykre. ¹² Tahe iny rubumy rabire, iny ibutumy iko-ki r̄yrenykre. Tyyriti rarayre. Ijõ tahe rarayre, irutyriti wahe. Tyyriti-ribi Deuxu iaõna aõna rierymy aõhebo ris̄nykre. ¹³ Ahohok̄y-ribi tahe rubu mahādu dòhònyde. Rubunahak̄y bede-ribi iludu mahādu dòhònyde. Idi iaõna aõnamyna Deuxu timybo rexinohòtinykremy idi rare. ¹⁴ Idi rubunahak̄y, rubuna-wana heòtyaho-txi idi adehu r̄yikre. Kia ixyby rubu rare. ¹⁵ Iru ityyriti-ki inyniò roiòkeki, tii tule heòtyaho-txi adehu r̄yikre.

21

¹ Idi biu t̄myra sut̄myramy rabire. Juhusu juhubi titxibo ikòrenykre, ahohok̄y tule. ² Deuxu hāwā wihik̄y t̄myra desemy nade biu-ribi. Iwese ijadòma t̄myrawesemy ramyh̄yre wese kia hāwā nade. Deuxu-ribi nade. ³ Tahe rybehek̄y biuryynana r̄ydu-ribi nade-ò roholare kiamy: —Kahe Deuxu s̄y heka akireny rare. Deuxu ikyreny-ki rarekre. Tii iwedurenykre. Tiiboho Deuxu dee roirekre. ⁴ Idi Deuxu irubereny risuhokre. Tai rubu, hii, ibru, txuberere ijõõkre. Bede tyby dori rexihura. ⁵ Idi rynana-ki r̄ydu narybede: —Wiji it̄myramy ibutumy aõna aõna ariwinykre. Wade tule narybede: —Kia bityyritinyke. Kaa rybe dori rybetyhy rare, ibutumy iny ratyhykremy. ⁶ Kia ixyby narybede: —Ibutumy relera. Jiar̄y dori AA rare YY rare Juhuludu rare ikonanaludu rare. Inyõ bemomo risakeki, tamy iòwykòlemy ariõkre, beòlònaberu-ribi wahe. ⁷ Inyõ tarasadu heka ibutumy waribi rimykre. Jiar̄y iDeuxukre. Tii wariòrekre. ⁸ Idi kamahādu heòty aõho enxofre-ò rekoarenykre kamahādu wahe: —Iny brebu, watyhyd̄ȳȳkòdu, òrarudu, maleerudu mahādu, òta òta mahādu, iny rubud̄ȳȳdu mahādu, h̄ari mahādu, ritxoo tyhyd̄ȳȳdu, ruidu mahādu. Kaboho rubunatyhy-ò rururenykre. Kia tahe inatxina rubuna rare.

⁹ Tahe ÿjuò wadee nade, debò inatxi reurò mahādu-ò. Tii hyna-di ryireri. Hynawo-ki tahe aõna aõnabina debò inatxi mahādu-di. Kiamy narybede: —Mana ini, Budoeni hāwyw ini adee ariteòsinykre, hāwyw

wese wahe. ¹⁰ Deuxu Tyytybytyhy wamy reare. Ýju tahe riwadyre hãwãlònora-ò. Jerusalë hãwã tÿmyra awityhy wadee riteòsinyre. Tii biu-ribi desemy nade. ¹¹ Deuxu loosòna-di yla aòkò. Tii tahe manawihikÿ wese rarÿÿnymyhÿre. Jaspe wese, womati wese mana wihikÿ wese rare. ¹² Tii ijòtòbòna irariere, waðinatxi reuròmÿ ijòtòbòna, iitxedu ýju tule. Ijò-ki tahe waðinatxi reuròmÿ Judeusÿ mahãduni wahe. ¹³ Inataò ijòtòbòna sòwe, iraro-ò, ibòò, biura-ò, beà-ò. ¹⁴ Hãwã rurawona tahe waðinatxi reurò mana tyre-ki rÿimyhÿ. Mana sohoji sohoji-ki budoeni deòdu mahãduni rÿire. ¹⁵ Ýju wadee rybedu tebò-ki womati tÿrÿrÿhÿkÿ deòho-di nade idi hãwã, hãwã ijò, hãwã rurawona iurihinamy. ¹⁶ Hãwã tahe iurihina wiwesele rare. Tahe 2.200 iurihixina rimyre teòho-di tuu riwinyre. ¹⁷ Rurawona raru tahe ýju taurihixinamy riurihixinanyre idi 64my rimyre. ¹⁸ Rurawona tahe jaspe mana-di relere. Hãwã tahe womati tÿrÿrÿhÿkÿ-di relere. ¹⁹ Rurawo òraru heka mana wihikÿ-di juhumana heka jaspe rare. Inatxina safira rare. Inataòna, agata rare. Inaubiò-wana esmeralda rare. ²⁰ Iruyrena sardonio rare. Debò sohoji reuròna sardio rare. Debò inatxi reuròna trisolito rare. Debò inataò reuròna berilo rare. Debò inaubiò-wana topazio debò ituena crisoprozo rare. Wasohoji reuròna jasinto rare. Wainatxi reuròna ametista rare. ²¹ Woumanahakÿ sohoji-di heka ijò sohoji sohoji relera, 12my ijò wahe. Ryy heka womati tÿrÿrÿhÿkÿhyky-di relera. ²² Tohodÿÿna heto tahe ihoòhyre. Deuxule dori tuu rare, Budoeni-wana. Tai ihoòre. ²³ Txuu ahãdu-wana tai ijòòre Deuxu loosòna, budoeni loosòna dori itxuuxaranarenyre. ²⁴ Bede bede mahãdu iloosòna-di rÿikre. Bede bede mahãdu heka taaòna aòna wiwi-di tamy kidirahukre. ²⁵ Tahe ijò raratòbòòhykre, tai dori ruu ihoòhyre. ²⁶ Bede bede iòlò mahãdu heka wowydyna-di tamy kidirahukre. ²⁷ Inybina bina, iny òrarudu mahãdu tamy ralòòtyhy, ruidu mahãdu tule. Inyni heka Budoeni tyyriti irumy rÿimyhÿre mahãdu sohojile wahe.

22

¹ Idi ýju wadee riteòsinyre, iru wahidÿÿna berohokÿ. Ibelyramy Deuxu rynana, Budoeni rynana-ribi òlòdu wahe. ² Ryrohokÿ tya-di kaa bera namyhÿde iwýòwýò-ki iruwahidÿÿna bederarade rÿimyhÿ. Tii bederarade waò inatxi reuròmÿ raratynyre. Kia ta ahãdu ahãdu-di sohojile raratynyre. Otxirarade tahe bede bede mahãdu deytana rare. ³ Kia hãwã-ki ihetxi txuhòbina tai ijòòkre, Deuxu aò ritxuhònyòra tai. Deuxu ryanahakÿ itya-ki rÿikre. Kia teòdu mahãdu riwowydynykre. ⁴ Tiiboho iòsÿnymy robikre inireny iòru-ki rÿikre. ⁵ Tai ruu ijòòkre. Tai txuloosòna ijòòkre. Deuxu dori itxurenykre. Tiiboho tai ihyymy rÿikre iwese iòlò mahãduò.

⁶⁻⁷ Kia tahe ýju wadee rarybere: —Kaa rybe tahe inatyhy rybe rare. Bityhnybenyke. Jesuisi rarybere: —Analekre heka tule ademynylekre heka. Deuxu heka taýju deòdu adee kanarybekre. Kaha heka wylemy ibededÿÿnana kedekre. Deuxu rarybehyy ratximyhÿre tÿnydÿÿdu mahãdu-ò, aòhebo bede rotÿÿnymyhÿkremy roimyhÿré. Ibutumy kia tyhydÿÿdu mahãdu heka reysamy rÿikremy rÿira.

⁸ Jiarÿ tahe Joaò rare. Rabirahe, ibutumy kia raholare. Rabimy rexihurau tahe, jiarÿ watiowotimy resere ýjuko-txi. ⁹ Ixityre wadee rarybere: —Iwidÿÿòmy hewa, Jiarÿ heka Jesuisi deòdu tÿnydÿÿduòle jiarÿ

watxireri. Ibutumy Deuxu tyyriti ityhydÿÿdu biòwa jiarÿ rare. Deuxule bityhynyke.

¹⁰ Tahe ŷju ijòmy wadee rarybere: —Aòbo teritidÿÿnyteri ibutumy iny-ò rybe bitÿnynyke. Kia bededÿÿnana iòhòlemy ratxireri. ¹¹ Kia bededÿÿnana kedehemynykreu, aòbina bina widÿÿdu heka aòbinale riwinykre. Iny binabina heka, ibinamy rÿikre iu. Inywiwihikÿ tasÿ awimy rÿikre iu. Kia òbitimy rÿira tahe, awityhymy relekre, òbityhymy rÿira. ¹² Boholake warybe-ò, aòwesele heka anakre. Uriòno heka adiwymy wadi anawâhâde. Aòbo wadee aò riwinymyhÿre wahe iwese aòbo riwinymy raremyhÿwesemy heka araòwynykre. ¹³ Jiarÿ heka AA jiarÿ rare. YY tule jiarÿ rare. Tyyriti juhoo rare. Tyyriti konana rare. Jiarÿ heka juhuludu rare. Ihewoludu tule jiarÿ rare, ibutumy wahe. ¹⁴ Ibutumy tatytyramy rÿira —teysamy rÿira. Tiiemy teysahyyhy rare. Iru òwòru wahidÿÿna bederaty heka ritokre. Tule rarònyrenykre kia hâwâhâkÿ-ò. ¹⁵ Ibutumy òrarudu mahâdu tule òwòru widÿÿdu tahe irehemy Deuxu hâwâ-ribi nyimyhÿde. Tule iny rirubunymyhÿre mahâdu, tule suritxoo luunadu mahâdu, tule ibutumy ruidu mahâdu. Ibutumy irehemy hâwâhâkÿ-ribi roimyhÿre.

¹⁶ Jesuisi heka jiarÿ rare. Waÿju reteònyre adeereny kia aònaaòna bededÿÿnana relyykemy. Kaiboho heka dohodÿÿna heto mahâdu-ò relyyrenyke. Jiarÿ iòlò Davi juhu rare, tule Davi riokore rare. Biurasò taina Jiarÿ rare, loosòna rare.

¹⁷ Deuxu Tyytybytyhy rarybere: —Manake! Tule hâwyymy hâbumy heridu tule rarybere: —Manke! Ibutumy ijohodu tule marybeke: Jiarÿ, Juaò, tule rarybere: —Manake! Ibutumy iny bemy rurumyhÿre mahâdu tule manake irube biòke. Iòwy-di aòkò heka rare.

¹⁸ Jiarÿ, Juaò, rarybere ibutumy iny katyyriti rariamyhÿre mahâdu-ò. ¹⁹ Iny ributunyekiki aòmybo kaki ritydÿÿna roiré, Deuxu tamy bededÿÿna binahakÿò riwahinykre karitidÿÿna roireki. Inyò karitidÿÿna-ribi ritakeki, Deuxu òwòru runa ijuraò wahe heka iribi ritakre tule Hâwâhâkÿtyhy-ribi nadedi wahe. Tai rÿire tyyriti-ki.

²⁰ Tule aòmybo narybede inatyhymy tule rarybekre (Jesuisi wahe): —Analekre hewa idi. Araroorehenyòtyhy. Juaò, tule rarybere: —Kie, Manake Wanyrÿ Jesuisi.

²¹ Deuxu deysana, Inynyrÿ Jesuisi Kristu kia deysana ibutumy adee kanakremy watxiwahâre.